

Given to C. A. Knight

Oct. 16. 1834

J. K.

6th Nov 1912



Digitized by the Internet Archive
in 2009 with funding from
Research Library, The Getty Research Institute



I. PARS
ROMANAE VRBIS
TOPOGRAPHIAE
& Antiquitatum, Quâ succinctè
& breviter describuntur omnia
quæ tam publicè quam privatim
videntur anim-adversione digna.


IANO IACOBO BOISSARDO
Vesuntino
autore.

Tabula chorographica totius Italix.
Figuræ aliquot eleganter
in ære incisæ.

Artifice Theodoro de Bry Leod. sive
frâ, oïa foras recens edita.

L. M. D. XCVII.

Handwritten text, likely bleed-through from the reverse side of the page. The text is mirrored and appears to be a list or inventory of items, possibly related to a library or collection. The handwriting is cursive and somewhat faded.



DIONYSIVS
GOTHOFREDVS

I. C.

POSUIT.



QVOD H B H AEVITERNAE
SENECTVTEM SATVRNIAM
A DLS MANIBVS INVIDIA
SACRA OCCVLTAM
QVOESITAM DIV ET IREPERTAM
MVLTIS SAECVLIS
HERCVLEO LABORE
MANIBVS EORVM AVLSAM
IANVS BOISSARDVS
AEVITATIS ANTISTES
RELIGIOSISSIMVS RESTITVIT
OLLI IANO BOISSARDO
SATVRNIA SENECTVS
H B H AEVITERNA
DVLCISSIMI FOEDERIS
ET CONIVGII MEMORES
H B H N IN SENECTA
SENECTAM IN H B H
MERITISSIMVM PRAEMIVM
MEMORI DEDERE.

THEODORIDE BRY
LEODIENSIS.

*Ei quantum à primo miseri mutamur Adamo,
Ver illi aeternum risit, & alma quies.*

*At nunc cura homines facit irrequieta beatos,
Huc ratio, huc omnis vis subit ingenij.*

Scilicet ut corpusque animamque & cetera serues,

Res tibi cum curis perpetuata venit.

Parua sed ingentes formica laboris imago,

Exemplo hæc nobis dat documenta suo.

At mihi quando anima dabitur curare salutem,

Non me deficient quas colit orbis opes.

Quin ea Christicolæ nunc unica cura fatiget,

Qua Scythicum reprimant excutiantque iugum.

Tu Deus o mentem meliorem & sobria nostris

Pectora pro meritis ab graviora dabis.

Vt crudele queant procul euitare flagellum,

Teque redemptorem concelebrare Deum.

IN EFFIGIEM IANI IACOBI BOIS-
SARDI VESVNTINI, PETRVS LEPIDVS METEN-
fis, Regionum negotiorum summus Procurator apud Medio-
matrices, Virdunenses, & Tullianos.



Opes, qui vagus in scientiarum
Hortis expatiaris, vt Minervæ
Doctas ingenium excolas per artes;
Quem tu conspicias heic breui tabella

Expressum Bryii arte penicilli,
Ille est Sequanici ad Dubis fluentis
Boissardo genitus parente vates,
Phæbo & Castaliis Deis amatus.

Ille est qui facili stylo & colore
 Vrbes OEnotria, & situs locorum,
 Portus, vallæ, pharos, lacus, cauernas,
 Montes & fluuios scaturientes,
 Diuersosque habitus manu erudita
 Descripsit, statuasque, imaginesque,
 Et prisca monumenta cuncta sacra,
 Impensisque laboribusque magnis,
 Publicam vtilitatem vt adiuuaret,
 Solers edidit artifex, typisque
 AEuiteri operis Theodorici
 Libro hoc proposuit tibi intuenta.

Tu de re meritis bene has repende
 Grates, vt studium vtriusque vultu
 Sereno excipias, probesque. Virtus
 Illorum expetit vnicum hoc, nec vltra.

IN VETERIS AC NOVÆ
 VRBIS ROMANÆ TOPOGRA-
 phiam, descriptam à Iano Iacobo Boissardo Vesuntino.

Domitius Fainus Veronensis.

Æternam quisquis cecinit te, Roma, futuram,
 Ille habuit Clario pectora plena Deo.
 Non tamen hanc dixit posuit quam Romulus urbem,
 Qua nimis angustis finibus arcta fuit,
 Et quam tempus edax subuertit: Namque caduca
 Illa prius fuerat condita materia.
 Hanc intellexit, totum quæ sparsa per orbem
 Boissardi æternis viueret aucta libris.

IN EANDEM TOPO-
 GRAPHIAM,

Joannes Mylius Marpurgensis.

Magnificas meruit statuas, operosaque templa
 Phœbeius AEsculapius,
 Hippolytum quod equis excussum, animamque halantem
 Largo cruoris flumine

Restituit prisca docto medicamine vita,
 Animamque membris reddidit;
 Tu labefactata dum toto corpore Roma
 Annis cadauer obstitum
 Ad vitam reuocas cui non dentibus vnquam
 AEruginosi obnoxiam;
 Quas dignas laudes pro tali munere Roma
 Prodet futuris saculis?
 Scilicet illa tuum nomen super ætheris axem,
 Non immemor tui, feret.
 Quaque patet tellus vasto circumsona ponto
 Seri canent te Posterì.
 At tu non tituli decus aspiras, nec honoris
 Ambis caduci gloriam.
 Attamen inuitum te fama æterna sequetur
 Omnes per orbis angulos.
 Illustres noctu pronis in turribus ignes
 Lucere desinent prius,
 Quam tua se virtus occultet nomine cassa
 Silentij & nube obruat.
 O felix iterum, ô felix Mauortia Roma,
 Cui talis AEsculapius
 Contigit! efficit hic limoso è gurgite tractam
 Vita potiri munere.
 Dum circum astriferi voluetur machina mundi,
 Pingentque cælum sidera,
 Romule, concedes, si præripit hic tibi palmam
 Boissardus atque gloriam.
 Mœnia tu dederas saltu superanda volucris
 Remo, laboreque minimo.
 Romani imperij fines hic Solis ab ortu
 Cubile ad Hesperij vehit.


POMPONIVS RICIVS NO-
 LANVS, IN EANDEM.

Occiderat, longoque situ sædara iacebat
 Roma, atque obscuris condita erat tenebris.
 Hanc ita tu reddis prisco, Boissarde, decori,
 Maior vt antiquo restituatur honos.
 At tibi nec desunt merito tua pramia: namque vt
 Restauras Roma nomina; Roma tibi.

SYMBO-

IN EFFIGIEM THEODORI
DE BRY LEODIENSIS,
Præstantissimi.

IANVS IACOBVS BOISSARDVS.



Rictam hic effigiem, benigne Lector,
Spectandam tibi quam papyrus offert,
Ait se Theodori imaginem esse.
Huius ex Eburonibus parentes
Virtute & probitate per celebres
Deduxere genus, Leodioque.

Ille

Ille est Dædalo labore cuius
Iussu Palladis, annuente Phæbo
Tot toreumata publice videntur.
Ille est Cannibales, nouumque mundum
Subiectum Zephyris Notisque, pridem
Doctis cernere qui dedit tabellis.

Mausolea Bryax, Leoncharesque,
Scopas, Timotheusque, quatuor illi
Mirandi artifices manu magistra
Cælarunt. Ephesusque templum pinxit
Archiphron, Gressiphontis architecti
Opus sumptibus et labore clarum.
Auctor est Rhodij Chares Colossi.
Eburneum ossa Jovem, eminensque Olympus
Faciunt et Phidia undique absolutum.
Tot et tanta opera inuidens vetustas
Nobis abstulit, et situ sepulta
Lethes perpetuis tegit tenebris.
Nostri secula comparare priscis
Si audet posteritas, habebit illis
Quos conferre queat, paresque credat
Arte et ingenio. Inter hos supremo
Si non emineas loco, tamen tu
Nulli horum, Theodore, eris secundus.

AD ILLVM



AD ILLVSTRISSIMVM
POTENTISSIMVMQVE PRIN-
CIPEM IOANNEM COMITEM PA-

latinum Rheni , Ducem Bauariæ , Comitem in
Veldens & Sponheim, &c.

IANVS IACOBVS BOISSARDVS VESVNTINVS.



ANTVM in se habet efficacia præclara virtus & eruditio, vt in quocunque reperiatur, semper & ubiq, omnes homines habeat suæ dignitatis admiratores. Eos enim suspicimus maximisque efferimus laudibus, in quibus existimamus excellentes quasdam, & singulares perspicere animi dotes. Nihil amabilius est virtute, nihil quod magis alliciat homines ad diligendum. Quippe qui propter virtutem, probitatem, & doctrinam eos quos nunquam vidimus quodam modo diligimus, & eorum nomen laudibus & voluntate ad cælum usque extollimus. Quod si ea virtute præditi sint ij, qui stemmatum nobilitate, genere, natalibusque claris præstantiores reliquis habentur, radios tanti splendoris longe lateque duplicatos protendent, & magnificentioribus titulis dignitatem ornatiorem reddent. Hoc extra controuersiam est, (Princeps illustrissime) tuam Celsitudinem in tota Germania celebrem & venerandam haberi. Nam præter id quod ab antiquissima Palatinorum, & Bauaria familia ortum ducas, ex qua tot reges tot imperatores Europa nati sunt, id quoque accessit, quod à teneris annis studio bonarum literarum institutus sis, ac vergente iam in senium aetate, non desinis Iurisprudentia ac historiarum cognitioni indefinenter incumbere; & quicquid temporis vacuum restat à Reipublicæ gubernatione, id omne scientiæ rerum pulchrarum impendere, studiosorum conatus promouere, & ipsis quodammodo Musis tanquam Apollo, præsidere. Hæc causa est, cur apud omnes non solum tuæ nationis populos clarus audis, sed inter externos etiam

EPISTOLA

tui nominis gloria celeberrima perspicitur: quæ virtutis tuæ non contemnendum esse debet premium, tuæq; Celsitudini maximè congruum. Propter honestam gloriam præstantes viri, tam superioribus sæculis, quàm nostro tempore, tantos labores diurnos nocturnosq; domi militiaq; susceperunt: quod nunquam fecissent, si ejusdem finibus gloriam suam, quibus vitam, terminatum iri existimassent. Animus enim generosus nescio quo modo sese extollit, ut ad posteritatem prospiciat, quasi cum excesserit è vita, tum denique victurus sit. Et ut ait Tullius Philipp. 5. Si nihil animus præsentiret in posterum, & si quibus regionibus vita spatium circumscriptum est, eisdem omnes cogitationes terminaret suæ, nec tantis se laboribus frangeret, nec tot curis vigilisq; angeretur, ut famam protendat suam: qua quidem detracta, nihil est quod in hoc tam exiguo vitæ curriculo & tam brevi, tantis nos in laboribus exerceamus. Fama enim honesta vitæ brevitatem posteritatis memoria consolatur; quæ efficit ut absentes adsimus, mortui viuamus, & in ore omnium versemur. Probe itaq; tibi consultum esse cupis, dum ad tui generis celsitudinem nihil magis pertinere iudicas, quam studia bonarum scientiarum: quibus te admirabilem toti Germaniæ, imo Galliæ & Italiæ constituis, efficisque ut sub tuo dominatu floreant literæ, artesque liberales, Academiis & scholis in tua ditione magnifice erectis; ex quibus quotidie emergunt viri insignes doctrina & rerum cognitione, qui ad gubernacula rei publicæ videantur idonei, & ad promotionem commodorum patriæ: propter quam non solum Princeps magnus, sed etiam civis bonus nullum laborem, nullam sollicitudinem refugere debet. Nam omnia quæ à nobis geruntur, non ad nostram utilitatem, sed ad patriæ salutem referri debent. Nemo est tam ingratus, tam impius, tamq; nullius humanitatis, qui si patriæ merita resumere velit, non eam magis quam seipsum diligat: Et si contentio quædam, & comparatio fiat, quibus plurimum tribuendum sit officij, Principes boni sunt & sapientes, patria, & parentes; quorum beneficijs maxime obligati sumus. Cum igitur tantis virtutibus, tantis animi dotibus commenderis, non miraberis, illustrissime Princeps, si inter tot excellentes doctrina & eruditione viros, à quibus coleris, ego peregrinus me ingeram, locumq; assumam, in cuius statione constitutus tuum nomen cōmuni voluntate, deuotione, & ppenso studio quibus possum laudibus eueham & extollam; operamq; omnem moueam beneuolentiam tuam omni officio promoueri: in quam me insinuare alia ratione non potui commodius, quam meorum laborum & vigiliarum dedicatione: ex quibus olim aliquam apud tuam Celsitudinem gratiam retuli. Cum ante aliquot annos Roma viuerem (ut diuersos

DEDICATORIA.

diuerfos diuerſa iuuant, & trahit ſua quemque voluptas) collegi qua potui diligentia inſcriptiones antiquorum marmorum, quæ paſſim leguntur in ampliffima vrbe. In quarum perluftratione cū plurimum laboris, ac temporis impendiſſem, innotui Scholaſticis tam Gallis, quam Germanis, qui in celeberrimis Italiae Academiis literis operam dabant, quiq; ad inuiſendam urbem cateruatim Romam ſe quot annis conferebant. Hos dum animaduertētem occupatos annotatione, & deſcriptione eorum, quæ videbant & admirabātur, vt eorum adiuuarem ſtudia, tractatulum edidi, quo vnusquisq; inſtitui poſſet & doceri, qua ratione & methodo poſſet ſine tanta difficultate ea diſquirere & perluftrare, quæ in tam ampla vrbe tam publice, quam priuatim ſpectantur notatu digna. Eum libellum latatus ſum placuiſſe, & cum plauſu exceptum eſſe: legique cum delectatione & fructu: Qui & hodie cum multis viris literatis probari videam, illum tranſcribere, & in lucem emittere ſtatui: Neque occurrit cui hoc opuſculum conſecrarem dignius, quam tuæ Celſitudini, quæ antiquitatis ſtudio mirifice ſemper ſit delectata. Utque id facerem, impulſor fuit vir præſantiſſimus Petrus Lepidus, regionum negotiorū apud Mediomatrices ſummus Procurator, & amicus meus intimus. Is mihi ſpoſpondit hanc meam operam tuæ Celſitudini non ingratam fore: quam ſuperioribus annis clementem, ac beneuolam expertus ſum, in meorum Poëmatum dedicatione. Topographiam igitur hanc Romanam cum eſſe mediturus, quæ deſcriptionem nouæ urbis, qualis hodie videtur, continet, operæ precium eſſe duxi illi adiungere antiquæ urbis delineationem, qualis à Publio Victore, & ab Honuſſio Panuino ſcriptis exactiſſime mandata eſt: quæ ante aliquot annos in lucem miſſa erat Clemente VI. Pontificatum tenente. Vtriusq; deſcriptionis collatione, videbit tua Celſitudo quantum hodierna Roma differat ab antiqua, ex cuius admirandis ædificijs & ſtructuris, nihil hodie ſupereſt, præter exiguas reliquias, & fragmēta mutilata, ex quibus antiquæ urbis ſplendorem, magnificentiamq; & profuſos Imperatorum Principumq; ſumptus, opificum diuina ingenia & induſtriam ſtupere & admirari poſſumus. Quicumq; eam urbem diligenter & accurate luſtrauerit, ſolertiq; indagatōe notauerit omnia quæ in ea ſeruantur à viris antiquitatum ſtudioſis, animaduertet fatebiturq; nihil vſquam gentium ſpectari, quod cum Roma poſſit merito conferri. At qui hæc omnia magis commēdari debent, quod præclari illi Patricij & ciues, nihil habeant domi ſuæ, quod nō liberaliter peregrinis videntum permittant, tanta humanitate, tanta comitate, vt etiam credere velint ab eis idem beneficium recipere, quod in eos ultro cōferunt. Quis obſecro

EPISTOLA

unquam literatus exclusus est ab adibus clarissimi illius Patricij Romani
 Fulvij Vrsini? quis unquam ab eo sine aliqua beneficentia dimissus est?
 Quis unquam inuisit Marium Delphinum, quin ab eo discesserit cum sin-
 gulari fructu & delectatione? Omitto personas illas Ecclesiasticas Cardi-
 nales, Archiepiscopos, & sacerdotes illustriores, qui propter dignitatum,
 quibus funguntur, amplitudinem communicare colloquia non semper pos-
 sunt cum hominibus priuatis & peregrinis. Tanta tamen in ijs est facili-
 tas, ut neminem à suis adibus arceri patiantur, sed domesticis seuerè iniun-
 gunt, ut amice & comiter omnia communicent poscentibus, eosq; in cœna-
 cula, hortos, secretioraque conclauia admittant: potissimum bonarum lite-
 rarum studiosos, ut contemplantur, admirentur, & notent quicquid spe-
 ctatu dignum est: nō solum marmora exquisita & preciosa, vasa, statuas,
 tabulas, numismata, & signa gemmis exsculpta, sed etiam ipsas bibliothecas
 exacte perlustrent, libros ex antiqua papyro, membrana, intestinis, corti-
 cibusq; confectos reuoluant, ac sese cōtemplatione tam excellentium rerum,
 si fieri posset, expleant & satient. Memini magnificentissimum illustrissi-
 mumq; illum Antistitem Pium Rudolphum Cardinalem Carpensē (qui
 quo tempore Romæ erā, in Quirinali possidebat hortos amœnissimos, omni-
 busque antiquis marmoribus refertissimos) singulare humanitatis argu-
 mentum in me contulisse. Dum enim eo venissem cum aliquot studiosis, ut
 admirandam palatij structuram, statuasque, columnas, obeliscos, & aras
 antiquas viderem, neq; possem illa omnia tam breui temporis spatio, quod
 mihi concedebatur, describere (nondum enim tanto viro innotueram) socijs
 relictis abdidi me inter viretorum umbracula, latitans donec omnes hor-
 to exiuissem. Clausi tandem horti ostiis, reliquum diei quod superfuit im-
 pendi in delineatione priscarum inscriptionum, ac totam noctem illic exi-
 gens sub arboribus, cum primum illuxit, ad opus cœptum redij: dumq; illic
 harerem attentus in descriptione cuiusdam marmoris, Cardinalis suorum
 aulicorum numero & comitatu stipatus hortum ingressus est. illi cum ex
 remotiore loco me fuissent intuiti, substiterunt attoniti: nescientes qua ra-
 tione omnibus insciis domesticis eo irrepsissem. Confestim ad me duo adcur-
 runt, qui sciscitarentur quando & quo modo eo venissem. Ego licet non me-
 diocri formidine percellerer, composita tamen ad fiduciam fronte, mihi que
 nullius doli vel criminis conscius, rogavi ut tantillum expectarent donec
 absoluissem descriptionē alicuius monumenti quod cœperam: qua ad finem
 perducta, tanquam re bene gesta ordine explicui meam historiam: ut ve-
 sperē superioris diei in hortos essem exceptus cum aliis peregrinis, à quibus
 postquam

D E D I C A T O R I A.

postquam paulo longius quam par erat secessissem lecturus & designaturus quadam antiqua scripta, illi me relicto discessissent: cumque paulo post egredi conarer, omnia clausa me inuenisse, coactumque illic pernoctasse: Quod tamen absque ullo tadio mihi accidisse dicebam, capto & occupato in perustratione tam excellentium rerum, quæ in toto hortorum ambitu latissime conspiciebantur: Illi cum risu ad Dominum regressi narrarunt quicquid mihi accidisset. Tantoque absuit ut durius exciperer propter id factum, ut Cardinalis mei misertus, quod absque cœna sub dio pernoctassem, iussit mihi ientaculum preparari, ne nimia inedia mea valetudo offenderetur: summaque cum delectatione reuoluit meas chartulas, laudauitque industriam meam: & voluit ut deducerer in eius palatium, quod amplissimum habebat in urbe plana, ad Campum Martium. Permisit quoque ut omnia quæ illic essent viderem, & pugillaribus ad id preparatis quæcunque placerent exciperem. Ego postea ut gratus viderer erga tam beneficum Principem, exemplar omnium quæ domi suæ mihi communicata erant diligenter exaratum illi obtuli libello uno comprehensum: Quem non solum hilarifronte excepit, sed donum dono compensans, numismata antiqua mihi largitus est duo aurea, duodecim argentea & totidem ahenea, cum parua Apollinis ærea statua altero brachio manca. Non absimilis humanitas mihi exhibitæ est à clarissimo viro Mario Delphino. Adeum enim eadem hebdomada cum tertio deduxissem scholasticos aliquot Germanos & Gallos (qui Patauio & Bononia simul venerant Romam) ut eius ædes omni antiquitatum ornamento celeberrimas lustrarent: iterumque alij aduentassent, meamque operam flagitarent amicorum literis mihi commendati; illis meum officium sine pudore non audebam recusare, verebar interim grauis esse tanto viro, & illius facilitate abuti. Adeum igitur me festinus contuli, veniamque humiliter deprecatus, rogavi ut mihi hanc importunitatem condonaret, coacto gratificari meis conterraneis: in quorum presentia petiui ut ne mihi succenseret, quod toties repetita reuersione illius grauiore occupationes interromperem. Vir bonus & candidus meam formidinem ioco excipiens, Quid ais, inquit, mi Boissarde? itane me durum & inhumanum existimasti, qui tibi officium hac in re recusarem, in qua beneficium mihi à te non exiguum tribuitur? An es nescius, tua opera Marij nomen extendi usque ad postremos Septentrionis terminos, quod alioqui coerceretur intra Romanorum mœnium pomœria? nisi hospites isti viri nobiles & literati me inuiserent, mea contemplarentur & admirarentur, domumque reuersi quæ apud me vidissent enarrarent. Fac, mi Boissarde, ut veniant, neque

quemquā à meis arceas foribus, quē potissimum virum bonū modestumq̃, & studiosum antiquitatis agnoueris: Nemo, certe, est quē non libentissime excipiam, humanissimeque & humaniter tractatum dimittam. Hæc postquam dixisset, introductis in musæum hospitibus, comiter videndos exhibuit stateres antiquos, & infinitum numismatum exquisitissimorum numerum, sardonychas, iaspides, & gemmas singulari toreumate sculptas. Ostendit præterea nobis ingentem cippum marmoreum, qui olim, ut inscriptio prodebat, terminus erat vineæ Traiani Imperatoris extra urbem. Hunc ut suo loco restitueret Gentilis Delphinus Marij pater, ingenti precio vineam redimere conatus est, neque à possessore venditionem extorquerē potuit. Marius post patris mortem eodem studio flagrans fundum duplici pecunia coemit, & cippum in antiquum locum transtulit. Hæc ideo scribo, Princeps illustrissime, ut ostendam quantum humanitate & facilitate Romani superent nostrates, dum hospites peregrinos excipiunt. Quis est tamen Gallia, quam in Germania qui ignoto fores suæ domus apertas esse patiatur, vel illi videnda præbere ea quæ ornamenta possidet? Nemo sane: nisi sint aliqui viri docti, qui eruditione faciliores redditi sint, & erga peregrinos mansueti, quibus tamen non sine supercilio & morositate sese communicant, nisi dignos hoc officio prius iudicent. Et dum de hospitum dignitate dedignatur inquirere, indigne à se expellunt eos, quorum studio & curæ satisfacere esset consultius. Hæc Romanorum benignitas effecit, ut quæ de urbis Topographia, dum illic essem, transcripsi, nunc omnibus antiquitatis studiosis sub tuo nomine communicem: ratus tuam Celsitudinem grato animo excepturam conatus meos: plurimosq̃ hoc institutum probaturos, quod cum fructu & delectatione legi poterit. Si Deus mihi dies vitæ longioris proroget, absoluam tractatum, qui iam fere ad finem perductus est: in quo statuas Deorum antiquorum propono cum singulorum elogiis: quibus est adiuncta amplissima omnium genealogia, imaginesq̃ sacerdotum & sacrificiorum, habitusq̃ virorum & mulierum: quæ omnia ex tabulis & marmoribus antiquis excepi: & opus absolutum tuæ Celsitudini consecrabo. Quam ut diutissime saluam & incolumem Deus optimus maximus seruet, precor.

PETRVS

PETRVS LEPIDVS METENSIS,
REGIORVM NEGOTIORVM SVMMVS

Procurator apud Mediomatrices, Tullienſes,
& Virdunenſes:

IN PRIMVM LIBRVM ROMANARVM AN-
TIQVITATVM A IANO IACOBO BOISSARDO

Vesuntino collectarum, quasque Theodorus de Bry Leodiensis
artificiosissimis edidit typis.

Ad Lectorem.



MNIS nostra cura debet in hoc versari semper si possumus, ut boni aliquid faciamus, ut Reipublicę simus vtilis, & proximo frugiferi. Non enim nobis ipsis nati sumus, sed patrię, & amicis. Laude præcipua dignos existimo, qui suam operã impendunt, quantum ab ijs fieri potest, & referunt ad vtilitatem multorum; seseq; ita gerunt, ut post obitum aliquod testimonium posteritati relinquant, quo probari possit illos societati humanę, & commodo publico studuisse. Nihil enim est tam tetrum, nihil tam aspernandum, nihil homine indignius, siue iuventutem aut virilitatem attigerit, siue eius ad senium vergat ætas, quam otiosam & curis vacuum vitam ducens. Quid potest in rebus humanis præclarius, quid laudabilius, quã de multis bene mereri, & apud omnes propter virtutem optime audire? Quę cum vera sint, habebit proculdubio posteritas quod gratias agat Theodoro de Bry Leodiensi: qui totum antea actę vitę cursum ita impendit, ut semper hunc scopum sibi ante oculos proponeret, rem literariam suis studiis promouere, & publica commoda infinitis operibus augere; coniungens vtilitati iucundam delectationem. In quibus omnibus nescio vtrum magis admirari debeamus, artem, ingenium, vel diligentiam. Nihil enim ab eo factũ est, in quo non elucescat accurata quædam industria, & ingeniosa inuentio: qua non solum animos legentium pascit, sed etiam oculos spectantium oblectat. Nemo est qui non legerit Indicarum nauigationum Stadii, Benzoni, Lerii, & aliorũ, quas hic noster Theodorus eleganti narratione Latina non tantum emisit in lucem, sed singula subiecit oculis delineata typis artificiosissimis, omnẽ rerum gestarum seriem pulchro degerens ordine, tabulisque æheneis ingeniosissime sculptis exprimẽs populorum barbarorum gestus, habitus, ac ritus; non sine eorum admiratione, qui eius historias & emblemata contemplantur, & exactius considerant. Cumq; nõ ignoret oportere eruditum semper aliquid ex se promere, quod alios delectet & iuuet; in hac re nihil vnquam ab eo prætermisum est, quod ad viri boni pertineret officium. Inter infinita autem quę publicauit opera commendatione digna, hoc vno maxime laudandus est, quod iam fere septuagenarius, ea ætate, qua propter senium homines ad laboriosiores actiones minime sunt idonei, ille tamen pristinę insistent solertię, ne in frugifero torpescat otio, totos dies impendit sculpturę & typographico operi: licet diutina podagra debilitatus sit, manusque & digitos nodosa chiragra habeat contractos; pingit tamen assidue, delineatque quidlibet tanta perfectione, ut exactius nihil à trigenario iuvene possit effici. Huius rei luculentum testimonium præbet hic primus Antiquarum inscriptionũ tomus; quo Romana marmora (quę nobis ab antiquitate relicta sunt) cum suis signis & imaginibus expressa solus cœlauit. Cum enim Ianus Iacobus Boissardus familiaris & amicus meus superioribus annis bonam vitę partem impenderit peregrinationibus in diuersas regiones susceptis ut linguas more sive populorum edisceret, & studio bonarum disciplinarum erudiret

erudiret animum, cum Romæ esset, collegit omnes inscriptiones, quæ in illa urbe spectantur, tanta arte & felicitate, ut qui eius collectiones viderit, existimabit nihil ab eo prætermisum esse, quod ad delectationem legentium, & ad rei literariæ promotionem facere videatur: præstitisseque in hoc negotio tantum fortasse quantum ante illum alius quislibet. Nam præter literarum cognitionem, & exercitium diligens in legendis priscis inscriptionibus (in qua re multos pares habere potest, aut si ita velis, superiores, minime enim ambitiosus homo est, laudique alienæ neutiquam invidet, sibi que non plus arrogat, quam tu benigne Lector, illi tribues, postquam eius labores & sedulitatem bono iudicio trutinaveris) At in hoc, opinor, plurimis anteferendus, quod picturæ gnarus, omnia quæ tam publice quam priuatim in urbe seruantur, summo artificio delineavit & perfecit; insigneque hoc opus in publicum emittit opera Theodori de Bry; cuius Apellæa industria toti Christiano orbi iam pridem est notissima. Quod si Deus utrique in aliquot annos adhuc vitam producat (sunt enim coætanei) tantus hic thesaurus communicabitur integer antiquitatum studiosis: qui ab autore longis laboribus & solitudine congestus est, & à Theodoro de Bry typis mandatus. Expediisset fortasse (ut desiderio omnium satisfacerent autor & sculptor) omnia simul in lucem edere: sed habēda fuit ratio temporis, & sumptuum, quos in iis excudendis facit Theodorus de Bry. Nō enim potuit fieri, omnia simul sculperet tam breui spatio: neque impensæ, quæ faciendæ erant, id permiserunt. Nosti, Lector candide, nihil simul esse inuentum & perfectum. Non potuit autor ex prototypis iconibus exemplar tam cito excipere, neque artifex, quæ ad eum missa erant, tam celeriter exsculperet. Quare ut omnibus prospectum esset, visum est Theodoro de Bry totum opus in quatuor tomos diuidere, ut compendiosius rem ageret, & sumptibus cōsuleret, tam suis quam cœmentium: & precio tolerabili partem operis obtineret is qui totum nolet emere. Hoc dum foras prodibit, dabit uterque operam, ut breui reliqua adiiciantur. Tu hoc primo libro fruēris, & te eo oblectabis. Præstat vno opere edito, eoque egregio sibi parare famam, quam minus accurate multa præcipitare in publicum. Nō potest in eo succus esse diuturnus, quod nimis celeriter est maturitatem consecutum. Reliquorum expectatio cum fœnore paulo post compensabitur. Laborant enim assiduo & Boissardus & Bryius, ut citissime tres reliqui absoluantur tomi: Nunc additur antiquæ urbis typus, cum suis insulis & regionibus; qualem P. Victor, & Honufrius Panuinus scriptis eleganter mandauerunt. Et illi coniungitur urbis hodiernæ Topographia: res sane digna quæ ad posteritatem mandetur. Gnaua enim utriusque manus nobis aliquid ex omni parte politum & perfectum promittit. Indefessa namque eorum sedulitas nihil obliuiscetur, nihil intentatum relinquet, donec totum opus ad finem perducatur. Quod si has primitias animaduertant tibi placere, & cum fructu excipi, adiecturi sunt absolutissimā Deorum antiquorum genealogiam, cum singulorum imaginibus & simulachris priscis, quæ Romæ apud Pontifices, Cardinales, & Principes viros seruantur: additis elegiis ad vnumquamque statuam, ne tu Lector candide, aliquid desideres, quod ad interpretationem & dilucidationem pertinet eorum, quæ pictura repræsentantur. Hisque subiungentur sacrificiorum ritus, altaria, & instrumenta sacrorum, vestitusque sacerdotum & personarum tam publicorum quam priuatorum hominum. Magna quidem sunt hæc, quæ tibi promittuntur: ea tamen, Deo volente, suo præstabuntur tempore: utpote quæ sint ab autore Boissardo iam fere ad finem perducta. Reliquum committetur fidei Theodori de Bry. Quod si tibi placuerit, & autoris sculptorisque voluntatem studiumque probaueris, uterque sibi abunde putabit esse satisfactum. Hoc enim tantum sibi proponunt, ut gratiam bonorum mereantur: ex qua locuples emolumentum honoremque percipient. Honos namque alit artes: & omnes incendimur ad studia rerum pulchrarum sequente gloria. Vale.

ITALIA

GOLFO

GENETIA

MARE

TYRRHENUM

NVM

MARE
JONIVM

MARE SARDOVN

Mare Ligusticum

Meridies

Miliaria
Italica communia



za
o
azi
Oriens
m
o



TOPOGRAPHIA ROMANAE VRBIS, QVA SVCCINCTE DESCRIBVNTVR OMNIA,

quę in vrbe sunt notatu magis digna: & quę dierum quatuor spatio commode videri & lustrari possunt à peregrinis & hospitibus.

Iano Iacobo Boissardo Vesuntino autore.



OMANÆ vrbis topographiam ac situm doctissime tractauerunt plurimi, vt Flavius Blondus, Pomponius Letus, Marlianus, Morus, & alii, qui hanc scriptionis materiam illustrandam sumpserunt. Horum tamen scripta, vt omnibus qui Romam veniunt, non statim occurrunt venalia, ita quoque prolixiore narratione iis quibus diuturna mora non conceditur, haud semper satisfaciunt. Cum in vrbe habitarem, frequentes Bononia, Patauio, Papia, Senis, Perusio, & ex aliis Italiae Academiis eo se conferebant scholastici Galli, Germanique, & alii rerum antiquarum studiosi. His cum per amicos (cum quibus olim familiariter conuixeram) coepissem innotescere, à me exposcebant hoc officium, vt illis dux per urbem fierem; vt meo auxilio & monitione possent perlustrare breuiter ea quę notatu magis digna essent. Cumque plurimos animaduernerem laboriosa cura in pugillaribus excipere, quę à me audiebant, quęque singulari delectatione spectabant, vt eorum adiuuarem memoriam, releuaremque aliquo compendio tam tædiosum laborem, conscripsi breuem libellum, quem tres dietas vocaui: cuius institutione poterat vnusquisque triduo perlustrare quę potiora erant in tam ampla vrbe. Sed quia temporis angustia multos cogeant pluri-

ma præterire, & diuelli ab iis inuito, quæ maiorem animaduersionem requirebāt; auxi postea meum libellum, adiectis rebus infinitis, quæ potissimum seruabantur in domibus priuatis, & conclauius Cardinalium, nobiliumq; & reliquorum ciuium: librumq; distribui in Dies quatuor: quo cōmodius, & sine præcipitata festinatione hospites possent curæ ac desiderio suo satisfacere. Hunc tractatū nescio quo fato mihi seruauit Deus, dum meæ bibliothecæ feci iacturam: Reliqueram enim illum cum aliquot aliis libris apud fratrem meum Richartum, à quo postea illum recepi, cum aliis inscriptionibus Italiæ Stirię & Carinthię, quas Deo volente (si vita mihi tamdiu prorogetur) inserā tertio volumini, quod præparo quanta possum diligētia, coactis in vnum fragmētis, & reliquiis mearum lucubrationum, quæ mihi superfuerunt ex bellorum ciuiliū cladibus. At in hoc libello breuiter comprehendo quicquid notatu dignum publice priuatimque sese offert vbique, proposito quasi ante oculos vrbis tam celebris typo, quo etiam qui absentes sunt, neque Romam veniunt, possunt delectari. Non est tamen quod hic Lector expectet perfectam rerum omnium narrationem: quæ doctissimo cuique, & qui id ex professo velit aggredi, negotium non mediocre posset facessere. Satis erit, opinor, si crasse delineem, & attingam obiter ea omnia, quæ publice sese offerunt: iam in foris, plateis, ædibus sacris, & quæ sine difficultate possunt videri in nobilium palatiis, & domibus priuatorum ciuium: qui suam operam comiter præstant hospitibus & aduenis, quos literatos agnorunt, aut antiquitatis studiosos, iudicioque valentes: Ideo enim setantos sumptus fecisse asserunt, in exquirendis & cōmendis marmoribus & statuis, quæ tam in vrbe quam per totam Italiam ab antiquitate relicta sunt, vt commodo ac delectationi non tantum suo, sed publico possint inferuire: id sibi summæ laudi ducentes, si peregrini & aduenæ ea cum voluptate & vtilitate contemplantur & diligenter singula considerent. Fructum, certe, locupletissimum viri boni percipiunt ex possessione rerum pulchrarum, si dum eas aliis sine suo dispendio & iactura proponūt, bonorum gratiam hoc officio promereantur.

lis qui per Hetruriam veniunt Romam, aditus in urbem
pate

patet per Vaticani portam, quæ Castello sancti Angeli est contermina. Quare non abs re mihi facere videbor, si hoc Castellum proponam viatori, tanquam carceres, unde suum cursum auspicabitur: Atque inde per Vaticanum & Ianiculum pergendo, quæcunque occurrent, quoque fuerint ordine disposita, breuiter adnotet. Fietque ut quatrIdui ad summum spatium voti compos esse possit viator, & sui laboris dulcem mercedem reportare. Quod ubi factum fuerit, rudibus his lineamentis colores qui addant, & ad perfectionem opus inchoatum qui reducant accerset eos, qui hanc Topographiam scriptis absolutis percurrerunt. Quorum ductu & institutione poterit unusquisque omnem studij sui scopum attingere. Aggrediemur igitur ab iis, quæ portæ proxima sunt: postea urbem ingressi singula suo ordine persequemur.

T O P O G R A P H I A E V R B I S R O -
ma dies primus.

PLanicies ea ampla, quæ Tyberi, & Vaticalis collibus (qui S. Crucis dicuntur) ac Strozziarum vinea clauditur, Pincii, vel ut alii malunt Quinctii Cecinati Senatoris Romani fuerunt: *Prata*
Quinctia. Hodie, A prata locus dicitur: Eo se frequentissime Romana iuuentus conferre solita est, deambulationis oblectationisque gratia: Voluptati enim præ cæteris omnibus locus hic tributus est.

Portâ AEliâ, quam Castelli vocant, ingressus in urbem patet: Prope quam extollit sese ingens illa moles Adriani Imperatoris: *Moles A-*
driani. quam extra Vaticanâ urbem extruxerat, ut in eo sepeliretur: & in eadem Antoninorum cineres reconderebantur. Fuerat enim diuersis marmoribus, statuis, & columnis preciosissimis illustris, sed hæc omnia sublata sunt à Pontificibus Romanis, & templo S. Petri Vaticani adplicata. Cumque moles illa suis ornamentis esset spoliata, ut est ampla, solida, & ex latericio compacta opere tam firmo, ut machinis omnibus bellicis posset resistere, visa est arci struendæ accommodatissima. Occupata est primo à quodam Crescentio Romano factioso & seditioso homine, à quo Arx Crescentii dicta est: Postea locum hunc Pontifices occuparunt, & vocarunt Castellum S. Angeli, quod ut fa-

Castellum
S. Angeli.

ma refert, angelus exerto gladio visus est urbem eo loco defendere: ideo nostro tempore ingens statua Angeli marmorea in summitate molis reposita est, ut nomen arcis confirmaretur. Hoc Castellum munitissimis propugnaculis auxit & ornauit Alexander VI. Borgia. Ab hac arce deambulacra secreta fornicato opere protenduntur usque ad Palatium Pontificum, quod in colle Vaticano structum est, vocantque Curritorium: per quod Pontifices urgente necessitate dum obsiderentur, occulte se possent subducere, & tuta fuga ex Palatio in hanc arcem se recipere.

Præter ædificii munitionem turres amplas & omni tormentorum bellicorum genere probe instructas, cœnaculaq; & cubicula diuersis ornamentis illustra, pauca in hoc loco videntur antiquitatis signa, quæ omnia sunt in Vaticanum translata. Ad ingressum tamen portæ Palladis ingens caput galeatum & cristatum erectum est pectore tenus. Est ibidem Adriani Imperatoris caput armato pectore: eiusdemque Imperatoris integro statua marmorea, sed opere recenti, quod tamen antiquo non videtur cedere. In cubiculo superiore locellis concinnatis (Arcadas Galli, Nischios vocant Itali) quinque capita virorum illustrium antiqua conspiciuntur: Reliqua ad antiquitatem non pertinent.

Pons AElius. Pons Aelius dicitur is, qui Castello S. Angeli vicinus est, factus ab Aelio Adriano prope regionem Vaticanam: per quem in suum sepulchrum transitus esset facilior, ad funera eorum, qui in tam magnifica mole sepelirentur, procuranda. Hodie Pons Castelli vocatur, per quem ex urbe in Burgum via protenditur ad Palatium summorum Pontificum. Ante hunc pontem statuæ Petri & Pauli Apostolorum marmoreæ sunt erectæ.

Pons triumphalis siue Vaticanus. Pons triumphalis dicebatur, cuius ruinæ medio Tyberi sub Aelio conspiciuntur è regione Xenodochii S. Spiritus: is quoque Vaticanus olim nuncupatus est: quod per eum ad portam Vaticanam esset transgressus. Fuit olim triumphis sacer: Imperatores enim de exteris prouinciis & nationibus triumphantes, hoc ponte pompas solemnes in Capitolium agebant.

Burgum. Burgum vocant eam urbis partem, quæ à Castello S. Angeli recta ducit ad palatium Pontificum. In hoc loco ante Alexandri

dri II. tempora silua fuit, siue lucus Vaticanus, qui erat insignis sepulchrali Pyramide Scipionis Africani: quæ sublata est cum luco, cum ea pars vrbis ædificaretur. Eius ornamentorum partes exiguæ supersunt adhuc: conspiciunturque in ea parte templi Vaticani, quam Paradisum vocant: nempe nux ingens pinea ex ære, & duo pauones eiusdem metalli deaurati.

Palatia Burgi sunt aliquot ædificiis illustribus atque diuersis ornamentis clarissima: Quod assurgit prope S. Catharinam, Cardinalis fuit Dandini. In eo præter ea quæ sumptus & magnificentiam viri satis ostendunt, quædam monstrantur statuæ antiquæ: vt caput elegans Agrippinæ matris Neronis pectore vestito: Hadriani Imp. & Antinoi Bithini iuuenis formosissimi, quem Hadrianus in deliciis habebat, M. Aurelii, & Sabinæ cuiusdam mulieris capita cum pectoribus ibidem ostenduntur: & eiusdem Hadriani simulachrum mutilum sed elegans, quod brachiis & cruribus truncum est.

*Palatium
Cardin.
Dandini.*

Amplæ & sumptuosæ illæ ædes quæ superius videntur ad dextram, pertinebant ad Robertum Strozzam: in quibus præter infinita ornamenta notatu digna, ostenditur armamentarium splendidissimum, omni genere armorum exornatum, tam nostratum (quibus hoc tempore Principes vtuntur, & in quibus singulare sculptorum & aurifabrorum ars & industria videtur) quam exterarum nationum; maxime Indorum & Americorum: vt sunt clauæ & gladii lapidei & lignei, quibus etiam chalybs scinditur; diuersa vestimenta, pilei, cassides, perizonia, periscelides, & balthei, clipei, ex plumis artificiosissime composita omnia, tantaque industria elaborata, vt sine admiratione nemo ea satis contemplari potis sit. Et hæc seruabat Cardinalis homo illustris, & ingenii generosi, propter artis excellentiam magis quam ad vsum: cum eodem in loco bibliotheca sit, instructissima libris antiquis & voluminibus literarum hieroglyphicarum diues: In eodem conclaui, præter infinita ex auro & gemmis ornamenta, gladiatorumque capulos precii maximi, duo nobis demonstrati sunt Aleriones siue aues Paradisi, quas Apodes nominamus. Harum corpora sunt tenuia quasi ex xylo vel bombice: plumis oblongis versicoloribus, & quæ colorem Iridis cœlestis referunt, & mutant dum auiculæ cor-

*Palatium
Cardin.
Strozzia.*

*Cardin.
conclauē.*

pus inuertitur, nunc aurum, nunc purpuram, viridemque smaragdum, & Saphyri cyaneum repræsentantes formam, vel eam gemmam quam opalam vocamus: His similes me quoq; conspexisse memini Pisauri, in conclauī Ducis Vrbinatis, in quo seruabatur Cauopi statua ex gemma Turquesca, quam in Ægyptio sepulchro inuentam asseriebant, in euiscerato corpore humano, balsamo preciosissimisque aromatibus condito, Mumiam vocant Medici. Ibidem sceptrā ex agathite, sardonice, & aliis gemmis seruantur, preciique singularis monilia: nā eius luculenta bibliotheca videtur Urbini.

*Palatium
Campe-
giorum.*

In Burgo sunt & alia Palatia vt Campegiōrū, ad dextram, & ex opposito Parisinum: vtrumque picturis & tabulis elaboratissimis præclarorum artificum, statuisque pulcherrimis egregie instructum.

*Domus
Petri de
Radicibus.*

In domo Petri de Radicibus in eodem Burgo videtur Bacchus integer nudus, & pampino redimitus: qui in Satyrum molli sese reflectit amplexu, quique dextra tenet vasculum. Ibidem sunt etiam tres Musæ longis institis amictæ: quarum vna librum tenet, altera musicum instrumentum, tertia larynx, tres sunt statuæ laudatissimæ. Videtur in eadem domo caput fœnis, quod dicunt esse Caroli Magni: sed quod longe dissimile est illi Caroli Magni effigiei, quæ in Prætorio demonstratur Norimbergæ: quam asserunt esse expressam ad viuum prout fuit ille magnanimus Imperator. Apud hunc eundem ostenduntur fragmenta statuarum Cupidinis, Herculis, & Floræ; sed admodum mutila.

*Palatium
Card. Cæsarii.*

Palatium Cæsariū sinistram plateæ partem occupat prope portam S. Honufrii: Eius area anterior plena est diuersis inscriptionibus, & marmoribus variis, statuisque antiquis: Primum locum tenent tres insignes imagines, prima est Hippolytæ Amazonis, quæ longa veste est amicta, sed brachiis mutilata; Hanc Michael Angelus Banarotus Florentinus nostri sæculi pictor, sculptor, & Architectus excellentissimus, mirifice laudat, vtpote in qua summum videatur artificium, & proportio perfectissima. Secunda statua nuda est, estque viri, creditur Apollinis. Tertia est Sabine mulieris brachiis quoque manca: Et hæc artificio non cedit Amazoni superiori.

Huic

Huic aræ siue corti adiacent amœnissimi & spatiosissimi horti, qui in quatuor areas latissimas distincti sunt, ac singulæ fontes præbent limpidos, quibus statuae superimpositæ sunt. In ^{Hortus} ^{Cæsi} ^{Card.} aræ primæ meditullio est Bacchus super basi antiqua, ad cuius pedes iacet canis. In secunda area est vas ingens aheneum diuersis sculptum foliis acanthi: super quod erectus est Faunus, qui utrem humeris sustinet tanquam ex eo versaturus aquam. In tertia parte est Neptunus nudus, sed ex aliqua parte mutilatus: repositus est in basi antiqua. Quartum locum possidet Apollo nudus tenens barbiton.

Ad dextram sunt alia simulachra non minus arte sculpturæ, quam precio marmoris spectabilia: ut est Agrippinæ, filiæ M. Agrippæ, & Iuliæ Augusti Cæs. filiæ. Hæc vestita est, & brachiis caret: prope quam videtur monumentum marmoreum excavatum, Pylas eiusmodi vocant Romani, diuersis figuris illustre. Non procul inde est Pallas galeata, & veste amicta usque ad pedes. Illic est Hermaphroditus nudus, qui inuolutum palliolo femur habet: cui adiacet pes ingentis colossi. Ad dextram huius est fons, in quem fluunt aquæ ex conchylio marmoreo: super quod est puerulus continens urnam super humero impositam, tanquam effusus ex ea. In medio horto est ingens larua porphyritica, quæ patente bucca recipit aquas pluuiiales. Sub porticu videntur diuersa fragmenta antiquitatis: inter quæ est gladiatoris cuiusdam corpus: & pueri dormientis: Circumquaque erecti sunt viginti duo Termini antiqui & marmorei: Faunus, Iuppiter Hammon, Pompeius magnus, Demosthenes: & Philosophus antiquus, qui creditur esse Speusippus Platonis ex sorore nepos.

Illic erectum est ædificium elegans tamen nouum, super cuius fenestris tres sunt trunci statuarum, incognitorum hominum: Extrinsecus est venus seminuda sed mutila.

Ex opposito portæ longa porrigitur via per medium horti, quem in duas partes diuidit: ad cuius finem extremum erecta est ingens Roma, triumphans de Dacia victa: insidet throno, galeata & vestita, manuque continet coronam lauream: in basis frontispicio iacet Dacia mœrens, læua manu tristem fulciens faciem: utrumque basis latus ornant trophæa armorum
barba-

barbaricorum. Ad vtramq; partē erecti sunt duo Reges captiui semicolosseï ex Batthio Capide, Numidico vestitu, & laxis amicti caligis. Reliquæ partes huius horti diuersas habent inscriptiones, & antiqua signa: quæ spectantibus singularem præbent delectationem. Qua patet ascensus ad antiquarium, ad vtramque vię partem videntur duæ Parcarum statuę altissimæ vestitę, sed capite brachiisque carent. Eodem in loco duæ sunt Sphynge ex Numidico Capide subnigro, repositæ in basibus marmoreis albis. In vna basi sculptum est, INNOCVÆ SVNT. In altera vero, NEC SERVNT AMBAGES.

Antiquarium. Paulo altius attollitur ædificium rotundum testudinatum, quod Antiquarium vocāt, à diuersis signis & imaginibus marmoreis, quę in eo continentur. Super prima huius ædificii fronte colosseus Iouis vultus Porphyriticus est repositus. cui ad dextram est caput Othonis: Ad sinistram est Poppeæ eius vxoris. In summitate frontispicii quinque sunt statuę, Palladis, Cereris, Victoriæ, Copiæ & Dianæ. Ante antiquarium multa videntur antiquitatis fragmenta humi sine ordine iacentia. Intrinsicus ad dextram statim occurrit Quietis vel Somni, vel vt aliqui volunt AEsculapii simulacrum, manu continens papauer. Ad læuam est alta statua Sabinæ mulieris amicta, fluente ad talos instituta. Super porta est Palladis caput armato pectore, & capite tecto casside cristata. Illi ad dextrā repositum est Herculis colosseum caput, ad sinistram Iouis, eiusdem fere magnitudinis. *Satyrus.* Sub Hercule simulacrum est Satyri cui affidet iuuenis inflans fistulam septemPLICEM. Nusquam gentium videtur statua elaboratius facta vel venustior: *Scopæ.* Scopæ dicitur opus. Sub Iouis capite colosso caput quoque ingens est Pyrrhi regis Epirotarum, galeatum, cristatum, & armato pectore. Sub quo est Leda nudo corpore vna manu continens vestem, altera malum: *Leda.* Illi adstat Cupido, qui cygnum brachio blande complectitur vtroque. Hęc statua Ledę sicut & Satyri versatiles sunt, & absolutissimi operis.

Prope sunt simulacra Portię Catonis, Iouis, Ganymedis, Dianæ, Neptuni. Et antiquissimum signum AEgyptium quod dicitur caput Asarothe matris Osiridis: vel vt alii volunt Opis, siue Cybeles matris Deorum.

Ante

Ante portam duę sunt statuę vtrinq; repositę: ad læuam est Arietis Phryxi ex candidissimo marmore: in cuius basi scriptum legitur *SECVRASIMPLICITAS*. Illi ad dextram oppositus est Leo ex Thebaico siue grauito, in cuius basi est, *INNOKIAFORTITVDO*.

Haud procul inde videtur Heliogabalus Imp. integer stollatus. in cuius antiqua basi sculpti sunt affabre sacrificatium ritus & habitus.

Parte elatiori est Imperatoris imago triumphalis, & quadriiugo curru vecta.

Ibidem est Simia ex AEthiopico marmore, qualis olim adorabatur in AEgypto, ad cuius latus duo sunt vtrinq; Crocodili ex Marmaridum lapide.

Ad parietem est tabula grandis adplicata: cui insculpta est imago viri nudi: cui adstat puer continens guttum: balneariorum sunt imagines.

In cœnaculo semicirculari, Bacchi facies amplissima videtur affixa muro, quę ex rubro lapide sculpta est in formam laruę. Supra quem est Neptunus quadriiugo curru vectus: & illi vicina Pomona capellę innixa. In hemicyclo hoc diuersę spectantur inscriptiones antiquę, trophęa, & urnę.

Paulo remotius, vbi Leonem & Arietem esse diximus, est Pluto erectus seminudus.

Progressis paulo vltcrius occurrit porta alterius horti antequam sunt duo Leones marmorei subrubri. Super porta erecta est Pomona vestita.

At è regione Antiquarii apparet porta secretioris hortuli, in quo diuersa sunt antiquitatis fragmenta propter artificium à statuarius admodum commendata. Denique totus hic hortus in plures distributus partes, ita signis, statuis, inscriptionibusq; & reliquis ornamentis distinctus est, vt si nihil alibi tota Roma videretur, haberet tamen hic locus causam, cur peregrini profectiorem susciperent Romam, vt hæc cum fructu & singulari perlustrarent delectatione.

In palatio est Cardinalis Musæum, artificiosis tabulis vndique excultum & ornatum. cuius pauimentum vermiculato minutissimo opere stratū est a sarotū ex latericiis variegatis. Ad

*Musæum
Cardinalis
Casii.*

eius fenestras sedes est erecta tessellata arte. cum tribus locellis elaboratissimis. in suprema parte Scipionis Africani caput est positum. super locellis illis tribus tria sunt vasa ex alabastro Orientali diaphano : opus singularis precii, & plane admirandum. super columnis huius ornamenti collocata sunt diuersorum Imperatorum & virorum illustrium capita. Ad ingressum portę Catonis est simulacrum. Illic videtur M. Antonii Triumviri caput, Iulii Cæsaris, Septimii Seueri, & Syllæ. Ibidē alio loco sunt capita Cl. Neronis, Iuliæ Mammææ, M. Aurelii, Antonii Caracallæ, Macrini, Hadriani, & super alia fenestra colosseus Constantini Magni vultus. Inter columnas repositi sunt libri varii, & volumina tam antiqua, quam recentia: quæ omnia venusto sunt ordine illustrata, & tecta velis siue cortinis sericis: Locus autem ille amplus, qui interiacet coenaculo & cubiculo Cardinalis, tres habet portas: in quarū summitate oculi siue nischii marmorei sunt quibus statux Iouis, Cupidinis & Bacchi continentur. In medio loco primæ faciei huius ædificii erecta est statua muliebris, quæ tecta est syndone tenuissimo, ita vt totum corpus transpareat: ex eodem marmore facta sunt omnia: opus est singulare: qualia sunt fere reliqua omnia, quę apud hūc Cardinalem seruantur. A posteriore parte videtur grandis tabula octangularis ex marmore vario (Mischium vocant) quæ cincta est vndequaque affabre tabulato vermiculato. In loculo superiore, est caput colosseum mulieris Sabinæ: & è regione Veneris. Ad alterum parietem est Cleopatrx caput. In conclaui Cardinalis vas spectatur amplum ex alabastro orientali antiquo & diaphano: ad cuius vtrumque latus duo sunt marmorea capita. Ibidem quoque est caput Faustinx pectoretenus antiquum & elaboratissimum. In conclaui alio secretiore multa seruantur excellentia statuarum antiquarum fragmēta ex ære, marmore, auro, argento, gemmis, & fictili lapide, vasa ex alabastro, agathite, porphyro, ophite, pario marmore viridi, plurima deorum & diuersorum animalium simulacra çnea paruula, lucernę & lampades aheneæ, & coctiles, numismata infinita omnis generis metalli tam Græca quam Latina & barbarorum principum: Sardonyches, Lazuli, Cyani, Berilli, Topazii, Amethysti, Chrysoliti, malachitę, hyacinthi, & eiusmodi gemmę, in quibus

Conclauē
Cardina-
lis secre-
tioris.

quibus precium magis ad sculpturam quam ad materiam referri debet. Quicquid illic proponitur spectandum, miram tanti viri curam, ingenium, sumptus & magnificentiam testatur. In eodem conclavi capita mirandi artificii videntur Scipionis Nasicæ, M. Bruti, Hadriani Imp. statua pueruli qui anseris guttur geminis adstringit manibus: & Cupidinis dormientis in lectulo.

Palatium Pontificum in eminentiore Vaticani loco structum est: in quod relicta Lateranorum Basilica propter amœnitatem sese receperunt Pontifices. Huius amplitudo tanta est, ut oppidi potius iustam magnitudinem æquet, quam domus. Huius structura magnificentissima, ornamenta exquisita tanta sunt & talia, quanta & qualia summorum Pontificum esse solent debentque. in quorum enarratione ne longius immoremur, quod indies electo nouo Pontifice augeantur, minuanturque, aut immutentur, describemus tantum ea quæ ad antiquitatem faciunt, quæque pertinent ad hunc tractatum.

Præter ea igitur quæ in hoc palatio videntur excellere, necesse arbitror diligenter annotare & contemplari sacellum Xysti, quod altissimum latissimumque templum æquat amplitudine. in hoc solet fieri noui Pontificis electio, cōgregatis in hunc locum Cardinalibus omnibus, & Ecclesiæ Romanæ præfectis, in sede vacante & interregno, sententiæ & suffragia ab vnoquoque excipiuntur; & referuntur in publicum: Conclauē Ecclesię vocatur hæc congregatio solemnī & sacrosancta. In huius sacelli siue potius vasti cœnaculi pariete, qui attollitur pone summum altare, videtur pictura illa admiranda Michaelis Angeli Bonaroti, qua extremum Christi iudiciū expressum est, tanta arte, tanta venustate, ut nihil elaboratius, nihil perfectius, aut absolutius toto mundo videri possit. Tota concameratio superior insignita est historiis sacris, pictoris eiusdem opere. Huic vicinum est (interposito tamē amplissimo cœnaculo) Paulinum *Sacellum Paulinū.* sacellum, superiore decuplo angustius, sed ornamentis æquale: nam vtrinque parietes ornati sunt conuersione Pauli, & martyrio Petri Apostolorū. Michaelis quoque Angeli laudatissimum opus est.

In hoc palatio sunt horti, qui propter collium Vaticano-

Hortus
Belvedere.
Tyberis.
Nilus. rum amœnitatem, Belvedere nominantur. In ipso palatio est hortulus, peristylío circumquaque clausus: cuius area media spatiosa & ampla, cedrinis & myrteis sepibus cinctæ est, malis Medicis, Punicis, Lauris, & aliis eiusmodi arboribus exquisitis plena: in eius meditullio duæ videntur colossæ fluuiorū iacentium statuæ: quarū altera est Tyberis: nititur enim Lupe lactanti puerulos Remum & Romulum. Altera est Nili, cui subiecta est Sphynx, & circumquaq; colludentes pueruli summa arte sculpti septemdecim: In huius basi sculpti sunt Hippopotami & crocodili, feræ Nilo familiares & propriæ. Hoc simulacrum repperit non procul à templo S. Stephani di Caco.

Fons. Inter has statuas positus est fons elegans: cuius basis est triangularis antiqua, & diuersis sculpturis artificiosissime absolutis ornata.

In deambulacro siue peristylío, quod in toto hoc areæ circuitu protenditur, videntur Laruarum marmorearum facies monstrosæ & colossæ, sed artificio singulari elaboratæ, numero tredecim.

Antinous. Sub his repositoria sunt parieti adplicata marmorea, quæ Nischios vocamus: In iis seruantur statuæ marmoreæ perfectissimi operis. A posteriori parte Tyberini simulacri est Antinous ex purissimo candidissimoque orientali marmore perpolitus, artificio inimitabili, sed quali credibile est, Hadrianum Imperatorem voluisse corpus exprimi iuuenis illius Bythini formosissimi, quem in deliciis habebat: & cui post mortem templa, sacerdotes, diuinosque honores decreuit: imo & urbem in Aegypto condidit Antinoam ab eius nomine vocatam.

Arnim. Ad dextram est statua fluminis Arni iacentis (vt fluuii omnes pinguntur) & panno femoribus superinducto innititur vrne, ex qua scaturiunt aque, quæ defluunt in amplum receptaculum marmoreum, quod sustinetur duabus testudinibus.

Cleopatra. Ad sinistram est Cleopatra iacens, manu dextra in caput reflexa: quæ itidem reposta est super receptaculo scaturientis aquæ.

Venus
Erycina. In secundo loculo siue Nischio Venus est Erycina, tanquam ex balneo prodiens, quæ adiacentem habet urnam: nuda est, & dextra pubem tegit, sinistra continet indusium molliter ad pedes defluens.

Alio

Alio loculo est secunda Venus iucunde colludens cum Cupidine; hæc quoque nuda est, & linteum continet: in eius basi sculptum est *Veneri à-
lia.* VENERI FELICI SACRVM SALVSTIA HEL-
PIS DD.

Parte inferiore huius statuę est Bacchus brachiis truncatus. Et ad dextram Hercules brachiis & cruribus mutilatis: hunc *Hercules
Apollonij.* Michael Angelus summe laudat, tanquam omnium quę Romę videntur absolutissimum. In eius basi scriptum est ΑΠΟΛΛΟΝΙΟC ΝΕΚΤΟΡΟC ΑΘΗΝΑΙΟC ΕΠΟΙΕΙ. ad leuam mulier est vestita quę capite & brachiis caret. Nec procul inde est Mercurius, trunco arboris innixus. *Mercurius.*

Ibidem est arca marmorea antiqua, in cuius frontispicio sculpta est Meleagri venatio opere mirifico: quę reperta est in vinea Vaticana Pontificia.

Quarto loculo videtur Commodi statua nuda, Herculis habitu & forma, qui brachio pusionem sustinet, cuius imprudentia deiectis è fenestra pugillaribus in quibus descripta erant nomina eorum, quos Imperator destinauerat cædi: inter quos erat Martia eius concubina, & Eclectus Prætorio præfectus. ii consilio habito præuerterunt periculum, & Commodum interfecerunt. Is se vocari iussit Herculem Romanum: & sub Herculis habitu multis in locis sibi iussit erigi statuas, & cudi numismata. *Commodus.*

Quinto Nischio est Apollo Pythius, qui trunco arboris nititur, circa quem sese implicat squamosus coluber gyro multiplici: nudus est Apollo, circa humerum & brachium leuum implicatum gerit palliolum. dependente à tergo pharetra: arcus quem tenet contusione ruptus est. *Apollo Pythius.*

Sexto loco est Laocoon miraculosi artificii cum duobus filiis, quos gemini dracones implicant, & flexuosis voluminibus intricant: Hoc opus est omnium quę toto orbe videntur absolutissimum, teste Plinio, qui factum esse asserit ab Agesandro, Polydoro, & Athenodoro sculptoribus Rhodiis sua ætate celeberrimis, & seruari in Palatio Titi Vespasiani. Inuenta est hæc statua super Carinis, prope receptacula aquarum, quę vulgo dicuntur à Sette Sale. Hanc Michael Angelus dicit esse miraculum artis singulare: in quo diuinum arrificum debeamus

fuspiciere ingenium, potius quam ad imitationem nos accingere.

Cleopatra. In adiacente cœnaculo, sub testudinato receptaculo est alia Cleopatrarum statua quasi morientis, tanta arte sculpta & perfecta, ut per medias vestes tenuissimas, quæ ex marmore factæ sunt preciosissimo, videatur corporis forma numeris omnibus absolutissima.

Labrum Parium. Eodem in loco Labrum est amplissimum ex marmore Pario viridi variegato, & ex maiore parte diaphano: Mitchium vocant, quod in eo mixti sint malachitæ, sardoniches, agathites, cristallus, chalcedonicus, amethystus, cyanus, & aliæ gemmæ. Nusquam gentium videtur speciosius: precium eius æstimari non potest: Effossum & inuentum dicitur in Titi Vespasiani Thermis: dignum vas in quo tantus Imperator lauaretur.

Mercurius. Cybele. Ex hoc cœnaculo ingressus patet in deambulacra marmorea: in quibus exquisitæ artis imagines sunt dispositæ: inter quas est Mercurius venusta & iuuenili forma, nudus, petasatus, caduceatus, & talaria pedibus gerens: est & ibidem Cybele turrito vertice, cui adstat Leo, & Atis adnixus pinui, ex cuius ramo dependet fistula, & cymbalum. Sunt & alia fragmenta antiquitatis & capita illustrium virorum. Ex hoc loco patet aspectus in *Fons rusticus.* fontem rusticum subiacentem amœnissimis scaturiginibus: cuius edificium incrustatum est marmoribus variis, diuersis topis, conchylis, & aliis marinis glareis, quæ monstra Pelagi, piscesque, & Deos æquoreos artificiosissime repræsentant. Verbis exprimi non potest quanta loci pulchritudo, quantum singulorum quæ ibi videntur precium, & quantam admirationem spectantibus moueant.

Ante deambulacra de quibus dictum est superius sacellum est illustre picturis Michaelis Angeli: in quo expressi sunt vultus multorum Principum, ut Pauli III. P. M. Caroli V. Imp. & aliorum.

Curia-cius. Ad stationem Heluetiorum, qui excubant ante cubiculum Pontificis, marmorea videtur statua vnius Curiacii: cuius perfectio plurimis extollitur laudibus à sculptoribus. Hoc palatium extruicceptum est à Nicolao III. P. M. & paulatim ab aliis pontificibus auctum: Postremo à Iulio II. & Leone X. ad perfectionem deductum est.

Tem-

Templum S. Petri in Vaticano Pontificum Palatio contiguum est: cuius fabrica sumptu, magnificētia, marmoribus, & opere longe vincit omnia templa; quæ toto terrarum orbe videntur: maxime structura noua, quæ nondum est absoluta: quæ postquam ad perfectionem deducta erit, vincet proculdubio decantatissimum illud Ephesinum templum, quod Erastratus cremauit, vt ex eo sacrilegio sibi famā aliquam, ac nomen perpetuum apud posteritatem concitaret.

In veteri templo sunt erectæ viginti quatuor columnæ altissimæ, quæ fulciunt vtrinque sumptuosum illud templi ædificium. Harum marmor variegatum est coloribus viuacibus & admirandis: nihil vsquā gentium spectatur excellentius: Templum S. Marci apud Venetos incrustatum est insignibus marmoribus, quæcunque potuerunt inueniri in omnibus antiquis Græciæ Deorum delubris: plurimaque illic spectantur, tam in pauimento, quam in parietibus circumquaque admiratione digna, sed si cum his Vaticani columnis conferantur, longe iudicabuntur pulchritudine, varietate, ac precio cedere. Abstractæ fuerunt ex Hadriani Imp. mole. Nihil ingeniosus ille Imperator, dum viueret, fecit, in quo singulare non appareret diuinæ mentis specimen. Tantis animi corporisq; cultus fuit dotibus, vt nihil ignorasse dictus sit, quod ad hominem siue publicum siue priuatum pertineret. Tam perfectus in omni arte, tam expolitus omni eruditione, vt illum meriti Traianus in filium adoptauerit, & successorem Imperii dixerit.

Columnæ illæ ingentes, tortiles, & foliatis circuncinctæ gyris, quæ sustinent repositorium corporis Christi, sicut & aliæ nō absimiles, quæ sunt sub receptaculo sudarii Veronicæ (quod vultum sanctum nominant) & aliæ quinque in facello sacro, & vna quæ adhuc sola erecta est in medio nouæ fabricæ: Hæ omnes ex palatio Salomonis ex Hierosolymis aduectę Romam dicuntur, opera Titi Vespasiani post deuictos Iudæos, & euerfam eorum urbem. Omnia enim ornamenta templi, & Regiæ domus à Romanis sublata sunt, & in Italiam translata. Ex hoc palatio quædam videntur columnæ Venetijs in chori superioris postrema parte: quæ factæ sunt ex Alabastro diaphano.

In ea templi Vaticani spaciosissima area, quæ Paradisi nomine

*Ioti Mo-
saica.*

mine vulgo nuncupatur, reliquæ sunt sepulchri Scipionis Africani, quod in valle Vaticana structum fuerat, nempe meta, siue moles, aut pyramis: ex qua nihil hodie superest, præter illam ingentem nucem pineam, & duo pavones ærei deaurati, quæ in hoc paradiso reposita videntur ingredientibus ad dextram. In cuius opposito pariete pictura est Ioti artificiosa tessellato artificio, quam Romani plurimum laudant: Sed si considerentur ea omnia quibus fornices templi S. Marci apud Venetos incrustati sunt, tam Græcanico opere antiquo, quam recenti, videbunt spectatores Romanam Ioti Mosaicam (sic enim appellant hoc opus vermiculatum) multo esse inferiorem, & artificio minori compactam.

*Othonis
II. sepulc.*

Ibidem videtur ædificium marmoreum, quod tectum est vno lapide porphyritico vastissimo. Sepulchrum esse dicitur Othonis II. Rom. Imp. Nusquam in tota Italia videtur Porphyry tantæ magnitudinis: si tamen excipias tectum S. Mariæ rotundæ quod est Rauennæ, quodque fuit olim monumētum Theodoric regis Ostrogotthorum.

Prolixum esset nimis singulatim omnia recitare quæcunque videntur notatu digna in hoc templo, tam in noua, quam in veteri fabrica: maxime quæ sunt in Pontificum palatio: in quo nullum ornamentum potest desiderari, ex omnibus iis, quæ ab antiquitate peruenerunt ad nostra sæcula: neque ex iis, quæ recentioribus temporibus comminisci potuit humana mens, & perfectissimorum artificum vigilans industria, tam sculptorum quam pictorum. & præter cetera, maxime commendatur pictura illa quæ videtur in deambulacris: qua expressus est Constantini conflictus cum Maxentio ad pontem Miluium: & alia plurima monumenta quæ Romæ reliquit Raphael sanctius vrbinas pictor sua ætate laudatissimus. de quo scripsit Poëta Italus: TIMUIT QVO SOSPITE VINCI RERV MAGNA PARENS ET MORIENTE MORI. licet hoc elogium nonnulli ad Michaellem Angelum Bonarotum transferre malint.

*Vaticana
Bibliotheca.*

De Bibliothecis Vaticanis maiore, & minore secretiore, non est quod multis vtar verbis: Si quid antiquum, si quid rarum, si quid exquisitum toto seruetur orbe, heic videri possunt, quæ

quæ sunt excellentissima. Mirandæ sunt Bibliothecæ Florentini Ducis, quæ ad S. Laurentium & S. Marcum structæ sunt: miranda est illa Principis Vrbinatis, & aliæ per totam Italiam selectissimæ, sed omnes in vnum collatæ, vix referent, aut æquabunt vnam Vaticanam: Quam qui lustrauerit diligentius, in ea nihil desiderabit, quod ad admirationem, curam, aut studium viri literati facere possit. Tam multi sunt in ea libri ex membranis, linteis, corticibus, & antiqua papyro (nam quam hodie papyrum vulgus vocat, charta est) vt AEgyptiorum illam Ptolomæi bibliothecam superare hæc probabitur. Hanc bibliothecā stabiliiuit Nicolaus V. P. M. & Symmachus plurimum auxit.

*Vaticana
Bibliotheca.*

In platea media quæ latissima expanditur ante pontificias ædes & S. Petri delubrum, obeliscus ille integer ex lapide ophite cuius altitudo est pedū 170. præter basim: quæ continet 37. Obeliscus in inferiore parte latus est ped. 12. in superiore vero octo. Fuerat ante paucos annos erectus ad sinistrum Templi Vaticani latus in Circo Neronis: sed Sixti VI. P. M. beneficio inde translatus est in mediam plateam loco celebriori, opera Domini Fontanæ Architecti Comensis: quod contigit anno 1586. nescio an in hoc magis admirari debeamus audaciam Architecti, quam artis efficaciam: qua potuit saxum tanti ponderis suo loco mouere, & alio transferre sine ruptione: Solus enim obeliscus præter basim superat pondus 956148. librarum: præter vectes, repagula, cingula, & harpagines ferreas quibus oportuit tantam molem lapideam cingi vt posset facilius comprehendi, & alio moueri: quæ omnia decies centena millia quadraginta duo millia octingentas & vigintiquatuor libras æquabant.

*Obeliscus
Vaticanus.*

Hic quoque notandum est ad templum Vaticanum adiacere fanum S. Petronellæ, quod fuit olim sacratum Apollini. Et quod dicatum est S. Mariæ in Febre, fuit olim Marti.

*Templum
Phæbi &
Martis.*

Mons Vaticanus continet eos omnes colles, qui à monte S. Crucis ad S. Honufrium protenduntur: inter quos sunt & illi monticuli siluosi, qui palatio Pontificio vicini sunt: in quibus Damarum nutriuntur armenta.

Mons Vaticanus.

Naumachia Neronis Circo eiusdem Principis erat vicina, in qua ludi nauales exhibebantur populo, & Christiani martyres crudelissimis excarnificabantur suppliciis: erat enim non

*Naumachia &
Circus
Neronis.*

C

procul

procul ab ea porta quę hodie Pertusa dicitur: vnde legitur Tēplum S. Petri prope Neronis Naumachiam fuisse structum.

Perta Burgi.

Portę Burgi numerantur quinque. Prima est Aelia ad castellum S. Angeli: Secunda dicitur S. Petri, sub hortis Pontificiis. Tertia Pertusa in elatiore collis est parte post S. Petri fabricam. Quarta Palatio Cæsiano est vicina, quā itur ad S. Honofrium. Quinta vocata est triumphalis, nunc S. Spiritus. ad hanc Borbonius ictu glandis plumbeæ ictus periit; & per eam eius exercitus urbem occupavit.

S. Spiritus Xenodochium.

Xenodochium siue Hospitale S. Spiritus ab Innocentio III. primò ædificatum, postea multis ædificiis ampliatum, Sisti IIII. P. M. sumptibus pauperum & hospitem peregrinorum vsibus, & necessitatibus dicatum est. In eo sicut & in Laterano diligentissimè, ac summa cura tractantur hospites, ægroti maximè: ad quorum commoda Pharmacopolium omnis generis medicamentorum instructissimum erectum est, medici expertissimi, ac fidelissimi constituti sunt, qui aduenarum vsibus fidelissimam præstant operam. Fitque sæpius vt non solum pauperes & egeni sese eò transferant, sed etiam opulentiores & ingenui ciues, qui familiam non alunt: vt curentur. Exactius in hoc suis sumptibus Xenodochio tractantur. opus Christianæ charitati ac dilectioni proprium.

Circus Iulij Cæsaris.

Circus Iulij Cæsaris fuit sub Ianiculo, eius ruinę in vineis sub templo S. Honufrij fere solo æquatę conspiciuntur.

Mons Ianiculus.

Ianiculus mons extenditur à templo S. Honufrij vsque ad Urbis portam Transtiberinam (vbi erat Naumachia) quam nunc portam Ripę vocant. Et quemadmodū Vaticanus mons extra portas urbis fuit, nec multa habuit memoratu digna, præter ea quę superius explicauimus: ita quoque in Ianiculo paucę restant reliquię, vel prisce antiquitatis monumenta: Quod ea pars Urbis à vulgari plebe, & sedentariis artificibus fuerit olim habitata.

Numæ sepulchrum.

Videntur tamen humiles ruinę sepulchri Numæ Pompilij, in hortis qui subiacent monti aureo: ex quibus tamen colligi non potest fuisse illic aliquid sumptuosum, vel rege dignum.

Mons aureus.

In monte aureo (quod ita vocatur à sabulo scintillante tãquam aurum quod illic nascitur) structum est templum S. Petri: in quo

in quo videtur ad summum altare tabula transfigurationis Christi, à Raphaele Sanctio Vrbinate depicta: & loco semicirculari flagellatio est Christi Fr. Bartholomei Parmensis expressa penicillo: Ex opposito est historia S. Francisci, quam pinxit M. Angelus, cum adhuc esset iuuenis.

In eodem templo erectum est insigne Iulij III. de Monte P. *Sepulchrū Iulij III.* M sepulchrum: quod sibi, dum viueret, struxit. conditus tamen iacet in Vaticano loco humili & inglorio.

Structura illa rotunda, Dorica architectura, quæ Templo *Templum Sybilla Tyburtina.* S. Petri vicina est, sacra fuit olim Sybillæ Tiburtinæ: facta ad similitudinem illius fani, quod videtur Tiburi.

Porta S. Pancratij hodie dicta, fuit olim Aureliana, siue Septimiana; quod à Septimio Seuerō restaurata sit, & ad eam *Porta S. Pancratij.* Thermas & aram extruxit idem Imperator.

Extra hanc Portam extat adhuc aquæ ductus non admodū *Aqua Alfietina.* altus opere per rhombos distincto: per hunc ex Alfietino lacu defluebant aquæ in Thermas Septimianas, & Philippi Imp. & in Naumachiam Augusti.

Meritoria Romanorum militum eo loco fuisse dicuntur; vbi hodie templum est sanctæ Mariæ in Transtiberi. Erat enim hic locus quasi nosocomium, vel nosodochiū: in quod quicūque ex militibus, aut emeritis veteranis, corpore mutilus, aut alioquin eger se recipiebat, cum bellicam artem nō posset amplius exercere: atq; illic reliquum vitæ tempus sub medicorum cura publicis impensis & alimonia transigebat. Vicinas enim habuit ædes & aram AEsculapius, ad quam qui conualuerant à morbis, sacra facere erant soliti.

Naumachia, locus fuit, vbi omnia instrumenta bellica, quæ *Naumachia.* ad classes instruendas erant necessaria reponebantur, quale est Arsenalē Venetum: Fuitque eo loco qui dicitur hodie à Ripa: vbi vinum venale proponitur quod ex Ostia nauigio per Tyberin in urbem inuehitur.

Pons Aurelius siue Ianiculensis transtiberinam regionem *Pons Xysti.* coniungebat vrbi. Dictus est olim marmoratus; quod ab Antonino Pio marmore fuisset tectus: Qui cum bellis ciuilibus confRACTUS esset, Ponte rotto vocatus est: Sed postea Xysti III. P. M. impēsis ad eam quæ nunc videtur magnificentiam restauratus

de Pontificis nomine Ponte Xysto nominatur.

Pons Sublicius.

Paulo inferius, è regione Naumachia siue Arsenalis, reliquiae adhuc quaedam conspiciuntur Pontis Sublicij; qui olim ligneus fuit, quo tempore Horatius Cocles impetum sustinuit hostium, dum pons deiiceretur, ne per eum in Urbem irruerent Hetrusci. Hunc postea lapideum struxit AEmilius Lepidus. Ex eo præcipitatus est in Tyberim Heliogabalus saxo ad ceruicem alligato.

Prata Mutia.

Haud procul inde fuerunt Prata Mutia: quæ data sunt Mutio Sceuolæ propter magnanimitatem & fortitudinem, ob egregium illud facinus quod aggressus est in Porſenam Hetruscorum Larthem.

Turres Leonina.

Turres illæ duæ, quæ ad vtramque Tyberis partem videntur prope portum Ripæ, structæ sunt à Leone III. ad arcendas Saracenorum incursiones, qui nauigiis per Tyberim actis Romam infestabant. Idem quoque Pontifex primus cinxit mœnibus Vaticanum, ad arcendos Saracenos: quodque nos hodie Burgum dicimus, ciuitas Leonina vocabatur: quæ postea ab Alexandro VI. aucta est, & ædificiis ampliata, dictaque Alexandrina ciuitas. Hic Alexander pontifex Hadriani molem in arcem munitissimam erexit, adiunctis turribus & vallis: secretoque illo curritorio, per quod ex Vaticanis ædibus in Castellum S. Angeli se reciperet.

Insula Tyberina.

Insula Tyberina olim excreuisse dicitur ex segetibus Tarquinij Superbi in alueum fluuij coniectis: ad quas paulatim arenarum cumuli, & excrementa Urbis sunt addita: successuque temporis emerſit terra, quæ firmari cœpit: & solidiorem sumens basim ædificiis in ea struendis facta est commoda: Lata quidem non est admodum, sed stadia duo sua æquat longitudine. AEsculapio sacra fuit antiquitus, hac causa. Cum Romani contagiosa lue laborarent, Apollinis oraculo iussi sunt ex Epidauro Romam AEsculapium accersere: qui in specie serpentis ex ara templi profiliens, in naues legatorum Romanorum, quæ in portu erant tortuosis repens voluminibus, magna spectantium admiratione conscendit. Cumque ad Ostiam peruenisset & per Tyberim in Urbem appulsa ad hanc insulam confedis-

disse fertur, neque inde potuit naus abstrahi: quæ res argumen-
tum Romanis dedit, Deum velle coli eo loco. Ideo ex Senatus
consulto illi templum erectum est: quod hodie S. Barptolomeo
sacrum est. Videturq; adhuc in fine inferiore Insulæ naus illius
forma, quæ ex lapide formata erat: Et quam inundatio fluminis
rapidior superioribus annis detexit.

In transtiberina Vrbe Farnesius Cardinalis habet hortum *Hortus*
variis statuis illustrem. In eo enim videtur Venus marmorea se- *Cardin.*
minuda, concham manu tenens: ad cuius latus sunt duo pue- *Farnesii.*
ri nudi inuersis in humeros palliolis, & urnæ duæ. Videtur ibidē *Venus.*
monumentum siue pila ingens antiqua, in cuius anteriore frō-
tispicio diuersæ virorum, mulierum, ac Leonum figuræ expres-
sæ sunt. Sub porticu eiusdem horti pila est alia, sculpta viris, *Pila va-*
leonibus, & equis. Ad ingressum maioris horti alia quoque de- *ria.*
monstratur pila, simulacris nouem musarum insignis. Et alia è
regione posita, vbi Bacchanalia sculpta sunt, cum Satyris arden-
tes tædas tenentibus: alij Silenum ebrium vectant.

Ad hanc pilam iuncta est tabula marmorea, quæ fasces & se-
cures Consulares continet. Alia quoque ibidem spectatur cum
puerulis vuas gestantibus; & vascula, & alia quæ in Bacchanali-
bus exprimi solita sunt. Columna quoque illic ostenditur ru- *Columna*
pta in tres partes: & inscriptione Græca notabilis: quæ inuenta *græcis in-*
est Tiburi: & vt aliqui affirmant, ex Hierosolymis in Italiam o- *scriptio-*
lim translata. In eodem horto Farnesiano videtur alia Venus *nibus no-*
feminuda: & puellæ, & viri cuiusdam ignoti corpus, quod capi- *ta.*
te, crure, & manu vna truncatum est.

Inter canonicos S. Mariæ Transtiberinæ Iulius Roscius ho- *Iulius Ro-*
mo literatus, & antiquitatis apprimè studiosus antiquum ha- *scius Ca-*
bet volumen inscriptionum manu pictarum, quarum hodie *nonicus*
partem non videmus in Vrbe: hunc ille mihi aliquando com- *S. Mariæ.*
municauit, ex quo decerpfi plurima quæ duobus meis volu-
minibus inserui: inter quæ sunt duo Priapi, Anubis, & alia pluri-
ma: reliqua quibus certus locus non potest adsignari, tertio to-
mo inscriptionum adiicientur.

In domo Nicolai Guisæ statua ostenditur viri nudi, bra- *Domo*
chiis ingenua reclinatis, & eleuata sursum facie, reiecto- *Nicolai*
Guisæ.

que in humeros pallio: ad cuius pedes quia iacet culter, ideo statux nomen inditum est Aguzza coltelli.

Pons Cestius.

Pons Cestius siue Esquilinus Transtiberinam regionem cum insula coniungit, à Valentiniano & Valente Imp. restauratus: vt ex inscriptione ponti adposita probatur: hodie vocatur Pons S. Barptolomei: à templo huic sancto dicato, quod olim vti diximus fuit AEsculapij.

Iouis templum.

Iuppiter quoque in ea Insula delubrum ritibus & ceremoniis solemnibus illustre possedit: licet ædificio nō ita augustum aut magnificum: nunc Ioannis Baptistæ nomen habet: in hoc adhuc duo marmorei tripodes triangulares seruantur, qui religiose ad aram Iouis adstabant.

Templum Fauni.

In superiore parte Insulæ fuit templum Fauni, quod ante annos aliquot Tyberis inundatione fere est funditus euersum: Ruinæ tamen eius amplissimæ supersunt, quæ templi magnitudinem & sumptuositatem satis ostendunt.

Pons Fabricius.

Pons Fabricius, qui & Tarpeius dicebatur, Insulam coniungit vrbi, è regione Theatri Marcelli: vocatur hodie Pons quatuor capitum: propter terminos siue Hermas quadrifrontes marmoreos, qui ad principium Pontis erecti sunt.

Sacella Solis & Lunæ.

Sacella Solis & Lunæ integra fere videntur sibi inuicem opposita prope hunc Pontem Fabricium, ad vtramque viam partem.

Theatrum Marcelli.

Theatrum Marcelli ponti Fabricio vicinum est constructum ab Octauio Augusto, in honorem Marcelli filij Octauix sororis Augusti: in eo sunt fabellorum ædes: capax olim fuit hoc Theatrum octoginta millium hominum. cui Octauia Marcelli mater adiunxit bibliothecam, libris omnium disciplinarum instructissimam.

Porticus Octauie. Satyrus Praxiteles: Musæ Timarchitis.

Porticus quoque in honorem sororis erecta est ab Augusto Cæsare: quam diuersis marmoribus & statuis insignium artificum excoluit, inter quas fuit Satyrus à Praxitele perfectus, & nouem Musæ Timarchitis: quarum duæ videntur adhuc in hortis Carpensibus: & Iunonis simulacrum, quod est in vinea Iulij III. P.M. ad viam Flaminiam. Porticus Octauix pars superest, prope Theatrum Marcelli: vbi fabri ferrarij suas habent officinas.

Spei templum ad hanc Porticum fieri fecit Germanicus *Templum
Spei.*
Cæsar, prope forum holitorium, vbi locus est qui dicitur Pia-
za Montanara, cui fanum Aurorę iunctum erat, olim apud Ro-
manos celebre: nunc eius vestigium nullum apparet.

In domo Sabellorum quæ est structa in ruinis Theatri *Domo
Sabellorum.*
Marcelli, ad parietem ingens est tabella marmorea, in qua scul-
ptus est Leo, & tres viri armati cum clipeis more pugnantium.
Sunt & ibidem duę magnę larę marmoreę operis antiqui. Et
super horti porta videtur marmorea tabula, in qua virorum sex
sunt figurę: ad cuius vtrumque latus statux duę ex Porphyro
regum captiuorum & braccatorum: quę capitibus carent. Ibidẽ
in horto est ingens pila, in qua diuersa sunt animalia laboriose
sculpta. Ostenditur & ibidem pila alia maior, in qua labores
Herculis, & alię viriles imagines artificiose sunt expressę. Super
cuius operculo duę sunt sculptę imagines viri & mulieris, quo-
rum corpora in ea pila erant recondita. Ibidem sunt fragmenta
Mercurij, & aliquot pilarum: quę propter artificium seruantur.

Carceres plebis eo loco fuerunt, vbi hodie est ædes S. Ni- *Carceres
plebis.*
colai in carcere: quod templum erat pietatis à M. Attilio Gla-
brione dicatum: propterea quod in eo carcere filia patrem in
vinculis arctatum multis diebus aluit proprio lacte.

Iunonis Matutæ templum id erat, quod est hodie S. An- *Templum
Iunonis
Matutæ.*
dreę in Mentuza dicatum, sub Capitolio prope forum holito-
rium, à C. Cornelio Consule sacratum.

Pons senatorius, nunc Pons S. Marię Transtiberinæ is est, *Pons Se-
natorius.*
qui nunc sub insula Tyberina ruptus videtur. Vocaturque & a-
lio nomine, nempe Pons S. Marię AEgyptiacę; propter tem-
plum eiusdem Diuę non longe à ponte dissitum: dicebatur o-
lim & Palatinus, & Senatorius: quod per eum Senatores ad le-
gendos Sybillinos libros in Ianiculum religiosa Pompa gradie-
bantur, & in Palatium ad Imperatorum ædes reuerterentur.

Pilati domus (si vulgari famę fidem habemus) ibi fuit, vbi *Domus
Pilati.*
prope pontem Senatorium altissimæ conspiciuntur ruine. Sed
re vera si quis eas contempletur attentius, cognoscet illic fuisse
lauacra, siue sudatoria Laconica: quod ex caminorum canali-
bus frequentibus, qui vnde quaque parietibus inserti sunt, faci-
le iudicatur.

Forum

*Holitorii
& Piscato-
rium fo-
rum.*

Forum Holitorium fuit, vbi hodie est platea Montanara, non procul à Theatro Marcelli, in quo fuisse diximus Spei templum à C. Cornelio dicatum: Quamuis hoc erectum fuisse dicatur in foro Piscatorio: quod extendebatur à templo S. Mariæ in porticu secundū Tyberim, vsq; ad S. Mariam AEgyptiacam. Ibidem fuit ara Carmentæ: quam Euander dedicauit in memoriam Nicostratæ matris suæ fatidicæ.

*Fortuna
virilis
templum.*

*Bucca ve-
ritatis.*

Templum Fortunæ virilis adhuc fere integrum est & illæsum, longo vtrunque columnarum ordine: nunc S. Mariæ AEgyptiacæ sacrum est. Quidam hoc asserunt fuisse Pudicitie matronalis delubrum: in quo fuit bucca veritatis: quæ statua erat marmorea, exertis labris in os cuius Volaterrani reguli filia manum inseruit vt suam virginitatem impollutam probaret, cum ab anu Fesulana de stupro accusaretur: Quod cum paulo post idem tentasset alia puella eiusdem criminis rea, simulacrum os strinxit, & impudicæ dextram truncauit. Saxum illud amplum & rotundum ex Porphyro, in cuius medio leoninus extat rictus, quod ante scholam Græcam erectum est, hodie Bucca veritatis nūcupatur. Cuiusmodi in vrbe plusquam centum me animaduertisse memini ex diuersis marmoribus: quare stultū puto ad buccam veritatis hæc adplicare, quæ ad stillicidia, & receptacula aquarum pluuiarum feruiuisse verisimile est.

*Gregorij
Serlupi
domus.*

In hac vicinia quædam sunt domus in quibus spectantur multa antiquitatis monumenta: vt in domo Gregorij Serlupi prope S. Angelum in Poscaria, caput est Vespasiani colosseum, ex candidissimo purissimoque marmore; tanto artificio elaboratum, vt tota Roma fortasse nihil videri possit perfectius aut absolutius.

*Gentilis
Delphini
domus.*

In eadem vicinia in domo Gentilis Delphini multa sunt virorum illustrium capita: inter quæ primum obtinenti locum Lucij Veri, Antonij à Traiano adamat, M. Aurelij adhuc iuuenis, Bacchi, pueri ridentis, & alia sex hominum ignotorū. Duæ quoque videntur ibidem tabulæ, in quibus tauri sunt artificiose sculpti: seruantur & in eadem domo multæ urnæ antiquæ & inscriptiones.

Valerij

Apud Valerium della Croce prope Plateam Iudæorum, in hortulo

hortulo corpus est Herculis mutilatum & Hippolytæ Amazonis insidentis equo, qui ephippium habet ex Leonina pelle: duo ibidem sunt Vrsorum capita, & vnum Leonis. Ibidem est Panis statua amicti pelle ferina, qui innititur trunco, ex quo dependet fistula calamorum octo. Est & illic pila grandis, in qua Meleagri Venatio repræsentata est. Et muliebres statuæ tres sine capite & brachiis: & Veneris nudæ: aliquotque capita pectore tenus suis basibus reposita, super ostiis cubiculorum, inter quæ est Iouis elegantissimum. In deambulacro domûs varia capita illustrium videntur; & vas amplum marmoreum diaphanum, & corpus Apollinis: Conspiciuntur ibidem parvæ statuæ æneæ mirabilis artificij, vt Veneris nudæ: & Herculis quæ sublato brachio sustinet Anteum: statque hoc signum Herculis suis pedibus sine base librato pondere ne labatur: est etiam vaccæ æneæ simulacrum: & Tigris ex marmore.

Apud Honufrium della Croce ostenditur viri togati statua *Honufrij* in ingenti tabula: cui est adscriptum: VALERIVS PVBLICO- *Crucei a-*
LA. Et fragmentum corporis virilis, quod summopere lauda- *des,*
tur à Michaele Angelo.

In domo Hieronymi Crucei ad dextram videtur Tabula *Hierony-*
ingens, in qua sculpti sunt quinque fasces Consulares cum se- *mi Crucei*
cularibus: in cuius parte inferiore legitur: FASCES ET SECV- *domus.*
RES CONSVLARES. Ibidem est simulacrum Medij fidij: in
quo sculpti sunt Honos & virtus quos amor medius coniungit.

Afyllum quidam asserunt id fuisse spatium, quod inter S. *Afyllum.*
Mariæ AEgyptiacæ templum, Scholam Græcam, & Tyberim
protenditur: & ideo Misericordiæ ædem illic fuisse contendunt:
quod eò refugientibus admissorum criminum impunitas pro-
mittebatur: multi volunt in medio Capitolij fuisse Afyllum:
quod Octavius Augustus sustulit, vt multorum malorum ac
scelerum occasionem.

Ara Vestæ fuit olim à Numa Pompilio erecta prope Afyl- *Ara Vestæ.*
lum, vbi sacra Deæ fiebant. Fuitque id rotundum ædificium
Corinthiacis vndique sustentatum columnis, quod est è regio-
ne S. Mariæ AEgyptiacæ: nunc S. Stephano dicatum: eius forma
est orbicularis, sicut Panthei: lucemque admittit superiore a-
pertura, quæ in media fornice relicta est.

Rupes Tarpeia.

Tarpeia rupes vocatur id præcipitium, quod est posteriore Capitolij parte: & rectà spectat hanc aram Vestæ: ex hac Manlius affectatæ tyrannidis reus, edicto Senatûs præcipitatus est.

Domus Ouidij.

Domus Ouidij ostenditur inter eas ruinas quæ sunt non procul à templo S. Mariæ della Consolatione: alij dicunt fuisse in vico Iugario prope portam Carmentalem ad radices Capitolij prope forum holitorium: vbi quoque Valerius Amerinus habitauit, vbi Opis & Saturnus ædes habuerunt.

Templum Vesta.

Templum Vestæ, quod à Romulo post Urbem conditam est ædificatum inter Capitolium & Palatinum, fuit eo loco, vbi nunc est Templum S. Mariæ delle Gratiæ (alij S. Mariæ della Consolatione volunt) In eo Vestales virgines ignem sacrum

Palladiū.

& inextinctum custodiebant: & Palladium: quod erat simulachrum Palladis ligneum versatilibus oculis: olim ab Aenea ex Troia, cum Penatibus Ilij in Italiam deportatum. Hoc templum Deæ cum conflagrasset, ex incendio ereptum Palladium translatum est in Veliam: vbi est delubrum S. Andreæ in Pallara.

Forum Boarium.

Forum Boarium dictum est, quod Euander ob receptos Geryonis boues, & interfectum, lacum illic boue sacrum fecisset Herculi: vel quod boues illic venderentur: Incipit à Velabro, & extenditur inter Palatinum & Scholam Græcam, & templum S. Gregorij vsque ad Forum Romanum.

Arcus Boarius.

Arcus Boarius adiacet templo S. Gregorij in Velabro, totus est marmoreus, artificiosissimis sacrificantium figuris insignitus. Erectus olim in honorem Septimij Seueri, & M. Aurelij Imp. ab argentariis & negotiatoribus: vt patet ex inscriptione. IMP. CÆS. L. SEPTIMIO SEVERO PIO PERTINACI AVG. ARABIC. ADIABENIC. PARTH. MAX. FORTISSIMO FELICISSIMO PONTIF. MAX. TRIB. POTEST. XII. IMP. XI. COS. III. PATRI PATRIÆ. ET IMP. M. AVRELIO ANTONINO PIO FELICI AVG. TRIB. POTEST. VII. COS. III. P.P. PROCOS. FORTISSIMO FELICISSIMO QVE PRINCIPI. ET IVLIAE AVG. N. ET CASTRORVM ET SENATVS ET PATRIÆ ET IMP. CÆS. M. AVRELII ANTONINI PII FELICIS AVG. PARTHICI MAXIMI BRITANNICI MAXIMI.

ARGENTARII ET NEGOTIANTES BOARII HVIVS LOCI QUI DEVOTI NYMINI EORVM INVEHENT.

Templum

Templum Iani quadrifrontis videtur huic arcui vicinum: *Templum Iani quadrifrontis.* Quadratum est, & in vnaquaque fronte Porta amplissima: superiusque duodecim receptacula quibus olim mensiū simulara continebantur. Ianus enim sacrificiorum Princeps est habitus apud Antiquos: & eundem cum Vertumno crediderunt. Multa fuerunt Romæ templa Iano sacrata: aliud fuit prope Portam Carmentalem iuxta Theatrum Marcelli, quod Numa erexerat: habuitque tantum duas portas, quæ pacis temporibus claudebantur, bello autem relinquebātur apertæ. Hoc ter tantum clausum fuisse prodiderunt historiæ. Primo à Numa conditore: Secundo à T. Manlio Consule: Tertio ab Augusto Cæsare, post bellum Actiacum. Suetonius refert à Nerone quarto fuisse clausum: quod ex eiusdem Imperatoris numismatibus probatur: in quorum auersa facie legitur: P A C E P O P V L O R O M A N O V B I Q V E P A R T A I A N V M C L V S I T. Hodie templum hoc S. Catharinæ sacrum est.

Velabri ædes hodie S. Georgij in Velabro dicitur. Velabrum *Velabrū.* vocarunt antiqui, à velatura, siue vectura: quod tempore inundationis Tyberinæ, ij qui Auentinum petebant, cogebantur nauolo soluto illic pecuniam soluere, & in tribus in aliam ripam transfuehi.

Schola græca dicitur, ante quam erecta est ingens illa facies Porphyritica, cui buccæ veritatis nomen est. In ea S. Ambrosius docuisse creditur: Fuit olim templum Fortunæ Primigeniæ, nunc S. Mariæ dicatum. *Templum Fortunæ Primigeniæ.*

Herculis Victoris fuit olim templum è regione Scholæ Græcæ versus Tyberim: vbi hodie videtur adhuc ædificium rotundum fornice tectum. dirutum fuit à Sisto IIII. P. M. In hoc templum neque muscæ neque canes vt fama prodidit, ingrediebantur: tanta fuit veneratione apud antiquos, & hanc causam referunt. Cum Hercules cum victimariis Ioui sacrificaturus esset, & à muscis molestaretur, myagrium Deum muscarum rogasse fertur vt Muscas à carnibus arceret: clauam autem suam ad templi fores appendit; quam canes formidabant, neque audebant ostio appropinquare: Sacris quæ in eo fiebant, non aderant mulieres, neque serui, neque liberti, sed liberi tantum liberisque parentibus nati. *Templum Herculis Victoris.*

*Ara maxima.
Templa
Pudicitia
Patricia
& Plebeia.*

Ara maxima prope scholam Græcam ab Hercule fuit erecta: prope quam AEmilius ædificauit Pudicitia Patriciae fanum: in quod cum ingressa esset Virginia nobilis quidem, sed plebeij viri vxor, à reliquis matronis eiecta est: quæ offensa propter repulsam, in vico longo Pudicitia Plebeia templum erexit: à qua patriciae quoque matronæ arcebantur. Hæc duo templa non extant: neque eorum vestigia, licet à multis illis loca adsignentur coniecturis non admodum probabilibus.

Mons Auentinus.

Mons Auentinus diu infamis habitus est, & inauspicatus, propter auspicia Remo non secunda: quodque Remus in eo cæsus esset & sepultus; ideo fratri à Romulo sacratum est: Sed cum Urbis mœnia fuissent à principio nimis angusta, Ancus Martius Auentinum concessit Sabinis habitandum: quamuis non desint qui asserant sub Claudio Imperatore primum cœpisse habitari. hodie nomen antiquum retinuit.

*Auentina
Diana
templum.*

Dianæ templum in Auentini vertice ab Anco erectum est, quod omnibus Latinis commune fuit: alij dicunt à Seruio Tullio structum: qui quia ex ferua Corniculana natus esset, ideo diem festum quotannis idibus Augusti feruis omnibus in eo loco statuit. nunc sacrum est S. Sabinæ.

*Delubrum
bonæ Deæ.*

Bona Dea prope Dianæ delubrum habuit, à Claudia Vestali ædificatum in honorem Faunæ siue Fatuæ, Fauni Latinorum regis sororis: quæ inter deas relata est. nunc est S. Mariæ Auentinædicatum.

*Hercules
Victoris
aliud templum.*

Hercules Victor fanum habuit in summo Auentino, quod hodie dicitur S. Alexij: & illi iunctum fuit Lunæ sacellum: quod hodie conspicitur semidirutum.

*Templum
domus Iulij
Cæsar.*

Prope templum bonæ Deæ domum habuit Iulius Cæsar: ex hac Calpurnia Cæsaris vxor cum se ad sacra nocturna bonæ Deæ cum reliquis matronis contulisset, illius amore captus Clodius habitu muliebri tectus eò se contulit: cumque loci ignarus huc & illuc vagaretur, vt amicam quæreret, neque virorum ulli sacris Deæ liceret interesse, nescius quas ceremonias deberet seruare, ab ancilla proditus est.

*Therma
Deciane.*

Thermas ad Auentinum extruxit sumptuosas, Decius Imperator, quarum adhuc extant ingentes ruinae, non procul à templo S. Priscæ, quod olim fuit Herculis.

Prope

Prope hoc templum vineam habet Valerius S. Crucis & domum rusticam : in cuius hortulo Consularis statua videtur prætextata, manu baculum continens. Ibidem quoque videtur alia consularis imago eiusdem habitus, sed paulo minor. & Veneris seminudæ : & corpus virile , quod super columna repositum est: & alia muliebris statua, cuius nomen ignotum est.

*Domus
Valerij
S. Crucis.*

Remoria vocatur is locus, vbi Remus cum suis auspicatus est: qui priscum nomen hodie retinet: vocantque Romani Remoriam viam, quæ à Circo maximo per dorsum Auentini recta ducit ad munitionem Pauli I I I. Farnesij. in ea via cæsus est à Celere Remus Romuli iussu, & ibidem sepultus.

Remoria.

Varianæ Thermæ Decianis adiacent: vbi hodie ingentes arcus fornicum, & murorum reliquiæ Tyberi imminere conspiciuntur prope S. Alexium.

*Therma
Variana.*

Thermæ quoque Traiani cum palatio superioribus coniunctæ fuerunt in vltima parte Auentini: quarum adhuc ruinæ frequentes videntur ad Munitionem Farnesiam & portam veterem Tergeminam, in vinea Francisci Albertini ciuis Romani.

*Therma
Traiani.*

Spelunca Caci, eo loco fuisse dicitur, vbi rupes aspera & exesa, locusque accliuus cernitur spectans Tyberim, è regione S. Mariæ Auentinæ. Hunc cum mactasset Hercules, quod boues, quos ex Hispania deuictis Geryonibus captiuos abducebat, auersis caudis in id antrum traxisset: ibidem aram Ioui inuentori erexit, vbi postea templum extructum est Herculi.

*Spelunca
Caci.*

Ad hoc præcipitium fuerunt olim furcæ Gemoniæ vbi facinorosi & scelerati vncis tracti immaniter trucidabantur. Ad has Vitellius Imperator furca sub mento applicata, & vestibus ad nates vsque turpiter laceris, Vespasiani iussu necatus est: quod paulo ante Sabinum Vespasiani fratrem è viuis sustulisset.

*Furca Ge-
monia.*

Porta Tergemina antiquissima ex opere latericio adhuc hodie fere integra videtur ad Auentini radices, prope Tyberim, ad vineas, quæ Traiani Thermis adiacent. Per hanc portam exiuerunt vrbe Tergemini fratres Horatij, vt contra Curiacios Albanos pro patriæ libertate decertarent: quibus cæsis, ac duobus fratribus amissis Horatius ouans in urbem regressus est.

*Porta Ter-
gemina.*

*Horrea
Diocleti-
ani.*

Horrea P. R. quæ à Diocletiano aucta & restaurata eius nomen sumpserunt, conspiciuntur inter Tyberim & montem Testaceum, centum & quinquaginta cellis conspicua. Horum ruinæ, instar arcis amplissimæ adhuc extant in vinea Iulij Cæsarini patricij Romani.

*Mons Te-
starius.*

Mons Testaceus huic adiacet vineæ; qui ex vasta congerie vasorum fictilium erectus est. De hac vrnarum coaceruatione variæ feruntur opiniones. Quidam existimant montem hunc (qui in circuitu suo fere duo millia passuum continet, & in altitudine plusquam centum & sexaginta pedes) in tantam vastitatem insurrexisse ex fragmentis ollarum, quæ à figulis eam vrbis partem circa flumen incolentibus congerebantur: ne si in Tyberim proiecta essent, fluuij cursum impedirent vel si in agros vicinos essent exonerata, locorum obessent fertilitati. Quidam, sed ineptè prorsus, eum vocant Monte d' Ogni terra: fabulantes coniectura ridicula erectum fuisse ex vasibus diuersarum nationum, quibus tributa Romam importabant. Et vasa in eum locum memoriæ causâ detrudi iubebantur.

*Circus
Olympi-
cus.*

Circus Olympicus totum id spatium loci complectebatur, quod Testaceum montem continet: Hinc fit verisimile aliquibus doctioribus, qui antiquitatis monimenta diligentius peruestigant, locum illum non fuisse tributum figulis, qui Tyberinam habitabant ripam, ut in eo circo suarum fornacum exonerarent excrementa, qui iuuentutis exercitiis, maximè nobilium, sacer erat: ut in eo quadrigis, equis, cursu, luctaque sese exercebant.

*Pyramis
Epulonū.*

Pyramis C. Cestij Septemviri Epulonū adhuc integra conspicitur ad portam Ostiensem, mœnibus vrbis inclusa. Structa est ex candido marmore saxis ingentibus & quadratis, & quamvis in eius frontispicio quod Testaceum spectat maiusculis literis nomen C. Cestij referat: volunt tamen doctiores hanc Pyramidem fuisse sepulchrum commune omnibus Epulonum septemviris. Erant enim Epulones, qui curam gerebant conuiuiorum, quæ fiebant diebus festis & solemnibus sacrificiis in honorem Deorum.

*Porta O-
stiensis.*

Porta Ostiensis, quæ nunc S. Pauli dicitur, Pyramidi Cestij vicina

vicina est: per eam Ostiensi via (quam struxit Ancus Martius) Ostiam venit. Extra hanc portam statim se offert templum illud splendidum quod diuo Paulo dicatum est. In quo quatuor sunt ordines columnarum ingentium marmorearum Dorico & Corinthio opere: præter alias innumeras Atticas & Ionicas, quæ totum chori sustinent ædificium. Neque vllum Romæ inuenias templum, quod columnarum frequentiore numero, vel exquisitioribus marmoribus sit excultum, quam hoc: Aduecta enim sunt hæc omnia ex duplici portu Ostiensi Neroniano, & Antoniniano, qui magnificentissimis structuris fuerunt ornati.

*Templum
S. Pauli.*

Ostiensi via ad Tyberim relicta, pons sese offert ad læuam, riuo non admodum magno superiacens. A quo semita sese extendit in colles vicinos, ducitque ad eum locum qui vocatur Tré fontane. Templum est antiquum: ante cuius porticum porphyriticæ extolluntur columnæ preciosissimæ: variegatæ enim sunt venustissimè rubro ac cinericio colore. Intrinsecus ostenduntur tres fontium scaturigines: quarum aquæ sacrosanctæ vulgo existimantur, ac morbis multis mederi. In eo loco Paulus Apostolus sub Nerone truncatus capite creditur.

Hæc primo die diligenter perlustrasse satis erit.

VRBIS

TOPOGRAPHIA ROMÆ
VRBIS ROMANAE
TOPOGRAPHIA,

DIES SECVNDVS.



*Domus
Bernardi
Alberichi.*

OSTERO die cum ex Burgo ingrederis Urbem, per AElum siue Castelli S. Angeli pontem, venies ad bifurcatam viam: quæ ad dextram est versus Tyberim; vocatur Strada Iulia: illic domus est Bernardi Alberichi, vbi in hortulo videtur M. Catonis caput: & statua leonis in hiantis equo.

*Ædes Bindi
de Altoviti.*

In ædibus Bindi Altoviti, quæ sunt non procul ab AEllo ponte ad ingressum alterius vici qui Bauco vocatur, in cubiculo capita videntur concinno ordine collocata suis basibus in circuitu, Vespasiani, Mutij Sceuolæ, Augusti, Antonini Caracallæ, Iulij Cæsaris, Galerix Faustinx, Opilij Macrini, Marij septies Consulis, & satyri venustissimi. Ibidem videtur statua Cupidinis continentis lupum, & Autumni: aliaque fragmenta antiquitatis, tabulæ elegantes marmoreæ antiquæ & pictæ recenti opere.

*Petri
Strozze
palatium.*

Ad dextram visitur Petri Strozze palatium, simulachris antiquis exornatum. Ingressis enim primam aream domus, offert sese ingens Meleagri & Athalantæ statua marmorea ex candidissimo lapide: opus laudatissimum; propter signorum venustatem, & sculptoris artem admirandam. Superiora huius Palatii cœnacula sunt tabulis frequentibus, & imaginibus Imperatorum exculta: Sed quia eiusmodi ornamenta videntur multis in locis Romæ, in eorum enumeratione diutius non hærebimus: Sufficiet si hospes contemplatione tam variarum rerum se exhilarans, vltius progrediatur: Veniatque ad eum locum vbi via in duas distribuitur partes. Læua pars quæ ad ædes Sabello-

*Palatinum
Card. S.
Floræ.*

rum ducit, quia nihil admodum notatu dignum ostentat, relinquenda est, dimissoque palatio Cardinalis S. Floræ, quod tamen plurima continet obseruatione dignissima, & splendorem tanti Principis referentia: quia tamen ad antiquitates de quibus hic agimus non faciunt, ea faciemus missa: Et obiter perlustratis omnibus, ad viam Peregrini, & montem Iordanum con-

*Palatium
Pauli Iordani.*

tende-

tendemus. in cuius eminentiore parte Pauli Iordani palatiū sese attollit diuersis ornamētis insigne: Plurima enim illic videntur tam antiqua quā recentiora; quæ accuratè ac diligenter singula considerasse, nemini vnquam labos pœnitendus esse poterit.

Apud Ardiciū, qui ad montem Iordanum habitat, elegans ostenditur statua viri nudi, pallio ad læuam inflexo. *Domus Ardicij.*

Apud Vincentiū Stampa in Campo flisco in cœnaculo maiore multa sunt illustrium virorum capita: vt Lucretiæ, Iuliæ Titi filiæ, Iuliæ Mammæ, AElī Pertinacis, Drusi fratris Tiberij Imp. Et ipsi Tiberij. Hadriani. M. Aurelij. Heliogabali. Neronis. Augusti. Philippi Macedonis Amyntæ filij. Palladis. Apollinis. Et alia capita plusquam viginti hominum ignotorum: item Satyri, Veneris, & pueri ridentis. Tres Charites. pueri statua quam credunt esse Gordiani: & capita Fauni, & Termini. *Domus Laurentij Stampæ.*

Inde descenditur ad ædes Cardinalis Putei: in quibus sunt aliquot antiqua capita, vt Hadriani, Augusti, Faustinae iunioris: Et alia ignota: sunt ibidem aliquot inscriptiones antiquæ, vasa ex alabastro, & Simithe lapide, quorum precium æstimari non potest. *Ædes Cardinalis. Putei.*

E regione ex opposito diuersorij Galli in Parione Francisci Liscæ domus est: in qua tres visuntur elegantes statuæ virginis Vestalis amictæ stola, Iuliæ Pompeij Magni vxoris togatæ, & Panis semicapri, ad cuius pedes iacet aries. Alia videntur sub porticu domus simulachra, vt Pomonæ, Siluani nudi, Famæ, Bacchi, Arethusæ nymphæ, Cybeles, Fauni qui cauda tigrem tenet & baculo illi minitatur. Iunonis Lucinæ togata statua, quæ ramum rosarij tenet: Hebes Iunonis filiæ, quæ vna videtur aquam fundere. Et Apollo nudus in truncum cubito inflexus, circa quem sese implicat serpens. ibidem videtur & caput Auentini regis Albæ Longæ: & Agrippinæ filiæ Germanici, & matris Neronis: apud eundem in hortulo diuersæ sunt inscriptiones antiquæ, & fragmenta antiquitatis non contemnenda. *Francisci Liscæ domus.*

In eodem Parionis siue Hiperionis vico palatium est cardinalis Medichini: in quo multa sunt elegantissima capita illustrium virorum: vt Iouis, Palladis, Iulij Cæsaris, Augusti, & aliorum, & marmora grandia cum statuis militaribus & inscriptionibus, quæ omnia magnis sumptibus Tibure curauit Romā aduehi: ad suæ domus cultum. *Palatium Cardinalis Medichini.*

E

Ad fi-

Pasquin.

Ad finem Hiperionis sunt Arianæ ædes amplissimæ: ad cuius angulum sita est illa tota Vrbe, imo toto orbe celeberrima Pasquini statua: cuius festum celebratur toto fere anno, sed maxime in die S. Marci. Ad hanc solent Romani adfigere scommata, & famosa epigrammata: quibus innotescit omnibus quicquid ioci aut vitiorum tota vrbe solet committi inter Principes, ac matronas nobiliores: plerumque cum infamia ac dedecore multorum: cum Satyrica illa scripta nullius nomini, conditio-
 nique parcant: imo etiam sæpissimè summorum Pontificum gesta, ioci, ac secretiora dicta in eo loco publicentur. Et cardinalium collegium turpi sanna plerumque fugillatur. Statuam hanc quidam asserunt fuisse Alexandri magni, alij Herculis: Sed horum opinio quibus argumentis probari possit nescio: cum in ea nullum signum appareat, quo possimus coniectari fuisse alterutrum. Factam tamen ab excellentissimo constat artifice: Et à sculptoribus hodiernis admodum probari videmus, propter membrorum & musculorum concinnam symmetriam: licet tota sit confracta & mutilata.

*Palatium
Cancellaria.*

Haud procul inde vastum illud palatium Cancellariæ quadrato ædificio, ac totum ex Tiburtino lapide constructum: Hoc ædificatum est ex ruinis Amphitheatri Titi Vespasiani, quod Coliseum vocant: Ne tamen hæc tam magnifica structura prorsus deleteretur, Pontifices voluerunt aliquam eius partem relinqui superstitem, vt ex ea appareret splendor integri ædificij: In hoc palatio Cancellariæ, primo statim ingressu apparent duæ ingentes colossæ statuæ muliebres, quæ dicuntur fuisse Opis & Cereris. In cœnaculo superiore multa sunt excellentia opera capitum disposita bello ordine cum suis basibus, singula marmoreis loculis. Inter quæ sunt capita Sept. Seueri, Antonini Pij, Titi, Augusti, Domiciani, Getæ Imp. Sabinæ mulieris, gladiatoris ignoti, Pyrrhi regis Epirotarum, & statua Cupidinis. In conclauis posteriori fragmenta mutilata simulacrorum seruantur plurima: duo Iuuenes humeris gestantes urnas: tres statuæ nudæ sed contractæ: & plusquam quinquaginta capita ignotorum hominum.

Ad angulum posteriorem huius palatij sunt ædes Pauli Galli, paræ quidem, sed quæ architectura & artificio non cedunt amplio-

amplioribus. Super porta prima repositum est caput Romuli in Nischio marmoreo. Intus est statua Apollinis pharetrati nuda & integra: Et M. Aurelij caput. in corte Pila est ingens quæ diuersis foliis artificiosè variegata est: & duæ statuæ muliebres mutilæ: ex quibus vna est ex marmore Mischio viridi variegato. Ibidem erectum est egregium Bacchi nudi simulacrum, redimiti pampinis & uuis, & cum Satyro colludentis: Bacchus hic dicitur sculptus à Michaelē Angelo Bonaroto, cum primum Romam iuuenis venisset Florentia: eo tempore primum locum inter pictores totius orbis facile obtinebat Raphael Sanctius Vrbinas: Is cum tacitè Bonaroti famæ inuideret, & illius honorem crescentem studeret subuertere: Michaelē non latuerunt Sanctij consilia: cumque Florentino esset ingenium elatum & in vindictam pronū, ex aduersarij iudicio sibi famam apud Romanos stabilire constituit; opera multorum amicorum, maxime Cardinalis Capoferrati, qui illum dum vixit perpetuo dilexit & fouit. Bonarotus igitur ex antiquo marmore quanta potuit arte & industria hunc formauit Bacchum, perfectamque statuam vno mutilauit brachio, quod penes se seruauit: & in basis statua excavata lacuna suum inscripsit nomē, quod litocolla cooperuit: opusque quod clamculum elaborauerat, iussit terra recondi in vinea cuiusdam ciuis, qui in ea domum paulo post structurus erat: Cumque anno sequente simulacrum hoc esset repertum ab iis qui fundamenta domus iaciebant, vt solet Romæ fieri, statim adplaudi cœptum est, & aduectum ante Pontificis Palatium laudari à multis, & cum aliis conferri, ac multis præponi: Solus Michael dissimulatū suum opus laudare quidem, sed in eo non deesse quę possent reprehendi dicebat: Tunc contentione inter illum & Sanctiū orta, inuerti basim iussit, suum nomen ostendi, & brachiū quod auulserat nouum adplicari statuæ, quam calce cimento liniuerat prius, vt hunc situm ex antiquitate contraxisse videretur. Factumque est vt Bonarottus summum honorem apud Romanos ex Sanctij sententia fuerit adeptus: Sed cum statua fuisset recens comprobata, ac precio mille ducatorum æstimata, ad quingentorum redacta est.

A Cancellaria paruo interuallo venit ad forum Farnesiorum, quod la piazza del Duca vulgo nuncupatur. In eo est am-

Palatium
Farnesiorum.

plissimum magnificentissimumque palatium quotquot in vrbe videntur, à Paulo III. P. M. Farnesio summis impensis excitatum. In eius vestibulo fornicato, inter columnas Ionicas ex Ophite marmore tres sunt statuæ: duæ capitibus carent, vna sola superest integra. Ibidem est leo marmoreus, & truncum corpus viri nudi. Sequuntur duæ muliebres statuæ colossæ, quæ brachiis & capitibus carent: In perystilio porticûs, inter columnas duo sunt Hercules insigni artificio, nudi vterq; cum spolio leonis & claua: quorum minor ex orientali marmore magnopere commendatur: in eius basi scriptum est ΓΑΤΚΩΝ ΑΘΗΝΑΙΟΣ ΕΠΟΙΕΙ. Ad latus sinistrum, quâ patet in cellam vinariam descensus, erectus est Iuppiter tonans, siue fulgurator: Cellæ vinariæ, quæ sunt amplissimæ, & fornicum structura prorsus admirandæ, stratæ sunt pauimentis asarotis, tessellato venustissimoque opere: Ad principiû graduum, qui ad superiora ducunt, videntur Venus, Cupido, Flora, ac Neptunus: Paulo altius est Hermaphroditus ex Basalthe siue Lydio lapide, manu dextra in caput reflexa, vultu & capillis muliebribus, nudus quidem corpore, sed à femoribus vsque ad pedes veste tectus, cui adpositû est musicum instrumentum. In primis deambulacris est Mercurius, & duo Numidæ reges captiui (qui fuerunt aduecti ex S. Apostoli templo) erecti ad vtramque portæ partem. In superioribus repositoriis est Pallas & Bacchus: Ibidem est Iuno regina ex Porphyro, capite, manibus, ac pedibus æneis deauratis, ad cuius vtrumque latus sunt Naiades nymphæ, capitibus, brachiis, & femoribus ex candidissimo alabastro, reliquis vestimentis fluitantibus ex lapide variegato cœruleo & nigro. In cubiculo vicino Venus est nuda, genu in terram adplicato, & blandè tuens Cupidinem adstantem. Ibidem sunt tres fluuiorum marmoreæ statuæ, & capita diuersorum hominum cum suis pectoribus. Et quia palatium hoc nondum est absolutum, in ea parte quæ Tyberim spectat, multę reseruantur statuę, quę postea ad ornatum domus adplicabuntur: Inter quas est Roma triumphans ex Porphyro, cuius caput, brachia & pedes sunt ex orichalco. & Iuppiter Capitolinus sedens, & duo corpora mutilata Herculis: Gladiatoris Colosseï, ex cuius humeris dependet gladius, pede dextro in clipeum posito, cui adiacet cassis & vestimenta. M. Aurelij statua chlamydata, auerso in humeros palliolo, ex quibus depen-

dependet baltheus cum gladio. Veneris, & Hermaphroditum, qui capitibus carent. Et alterius mulieris nude, quæ vestem brachio tenet implicatam. Ibidem est Sabina mulier vestita pectore feminudo. & Natura cum pluribus māmīs, & diuersis animalib⁹, & floribus in circuitu adplicatis. Illic quoq; est Antoninus Pius: Aestas spicis coronata: Iuppiter nudus. Leda genu in terram demisso, dextra cygnum stringens lasciue. Nymphæ Oreas ferina pelle amicta. Mercuri⁹ puellā brachio sustinēs: Hercules nudus in truncum inflexus, cui adposita est pharetra cum sagittis. Pallas vestita. Aesculapius antiquo more calceatus. Gladiator continens manu à tergo puerum mortuum: Triton desinens pubetenus in piscem. Terminus nudus. Minerua capite carens. Satyrus cornutus, lasciue complectens iuuenem, quem docet inflare fistulam nouem calamorum. Vir nudus, qui dextra in tergum reflexa tenet fundam. Mercurius petasatus & caduceatus, stringēs manu crumenam: Bacchus uuis coronatus, & Pantheræ spolio amictus. Roma togata. Candelabrū in quo est Roma triūphans, quæ fulcitur harpyis, & vtrinque habet alatas victorias. Ibidem videtur & Delphinus dorso sustinens puerū. Et tropheū armorū ex Porphyro: & statua Vestē, siue vestalis virginis ex nigro lapide, & capita Vespasiani, Antinoi, Octauij Augusti, Fauni, & aliorū plurimorum, qui incogniti sunt: Sunt & Tabule marmoreę insignes: vna continet duas viri & mulieris imagines: alia habet Silenum infantem fistulam, & Priapum nudum; prope quem iacet mulier, & centaurus. Capita Hadriani, Iulij Cæsaris, Floræ, Iouis, Mineruæ, Catonis, & aliorum. Ibidē est mōs marmoreus: in cuius apice Marathonium taurum occidit Hercules: ad latus montis est serpens, qui se in scrobem insinuat: & leo saliens in taurum: aries, testudo, columbæ, leo alter mordicus tenens ceruum; duo alij cerui pascentes, lupus dormiēs in spelunca, pastor cum fistula vndecim calamorum, quæ dependet ex arbore vicina. porcelli duo dormientes, aquila, serpens, sese contorquens in arboris truncum: canis leporarius & psittacus: Hæc omnia eodem marmore tanto ficta artificio, vt satis admirari sculptoris artem & industriam nemo possit: inuentum est hoc opus in Thermis Antonianis.

Ex opposito palatij Farnesiani sunt ædes Norciarum, diuersis inscriptionibus antiquis insignes: & elegantissimo illo

*Domus
Norcia-
rum.*

Adonide nudo, integro, & baculum tenente: alij Meleagrū esse dicunt, propter Caput Apri adiacentis, & canē qui spirare videtur: Inuentus est in ianiculo monte in vinea: eius precium quinque millibus ducatorum æstimatur: nulla statua tota Roma videtur magis integra. nusquam gentium antiqui operis statuæ tanti emuntur, quam Romæ. Omnes enim istorum ornamentorum ita sunt studiosi, vt in iis conquirendis, videantur inuicem decertare sumptibus & curiositate: In eadem domo Venus est nuda non minoris precij, quam est Adonis. Est & Diana succincta, corytto arcu & sagittis armata. & duæ Orcades, quæ pharetras & arcus gestant. Videtur ibidem simulacrum boni Euentus, qui dextra speculum tenet, læua sertum exspicis: Opus est Praxitelis absolutissimum.

*Latini Iu-
uenalis
domus.*

In domo Latini Iuuenalis della Regola prope campum Floræ, in hortulo videntur statuæ, Traiani Imp. armata: Liuiæ vxoris Augusti. Lucretiæ. Herculis tenentis malum Hesperidum. mulieris tenui syndone vestitæ. alię mulieris sedentis & somnolentæ. alterius Herculis cum claua & leonis spolio. Duo Consules: duæ aliæ mulieres vestibus in nodum super humeros collectis. Alia mulier quæ brachiis puellum sustinet: Senex volumen tenens, seminudus, reflexa in tergum veste. & Pastor cum cucullione Phrygio. Sunt & ibidem plusquam quinquaginta capita Imperatorum, & virorum illustrium: singula suis oculis siue Nischiis apte disposita.

*Domus
Iordanis
Boccabelli*

In domo Iordanis Boccabelli prope campū Floræ videtur capita Getæ Imp. pueri. Dianæ tricipitis. Iouis. Cybeles. Faustinae. Martiæ Otacillę. Panis. Herculis. Et Cupidinis simulacrū: & diuersa fragmenta antiquitatis multo laborata artificio & industria.

*Lucæ de
Massinis
domus.*

Apud Lucā de Massinis sunt capita Octauij Augusti. Tiberij. L. Seueri. Tria Neronis. Bruti Cōsulis. Iuliæ. Sabinæ. Asdrubalis. Marij. Fauni ridentis: & alia plusquam quadraginta ignotorum hominum: Ibidem est Apollinis statua nuda sine capite, & monstrum marinum.

*Palatium
Card. Ca-
poserrati.*

Nō procul à Campo Floræ sunt ædes Cardinalis Caposerrati qui S. Georgij dicitur, Farnesianis multo minores, sed non minoris splendoris & artificij: absolutæ enim sunt, intrinsecus & extrinsecus, diuersis imaginibus & signis ornatissimæ: In frontispicio

tispicio depingitur tempus vernum: Veris præses est Venus (quæ ad similitudinem corporis Liviæ Columnæ Principis formosissimæ depicta est) quæcunque illic repræsentatur, sunt amatoria: complexio hominum est sanguinea, & æris elemento cuncta signantur: Ita & in reliquis frontispiciis complexiones cholericæ, Melancholica, & Phlegmatica sunt expresse. Elementa ignis, aqua, terra: tempora æstas, autumnus, hyems. Dij præfides Mars, Saturnus, & Ianus. Opus est absolutissimum. Cardinalis hic ut fuit vir ingeniosus, comis, & liberalis, intimo Michaeli Angeli profecutus est amore, & ab eo impetrauit quicquid à tanto viro potuit artificiosum excogitari. Cui & cōclauē pinxit secretū: in quo duodecim Iouis adulteria arte summa sunt expressa. Maiori cœnaculo, de quo superius egimus, adiacet antiquariū, Deorum imaginibus & signis antiquis refertissimum. Est enim illic ex marmore Iuppiter, Ganymedes, Venus, Bacchus, Flora, Mercurius, & alij plurimi tam consules, quam matronæ Romanæ, & Imperatores. In deambulacro vicino erecta est Actij Nauis Auguris statua, cotem nouacula scindentis: quæ olim in Comitio seruabatur: Ibidem est venustissima Veneris ex alabastro statua colludentis cum Cupidine.

Palatio Capoferrati ad dextrā relicto redeundum est in Campum Floræ: in cuius parte superiore, vbi est horologium, extollit sese domus Vrsinorum: quæ structa est in ruinis Theatri Pompeiani; cuius pars adhuc videtur integra ad stabula domus huius.

*Theatrum
Pompeij.*

Inde veniendum est per forum Iudæorum ad forum Piscariū: in quo est templum S. Angeli in Pescaria, quod olim fuit Iunonis reginæ: Et incendio cum esset cōsumptum, à Sept. Seuero, & M. Aurelio restauratum est: ut ex inscriptione frontispicii colligitur: quæ talis est: IMP. CÆS. L. SEPTIMIUS SEVERUS PIVS, PERTINAX AVG. ARABIC. ADIABENIC. PARTHIC. MAXIMVS. TRIB. POTESTAT. XI. COS. III. P. P. ET IMP. CÆS. M. AVRELIVS ANTONINVS PIVS. FELIX. AVG. PONT. MAX. TRIB. POT. VI. COS. PROCOS.

INCENDIO CONSUMPTVM RESTITVERVNT.

Huic templo S. Angeli vicinæ sunt adhuc erectæ columnæ altissimæ: quæ partes sunt Porticūs Septimij Seueri, dedicatæ Mercurio.

*Porticus
Septimiana.*

Ad hanc

*Domus
Vallati.*

Ad hanc porticum Gabriel Vallatus habet ædes : in quibus plurimæ sunt inscriptiones, & antiqua marmora : quæ studiosi antiquitatis nullo modo prætereire debent. Sunt enim ad prime notatu digna.

Canopus.

Hinc veniendum est ad turrim Arantiorū (quam vulgus vocat la torre delle citrangoie) cui vicinam domum habet Marius Delphinus. Eius horti pleni sunt innumero ordine prisca- rum inscriptionum, quas eius pater Gentilis (post Borbonij obsidionem vrbe militum prædæ exposita) diuersis in locis collectas, & selectas, in suas ædes transferri curauit. Ibidem videtur Canopi statua ex Simithe lapide facta in hydriæ speciem : In cuius frontispicio anteriore tabula est proposita literis hieroglyphicis plena, quibus arcana sacrificiorum Canopi mysteria tradicreduntur. Nemo ex Romanis principibus aut patriciis tantum numismatum antiquorum possidet, quantum hic Delphinus : quæ Gentilis Delphinus eius pater summo studio & impensis longo tempore congeffit, & filius patri non absimilia auget quotidie : Habet is præter alia domi suæ stateres antiquos ex orichalco : ad cuius normam reformati sunt reliqui stateres qui nunc vbique à mercatoribus seruantur in officinis suis, ad vsum ponderum : qui aliquot sæculis desierant in vfu esse, substitutis in eorum locum bilancibus.

*Domus
Maximorum.*

Hinc non esset incommodum reuerti ad palatium Senense quod non procul abest à Campo Floræ : quo diligenter perlustrato, conscendendum erit paulo altius versus Hyperionem ad ædes Maximorum : in quibus colossea Pyrrhi regis Epirotarum erecta est elegans statua galeata, & armata, dextera clipeo innitens, & pallio in humeros reflexo : quæ duobus ducatorum milibus empta est, ab Angelo de Maximis : ibidem præter Iulij Cæsaris caput marmoreum, multa marmora, tabulæ, vasa, picturæ & fragmenta antiquitatis ostenduntur : quibus domini facultates ac splendor facile demonstratur.

Paulo inferius est palatium nouum Cardinalis della valle : quod omnibus antiquitatis ornamentis excoluit Princeps eruditus & locuples. In prima enim fronte plurimæ sunt statuæ Consulū & Imperatorum : ex quibus vna demonstratur Hortensij ; altera Pisonis, qui frugidictus est : alia Cetegi : Inferius multæ

multæ leguntur inscriptiones, tam Græcæ quam Latinæ. multæ videntur Pilæ lapideæ striatæ & sculptæ pulcherrimo artificio quibus meo tempore nondum erat locus adsignatus. In parte superiore, ad quam gradibus ascenditur ad dextram videtur Marsias adligatus columnæ, opere artificiosissimo absolutus à Leuxide: qui ex Concordiæ templo effusus est. In prima corte duo sunt Satyri sine brachiis gestantes cophinos fructibus plenos. In cubiculo primo sunt octo capita cum pectoribus armatis & vestitis: nempe Iulij Cæsaris, Milonis Crotoniatæ, Getæ Imperatoris, tria muliebria, quæ cuius sint nescitur, & duo puerilia. Sunt & ibidem plus quàm quadraginta capita marmorea diuersarum statuarum: inter quæ multa sunt Herculis, Sileni, Panis, & aliorum. Hoc malum semper fuit Romæ propter nimium rerum antiquarum studium, vt qui statuas non potuerunt emere integras, partes earum maximè capita sacrilegè confracta & à corporibus auulsa sibi vendicarunt: Hinc fit vt passim non agnoscantur corpora sine capitibus, & raro quoque capita sine corporibus. Ad læuam, laruæ ingentes lapideæ conspiciuntur, quales sunt in illo peristyllo hortuli palatii Pontificum. Statuæ illic quoque dispositæ sunt ordine concinno Palladis, Cybeles, Phaëthontis, Victoriæ, Neptuni, Apollinis ex Battlio vel Lydio lapide, Herculis Nemeæum suffocantis leonem, Sabinæ vxoris Hadriani, Poppeæ Neronis, Lucillæ Pompeiani, Duarum Napæarum, vnius Naiadis, Floræ, & vnius Musæ quæ fistulam manu tenet. Videntur in eodem palatio ad parietes suis basibus & Nischiis repositæ statuæ: ex quibus sunt quatuor, quæ carent capitibus, vna armata, altera togata quæ est ex porphyro, reliquæ duæ sunt armatæ: In ordine superiore quatuor aliæ sunt statuæ sine brachiis, tam nudæ quam togatæ. Est ibidem ingens Iouis caput, & quatuor magnæ laruæ, & quinque Sabinæ mulieres vestitæ. Iuppiter nudus cum aquila: qui tabulæ superimpositus est in qua sculptus est centaurus. Neptunus quoque ibidem erectus est super tabula, quæ Meleagri venationem continet: Est & Faunus nudus, humeros & pectus pelle veruecina tectus. Mercurius quoque nudus, pallio in brachium læuum inuoluto: duæ mulieres vestitæ more antiquo; duæ armatæ: & tabulæ quatuor diuersis illustres figuris, maximè raptu Sabinarū:

Ad sinistram, primo ordine videtur Minerua togata, Hadrianus Imp. paludatus, Hercules cum spolio Leonis, Otho Imp. & mulier ignoti nominis. Inter has quinque statuas sunt quatuor tabulæ diuersis figuris insignes. In quatuor angulis quatuor sunt reges captiui: vnusquisque suis basibus repositus: quorum tres sunt ex porphyro, quartus est marmoreus. Sub vno rege repositum est Herculis mutilatum simulacrum: sub altero Bacchi. Ad latus dextrum erectus est Hermaphroditus nudus: Iuppiter. Bacchus. Hercules. Apollo Praxitelis opus. Mars. Galba Imp. Antoninus Pius. Constantinus Magnus, & consulares aliquot statuæ: ex quibus vna creditur esse Salustij, altera Nemmij. Sunt & ibidem in aræ superioris circuitu summæ artificio sculptæ tabulæ: In quibus triumphus Marci Aurelij Antonini sunt expressi, quales in area Capitolina conspiciuntur: & aliæ, in quibus notati sunt varij sacrificiorum ritus, & victimarum ceremoniæ. In area hortuli (vbi mali Medicæ, Punicæ & Cedri, aliæque arbores peregrinæ confertæ sunt) tabulæ sunt marmoreæ, in quibus Corybantum cum tympanis & tintinabulis incessus, Naiadum chori, & Meleagri venatio incissa est, quæ si bene notauimus, proximè accedunt ad numerum sexaginta. In posteriore parte, quæ in cœnacula patet ingressus, tres sunt marmoreæ matronarum Romanarum statuæ colossæ: quarum vna dicitur esse Sabinæ Hadriani: Secunda Cornelie Crassi: tertia ignoratur.

Aliud palatium Vallæum.

Habet hic quoque Valerius Cardinalis Vallæus aliud palatiū quod cum noua fabrica coniuncturus erat: In huius area media quatuor sunt antiquissimæ Bacchi statuę diuersorum artificum: & Ganymedes cum aquila & fulmine: Tethys, Hercules, Apollo, Venus, Mercurius, & Faunus: Gladiatoris. Ad læuam partē porticus est Orphei cum Barbita statua, Bacchi sinu vestis continēs vuas & fructus. Atis pastoris Idæi sedentis, & infantis fistulam. Ante primam portam est ingens caput Iouis cum pectore. Ad primam porticum duo sunt capita ignotorum hominum: & aliud colosseum. In frontispicio dextro, est Venus nuda, cui adstat Delphinus: hanc alij volunt esse Tethyn, vel Galatheam. Ad læuam super Ganymede est lupa ex porphyro lactans Remum & Ro-

& Romulum. In frontispicio opposito duæ sunt statuæ, vna Scipionis Africani, altera ignoratur. Super his duobus repositum est marinum monstrum Delphino simile, cuius dorso insidet puellus: In cornicibus ædificij, quæ circuitum areæ cingunt, variae sunt figuræ puerorum, Grifforum, & aliorum animalium: antiqua omnia. Ante ingressum cœnaculi statua videtur viri iuuenis, qui genu inflectit, ac sursum caput attollit: super tribus portis vicinis singula capita marmorea disposita sunt suis basibus & Nischiis. In cœnaculo ad dextram est Antoninus Pius. Super porta sequente est consulis cuiusdam caput (Bruti volunt esse). & Faustinae M. Aurelij vxoris: Portæ omnes huius palatij structæ sunt ex variis marmoribus preciosissimis & antiquis.

Contiguas huic palatio habet ædes Vallæus Episcopus: in quibus erectum est marmor candidum, altum, & quadratum cum horoscopo solari, & signis Zodiaci: vbi singulorum mensium dies, & horæ notantur; & quicquid obseruare assueti erant antiqui, tam in sacrificiis Deorum, quam in iis quæ ad rem rusticam pertinebant; vt hodie nostris Kalendaris factitatur. Sunt & in eadem domo multæ inscriptiones antiquæ, signa, & statuę multâ venustate & artificio laudandæ.

Proxima domus est Casarelli, in cuius area duæ sunt statuæ togatæ, quæ manibus carent: & antiquo situ & temporum injuria corrosæ.

Ex altera parte plateæ domus est Alberinorum: In cuius hortis leguntur varia Epitaphia, inscriptiones; & statuæ Deorum illustriumque virorum ibidem videntur.

Cinciorum ædes non admodum sunt remotæ: in quibus præter alia ornamenta quæ illic videntur, elegans est simulacrum vertumni gerentis cucurbitum, & altera manu ligonem. Est & ibidem statua Apollinis Pythij nuda & integra.

In domo Iulij Cæsarini, in corte prima, est Adonis nudus, sed brachiis mutilus: In horto Cæsarini qui non procul abest ab illius ædibus, quatuor sunt muliebres statuæ vestitę: quarum vna gestat vas, & eam vocant Cariatidem. Proxima est Venus, & alia mulier nuda illi astans, facta ex eodem marmore. ibidem sunt

Propertij.

aliæ quatuor muliebres statuæ vestitæ tres, vna nuda: omnes integre, præter brachia: Ad horti portā statua est sedens, quæ capite caret. Et duo Iani bifrontes; multaque capita cum suis pectoribus, singula suis basibus adplicata; Inter quæ est Propertij poetæ: Vespasiani, & Galerix Faustinae: è regione Propertij est Faustinae iunioris caput, Augusti adhuc iuuenis, Bacchi cum spolio veruecino, & aliud incognitum: omnia opera summa arte elaborata & perfecta. In alio cubiculo viginti quinque sunt capita tam Imperatorum, quam aliorum illustrium: & caput muliebre ex lapide nigro: quinque corpora mutilata: & crus vnum æneum, quod summe laudatum est à Michaelè Angelo.

Domo Ambrosij Lilij.

In domo Ambrosij Lilij caput est Pompeij: & in area interiore sunt diuersa fragmenta statuarum: & vna tabula marmorea, in qua expressi sunt eleganti artificio labores Herculis.

Afcanij Celsi domus.

Apud Afcanium Celsum super fenestra cubiculi inferioris repositum est Bacchi caput, in cuius humeros expanditur pellis veruecina: in alia fenestra sua base collocatum est Satyri pueri ridentis caput floribus redimitum, sub cuius mento dependent duo illi cincinni glandulosi, quos in capris videmus. In area, loco parieti adplicato, vir est seminudus: & caput cum pectore vestito, ex preciosissimo marmore.

Domo Canalleij.

Apud Cauallerium, in camera prima ad læuam, multa sunt capita & statuæ egregiæ, inter quas est Fauni nudi, vna manu vuam tenentis, altera attollentis pellem ferinam plenam vis & fructibus: reposita est hæc statua in basi porphyritica. Ibi videtur Venus seminuda, & puellus sedens, & comedens vuam. & alter puer sedens in scopulo, & manu papauer continens: & duorum sacerdotum vestitorum. Silenus insidens animali Indico, & stringens vtrem: Natura dea, facie & manibus nigris, in circuitu ornata multiplici mammarum ordine, & diuersis animalibus: reposita est super ara antiqua: ad cuius angulos quatuor sunt mulieres, & candelabrum in medio, ad quod fit sacrificium super altari, cui superimpositi sunt duo cerui: ibidem est tabula marmorea, in qua expressus est Hercules pugnans contra Nessum Centaurum. In horto statuæ sunt duæ, ex

duæ, ex alabastro codognite, quæ carent capitibus: & corpus alatae victoriæ: & octo columnarum bases elegantissimis ornamentis insignes. In alio hortulo duo sunt pueri insidentes duobus monstris marinis, quæ habent capita elephantina, ibidem videtur & nympa marina insidens Hippocampo: & plurima fragmenta antiquitatis singularis artificij.

Apud Alterios non procul à S. Marco statua est senis calui Ædes Alteriorum. sedentis in cathedra, pallio in humeros conuerso, & reducto super femora: quis sit ignoratur. Ibidem est Hermaphroditus nudus, sed capite & brachiis truncus: Iani bicipitis caput: & alia plurima capita, & statuarum antiquarum fragmenta.

In domo Hieronymi Alterij in prima corte statim ad dextram occurrit Cybeles Sacerdos longa stola vestitus, qui manu Hieronymi Alterij domus. vas sustinet: prope quem est altera statua quæ capite manca est: ex opposito est Hercules nudus cum spolio Leonis, qui innitur arboris trunco, circa quem se inuoluit coluber: Super Hercule reposita est urna antiqua, & puer nudus, cui subsunt aliquot statuæ viriles & muliebres. Et pila antiqua, quæ continet plurimos pueros alatos, in quorum medio est fistula 6. calamorum.

Apud Petrum Capoferratum ad hortuli ingressum erecta Domus Petri Capoferrati. est ingens imago AEsculapij pallio in humeros reducto: ad cuius latus est puella vestita: vterque serpentem manu continet: ad dextram est Venus nuda sine capite, & Nischiis marmoreis locatæ sunt statuæ capitibus truncæ.

Apud Fabios prope S. Luciam ad Botegas obscuras, in corte domus Fabiorum domus. corpus ingens est Athlantis, qui inclinata ceruice sustinet globum cœlestem, circa quem sculpti sunt omnes circuli spherici: Si hæc statua esset integra, precium eius æstimari non posset; tantum in ea videtur artificium & elegantia. In eadem domo ostenditur ingens statua viri nudo pectore, reliquo corpore vestimentis implicatis tecto, quæ dicitur AEsculapij. Ibidem est mutilum Caracallæ corpus, cum promissa toga: & Bacchus ex maiori parte fractus.

In ascensu Capitolij habitant Bocabelli: in quorum ædibus Domus Bocabellorum. præter inscriptiones varias, & marmora selecta, fons ostenditur venustissimo constructus artificio, ex tophis & conchyliis mar-

rinis : vnde limpidissimæ scaturiunt aquæ : & in iis supernatant pisces artificiales subnixa filis æneis subtilissimis, quæ ad aquarum motum crispantur, & videntur leniter pisces moueri.

*Capitolium.
Ara cæli.*

Cum ad superiorem partem Capitolij ventum est ad sinistram, attollit sese Franciscanorum templum quod vocatur Ara cæli : ad quod conscenditur gradibus marmoreis octoginta quinque, qui distincti sunt quinque ordinibus, quorum vnusquisque continet septem gradus. Ante templi fores sepulchra sunt Flauij Blondi, & Lucæ Gaurici. Templi testudinatum ædificium sustinetur vtrinque duobus columnarum marmorearum ordinibus : quibus tota vrbe non videntur sumptuosiores, Si vaticanas excipias : in sinistro latere quæ tertia est in ordine columna, prope Epistylum hanc habet inscriptionem:

Templum Iouis Feretrij.

A C V B I C V L O A V G V S T O R V M. Hoc templum fuit olim Ioui Feretrio dicatum à Romulo, post bellum Sabinum: quod eo in loco Iupiter tulisset auxilium regi oppresso hostium violentiâ. Ancus Martius restituit collapsum: & postea Augustus amplius ac magnificentius reddidit. Super cæmeterio iacet obeliscus AEgyptius hieroglyphis insignitus. In inferiore graduum parte, duæ sunt vtrinque statuæ marmoreæ; quarum vna est Constantini, altera est Maximiani: quamuis non defint qui vtramque velint esse Constantini: vtraque est paludata. Ad parietes graduum quibus in templum conscenditur adplicatæ sunt diuersæ tabulæ marmoreæ figuris insignes variis.

Area Capitolina.

In area Capitolina, ingens est Marci Aurelij Antonini statua equestris ænea, quam alij dicunt esse Lucij Veri: alij Septimij Seueri : sita est in basi marmorea recenti opere, & impensis Pauli III. Pontificis Maximi Farnesij, qui eam transferri curauit in Capitolium; cum antea fuisset erecta ante Basilicam Lateranam.

Palatium Iustitiæ.

A tergo huius statuæ palatium est iustitiæ: ante cuius gradus, qui vtrinque præbent ascensum ad superius ædificium) duæ sunt ingentes statuæ fluminum colossæ: vna Nili, cui subiecta est Sphynx: altera est Tigris qui vicinam habet tygridem: vtraque continet Cornucopiæ fructibus diuersis plenum: non longe absimiles sunt iis, quæ videntur in hortulo Belvedere in palatio

palatio Pontificum Vaticano. Non procul inde simulacra sunt Sphyngis cum literis hieroglyphicis, & Leonis: vtrumque ex lapide Marmaridum subnigro & durissimo. Ibidem est fragmentum Leonis mordicus equum tenentis: cuius artificium Michael Angelus miraculosum vsque ad cœlos laudibus extollere fœuit.

Palatium Conseruatorum ad sinistram positum est: ante cuius fores sub peristyllo porticûs plurimæ sunt inscriptiones antiquæ, Epitaphia Neronis & Agrippinæ, aliorumque Principum. Ad columnas Epistylj erectum est colosseum caput ahe-
neum Commodi Imperat. cuius pes & manus sunt in ipso palatio. alij dicunt fuisse Apollinis: cuius statua fuit alta cubitos triginta, in qua conflanda centum & quadraginta talenta impensa sunt. Romam aduecta fuit à Lucullo ex Apollonia vrbe Ponti. Ad parietes porticûs multæ sunt tabulæ marmoreæ figuris diuersarum rerum & inscriptionibus illustres. Ad ingressum portæ, sinistro latere tabula est marmorea, cui insculpta est mensura Romani pedis & Græci: sicut in monumentis Neronis & Agrippinæ excauatæ sunt mensuræ tritici, calcis, olei & aliorum: ad quarum normam corriguntur vrbane mensuræ, si falsæ iudicantur. In interna domûs area ad gradus sunt duæ Sphynges & Simia, ex Simithe lapide singularis artificij. Ibidem duæ sunt statuæ; vna Apollinis nudi, altera Veneris talari instita vestitæ. Ad murum sunt adplicatæ tabulæ ingentes, quibus cælati sunt triumphus de Dacia victa per Marcum Aurelium Antoninum. Huius triumphus duæ aliæ tabulæ videntur in templo sancti Martini prope Marforium sub Capitolio, vnde tres istæ desumptæ sunt. Ad eundem murum adplicata est alia ingens tabula marmorea, in qua descripta sunt nomina Consulium, & Prætorum Romanorum. Prope iacent humi reliquiæ Colossi maximi confractæ, nempe caput, duo pedes, vna manus, & pars pectoris, omnia ex candidissimo marmore. Qua conscenditur in palatium, duæ sunt statuæ, vna viri malleum tenentis; alia mulieris vestitæ, & sedentis. Ibidem sunt tria capita antiqua marmorea. Parietes cœnaculorum ornati sunt variis picturis antiquis: quibus Theodosij, & Honorij Imp. res gestæ

res gestæ exprimuntur; & aliorum Imperatorum cum habitu antiquo, tam Principum, quam Senatorum & plebis, quo omnes eo tempore utebantur. Ibidem videntur Statuæ Leonis X. & Pauli III. Sed anno 1559. quo tempore Paulus hic III. Caraffa decessit è viuis, in eius odiū, & Carafesca familiæ contemptū, hæc statua deiecta est seditione populi (quod sede vacante plerunque fieri solet) & in partes confracta: corpora mortuorum è sepulchris tracta, & in Tyberim coniecta: neque viuentibus parcitum est: nam & Dux Paliani capite truncatus, & eius frater Carolus Caraffa Cardinalis homo Princeps & bonus, strangu-latus est: Causam dicent alij, & excusabunt vt volent. Pauendum fuit rerum omnium spectaculum in Vrbe, seditionibus & furore ciuium concitata: vbi cædes infinitæ, & violentia, latrociniaque crudelissima sunt perpetrata. ipsiusque Pontificis corpus, quod in albis erat propositum in facello sancto Diui Petri in Vaticano, fere à meretricibus, & lenonibus vnco tractum esset, nisi subito fuisset prouisum tantæ impietati reliquorū Cardinalium curâ, qui defuncti corpus ad parietem templi loco, non admodum celebri claudi iusserunt. Populusque hac reinfensus ad carcerum ruptiones, incendium Palatij Ripetæ, imo deiectionem Templi Mineruæ suum conuertit furorem. per ludibrium multæ sunt inscriptiones publicè omnibus propositæ: & tuba proclamata sunt per omnes plateas edicta Senatûs: ex quibus vnum hic addam, in rei memoriam:

*Edictum
contra Ca-
rassas pu-
blicatum
anno 1559.*

*Bando contra quelli che terranno le ar-
me de casa Caraffa.*

Per ordine del popolo Romano obedientissimo della sancta sede Apostolica & del sacro collegio delli Illustr^{mi} & R^{mi} Car^{li} si fò intēdere à qualūche persona che habbia inanzi à la sua casa, ó di charta, ó depinta in muro, ó di relieuo l'arme d'ella tanto questo popolo inimica & tyrannica casa di Caraffa, la debbia fra tutto il di spezzata: sotto la pena di essere tenuto traditore à questo popolo & in fame. & di essere quella casa doue sarà trouata da questo tempo in la', sacheggiata & bruggiata. A cio si possi per tutte le vie possibile anichillare & spengere questo tanto odioso nome: datum in Roma il di 20. di augosto anno della salute 1559.

Addam

Addam & hic inscriptionem publice affixam, vt ex ea appareat qua infania, & effrenata vindictæ cupiditate ferantur Romani in summos etiam viros, quos oderunt, quoties furore publico concitatur Vrbs:

Mortalitati S. Io. Petro Caraffæ P. P. IIII. Theatino, Neapolitano, Nebuloni, Fugitiuo, Platonico, Vipereo, Antichristo, pesti, Cacodæmoni, Sodomitæ, Catamitæ, mago, necromanto, aereolo, super ætates omnes ob ingentia facinora, impudentem audaciam, auidissimam rapacitatem, & affectatam tyrānidem; multa que alia, quæ potius de monstro, ac bellua immanissima, quam de homine dici possunt, inclementissimo Principi: Galliarum superioribus bellis euersori; Hispaniarum oppressori; Patriæ vniuersæque Italiæ extinctori perniciosissimo, Christianorum restitutiq; orbis pertinacissimo afflictori; Cuius immittis animus in Deum, in religionem odium, ingrata erga mortales affectio, sola infelici, sed merita morte superata est. Senatus Populusque Romanus, vt memoriam pessimi Pontificis perenni notā beneficiorum ergo collocaret, & monimentum aliquod extaret, quo posteris innotesceret impurissimum illum patriæ hostem, ac Romano nomini infestissimum iudicatum, statuam marmoream in Capitolio etiam tum illi viuenti indigne positam, insigniaque omnia gentilia vndique in vrbe exquisita, eradenda & abolenda decreuit. Qui vixit naturæ quidem & suis fatis, Reipublicæ verò nimis. Sedit annos quatuor, menses tres, plus nimis. Sepultus in Vaticano: situsque inter Innocentes nocentissimus.

Liber posset integer conscribi ex inscriptionibus & scomatibus famosis, quæ publicata sunt post illius obitum. Cumque ante trēs hebdomadas priusquam moreretur, Romā rediissem ex Marina arce, in qua præsidio firmo se tutabatur Carolus Cardinalis, cui eram domesticus: illi in urbem vocato laqueo gula fracta est, in sacello S. Mariæ prope Castellum S. Angeli. cumq; sequiretur in eius famulos, cū Tito Celso fugi Tibur; deinde eodē comite in Soractem me cōferens inter Monachos humaniter & comiter exceptus, periculum imminens euitaui.

Vt ad prius propositam narrationem reuertamur, in eo cœnaculo Palatij Capitolini in quo posita erat Pauli IIII. statua,

G

erectus

erectus est Hercules æneus deauratus, & nudus, dextra clauam, sinistra malum Hesperidum tenens: Is inuentus est in foro Boario, in ruinis aræ maximæ: in cuius basi scriptum est: **HERCVLI VICTORI POLLENTI POTENTI INVICTO D D. L M. FRONTO.** In eodem cœnaculo est Satyrus marmoreus caprinis pedibus, & trunco arboris alligatus. In alio cubiculo super columna Mischij marmoris erecta est statua ænea viri inclinati, & spinam è planta pedis extrahentis: opus admirandi artificij. Ibidem est alia statua ænea mulieris vestitæ, vna manu è vestimēto exerta: hanc vocant vulgò la Zingara. alia similis videtur in domo Archinti prope Sanctum Augustinum. In alio loco tres sunt statuę marmoreæ nudæ: quarum media est Bacchi: reliquæ ignorantur: item tres aliæ, duæ virorum, & vna muliebris: & Hadriani Imp. caput: & lauditissima illa statua ænea Lupæ lactantis Remum & Romulum: quę olim seruabatur in Comitio, prope ficum Ruminalem: vnde translata est in basilicam Lateranam, postea in Capitolium.

Ibidem est aliud simulacrum marmoreum mulieris seminudæ, & Simij Aegyptiaci, singularis artificij.

*Templum
Iouis opt.
max.*

In ea Capitolij parte, vbi fiunt funes & rudentes, qua ad Tarpeiam rupem iter patet, quæ Piazzæ Montanaræ spectat, ruinæ non admodum magnæ supersunt templi Iouis optimi maximi: quod olim fuit omnium quæ Romæ extabant maximum, & sumptuosissimum, structum à Tarquinio Prisco; postea ad eius ornatum à Tarquinio Superbo impensa sunt quadraginta millia librarum argenti.

*Templum
Veiovis.*

Vicinum fuit Veiovis delubrum, extructum ad Palatium Conseruatorum, versus ædes Iustitiæ, vbi olim fuit arx Capitolina: Et heic quoque nonnulli cōstituunt Asyllum; ad quod quicumque se recipiebant facinorosi, admissorum impunitatem consequebantur. Sed à Tiberio Cæsare factum est irritum: quod per id occasio multorum criminum sceleratis offerretur.

*Templum
Iunonis
Monetæ.*

Moneta quoque Iuno dicitur habuisse templum in crepidine Capitolij, quod à Camillo votum est & dedicatum non procul à domo Manlij.

*Iani cū-
studietē-
plum.*

Et Ianus Custos in ea Capitolij parte fanum habuit, quæ forum Romanum spectat: vbi hodie carcer & custodia est sceleratorum.

ratorum. Sed his omnibus inter deiectas, & fere solo æquatas ruinas, difficilimum est proprium locum adsignare: quamvis in eo multi sese multum macerent: & singula singulis sua distribuunt loca: Ego certe in tanta rerum confusione, nihil video certi, quod possimus affirmare, nisi coniecturis non admodum verisimilibus: Satis esse puto, si notet hospes locorum situm, qualem nobis describunt Historiæ: in inquisitione nimium scrupulosa locorum antiquorum non diutius immorabitur.

E Capitolio clius est lapidibus stratus; per quem descenditur in forum Romanum: quod totum hoc spatium continet, quod à radicibus Capitolij, & arcu Septimij Seueri, vsque ad templum S. Mariæ nouæ porrigitur. Forum Romanū.

Arcus ille triumphalis marmoreus & integer, qui ad finem cliui Capitolini erectus est, Septimio Seuero sacer fuit, vt ex inscriptione probatur. Arcus Septimij.

IMP. CÆS. LVCIO SEPTIMIO M. FIL. SEVERO PIO PERTINACI AVG. PATRI PATRIÆ PARTHICO ARABICO ET PARTHICO ADIABENICO PONTIF. MAXIMO TRIBVNIC. PŌTEST. XI. IMP. XI. COS. III. PROCOS. ET IMP. CÆS. AVRELIO L. FIL. ANTONINO AVG. PIO FELICI TRIBVNIC. PŌTEST. VI. COS. PROCOS. P.P. OPTIMIS FORTISSIMISQVE PRINCIPIBVS. OB REM-PUBLICAM RESTITVTAM IMPERIVMQVE POPVLI ROMANI PROPAGATVM IN SIGNIBVS VIRTVTIBVS EORVM DOMI FORISQVE: hæc adscripta sunt ad vtramq; partē arcus: in cuius frontispicio vtroque sculptæ sunt Imperatoris bellicæ expeditiones, tam mari quam terra. Ad eius sinistrum latus gradus sunt, per quos ascensus patet ad superiorem stru-cturam. Per hunc arcum triumphales pompæ è foro ad Capitolium ducebantur. Ante hunc arcum iacet ingens marmor quadratum, in quo fasti Consulares longo sunt ordine descripti.

Concordiæ templum fuit ad radices Capitolij, à Camillo Concordiæ templum. dedicatum, cum plebem reconciliaffet senatui. fuitque supra Comitium. Ab hoc ad Iunonis Monetæ (quæ sic dicta est, quod ex adyto vox esset audita monens Senones aduentare) centum gradibus conscendebatur. Eius reliquæ sunt octo illæ ingentes

columnæ, quæ porticum templi sustinuerunt: In quarum cornice super epistyliis legitur: SENATVS POPVLVSQVE ROMANVS INCENDIO CONSVPTVM RESTITVIT. In hoc templo conciones, & Patrum conuentus frequentes habebantur.

Carceres Tulliani. Ad sinistram cliui Capitolini partem locus est, qui vocatur S. Petri in carcere: quod illic sanctus Petrus vinc^t fuerit & clausus: ideo illi à Siluestro Pontifice dicatus est: vbi festum vinculorum Petri celebrabatur olim primo Augusti: cuius feriæ Eudociæ Imperatricis iussu translatae sunt in Exquilias, ad templum quod illic ædificauit, & dedicauit S. Petro in vinculis. Carceres isti primo structi sunt ab Anco Martio: quibus concameratum locum subterraneum adiunxit Seruius Tullius: à quo Tulliani carceres sunt postea dicti: in iis strangulatos scribit Salustius eos qui Catilinæ conspirationi nomen dederant: In huius loci frontispicio legitur: C. VIBIVS C. FILIVS RVFINVS. M. COCC'EIVS M. F. NERA. COS. EX S.C.

Marforius. Iuppiter Panarius. Ante hos carceres ingens viri iacentis marmorea statua videtur: hanc multi dicunt esse Rheni Germanici fluuij. alij mantunt esse Iouis Panarij simulachrum: quod in eiusdem Dei templo positum erat à Romano Senatu, Gallis Capitolium obsidentibus. Tunc enim à Ioue moniti sunt, vt numerum ingentem panum proiicerent in subiacentia inimicorum castra: & hac ratione Gallis persuasum est, multam annonam adhuc superesse obsessis; quos cum fame vinci posse desperarent, soluerunt obsidionem: ob quam liberationem, templum & statua Ioui Pistori, vel Panario, posita est in Capitolio. Nostro tempore vocatur Marforius: & cum Pasquino communicat de rebus, quæ in veteri Româ geruntur.

AEdes Martis Vltoris. AEdes diuæ Martinæ (ad quarum angulos iacet Marforij Colossus) fuerunt olim sacrae Marti vltori: alij dicunt fuisse secretarium Romani Senatus: in quo chartæ, & alia scripta maioris momenti seruabantur: quod ex inscriptione colligitur-

SALVIS DOMINIS NOSTRIS HONORIO ET THEODOSIO VICTORIOSISSIMIS PRINCIPIBVS.

Secretarium Senatus. SECRETARIVM AMPLISSIMI SENATVS QVOD VIR ILLVSTRIS FLAVIANVS INSTITVERAT ET FATALIS IGNIS

IGNIS ABSUMPSIT, FLAVIUS ANNIVS EVCHARIVS EPIFANIVS V. C. PREF. VRB. VIEE SACRA IVD. REPARAVIT ET AD PRISTINAM FACIEM REDUXIT.

Templum hoc conditum fuit ab Augusto Cæsare post bellum Philippense in Pharsalia, & Marti dicatum.

Proximum est S. Hadriani templum: quod antiquitus fuit Saturni, à Numatio Planco ædificatum; vel ut alij malunt restauratum: cum prius à M. Minutio, & A. Sempronio Coss. dicatum esset: In hoc fuit ærarium populi Romani, in quo, tempore Scipionis AEmiliani, seruabantur XI. millia librarum auri rudis, XCII. millia argenti: & infinitus numerus cuforū nummorum: Quæ summa multum aucta est ex infinitis victoriis, quas Romani reportarunt postea, de tot nationibus, & provinciis deuictis: In hoc ærario reconditæ erant tabulæ Elephantinæ, quibus continebantur XXXV. Tribus ciuitatis Romanæ. Ibi dem quoque reponebantur signa militaria, decreta Senatûs, acta publica, & quæ ab Imperatoribus, bellorumque ducibus in triumphis adferebantur spolia deuictarum prouinciarum & populorum.

Templum Saturni.

Ærarium publicum.

Prope hoc ærarium erecta erat columna altissima, quæ vocabatur milliarum aureum: fuitque quasi in vmbilico vrbs, à qua viæ omnes, quæ ex vrbe in diuersas Italiæ partes porrigebantur, sumebant principium.

Milliarium aureum.

Ad dextram, vbi diximus esse columnas porticus templi Concordiæ, sub radice Capitolij templum est hodie dicatum S. Mariæ liberatrici: quod olim fuit Veneris genitricis.

Templum Veneris genitricis.

Tres illæ altissimæ columnæ striato opere, quæ adhuc erectæ videntur, fragmenta sunt Porticus Liuiæ: quam Augustus Cæsar in Liuiæ neptis honorẽ erexit: sed hanc paulo post euerit Nero: quam Domitianus iterum sub Liuiæ nomine restaurauit. Alij asserunt has columnas esse reliquias pontis aurei Caligulæ: quem Imperator struxerat opere mirando, & sumptibus incredilibus: fultus enim erat columnis octoginta, per quem transitus esset facilius ex Palatio in Capitolium.

Porticus Liuiæ.

Pons aureus Caligulæ.

Columna illa, quæ sola erecta est ad templum S. Mariæ liberatrici, vna est earum quæ sustinebant æneam statuam deauratam Domitiani: ad cuius pedes iacuit Rheni statua (quam

Equus Domitiani.

*Basilica
Pauli AEmilij.*

multi dicunt esse Marforium) Domitianus enim de Germania subiugata triumphum Romam egit: ad cuius rei memoriam hanc erexit equestrem statuam: à cuius tergo erat templum Concordiæ, ad dextram templum Iulij Cæsaris, ad læuam Basilica Pauli AEmilij, in cuius ædificatione sunt impensa nouiescentena millia ducatorum.

Rostra.

Alti illi parietes qui sub Palatini radicibus adhuc conspiciuntur, pars sunt Rostrorum nouorum. Rostra enim vocatus est hic locus, propter suggestum & pluteum æneum, qui ex rostris nauium Antiatiū structus erat. Ibi leges ferebantur, & habebantur conciones, & conuentus Patrum. ad ea proponebantur capita cæforum supplicio publico: vt Ciceroni contigit, cuius caput amputatum iussu Antonij Rostris affixum est, cum eius manibus; vnde Philippicas illas orationes declamaret Cicero in æternum dedecus Antonij. Noua dicta sunt hæc Rostra, ad distinctionem veterum, quæ ad Curiam Hostiliam sita erant prope Comitium: quod extendebatur à porta Palatii vsque ad eum locum, vbi hodie structum est templum S. Mariæ nouæ: Comitium ideo vocatum est, quod eo conuenirent Senatus Populusque Romanus, quoties aliquid de Reipublicæ vtilitate decreturi erant. In Rostris veteribus nunc structum est sacellum S. Mariæ de inferno.

Lazacca.

Inter templum S. Hadriani, & Castoris ac Pollucis locus erat cudendæ monetæ adsignatus: cuius partes ostenduntur, in ædificiis locum illum occupantibus, intermedium, quæ tamen non ita facile discerni possunt: propter ædificia, quæ ruinas compleuerunt: Ante paucos annos magna nummorum argenteorum copia ibidem inuenta est, cum domus fundamenta fierent.

*Libonis
Tribunal.*

Ad S. Hadriani templum porticus altissima adhuc erecta est, saltem eius columnæ decem supersunt integræ: prope templum Laurentij in Miranda: quod structum est in parte ruinarum templi Faustinae ab Antonino Pio in vxoris memoriam excitati. ad porticus frontispicium legitur DIVO ANTONINO ET DIVÆ FAVSTINÆ EX S. C. Prope hoc templum Faustinae, fuit arcus Fabianus, & Tribunal Libonis, vbi lites peragebantur.

Forum

Forum Iulij Cæsaris occupabat eum locum decliuorem; qui videtur post Faustinae porticum, vsque ad templum S. Martinæ: & hoc forum diuersis ornatum signis, & imaginibus crexit Cæsar, vt ibi exponerentur ea quæ ad iudicia pertinebant: Augustus quoque forum habuit proximum ad forum Romanum, in Urbis celeberrima parte: in eo fortitiones iudiciorum fiebant: ac de rebus maioris momenti, & ad Reipublicæ pertinentibus vtilitatem, & amplitudinem consultabat Senatus. Vbi duæ porticus erant erectæ; cum statuis clarorum virorum: In vicinia enim habitabat Augustus, via Sacra, in domo Liuiæ: Foro Augusti adiacet templum S. Laurentij de tré fori.

Templum Castoris & Pollucis fuisse dicitur inter S. Hadriani & Faustinae. quamuis alij asserant id fuisse templum duobus rotundis ædificiis concameratis insigne, quod SS. Cosmo & Damiano hodie sacrum est: Alij id Remo & Romulo adsignant; sed qua autoritate fulti sint, non video.

Templum Pacis, quod à Claudio cœptum erat, finitum tandem bellis ciuilibus à Vespasiano est absolutum: id fuit augustissimum, & magnificentissimum: cuius altissimæ testudines adhuc extant, non procul à templo S. Mariæ nouæ: vbi videtur hodie columna integra superstes omnium quæ Romæ sunt altissima & maxima.

In hortis S. Mariæ nouæ fornices altæ ac rotundæ extolluntur, quæ fuerunt olim duo templa contigua, sacrata soli & Lunæ: vel vt alij asserunt Isidi & Serapidi. In eo quoque loco templum habuit Vulcanus à Tatio conditum. Habuit & AEsculapius, & Concordia, quod Fuluius posuit, trecentis & tribus annis postquam arx Capitolina structa est: ex quo nonnulli volunt à Vespasiano excitatum esse Pacis illud augustissimum delubrum: in quod post deuictos Iudæos spolia templi Hierosolymitani reposit.

Forum Neruæ, & eius arcus fuit post eundem S. Hadriani; idque transitorium dicebatur: Nam per id transitus patebat ad forum Augusti & Romanum. Huic foro addiderat Imperator porticum nobilissimam, statuis & columnis marmoreis illustrem: cuius portiuncula spectatur adhuc eo loco qui l'arca di Noé vocatur, corrupto vocabulo pro Arcus Neruæ: in cornicibus Epistylj

stylij legitur: IMP. NERVA CÆSAR AVG. PONT. TRIB. POT. II. IMP. II. PROCOS. Ad dextram sunt duorū arcuum reliquiæ, partes Palatij Neruæ sumptuosissimi. Nullus enim in Vrbe locus fuit isto cultior: tam propter ædificium mirabilis architecturæ, quam propter insignia opera sculptorum excellentissimorum, qui ad id vndique sunt acciti. Arcus Neruæ restant adhuc fragmenta maxima, inter templum S. Basilij, & turrin militiæ.

*Arcus
Neruæ.*

Via sacra.

Via sacra extendebatur à foro Romano, per arcum Titi Vespasiani, vsque ad eiusdem Amphitheatrum, quod vocatur hodie Coliseum. Sacra dicta est ab antiquis, quod Augures solemnī pompa per eam ad sacra facienda procederent, & in arcem conscenderent.

Arcus Titi

Ad viam sacram eminentiore loco Titi Vespasiani ex maiore erectus est arcus: in quo sunt exsculptæ victoriæ, & triumphipōpa, qua ferebantur Templi Hierosolymitani spolia, post deuictos Iudæos; nempe arca Fœderis, Candelabrum septem lucernarum, Mensa panum Propositionis, tabulæ Decalogi, & vasa sacra ex auro puro, quibus utebantur ad sacra templi: quæ omnia in eo arcu videntur sculpta, cum curru Triumphantis Imperatoris: in eius frōtispicio scriptum est: SENATVS POPVLVSQVE ROMANVS DIVO TITO DIVI VESPASIANI F. VESPASIANO AVGVSTO.

*Turris
Vergilij.*

Prope hunc arcum sub Palatino ad dextram turris erigitur quadrata, quam vulgus vocat Studiolo di Vergilio: Fabulanturque ridiculè ex ea fuisse Poëtam appensum in corbe à quadam meretricula, ac toto die spectaculo fuisse populo: quod vt vlcisceretur Vergilius, qui Magicam callebat artem, effecit vt ignis tota vrbe extingueretur: vniuersumque populum candelas, & lucernas incenderet ex flammis, quæ in pudendis mulierculæ fuerant excitatæ: Fabula pingitur hæc vbique, sine authore. Non est verisimile tale aliquid magno illi Vergilio contigisse, qui propter continentiam Parthenius vocabatur: Si quid in hac fabula verum sit, de alio Vergilio Mago scriptum puto: de quo Neapolitani quoque dicunt plurima fuisse facta: inter cætera Pausylippum montem excauatum fuisse arte magica, & peruium factum: nam Vergilij sepulchrum prope hanc celebrem cauernam erectum est.

Mons

Mons Palatinus longè ante Romam conditam à Romulo, Mons Palatinus. fuit habitatus, à Valentia siue Roma Itali filia. Postea ab Euan- dro, deinde Reges Romani & Imperatores hunc montem suo domicilio sacrum esse voluerunt: qui omnium collium, quos Urbis includunt pomoeria, fuit celeberrimum; propter augustas Cæsarum ædes, quæ in eo fuerunt superbissimæ; vt ex ingentibus & admirandis ruinis facile est coniicere. In eo tamen hodie nihil admodum notatu dignum videas, cum omnia sint inculta & deuastata. neque locus est tota vrbe desertior: inter has ruinas templum exiguum S. Nicolai adhuc extat, cum aliquot ædiculis. reliqua occupantur vineis, hortis, & vepribus.

Ad Palatini radices qua spectat templum S. S. Cosmi & Damiani, prope Pacis delubrum fuit Curia Hostilia, à Tullo Hostilio condita, in curia veteri, quam paulo ante posuerat Romulus: in hunc locum conueniebat Senatus, quoties de rebus ad Rempublicam pertinentibus tractabatur: & hæc Curia, quo die Clodij à Milone cæsi corpus cremabatur, igne combusta est tota, cum Basilica Portia illi vicina: quam Porcius Cato Censor condiderat, in eo loco vbi domus erat Menij. Alia fuit Curia in monte Cœlio, vbi templum est S. Gregorij.

Fuerunt in Palatino monte multa templa diuersis Diis sacra: ex quibus vnum fuit Victoriæ; à L. Posthumio AEdili Curuli conditum: ex cuius ruinis patet aspectus ad hortos S. Mariæ nouæ. Victoria templum.

Apollo quoque ibidem habuit templum: quod fulmine de- iectum restaurauit & ampliauit Augustus, addita etiã porticu. Templum Apollinus. Eius vestigia videntur adhuc nonnulla: vt amplissima illa testudo rotunda, quæ supra cæteras eminet ruinas, ac magis integra sese attollit diuersis marmoribus illustris.

Penates quoque suum Fanum ibidem possederunt, ad Veliam, qua spectat forum Romanum: in eo reposita erant simulachra, quæ AEneas ex Phrygia deportauerat in Italiam euerso Ilio: hæc in summa veneratione semper habita sunt à Romanis. Templum Penatiū.

Fuerunt in eodem monte multa alia templa: vt Larium, Fidei, Iouis victoris, Heliogabali, Orci, & aliorum Deorum: quibus certus assignari non potest locus, propter ruinarum implicatas ambages & confusionem.

*Domus
Palatina.*

Domus quoque splendorum multi patricij possederunt in Palatino : vt Tarquinius Priscus, in ea montis parte, quæ spectat templum Iouis Statoris. Et prope has Cicero magnificas excitauit ædes, quas à Crasso quinquaginta millibus ducatorum emerat: Prope has habitauit M. Flaccus domum, ex qua Q. Catulus Porticum struxit magnificam.

*Germanus
domus
Fauſtuli.*

Locus hic palatij, qui ad Titi spectat arcum vocatus est Germanus : à germanis fratribus Remo & Romulo, qui illic fuerunt à Fauſtulo nutriti, qui casam incoluit non procul à Græcostasi.

*Summa
Velia.*

Ab hoc loco vsque ad radices Palatij versus arcum Constantini magni, summa Velia protendebatur: dicta est Velia, quod illic pastores soliti essent vellere lanas ab ouibus, antequam tonsuræ modus innotuisset : vnde lanæ auulsæ vellera vocantur.

*Palatium
Scauri.*

Ad summam Veliam, versus S. Mariam nouam, Palatium luculentissimum habuit Scaurus: cum atrio quod circumdabatur altissimis columnis marmoreis : quæ triginta octo pedes longæ erant, præter basim & epistylum.

*Græcosta-
sis.*

Non procul inde fuit Græcostasis palatium aliud amplissimum, in quo diuersabantur legati diuersarum nationum, qui Romam mittebantur. in eo fuerat erecta Concordiæ statua ænea à Flauio, qui Plebem cum Senatu reconciliauerat.

*Val. Po-
blicola
domus.*

In principio Velix domum incolebat Val. Poplicola: quam vna nocte solo equauit, quod suspectus esset populo, aliamque humiliorem ad radices montis erexit.

Palladiū.

Vbi templum est S. Andreæ in Pallara, fuit olim delubrum, in quo Palladium custodiebatur, simulacrum ligneum versatilibus oculis, quod Aeneas cum Penatibus ex Illo transtulerat in Italiam. quod in templo Vestæ repositum est postea, & traditum custodiæ Vestalis virginis.

*Templum
Cybeles.*

In eodem Palatino, qua spectat Cœlium montem, fuit templum Cybeles: in quo simulacrum Dyndimenes, siue Opis, quæ est Cybele, aduectum ex Idæ Phrygiæ per Scipionem Nasicam, religiosissime seruabatur.

*Domus
Aug. Caf.*

In altera parte montis versus Auentinum, fuit domus Augusti Cæsaris, in qua ipse natus est. Eius ruinæ spectantur altissimæ, versus

versus Circum maximum: ad has ædes Augustus erexit templum Apollini, cuius reliquæ adhuc extant amplissimæ: In eius summitate repositus erat Solis currus ex auro. Ibidem posuit & Bibliothecam luculentissimam, quæ Palatina dicta est: in qua erat Apollinis statua ænea quinquaginta pedes alta, Scopæ sculptoris opus artificiosissimum. *Bibliotheca Palatina.*

Ibidem fuerunt & Balnea Palatina, in quæ deriuabatur pars aquæ Claudæ, per aquæductus, qui adhuc hodie videntur in vinea Fædriæ Patricij Romani, versus Circum maximum: Vicina his fuit Curia Saliorum, & Auguratorium: & alia plurima, quorum reliquæ nullæ fere extant. *Balnea Palatina.*

Porta vetus Palatij, quæ & porta Romuli dicta est, prope rostra demonstratur: saltem eius vestigia satis obscura, è regione S. Laurentij in Miranda. *Porta vetus Palatij.*

Relicto monte Palatino inculto & desolato, ad eius radices redibimus, ad columnas Porticûs Liuiæ: quibus vicinum videtur templum rotundum S. Theodosio dicatum: id olim conditum dicitur à Romulo, quo tempore bello Sabino Romani perterriti fugerent, eorumque fugam voto suscepto Rex cohibuit, postea Ioui Statori consecrauit. Quidam nolunt hoc S. Theodosij templum esse Iouis Statoris, sed ingentes illas ruinarum spondas, quæ sunt è regione templi Concordiæ spectantes Capitolium oppositum, quas superius diximus esse partes Curiæ veteris. *Templum Iouis Statoris.*

Relicto ad dextram Iani quadrifrontis templo, & foro Boario, veniendum est ad Circum Maximum. ad quem cum descēdis, occurrit statim locus depressior & excauatus: vnde sub fornicibus amplis emanant aquæ copiosæ; ad quas mulieres suos pannos, & lintea lauant. & hæ dicuntur esse fontis Nymphæ Iuturnæ in Velabro. *Iuturna Fons.*

Fornicatum illud opus, quod subterraneo ductu longe protenditur, pars est Cloacæ maximæ, quæ à Tarquinio structa est, ut esset receptaculum omnium sordiū vrbs, quæ p subterraneos cōmeatus ferrentur in Tyberim. Incipiebat enim hæc Cloaca ex Foro Romano ad Iouis Statoris ædem, deinde per Velabrum porrigebatur in Tyberim. Cuius amplitudo tam lata fuit, ut facillime sub eius fornicibus currus onustus ageretur. Legi-

*Lacus
Curtius.*

mus Censores aliquando vendidisse Cloacæ huius immunditias, ad stercorationem agrorum, sexcentis ducatorum millibus. quod cum obiectum esset Imperatori, respondit, Odor lucri bonus ex re qualibet. Chiauica nunc vocatur: Illi vicinus erat Lacus Curtius; à Curtio dictus, qui se in voraginem præcipitem dedit armatum cum equo, ut auerteret pestilentem aërem, qui ex ea exhalabat, & Romam contagio malo infestabat.

*Dolioli
Senonum
Sepulchra*

Prope Cloacam maximam locus fuit Numæ Pompilio facer, & mysticus, in quo ne spueri quidem licebat ulli: in eo conuenire cum AEgeria nymphea credebatur, & ab ea edoceri ritus & ceremonias, quas in suis sacris poscebant Dii immortales. In hoc loco Gallorum Senonum cineres reconditi erant: nunc Dolioli vocatur: propter dolia siue vasa fictilia, quibus cæсорum cineres continebantur sepulta.

*Circus
Maximus.*

Circus Maximus à Tarquinio Prisco primum fuit institutus, in quo ludi Circenses, & certamina diuersa populo exhiberentur: occupabat totum id spatium, quod est inter Palatinum & Auentinum: Cuius longitudo est trium stadiorum cum dimidio, latitudo vero trium iugerum. Capax erat hic Circus ducentorum & sexaginta millium hominum: alij restringunt ad numerum CL. nullium. In eo loco Romulus primos edidit Circenses, in raptu Sabinarum, quos Consuales à Conso nominauit, cuius ara sub terra eo loco reperta erat. Tarquinius Priscus postea Circo locum designauit, Superbus ædificauit: Caius Cæsar ampliauit, & Augustus exornauit. Postea collapsum Traianus restituit, & multis auxit ædificiis: & Heliogabalus ex Chryocolla ibidem strauit pauimentum: sicut fecerat in Palatio ex Porphyro lapide precioso. Ex omnibus his ornamentis nihil ferè superest, præter loci circumscriptionem integram, qua eius amplitudo facile cognoscitur: Versus Palatinum restant crebri porticum fornices, quibus sedilia erant reposita, & testudines plurimæ secundum Circi ductum: quæ putantur fuisse officinæ negotiatorum, quibus venales merces exponebantur populo, qui frequens conueniebat ad spectacula: Alij existimant fuisse lupanaria, in quibus habitabant meretrices corpore quæstum facientes.

*Templum
Neptuni.*

Huic Circo templum habuit coniunctum Neptunus, ad Palatini

latini radices, post S. Anastasiæ delubrum: cuius adhuc ruinæ videntur aliqua, incrustatæ conchyliis marinis, opere tessellato venustissimo: ibi structum est sacellum Deo Patri dedicatum.

In hoc Circo fuerunt erecti duo Obelisci: quorum maior superavit altitudine cæteros omnes qui in vrbe erant. Longus enim est pedes centum & triginta duos, præter basim: eius pars maior videtur extare in hortis, qui medium Circum occupant: minor longus erat pedes octoginta octo. Hos excindere curauerat in Aegypto Rex Samnefretæus: quos postea Augustus ex Hieropoli Romam transferri iussit, ad ornatum Circi.

Naumachia locus erat, vbi naualium certaminum fiebat apparatus, ad ludos nauales, qui in Circo exhibebantur: & in his sese Romana iuuentus exercebat: vt quando serio cum hoste decertandum esset, ad rem nauticam non ignari venirent. Naumachia locum ostendunt hodie vbi crebræ aquarum lacunæ sunt, & arundinum carecta.

Aquæ illæ quæ super Circo per canalem circa murum fluent, pars sunt aquæ Claudiae. Claudius enim Imperator riuum ex fontibus Curtio & Cœruleo (quos Caligula cœperat, & imperfectos reliquerat) deriuauit à porta Næuia per Cœlium montem vsque ad Auentinum, ad ea certamina, quæ in Circo fiebant, perficienda.

A Circo maximo veniendum est in viam Appiam: ad cuius læuam partem ingens Septimij Seueri moles attollitur: quæ quadrangularis olim fuit, septem columnarum ordinibus, quæ sibi inuicem superpositæ, septem constagnationes in altum extollebant: Columnæ in singulis ordinibus vastis trabibus marmoreis coniungebantur: nullum hoc ædificio fuit altius Romæ. Septisoliū vocat Plinius; quod septem solaria contineret: nunc Septizonium dicitur. Hoc ab Imperatore fuit erectum in tantam altitudinem, vt nauigantes ex Africa in Italiam hoc spectare possent è mari, & eius cineres (qui in apice supremo huius molis erant repositi) adorarent: erat enim Seuerus natione Afer: ex tanto ædificio Septisoliij tres tantum nostro tempore restant constagnationes: quæ longa antiquitate videtur nutare, & ruinā minari. in vno solij circuitu pars inscriptionis mutilata restat.

tærestat. C. TRIB. POT. VI. COS. FORTVNATISSIMVS
NOBILISSIMVSQVE.

Via Appia. Via Appia, quæ incipiebat ab arcu triumphali Constantini Magni, & prope Septizonium Seueri ducebat ad Thermas Antoninianas; inde per portam Capenam ad Ruinas Albæ Longæ, per Terracinam, Fondos, Campos stellatos Brundisium vsque sese porrigebat: Nomē cœpit ab Appio cæco Senatore, qui hanc lapidibus durissimis strauit vsque ad Capuam: Cæsar protendit vltcrius, & destructam multis in locis restaurauit: postea Traianus innumeris sumptibus ampliavit & perfecit. Eius reliquæ non solum prope urbem apparent integræ, sed etiam in via, qua itur Neapolim prope Priuernum & Circæum Promontorium:

Via noua. Via noua dicitur ea pars viæ Appiæ, quæ à Thermis Antoninianis ducitur vsque ad Portā Capenam: propterea quod id totum spatium pauimento nouo stratum est ab Antonino Caracalla, dum suas extruxit Thermas.

*Therma
Caracal-
la.*

Thermæ igitur Bassiani Caracallæ, qui Antoninus dictus est, sitæ sunt sub Auentino è regione Piscinæ, & templi S. Xixti: His nullæ videntur Romæ magis integræ, præter Diocletiani. Illarum ruinæ ingentes sub S. Balbinæ templo conspiciuntur stupendis fornicibus & murorum spondis: in quibus plurimæ columnæ ingentes ex Ophite lapide adhuc erectæ sunt; aliæ humi stratae iacent: sunt & ibidem aliquot labra capacissima ex marmore: ad has Thermas idem Imperator sumptuosas erexerat ædes: cuius ruinæ non facile distingui possunt à Thermarum ambitu. Sed templum quod Isidi dedicauerat coniunctum cum suo Palatio, nunc S. Nereo sacrum est.

*Templum
Isidis.*

Ad viam Appiam multa fuisse templa produnt historiæ: sicut Quirini, Martis & aliorum deorum: sed quo loco vnumquodque steterit, difficile est affirmare: cum ruinis vbique confuse iacentibus, & multis in locis solo æquatis, præter vulgi opinionem incertam, nullum fere nobis relictum sit verisimile testimonium: Isidem tamen delubrum habuisse id quod S. Xixto dicatum est, multi asserunt: nescio an id potius fuerit quod supra diximus esse S. Nerei, à Bassiano Caracalla structum.

Ab Antoninianis Thermis via noua (quæ principium suum habuit

habuit ad Septizonium Seueri, & finiebat ad portam Capenam, reditus patet ad viam Appiam. quæ Capuam ferebat: Capena porta dicta est à Capena vrbe vicina Albæ longæ: quam alij Camœnam Portam nominarunt, à delubro Camœnarum quod non procul fuit ab hac porta: Dicta est triumphalis; quod per eam olim duo Scipiones triumphis solemnibus Romam inuecti sunt: & nouissime Carolus V. Rom. Imp. Paulo III. regnante triumphans de uictis Afris urbem ingressus est. Porta hæc hodie dicitur S. Sebastiani: à templo eidem Sancto consecrato, quod abest à porta duobus passuum millibus, ad cœmeterium Calixti.

Porta Capena.

Extra Urbem non longe à mœnibus Mars habuit templum: cuius locus in hortis adiacentibus adsignatur. Quem tamen cum diligenter inquirerem, non inueni, nec ullius notandæ ruinæ vestigium, licet has Lafrerius sculptor assereret esse ad dextram viæ Appiæ partem: Ad quam viam cum olim multa deorum templa fuisse tradant historiæ, certi nihil statui potest in plurimis, nisi coniectura non satis probabili.

Templum Maris.

Erecta quoque sepulchra magnificentissima ad hanc viam multi viris Patriciis legimus: quæ certo definire, ac singula suis authoribus adsignare non audeo: licet magno numero conspiciantur vtrinque adhuc fere integra. Ea moles alta marmorea quadrataque, quæ ad sinistram attollitur, Cetegorum fuisse conditorium testantur aliquot epitaphia in ea reperta: Memmij vero rotunda forma videtur, quamuis in utroque Cetegorum legantur nomina.

Sepulchrū Cetegorū & Memmij.

Paulo remotius ab Urbe riuus Almonis occurrit qui Romam influens sub Auentino Tyberi insinuatur.

Almo.

Ædificium illud altum & rotundum, quod ad dextram erectum est, ex inscriptionibus inde erutis probatur fuisse sepulchrum Scipionum.

Scipionū Sepulchrum.

Appia via ad dextram relicta sinistram ingredieris iter, veniesque ad facellum illud rotundum, quod vocatur Domine quo vadis. Eo loco diuo Petro Roma fugienti metu persecutionis occurrisse Christus dicitur: cui cum Apostolus dixisset, Domine quo vadis? Romamne, iterum crucifigi? Ad hoc facellum sinistram viam relinques, & dextram frequentissimis sepulchrorum

Domine quo vadis.

*Lucullorū
sepulchrū.*

chorum ruinis vtrunque septam inibis. Quodque magis vicinum videtur ædificium Lucullis attribuitur. In eo enim, sicut & in aliis plurimis, sub fornicibus integris cellulæ conspiciuntur, in quibus ordine concinno plenæ cineribus mortuorum urnæ repositæ sunt.

*Templum
Fauni.*

Ad eam viam sinistra parte paulo vltius parietes adhuc extant ex coctilibus lateribus: qui pars sunt templi Fauni & Siluani.

*Templum
Apollinis.*

Non procul à S. Sebastiano in eadem via ad dextram partem aliud templum visitur integrum quidem sed ornamentis vacuum, in quod opiliones suos noctu, aut per æstus recipiunt greges: Id fuit olim Apollini sacrum.

Hinc ad sinistram in vicinos campos sese extendit via: in qua vix quadraginta passibus ab hac Apollinis æde, inter sentes & dumos obscuro loco cauerna est subterranea, cuius aditus, propter arbuta, & lapidum acervos, vix conspicitur: Sed postquam in interiora huius loci fueris ingressus, videbis fornices arte diligenti constructas, quæ vtrunque habent repositoria oblonga, decem aut duodecim pedum, in quibus olim recondabantur mortuorum Christianorum corpora, quibus solemniter aut aperte non licebat suos funerari: In harum fornicum subterranearum recessu remotiore sunt adhuc crebræ cellulæ, & quasi locorum receptacula lampadibus adplicandis idonea. Sub his cauernis obscuris & amplissimis, vulgo asseritur Christianos olim habitasse, & secreto latuisse; dum sub Imperatoribus persecutiones crudelissimæ excitarentur: & hodie hæc loca dicuntur Stantiæ di Christiani.

*Stantiæ
di Chri-
stiani.*

*Templum
S. Seba-
stiani.*

Hæc postquam diligenter lustraueris, ac varia monumenta, quæ longe lateque ad vtramque partem semidiruta sunt, redeundum est ad viam Appiam ad templum sancti Sebastiani duobus ab Vrbe distans passuum millibus. Hoc postquam fueris ingressus, descēdes per gradus in speluncas subterraneas, quæ Catacombæ vocantur, in quibus olim Tyrannorū metu Christiani latebant, dicunturque illic quadraginta Pontifices martyrium sustinuisse, ac cum iis centum & septuaginta quatuor millium martyrum mortem pro religione Christiana tolerasse: vti ex inscriptione apparet, quæ ad principium descensus adplicata est.

cata est. Locus summa veneratione colitur, plenusque est pauore propter profunditatem & tenebras: In eum subire sine facibus aut lucernis non est tutum: neque vltro citroque vagari sine periculo quis potest: tam diuersi videntur vtrunque cauernarum anfractus, & cuniculi sese in omnem partem protendentes, vt Labyrinthi speciem præ se ferant. Adhibitis tamen facibus, & accito conductore loci perito, tuto licet per spatiosiorum meatum ad exitum peruenire. Sepulchrum vocatur Calixti: Quæ in hoc templo videntur loca sacra, quæ marmora antiqua, & quam egregiæ ararum inscriptiones, longum esset annumerare, ac superuacaneum: cum omnia tam intus quam foris proposita sint viatoribus spectanda. Notabis inter cætera ad altare sacelli læui ostendi vestigia pedum Christi in lapide: quæ dicuntur relicta esse in monte, cum Dominus noster spectantibus Apostolis in cælum est assumptus.

*Sepulchrum
Calixti.*

*Vestigia
pedum
Christi.*

Templo S. Sebastiani vicinum est delubrum amplum & rotundum, centum ingentibus columnis marmoreis sustentatum, quod olim à Sylla in ædilitate positum est, ac Marti Gradiuo consecratum. In eo olim hostium legati audiebantur, quibus in Urbem introitum non permittebat Senatus: Huius templi pars maior corruisse scribitur precibus Stephani Pontificis, cum iussu Galieni cogeretur illic Marti sacrificare.

*Templum
Gradiui
Martis.*

Prope hoc templum seruabatur Manalis lapis, quem Romani solemni pompa, & ceremoniarum veneratione, in Urbem importabant, vt elicerent pluuias.

*Manalis
lapis.*

Inferiore loco super via Appia videntur amplissimæ ruinæ oppidi, quod nonnulli Sinuessam, alij Pomœtiam fuisse tradunt: alij melius sentiunt, qui asserunt fuisse arcem, in qua Prætoriani milites, & Augustorum Medici habitabant. mœnia fere integra totum ambitum cingunt,

Arx Prætorii.

Ad huius arcis ingressum frequentes vtrunque vidētur sepulchrorum moles quadrate, pyramides obtusæ & solidæ, quæ partim ex Tiburtino lapide structæ sunt, partim ex Latericiis: & has fuisse Metellorum sepulchra testantur inscriptiones, quæ inde sunt erutæ.

*Metellorum
Sepulchra.*

Inter has quæ est celeberrima, forma rotunda ex quadratis facta marmoribus candidis instar amplissimæ turris, intus concava,

*Capo di
Boi.*

caua, & parte aperta superiore, cuius muri crassi sunt circiter pedes viginti quatuor: ea mœnium angulo adiacet, in cuius circuitu incissa sunt marmorea boum capita cute ac carne nudata, vt in sacrificiis fieri solitum erat, quæ continentur lemniscis, & fasciarum inuolucris, coniungentibus fructuum, florum ac foliorum congeriem (festones vulgo dicuntur) & in interuallis patinæ repositæ sunt sacrificiorum: Capita boum fere sunt ducenta, ideo Capo di Boi vocatur: voluntque antiquarij geminam Hecatombem factam esse in funere celebri Cæcilie Metellæ: cuius nomen in fronte sepulchri legitur, in ingenti marmorea tabula versus portam arcis Prætorianæ. CÆCILIE Q. CRETICI F. METELLÆ CRASSI.

*Echo mi-
rabilis.*

Ad radices collis in quo turris hæc ædificata est, si quis integrum versum heroicum pronunciet, Echo admiranda eundem reddet integrum, & articulatum sæpius. Ego Vergilianum illud primum Aeneidos distincte repeti oëties integrum audiui, & postea confuse aliquoties. Nusquam gentium eiusmodi Echo auditur: quæ ideo tanto dicitur excitata artificio, vt in funere huius Cæcilie plorantium eiulatus exclamationes, & planctus funebres in immensum multiplicarentur, dum Hecatombe illa celebraretur duplex, & Ludi funebres in honorem matronæ præberentur.

*Hippodromus
Caracallæ.*

Sub hoc colle, loco depresso sunt adhuc ingentes Circi Hippodromi ruinæ, omniū quæ hodie videntur integerrimæ: Isque dicitur à Basiano Caracalla fuisse extractus, eo loco vbi Tiberius Cæsar Prætorianorū militum erexerat stabula: in quo Circo sese cursu, equitatione, & quadrigis quotidie exercebant milites. Eius area media continet carceres, bases statuarum, altarium ac metas: totusque circuitus diuersis picturis exornatus est: In eius parte media vastus iacet obeliscus ex Ophite lapide, sed confractus, & vndique literis hieroglyphicis exornatus.

*Stabula
Caracallæ.*

Huic Circo vicini extolluntur altissimi muri, suis interuallis distincti, vbi erant stabula, quibus equi claudebantur, edocenturque ad certamina equestria, quæ in hoc Hippodromo exhibebantur.

Super Circo in planicie superiore templum est integrum quadrata structura, cum suis columnis, & porticu anteriore: id fuit

fuit olim sacrum Deo ridiculo. Quod Hannibal post stragem Cannensem, qua ceciderunt Ciuum quadraginta millia, cum ad urbem obsidendam copiis victricibus properasset, eo loco castra posuit: audito risu effusissimo perterritus abiuit, & obsidionem Urbis reliquit: in qua si pertinacius institisset, ut erant omnia metu ac pauore consternata, sine magna difficultate potuisset Romam potiri: Romani post eius discessum Deo ridiculo consecrarunt fanum.

*Templum
Ridiculi.*

His igitur diligenter lustratis, ne ulterius vageris, & longius discedas, in urbem recta via reuerteris, quæ tribus fere milliari-
bus distat: Postquam ad portam redieris, circa moenia te conferes ad Portam Latinam: non procul à qua templum erectum est rotundum in honorem sancti Ioannis Apostoli: qui dicitur eo in loco cruciatus oleo & igne. Diesque eius martyrij in Kalendaris festus scribitur, diciturque Ioannis ante portam Latinam: passus est Apostolus sub Domitiano.

*Ioannis
ante portam
Latinam
templum.*

Non procul abest porta Gabiua: quæ sicut & Latina muro clauia est, & obstructa. Hæc subterfluit riuus Appius, qui ab Almonè deriuatur. Per hanc portam iter tendebat ad urbem Gabiorum (vnde nomen adepta est, quod adhuc hodie retinet immutatum) viaque hæc cum Prænestina coniungitur: Sicut via Latina ab Appia principium sumens in urbe, per Portam Latinam extenditur longe, ac per Valmontonem, & S. Germanum deducta, rursus Appiæ inferitur.

Porta Gabiua.

A porta Gabina relictis ad dextram moenibus conscendes in Cœlium collem, qui circa moenia longe extenditur usque ad Portam maiorem. dicebatur olim Querquetulanus, à quercu frequentia, antequam illum inhabitarent Hetrusci, qui duce Cœle Vibenna auxilium tulerunt Romanis, & illis propterea collis hic concessus est, postea vicus Thuscus: In Cœlio præter ruinas obscuras, nihil admodum spectatur notatu dignum.

*Cœlius
collis.*

In Cœliolo templum S. Ioannis Euangelistæ olim Dianæ sacrum fuit, hic Cœliolus appendix est Cœlij.

*Templum
Dianæ.*

In summitate Cœlij templum est rotundum S. Stephano dicatum à Simplicio Pontifice, quod fuit olim Fauni sumptuosissimum delubrum: sed temporis iniuria semidirutum, restauratum est à Nicolao V. P. M. in ea forma qua videtur hodie.

*Templum
Fauni.*

Vbi templum est S. S. Iohannis & Pauli, versus Septizonium Seueri, fuit Curia Hostilia: quam Tullus Hostilius erexit, post Albæ destructionem: & in hanc sæpius conueniebat Senatus de reipublicæ negotiis tractaturus: aliam quoque Curiam superius à Tullio structam diximus ad forum Romanum, non procul à templo Pacis, vbi Rex idem suum habuit palatium.

*Mansiones
Albana.*

Albanorum mansiones in ea Cœlij parte fuerunt, quæ spectat Auentinum: vbi hodie situm est templum S. Mariæ in Dominica, à Leone X. restauratum, prope quod videtur aquæductus aquæ Claudiæ; in cuius arcu hæc leguntur. P. C. O. R. P. F. D. O. LABELLA COS. C. I. V. N. I. V. S. C. F. S. I. L. A. N. V. S. F. L. A. M. E. N. M. A. R. T. I. A. L. E. X. S. C. F. A. C. I. V. N. D. V. M. C. V. R. A. V. E. R. V. N. T. I. D. E. M. Q. V. E. P. R. O. B. A. V. E. R. V. N. T.: ad hunc aquæductum erectum est castellum, ad receptacula aquarum.

*Castra
Peregrina.*

Vbi hodie templum est quatuor Coronatorum (quod Honorius Pontifex extrui iussit: & temporis iniuria destructum restaurauit Paschalis II. versus Exquilias) fuerunt olim Castra Peregrina: in quibus diuersabantur sub Augusto nauales copiæ, quas Imperator ad Misenum detinebat.

*Palatium
Constantini.*

Palatium Constantini magni, fuit inter portam Gabiniam & Cœlimontanam, nunc S. Iohannis dicitur. Huius palatii magnificentissimæ adhuc supersunt ruine, quæ satis indicant sumptuositatem ædificij, tanto Imperatore digni.

*Basilica
Lateranorum.*

Lateranorum Basilica suum nomen retinet (Alter Lateranorum fuit M. Antonij auus) in ea Siluestri Pontificis rogatu Constantinus magnus erexit templum S. Iohanni, qui Lateranus vocatur: Sedes olim Pontificum Romanorum, cuius se vocant Episcopos: sed postea ducti amoenitate collium vaticanorum, in eum locum se contulerunt, vbi palatium celeberrimum incolunt, cum templo S. Petri coniunctum.

*Basiliscus
Constantini.*

In hac Laterana Basilica locus ostenditur orbiculato edificio & altissimis fornicibus, quod sustentatur octo ingentibus columnis porphyriticis, præter alias duas eiusdem marmoris, quæ ad portam erectæ sunt. Locus hic vocatur Basiliscus Constantini: Fama est Cōstantinum Magnum Lepra laborantem, suasu medicorum, voluisse lauari in puerorū sanguine, atque ideo sumptuosum hoc ædificium præparasse: sed monitum ab Angelo in somnis,

somnis, vt aqua baptismi ablueretur in nomine Iesu Christi Dei veri, quem Helena eius mater colebat, Imperatorem obtemperasse monitis cœlestibus, & baptizatum fuisse in eo Labro Porphyritico, quod adhuc medio Basilisco videtur. Sed fabulam esse credendum est: nam ab Episcopo Nicomediensi baptizatum tradunt historiæ, cum in Asiam venisset: neque ad tam barbarū nefas patrandum, necesse fuit tantis sumptibus extruere hoc ædificium; quod potius tegi & celari oportuit, quam vana ostentatione publicari: Ego puto fuisse balneū Laterani Palatij quod eo vsque protendebatur.

Huic ædificiō vicina sunt ad dextram sacella sacra in quibus multa marmora preciosissima, quibus parietes incrustati sunt, conspiciuntur: & columnæ Hierosolymis adportatæ Romam. Ad sinistrā duæ sese attollunt columnæ marmoris flauī Mischi: quæ manu vel vestibibus conficatæ & attritæ, suauissimum emittunt odorem; qualis est violarum cum lilio: De iis diuersæ narrantur fabulæ; à Regina Aethiopum Salomoni donatas: & alia plurima, quæ vt inepta sunt & ridicula, malo ab aliis publicari.

Ingredieris inde Lateranense templum: in quo vndique venustissimi & elaborati artificij marmoreæ sepulchrorum arcæ ac tabulæ sunt dispositæ; quibus summorū Pontificū recondita sunt ossa: neque solum in sepulchris ars commendatur, sed in altaribus, quæ ex marmorib⁹ preciosissimis facta sunt, tanto studio & industria, vt nihil vsquā gentium videri possit absolutius.

Ad summi chori latus sinistrum, parieti adplicata est tabula ænea, characteribus antiquis leges, & senatus cōsulta sub Vespasiano referēs: quæ olim cū aliis multis in Capitolio seruabatur.

Sub hac tabula ad Sacristiæ portā humi iacet tumba Sepulchri Laurentij Vallæ: qui Canonicus erat huius templi.

Ante chorum erectæ sunt quatuor ingentes columnæ æneæ, striatæ, Corinthiacis Epistylis: opere concauo, sed quæ repletæ sunt vt vulgus asserit, terra sancta, quæ ex sepulchro Christi Romam aduecta est. De his columnis varia fertur opinio. Quidam volunt Athenis ex Iouis templo à Sylla Romam translatas: Alij ex rostris nauium in Actiacapugna captarum ab Augusto Cæsare conflatas; & ad rei memoriam templo Iouis Capitolini adplicatas: Alij Hierosolymis aduectas in Italiam ab Imperatore

Vespasiano, post subactos Iudæos, cum reliquis spoliis, quæ in triumpho Titi proposita sunt.

*Cœnacu-
lum Rotæ.*

In Basilica Laterana, quæ integra est & antiqua, cœnaculum est Rotæ amplissimū: in quo Pontificum & Senatūs Ecclesiastici Cardinalium & Archiepiscoporum habebatur confessus, cum de rebus magnis tractandum esset. Tres illæ portæ altissimæ & marmoreæ, quibus in cœnaculum patet ingressus, ex Prætorio Hierosolymitano sunt aduectæ.

*Cathedra
Porphyri-
tica.*

Inde per amplissima deambulacra, relicto S. Mariæ Gratia-
rum sacello, super scalis sanctis duæ sunt cathedræ ex Porphyro
pertusæ; in quibus aliquot annis (postquam Ioanna mulier sexū
virilem mentita, Pontificatum adepta est) Pontifices eligendi se-
debant: iisque admota manu sub Cathedra, per exploratorem
virilia tractabantur: cumque cumpertum esset, marem esse, ex-
clamabat alta voce: **TESTICULOS HABET, DIGNVS EST
PAPALI CORONA.** Ridicula sunt hæc, & absurda: sed quæ sum-
mi viri in vsu fuisse scriptis tradiderunt: Hodie non est opus hac
inquisitione: cum nemo ad Pontificatum promoueat, qui
sue virilitatis non reddiderit antea satis efficax testimonium.

*Gradus
sancti.*

A loco ubi sacrosanctæ hæ Cathedræ seruantur, descenditur
per gradus marmoreos summæ reuerentiæ ac deuotionis: erant
enim gradus Prætoria Hierosolymitani, per quos Christus virgis
cæsus Pilati iussu sanguinolentus populo est propositus: & in iis
craticulæ aliquot æneæ deauratæ videntur adplicatæ marmori,
quæ guttas sanguinis Seruatoris tegunt: Tanta in veneratione
habentur, vt piaculum morte dignum haberetur eos pedibus
contingere: Geniculatim per hos ad altiora loca conscenditur:
suntque ita excavati vestimentorum attritu, vt cum difficultate
maxima consistere quis in iis possit: propterea ad latus alij gra-
dus lapidei sunt erecti, per quos cōmode ascēditur & descēditur.

*Columna
Sanctuarij.*

Eodē in loco super gradib⁹ sanctis columna albicantis mar-
moris demonstratur, in duas partes diuisa ab Epistylis ad basim:
ea parieti adhæret: & creditur fuisse ad ingressum sanctuarij tem-
pli Salomonis, quæ Christo in cruce Spiritum Deo Patri redde-
nte, cum velo templi rupta est, & in partes separata.

*Sancta
Sanctorū.*

Vbi patet ingressus in sancta sanctorum, sacellum est summa
veneratione cultum, in quod nulli licet mulieri introire: in eo
seruatur Arca fœderis, virga Aaronis, mensa cœnæ Dominicæ,

Manna

Manna sacrum, vmbilicus & præputium Christi, eiusque sanguinis phiala vna, spinæ aliquot ex eius corona, clauus vnus integer, quo Christus adfixus est cruci, Franum equi Constantini magni, quod confectum fuit ex duobus pedum clavis, nam ex quarto conflata est lamina, quæ diademati aureo Imperatoris adposita est. (Quatuor clavis crucifixum seruatores nostrum dicunt autores.) Eodem in facello ostenduntur plurimæ reliquæ, quæ à Romanis summa deuotione obseruantur.

Quieti quondā dicatum erat id delubrum, quod hodie S. Petro *Templum Quiræ.* sacrum est ad viam Labicanam, quæ est inter Cœlum & exquilias.

Non procul à templo S. Ioannis Laterani, Porta est eiusdem *Porta Cœlimontana.* nominis, olim Cœlimontana dicta (quod ad radices Cœlij sita sit) & Asinaria. Ab ea principiū sumit via Campana, qua in Campaniam itur (quæ nostro tempore Terra di laboro nuncupatur) ac paulo extra urbem coniungitur cum Latina.

In vltima montis Cœlij parte templum est S. Crucis in Hierusalem, olim sacrum Veneri & Cupidini: in eo seruatur pars crucis *Templum Veneris & Cupidinis.* Dominicæ, & Crucis titulus scriptus linguis tribus, denarius vnus ex triginta, quos Iudas Proditor recepit pro precio venditionis Domini: & alia plurima. Ibidem est sacrum sacellum subterraneum, ab Helena Constantini matre conditum, in quod semel tantum quotannis patet ingressus matronis.

Adiunctum est monasterio templi huius Amphitheatrum minus *Amphitheatrum Statilij Tauri.* quidē multo Colisæo, sed antiquius: vtpote quod tempore Augusti sit erectum à Statilio Tauro: alij vocant id Amphitheatrum castrense: idque positum dicunt à P. Victore in regione Exquilina, in quo milites exercerentur: Nunc est ex maiori parte destructum à Paulo III. P. M. ad restaurandum monasterium: sed quod restat integrum, videtur tam intra quam extra mœnia.

Basilica Seforiana sita fuit ad templum S. Crucis; & porrigebatur vsque ad portam Næuiam: eius ruinarum pars adhuc *Seforiana Basilica.* notatur secundum mœnia.

Redeundum est ad Lateranensem templum: sed notabis ingentes *Ductus aquæ Claudia.* illos arcus, qui per portam Næuiam introducuntur in urbem, & per dorsum Cœlij montis prope templum Lateranensem vsq; in Auentinum extēduntur, pertinere ad aquaductum Aquæ Claudia: qui omniū, quos Romæ videmus, altissimus & lōgissimus iudicatur:

catur: huncque per spatium quadraginta milliarium in urbem introduxit Claudius: cui postea Anio nouus adiunctus est. per viam Subiacam, & summis impensis deductus est per hanc portam Næuiam; eiusque pars maior in Auentinum deriuabatur, pars in palatium, & reliquum in Capitolium. à C. Caligula cœptus est hicaquæductus, postea à Claudio ad perfectionem perductus.

Porta Næuia.

Porta hæc Næuia quæ hodie Maior dicitur vel S. Crucis, creditur fuisse in arcu triumphali structa; vt sumptuosum portæ factis probat ædificium.

Xenodochium Lateranum.

Prope ductum aquæ Claudiaæ, versus Cœlium, Xenodochium est Lateranum opulentissimum. & rebus omnibus, quæ ad excipiendos hospites, cuiuscunque conditionis aut status sint, instructissimum. In eo sunt cubicula, quibus Principes, & nobiles excipi possunt commodissimè. Pharmacopolarum apothecæ refertæ sunt omni genere medicamentorum exquisitissimorum: neque quicquam potest excogitari quod ad ægrorum necessitatem conducere possit, quod ibi non inueniatur, & officiose omnibus præstetur: Idque in causa est, vt multi nullius rei indigentes, cum in morbos inciderunt, eo se deportari curent, ac propriis impensis curari: nam æquum non esset eum publicos sumptus requirere, qui eos per se facere possit: sufficit si officiosam medicorum curam experiatur, quam pecunia compenset non ingratus, post acceptum beneficium. In huius Xenodochij area latissima diuersis in locis animaduerte sepulchrorum arcas, & aras marmoreas, labra balneorum & Thermarum; plurimaque marmora antiqua, in quibus summo artificio sculptæ sunt infinitæ figuræ, Satyrorum chori, mensæ discumbentium, Pugnæ Amazonum, Meleagri venatio, & alia eiusmodi.

Templum S. Clementis.

Prope hoc Xenodochium arcus panditur per aquæ ductum, qui viam aperit deorsum, tendentem ad templum S. Clementis: quod diuersis marmoribus peregrinis est incrustatum, & inscriptionibus antiquis illustre: maxime repræsentatione instrumentorum, quibus in sacris peragendis Pontifices, Augures, & Sacerdotes vti solebant.

Locus vbi Papa perit.

In eadem via ad muros hortorum, exiguum est sacellum, constructum eo loco, vbi Ioanna Pontificatum adepta cum vir æstima-

æstimaretur, peperit, & mortua est in pompis illis solemnibus, quas processiones sacras vocant: idque factum est toto Clero spectante non sine admiratione, & abominatione, vt ex pictura expressum est, quæ tantum piaculum descriptum est: Hanc Ioannam suum sexum mentitam quidam dixerunt fuisse Lusitanam, alij Anglam, alij Moguntinam. Fama est post hunc partum pompas sacras quæ quotannis solemniter ritu ducuntur ex Vaticano in Lateranum templum, propterea nunc diuertere ad templum S. Clementis, declinantes locum illum, in quo scandalo æterno sacra polluta sunt incestu meretricis.

Paulo vltius in reditu sese offert stupenda illa & admirabilis Amphitheatri moles, structa ex ingentibus Tiburtinis lapidibus, inter Cœlium montem & Exquilias. Hoc Colisæum Colisæum
sive Am-
phithea-
trum Ve-
spasiani. vulgo vocatur: à Colosseæ statua (quam Nero illic erexit centum & viginti pedes altam.) Domus enim Neronis id totum loci spatium occupabat, quod est inter Palatinum & Cœlium, & porrigebatur vsque ad Exquilias, vbi erant horti Mæcænatis: vt potius vrbs quam domus formam referret. in eius enim ambitu claudabantur, agri, lacus, siluæ, & porticus longa milliari integro, tribus columnarum ordinibus: reliqua ædificia deaurata, & gemmata erant: in ea fuit delubrum Fortunæ Scisæ, in quo fuit simulachrum Deæ ex marmore Phengite, vel diaphano. Domus huius porta Principalis fuit, vbi postea est erectum Amphitheatrum antequam attollebatur ingens ille Colossus Principis: Huius Amphitheatri tanta fuit altitudo, tanta amplitudo, tam concinna structura, vt nihil admirabilius Romæ videri possit. Cœptum est à Vespasiano Imperatore, & absolutum à Tito eius filio. Triginta seruorum millia tantum opus perfecterunt spatio vndecim annorum. Capax fuit octoginta septem millium hominum, qui commode in gradibus, & subselliis possent sedere, & spectare ludos, qui media cauea quotannis exhibebantur.

Ad sinistram erectus est Constantini Magni triumphalis arcus, Arcus Cō-
stantini. versus Cœlium & Septizonium Seueri, ad Palatini radices. Extat adhuc integrum cum suis victoriis & statuis: Hic arcus positus est Constantino à Romanis, post deuictum ad pontem Miluium Maxentiū, qui tyrannide barbara Urbem oppresserat.

Meta sudans.

Ante Colisæum supervia, qua itur ad arcum Titi Vespasiani, ædificium est altum & arctum, testudinatum, & acutum in speciem pyramidis rotundæ: Hoc vocabatur meta sudans: quod inde manarent aquæ copiosæ & vberes, ex quibus bibebat populus, qui in Amphitheatrū ad publica spectacula cōveniebat.

Palatium Maffæorum.

Ab Amphitheatro via sacra sub arcu Titi transibis ad forum Romanum: Capitolioque ad læuam relicto, à templo S. Marti-
næ, vbi est Marforij statua, diuerter rectà ad Palatium Maffæorum, in quo videntur capita virorum illustriū cum suis pectoribus, collocata singula in suis basibus. & alia quinquaginta quinque, quæ pectoribus carent; & puer nudus: & vrna antiqua marmorea; & alia statua vestita, sed sine capite: plurimaque fragmenta spectatu digna; vasa, pateræ, lucernæ, crateres, & membrum virile: caput Laocoontis artificiosissimum: Simulachrum mulieris sedentis: duo alia capitibus trunca, & vnum integrum vestitum. Ibidem est tabula marmorea, in qua Circus expressus est, cum suis metis, doliolis, obeliscis, & altaribus. & alia tabula discumbentium in triclinio cum synthesi: nusquam alibi maiori forma vel artificio exquisitiore cernitur. In hortulo sunt duæ statuæ vestitæ sine capitibus: & alia mulieris sedentis, quæ capite ac brachiis trunca est. Est & ibidem Pila grandis, in qua Pan sculptus est cum Syringe, & Cupidine. Plurima in hoc palatio videntur antiquitatis monumenta, epitaphia, inscriptionesque, & eiusmodi reliquiæ priscæ vetustatis, quæ mirifice delectant peritiorum artificum, & literatorum hominum oculos, & ingenium excitant.

Quibus diligenter perlustratis domum te conferes, & recipies in tuum diuerforium, vt postera die ad videnda quæ in aliis vrbis regionibus supersunt, sis paratior.

ROMA-

ROMANAE VRBIS TO-
POGRAPHIA.

DIES TERTIVS.

SEQUEBATUR vt eodem, quo prius, ordine cœptum iter persequeremur. Traiecto igitur Aelio ponte, & relicto S. Angeli Castello, venies circa Tyberinam plateam ad domum cuiusdam diuersorij, quæ ad Vrsū vocatur. Atque vbi via bifurcatur, ingredieris partem dextram, versus turrim Sanguineam: prope quam est Baldi Ferratini domus, in cuius frontispicio est Galbæ Imperatoris statua paludata, erecta in basi marmorea antiqua. Ibidem demonstrantur pilæ duæ, & tabula diuersis figuris antiquis insignita.

Baldi Ferratini domus.

Apud Ioannem Baptistam Galletum, super fenestra versus Tyberim, ingens est muliebris facies, quasi larualis; & statua mulieris vestitæ, quæ mammam alteram nudam gerit. Iisdem in ædibus ingense est tabula marmorea, in qua est Aesculapius, dextra serpentem tenens: cui adstat mulier, quæ & serpentem manu comprimit: superius est hæc inscriptio. **NVMINIBVS C. PVPIVS. C. F. ANI FIRMINVS SANCTISS. D. D.** Ibidem est pila variis inculpta figuris: inter quas est Hercules qui magno conatu geminos tauros manibus tenet, vtrisque cornibus apprehensos.

Io. Baptistæ Galleti domus.

Inde venies ad domum Cardinalis Paceci Hispani, prope Agonem: quam postquam diligenter perlustraueris, & quæ in ea notatu digna sunt inspexeris, accedes ad templum S. Apollinaris antiquissimum: quod olim Apollini sacrum fuit: à cuius posteriori parte est S. Augustini templum, in quo Monicę eius matris sepulchrum ostenditur.

Templum Apollinis.

Nō procul ab hoc S. Augustini templo sunt ædes Archinti vicarij Pontificis maximi: in quibus ad ascensum graduura statua visitur ænea integra habitu seruili: cuius similima est in Capitolio, quam Zingaram vocant. In superiore scararum parte sunt tria capita artificiosissime facta, vnum Iouis, alterum Iouis Capitolini, tertium cuius sit ignoratur.

Ædes Archinti.

Circus Agonalis.

Amplissimū illud forum quod à templo S. Apollinaris, & Palatio ducissæ Parmensis, vsque ad Gallorum templum, quod S. Ludouico dicatum est, extenditur, nunc in Agone dictus, Circus fuit Agonalis; in quo Agonalia certamina, & Agonales ludi, in honorem Iani à Numa Pompilio celebrari cœpti sunt.

Palatium & Therma Alexandrina.

Hunc Circum postea amplificarunt & exornauerunt, primum Nero, postea Alexander Mammeæ filius: qui prope Circum palatium erexit amplissimum, & Thermas Alexandrinas, amœnitate ac locorum splendore celeberrimas.

Neronis & Hadriani Therma.

Hadrianus quoque illic Thermas extruxit, vbi est templum S. Aloysij: & Nero suas illic habuisse Thermas dicitur, inter templum S. Mariæ rotundæ, & vicum Longobardorum, post templum S. Eustachij: sed earum vestigia non admodum magna sunt, ædificiis illic frequentibus, quæ veterum monumenta fere omnia texerunt, & aboleuerunt: Propterea in vrbe plana, præter statuas, & marmore aliunde adportata, pauca videntur antiqua ædificia.

Marij Melini domus.

Apud Marium Melinum in Agone, in area domus, videtur statua Palladis armata & galeata: & Veneris nudæ, & alterius mulieris togatæ, quæ capite & brachiis est mutila: Est & ibidem gladiator nudus, & Hercules, fracti vterque: & mulieris Sabinæ caput cum toto pectore. In cœnaculo est Cupido nudus & alatus, ad similitudinem Alcibiadis factus, cum adhuc esset puer: Sunt & ibidem Siluani & Bacchi sedentium corpora, sed admodum mutilata. Et caput Drusi cum toto pectore toga amictō, & Iouis caput insigne & alia decem capita, quorum nomina ignorantur: In cœnaculo vicino, est Satyrus integer forma venusta & mirabili, & artificio singulari.

Io. Baptistæ Melini domus.

In domo Ioannis Baptistæ Melini, tria sunt capita pectore retenus egregia: & statua senis stolata, cui adstat puer veste amictus.

Domus Episcopi di Sauli.

In ædibus Episcopi Sauli prope Agonem, super domus frontispicio, reposita est statua mulieris vestitæ, & in cœnaculo ostenditur caput M. Ciceronis, M. Tullij oratoris filij.

Domus Alexandri Ruffini.

Apud Alexandrum Ruffinum, prope templum S. Aloysij simulachrum est Iulij Cæsaris armatum, & quasi Colossæum: cuius cru-

ius crura sunt ocreis antiquis eleganter circumducta: è regione est Octavius Cæsar eiusdem altitudinis & vestimenti: His duabus statuis vix Romæ quicquam spectatur rarioris artificij. Ostenduntur in ea domo Caput aliud Iulij Cæsaris Colossæum, & alia quatuor, duo virorum, & duo mulierum.

In domo Ducissæ Parmensis, non procul ab Agone, in hortulo Bacchus est nudus, qui innititur arboris trunco pampinis racemiferis tecto: Ibidem est alius Bacchus nudus, cui adstat Ampelos puer Deo dilectus vterque caret capite. Sunt ibidem alia statuarum fragmenta tam nuda, quam vestita, quæ fere omnia capitibus mutilata sunt & brachiis. Ostenditur in pariete grandis tabula marmoris candidi, in qua tres Curiacij sunt expressi, & mulieris cuiusdam in genua procumbentis.

Apud Franciscum Ragaterium, non procul à templo Pacis, sunt Capita Getæ Imperatoris, Bacchi, Hadriani, Alexandri Magni, Traiani, M. Aurelij adhuc iuuenis, Antonini Pij, Pyrrhi regis Epirotarum, Cleopatæ, aliud Alexandri magni, Iouis tria capita, Naturæ, Satyri siue Panis, Satyri pueri ridentis, Veneris, & alia viginti ignotorum hominum, suntque hæc omnia coniuncta cum suis pectoribus, & egregiis basibus reposita. Alia sunt apud eundem plusquam quadraginta numero capita, à corporibus truncatis rapta: & Iouis caput ex Porphyro: & multa alia Leonum, canum, equorum, statuarumque aliarum partes diuersæ: nam vir hic antiquitatis adprime studiosus est, & in his colligendis nullis parcat sumptibus. Idem possidet vineam ad Portam Flaminiam, quam ornauit infinitis inscriptionibus, & simulachris antiquis: inter quæ est Rex Numida captiuus ex Porphyro præstantissimi artificij: apud eundem videtur thorax æneus alicuius Imperatoris, precij & operis rarissimi.

In domo Alexandri Cherubini, quæ sita est ad templum Pacis, præter aliquot inscriptiones antiquas, videtur & venustissimum Siluani ridentis caput ex purissimo marmore.

Inter templa S. Eustachij & Mineruæ, videntur ruinæ quadratæ & longæ: reliquias quidam asserunt esse templi boni Euentus: qui colebatur ab Antiquis, vt consiliorū, & rerum quas

homines peragendas aggrediebantur, felicem & expectatum finem largiretur : Eius statua formabatur habitu plebeio, læta facie, dextra tenebat craterem, sinistra sertum ex spicis.

*Therme
Agrippæ
& Nero-
nis.*

Fornices illæ rotundæ & altæ, quæ spectantur eo loco, qui Ciambella dicitur, partes sunt reliquiarum Thermarum M. Agrippæ. Prope quas Nero quoque Thermas ædificari curavit sumptuosissimas: quarum vestigia cernuntur satis ampla, à posteriore parte templi S. Eustachij.

Pantheū.

M. Agrippa, prope suas Thermas construxit templum architectura, & sumptibus admirandum. Nullum in vrbe antiquius, nullum integrius aut splendidius extat hodie. Hoc quia Diis omnibus sacrauerat Agrippa, Pantheum vocatum est: Alij Opiturrigeræ Deorum matri dicatum volunt: ideo templum hoc rotundum est, & latitudinem æquat sua altitudine: Opis enim siue Cybele, siue Dindymene terram rotundam habet sub sua protectione: propterea pingitur turrata, quod in sua superficie turratas vrbes, arces & castella sustineat terra: hodie dicitur Sanctæ Mariæ rotundæ delubrum: Sphericum illud ædificium caret fenestris: Lucem admittit ingenti orbe, qui apertus est in summitate fornicis. In medio locus est profundus, & crate ænea tectus, ad excipiendas aquas pluuias: Eius aditus Pronao, siue Porticu elegantissima cultus est, quem sustinent columnæ ingentes tredecim ex Ophite marmore, Epistyliis Syracusanis. Laquearia, quæ tectum sustinent, ænea sunt auro perfusa, cum valuis & porta. Fuit olim laminis argenteis coopertum; sed Constantinus Heraclij nepos eas abstulit cum reliquis vrbis ornamentis: quarum loco restitutæ sunt Plumbeæ à Martino VII. Pont. Max. Aditus olim ad portam patebat gradibus septem, qui templum in circuitu cingebat: nūc vndecim ad eam descenditur: Vnde apparet quantum ex ædificiorum ruinis solum Vrbs accreuerit. In hoc Pantheo sepultus est Raphael Sanctius Vrbinas, pictorum nostri sæculi Princeps. In anteriore frōtispicio hæc leguntur: M. AGRIPPA L. F. COS. TERTIVM FECIT: & paulo inferius literis minoribus hæc continentur. IMP. CÆS. L. SEPTIMIVS SEVERVS PIVS PERTINAX ARABIC. ADIABENIC. PARTHIC. MAXIMVS PONT. MAX.

TRIB.

TRIB. POT. XI. COS. III. P.P. PROCOS. ET IMP. CÆS.
M. AVRELIVS ANTONINVS PIVS FELIX AVG. TRIB.
POTESTAT. V. COS. PROCOS. PANTHEVM VETV-
STATE CORRVTVM CVM OMNI CVLTV RESTITV-
ERVNT.

Ante porticum huius templi duo AEgyptij Leones ex lapide *Leones*
Marmaridum subnigro & durissimo suis basibus erecti sunt: *Marmarides.*
ipsæque bases literis hieroglyphicis exsculptæ sunt: Intervtrum-
que Leonem repositum est vas amplum siue arca ex porphyro, *Arca Porphyritica.*
opera & lapidis magnitudine admirandum: cui non ab simile
videtur (paulò tamen minus) in templo S. Mariæ maioris in Ex-
quiliis sub statua Crucifixi.

Non procul à Pantheo Minerua suum habuit templū, quod *Templum*
occuparunt hodie Dominicani, retento nomine antiquo: vo- *Minerva.*
caturenim S. Maria della Minerua. In eo Pompeius magnus re-
posuerat titulos suarum victoriarum. Ruinæ adhuc extant satis
amplæ in hortis Monasterij. In eo pauca videntur antiquitatis
monumenta, sicut in tota vrbe plana: præter paucas inscriptio-
nes, quæ in repositoriis aquæ lustralis, & altaribus leguntur. Sa-
cerdotes enim & Monachi, penes quos est templorum custo-
dia, hoc studio semper procurarunt, vt ornamenta ab antiqui-
tate relicta transferrent in loca sacra, & adplicarent altaribus,
sedilibus, tolis, columnis ac parietibus templorum.

Ad templum Mineruæ, in domo Metelli Porcarij, ante do- *Domo*
mus portam statua videtur matronæ sedentis, quæ capite caret: *Metelli*
& in angulo Terminus est ingens erectus, qui hanc continet *Porcarij.*
inscriptionem. C. LIVIVS C. FILIVS IVSTVS NOV. MIL.
COHOR. IIII. P. R. D. LICINII MIL. ANN. XIX. VIXIT
ANNOS XXXVII. S. P. E. T. F. I.

Ibidem est Vrsus deuorans ouem; & equus mutilus, cui vir in-
fidet: & sacrificium marmoris insculptum: & tabula marmorea
cum hac inscriptione.

VENVLEIA. P. P. L. PHILEMATIVM SIBI ET VIRO SVO
M. PORTIO M. L. POLLIONI SCR. LIBR. AED. CVR. LICI.
CVR. DE SVA PECVNIA FECIT.

Eodem in loco est cadelabrum antiquum triangulare & ta-
bula marmorea, vbi est expressa Diana summo artificio. Sunt &
ibidem

ibidem corpora trunca Herculis. Hermaphroditi, Fauni, Veneris, Apollinis, Bacchi; & aliquot Imperatorum: & capita tria rarissimi operis. Sunt & pilæ duæ: in vna Meleagri sculpta est venatio; in alia Cacus attrahens cauda boues Herculis in speluncam: in tertia pila sunt labores Herculis: in quarta sunt Laruæ, Porci, inuolucra fructuum & florum: in quinta est rex vectus curru quadriiugo. Illic quoque videtur statua Consularis togata; duo serui & pastor vestitus: sed tres hi capitibus carent. In cubiculo vicino sunt Capita M. Agrippæ. M. Catonis. M. Antonij, Bruti, Cleopatrz, Romuli, Augusti, Tiberij, Vespasiani, M. Aurelij, Neruæ, Hadriani, Othonis, Lucillæ, Antoniæ, Veneris, Sileni, & alia duodecim Consulum capita: Fragmenta quoque statuarum Palladis, Herculis, Commodi Imp. Numidici regis, duorum seruorum: tres porci, & alia plurima, quorum nomina cognosci non possunt, & tabulæ marmoreæ, in quibus vir cum iugo bouum sculptus est, & alter vir leonem inuadens.

*Domus
Iulij Por-
carij.*

Apud Iulium Porcarium, super porta ad introitum, tabula est elegans marmorea, venatione Meleagri & Athalantæ nobilis: Ad parietem quinque sunt aliæ tabulæ, suo ordine dispositæ. in prima vir est continens cultellum: in 2. arator: in 3. tonfor ouium: in 4. carrus à bufalis tractus: in 5. diuersæ sunt figuræ: Alia est tabula intrinsecus, quæ continet multas mulieres, in quarum medio est vir nudus. Ad dextram erecta est statua pueri vestiti, superposita basi marmoreæ, in qua sunt plures figuræ peditum, equitumque pignantium: ex altera parte taurus est Europam tergo gestans: In corte, duæ sunt statuæ capitibus truncæ, vna viri nudi, altera vestiti, & trunco arboris innitenti. Super platea tres sunt statuæ matronales sine capite.

*Arcus Ca-
millianus.*

A posteriore parte S. Mariæ rotundæ, cum descendis à via lata, eo loco vbi Iesuite habitant, erectus est arcus antiquus, rudis, & omni ornatu nudus, qui Camillianus vocatur. Hunc à Camillo extructum putant, sed falso: nam primum sub Imperatoribus hæc opera publice sunt excitata.

*Domus
Nic. Sta-
gni.*

In domo Nicolai Stagni, prope arcum Camillianum, retro Mineruæ templum, est Herculis statua nuda, cuius caput tectū est leonino rictu, corio circa collum inuoluto: quæ nisi pedibus careret, posset reponi inter præstantissimas, quæ tota Roma seruantur.

uantur. Est ibidem alia statua nuda, quam aliqui volunt esse Iouis, alij Neptuni: Hæc cum superiore Herculis excellentis sunt artificij: inuentæ in Exquiliis, prope Thermas Titi; eo loco qui le fette Salé vulgò nominatur, in vinea Stagnorum. Præter has duas statuas, videntur in eadem domo plurima fragmenta antiquitatis, quæ singulatim describere nimis longum esset.

Apud Leonardum sculptorem ostenditur simulacrum Hadriani integrum nudum vsque ad femora: & Lucretiæ corpus, sed valde mutilatum. Et Hercules nudus integerque, spolio Leonis in læuum brachium inuoluto. & alter Hercules spolio in humeros reflexo. Bacchusque integer: Venus sedens: duo Bacchi paruuli, nudi & integri: Capita Iulij Cæsaris, & Octauij Augusti: Pyrrhi regis Epirotæ caput galeatum, cum pectore armato, Epiconium cassidis est harpyia sustinens cristas. Ibidem sunt capita ex alabastro, Faustinae iunioris cum toto pectore amictu toga: & Galeriae Faustinae pectore tenus, & quinque alia capita virorum ignotorum, & mulierum: maxime cuiusdam matronæ ostenditur facies elegantissima, ex alabastro cognite, quæ omnia collocata sunt egregiis basibus marmoreis.

Apud Iulium Sabinum sculptorem plurima seruantur antiquitatis monumenta: inter quæ est colosseum Palladis caput: capita Iani bicipitis, Termini, Liuiæ vxoris Augusti, Iuliae Octauij filiae, Galbæ, Augusti, Septimij Seueri, Commodi, Gordiani, & duæ Faustinae: Bacchus quoque integer breui quidem statura, sed elegans, & Europæ statua.

In domo Pauli de Castro demonstratur caput Socratis cum toto pectore: & Galeriae Faustinae, Veneris, Palladis, & Opis. Ibidem est Priapi statua nuda, stans in basi: & alia multa notatu digna, quæ spectatorem mirifice recreabunt.

Haud procul inde, prope S. Macutum, sunt ædes Giacomelli: in quibus ostenditur statua Atis pastoris Idæi nuda, innitentis trunco arboris, & infantis tibiæ. Ibidem est Faunus venuste cachinnans exerto ore, & baculo percutiens Hydram mordicus tenentem vuam: Est & in eadem domo Medusa vestita, galeata, integra, cassidem manu sustinens: In cubiculo Corti vicino, Venus est nuda: & capita Faustinae senioris, & Liuiæ Drusillæ vxoris Augusti, matris Tiberij, quem ex Tiberio Nerone priore marito

L susce-

sufceperat. Sunt & ibidem capita Iani bicipitis, Panis, Corneliæ Pompeij vxoris, Iuliæ Iulij Cæſaris filiæ & vxoris Pompeij, C. Cæſaris, qui M. Agrippæ & Iuliæ fuit filius. & alia quinque capita, quæ ad quos pertineant ignoratur.

*Domus
Dominici
de Nigri.*

Dominicus de Nigris habet domi ſuæ ſtatuam Copiæ, quæ ſiniſtra manu tenet cornu, plenum fructibus: Habet & Nympham Naiadem dormientem, quæ ſiniſtra recubat in urnam: & hanc ex aquæductu virginis deſumptam volunt: illi vicinus eſt Nar fluuius ſeminudus, læua premens cornu copiæ: Eadem in domo eſt Bacchus pampino redimitus, & Hercules tenens fuſtem: & aliquot capita virorum illuſtrium: vt Hadriani, Neronis, & Othonis.

Prope arcum Camillianum ſuper platea iacet pes coloffeus ingentis magnitudinis: qui indicat altitudinem monſtroſam, & artificio ſtupendum ſtatuæ, cum eſſet integra.

*Domus
Auguſtini
Rhegiensis.*

Apud Auguſtinum Rhegienſem ſunt aliquot ſtatuæ, dignæ quæ videantur, & Deorum, illuſtriumque Principum capita, tabulæ & inſcriptiones ſicut & apud Papyrium Papazuccam, & alios: in quorum ædibus multa demonſtrantur, quæ ſtudioſus hoſpes poteſt cū vtilitate non parua, & recreatione cōtemplari.

*Domus
Franc. de
Aſpra.*

Franciſcus de Aſpra, qui domum incolit, ad S. Macutum, habet ſtatuam Copiæ integram veſtitam, quæ tenet cornu ſtriatū, plenum fructibus & floribus. Habet & Pomonam veſtitam & integram: & Ariſtidem Athenienſem: & Bacchi ſimulacrum.

*Thomas
ſculptoris
domus.*

Thomas ſculptor duo ſeruat capita Fauſtinæ ſummo artificio ſculpta: & Palladis galeatæ: & pueri ridentis: & Siluani auriculis cincinellisque caprinis: & ſtatua Puelli nudi ludentis cum hœdo: multa que alia fragmenta egregia.

*Palatium
& templū
S. Marci.*

Per viam latam veniendum eſt ad Palatium Sancti Marci verſus Capitolium: ad cuius introitum videtur ingens labrum marmoreum, quale ſpectatur ante templum S. Saluatoris del lauro: quod inuentum eſt in Thermis Agrippæ. Ante portā templi ſita eſt coloffea ſtatua mulieris, quæ creditur eſſe Faunæ, ſiue Fatuæ, ſiue Bonædæ. In ſuperiore parte graduum Palatii, caput eſt marmoreū elegans: & in Cœnaculo ſuper porta cubiculi vicini, ſtatua eſt nuda, cuius nomē nescitur. In ſuperiore loco palatii duę ſunt ſtatuæ, vna mulieris veſtitæ ſedētis: altera viri nudi ſedentis

sedentis in trunco, & puellum manu tenentis. Ibidem est tabula marmoris candidissimi, in qua singulari artificio sculptæ sunt aliquot hominum figuræ sacrificium peragentes, boue, arietis, & porco. In horto palatij caput est antiquum, marmoreum, & artificiose sculptum: & fragmentum marmoris, in quo expressa est Cleopatra, & mulieres circum plangentes. Sunt & ibidem plurima, quæ perlustrabit hospes boni iudicij, & cum utilitate delectabitur omnibus.

In domo Curtij Fraiapane, Mercurius est nudus, petasatus, & alatus: Cupido. & Aries Phryxus. multa que capita singularis artificij tam Deorum quam virorum illustriū: vt Marij Coss. Augusti Cæsaris, Hadriani, Antinoi, Lucillæ, Caracallæ, Iani, Iouis, Bacchi, Veneris, & aliquot Larum tam ex porphyro, quam ex marmore.

Apud Laurentium Mancinum, non procul à S. Marco, tabula est eximij operis, in quæ cælati sunt multi Cupidines alati, & viri, mulieres, aliaque animalia: apud eundem caput est ingens Colosseum: & Leoninum caput, rictu continens animal quoddam: & alia capita virorum & mulierum.

His diligenter perlustratis veniemus ad Forum Traiani, quod est inter forum Neruæ, Capitolium, & Quirinalem. Neruæ forum erat eo loco & spatio, quod est post S. Hadriani ædem: in cuius medio fuit olim columna ingens ænea: totumque forum variis illustrium virorum statuis exornatum; quæ vel antiquitate perierunt, vel aliò translatae sunt: dictum est Transitorium, quod ex eo transitus patebat in forum Augusti, Cæsaris, & Romanum: medium enim erat: vnde templum S. Hadriani in tré fori nuncupatur: de hoc superius tractatum est. Ad hoc forum Nerua struxerat palatium: cuius ruine adhuc extant ad turrim militiæ, & templum S. Blasij.

Ex hoc foro Neruæ transitus brevis est in forū Traiani quod fuit inter Capitolium, Quirinalem, & forum Augusti; cinctum fuit porticu magnifica, fulta ingentibus columnis Apollodoro architecto: In ea fuerunt imagines virorum illustrium, & diuersarum rerum bellicarum & tropheorum. Ibidem fuit & arcus triumphalis marmoreus, qui periit, neque illius hodie apparet vestigium: sicuti neque magnificæ illius porticus. De his

*Columna
Cochlis
Traiani.*

omnibus ornamentis sola columna Cochlis superest, quæ notas manifestas præbet Imperatorij splendoris: in eius circuitu cælata sunt res gestæ Principis bello Dacico, & aliis expeditionibus militaribus: Alta est pedes CXXVIII. præter basim: quæ cum columna efficit CXL. structa est lapidibus viginti quatuor, tantæ vastitatis, ut opus videatur non ab hominibus perfectum, sed à Gigantibus: singuli lapides, siue partes columnæ, continent gradus octo: per hos patet ascensus ad superiora, per interiorē partem concavā: Lumen præbent ascendētibz fenestellæ XLIII. Nihil potest usquam gentium videri admirabilius, nihil magnificentius. Erecta est in honorem Principis, ut ostenderetur quantæ altitudinis mons egestus esset in eo loco: ut scriptum est in basi:

SENATVS POPVLVSQVE ROMANVS IMP. CÆSARI
DIVI NERVÆ F. NERVÆ TRAIANO AVG. GERM. DACICO
PONT. MAX. TRIB. POT. XVII. IMP. VI. COS. VI.
P.P. AD DECLARANDVM QVANTÆ ALTITVDINIS
MONS ET LOCVS TANTIS OPERIBVS SIT EGESTVS.

Hanc columnam non vidit erectam bonus Imperator, qui tunc occupatus detinebatur bello Parthico: & in reditu sanguinis fluxu mortuus est apud Seleuciam in Syria; eiusque corpus Romam translatum est; & in summitate columnæ, pila aurea eius ossa recondita sunt. Duæ illæ columnæ, quæ videntur prope S. Mariæ de Laureto templum, reliquæ sunt porticûs Traiani.

Templa S. Basilij, S. Silvestri, & S. Martini quæ posita sunt à Symmacho I. P. M. sita sunt in hoc Traiani foro, & Bonifacius VIII. Papatres turres ibidem extruxit, quæ vocatæ sunt turres militiæ (potissimum quæ est media) quod fundata sit super loco, ubi erant stationes militum Traiani.

*Domus
M. Macaronei.*

Coruini domus eo loco fuit, ubi hodie est macellum di Corui: prope quod est domus Marci Macaronei, ante cuius portam reposita est ingens basis columnæ: in qua cælata sunt choreæ saltatium. Super porta est caput Alexandri magni: ad ingressum domus ad parietem, adplicatum est vas marmoreum ingens, in quo sculptus est Hercules sequens virtutem. In horto est equus frænis, ephippiis, & stragula tectus, cui insidet vir; sed toto corpore truncus: inuentus est in Thermis Antoninianis. Ibidem est

Laoco-

Laocoontis simulacrū semiruptum (cuius artificium summo-
pere laudat Michael Angelus) Apollinis, & Dianæ, & Sphyn-
gis, & mulieris quæ continet instrumentum musicum: Demon-
stantur ibidē multa capita marmorea: vt Romuli, Hersiliæ eius
vxoris, Alexādi Magni, Iulij Cæsaris, Octauij Augusti, Marcelli
eius nepotis, Traiani, Hadriani, Antonini Pij, & Zoroastris Ba-
étrianorum regis, qui dicitur Astrologiæ inuentor: Ac Antonini
Caracallę, cuius statua fuit integra in eius Thermis, sed dū effo-
deretur contracta est, & solum caput cum pectore reſeruatū.

Progreſſis in Exquilinum montem apparet clius suburra-
nus, quo ad arcum Galieni conſcenditur: Suburra enim princi- *Suburra.*
pium ſumebat à Foro Neruæ, & ſub Carinis extendebatur vſq;
ad viam Tiburtinam, quæ Exquilias medias diuidebat, vnde
pars illa media clius Suburranus vocatus eſt.

Vallis illa quæ eſt inter Exquilias & Viminalem, vſque ad
Thermas Diocletiani dicta eſt Vicus Patricius: quod in eo Pa- *Vicus Pa-*
triciij plurimi domos incolerent præſtantiffimas. *tricius.*

Inter Viminalem & Quirinalem montes, fuit Suburra plana
vbi prope templum S. Mariæ in campo, fuit puteus S. Probæ.

Exquilix, quæ vulgo dicuntur hodie le Squille, dictæ ſunt ab
excubiis, quæ tempore Romuli fuerunt illic diſpoſitæ. diuidun-
tur, vt diximus, à Coelio via Labicana: & ſeparantur à Viminali
vico Patricio: Exquilinum collem partitur medium via Tibur-
tina, quæ à Suburra extenditur ad Portam Næuiam: Hęc Tibur-
tina via, antequam pertingat Trophæa Marij, in duas diſtribui-
tur partes: ad dextram tendit verſus S. Ioannem Lateranum, &
cum Labicana iungitur: Pars ſiniſtra vocatur via Præneſtina,
quæ tendit ad portam S. Laurentij.

Ad viam Tiburtinam loco elatiore attollitur arcus Galieni *Arcus Ga-*
Imperatoris (qui dicitur S. Viti, propter templum vicinum) *lieni.*
ſimplex eſt admodum, atque ornamentis deſtitutus: ſtructus ex
Tiburtino lapide.

Prope hunc arcum fuit olim Macellum Liuianum: in quo *Macellum*
carnes & obſonia vendebantur. *Liuianū.*

A templo S. Viti via ſurſum ducit ad ædem S. Mariæ maioris, *Templum*
quæ habet inſignem ſtructuram auro, & marmoribus pere- *Isidis nūc*
grinis ſelectiſſimis exornatam. Sũſtentatur enim altiffimis *S. Maria.*
columnis

columnis marmoreis Ionicis: Ante quam reposita est arca porphyritica, forma fere eâdem, quali videtur altera ante Pantheon. Fuit hoc templum olim dicatum Iſidi. In eo ſepultus eſt S. Hieronymus. ibi oſtenditur imago Mariæ virginis, quæ creditur depicta à S. Luca Euangelista.

Lucus Iunonis.

Prope hoc templum ſacellum eſt ſancto Luce ſacrum, verſus fanum S. Potentianæ: in cuius colle decliui, fuit olim Lucus Iunoni ſumma religione ſacer.

Templum S. Praxedis.

Redeundū eſt iterū ad Arcū S. Viti, relicto templo S. Praxedis: in quo multæ ſunt inſcriptiones: & columna illa ad quam Chriſtus alligatus virgis cæſus eſt: hanc Hieroſolymis adportatam colunt Romani ſumma religionis deuotione. Iter igitur vertes verſus Amphitheatrum, & Thermas Titi Veſpaſiani: Prius ta-

Templum S. Petri ad vincula.

men ingredieris templum S. Petri ad vincula: vbi Sadoletus ſepultus eſt. Et prope ſacrarium ad dextram ſepulchrum eſt Iulij II. Pont. Max. vbi eſt ille Moſes Bonaroti, ſtatua quæ nulli ex antiquis artificio & perfectione cedit. Ibidē videntur duę pulcherri-
mæ ſtatue muliebres veſtitæ & ſedentes, & aliæ duę ſtantes: & quatuor capita elaboratiſſima Ferminorum: Ante templi fores repositum eſt vas marmoreum capaciſſimum, ſimile illi, quod eſt ante S. Marcum.

Carina.

Hinc paruo interuallo venit ad templum quadraginta Martyrum: à quo uſque ad templum S. Clementis ſecundum viam Labicanam extendebatur ea pars Exquiliarum, quę vocabatur Carinæ.

Therma Titi.

In hoc cliuo verſus Amphitheatrum ruinae ſunt ingentes, Thermarum Titi Veſpaſiani, ac eius palatij, in quibus adhuc ampliſſima ſpectantur ædificia ſubterranea, quæ dicuntur lé

ſetté Salé.

ſetté Salé: Erant enim caſtella, ſiue aquarum receptacula, quæ ad lauacra Thermarum erant neceſſaria. In vineis adiacentibus Feliciorum viſuntur adhuc integri fornices, in quibus picturæ

Grotesci.

Grotescorum apparent venuſtiſſimæ. Pertinebant enim concamerata hæc loca ad Palatium Titi. Et in his reperta eſt illa

Laocoon.

Laocoonis ſtatua, cum duobus filiis, quæ in Palatio Vaticano Pontificum cum tanta ſpectantium admiratione demonſtratur.

Templum S. Martini in montibus à Symmacho Pontifice ſtructurum

structum est, in ruinis Thermarum Hadriani; à cuius nomine *Therma Hadriani.* locus vocatur hodie Adrianello.

Prope templa S. S. Iuliani & Eusebij, moles quædam latericia & alta extollitur, in qua fuerunt castella aquæ Marcæ: In huius molis superiore parte erecta sunt Trophæa, hoc est armorum & spoliolum congeries alligata trunco arboris. Hæc omnia sunt ex marmore posita bello Cimbrico in honorem C. Marij: quæ cum Sylla evertisset, à Iulio Cæsare sunt restituta in integrum. *Trophæa Marij.*

In Vineis prope S. Eusebium, à posteriore parte trophæorum Marij, magnæ sunt ruinæ Thermarum Gordiani: prope quas idem Imperator splendidum crexerat palatium; quæ ducentas habuit in duplici ordine columnas marmoreas: Sed de iis omnibus, præter ingentes murorum spondas, nihil videtur admodum notabile: cum ex iis postea ad nobilium domos translata sint omnia ornamenta *Therma Gordiani.*

Ab his Thermis extendit sese ad dextram via Labicana, quæ *Porta Labicana.* protenditur vsque ad portam eiusdem nominis quæ hodie Porta maior dicitur: in cuius frontispicio legitur inscriptio literis maiusculis.

Inter portas S. Crucis, siue maioræ, & S. Laurëtij, hoc est inter Næviam & Exquilinā, secundum mœnia conspiciuntur ruinæ *Basilica Caesarum Lucij & Caij.* illius amplæ Basilicæ, quā Augustus edificavit sub nomine suorum Nepotum Caij & Lucij: Ex qua restat adhuc fornix altissima: quam vulgus appellat Gallucio, corrupto vocabulo pro Caio & Lucio.

Non procul inde fuit palatium Licianum: ad quod fuit *Vrsus pileatus.* Vrsus pileatus, locus ita dictus ab Vrsi statua, quæ pileo tecta fuit Fuit hoc Palatium, vbi postea templum S. Bibianæ structum est à Simplicio Pontifice.

Viuarium Populi Romani continebat id totum spatium, *Viuarium P. R.* quod est in vineis, quæ ad dextram secundum mœnia videntur: ex hoc, præter ignobiles ruinas, nihil apparet.

Secundum mœnia venies ad Tiburtinam portam, quæ & *Porta Esquilina siue Tiburtina.* Exquilina dicta est, & Taurina: nunc S. Laurëtij vocatur, à templo vicino, quod olim eidem diuo positum est à Constantino Magno, antiquitate & religione clarum. In eo plurima sunt antiqua monumenta, tabulæ marmoreæ & sarcophagi diuersis figuris, & varietate marmorum illustres: maxime eo marmore, in quo sacrificiorum instru-

instrumenta videntur sculpta, vasa, thuribula, craticulæ, lituus, focale Pontificium, aspergillum, & cætera.

Aqua Marcia.

Per hanc portam sumptuoso aquæductu introducitur in Urbem aqua Marcia: quem primum Q. Martius extruxit, postea vetustate consumptum restituit Agrippa. deducebatur hæc aqua per millia triginta quinque, antequam Urbem contingeret: & per campum Exquilinum deriuabatur ad Thermas Diocletiani, & ad loca vicina: salutifera enim fuit, ideo potui civium maxime accommodata. In hoc aquæductu hæc leguntur.

IMP. CÆS. DIVI IUL. F. AVGVSTVS PONTIFEX MAXIMVS COS. XII. TRIBVNIC. POTESTAT. IX. IMP. XIII. RIVOS AQVARVM OMNIVM REFECIT.

IMP. CÆS. M. AVRELIVS ANTONINVS PIVS FELIX AVG. PARTH. MAXIM. BRIT. MAXIMVS. PONTIFEX MAXIMVS AQVAM MARCIAM VARIIS CASIBVS IMPEDITAM PURGATO FONTE EXCISIS ET PERFORATIS MONTIBVS RESTITVTA FORMA ACQVISITO ETIAM FONTE NOVO ANTONIAN. IN SACRAM VRBEM SVAM PERDVENDAM CVRAVIT.

IMP. TITVS CÆSAR DIVI F. VESPASIANVS AVG. PONT. MAX. TRIBVNICIE POTESTAT. IX. IMP. XV. CENS. COS. VII. DESIG. II. RIVVM AQVÆ MARCIÆ VETVSTATE DILAPSVM REFECIT. ET AQVAM QVÆ IN VSV ESSE DESIERAT REDVXIT.

Aqua Tepula, Iulia, & Anio Vetus.

Ab altera parte huius Portæ ingrediebatur urbem aqua Tepula, & Iulia: Huius scaturigo distabat ab urbe milliaria sex: & Tepulæ vndecim, quæ oriebatur ex Frascatino agro. His coniunctus erat & Anio Vetus, qui ex Tiburtinis montibus à miliaribus viginti Romam perducebatur.

Pons Mammæus.

Paulo ulterius super Aniene, pons est Mammeus: sic dictus à Mammea Iulia matre Alexandri Severi Imperatoris: cuius impensis pons est restauratus: nunc vulgo nuncupatur Ponte Mammolo.

Via Prænestina & Labicana.

Via Prænestina ab hac Porta Exquilina ducebat Prænestem: & ab hac quoque oriebatur Labicana via, quæ ad Labicanos, hoc est, ad Valmontonem ferebatur.

Pars illa Exquiliarum, quæ est prope templum Sancti Laurentij

rentij in Fontana, vocabatur Clius Virbius: prope quem Fagualis erat Lucus: ad quem Seruius Tullius habitauit: ibique dictus est vicus sceleratus, quod in eo Tullius à genero cæsus est, & per patris mortui corpus filia currum agere iussit aurigam: & hic sceleratus vicus habebat suum principium ab hoc loco plano, & extendebatur vsque ad Busta Gallica: vbi Galli Senones cæsi cremati & sepulti sunt per Camillum: locum hodie vocant Portugallo: vbi structum est templum S. Andreæ ad Busta Gallica: vicus hic Sceleratus vocatus est & Cyprius.

*Clius Virbius
sive Vir-
bicus.*

*Vicus sceleratus si-
ue Cypri-
us.*

*Busta Gal-
lica.*

In summitate vici scelerati Palatium habuit Cassius, quod solo est æquatum: & in eo Telluris templum structum est: quod hodie S. Pantaleoni dicatum est.

*Templum
Telluris.*

Templum S. Gregorij in Damaso constructum est in ruinis triumphalis arcus Gordiani, qui multis marmoribus peregrinis, & variis ornamentis, & ædificiis fuerat excultus: omnia ad ædis sacræ adplicata.

*Arcus Gor-
diani.*

Prope S. Agathæ templum, ad radices collis viminalis, Siluani fanum fuit: cuius ampla videntur adhuc vestigia.

*Templum
Siluani.*

Exquilino colli Viminalis adiacet, qui circa mœnia in longum extenditur: dictus à Iouis viminalis templo, quod ibi structum fuit religione & sumptibus clarum. Ab hoc colle dicta est Porta viminalis, quæ est Numentana, quod per eam Numen- tum ducit via. Nunc vocatur porta S. Agnetis; ab eius templo, quod olim fuit Baccho sacrum. In eo videtur vastissima arca ex Porphyro, qua maior nusquam conspicitur: in cuius frontispicio plurimi pueri vindemiam colligentes exsculpti sunt. Hanc hodie appellant imperiti sepulchrum Bacchi:

*Viminalis
collis.*

*Templum
Bacchi.*

Remotius aliquanto in via Numentana, Pons est Numen- tanus, à Narsete Eunucho structus, vt docet inscriptio.

*Pons Nar-
setis.*

Nero Imperator inter hanc portam Numentanam, & Salariam, habuit Suburbanum ædificio singulari, quod Liberto donauit: & in eo supplicium publicum metuens, pugione sub papillam adacto, adiuuante Sporo liberto, sibi mortem consciiuit: huius suburbanus aliquot ruinæ sunt adhuc superstites:

*Suburba-
num Ne-
ronis.*

Porta Querquetulana hodie clausa est: extra quam videntur mœnia erecta forma quadrata: reliquiæ sunt castelli, in quo diuersabantur milites, qui custodię Diocletiani Imperatoris erant destinati.

*Castellū
Custodia
Diocle-
tiani.*

*Therma
Diocle-
tiani.*

In dorso viminalis admirandæ vastitatis, & sumptuositatis videntur Diocletiani Thermæ semidirutæ: nullæ tamen in vrbe sunt magis integræ: in his construendis quadraginta Christianorum millia, per annos quatuordecim, seruii more dicuntur esse vexata. Diocletianus & Maximianus eas magno sumptu inchoauerunt, sed à Constantino & Maximiano postea sunt absolutæ, & dedicatæ: Hodie vocantur allé Terminé: & locus ille subterraneus (qui dicitur La botta di Terminé) castellum est siue receptaculum aquarum, quæ ad lauacra erant necessaria.

*Bibliotheca
Vlpia.*

Ad has Thermas magnificentissimum struxerat Palatium Diocletianus: quod testantur ruinæ, testudinataque edificia, adhuc fere integra: & ingentes columnarum bases, quæ ibidem inuentæ sunt. In eo fuit illa celebris Bibliotheca Vlpia, inqualibri seruabantur Elephantini.

*Horti Bel-
laiani.*

In harum Thermarum parte dextra, Bellaiani sunt horti amœnissimi: in quibus videntur plurimæ statux artificiosissimæ, suis oculis adplicatæ, & in deambulacris dispositæ: vt Iouis, Apollinis, Orphei, Palladis, Bellonæ, Vertumni, Antinoi, & aliorum Deorum, virorumque illustrium: quæ in illo semicirculari testudinato ædificio tam venuste suis basibus erectæ sunt. In superioribus deambulacris marmoreis simulachra sunt duarum Naiadum, Hebes, Vulcani, Ganymedis, Iouis, Apollinis, Sabinæ vxoris Hadriani, Lucillæ, Faustinae iunioris, aliorumque plurimorum. Muri fere omnes, Punicis & Medicis arboribus, Cedris, Cyparissis, myrtis, & lauris in speciem peristromatum concinne tecti, non mediocrem præbent spectantibus delectationem, potissimum cum florent omnia, vel fructibus & pomis variegati sunt parietes. Sunt præterea ipsi horti omni herbarum genere summo artificio & industria culti.

*Templum
Quirini.*

In alia Thermarum parte postrema, vbi eleuata sunt ædificia concamerata & ampla (quæ vocantur le Botté) templum est S. Susannæ, quod olim fuit sacrum Quirino. In eo enim loco Romulus in cœlum antea translatus, Proculo Iulio Alba redeunti creditur apparuisse: propterea illi à Senatu diuini sunt honores tributi, & templum positum.

Inter

Inter has Thermas Diocletiani, & inferiora loca, quæ extenduntur vsque ad arcum Constantini, totus ille clius vocabatur vallis Quirinalis, quod in ea Romulus Proculo venit obuiam: & varia cum eo communicauit.

Inter Viminalem & Exquilinum, vallis illa quæ est inter Diocletiani Thermas, & templum S. Mariæ maioris, continuit Olympiadis balnea: quorum adhuc vestigia demonstrantur non procul à templo S. Laurentij in Palisperna. Prope hæc Decius Imperator palatium suum struxit.

Versus Exquilias vbi delubrum est S. Pudentianæ, (quod Pius primus P. M. precibus S. Praxedis, Pudentianæ sororis, strui iussit) sunt adhuc multæ ruinæ Balneorum Nouati.

Vbi vero ædes est S. Vitalis, paulo inferiore loco, ad principiū Quirinalis montis, multæ sunt ædificiorum ruinæ: in quibus olim fuerunt balnea Agrippinæ matris Neronis.

In templo S. Laurentij in Palisperna, prope quod Decius habuit Palatium, demonstratur marmor ingens summa veneratione & religione cultum: in quod S. Laurentij corpus affatum & vstulatum repositum est post eius mortem.

A templo S. Susannæ, via longissima ducit ad Quirinalem montem, quem hodie vocant Monte Caballo. In ea igitur via decliui, descendentibus ad dextram occurrunt horti Cardinalis Carpenfis, qui omni ornamento antiquitatis pleni sunt: His enim nihil tota Roma, imo si ausim dicere tota Italia videtur amœnius, nihil magnificentius. Neapolis multos habet hortos insignes fontibus, herbis, & arboribus, maxime Toletanos qui Chiaia vocantur, sed præter amœnitatem situs, & aquas vberes, frigidas, & salubres, pauca habent antiqua. In his Carpenfis nihil desiderari potest, nihil excogitari ab homine, quod non reperiatur: tanta magnificentia ædificiorum, tanta marmorum peregrinorum varietas, statuarum excellentia & pulchritudo, inscriptionum numerus & diuersitas (quarum plussquam CXXXVI. numeraui diuersis figuris artificiosissime sculptas) vt omnia ad miraculum & delicias tanquam in paradiso aliquo proposita esse videantur. Ante cætera fontis illius congrua concinnitas, & artis admirandæ singularis perfectio, reliqua omnia quæ ibi spectantur, videtur præcellere. Quæ etsi

à diuersis autoribus summis laudibus celebrata sint, præsentia tamen famam videtur superare. In his hortis Cardinalis homo antiquitatis, & bonarum literarum amantissimus, sumptuosissimas excitauit ædes, columnis, statuisque marmoreis illustres: Ad quarum primum ingressum, super porta caput Medusæ colosseum repositum est. Ad secundam portam simulachrum est Naturæ, multiplici mammarum numero, & variis animalium, florumque figuris exsculptum. Ad primos palatij gradus videtur Sphynx ex marmore; & AEsculapius. In corte est Hercules, qui læua innititur clauæ spolio tectæ Leonino, dextram vero in latus inflectit. Ibidem est senex vestitus pectore, & vno crure nudus, pedibus antiquo modo diuersis ligamentis reuinctus. Pallas quoque galeata continens clipeum innitens trunco, circa quem sese coluber insinuat. cui est Terminus vicinus: & Vranix statua tenens tesserulam quadratam: sequitur eodem ordine Terminus, deinde mulier quæ ventri & sinistro femori prætendit vestem. Postea tertius Terminus cum spolio Leonino. Septimo loco est Tragoedia tenens laruam. octauo Terminus: Nono mulier longa veste amicta: cui vicina est alia mulier amicta longiore instita. Sequitur Terminus pallio tectus, & aperto virili membro.

In corte est Pluto insidens tricipiti Cerbero: & muliebri simulachrum ex lapide subnigro: aliud quoque virile vestitum est: & hoc cum superiore capite caret.

In cœnaculo super porta Pastoris statua dormientis videtur: in cuius basi scriptum est. **AT SECURA QUIES ET NESCIA FALLERE VITA.**

Ad ingressum fontis est Hercules, continens manu Hesperidum mala: secundo loco est Faunus utrem premens. Ad fontem adplicata est Nympha Naias, iacens somnolenta: ad vtramque partem duo sunt pueri, qui blande ridentes videntur dormientem Nympham contemplari: opus in quo diuinum apparet sculptoris ingenium. Ex altera parte, est mulier veste longa amicta, quæ tenet vasculum, ex quo scaturit aqua limpidissima. Super cisterna duobus locis erecta sunt simulachra Pomonæ & Floræ. Ad dextram est statua Serapis ex lapide Numidico, reposita in base antiqua diuersis ornamentis vndique variegata.

Ibidem

Ibidem est Iuppiter pectore & brachio nudus, reliquo corpore tectus pallio. Sunt & ibidem capita Medusæ, Palladis, & Iani bifrontis & tabula marmorea, in qua sculptus est Mithras Deus Persarum, mactans taurum.

Prope cisternam ad ingressum secretioris hortuli, tabula est marmorea, in qua duo viri sunt vestiti, quæ hæc verba continet.

ΑΓΑΝΘΟΛΗ ΚΑΙ ΜΑΛΑΧΒΗΛΩ.

In ingressu hortuli duæ sunt statuæ vestitæ, vna Palladis, alia mulieris cuiusdam, vtrique mutilata est capite.

Super porta est muliebre caput cum vestimento antiquo. & Tabula marmorea, in qua Hercules expressus est, magno conamine torquens mulierem capillis, quæ in serpentem desinit. Hanc nonnulli interpretantur esse Lerneam paludem, ad quam Hercules Hydram vicit.

In hortulo est Pallas vestita, reposita in vase marmoreo siue vrna, quæ diuersis animalium & auium figuris est exornata. Ibidem est candelabrum ingens triangulare, cum tribus figuris elegantibus Herculis, Famæ & Fortunæ. Ad dextram est Apollo nudus veste circum brachium læuum implicata, ad cuius pedes est anas. Est & aliud candelabrum triangulare cum suis figuris, & in eodem sculpta vota Ioui & Syriæ. Sunt ibidem vrnae duodecim pulcherrimæ: & corpus viri armati, duæque pyramides.

Ad ingressum vineæ posita est nymphea Nereis recumbens in vrnâ: sub qua raptus est Proserpinæ, & vtrique duo Colossæi pedes. In vinea est Terminus cum capite duplici: & Venus cum Cupidine: & Domitiani statua nuda, cum spolio leonis: Palladis quoque, & Liuiæ Drusillæ vxoris Augusti. Extra vinearum vmbracula tripodes sunt Apollinis duo excellentissime elaborati: & statuæ Veneris seminudæ, Ledæ, Hermaphroditi, Apollinis, & Faunæ quæ fuit bona Dea. In vmbraculis arborum simulachrum est Satyri sedentis in trunco, cui superiecta est pellis Leonina: & Leo insignis ex marmore mischio: & per totam vineam sunt inscriptiones variæ, & epitaphia notatu digna. Pius Rudolphus Cardinalis plurimas fecit impensas, & singulari cura disquiri iussit quouis precio, quicquid tam in Vrbe quam foris potuit reperiri, quod ad ornamentum huius vineæ, ac sui palatij (quod ædificauit in Campo Martio, de quo postea mentionem faciam) facere videretur.

*Domus
Laurentij
Rudolphi.*

Multa quoque concessit Laurentio Rudolphi suo fratri; in cuius domo videtur Mercurius nudus & petasatus: alter Mercurius cum lyra. Hermaphroditus integer nudus cum cane: Diana succincta in speciem venatricis singulari artificio. Bacchus nudus: quatuor larvæ: Tabula marmorea, in qua tres sunt mulieres habitu sacerdotali. In eadem domo multa sunt capita antiqua cum suis pectoribus, singula suis reposita basibus. inter quæ est Traiani, M. Aurelij, Catonis, Commodi, Hadriani, Antinoi, Antonini Pij, Septimij Severi, Scipionis Africani, Bruti, Bacchi, Herculis cum spolio leonis circa fauces religato. Et alia plurimorum deorum fragmenta.

*Templum
Solis.*

Inter hortos Carpenſes, & templum S. Sufannæ, via est arcta & obscura, quæ sub Quirinalem tendit: ad quam ruinæ templi solis ostenduntur.

*Mons
Quirina-
lis.*

Quirinalis mons (qui monte Caballo vocatur hodie) diuiditur à viminali eâ viâ, quæ protenditur ad portam S. Agnetis. Dicitur est à Quiritibus, qui cum Tatio ex Curibus vrbe Sabinorum Romam migrantes, hunc collem occupauerunt. Porrigiturque à templo Quirini, siue S. Sufannæ, inter Portas Collinam & Collatinam, vsque ad turrim Comitum.

*Horti Fer-
rarienses.*

In hoc Quirinali monte sunt horti magnificentissimi Cardinalis Ferrariensis: quibus nulli Romæ videntur arborum diuersarum cultu splendidiſſores, & ædificio mirabilis artificij, quod ex arboribus confertis simul, & implicatis Labyrinthum efficiunt. Parietes vndique & muri malis Punicis, Medicis, Cedrinis, Limonicisque, in morem tapetorum tecti sunt cura & industria non vulgari: quæ summam delectationem toto anno præbent, maxime cum fructus maturi sunt: qui cum floribus variis, & lacinis croceis & albis venustissime pingunt texturam. Diuersitate ac numero statuarum, & inscriptionum antiquarum sunt hi horti inferiores Carpenſibus; sed cultu & arborum exquisitarum multitudine longe superiores.

*Equi Fi-
die &
Praxite-
lis.*

In dorſo Quirinalis colosseæ sunt duorum virorum statuae, quæ frænis duos ingentes equos marmoreos impediunt. In harum basi scriptum legitur OPVS FIDIÆ OPVS PRAXITELIS. Ab his equis Mons Caballinus vocatus est. Et hos fama est Romam aduectos à Tyridate Armeniorum rege, & dono datos Neroni;

Neroni; qui vt regem peregrinum Romano splendore exciperet, Pompeij Theatrum, in quo ludos exhibuit, laminis aureis tridui tantum spatio sterni curauit. Quam magnificentiam nō tam admiratus est Rex barbarus (qui non ignorabat Romam esse receptaculum diuitiarum totius orbis) quā diligentiam, & solertiam artificum, qui tam breui tempore tantum operis potuissent conflare & perficere.

E regione harum statuarum vastissimæ conspiciuntur & altissimæ testudines; quæ sunt reliquiæ Oratorij Neronis; quod cum suis hortis habuit coniunctum. Spondæ enim murorum ingentes ab hoc loco per cliuum, vsque ad inferiorem Quirinalis partem, vbi est Palatium Liuiæ Columnæ, protenduntur. quæ satis indicant magnificentiam & amplitudinem domus Imperatoriæ; in cuius elatiore parte, altissimum sese extollit frontispicium, quod vulgus vocat il Fronton di Nerone. Ex hoc Nero spectauit Urbis incendium, quod ipse per incendiarios secreto excitauerat, & Christianis imputauit, vt eos in odium Senatûs populiq; adduceret: edicto que publicato quotquot Christum fatebantur Deum, comprehensi, & in Neronis hortis flammati sunt, & crudelissimè excarnificati.

Videntur in alia Quirinalis parte arcus, fornices, & cellæ subterraneæ plurimæ: ea omnia sunt Thermanum Constantini Imperatoris reliquiæ.

In Quirinali, quā Suburram spectat, in vineis Bartholinorum, sacellum adhuc extat fornicatum, tessellato ex conchyliis opere venustissime exornatum, & piscium variorum figuris: id olim fuit Neptuno sacrum.

Vicinus huic sacello locus est qui vocatur Bagnanapoli, vocabulo corrupto, pro Balnea Pauli: vbi Paulus AEmilius Balnea construi curauit; & Palatiū di Comiti structum est in parte horum balneorum. Turris autem di Comiti erecta est ab Innocentio III. P. M. qui ex hac Comitum familia natus erat. Altera turris Militiarum structa est à Bonifacio VIII. P. M. Horum Balneorum Pauli nunc supersunt exiles reliquiæ.

In hac Quirinalis parte, fuit domus Corneliorum, à qua hodie dicitur il vico de' Cornelij: & templum S. Saluatoris de' Cornelij, quod olim fuit Saturno & Baccho sacrum.

A tem-

*Alta Se-
mita.*

A templo S. Saluatoris via porrigebatur vsque ad portam S. Agnetis per dorsum Quirinalis. Hanc vocarunt antiqui Altam semitam: ad cuius dextram partem, prope collis exitum, non procul à S. Vitali, Pomponius Atticus ædes habuit amœnas cum Luco.

*Suburra
plana.*

Inter extremitatem Quirinalis & Viminalem, fuit Suburra plana: & paulo remotius ad radices viminalis templum erat Siluani.

In apice Quirinalis fuit templum Apollinis & Clatræ; & sacella Iouis & Iunonis, Capitoliumque vetus: Horum nullæ fere supersunt reliquiæ, nisi quæ ostenduntur in aliquibus domibus, quæ in ruinis veterum ædificiorum sunt extructæ.

*Horti &
domus
Salustij.*

Forum & domus Salustij fuit non procul à templo sanctæ Sufannæ, eo loco qui dicitur hodie Salostrico: ad quam habuit hortos amœnissimos, qui totum hoc spatium complectebatur, quod est inter portas Satariam & Pincianam; occupabantque magnam horum collium partem, & vallis illius quæ est inter vtrumque. In horum medio adhuc videtur obeliscus paruus

*Turris
meza.*

*Domus &
Horti Me-
cænatis.*

literis Aegyptiacis signatus, qui dedicatus fuit Lunæ.

In descensu Quirinalis versus forum Neruæ, & locum vbi cudebantur olim nummi, turris alta sese extollit, quam Torre meza vocant hodie: Ea pertinuit ad Mecænatis domum: ad quam hortos habuit cultissimos: & ad hos sæpius se conferre solitus erat Augustus Cæsar, vt cum amico se oblectaret, dum se à curis grauioribus vellet extricare. Non desunt qui asserant hanc turrim, partem esse templi solis, quod à M. Aurelio Soli dedicatum fuit.

*Ascanij
Magarozzi.*

Non procul à Turri Comitum domus est Ascanij Magarozzi: in qua videntur capita marmorea Sabinæ mulieris, Alexandri Mammeæ filij, Hadriani, Lucij Veri, Claudij Imp. qui Galieno successit, & Bacchi ex rubro marmore. Ibidem sunt statuæ pueri humeris urnam sustinentis, & Bacchi frontem pampinis reuincti. Est & in eadē domo tabula marmorea singularis artificij, in qua vir expressus est taurum conficiens, quem mordicus tenet canis, serpens genu occupat, & scorpius pungit testiculos: In eadem tabula videtur sol & luna, & facula incensa, & alia plurima. Est ibidem Sileni simulachrum ebrij, & recubentis

in vtre.

in vtrem. & Fons precioſi marmoris, quod mortarium eſſe dicunt: & duæ tabulæ lapideæ, in vna viri ſunt aliquot cum facibus ardentibus: in alia eſt Hercules mortuus, quem famuli pyre imponunt: ſeruat & idem Magarozzus duos terminos egregios cum ſuis longis baſibus in quarum medio ſunt membra virilia, vt in cæteris quæ Romæ ſunt conſpiciuntur. Habet is quoque ſtatuum Martiæ Otacillæ ſedentis in Solio, & Iuliæ Mameæ ſedentis quoque: vtraque veſtibus eſt amiſta, & capita AEſculapij, & coloſſi incogniti, multa que alia notatu digniſſima: quæ omnia inuenta ſunt in Cœlio monte, prope delubrum S. Stephani.

In domo Euryali Silueſtris prope turrim di Comti, ad templum Pacis, Bacchus eſt nudus, coronatus hedera, & innitens arboris trunco: & Venus nuda elegantis artiſcij. In introitu cœnaculi, ſtatua eſt Sabinæ mulieris veſtitæ: & ſuper porta videntur capita Iouis, Auguſti, & Hadriani. In vicino cubiculo eſt Hercules nudus, & Diana veſtita, cum cornibus lunæ inter frontis capillos. Et Bacchus nudus Pampinis redimitus, craterem manu tenens, & palliolo in humeros reflexo. Eodem in cubiculo ſunt capita Sabinæ, Eudimionis, Antonini Pij, Hadriani, Antinoi: hæc duo poſtrema reperta ſunt in ruinis buſtorum Galliarum. Sunt & alia capita Palladis, & Auguſti Imp. & duæ tabulæ, quarum vna continet leonem in taurum ſalientem, alia Dei cuiuſdam incogniti ſimulachrum. In alio cubiculo Diana ſeruatur ſuccincta, cum pharetra ex humeris pendente: & Pan quaſi ſaltans: & duæ Veneres, vna ſeminuda: altera quæ dextra pubem tegit, ſiniſtra continet induſium. Illic quoque videntur multa alia antiquitatis monumenta: vt Imperator Paludatus, Dianæ caput lunatum: M. Antonij triumuiſi, pueri ridentis facetiſſime, Cupidinis, Iouis, Neptuni: aliæque ſtatue ex bona parte mutilæ: vt Lucretiæ, Herculis, Ledæ colludentis cum

cigno, Sabinæ mulieris veſtitæ, & gladiatoris
nudi, ex cuius humeris dependet
baltheus, cum framea
lata.

*Domo
Silueſtris*

TOPOGRAPHIA VR-
BIS ROMANÆ.

DIES QVARTVS.



Elicta nobis erat pars huius Topographiæ postrema: quam eodem ordine, quo & superiores partes, pro vt quæque obuiam occurrunt succincto ordine tractabimus.

*Fanum
Neptuni.*

A Burgo igitur per pontem Castelli S. Angeli aduerso Tyberi venies ad eum locum qui dicitur Ripeta: vbi fanum erat Neptuni, quod vetustate collapsum Hadrianus Imperator restaurauit & ampliauit: in eo naufragi tabulas suæ fortunæ soliti erant appendere, & vota suscepta pro sua conseruatione soluere: nunc dicatum est S. Blasio.

*Mausoleū
Augusti.*

Inter Tyberim & viam Flaminiam, in valle Martia, ad templum S. Rochi videntur ingentia ædificia Mausolei Augusti: Hoc Mausoleū structum est ab Octauiano Cæsare, vt in eo sepeliretur, ac post eum reliqui Imperatores ex familia Cæsarum: eodem in loco prius erectum fuit amphitheatrum siue Circus à Iulio Cæsare, quem Augustus in sepulchretum conuertit: Huius circumferentia cernitur adhuc fere integra & superstes, opere per rhombos distributo: Pertinetque ad ædes Sonderinorum. vbi Galerix Faustinx caput est elegans sed pectore recenti. In domo Franc. Sonderini ostenditur statua Pasquini (sic illam appellat Dominus ædium) spectantis Anteam mortuum: hanc maxime commendat Michael Angelus. Ibidem est Vestalis amicta longa instita; & Gladiator; & Diana succincta cum pharetra, aliaque corpora marmorea ex aliqua parte mutila: Est & ibidem pila capacissima, in cuius frontispicio viri sunt quatuor equos frænis continentes, cum his inscriptionibus: prima legi nō potest: in secunda scriptum est HOC EST. in tertia SIC EST. quarta deleta est: in quinta ET CREDE NON LICET. In altera Pila è regione Mausolei sunt triumphus Amoris, & aliæ figuræ: in tertia sculpta est aprorum venatio: in Mausoleo ostenditur statua mulieris tenentis cornu copix plenum fructibus, & Aesculapius colosseus vestitus cum suo serpente.

*Sonderi-
norum
domus.*

In hac

In hac mole Mausolei duo fuerunt erecti obelisci ex ophite lapide Aegyptiaco, singuli pedes XLII. longi: quorum vnus iacet fractus in via Flaminia ante templum S. Rochi; alter semisepultus terrâ cernitur in hortis posterioribus.

*Obelisci
Mausolei.*

Circus Iulij Cæsaris eum locum complectebatur, qui est ab hac mole Mausolei, vsque ad môtis vicini radices. Prope quem Augustus habuit palatium & porticum magnificam.

*Circus &
Porticus
Augusti.*

Lucum quoque Diis manibus sacrauerat Augustus: qui porrigebatur per colles mœnibus adiacentes, à templo S. Mariæ del Popolo, vsque ad templum Trinitatis.

*Lucus Deo-
rum Ma-
nium.*

Marcelli sepulchrû vicinum fuisse Mausoleo multi asserunt; & eius reliquias ostendunt, quas ad Mausoleum pertinere puto.

*Sepulchrû
Marcelli.*

Naumachiam quoque instituerat Augustus in depressiori parte vallis Martiæ, quæ ad collem hortulorum vergit, in qua ludi nauales fierent: Sed cum vetustate collapsa esset, eam postea restituit Domitianus, & illi suum nomen imposuit. Prope quam Flauix gentis templum extruxit idem Domitianus: sed eius nullû superest hodie vestigiû: quidam volunt esse S. Siluestri:

*Nauma-
chia Do-
mitiani.*

Vallis Martia, dicta est à Campo Martio, cuius pars erat depressior, complectebaturque eum locum, qui est inter Tyberim & collem Hortulorum, & ab arcu Domitiani in via Flaminia, vsque ad portam dal popolo.

*Vallis Mar-
tia.*

Via Flaminia lapidibus strata est à Cn Flaminio Cos. post deuictos Ligures: porrigebaturq; à porta Flaminia siue flumentana (quæ nunc porta Populi vocatur) vsque Pisaurû, & Ariminû.

*Via Fla-
minia.*

Extra portam Flaminiam, multi sunt horti ciuium in quibus plurimæ inscriptiones antiquæ & statux spectantur erectæ: inter quos Franc. Ragaterius habet cultissimum, & elegantibus simulachris ornatum.

*Hortus
Franc.
Ragaterij.*

Ad hanc viam Iulius III. de monte P. M. vineam extruxit, cuius ornamenta sumptu & magnificentia superant ea omnia quæ Romæ conspiciuntur: Incipit enim ab iis fontibus, qui secus viam fluunt, in quibus scriptum legitur *IV L I V S III. P V B L I C Æ C O M M O D I T A T I*: occupatque fere omnes colles, qui ab vrbe ad pontem Miluium (qui nunc Ponte mole vocatur) protenduntur.

*Vinea Iu-
lij P. M.*

Ad principium huius vineæ Pontifex erexit magnificentissi-
mum

*Palatium
vineæ.*

mum palatium: ad cuius ingressum erectæ sunt multæ imagines Senatorum, & Patriciorum virorum. ex quibus vna ostenditur Hircij Pancæ, Ciceronis, Cetegi, & aliorum. Extra vestibulum intrinsecus patet area spatiosissima diuersis exornata simularchis: vtpote Iouis, Ganymedis, Herculis, Martis, Veneris, Dianæ, Opis, Apollinis, AEsculapij, Bacchi & aliorum Deorum: quæ in toto circuitu, ordine concinno, suis receptaculis & basibus marmoreis dispositæ conspiciuntur.

*Ædificium
Inlij III.*

Fontem quoque posuit in eodem loco: in quo nescio an magis ingenium artificum, quàm sumptuositas, & splendor Pontificius laudari debeat. Omnia enim marmoribus exquisitis, & preciosissimis vndique sunt incrustata: ædificium columnis Pariis, viridibus, altissimis, sustentatur: Litostratum ex Chalcedonico lapide, alabastro, Porphyro, Ophite, & Simithe confectum est opere tessellato, vermiculato, & asaroto. Aquarum limpidissimarum ex concameratis cauernis arte factis scaturit affluentia. Recessu longo & obscuro inter tophos marinos, sub terra videntur fluminum simulachra, & Nympharum Naiadum continentium urnas: Sunt & puelli nudi Delphinis insidentes, & dii æquorei subleuantes hydrias ex quibus emanant riuuli: Vndique Naiades, Napææ, Satyrique quasi saltantes dispositi sunt. Statuæ Bacchi, Apollinis, Dianæ, Palladis, Hebes, Herculis, Vestæ, Veneris, Martis, Antinoi, Mercurij, Vertumni, Pastorum nudorum, Corybantum, Mænadum, & aliorum innumeræ imagines antiquæ: quæ circumquaque suis oculis, siue Nischiis repositæ, summa cum intuentium voluptate & admiratione conspiciuntur: præter excellentes inscriptiones, & marmora preciosa, quæ vndique ad parietes adplicata sunt.

In deambulacro fonti vicino tabula marmorea hæc legitur inscripta.

DEO ET LOCI DOMINIS volentibus.

HOC IN SVBVRBANO OMNIUM SI NON QVOT IN
ORBIS, AT QVOT IN VRBIS SVNT AMBITV PVLCHER-
RIMO AD HONESTAM POTISSIMVM VOLVPTATEM
FACTO

FACTO HONESTE VOLVPTARIER CUNCTIS PAS HONESTIS ESTO. SED NE FORTE QVIS GRATIS INGRATVS SIET, IVSSA HÆCCE ANTE OMNES CAPESSVNTO.

QVOVIS QVISQVE AMBVLANTO. VBIVIS QVIESCVNTO, VERVM HÆC CITRA SOMNVN, CIRCVM SEPTA ILLVD.

PASSIM QVIDLIBET LVSTRANDO: AST NEC HILVM QVIDEM VSQVAM ATTINGVNTO. QVI SECVS FAXINT QVIDQVAMQVE CLEPSERINT AVT RAPSERINT, NON IAM VT HONESTIS MORIBVS SED VT FVRTIS ONVSTI IN CRVCEM PESSVMAM ARCENTOR

OLLIS VERO QVI FLORVM FRVNDIVM POMORVM OLERVN ALIQVID PETIERINT, VILICI PRO ANNI TEMPORE PRO RERVN COPIA ET INOPIA PROQVE MERITO CVIVSQVE LARGIVNTVR.

AQVAM HANC QVÆ VIRGO EST NE TEMERANTO SITIMQVE FISTVLIS NON FLVMINE, POCVLIS NON OSCVLO AVT VOLIS EXTINGVNTO.

PISCIVN LVSV OBLECTANTOR: CANTV AVIVM MVLCENTOR. AT NEQVEM INTERTVRBENT CAVENTO.

SIGNA STATVAS LAPIDES PICTVRAS ET CÆTERA TOTIVS OPERIS MIRACVLA QVAMDIV LVBET INTVENTORDVM NE NIMIO STVPORE IN EA VORTANTOR.

SI CVI QVID TAMEN HAVD ITA MIRVM VIDEBITVR EORVN CAUSA QVÆ NEMO MIRARI SAT QVIVIT, ÆQVO POTIVS SILENTIO QVAM SERMONIBVS INIQVIS PRÆTERITO.

DEHINC PROXIMO IN TEMPLO DEO AC DIVO ANDREÆ GRATIAS AGVNTO: VITAMQVE ET SALVTEM IVLIO III. PONT. MAX. BALDVINO EIVS FRATRI ET EORVN FAMILIÆ VNIVERSÆ PLVRIMAM ET ÆTERNAM PRECANTOR.

HVIC AVTEM SVBVRBANO SPECIEM ATQVE AMPLITVDINEM PVLCHRIOREM IN DIES MAIOREMQVE IN EO QVICQVID EST FELIX FAVSTVM PERPETVVM OPTANTO.

Sunt & alia ædificia in collibus vicinis extructa; ad deambulationes æstivas: quorum quod est celeberrimum in montis cacumine duos habet obeliscos erectos cum Pyramide altissima: cui sphæricum horologium superimpositum est: In eo ventorum omnium signa summo notata artificio designantur, & discrimina singulorum cognoscuntur: Ad hoc palatium hortus est amœnus, spatiosus, & alto muro cinctus quem inscriptiones antiquæ & marmora diuersis sculpta figuris exornant, numero centum & vltra. Ibidem sunt duæ statuæ precij maximi, vna Termini, alia Suriæ, si-

*Palatium
rusticum
vineæ.*

*Hortus in
scriptionū.*

ue Naturæ. Terminus factus est ex alabaſtro orientali candidiſſimo, cuius pectus tectum eſt ex cotonite marmore, vndulato & variegato: Suria vero (quo nomine Naturam vocauerunt AEgyptij) facie velo tecta eſt, multiplici mammarum numero, capite turrito, reliquo corpore in Termini formam deſinente. In cuius circumferentia muſcæ, ſerpentes, quadrupedia, inſecta, volatilia, & flores expreſſi ſunt: vt hac forma, velatam ſeu tectam & incognitam vim Naturæ oſtenderent hominibus, niſi quatenus per creaturas quas producit, cognoſci poteſt. Ideo ſuſtentatur baſi quadrata, & per gradus diſtincta: quo denotarunt antiqui, nos ad Naturæ cognitionem paulatim, & per gradus ſucceſſiue peruenire.

*Hortus
Termino-
rum.*

Huic ædificio vicinus eſt alter hortus ſuperiore paulo amplior, qui vineas pro maiori parte continet: vitium concamerationes altiſſimæ, fulciuntur & ſuſtentantur Terminis marmoreis antiquis octodecim, qui vice columnarum ſeruiunt: Ex Græcia Romam adportati ſunt fere omnes, ſignati capitibus inſignium virorum, & Principum Athenienſium, & nominum ſingulorum antiquis carachteribus. Hos Græci vocabant Hermas: erantque ad compita Urbium, & viarum biuia & triuia vt plurimum erecti.

*Pons Mil-
uius.*

Paulo ultra hanc Pontificis vineam Pons Tyberi ſuperpoſitus videtur quem Ponte Mole vulgus vocat, erat Antiquis pons Miluius: ad quem habito conſictu cum Maxentio Romæ tyrannidem occupante Conſtantine Magnus victor euasit. Tyrannus vero in fluuiū cum equo ſe dedit præcipitem, ne in hoſtis poteſtatem veniret, & in triumphum duceretur, ludibrioque populi ad ſupplicij poenas traheretur. Hac victoria ſalus & libertas Vrbi reſtituta eſt: & in rei memoriam Imperatori benè merito, victori ac triumphatori, conditus eſt ille arcus qui adhuc integer ſupereſt inter Coliſeum, & ſeptizonium Seueri.

*Arcus Tri-
poli.*

In Urbem reuerſo per viam flaminiam occurrit ſtatim arcus Tripoli, vel di Portogallo, in ſummitate vallis Martiæ, prope tēplum S. Silueſtri, & S. Laurētij in Lucina. Hic arcus fuit olim Domitiano ſacer, incultus & rudis: neque vllum habet ornamentum, præter Domitiani imaginem: quam nonnulli aſſerunt eſſe Claudij Imperatoris: cui hic arcus dicatus fuit, non Domitiano.

Templum

Templum S. Laurentij in Lucina fuit olim sacratum Iunoni *Templum Iunonis Lucina.*
 Lucinae, nomenque antiquum retinuit: in hoc antiquitus puerperæ & pregnantēs post partum vota soluebant; quod Deæ beneficio liberatæ essent, & infantibus superstitionibus vita esset seruata.

In via Flaminia, quæ vocatur Strada del Popolo, domus sunt *Domus Pauli Ponti.*
 aliquot, in quibus multæ videntur statuae antiquæ: vt Domus Pauli Ponti, in cuius corte prima, super base marmorea videtur erectum simulachrum apri Calydonij à Meleagro cæsi: quod Dominus domus noluit dare precio quingentorum ducatorum auri, propter operis perfecti excellentiam. Ibidem videtur Hercules cum spolio leonis, Cupido, Pomona, Apollo, Siluanus, Diana Pharetrata, Meleager mutilatus, Pallas, Hermaphroditus, Adonis, Noctis seminudæ coronatæ stellis statua, & Athalanta cum aprino capite: & Sileni barbati, & vestiti, hederæque redimiti sunt & in eadem domo capita Poppeæ Neronis vxoris, Drusi fratris Tiberij, Iouis, Pueri ridentis, alterius pueri galeati, & duarum mulierum incognitarum: & Iani bifrontis simulachrum: & duo tigres ænei: duæ larvæ æneæ antiquissimæ; aliaque plurima fragmenta signorum; quæ omnia sunt inuenta extra urbem, in vinea prope templum S. Laurentij.

Apud Franc. Aragonium, in Strada del Popolo, super portis *Domus Francisci Aragonij.*
 cubiculorum reposita sunt capita quinque antiqua marmorea, artificiosissime sculpta, cum suis pectoribus & basibus. Et apud eundem est imago pueri formosuli, & nymphæ Naiadis continentis urnam, & Pomonæ, & Veneris, quæ caret capite.

Prope Vrsum in ædibus quæ pertinuerunt olim ad Card. Sarmonetum, videtur ingens colossus viri paludamento antiquo *Domus Card. Sarmoneti.*
 tecti: & Herculis statua, cum sua claua, & leonino spolio, ad cuius pedes iacet taurus: est & ibidem Senex stola longa indutus, & Nympha seminuda.

Ad radices collis Hortulorum in domo Ambrosij Lilij, tabula videtur ingens marmorea: in qua est expressus rex sedens in *Domus Ambrosij Lilij.*
 tribunali, cui vir offert equum: regi adstat iuuenis hastatus, & arbor, circa quam sese coluber implicat. Apud eundem est Herculis adhuc iuuenis statua, quæ iubis tenet caput equinum.

Campus Martius planiciem eam totam cōplebat quæ à Quirinalli

*Campus
Martius*

nali protendebatur vsque ad Pontem Xistum & Tyberim: fuitque olim hic campus Martius extra mœnia, consecratus Marti: in eo fiebant frequentes ludi, & iuventus Romana sese quotidianis exercitiis instruebat, ad belli labores subeundos, & sustentandos.

*Obeliscus
Campi
Martij.*

Non procul à templo S. Laurentij in Lucina, è regione Doganæ veteris, in cellis vinariis multarum ædium, videtur ingens obeliscus, qui medio campo Martio fuerat erectus, literis & notis Hieroglyphicis illustris: quem ex Hieropoli transferri Romam iussit Augustus Cæsar, cum duobus aliis, quos statuit in Circo maximo. Hunc longum centum & decem pedes scribit Plinius, & à Marsodite sculptum: atque in eo interpretationem philosophiæ AEgyptiorum contineri: In illius latere hæc leguntur: CÆSAR DIVI F. AVG. PONT. MAX. IMP. XII. COS. XI. TRIB. POT. XIV. AEGYPTO IN POTESTATEM P. R. REDACTA SOLI DONVM DEDIT.

*Domus
Antonij
Palosi.*

Prope Doganam in domo Antonij Palosi, ad parietem cortis, equi est statua multi artificij, qui videtur impingendo velle labi: in cubiculo nō procul à prima porta, capita vidētur Drusi, Iuliæ Aug. fil. Galleriæ Faustinae, Faustinae Iunioris. M. Aurelij vxoris, Sabinæ Hadriani, Bruti Prisci, Domitiani, Galbæ, & alia 13. capita quæ pectoribus carent: & Herculis, Bacchi, Siluani, & Mercurij: tresque parvæ statuæ integræ, & artificiosæ. Et amplissima tabula marmorea, in qua triumphus Tiberij Cæsaris expressus est.

*Domus
Iacobi Iacouaccij.*

In domo Iacobi Iacouaccij, non procul à Dogana, in cubiculo ad dextram, statua est mulieris vestitæ, cuius nomen ignoratur. Et capita Hadriani, Neruæ, M. Aurelij, Antonini Pij, Scipionis Africani, Gladiatoris cuiusdam. Iouis, Veneris, Panis, & aliud Veneris æneum, multaque alia fragmenta antiquitatis visu digna.

*Ædes
Marci
Casale.*

In Campo Martio habitat Marcus Casale vir studiosissimus antiquitatis; ante cuius edes super platea erecta est colossea muliebris statua, quam volunt esse Mnemosynes. In hortulo domus alia est colossea statua viri nudi, quem credunt esse Bacchum, quidam Apollinem. Nam ibidem est Apollo integernudus pharetratus: & alterius Iuvenis nudi quoque simulachrum:

& mu-

& mulier vestita tenens cornu copiae. Et duo capita muliebria cum pectoribus : & alia duo pectore tenus : Sed ante cætera venustissimum, & elaboratissimum illic ostenditur Iulij Cæsaris caput, cuius artificium tanti facit Dominus domûs, vt nullo precio possit æquari: Ideo successoribus id caput reliquit, vt palatium cum hortis adiacentibus possessorem statuæ sequatur: ac ne furto vel alia ratione amittatur, successores Marci id clausum armario tenent elegante, ita tamen, vt neminem peregrinorum antiquitatis studiosum ab intuitu tam exacti signi arceant; sed comiter & perhumaniter petentibus ostendant.

In ea Campi Martij parte, quæ vocatur hodie la piazza di Sciarra, forum habuit Antoninus Pius, in quo erexit altissimam columnam cochlidem altam pedes C L X X V. fenestellas habet LVI. quæ lucem præbent intrinsecus: Ex quot lapidibus constet non potui expiscari: rupti enim sunt gradus, neque ascensus liber patet ad superiora, sicut in ea quæ Traiano est dicata: Hanc tamen quidam asserunt confectam ex X X V I I I. lapidibus. Pars illius exterior continet res gestas Antonini sculptura figurarum excellenti: ab hac vocatur ille locus in Colonna.

*Columna
Cochlis
Antonini
Pg.*

Vndecim illæ columnæ altissimæ quæ ad templum S. Stephani in Truglio conspiciuntur erectæ, sunt reliquæ Porticûs, quam Antoninus Pius struxerat in suo foro, coniunctam cum suo palatio: quod ab hoc templo S. Stephani protendebatur usque ad Pantheum.

*Portic. &
Palatium
Antonini
Pg.*

Inter columnam cochlidem Antonini, & fontem aquæ virginis erant Septa campi Martij: Erat autem is locus vallatus tabulato denso, in quem conueniebat populus suffragia laturus, quando magistratus erant eligendi. Septa hæc alio nomine dicta sunt Ouilia: in quæ Tribus singulæ conueniebant, ad magistratus creandos.

Septa P. R.

Collis ille qui aliquantulum eminentior tollitur in Campo Martio, inter Antonini Columnam, & S. Laurentij in Lucina, (quem hodie monte Acitorio nominant) fuit antiquis mons citatorum: in quem ex Septis se recipiebant singulæ Tribus post lata suffragia.

*Collis Ci-
tatorum.*

In eodem colle fuit Curia, quæ Villa publica dicebatur: in qua recipiebantur hostium legati, quibus non licebat urbem ingredi,

*Villa pu-
blica.*

ingredi, vel in Græcostasi diuersari, quæ fuit prope Comitium, & rostra, ad Forum Romanum, & in qua prouinciarum legati hospitabantur, donec illis aditus daretur ad Senatum.

Aqua virginis.

Haud procul hinc est fons aquæ virginis, humili & depresso aquæductu, per cuniculos & tubos à vicinia Pontis Salarij, per portam Collinam, sub colle Hortulorum, & per Campum Martium influens: hodie fonte di Treio dicitur: Huius aquæductus restauratus est à Nicolao V.P.M. vt in fontis legitur frontispitio, & hæc sola ex omnibus aquis (quas tantis sumptibus, & æqueductibus tam sumptuosis antiqui principes in Urbem introduxerunt) remansit superstes, ad vsum ciuium.

Via fornicata.

Prope Septa populi Romani via fuit fornicata, in qua erat templum Neptuni, & amphitheatrum Claudij: ex quibus nulla restant vestigia.

Fons Iuturna.

Iuturna Turni Rutilorum regis soror, nymphea apud antiquos habita inter Napæas, & inter indigetes relata, quæ agrorum cultum credebatur plurimum iuuare, templum habuit vicinum aquæ virginis, & fontem quoque, qui cum aqua virgine mixtus in Campum Martium influit.

Domus Iacobi Colotij.

Illic habet ædes Iacobus Colotius de Iesi, plenas diuersis inscriptionibus & statuis antiquis excellentissimis. prope quas arcus est ex Tiburtino lapide, qui pertinet ad aquam virginis: in eo legitur hæc inscriptio. TI. CLAVDIVS DRVSI F. CÆSAR AVGVSTVS GERMANICVS PONT. MAX. TRIB. POTEST. V. IMP. XI. P P. COS. DESIG. IIII. AQVADVCTVS AQVÆ VIRGINIS DISTVRBATUS PER C. CÆSAREM A FVNDAMENTIS NOVOS FECIT AC RESTITVIT. In arca marmorea super fonte leguntur hi versus antiquis characteribus, qui sub statua Nymphæ dormientis erant adscripti: Sed statua inde sublata est.

Huius Nympha loci sacri custodia fontis

Dormio, dum blanda sentio murmur aquæ.

Parce meum quisquis tangis caua marmora somnum

Rumpere; siue bibas, siue lauere, tace.

Pompilij Nari domus.

in campo Martio domum habet Pompilius Narius, qui seruat elegantē statuam Veneris nudæ, & Herculis corpus capite truncum: Inuenta sunt in colle Hortulorum, in vinea eiusdem Pompilij.

In mon-

In monte Acitorio sunt ædes Gaddiorum, quas olim Cardinalis di Gaddi incoluit: In iis multa videntur notatu dignissima: Potissimum capita virorum illustrium: vt Iulij Cæsaris, Octauij Augusti, M. Agrippæ, Septimij Seueri, Getæ, Antonini Caracallæ, & Philippi Imp. ex serpentino lapide viridanti. Ibidem sunt statuæ Antonini Pij, Galeræ Faustinae, M. Aurelij, Faustinae junioris, Lucij Veri, Traiani, Hadriani, & Veneris nudæ: In museo sunt capita Caracallæ, Alexandri Mammeæ, Pyrrhi regis Epirotarum, M. Aurelij, Aureliani, & Claudij: Præterea simulachrum Apollinis tenentis arcum, & plurima capita incognitorum hominum: Item statua Cupidinis dormientis super spolio leonis & claua Herculis: Ibidem videtur tabula marmoris Mischij circumdata limbo æneo deaurato, longa palmos quinque, lata tres semis; cuius precium grande est propter marmoris excellentiam. Ostenduntur eodem in loco res infinitæ dignæ observatione curiosa: præter gemmas, æra, marmora, & numismata Græca & Latina: multa videntur petrificata, vt maxilla elephanti, cornu ceruinum, & alia eiusmodi.

Apud desiderium Vrsatum prope templum S. Magdalene & Pantheum, in prima domus corte spectatur insignis statua Dianæ, vel potius Oreadis alicuius nymphæ, quæ capreoli pellem tenet: Ibidem est Orpheus admodum tamen mutilus: & mulier quæ cornu tenet dextra: & laruæ aliquot marmoreæ, multaque fragmenta singularis artificij.

In domo Antonij Gabrielis, non longe à Mineruæ templo, super porta coenaculi repositum est ingens Iouis caput: In-
 trinsecus ad dextram est caput Tiberij, ad læuam Traiani, Germanici, & Commodi. super alia porta Hermaphroditi: Super porta Musæi est caput Drusi, quod quidam volunt esse Romuli, idque inuentum est in Thermis Antoninianis, cum alio capite Remi, quod ad Ducem Cosmum Mediceum missum est Florentiam. Ibidem est caput Pythagoræ antiquissimum: & Catonis, Lucillæ, Otacillæ, M. Agrippæ foceris Cæsaris Augusti, qui Pantheum erexit: M. T. Ciceronis, Bacchi, Cupidinis, Termini, Eratûs Musæ, Cæsoniæ, Faustinae, & alia plurima: Item mulieris violatio, quam Lucretiam vocant, sed male: & Satyrus.

*Palatium
Carpense.*

Præter cætera meminerit noster viator diligenter peruestigare palatium Cardinalis Carpenſis: in quo tot ſtatuae, tot inſcriptiones videntur, vt mirari nemo ſatis poſſit ſtudio tantum viri in exquirendis iis, quæ ab antiquitate peruenerunt ad noſtra tempora, magna omnium doctorum vtilitate, & voluptate: quæ omnia qua potui diligentia depinxeram, & emiſſurus eram in lucem in gratiam amicorum, niſi mihi deperiſſent, cum aliis multis, quæ adhuc Romæ videntur. In hoc Pij Rudolphi Carpenſis Cardinalis palatio, in hortulo quinque ſunt Termini antiqui cum ſuis baſibus: Nili ſtatua ſeminuda cum crocodilo: Nari fluminis: Mulieris veſtitæ, cuius brachia nuda mordicus tenet ſerpens: quod occaſionem dedit aliquibus, vt exiſtimarent eſſe Cleopatram. Alia quoque viſuntur ibidem fragmenta virorum, & mulierum, quorum ignorantur nomina. In muſæo ſunt ſimulachra Cereris, Dianæ, Phœbi, Atys paſtoris Idæi, & aliorum. Item Vrnæ ex coctili lapide numero viginti, pulchro ordine repositæ ſuper reſepoſitoriis, in quibus pluriſimi ſeruântur libri Græci, Hebraici, Arabici, & Latini antiquiſſimi, & manu ſcripti. Ad dextram muſæi partem ſunt capita Galerix Fauſtinæ, Iulix Cæſaris Auguſti filix, & alterius mulieris incognitæ, Veneris, Antonix, Cupidinis, tria puerilia, duo muliebria, & plurimæ inſcriptiones in tabulis marmoreis preſcioſiſſimis: inter quas vna eſt in lapide Baſalthe nigro & durifſimo, literis AEgyptiis illuſtris. Ad læuam partem Muſæi primo loco ſunt capita Iulix Mameæ, & duo ignota. ſecundo eſt pueri ridentis, & mulieris ornatae calantica, vel mitra Syria. Tertio loco ſunt capita Herculis, Fauni, & quatuor puerilia: Quarto loco ſunt diuerſæ inſcriptiones prioribus non inferiores. Ibidem eſt tabula marmorea in qua expreſſus eſt Alexander Magnus cum puero alato: Eſt & Canopi caput ex lapide AEgyptio viridi, & Iouis Hammonis, & alterius ignoti viri. Præter hæc infinite ſunt minores ſtatuae, & fragmenta antiquitatis, quæ breuiter explicari non poſſunt.

*Primum
Muſæum
Palatii
Carpenſis.*

*Secundū
Muſæum.*

In ſecundo Muſæo ſuis locis diſpoſita ſunt vaſa & urnæ coctitiæ elegantis artificij, & capita Antonini Caracallæ, & alterius ignoti viri. Ad dextram partem primo loco quatuor ſunt capita Iulix Titi filix, Veneris & duorum virorum. Ad ſiniſtram tria ſunt

sunt alia capita Galbæ, & duorum ignotorum. & in circuitu sex sunt capita Consulium, & illustrium virorum. Numæ Pompilij, Domitiani, Septimij Seueri, Philippi Imperatoris, & aliorum duorum, qui ignorantur: Repositoria quæ subtus sunt, referta sunt concinno ordine voluminum, & librorum antiquorum, tam in membranis, quàm in papyro AEgyptia. Ibidem quoque spectantur diuersæ inscriptiones, & epitaphia in lapidibus preciosis, sicut & in primo musæo. Ad idem latus erecta est tabula grandis marmorea, & integra cum inscriptione Græca. super qua est pueri sedentis statua. & Alexandri Magni quasi morientis caput: & cuiusdam animalis extollentis caput: Super porta Musæi repositum est suo loculo, & basi marmorea caput Bruticum hac inscriptione:

*Quatibi tuque mei potuerunt pignora nati
Nata dari populo sunt sacramenta data
Et volumina nimis, sed cura meorum
Fida tui prohibet me cinerem esse rogi.*

Ad dextram portæ faciem, repositum est Veneris nudæ corpus: cuius artificium superat reliqua omnia quæ Romæ sunt: Id si esset integrum, nulla esset toto mundo statua, quæ huic conferri posset: neque abs re creditur esse Veneris Gnidiæ toto orbe celebratæ. Prope hanc Venerem est iuuenis non minoris artificij: in quo tanta est membrorum proportio, tam elegans, & pulposa musculorum conuexitas, vt sculptorum, & omnium artificum oculos cum summa admiratione fixos detineat. In altera Musæi parte sunt tria capita virorum ignotorum; & duo corpora viri ac mulieris, cum numeroso ordine inscriptionum antiquarum, laruarum, & fragmentorum antiquitatis, quæ singulatim recensere in immensum protraheretur nostra narratio: Ante hæc duo musæa cœnaculum est amplissimum: in cuius elatiore parte, caput est colosseum mulieris, inter duo magna vasa antiqua: & in circuitu cœnaculi nouem capita sunt pulchro ordine disposita suis basibus. Lucij Veri adhuc iuuenis, eiusdem iam adulti, Poppeæ Sabinæ, Hadriani, Annij Veri,

Græci aliiuius, & aliud ignoti. & hæc omnia singulari sunt artificio facta. Ibidem est statua muliebris vestita syndone subtili: & alia minor ex Agathite lapide, alta palmum vnum semis: & caput Termini ex marmore emathite: & vas antiquum ex marmore variegato, & admirabili. Ad alteram partem ianuæ, duo sunt corpora iuuenum nuda, & aliud viri palliati: & caput senis ignoti, & Satyri, & Cupidinis. Super cornicibus illius cœnaculi, repositæ sunt tabulæ in quibus opera pictorum celeberrimorum totius Italiæ cognoscuntur, vt Raphaëlis Maffæi Urbinate, Michælis Angeli Florentini, & aliorum. Super maiore porta duo sunt magna vasa ex alabastro orientali: & in toto circuitu disposita sunt infinita marmora, cum inscriptionibus antiquis diuersorum characterum, & linguarum. & diuersa fragmenta statuarum virilium, & muliebrium; inter quæ conspiciuntur socci, coturni, ocreæ militares, & diuersa calceamentorum genera, quibus prisci populi Græci, Latini, & Barbari vsi sunt.

*Tertium
Musæum.*

Aliud est Musæum huic cœnaculo contiguum, quod totum est tectum holoserico viridi: Super cornicibus, quæ totum musæum circumcingunt, reposita sunt pulchro ordine plusquam septuaginta sex capita virorum illustrium. Inter quæ tredecim conspiciuntur maiora selectissimi artificij, ex orientali marmore candidissimo facta: vnum Veneris, duo vetularum mulierum; duo Herculis; vnum Palladis, reliquorum nomen non potui discernere. Inter singula reposita sunt vasa antiqua ex marmore, vitro & terra coctili latericia: duæque Veneres æneæ nudæ, & integræ. Secundo ordine duo sunt capita muliebria maiora; & alia nouem minora, elegantissima omnia: inter quæ est Satyri, & pueri plorantis: quibus nihil perfectius tota Vrbe conspici potest, nihil elaboratius, aut artificiosius. Ibidem est caput Iunij Bruti ex ære, cuius oculi empyreo facti sunt opere, quod smaltum vocamus. Est & Priapi statua ænea falcem manu tenentis, reposita super basi preciosi marmoris: Et aquila ænea inter Acanthi folia, quæ fuit cassidis epiconium, siue cristę receptaculum, singulari artificio celatum. Ostenditur quoque

quoque simulachrum Cybeles ex marmore nigro AEgyptiaco: & Suriae, siue naturæ ex lapide candidissimo sesquipalium altæ, vestitæ diuersis mammis & animalibus: facie tamen nigra. Eodem in musæo videtur Anubis cynocephalus: hæc omnia locata sunt super repositoriis diuersorum librorum antiquorum præciosissimis tegminibus coopertorum. Horum receptacula sustentantur Termino marmoreo singularis artificij. Secundo loco est Hercules, caput muliebre, Venus nuda quasi lauans in balneo, Satyrus ex æmathite lapide cornu inflans; Lucerna ænea opere fusili, aliud Veneris corpus formosissimum: Super mensa, quæ tecta est holoserico tapete viridi, statua est Fauni, & Socratis, rarum opus & admirabile. vas quoque æneum, in quo sculpti sunt plurimi pueri piscantes: Ibidem est Apollinis simulachrum nudum, Gladiatoris corpus & alia plurima. Super fenestra musæi, est aquila, taurus, caput pueri, & antiqua inscriptio: omnia ex ære. Ibidem seruantur horologia, & clepsydæ, precij & operis admirandi, cum multis aliis gemmis sculptis, & monilibus preciosissimis.

Contiguum huic musæo locus est siue receptaculum variarum rerum antiquarum, ex diuersis metallis, & lapidibus. multa simulachra paruula Deorum, virorum, mulierum, animaliumque: lucernæ, vascula, cristæ, cassides, cultri, gladij, sicæ, fræ, puggiones, pila, hastarum, telorum, & sagittarum cuspides ex ære quidem, sed ita temperatæ vt duriciem chalybis superent. videntur ibidem diuersa instrumenta chirurgica, & aliorum artificiorum. sigilla, clauæ, annuli, fibulæ, capuli gladiatorum, patera vna ex Cristallo rotâ exposita & excauata subtilissimâ industriâ: multa que alia, in quibus enumerandis, & explicandis nemo vel diligentissimus scriptor posset sufficere. neque annus integer satis esset, ad horum exactam contemplationem: Ita vt si singula consideraueris quanta necesse esset cura, Roma nihil possidet magnificentius, nihil admirabilius. Hæc omnia collecta sunt opera & studio impensisque Pij Rudolphi Cardinalis, viri & eruditi & perhumani. Utinam qui in horum possessionem post obitum tanti viri succedent simili studio ferantur, neque patiantur tam excellentia signa vel perire, vel separatim distrahi: & in manus eorum venire, qui hospi-

Antiquissimum.

hospitum & aduenarum studiosorum curiosæ indagationi du-
ros se & morosos præbeant.

*Ædes
Dominici
Capotij.*

Hæc sunt quæ in Campo Martio videntur annotatione di-
gna: sed paulo superius ad principium Plateæ Sciaræ in domo
Dominici Capotij statuae sunt egregiæ Palladis vestitæ, & Dia-
næ: & mulieris cuiusdam quæ caret capite. Ibidem quoque vi-
dentur capita Iunij Bruti, qui Roma Tarquinius exegit, Octauij
Augusti, Macrini, Hadriani, Antinoi, Septimij Seueri, Iuliae
Mammæ, Alexandri Seueri, Cleopatrar, Veneris, Herculis, A-
pollinis, duorum Sacerdotum, Siluani, pueri plorantis, Laruæ
duæ, & aliorum, quorum non cognoscuntur nomina. Iani bi-
frontis, regis Parthi captiui ex emathite, simulachrum Bachi in-
fidentis vtri, Priapi quoque fere integri, & alia plurima: quæ re-
perta sunt extra portam S. Ioannis, in vinea eiusdem Dominici,
eo loco qui dicitur Basiliolo.

*Collis Hor-
tulorum.*

*Domus
Pincij.*

*Sepulchrū
Domitio-
rum.*

*Templum
Solis.*

*Ædes &
Horti Sa-
lustij.*

E campo Martio redibit viator ad sinistram, versus mœnia
ad collem Hortulorum, qui incipit à templo S. Siluestri, & ex-
tenditur vsque ad Portam Pincianam, siue collinam, secundum
urbis mœnia: Quamuis & alij eius longitudinem producant
vsque ad portam Flaminiam. In hoc colle Pincius Senator do-
mum habuit splendidissimam, ex cuius nomine collis & porta
vicina Pinciana dicta est: eius domus vestigia adhuc apparent
non procul ab urbis mœnibus. In hoc colle fuit Domitiorum
Sepulchrum, in quo sepultus est Nero: In elatiore collis parte
videtur arcus siue concameratio fornicata, quæ olim fuit pars
templi Solis. Prope quam est templum S. Trinitatis, à Ludoui-
co vndecimo Rege Franciæ structum: non procul ab hoc Solis
delubro, iacet humi obeliscus ex lapide Thasio factus, cum hac
inscriptione SOLI SACRVM.

Prope Collinam portam, non procul à templo S. Sufannæ
Salustius habuit hortos amœnissimos & splendidas ædes: qua-
rum ruinæ adhuc sunt superstites in ea valle, qua itur ad portam
Salariam. Eius horti porrigebantur per eos colles, qui sunt inter
portas Pincianam & Salariam. In quorum media parte videtur
obeliscus non adeo magnus, literis signatus AEgyptiis Hiero-
glyphicis, qui Lunæ sacratus est: Locus adhuc hodie vulgo dici-
tur Solostrico.

Campus

Campus sceleratus siue via scelerata (in qua Vestales virginesquæ stupro violatæ erant viuæ defodiebantur) complebat id totum spatium, quod est à Porta Collinæ, sub ædibus & Hortis Salustianis, vsque ad portam Salariam. *Campus sceleratus.*

Extra portam Quirinalem, quæ & Salaria vocata est, & Collina, & Agonalis, ad sinistram viæ Salarie partem sunt ruinæ templi Venèris Erycinæ: cuius festum solemnibus ceremoniis celebrabant matronæ pudicę, Augusto mense ad simulachrum Veneris Verticordie, quæ maritos vxoribus credebatur reddere placabiles & beneuolos: ad hoc templum fiebant ludi Agonales, vnde porta nomen sortita est. *Templum Veneris Erycina.*

Paulo remotius, tribus ad Vrbe passuū millibus, super Aniene pons est adhuc integer: quem longa inscriptio docet à Narsete structum fuisse. Ad hunc pontem Annibal imbrium inundatione vehementi vexatus obsidione soluta, castra remouit ab Vrbe, & discessit. Paulò inferius Tyberi miscetur Anien: ibique Torquatus Gigantem Gallum superauit, & ab eius collo torquæ aureum detraxit, à quo nomen postea cepit: Hic non erit absurdum fabulā inferere, quæ Romę pro vera historia refertur. Tempore Marcelli P. M. Seditione facta inter Patricios & Plebem, nobiles à suis fontibus & puteis prohibuisse populum ne aquarent: sed Christiani Pontificis precibus factum esse, vt omnes Urbani putei redderentur putidi, & ad potum inutiles, sicut hodie sunt, factumque Tyberim potabilem, vt ex eo sine discrimine nobiles & plebei potum sumerent: probantque rei veritatem ex eo quod aqua Tyberina ad multos annos incorrupta feruetur suauissima, & saluberrima, quoties hauritur paulo supra Urbem vsque ad mare: Sed certum est hoc accidere ex mixtione Anienis cum Tyberi: Anien enim aquas habet multo infectas nitro, quod corruptionem prohibet: & ii qui supra ostium Anienis Tyberim incolunt, vt more Romano suas aquas incorruptas diu feruent, vtriusque fluminis vndas commiscunt. Prope Tybur inter Anienis arenas leguntur amygdala, anisum, feniculum & alia plurima petrificata, quæ circumferuntur pixidibus in conuiujs, vt matronæ & conuiuæ deludantur, existimantes esse ex saccharo facta tragemata, quæ vocantur passini confetté da Tiuoli. & superioribus annis corpus hominis inter-

fecti, & coniecti in Anienē adhæsit radicibus arboris quæ flūuij ripam ingrediebantur, factumq; est longo temporis interuallo vt corpus à putrefactione conseruatum, in lapidem sit conuersum: q̃ Titus Celsus Patricius Romanus mihi asseruit se vidisse.

*Honoris
templum.*

Ad portam Salariam demonstrantur reliquie templi antiqui, quod honori sacrum fuit: & domus illius siue suburbani, in quo Nero Imperator, adiuuante Sporo, cuspide sub papillam adacta sese interemit, ne in manus & potestatem Senatūs veniret, qui illum poscebat ad supplicium.

*Forum Ar-
chemoriū.*

Regressus in Urbem, postquam veneris ad vallem collis Hortulorum, & Quirinalis radices, occurret tibi templum S. Nicolai de Archemoriis. Nomen seruatum est antiquum fori Archemorij, quod eo loco fuit.

Inde sub Quirinalis radices progrediendum est, donec venias sub hortos Carpensēs, vbi plurimæ sunt camerae, & fornices obscuri, & longo ordine producti: hos nonnulli volunt esse officinas, in quibus conficiebatur, & elaborabatur minium: alij

*Circus
Floræ.*

malunt eum locum adsignare habitaculis meretricum, quæ eo se recipiebant tempore Floraliū Ludorum, qui celebrabantur in Circo Floræ fornicibus his adiacente: nihilominus tamen constat officinas minij prope hunc Circum extitisse.

Ante templum S. Apostoli, sub Quirinali in alta basi est erectus leo marmoreus artificij singularis.

*Liuiæ Co-
lumnæ
domus.*

In domo Liuiæ Columnæ, Martij Columnæ vxoris, prope S. Apostolum, simulachrum ostenditur marmoreum cuiusdam mulieris Melissæ: vt patet ex inscriptione.

*Domus
Francisci
Aragonij.*

In ædibus Francisci Aragonij, prope S. Mariam in via, in hortulo vbi fons est, statua videtur Nili innitentis brachio læuo super crocodilum: & vtrinque sunt duæ statuæ togatæ stantes: Ad parietes circunquaque disposita sunt suis oculis sex capita cum suis pectoribus. In altero hortulo, in circuitu collocata sunt cōcinno ordine alia capita viginti quatuor, quorum nomina singulatim non enarrabimus propter incertitudinem.

*Domus
Hierony-
mi Fran-
iapani.*

Apud Hieronymum Franiapane, ad ingressum domus super gradibus, erectus est Cupido alatus. In corte prima oculis marmoreis erecta sunt statuarum corpora 4. & Herculis, ac mulieris incognitæ, quæ caret capite. Sup portis, duo sunt capita ignotorū hominum

hominum. Pila quoque siue arca monumenti videtur ibidem in cuius frontispicio sculptum est Paridis iudicium de forma, & pulchritudine trium Dearum Iunonis Palladis & Veneris. Eadē in domo & statua mulieris laruā manu tenentis: & alia aliquot capita antiqua, suis basibus imposita, & collocata super portis.

In domo Hieronymi Colotij, prope S. Mariam in via in cor-
te ad dextram, nymphea est insidens monstri marini dorso, hanc Doriden vocant, alij Galatheā. Super porta culinæ, tabula marmorea est affixa, in qua expressi sunt duo tauri, quos duo viri violenter cornibus implicitos retinent: In cubiculo vicino statuæ sunt Victoriæ, & duarum mulierum: Item tabula, in qua Iuppiter sculptus est cum apro, quem canis tenet mordicus: multæq; aliæ inscriptiones, epitaphia, & marmora antiqua.

Sub Quirinali monte, sunt ædes Buffalorum, parux quidem, si conferantur cum maioribus illis palatiis Cardinalium, & Principum virorum, sed quæ cæteris non cedunt omni ornamento antiquitatis. In harum ingressum sub porticu, statuę sunt Veneris nudæ; Apollinisque, qui læua tenet barbitum inflexus arboris trunco: qua nihil videtur Romæ excellentius; Harpocratis siue Sigalij; Bacchi cum Satyro, qui sese mutuis tenent complexibus, & ad quorū pedes est tigris; Alterius Apollinis; Veneris cum Cupidine: Iunonis, Iouis, & aliorum Deorum. Præterea capita Iouis & Palladis: & duæ laruæ: & basis magna, in qua sunt pulcherrimo artificio cælati Iuppiter, Apollo, Bacchus, Hercules, Mercurius, Mars, & AEsculapius. Hortulus est consitus diuersis herbis rarissimis, & arboribus, Palmis, Cedris, malis Punicis, ac medicis, myrtis, & aliis. Palmę enim videntur Romę multis in locis: sed nullę gerunt dactilos præterquam eæ, quę sunt in horto S. Marię del popolo, & S. Marię in Trāstyberi. Apud Buffalos in hoc horto, in interuallis arborum statuę sunt colosseę Cerberi tricipitis, & ex opposito Tigris: vtraque suis basibus marmoreis reposita. Sunt ibidem aliquot statuę; vt Dianę, Pomonę, Flaminis cuiusdam sacerdotis, Veneris vestitæ & integræ, Herculis adhuc iuuenis, Sabinæ mulieris, Serui Persæ ex lapide Mischio precioso. In cubiculo prope Hortum, Septem sunt capita cum suis pectoribus, singula suis collocata basibus Marij septies Consulis, Tiberij, M. Aurelij, Commodi, Maximini,

Græci alicuius, & postrema viri incogniti: ad introitum cubiculi duo sunt capita, Scipionis Africani, & Hadriani Imperatoris. In alio cœnaculo multa sunt alia capita cum pectoribus, singula suis disposita basibus: inter quæ est Veneris, Mulieris Sabinæ, Herculis, Vespasiani, M. Aurelij adhuc iuuenis, Getæ Imperatoris, duo Antonini Pij, duo puerorum, viri Græci cuius collo scriptum est ΑΥΣΙΑΣ. & mulieris incognitæ. Ad finem hortuli prope fontem tabula est marmorea in qua tres Charites expressæ sunt mutuis complexibus sese tenentes.

*Fons Buf-
falorum.*

Huic hortulo fons est additus, ex tophis marinis efformatus affabrè in speciem rupis naturalis, tantæ pulchritudinis, tantorum sumptuum, compositionis tam raræ, vt nihil speciosius vsquam videri possit: Disposita sunt diuersis in locis conchyliæ preciosa, quæ margaritarum referunt splendorem, & ingentes Cochleæ Indicæ ludicissimæ, colore Iridis & vnionum. Totaque hæc rupes artificiosa venustissime tegitur lauris, cedris, tamariscis, & aliis arboribus, quæ præbent vmbra fontis subiecto: sub quibus simulachra sunt tria Musarum elegantissima: & Caracallæ Imperatoris, qui pallio marmoris cotognitis tectus est: Disposita sunt vndique signa, quæ suis è loculis extant, vt Demetrii, Maximini, Philippi, Claudij & aliorum. ex rupe fontis eiulantur aquæ limpidissimæ, per tubos & canales æneos mirando artificio. Litostratum ex marmoribus compactum est exquisitissimis, opere tessellato. ex Chalcedonico, Porphyro, Alabastro, Thasio, Pario, Ophite, Marmaridum, & Æthiopum lapidibus: Opus summa admiratione dignum: quodque, licet multo minus sit, pulchritudine tamen, & artificum inuentione potest conferri cum fonte Iulij de Monte Pontificis maximi, qui ad portam videtur Flaminiam: In summa, quicquid in domo Patricij huius ciuis spectatur, dignum rege & opulentissimo puta principe.

Hæc sunt quæ de vrbe Romanæ Topographia mihi scribenda putavi, quæque studio & curæ peregrinorum satisfacere possunt. Reliqui autores multi sunt, qui hanc descriptionem fusius ac locupletius tractarunt: quique multa addiderunt, quæ nos heic non attigimus: siue quod ea non viderimus, vel quod non existimauerimus digna, circa quæ peregrinus debeat diutius

tius inhærere: cui longa mora non conceditur in Vrbe: De conclauibus multorum Cardinalium, nobilium, & ciuium opulentiorum, in quibus seruatur infinitus numismatum, aureorum, argenteorum, & æneorum numerus: toreumata excellentium artificum ex diuersis metallis; Onyches, Sardonij, Cornalini, Lazulij, amethystæ, Topazij, Berylli, Cyani, Pyropi, Hyacinthi, Saphyri, cristallini lapides cælati, & signati capitibus Deorum, Imperatorum, virorum illustrium, diuersorum animalium, herbarum, & arborum, variaque Emblemata continentes, hæc silentio præterire satius putaui, cum impossibile sit singula annumerare, vel enumerata explicare: quod præterea hodie (propter fraudes multorum malorum, qui clamculum multa furto turpissimo subtraxerunt) paucis aditus præbetur ad huiusmodi secretiora loca. Multique timent ignotis ea communicare, quæ coniuncta sunt cum multis statuis, tabulis, ac picturis nudis, & lasciuis: quæ à Cardinalibus, Episcopis, & aliis viris Ecclesiasticis seruantur, propter artificium & operis venustatem & excellentiam. Nonnulli autem sunt qui malignitate deprauati sæculi, post reditum in patriam proterue suis enumerant, & narrant, scriptisque publicant quæ viderunt, vt inuidiam, dedecus, ac contumeliam concitent possessoribus, à quibus comiter & perhumaniter sunt excepti: beneficiorum immemores ingratitudinem pro gratia referentes. Hæc malignitas in causa est, cur hodie domibus nobilium pauci admittantur, nisi commendatione amicorum id contingat, aut longa familiaritate, & usu communicationis quotidianæ eos, quorum fidelitatem & ingenium perspectum habent, in musæa sua admittant, & amice communicent quæ habent preciosa. Hinc fit vt virorum malorum ingratitudo viris bonis sit opprobrio, & damno inestimabili: impediaturque studium iuuentutis, & comitas, charitasque omnium refrigeretur, aut plane extinguatur.

ONVPHRII PAN-

VINII VERONENSIS

DESCRIPTIO QVATVOR

DECIM REGIONVM VRBIS RO-

*ma, ex Sexto Rufo, P. Victore & aliis proba-
tis auctoribus collecta.*

R E G I O

P R I M A

Porta Capena.

Almo fluius

Vici nouem.

Vicus Camœnarum.

Vicus Drusianus.

Vicus Sulpici vltioris.

Vicus Sulpici citerioris.

Vicus Fortunæ obsequentis.

Vicus puluerarius.

Vicus Honoris & Virtutis.

Vicus trium ararum.

Vicus Fabrici.

Vicomagistri XXXVI. quatuor
per singulos vicos.

Curatores duo.

Denunciatores duo.

Luci tres.

Lucus Cuperius Hostiliani.

Lucus Egeriæ.

Lucus Camœnarum.

Templa quatuor.

Templum Isidis.

Templum Serapidis.

Templum Fortunæ viatorum.

Templum Martis extramurani.

Ædes sex.

Ædes Martis Quirini.

Ædes Mineræ.

Ædes Mercurij.

Ædes Tempestatis.

Ædes Apollinis.

Ædes Camœnarum.

Ædícula X.

Ædícula Fortunæ obsequentis.

Ædícula Honoris.

Ædícula Virtutis.

Ædícula Ridiculi.

Ædícula Herculis. reliquæ deside-
rantur.*Area VII.*

Area Apollinis.

Area Spei.

Area Thalli, siue Galli, siue Galliæ.

Area Isidis Ælianae.

Area Pinaria.

Area Carfuræ.

Area Mercurij.

Aræ II.

Ara Mercurij: & Ara Isidis.

Lapis Manalis.

Circus Antonini Caracallæ cum
Obelisco.

Senaculum ad Portam Capenam.

Mutatorium Cæsaris.

Campus Ridiculi.

Horti Terentiani.

Tabernæ Cæditæ.

Baline-

Thermæ Commodianæ.

Thermæ Seucrianæ.

Balneapublica VI.

Balaneum Vettij Bolani.

Balaneum Torquati.

Balaneum Mamertini.

Balaneum Abascantiani.

Balaneum Mettiani Secundiani.

Balaneum Antiochiani.

Balinea reliqua priuata sine nomine XXCII.

Lacus Fund. XXXIII. in his

Lacus Promethei.

Lacus Vespasiani, alias Vipsani.

Lacus sanctus.

Lacus sudans.

Lacus Torquati.

Lacus Publicus.

Lacus Biuius.

Lacus Spei.

Lacus Gratiae.

R E G I O

Caelimontium.

Mons Caelius, qui & Querquetulanus, vel Augustus,

Cæliolus.

Suburra.

Ceroliensis.

Vici XII.

* *

Vicomagistri XXXII.

Curatores II.

Denunciatores II.

Cohortes Vigilum V.

Lupariae in Subura,

Antrum Cyclopi.

Caput Africae.

Lacus Mamertini.

Lacus Salutaris.

Lacus reliqui sine nomine, LXXII.

Arcus IV.

Arcus Drusi Neronis.

Arcus diui Traiani.

Arcus diui Veri Parthici.

Arcus Bifrons.

Sepulchra.

Corneliorum Scipionum.

Atiliorum Calatinorum.

Seruiliorum.

Cæciliorum.

Horatiorum &c.

Horrea XIV.

Pistrina XII.

Domus CXXI.

Insulae M. 100. CCXXIII.

Regio in ambitu continet pedes CCI00. MMM. CC. XXIII.

S E C V N D A.

Arbor Sancta.

Mica aurea.

Spolium Samarium.

Luci duo.

Templum Tulli Hostilij.

Templum Bacchi.

Templum Fauni.

Templum diui Claudij.

Templum Dæ Carneæ.

Ædicula VIII.

Dianæ in Cæliolo.

Fortunæ Barbatae.

Minervæ captae.

* *

Isæum Metellianum.

Mineruium.

Statua.

Statua equeſtris M. Antonini Imperatoris.
 Ludus Matutinus.
 Ludus Gallicus.
 Regia Tulli Hoſtilij.
 Armamentarium.
 Caſtra peregrina.
 Manſiones Albanæ.
 Campus Martialis.
 Campus Fontinarum qui & Forinarum.
 Campus Cælimontanus.
 Thermæ publicæ.
 Balinæ priuatæ XXC.
 Lacus Fund. ſine nomine LXV.
 Macellum magnum.
 Horrea XXIII.

REGIO

Iſis & Serapis Moneta.

Carinæ.

Vici VIII.

Vicus Albus.
 Vicus Fortunæ Vicinæ.
 Vicus Anciportus.
 Vicus Baſſianus.
 Vicus Structorum.
 Vicus Aſellus.
 Vicus Lanarius.
 Vicus Primigenius.
 Vicomagistri XXXII.
 Curatores II.
 Denunciatores. II.
 Caput Suburæ.
 Tribus Gratiæ aureæ vel areæ.
 Summum Choragium.
 Caput Viæ Sacræ.
 Prætura Præſentiſſima.
 Lucus Cuperius Scholæ Capula-

Piſtrina XXIII.
 Domus CXXXIII: in his
 Domus Veſtiliana vel Vitelliana.
 Domus Philippi.
 Domus ſeptem Parthorum.
 Domus Laterani.
 Cæſaris Dictatoris.
 Mamurræ Formiani.
 Tiberij Claudij Centumali.
 Iunij Senatoris.
 Stellæ Poëtæ.
 Tib. Claudij Clypti Hymnologi.
 Tetricorum.
 Turris Mamilia.
 Inſulæ CIO CIO CIO CVI.
 Regio in ambitu continet pedes
 CCIOO MMM CC: id eſt 13200.

TERTIA.

torum.

Templum Iſidis & Serapidis Monetæ.

Templum Concordiæ virilis cum delubro.

Ædiculæ VIII.

Ædicula bonæ Spei.
 Ædicula Serapidis.
 Ædicula Sangi Fidoni.
 Ædicula Mineruæ.
 Ædicula Iſidis.
 Ædicula Veneris.
 Ædicula Æſculapij.
 Ædicula Vulcani.
 Porticus Liuiæ, iuxta templum Concordiæ virilis.
 Porticus Claudij Martialis.
 Amphitheatrū Veſpaſiani: quod capit loca IOOO CCIO CCIOO.
 IOO. id eſt 77000.

Item

Item.

Ludus Dacicus.
 Ludus Mamertinus.
 Castra Misernatium.
 Castra Misernatium vetera.
 Schola Quæstorum.
 Schola Capulorum.
 Schola Galli.
 Thermæ Titi Cæsaris Augusti.
 Thermæ Traiani Cæs. Aug.
 Thermæ Philippi Cæs. Aug.
 Balineæ priuatæ LXX.
 Lymphæum Tib. Claudij Cæsar.
 August.

R E G I O

*Via sacra, alias Templum
 Pacis.*

Via sacra.

Ad Corneta.

Vici VIII.

Vicus Cyprius post Sceleratus.

Vicus Eros.

Vicus Veneris.

Vicus Apollinis.

Vicus trium viarum.

Vicus Anciportus minoris.

Vicus Fortunatus minoris.

Vicus Sandaliarius.

Vicomagistri XXXII.

Curatores II.

Denunciatores II.

Caput Carinæ.

Æquimælium,

Bucena aurea.

Tigillum Sororium.

Meta sudans.

Caput Lynco.

Busta Gallica.

Lacus Pastoris.

Lacus sine nomine LXV.

Horrea XXIIX: vel XIX.

Pistrina XIII.

Domus CLX.

In his.

Aurea Neronis cum Porticu.

Domus Bruttiani.

Domus Pompeiani.

Titi Cæsaris cum Atrio: in quo
fuit Laocoontis statua.

Insulæ MMDCCCVII.

Regio continet in ambitu pedes
CCIDJ MM CDL. idest 12450.

Q V A R T A.

*Templa X.*Templum Pacis: in quo inter cæ-
tera ornamenta erant templi
Hierosolymorum.

Templum Remi.

Templum urbis Romæ & Augu-
sti.

Templum Veneris Cloacinæ.

Templum Diuæ Faustinae cum
Porticu.Templū Telluris in Carinis, cum
Armamentario.

Templum Solis.

Templum Lunæ.

Templum Concordiæ in Liuiæ
Porticu.Templum Diui Neruæ in foro
Transitorio.

Ædes Iani Curiatij.

Ædes Iunonis sororiæ in Carinis.

Ædes Salutis.

Ædiculæ VIII.

Ædicula Musarum.

Q

Ædicu-

{ Spei.
 { Mercurij.
 { Lucinæ Valerianæ
 { Iunonis Lucinæ.
 { Mauortij.
 { Iuuentutis.
 { Ifidis.
 { Ædícula
 Volcanale. vbi Lotos à Romulo
 fata.
 Sacriporticus, vel sacriportus.
 Porticus Absidata.
 Area Victoriæ.
 Area Volcani: in qua sanguine per
 biduum pluit.
 Sacellum Dæ Strennuæ.
 Colossus Solis altus ped. CIIIS vel
 CXX. habens in capite radios
 septem, singulos ped XXIIIS.
 Apollo Sandaliarius.
 Odaeum.
 Forum Transitorium, vel Palladi-
 um, vel Diui Neruæ cum Por-
 ticibus.
 Forum Cupedinis.
 Basilica Verus L. Æmilij Paulli.
 Basilica Constantiniana.
 Secretarium Populi Romani.

R E G I O

*Esquilina cum Turri &
 colle Viminali.*

Mons Esquilinus, vel Cispus, Op-
 pius, vel Septimius.
 Mons Viminalis vel Faguralis.
 Aggeres Tarquinij Superbi.
 Clius Urbicus.
 Vico Patricius.

Figlina.

Puticuli, siue Puticulæ in Exquiliis.
 Spes Vetus.

Balineum Daphnidis.
 Balinæ priuatæ LXXV.
 Lacus sine nomine LXXIX.
 Arcus Titi Cæsaris Vesp. Aug.
 Arcus L. Septimij Seueri.
 Arcus Constantini Augusti.
 Horrea XIX.

In his.

Cantharia, siue Testaria.
 Pistrina XXIII.
 Domus CXXXVIII.
 Regis Anci Marci in via Sacra.
 Sp. Cassij Viscellini in Carinis vbi
 postea fuit templum Telluris.
 Domus Cn. Pompeij: post Marci
 Antonij in Carinis.
 Domus auita Ciceronum.
 Domus alia C. Cæsaris in via Sa-
 cra.
 Domus M. Manilij:
 Domus Philippi in Carinis.
 Domus D. Cæcilij Balbini Imper.
 Insulæ MDCCLVIII. id est
 2758.
 Regio continet in ambitu pedes
 CCICCC M IC. id est 1400. vel
 MMCCICCC CCICCC id est 18000.

Q V I N T A.

Vici XV.

{ Secufanus.
 { Vrsi pileati.
 { Mineruæ.
 { Vstrimus.
 { Palloris.
 { Scius.
 { Siluani.
 { Capulatorum.
 { Tragædus.
 { Vnguentarius.

Vicus

Vicus Paullinus.
 Vicus Pafiores.
 Vicus Vaticanus.
 Vicus Veneris Placidæ.
 Vicus Iunonis.
 Vicus Africus antiquus in Esquilis.
 Vicomagistri LX.
 Curatores II.
 Denunciatores. II.
 Stationes Cohort. Vigilum. VII.
 Tabernola.
 Tres Tabernæ.
 Lucus Poetilius.
 Lucus Fageus, vel Faguralis.
 Lucus Esquilinus.
 Lucus Querquetularius.
 Lucus Mephitis.
 Lucus Iunonis Lucinæ.
 Lucus Viminalis: alias Iouis Viminæi.
 Lucus Rubiginis.
 Templum Iouis Fagutalis, vel Viminæi.
 Templum Iunonis Lucinæ.
 Templum Mineruæ Medicæ.
 Pentheum.
 Templum Siluani sub Viminali cum porticu.
 Templum Æsculapij.
 Templum Veneris Erycinæ, ad portam Collinā, cum porticu.
 AEdes Veneris Verticordiæ extra portam Collinam, via Salaria.
 AEdes Rubiginis via Nomentana extra portam Catulariam.
 AEdes Quietis, extra portam Collinam.
 AEdes Felicitatis.
 AEdes malæ Fortunæ.

Ædicula XVI.

AEdicula Fortunæ Seia.
 AEdicula Veneris Placidæ.
 Ædicula Castoris.
 Ædicula Pollucis.
 Ædicula Siluani.
 Ædicula Apollinis.
 Ædicula Cloacinæ.
 Ædicula Herculis.
 Ædicula Mercurij.
 AEdicula Martis.
 AEdicula Lunæ.
 AEdicula Serapidis.
 AEdicula Vestæ.
 AEdicula Cereris.
 AEdicula Proserpinæ.
 AEdicula Fortunæ parvæ.
 Sacellum Deæ Næniæ extra portam Viminalem.
 Sacellum Querquetularium.
 Sacellum Iouis Fagutalis.
 Ara Iouis Viminæi.
 Ara malæ Fortunæ.
 Hercules Silvanus.
 Isis Patricia.
 Amphitheatrum Castrense.
 Circus Aureliani cum obelisco.
 Forum Esquilinum.
 Basilica Sicini.
 Regia Seruij Tullij.
 Campus Esquilinus.
 Campus Viminalis sub aggere: in quo erat ædicula Fortunæ parvæ.
 Horti Mecoenatis cum Turri.
 Horti Plantiani, vel Plantiani vel Palanciani.
 Horti Torquatiani.
 Castra Prætoria.

Viuarium.
 Thermæ Olympiadis.
 Thermæ Nouati.
 Balineum Pæulli.
 Balinea priuata LXXV.
 Nymphæum Alexandri Imp.
 Lauacrum Agrippinæ.
 Lacus Promethei II.
 Lacus sine nomine CLXXIX.
 Castellum aquarum Marcia, Iulia, & Tepulæ.
 Arcus Gallieni.
 Marcellum Liuianum.
 Horrea XXIII.
 Pistrina XXII.

R E G I O

Alta semita.

Mons Quirinalis, qui & Agonius, Salutaris, Latiaris, & Mutialis.

Campus sceleratus ad portā Colalinam.

Clius Publicus.

Vici XIII. alias XII. cum non numeratur vicus

Bellona.

Vici { Bellonæ.
 Mamuri.
 Albus.
 Publicus.
 Floræ.
 Quirini.
 Flauius.
 Fortunarum.
 Paccius.
 Tiburtinus.
 Salutis.
 Calidianus.
 Maximus.

Domus CXXC. in his.

Domus Regis Seruij Tullij.
 Domus Lutatij Catuli.
 M. Licinij Crassi diuitis.
 Aquillij Iureconfulti.
 P. Vergilij Maronis.
 Propertij.
 Auli Persij.
 C. Plinij Iunioris.
 Licinij Imperatoris.
 Insulæ MMDCCCL.
 Regio habet in ambitu pedes
 CCIDDIIDCCCCCL. id est
 15950.

S E X T A.

Vicus Mustellarius antiquus: extra numerum.

Vicomagistri XLVIII. vel LII.
 Curatores II.

Denunciatores II.

Cohortes Vigilum III.

Capitolium Vetus,
 Malum Punicum.

Decem Tabernæ.

Ad Gallinas albas.

Pila Honoris.

Templa XV.

Templum Salutis in colle Quirinali.

Templum Serapium, vel Serapidis.

Templum Apollinis & Clatræ.

Templum Floræ.

Templum Veneris hortorum Salustianorum.

Templum Quirini cum Porticu.

Templum Mineræ Flauianæ.

Templum Fortunæ Seia.

Templum aliud Salutis.

Templum

Templum Fidei.
 Templum Fortunæ liberæ.
 Templum Fortunæ statæ.
 Templum Fortunæ reducis.
 Templum Fortunæ publicæ.
 Templum Fortunæ primigeniæ.
 Ædes Diui Fidij. vel Sancti Fidij
 Semipatris.

Ædiculæ XVI.

Ædiculæ { Fortunæ parvæ.
 Genij Liberorum.
 Genij Larum.
 Dianæ Valerianæ.
 Iunonis Iuliæ.
 Spei.
 Sangi : in qua lana co-
 lus, & fusus Tanaquilis.
 Siluani.
 Veneris.
 Herculis.
 Victoriæ.
 Maturæ.
 liberi Patris.
 Saturni.
 Iouis.
 Mineræ.
 Quirini.

Porticus Quirini.
 Porticus Milliaria.
 Area Callidij.
 Statua Quirini alta pedes XX.
 Statua Mamuri plumbea.
 Statua Fortunæ publicæ in colle.

*REGIO**Via lata.**Vici XL.*

Vicus Ganymedis.
 Vicus Gordiani minoris.
 Vicus Nouos.

Statuæ duæ marmoreæ Alexandri
 Magni Bucephalum domantis,
 opus Fidiæ & Praxitelis.

Circus prope portam Collinam
 iuxta ædem Veneris Erycinæ,
 cum obelisco fortè Salustij.

Circus Floræ.

Forum Sallustij.

Forum Diocletiani.

Senatulum Matronarum in colle
 Quirinali, quod Antoninus
 Heliogabalus fecit.

Horti Sallustiani.

Thermæ Diocletiani & Maximiani.

Thermæ Constantini in colle.

Balinea Paulli.

Balinea priuata LXXV.

Lacus LXXV.

Bibliotheca Vlpia in Thermis
 Diocletiani.

Horrea XIX.

Pistrina XXIII.

Domus CLV. in his

Domus Corneliorum.

Domus Attici.

Domus Salustij.

Domus Titi Flavi Sabini.

Insulæ CIO CIO CIO IOV. id est
 3505.

Regio in ambitu continet pedes
 CCIOO IOO IOO. id est 156.

SEPTIMA.

Vicus Caprarius.

Vicus Solis.

Vicus Gentianus.

Vicus Sanci.

Vicus Herbarius.

Vicus Mansuetus.

Vicus Sigillarius minor.
 Vicus Solatarius.
 Vicus Fortunæ.
 Vicus Spei maioris.
 Vicus Novus vltior.
 Vicus Libertorum.
 Vicus Publij.
 Vicus novus citerior.
 Vicus statuæ Veneris.
 Vicus Archemorium: vel Arche-
 monium.
 Vicus Æmilianus.
 Vicus Piscarius.
 Vicus Cælatus.
 Vicus Victoris.
 Vicus Vicinus.
 Vicus Græcus.
 Vicus Lanarius vltior.
 Vicus Pomonæ.
 Vicus caput Mineruæ,
 Vicus Traianus.
 Vicus Peregrinus.
 Vicus Castus.
 Vicus minor.
 Vicus Putealium.
 Vicus Scipionis.
 Vicus Iunonis.
 Vicus Sellarius.
 Vicus Isidis.
 Vicus Tabellarius.
 Vicus Mancinus.
 Vicus Lotarius.
 Vicomagistri CLX.
 Curatores II.
 Denunciatores II.

R E G I O

Forum Romanum.
 Mons Saturnius, qui post Tarpe-
 ius, demum Capitolinus, vel

Cohortes VII. primorum Vigilū.
 Pila Tiburtina.
 Ad Mansuetos.
 Lapis pertusus.
 Templum Solis.
 Templum novum Spei.
 Templum novum Fortunæ cum
 porticu à Lucullo conditum in
 quo erat statua Mineruæ facta
 à Fidia: posita à Paulo Æmilio.
 Templum novum Quirini.
 Ædícula Capraria.
 Porticus Constantini.
 Sacellum Genij Sangi.
 Equi ænei Tyridatis.
 Forum Syatium, vel Suarium.
 Forum Archemorium.
 Castra Gentiana, vel Gypsiana.
 Campus Agrippæ.
 Horti Argiani.
 Balinea Priuata LXXV.
 Nymphæum Iouis.
 Lacus sine nomine LXXVI.
 Arcus DD. Marci & Veri.
 Arcus Gordiani iunioris Aug.
 Arcus novus.
 Pistrina XVII.
 Horrea XXV.
 Domus CXX. in his
 Domus Martialis.
 Insulæ MMM. CCC. xxv. id est
 3385:
 Regio in circuitu continet pedes
 CCIO. CCIOO. MMM. DCC,
 id est 23700.

O C T A V A.

Capitolium: vbi omnium De-
 orum simulachra colebantur.
 Arx Capitolij.

Rupes

Rupes Tarpeia, vel saxum Carmentale.

Clius Capitolinus.

Porta Stercoraria.

Via noua.

Vici XII.

Ligurum.

Iugarius.

Thurarius.

Vicus { Tuscus.

vnguentarius maior.

vnguentarius minor.

nouus. *

reliqui defunt.

Vicomagistri XLII X.

Curatores II.

Denuciatores II.

Cohortes Vigilum VI.

Vmbilicus Urbis Romæ.

Miliarium aureum.

Porta Carmentalis.

Puteal Libonis.

Lacus Curtius.

Pila Horatia, vbi Trophæa locata.

Scalæ annulariæ.

Sub Nouis.

Ad Iunium secundum Tiberim.

Luteolæ ad Iani templum.

Marfyas.

Fauisse Capitolinæ.

Lucus Vestæ Cuperius.

Templa XXI.

Templum Iouis Capitolini, alias Opt. Maximi: in quo erant tria delubra.

Medium Iouis.

Dextrum Mineræ.

Læuum Iunonis: ibique in arca lapidea seruabantur libri Sibyllini.

Templum Iouis Feretrij.

Templum Diui Iulij in foro: in quo erat simulachrum Veneris è mari exeuntis D D. ab Augusto.

Templum Castorum ad lacum Iuturnæ: alias Castoris & Pollucis: in quo erat signum Floræ.

Templum Concordiæ cum cella inter forum & Capitolium: à Camillo D D. in quo erat cœnaculum: vbi magistratus cum Senioribus deliberabant: erantque in eo hæc Simulachra: Battonis adorantis Apollinem, opus Bedæ. Latonæ puerperæ, Apollinem & Dianam subinentis, Euphranoris opus. AEsculapij & Hygiæ, opus Nicerati. Martis & Mercurij, opus Pisicratis. Cereris & Iouis, opera Sthenis & Victoriæ.

Templum vestæ, cum atrio: vbi erant Palladium, ignis & Virgines Vestales.

Templum Deûm Penatium.

Templum Romuli, alias Quirini in foro.

Templum Iani Gemini areum: quatuor portarum, cum signo Iani, opus Scopæ & Praxitelis: ab Augusto D D.

Templum Diui Traiani.

Templum Diui Titi Cæsaris Vespasiani.

Templum

Templum Carmentæ,
 Templum Veneris caluæ nouum.
 Templum Veneris caluæ vetus.
 Templum Vetus Mineruæ.
 Templum Nemesis, cum simula-
 chro.
 Templum Saturni, cum ara: vbi
 erat ærarium: ante quod erat æ-
 neum Siluani signum.
 Templum Diui Augusti.
 Templum Iunonis Martialis.
 Templum Larum.
 Templum Veneris: Genetricis: a-
 lias Veneris & Anchisæ: cum
 atrio.

Ædes X.

Ædes Victoriæ.
 Ædes Opis & Saturni, in vico iu-
 gario.
 Ædes Martis cultoris, in foro di-
 ui Augusti.
 Ædes Veiovis, inter arcem & Ca-
 pitolium, prope Asylum, cum
 eius simulachro cupressino.
 Ædes Iouis Tonantis in cliuo Ca-
 pitolij, in qua erant signa, Iouis
 Tonantis, opus Locræ. Iouis ex
 ære Delicæ, opus Hygiæ. Ca-
 storis & Pollucis opus Hygiæ.
 Ædes Herculis Victoris parua &
 rotunda in foro Boario.
 Ædes Mattis Matutæ.
 Ædes Vortumni in Vico Tusco.
 Ædes Iunonis Monetæ, cum of-
 ficina.
 Ædes Iouis Custodis à Domitia-
 no Cæs. D D.
 Ædes Veneris Cloacinæ.
 Ædes Veneris Erycinæ.
 Ædes Salutis.

Ædes Libertatis.
 Ædes Iouis Sponsoris.
 Ædes Mentis.
 Ædes Fidei, in Capitolio.
 Ædes Fortunæ primigeniæ.
 Ædes Aij Locutij.
 Ædes Fortunæ prosperæ.
 Ædes Fortis Fortunæ in foro Bo-
 iario.

Ædícula XII.

Ædícula Victoriæ D D. à M. Por-
 cio Catone.
 Ædícula Iuuentutis.
 Ædícula Termini.
 Ædícula Concordiæ ærea, supra
 Græcostasim.
 Ædícula Fortunæ obsequentis.
 Ædícula Matris Romæ.

*	*
*	*
*	*
*	*
*	*
*	*

Porticus Iulia.
 Porticus Margaritariorum.
 Porticus Liuiæ.
 Porticus Augusti.
 Porticus Minucia: vel Numicia.
 Porticus Nasicæ.
 Porticus Porphyretica.
 Porticus Capitolinæ.
 Porticus Constantini.
 Iani duo. celebris mercatorum lo-
 cus ad arcum Fabianum, supe-
 rior & inferior.
 Atrium publicum in Capitolio.
 Atrium Mineruæ.
 Atrium Vestæ.
 Area Opis & Area Cereris in vico
 iugario.

Area Saturni ante ærarium.
 Sacellum Sumani.
 Sacellum Larum.
 Asylum inter duos Lucos, arcem-
 que & Capitolium.
 Domus Diui Titi.
 Doliola.
 Sepulchrum Romuli.
 Sepulchrum Accæ Laurentiæ in
 via noua.
 Ficus Ruminalis.
 Lupercal Virginis.
 Germalus.
 Ara Saturni vetus.
 Ara Saturni noua ad lacû Curtij.
 Ara Iunonis Iugæ in vico iugario.
 Ara Iouis Pistoris in Capitolio.
Signa & statua Deorum
 Signum Iouis Imperatoris Præ-
 neste Romam deuectum.
 Signum æreum Iouis à Sp. Carui-
 lio ex Samnitica præda factum.
 Signum Iunonis DD. à Pompeio
 Bythinico.
 Signum Apollinis, translatum ex
 Apollonia à Lucullo: altum cu-
 bitos XXX. vel XXXII.
 Signum Mineruæ Catulianæ; opus
 Euphranoris.
 Signa duo Herculis: alterum à P.
 Sempronio Sauerione DD.
 alterum æreum opus Lisyppei,
 à Q. Fabio Maximo Tarento
 deuectum.
 Signum Herculis tunicati, iuxta
 rostra.
 Victoria aurea, in templo Iouis
 Optimi Maximi.
 Fides candida.
 Signû Vortumni in vico iugario.

Signum matris staturæ.
 Signum boni Euentûs opus Pra-
 xitelis.
 Signa tria Deorum Nixiorum an-
 te cellam Mineruæ, in templo
 Iouis Capitolini.
 Signum Bonæ Fortunæ, opus Pra-
 xitelis.
Simulachra hominum.
 Statua Diui Iulij equestris, in eius
 foro.
 Diui Augusti.
 Diui Claudij II. aurea X. pedum
 in templo Iouis Opt. Max.
 Diui Constantini equestris.
 Romuli & Remi infantiû sub Lupa.
 Septem Regum in Capitolio.
 Attij Naui Auguris ante Curiam.
 L. Iunij Bruti primi Consulis in
 Capitolio.
 P. Valerij Poplicolæ.
 Horatij Coclitis in Cometio.
 Mucij Scæuolæ.
 Annij Fetialis equestris: in atrio
 domus regis Superbi.
 M. Furij Camilli pro Rostris.
 Tullij Cælij: L. Roscij. Sp. Nautij,
 & C. Fulcinij Legatorum Po-
 puli Romani à Fidenatibus Cæ-
 sorum, pro Rostris.
 P. Iunij & Ti. Coruncanij Legato-
 rum populi Romani, ab Illyri-
 cis cæsorum, pro Rostris.
 Cn. Octauij in Legatione occisi,
 pro Rostris.
 Equestris Togata Q. Martij.
 Tremuli ante templum Castorû.
 L. Cæcilij Metelli Pont. Max. in
 Capitolio.
 Q. Fabij Maximi ærea equestris

in Capitolio.
 P. Scipionis Africani.
 L. Scipionis Asiatici clamydata & crepidata.
 M. Lepidi bullata & prætextata.
 Trebij Ædilis, in Capitolio.
 Sullæ Dictatoris aurea equestris.
 Sullæ Felicis Dictatoris ænea.
 Trium Sibyllarum, pro Rostris.
 Cœliæ Virginis Vestalis equestris.
 Caiæ Suffetæ Virginis Vestalis.
 Cornelix Gracchorum matris.
 Hermodori Ephesij LL. X. Tabularum interpretis, in Comitio.
 Alcibiadis, Pythagoræ in Comitio.
 Trophæa C. Marij aurea in Capitolio.
 Currûs Seiuges à Cn. Cornelio positi.
 Simulachrû Leonis, pro Rostris.
 Equus C. Cæsaris, in eius foro.
 Equus æneus Domitiani Augusti.
 Equus æneus Traiani Augusti.
 Equa cernens quatuor Satyros.
 Elephas herbarius.
 AEreum Tauri simulachrum, in foro Boario.
 Signum anseris argenteum, in Capitolio.
 Clypei XII. inaurati.
 Clypeus Martis, cum imagine Hasdrubalis.
 AEnearum tabularum publicarum tria millia.
 Ludus AEmilius: alias Lepidi.
Fora.
 Forum Romanum, quod dicebatur Magnum: alias vetus.
 Forum Cæsaris, in quo erant Veneris signa duo. alterû lorica-

tum, alterû factû ab Arcefilao.
 Forum Augusti: in quo erant statux M. Valerij Coruini, & eburnea Apollinis.
 Forum Traiani cum Porticu.
 Forum Boarium.
 Forum Piscarium.
 Forum Argentarium.
 Curia.
 Curia Hostilia sub veteribus.
 Curia Calabra in Capitolio: vbi Pontifex minor pronunciabat dies.
 Regia Numæ: alias Curia Pompeiana: in qua sacrarium erat Opiconsuæ.
 Senaculum aureum.
 Basilica Paulli Æmilij cum Phrygiis columnis, in foro.
 Basilica Iulia.
 Basilica Vlpia, alias Traiani.
 Basilica Porcia: vbi fuerat domus Q Mœnij.
 Basilica Sempronia.
 Basilica Argentaria.
 Basilica Opimij.
 Comitium: in quo erat ficus Ruminalis.
 Rostra Populi Romani vetera.
 Rostra Populi Romani noua.
 Græcostalis.
 Carcer imminens foro; à Seruio Tullio ædificatus media vrbe.
 Stationes Municipiorum.
 Ludi Literarij.
 Schola Xantha.
 Horti Asiniani.
 Septem aliàs quinque Tabernæ argentariæ nouæ.
 Balineum Polycleti.

Balinea priuata LXXVI.
 Lacus Iuturnæ.
 Lacus sine nomine CXX.
 Bibliotheca Capitolina.
 Bibliotheca templi Diui Traiani.
 Arcus Fabianus.
 Arcus Titi Cæsaris, prope ædem Saturni.
 Arcus Traiani Cæsaris Augusti.
 Arcus Seueri, & Marci Antonini in foro Boario.
 Fornix Stertini in foro Boario, cū signis auratis.
 Columna C. Duilij.
 Columna Mœnia.
 Columna Mag. Lud. sæcul.
 Columna Rostrata, in Capitolio.
 Columna Diui Iulij rostrata, alta pedes XX.
 Columna Coclis Traiani Impera-

REGIO

Circus Flaminius.

Collis Hortulorū, alias Hortorū.
 Campus Martius.
 Via Fornicata.
 Via recta.
Vici XXX.
 Vicomagistri CXX.
 Curatores II.
 Denunciatores II.
 Palus Caprea.
 Mimitia vetus.
 Mimitia Frumentaria.
 Crypta Balbi.
 Ciconiæ nixæ.
 Meleagricum.
 Fregellæ.
 Lucus Mauortianus.
 Lucus Mineruæ vetus.

toris alta pedes CXXIX. habet gradus CXXCV. fenestellas XLV.
 Sepulchrum Caij Publicij Bibuli Ædilis Plebis.
 Macellum
 Horrea CXXIX. In his Germanica & Agrippiana.
 Pistrina CXX.
 Domus CI. In his L. Tarquinij superbi regis cū atrio M. Manlij Capitolini.
 P. Scipionis Africani.
 T. Annij Milonis.
 P. Ouidij Nasonis.
 M. Valerij Amerini Equitis Rom.
 Insulæ CIO CIO CIO DCCCL. xxx. id est 3880.
 Regio in ambitu continet pedes CCIOO M. IOO DCCC LXXI. id est 14867.

NONA.

Lucus Petilinus maior: extra portam flumentanam.
 Lucus Lucinæ, vbi erat Terentū.
Templa VIII.
 Pantheum Iouis vltoris: in quo erant signa Herculis humi sedentis. Mineruæ ex ebore, opus Fidij. Veneris cum vnione Cleopatru.
 Templū Iani, prope Theatrū Marcelli, cum signo Iani Bifrontis.
 Templū Bruti Callaici: in quo erat Colossus Martis, & statua Veneris Gnidia nuda.
 Templum Apollinis.
 Templum Neptuni, iuxta Septa.
 Templum Diui Antonini, cum columna Coclide.

Templum Mineruæ Chalcidicæ.
Templum Iſidis & Serapidis, pro-
pe Ouile.

Ædes XX.

Ædes antiqua Apollinis, cum la-
uacro & Co'osso.

Ædes Herculis magni, custodis
Circi Flaminij.

Ædes Metelli : vbi erat statua e-
burnea Iouis à Praxitele facta.

Ædes Martis in Circo Flaminio.

Ædes Volcani in Circo Flaminio.

Ædes Iuturnæ ad aquā virginem.

Ædes Bellonæ verſus portā Car-
mentalem in Circo Flaminio:
intra quam dabatur Senatus le-
gatis exterarum nationū quos
in urbem admittere nolebant

Ædes Mineruæ.

Ædes Fortunæ equeſtris vetus.

Ædes Apollinis.

Ædes Neptuni in Circo Flaminio.

Ædes Larium permarinum in
Campo Martio.

Ædes Boni Euentus.

Ædes Veneris Victricis.

Ædes Caſtoris in Circo Flaminio.

Ædes Floræ.

Ædes Iunonis Reginæ.

Ædes Dianæ.

Ædes Herculis Muſarum.

Ædes Iunonis in porticu Octauie
vbi erant ſtatue AEsculapij &
Dianæ, opera Scopæ. Iunonis,
Veneris, & Iouis opera, Phyli-
ſci Rhodij, Ibidem ſunt ſimula-
chrum Iunonis, opus Dionyſij
& Polyclis: item Dianæ Lato-
næ. Muſarum nouem, Apolli-
nis nudi, Apollinis citharā te-

nentis, opera Timantidis. item
AEsculapij & Dianæ opera Ce-
phisidori.

Ædícula XXX.

Porticus Q. Catuli.

Porticus Philippi.

Porticus Corinthia duplex Cn.
Octauij.

Porticus Argonautarum.

Porticus Pompeij Magni, cum
Curia & Atrio.

Porticus Metelli.

Porticus Agrippæ ante Pantheū.

Porticus Octauie ſororis Auguſti:
in qua erant Schola, Curia, &
Bibliotheca.

Delubrum cum ſigno Apollinis:
opus Philiſci Rhodij. item ſta-
tuæ Saturni, Batracchi & Ve-
neris, opus Fidiæ, & Cornelie
Gracchorum matris.

Porticus Traiani Aug. in Campo
Martio.

Porticus Gordiani Imp.

Porticus Gallieni Imp.

Porticus Europæ.

Atrium Pompeij.

Sacrarium Numæ.

Delubrum Iouis Statoris.

Delubrū Cn. Domitij cum ſignis
Neptuni, Thetidos, Achillis,
Nereidum & Tritonum: opera
Scopæ.

Delubrum Apollinis in porticu
Octauie.

Ara Neptuni.

Iſæum.

Serapium.

Miueruium.

Odæum.

Minerua vetus cum luco.
 Iuppiter Pompeianus pedum xxx.
 Colossus Apollinis.
 Equiria.
 Circus Flaminius.
 Circus Alexandri Imp. Stadium.
 Obeliscus pro Gnomone in campo Martio.
 Stabula quatuor Factionum.
 Theatrum Pompeij.
 Theatrum lapideum.
 Theatrum Balbi: quod capit loca
 CCID D CCID D CCID D M XCV.
 id est 30095.
 Theatrū Marcelli, quod capit loca
 CCID D CCID D CCID D. id est 30000.
 Amphitheatrum T. Statij Tauri.
 Naumachia Domitiani.
 Forum Ahenobarbi.
 Basilica Mattidij, alias Macidij vel
 Mattidiæ.
 Basilica Marciana.
 Basilica Antoniniana. vbi erat pro
 uinciarum memoria.
 Curia Pompeij cū atrio & porticu.
 Curia Octaviæ cum porticu in
 qua erat signum Apollinis ful-
 men tenentis.
 Septa Agrippiana.
 Septa Trigaria.
 Ouile.
 Diribitorium.
 Villa publica: vbi primum census
 populi actus est.
 Carcer Centum virorum.
 Horti Luculliani.
 Horti Agrippæ.
 Scola & porticus Octaviæ: in qua
 erat statua Cupidinis, opus Pra-
 xitelis. Quatuor Satyri, & duæ

Nymphæ.
 Thermæ Agrippæ.
 Thermæ Neronianæ.
 Thermæ Alexandrinæ.
 Thermæ Hadriani Imperatoris.
 Thermæ Decianæ.
 Balinea priuata L X I V.
 Lauacrum Apollinis.
 Lacus Thermarum Neronis.
 Lacus sine nomine * *
 Fons Scipionum.
 Bibliotheca porticûs Octaviæ.
 Arcus Ti. Cæsaris.
 Arcus Diui Claudij.
 Columna Cochlis Antoniniana
 alta pedes CLXXV. habēs gradus
 CCVI, & fenestellas LVI.
 Columna index belli inferendi,
 ante ædem Bellonæ.
 Sepulchrū, siue Mausoleum Au-
 gusti: in quo erant duo pares
 obelisci: singuli pedum XLII s.
 Sepulchrum Domitiorum, in col-
 le Hortulorum.
 Sepulchra in Campo Martio Sul-
 læ Felicis Dictatoris.
 Iuliarum Cæsaris amitæ & filiæ,
 Hirtij & Pansæ Consulium.
 Pistrina XXXII.
 Horrea XXXII.
 Domûs CXL.
 Domus Alexandri Imperatoris.
 Domus Pinciorum, in colle Hor-
 tulorum.
 Insula Phillidis.
 Insulæ MMM I D C C X X C I I X, id est
 3788.
 Regio continet in ambitu pedes
 CCID D CCID D CCID D I CLX. id est
 30560.

REGIO

Palatium.

Mons Palatinus, alias Romulius.

Via noua.

Prata Bacchij: vbi fuerunt ædes Vitruui Fundani.

Clius Victorix.

Vici VII.

Vicus { Padi.
Curiarum.
Fortunæ respicientis.
Salutaris.
Apollinis.
Huiusque Diei.
Fortunæ reducis.

Vicomagistri XXII X.

Curatores II.

Denunciatores II.

Roma quadrata.

Sedes Imperij Romani.

Velia.

Summa Velia.

Ad capita Bubula.

Sicilia in Palatio.

Lucus Larum.

Ad Mammam: hoc est dictæ Mameæ.

Templa X.

Templum Iouis Statoris.

Templum Fidei.

Templum Apollinis Palatini, dedicatum ab Augusto: vbi lychnuchi pendebant instar arboris mala ferentis, cum porticu & area: in quo erant simulachra Apollinis. opus Scopæ. Dianæ, opus Timothei: & signa quatuor boum æneorum facta à Myrone.

DECIMA.

Templum Lunæ in Palatio.

Templum Iouis: alias Solis Hellogabali.

Templum Augusti.

Templum Quirini prope Lupercal. vbi erat signum Lupæ præbētis mammas duobus pueris Remo & Romulo.

Templum Iouis propugnatoris.

Templum Matris Deum: alias Magnæ matris. Ideæ cum eius simulachro ex Pessinunte Romam aduecto.

Templum Febris in Palatio.

Ædes IX.

Consi.

Deæ viri placæ in Palatio.

Fortunæ Vicinæ.

Rhamnusiæ.

Ædes { Iouis Victoris.

Di Iouis.

Orci.

Vestæ.

Victoriæ.

Ædicula VII.

Porticus templi Apollinis, cum statua M. Varronis.

Area templi Apollinis Palatini.

Sacellum Larum in Velia.

Sacellum Volupix.

Delubrum Iunonis Sospitæ.

Delubrum Palatij.

Delubrum Mineræ.

Delubrum Latonæ.

Pentapylum Iouis Arbitratoris.

Auguratorium.

Cœnatio Iouis.

Curia Saliorum.

Sacrarium Saliorum Palatinorū.

Lupercal in Theatro.

Casa Romuli.

Tugurium Faustuli.

Ara Febris.

Ara Palatina.

Colossus Iouis Opt. Maxim. altus
pedes c c l.

Fortuna respiciens.

Victoria Germanicana.

Colossus Apollinis Tuscanici L.
Pedum altus, in Bibliotheca
Palatina.

Statua aurea Britannici Cæsaris.

Theatrum Statilij Tauri, in Pala-
tio.

Curię Veteres IV. id est Foriensis,
Rapta, Vellensis, & Velitia.

Balneæ Palatinæ.

Balneæ priuatae XV.

Arcus Octauij patris Augusti; cū
signis Apollinis & Dianę. opus
Fidiæ: quadriga & curru.

Bibliothecæ Palatinæ duæ: vide-
licet Latina Apollinis, in qua
erat statua Numeriani Imp. al-
tera erat Bibliotheca domûs

Tiberianæ.

Septizonium Seueri Imperatoris.

Sepulchrum Cinciorum.

Pistrina x i i.

Horrea x v i.

Domus c x x c i x. In his

Domus Tullij Hostilij regis.

Anci Marcij regis.

Seruij Tullij regis.

Poblicolæ in Velia.

L. Craffi Oratoris.

L. Hortensij Oratoris.

L. Sergij Catilinæ.

M. Æmilij Scauri.

C. Cæsaris Dictatoris.

L. Annæi Senecæ.

M. Valerij Flacci.

D. Catuli.

M. Ciceronis.

Domus Augustana.

Domus Tiberiana, cum Biblio-
theca.

Domus Dionysij.

Domus Ceioniorum.

Insulæ c i o i o c. id est 1600.

Regio in ambitu continet pedes
c c i o o m. i c c. id est 11600.

REGIO

Circus Maximus.

Vici V III.

Vicus { Confuius: vel Confinius.
Proserpinæ,
Cereris.
Argæi.
Piscarius.
Parcarum.
Veneris.
Sanctus.

VNDECIMA.

Vicus antiquus Publicij ad por-
tam Trigeminam.

Vicomagistri XXXII.

Curatores II.

Denunciatores II.

Porta Trigemina.

Salinæ ad portam Trigeminam.

Velabrū maius in foro Olitorio.

Velabrum minus.

Argiletum.

Lucus Semelis minor.

Lucus

Lucus Saturni.
 Templum Mercurij.
 Templum Castoris.
 Templum Herculis Victoris, in
 foro Boario.
 Templum Iani ad forum Olito-
 rium.

Ædes XXII.

Ædes Summani vel Ditis patris.
 Ædes Cereris vetus.
 Ædes Proserpinæ.
 Ædes Veneris. opus Fabij Gurgi-
 tis.

Portumni, ad pontem Su-
 blicium, alias Æmiliū.
 Herculis Oliuarij, ad por-
 tam Trigemina.

Cereris.

Pompeij: in qua erat si-
 gnum Herculis à My-
 rone factum.

Portumni vetus.

Murciæ: alias Veneris
 Myrteæ.

Consi subterranea: alias
 Neptuni equestris.

Ædes Pietatis in foro Olitorio.
 Iunonis Matutæ in foro
 Olitorio.

Iunonis.

Pudicitæ Patriciæ.

Pudicitæ Plebeiæ, in vico
 longo.

Fortunæ Virilis ad Tibe-
 rim: in qua erat statua
 lignea Seruij Tullij re-
 gis.

Spei in foro Olitorio.

Apollinis Medici.

Liberi & Liberæ.

Ædes Solis.

Ædes Floræ.

Ædicula VIII.

Ædicula Veneris.

Ædicula Iunonis.

Ædicula

Ædicula Iuuentutis in Circo.

Ædicula Solis in Circo.

Ædicula Proserpinæ.

Ædicula Cereris.

Ædicula Parcarum.

Area Sancta.

Area Apollinis.

Sacrarium Saturni cum Luco.

Sacellum Iouis Conseruatoris.

Sacrarium Numæ.

Ara Maxima vel Magna Herculis.

Ara Consi.

Ara Iouis inuentoris.

Ara Accæ Laurentiæ in Velabro.

Apollo Cælis pex.

Hercules Triumphalis.

Signum Deæ Setiæ, vel Segestæ.

Signa Metiæ & Tutilinæ in Circo
 Maximo.

Circus Maximus: qui capit loca
 CCICCCICCC. id est
 485000. in hoc erant obelisci
 duo; quorum maior est pedum
 CXXXII. minor ped. LXXXIIXS.

Circus intimus.

Forum Olitorium.

Basilica Caij & Lucij Cæsarum.

Campus Trigemini.

Taberna Bibliopolarum Argile-
 tanæ.

Emissarium Cloacæ Maximæ in
 Tiberim.

Balinea priuata XV.

Lacus sine nomine XV.

Fornix Sertinij in Circo Maximo
cum signis auratis.

Columna Lactaria in foro Olitorio
ad quam infantes lacte al-
lendos deferebant.

Lupanaria . . .

REGIO

Vici XII.

Piscina publica.

Veneris almæ.

Piscinæ publicæ.

Dianæ.

Ceios.

Triari.

Signifaliensis.

Vicus { Lacitecti.

Fortunæ mammosæ.

Colasiti Pastoris.

portæ Rudusculanæ.

portæ Nauiæ,

Victoris.

Vicomagistri XLIIx.

Curatores II.

Denunciatores II.

Cohortes Vigilum III.

Caput Viæ nouæ.

Fons Lollianus.

AEdes bonæ Deæ Subsaxanæ.

AEdes Isidis.

AEdicula Veneris almæ.

AEdicula Dianæ.

REGIO

Auentinus.

Mons Auentinus.

Clius Publicij.

Vici XVII.

Vicus Fidij.

Horrea XVI.

Pistrina XII.

Domûs CXXCIX.

Insulæ MDC. id est 1600.

Regio in ambitu continet pedes

CCIDDMDC. id est 11600.

DVODECIMA.

AEdicula Fortunæ mammosæ.

* *

Area radicularia.

Ara Lauernæ.

Fortuna mammosa.

Isis Athenodora.

Signum Delphini.

Campus Lanatarius.

Horti Asiniani.

Thermæ Antoninianæ.

Balnear priuatae LXIIx.

Lacus LXXX.

Septizonium vetus.

Horrea XXIIx.

Pistrina XXV.

Domus CXXIIx. In his

Domus septem Parthorum.

Domus Fabij Cilonis.

Domus L. Cornificij.

Priuata Hadriani Imperatoris.

Insulæ MMCDXXCVI. Id est 2486.

Regio in ambitu continet pedes

CCIDDM. id est 12000.

DECIMATERTIA.

Vicus frumentarius.

Vicus trium viarum.

Vicus Cæseti.

Vicus Valeri.

Vicus Laci Miliari.

Vicus Fortunæ.

Vicus { capitis Cantheri.
trium alitum.
nouus.
Loreti minoris.
Armilustri.
columnæ lignæ.
materiarius,
mundicie,
Loreti maioris, vbi erat
Vortumnus.
Fortunæ dubiæ.

Vicomagistri LXIIX.

Curatores II.

Denunciatores II.

Clius publicus.

Caput Armilustri.

Doliolum.

Remuria.

Scalæ Gemoniæ.

Lauretum.

Mappa aurea.

Spelunca Caci.

Platanon.

Lucus Lunæ in Auentino.

Lucus Laurentinus.

Lucus Platanorum.

Lucus Loreti maioris.

Lucus Loreti minoris.

Lucus Hylernæ.

Templa sex.

Templum Lunæ in Auentino ma-
gnum.

Templum commune Dianæ.

Templum Bonæ Deæ in Auenti-
no.

Templum Libertatis.

Templum Iunonis Reginæ DD. à
Camillo captis Veis.

Templum Isidis.

Ædes IIX.

Ædes { Consi.
Diui Tati.
Mineruæ: alias Palladis in
Auentino.
Siluani.
Mercurij.
Herculis & Siluani.
Matutæ, cum æreis colu-
mnis & atrio.
Victoriæ in Auentino.

Ædicula XVII.

Ædicula { Fidiij, alias Fidei.
Fortunæ dubiæ.
Hylernæ.
Deæ Tutilinæ.

* *

Porticus Æmilia.

Porticus Fabaria, vel Faberij.

Atrium Libertatis in Auentino.

Atrium Matutæ.

Sepulchrum Diui Tatiij.

Area Publica.

Area Pinaria.

Ara Iouis Elicij.

Vortumnus: alias ædes Vortumni.

Fortuna horreorum Galbianorū.

Statua Minuci Augurini præfecti
annonæ.

Odæum.

Naumachia.

Forum Pistorium.

Campus Pecuarius, vel Pescuarius.

Schola Cassij.

Thermæ Varianæ.

Thermæ priuatæ Traiani.

Balinæ priuatæ LXXIV.

Lacus LXXIIX.

Fons Siluani.

Emporium extra portam Trige-
minam.

Sepul-

Sepulchrum C. Gestij VII. viri Epulonum.

Columna P. Mancini præfecti annonæ.

Horrea XXXVI. in his

Aniceti.

Varguntei.

Galbiana.

Horrea Domitiani Augusti.

Pistrina XXX.

REGIO.

Trans Tiberim.

Ianiculus mons.

Vaticanus mons.

Insula.

Nauvalia.

Vici XXIII.

Censori.

Gemini.

Rostratæ.

Longi Aquilæ.

Statuæ Siccianæ.

Quadrati.

Raciliani maioris.

Raciliani minoris.

Ianiculensis.

Bruttianus.

Vicus Larum ruralium.

Statuæ Valerianæ.

Salutaris.

Paulli.

Sex. Lucei.

Simi Publici.

Patratilli.

Laci restituti.

Saufei.

Sergi.

Ploti.

Domus CLV.

Domus Vlpiorum, aliàs priuata Traiani.

Domus Vitellij Imperatoris.

Domus Ennij Poætæ.

Domus Faberij Scribæ.

Domus Licinij Suræ III. Cos.

Insulæ MM CDXXCII. id est 2488.

Regio continet in ambitu pedes

CCIDDDID MCCC. id est 16300.

QUARTADECIMA.

Vicus Viberini.

Vicus Graianarum.

Vicomagistri XCII.

Curatores II.

Denunciatores II.

Cohortes Vigilum VII.

Caput Gorgonis.

Lucus Forinarum.

Lucus publicus.

Lucus Vaticanus.

Templum fortis Fortunæ.

Templum Apollinis in Vaticano.

Templum Fortunæ liberæ.

Ædes VI.

Ædes Forinarum.

Ædes Isidis Naumachinæ.

Ædes Iouis.

Ædes Fauni.

Ædes Æsculapij.

Ædes Dianæ suburbanæ.

Ædiculæ XXII.

Ianus Septimianus.

Area Vaticana.

Area Septimiana.

Sacellum Deæ Maniæ.

Aræ XII. Iano dicatæ.

Ara Martis.

Statua Valeriana.
 Statua Sicciana.
 Statua diui Iulij in Insula.
 Diuæ Corniscæ.
 Hercules cubanis.
 Hippodromus.
 Circus Vaticanus : alias Caii &
 Neronis, in qua obeliscus est
 pedum LXXII.
 Circus Domitiæ in pratis.
 Stadius publicus.
 Obeliscus magnus, in Insula.
 Naumachia duæ.
 Tribunal Aurelium.
 Castra Læticariorum.
 Castra Vetera.
 Campus Bruttianus.
 Campus Codetanus.
 Campus Vaticanus.
 Horti Cæsaris.
 Horti Domitiæ.
 Horti Galbi Imperatoris.
 Horti Martialis.
 Horti Getæ.
 Albiona.
 Prata Mucia.
 Prata Quinctia.
 Nosocomium : vbi ægroti cura-
 bantur in Insula.
 Thermæ Septimianæ.
 Thermæ Hyemales Aureliani
 Imp.
 Balineum Ampelidis.
 Balineum Prisciliani.
 Balinea priuata CXXXVI.
 Lacus CXXC.
 Sepulchrum Numæ regis in Iani-
 culo.
 Sepulchrum St. Cæcilij poëtæ.
 Sepulchrû Hadriani Imperatoris.

Horrea XXII.
 Pistrina XXXII.
 Domus CL. In his
 Domus Martialis.
 Insulæ MMMCDIX. id est 3409.
 Regio continet in ambitu pedes
 CCIOO CCIOO CCIOO MMMCDXXCIX.
 id est 33489.

*Quæ sequuntur incerta sunt quo
loco reponi debeant.*

Petuscum Palati Regio Vrbis.
 Fregellæ locus in Vrbe.
 Argæa loca in Vrbe.
 Esculetum locus in Vrbe.
 Clius Foro proximus.
 Vicus Publicius.
 Vicus Cosconicus.
 Compitum Fabricij.
 Lucus Veneris Lubentina.

Templa.

Templum Fortunæ Virginis.
 Muliebris via Latina.
 Masculæ.
 Barbata.
 Equestris nouæ.
 Plebeia.
 Priuata.
 Viscata.
 Blandæ.
 Conuertentis.
 Bene sperantis.
 Auertentis.

Templa Iouis Victoris.

Iouis inuicti.
 Iouis pugnacis.
 Iouis Prædatoris.
 Iouis Mariani.
 Templum Iunonis Caprotinæ.

Templum

Templum { Apollinis Sossiani.
 Apollinis Tortoris.
 Veneris Lubentinae.
 Veneris Victricis.
 Herculis defensoris.
 Herculis, via Latina.
 Adonidis.
 Annonae Sanctae.
 Vacunae.
 Iustitiae.
 Themidis.
 Erymnarum.
 Clementiae Caesaris.
 Diui Augusti ad Minervam.
 Iustitiae Augusti.
 Fecunditatis Poppeae.
 Diui Hadriani.

AEdes.

Aedes Honoris & Veneris Mariae.
 Aedes Deum Consentum.
 Porticus Vipiani.
 Porticus Reguli.
 Porticus Stadiata.
 Porticus C. Columnarum.
 Porticus Curua, in Hortis Commodianis.
 Atrium Sutorium.
 Sacrarium Gentis Iuliae.
 Sacellum Minucij.
 Sacellum Mutini.
 Ara Pacis.
 Ara Larum.
 Curiae novae proximae compitum Fabricij.
 Curia Tifata.
 Curia Titia.

Curia Faucia, vel Saucia.
Fora.

Forum Gallorum.
 Forum Rusticorum.
 Forum Aurelij.
 Forum Caedicij.
 Basilica Vestini.
 Basilica Neptuni.
 Basilica Vascellaria.
 Basilica Flosselli.
 Basilica Sicini.
 Basilica Fulvia.
 Basilica Mammetae.
 Campus Volcani.
 Campus Iouis.
 Campus Licinij.
 Horti Mariani.
 Horti Serviliani.
 Horti Commodiani.

Balineum { Ti. Claudij Etrusci.
 Statili.
 Martialis.
 Annaei Senecae.
 Tuccae.
 Fausti.
 Fortunati.
 Gryli.
 Lupi.
 Pontici.
 Seueri.
 Patii.
 Titij.
 Crispini.
 Offonij Tigillini.
 Alexandri Imperatoris.
 Varij.
 Nymphaeum Marci Imp. prope Septizonium.
 Nymphaeum Gordiani Imp.

Lacus Seruilius.
 Castra Tabellariorum.
 Castra Victimariorum.
 Castra Salgamariorum.
 Castra Salitariorum.
 Castra Equitum singulorum.
 Horrea Seiana.

AQVAE VIGINTI
erant in vrbe.

Aqua { Appia.
 Anio vetus.
 Marcia, alias Aufeia.
 Tepula.
 Iulia.
 Virgo.
 Halsia, vel Halsietina: quæ
 & Augusta.
 Claudia Albudina, Cæ-
 rulea, Curtia, Augusta.

Anio nouus.
 Riuus Herculaneus.

Aqua { Crabra.
 Sabatina, vel Cimina, Au-
 relia, Septimiana, trans
 Tyberim.
 Traiana.
 Alexandrina.
 Damnata.
 Annia.
 Argentiana.
 Seueriana.
 Antoniniana.
 Setina.

Procopius scribit suo tempore
 fuisse in vrbe aquæductus quatu-
 ordecim.

MONTES SEPTEM
in vrbe.

Mons { Palatinus.
 Capitolinus.
 Cælius.
 Esquilinus:
 Quirinalis.
 Viminalis.
 Auentinus,

*Præter hos trans Tiberim
 sunt:*

Mons Ianiculus: vel Ianiculum.
 Mons Vaticanus.

Et extra vetus Pomærium.

Collis Hortulorum.
 Regiones xlv.
 Vici cxx.
 Ædiculæ totidem.
 Vicomagistri lcccxi.
 Curatores xxix.
 Denunciatores xxix.
 Cohortes Prætoriae xvii.
 Cohortes Vigiliæ vi.
 Cohortes Urbane vi.
 Excubitoria xlv.
 Vexilla II. communia.
 Castra Peregrina.
 Castra Prætoria.
 Castra Misenatium II.
 Castra Tabellariorum.
 Castra Læticariorum.
 Castra Victimariorum.
 Castra Salicariorum.
 Castra Equitum singulorum.

Castra

Castra Ggyptiana.

Castra Vetera.

Horrea CCCXXVII.

Pistrina CCCXXIX.

Balinæa CMIX. Id est. 909.

Lacus MXCIIIX. Id est. 1098.

Domus MMCXVII. Id est. 2117.

Insulæ CCICCC ICCE MCMXII. id est 41912.

Luci XXXII.

Vestæ Cuperius.

Iouis Viminei.

Loreti minoris.

Loreti maioris.

Platanorum.

Querquetularius.

Cuperius Hostiliani.

Cuperius scholæ Capulatorum.

Mauortianus.

Vaticanus.

Furinarum.

Poëtilinus.

Lunæ in Auentino.

Lucinæ: vbi erat Terentum.

Saturni.

Semilis minor.

Larum.

Mineræ vetus.

Victoriæ.

Petilius maior, extra portam Flumentanam.

Fagutalis.

Esquilinus.

Mephitis.

Junonis Lucinæ.

Rubiginis.

Veneris Lubentinae,

Laurentinus.

Hylernæ.

Publicus.

Egeriæ.

Camœnarum.

Fora XIX.

Romanum: quod dicebatur Magnus.

Cælaris Dictatoris.

Augusti Cæsaris.

Boarium.

Transitorium diui Neruæ.

Olitorium.

Pistorium.

Imperatoris Neruæ Traiani Cæs. Aug.

Domitij Ahenobarbi.

Suarium vel Syarium.

Archemorium.

Diocletiani Imperatoris.

Gallorum.

Rusticorum.

Cupedinis ad Corneta.

Piscarium.

C. Crispi Sallustij.

Aurelium.

Cædicij.

Basilicæ XXI.

Vlpia.

L. Paulli in foro.

Vestini.

Iulia.

Neptunnij, aliàs Neptunij, vel Neptuni.

Basilica { Macidij, aliàs Matidij, vel Matidia.

Marciana.

Vascellaria: alias vastellaria.

Filicelli: aliàs Floselli. vel Flosselli.

Sicini, vel Sicimini.

Constan-

Basilica { Constantiniana.
 Porcia: à Porcio Catone
 facta.
 L. Paulli vetus.
 Argentaria.
 Opimiana.
 Æmilia.
 Fulvia.
 Mammæa.
 Antoniniana.

Campi XVII.

Campus { Viminalis.
 Esquilinus.
 Agrippæ.
 Martius.
 Codetanus.
 Bruttianus.
 Lanatarius.
 Pecuarius.
 Vaticanus trans Tybe-
 rim.
 Ridiculi.
 Martialis.
 Cœlimontanus.
 Furinarum.
 Trigeminorum.
 Volcani.
 Iouis.
 Licinij.

Thermæ XX.

Thermæ { Traiani.
 Titi Cæsaris.
 Agrippæ.
 Syriacæ.
 Commodianæ.
 Seuerianæ alias Varia-
 næ.
 Antoninianæ.
 Alexandrinæ.

Thermæ { Diocletianæ.
 Decianæ.
 Constantinianæ.
 Septimianæ.
 Olympiadis.
 Philippianæ.
 Traianę priuatę & pu-
 blicæ.
 Neronianæ.
 Nouati.
 Hadriani Imp.
 Varianæ in Auentino.

Iani quadrifrontes XXXVI. per
 omnes regiones marmoribus
 incrustati & adornati insigni-
 is miliaribus & signis.

Duo præcipui ad arcum Fabia-
 num, superior inferiorque.

Via XXXI.

Via { Appia.
 Latina.
 Lauicana, vel Labicana.
 Campana.
 Prænestina.
 Tiburtina, vel Gabina.
 Collatina.
 Nomentana, vel Figulensis,
 vel Ficulnensis.
 Salaria.
 Flaminia.
 Æmilia.
 Claudia, vel Clodia.
 Valeria, noua & vetus.
 Ostiensis.
 Laurentina.
 Ardeatina.
 Setia.
 Quinctia.
 Gallicana,

Trium-

Via } Triumphalis,
 Patinaria.
 Cimina.
 Cornelia.
 Tiberina,
 Aurelia.
 Cassia.
 Portuensis.
 Gallica.
 Laticulensis, vel Ianiculēsis.
 Flauia vel Traiana.

Capitola II. nouum & vetus.
 Amphitheatra II.
 Colossæ II.
 Columnę Cochlides II.
 Theatra III. aliās IV.
 Circi II X. alias IX.
 Ludi V. alias VI. aliās VII.
 Naumachiæ V. alias VI.
 Stadia II.
 Nymphæa XII. vel XI. vel XV.
 Macella II.
 Equi ænei inaurati XXCIV.
 Equi eburnei CXXIV. vel XCIV.
 Equi magni XXIV.
 Tabulæ & signa sine numero.
 Arcus marmorei XXXVI.
 Lupanaria XLVI.
 Latrinæ publicæ CXLIV.
 Colossi ænei XXXVII.
 Colossi marmorei LI.
 Obelisci magni VI. duo in Circo
 maximo. maior est ped. CXXXII.
 minor est pēdum, XXCIIXS.
 Obeliscus in Campo martio altus
 pedes LXXII.
 Obeliscus in Circo Vaticano al-
 tus pedes LXXII.
 Duo obelisci in Mausoleo Augu-
 sti pares : singuli ped. XXIIIS.

Obeliscus in insula Tiberina.
 Obelisci paruix LII. in plerisque
 sunt notæ Ægyptiæ Hierogly-
 phicæ.
 Bibliothecæ vnde triginta publi-
 cæ. Ex his præcipuæ sunt
 Palatina & Vlpia.

Pontes II X.

Pons Miluius.
 Pons Ælius.
 Pons Aurelius vel Vaticanus.
 Pons Ianiculensis.
 Pons Fabricius.
 Pons Cestius.
 Pons Æmilius. qui olim diceba-
 tur Sublicius.

Mensæ oleariae 1000 CC100 CC100
 M100. id est 74000. vel CC100
 CC100 M100. id est 24000.

Mœnium Urbis ambitus habet
 Turres CCC LX.

Portæ Urbis numerantur ab O-
 nuphrio & aliis XXXVII.

Hodie sunt XX.

Porta Flumentana vel Flaminia.
 nunc Porta Populi.

Porta Collatina vel Pinciana.

Porta Quirinalis, quæ & Agona-
 lis & Collina : hodie vocatur
 Salaria.

Porta Viminalis, vel Ficulnensis,
 vel Numentana : hodie dicitur
 S. Agnetis.

Tiburtina porta.

Exquilina, vel Taurina : nunc Por-
 ta S. Laurentij.

Porta Næuia, olim Lauicana vel
 Labicana. dicitur hodie Porta
 maior.

Porta Cælimontana, siue Afina-
ria: nunc Sancti Ioannis.

Porta Gabinia.

Porta Latina.

Porta Capena, vel Camæna, vel
Appia; vel Triumphalis, vel
Fontinalis: nunc dicitur Sancti
Sebastiani.

Porta Tergemina, hodie non at-
tingit mœnia.

Porta Ostiensis: hodie dicitur S.
Pauli.

Porta Portuensis: quæ nunc est

porta Ripæ.

Porta Aurelia hodie dicitur porta
sancti Pancratij.

Porta Septimiana.

Porta Ælia: nunc Castelli S. An-
geli.

Sunt & aliæ in Vaticano colle:
Porta Pertusa in altiore collis par-
te.

Porta Sancti Petri sub hortis Pon-
tificiis.

Porta Sancti Onufrij, ad Palatium
Cælianum.

DE TRIBVBVS VR- BIS ROMÆ.



D hunc tractatum de regionibus, Insulis, vicis, & aliis lo-
cis, qui in vrbe Romana describuntur ab auctoribus, re-
ferri possunt ea quæ de Tribubus vrbis traduntur: quæ
quia singulæ loca certa vrbis complectebantur, non absurdè cum
gionibus vrbis comparari possunt.

Tribus igitur dicta est aliqua pars vrbis, vel agri Romani: erant
enim partes distinctæ locis in vrbe diuersis, & regionibus vndique
circum Urbem per Italiam dispersis.

Cum enim Romulus post interfectum Amulium patrum,
& restitutum regnum Albæ Longæ Numitori auo Amulij fratre, à
quo pulsus erat regno, accersitis in societatem pastoribus, & ali-
quot Albanis, quibus se iunxerunt aliquot Græcanici generis ho-
mines, qui antea Palatinum montem incolebāt: cum iis, inquam,
statuit Alba relicta nouam urbem condere: Quod vbi factum es-
set vt testatur Dionysius Halicarnaseus lib. 2. omnem multitudi-
nem eorum, qui ad eum confluerant, in tres partes diuisit, ac sin-
gulis sua loca distribuit habitanda illisque Ducem aliquem virum
clarum ac strenuum præposuit. Deinde partes illas populi (quas
Tribus vocauit) singulas in decem partitus est Curias: singulisque
totidem fortissimos viros præfecit. Tribuum nomina fuerunt:

Rammen-

Ramnenfis, Titienfis, & Lucerum. Ramnenses à Romulo Urbis cōditore nomen sortiti sunt: & ex eorum numero fuere pastores & Albani aliquot, cum Graculis antiquis loci illius habitatoribus quibus Palatinus & Coelius montes incolendi dati sunt.

Titienfes vocati sunt à Tito Tatio Sabinorum rege: contra quem Romulus bellum gessit: iisque victis & superatis, vitam incolumem concessit, eorumque regem Tatium cum Sabinis omnibus Romam transtulit, & in societatem regni admisit. deditque Capitolium & Quirinalem habitandum.

Luceres à Lucumone dicti sunt, vel à Lucretino, vel potius ab Afyli Luco, quem Romulus refugium omnium exulum proposuerat, ut quicumque (cuiuslibet criminis rei essent) ad eum confugerent, vitam saluam, incolumitatem & libertatem adipiscerentur, ac ciuitate donarentur: Ideo multi ex omni circumiacente vicinia quotidie Romam confluebant, ex Latio, Etruria & ex Ardeatibus, illique aduentitiæ multitudini Romulus concessit loca plana; quæ sunt inter Palatinum & Capitolium, quæque circa forum continebantur.

Tres hæ Tribus sub Tarquinio Prisco duplicatæ sunt, aucta mirum in modum multitudine: cumque recenter Ciuitate donatis in alias Tribus vellet distribuere, à Nauio Augure prohibitus est ne nouas tribus faceret, sed iis contentus esset sub quorum nominibus Regni gubernacula fuerat adeptus. Is igitur non audens aliquid innouare, multitudinem nouam in tres alias Tribus partitus est: iisque nomina priora à Romulo indita reliquit: ita tamen ut Ramnenses primos & secundos dixerit, Titienfes primos & secundos, & Luceres primos secundosque.

Seruius Tullius hunc postea auxit numerum: de quo ita Dionysius Halic. lib. 4. Tullius postquam septem colles vno muro cōplexus est, urbem in quatuor partes diuisit, à collibus cognominatas, in Palatinam, Suburranam, Collinam, & Esquilinam. addit idem Dionysius: Diuisit & vniuersum agrum in partes viginti sex: ita ut essent quatuor Tribus Urbanæ, & viginti sex rusticæ: ita factæ sunt triginta Tribus.

Carolus Sigonius lib. 3. de antiq. iur. ciu. Rom. cap. 3. dicit, Seruium Tullium aucta mirum in modum aduentitia multitudine, urbem adiuncto Viminali & Esquilino collibus ampliorem fecit:

eamque distribuit in quatuor partes siue Tribus, Suburanam, Palatinam, Esquilinam, & Collinam: Vniuersamque multitudinem rusticam, in quindecim tribus partitus est: quarum sunt hæc nomina: Romilia, Læmonia, Pupinia, Galeria, Pollia, Voltinia, Æmilia, Cornelia, Fabia, Horatia, Menenia, Papiria, Sergia, Veturia, & Claudia.

Postea successu temporis aliæ his additæ sunt: Nam vindicata in Libertatem ciuitate, anno c c l i x. post urbem conditam adiunctæ sunt aliæ duæ, Crustumina, & Veientina. Anno autem urbis c c c l x v i. quatuor iterum additæ sunt, Stellatina, Tromentina, Sabatina, & Arnienfis: Anno c c c x v v. Pomptina & Publilia. Anno c c c c x x i. Mitia & Scaptia: Anno c c c c x x x v. Ventina, & Falerina. Anno c c c c l i v. Anienfis & Tarentina. Anno d x i i. Vestina & Quirina. Ita earum numerus creuit vsque ad trigintaquinque.

A principio nouæ urbis primum locum obtinebant Urbanæ Tribus, sed postea Rusticæ prælatæ sunt: quod hæ in agricultura verarentur, & labore frugifero, illæ vero in vrbe inutili aut saltem non necessario marcerent otio. Factumque est vt optimates inter rusticas Tribus cenferi voluerint, & ex suo nomine Tribus, in quibus inserierant, appellare, abolitis prioribus locorum nominibus.

Tribuum singulorum nomina.

- I. Suburana Tribus prima fuit inter Urbanas Tribus. sic dicta, quod sub antiqua esset vrbe: ea occupabat Cœlium montem, & loca circumuicina.
- II. Exquilina, dicta est ab Esquiliis: quod in ea urbis parte confisteret.
- III. Collina complectebatur colles Quirinalem & Viminalem.
- IIII. Palatina sita erat in Palatino & Capitolio montibus.
- V. Romilia prima fuit rusticanarum Tribuum: sita erat in agro Veientum sub Roma, prope urbis mœnia secundum fluiuium, vsque ad maris ostia, protendebaturque trans Tiberim.
- VI. Lemonia dicta est à Lemonio pago, qui est ad portam Capenam & viam Latinam.
- VII. Pupinia, ab agro Pupino, qui erat in Latio cis Tiberim ad mare vergens.
- VIII. Galeria, à Galeo flumine Tusciæ.

IX. Pollia

- IX. Pollia, incertum est unde deriuetur eius nomen.
- X. Voltinia: & hæc incertam habet denominationem.
- XI. Claudia, ab Actio Clauso (qui postea Appius Claudius vocatus est, nomen cepit, quod in eam adscriptus esset cum suis clientibus Regillo profugus & ciuitate donatus.
- XII. AEmilia ab AEmiliorum gente illustri: nam postea tribus rusticæ relictis locorum appellationibus, à familiis splendidioribus nomina sumpserunt.
- XIII. Cornelia, à Corneliorū gente nobilissima inter Romanos.
- XIV. Fabia, à Fabiis.
- XV. Horatia ab Horatiis.
- XVI. Menenia, à Meneniis.
- XVII. Papiria, à Papiriis.
- XVIII. Sergia, à Sergiis.
- XIX. Veturia à Veturiis: hæc prius dicebatur Vetusia.
- XX. Crustumina vel Clustumina, dicta est ab vrbe Thuscorum Crustumino vel Clustumino.
- XXI. Veientina, à Veiis, vel ab agro Veientum.
- XXII. Stellatina à Stellate agro Thuscorum.
- XXIII. Tromentina à campo Tromento in Thuscia.
- XXIV. Sabatina, à Lacu Sabate in Thuscia: qui vocatur hodie Anguillaria.
- XXV. Arnienfis ab Arno Tusco flumine.
- XXVI. Promptina à Promptina vrbe Volscorum, prope Terracina.
- XXVII. Popilia, vel Poplilia, vel Publilia, à quadam matrona Felici Popilia, cuius nomen erat auspicatum apud suos.
- XXIX. Mæcia, à Castro Mæcio prope Lanuuium.
- XXIX. Scaptia, ab vrbe Latij Scaptia.
- XXX. Vfentina, ab Vfente fluuio agri Priuernatis.
- XXXI. Falerina, ab agro Falerno in Campania.
- XXXII. Anienfis, ab Aniene amne Sabinorum.
- XXXIII. Terentina, à Terento loco in Campo Martio.
- XXXIV. Velina à Lacu Velino in Sabinis.
- XXXV. Quirina à Curenfibus Sabinis.

P. VICTORIS
DE REGIONIBVS
VRBIS ROMÆ,
LIBER.

REGIO PRIMA.

Porta Capena.

& ædes Camœnarum.
 Drusianus.
 Sulpiti vltterioris.
 Sulpiti citerioris.
 Vicus } Fortunæ obsequentis.
 Puluerarius.
 Honoris & Virtutis.
 trium ararum.
 Fabriti.
 Ædes Martis.
 Ædes Mineruæ.
 Ædes Tempestatis.
 Area Apollinis.
 Area Spei.
 Area Galli, siue Thalli, siue Gal-
 liæ.
 Area Pinaria.
 Area Carfuræ.
 Lacus Promethei.
 Lacus Vespasiani.
 Balineum Torquati.
 Balineum Vectij Bolani.
 Balineum Mamertini.
 Balineum Abascantiani.
 Balineum Antiochiani.
 Thermæ Seueriæ.
 Thermæ Commodianæ.
 Arcus D. Veri Parthici.
 Arcus D. Traiani.
 Arcus Drusi.

Mutatorium Cæsaris.

Almo fluuius.

Vici IX.

Ædiculæ X.

Vicomagistri XXXVI.

Curatores II.

Denunciatores II.

Insulæ IIII. mil. CCL.

Domus CXX.

Horrea XIII.

Balineæ priuatæ LXXXII.

Lacus LXXXIII.

Pistrina XX.

Regio in ambitu continet pe-
des XII. mil. CCXXII.

REGIO SECVNDA.

Cælimontium.

Templum Claudij.
 Macellum magnum.
 Campus Martialis.
 Lupariæ.
 Antrum Cyclopi.
 Castra Peregrina.
 Caput Africæ.
 Arbor Sancta.
 Domus Philippi.
 Domus Vectiliana.
 Regia Tulli Hostilij, templumq;
 quod is in Curiam redegit or-
 dine à se aucto id est patribus
 minorum gentium.

Mansiones Albanæ.
 Mica aurea.
 Armamentarium.
 Spolium Samarium.
 Ludus matutinus.
 Ludus Gallicus.
 Cohortes quinque Vigilum.
 Vici VI.
 Ædiculæ VIII.
 Vicomagistri XXVIII.
 Curatores II.
 Denunciatores II
 Insulæ III. mil.
 Domus CXXXIII.
 Horrea XXIII.
 Balineæ priuatæ XX.
 Pistrina XII.
 Regio in ambitu continet pedes
 XII. mil. CC.

R E G I O T E R T I A.

Isis & Serapis moneta.

Amphitheatrum, quod capit loca
 LXXXVII. mil.
 Ludus magnus.
 Ludus Dacicus.
 Domus Bryttiana.
 Saimum Choragium.
 Prætura præsentissima.
 Thermæ Titi Cæs. Aug.
 Thermæ Philippi Cæs. Augusti.
 Thermæ Traiani Cæs. Aug.
 Lacus Pastoris.
 Schola Quæstorum.
 Schola Capulatorum.
 Porticus Liuia.
 Castra Misernatium,
 Suburra.
 Vici VIII.
 Ædiculæ VIII.
 Vicomagistri XXIV.

Curatores II.
 Denunciatores II.
 Insulæ II. mil. DCCLVII.
 Domus CLX.
 Horrea XVIII.
 Balineæ priuatæ LXXX.
 Lacus LXV.
 Pistrina XII.
 Regio in ambitu continet pedes
 XII. mil. ccccl.

R E G I O Q V A R T A.

Templum Pacis.
 Templum Remi.
 Templum Veneris.
 Templum Faustinae.
 Templum Telluris.
 Via sacra.
 Basilica Constantini.
 Basilica Pauli Æmilij.
 Sacriportus.
 Forum transitorium.
 Balineum Daphnidis.
 Porticus Asidata.
 Area Vulcani cum Vulcanali: vbi
 Lotos à Romulo sata: in qua a-
 rea sanguine per biduum pluit.
 Buccina aurea, vel Buccinum au-
 reum.
 Apollo sandaliaris.
 Horea Cartharea, vel tastaria, vel
 testaria.
 Sororium tigillum.
 Colossus altus ped. cii. semis ha-
 bens in capite radios vii. sin-
 guli pedum xxi. semis
 Meta sudans.
 Carinæ.
 Domus Pompeij.
 Auita Ciceronum domus.

Vici VIII.
 Ædiculæ VIII.
 Vicomagistri XXXII.
 Curatores II.
 Denunciatores II.
 Insulæ II. Mil. DCCCLVII.
 Domus CXXXVIII.
 Horrea VIII.
 Balineæ priuatæ LXXV.
 Lacus LXXVIII.
 Pistrina XII.
 Regio in ambitu continet pedes
 XIII, mil.

REGIO QVINTA.

*Exquilina cum Turri & colle
 Viminali.*

Lacus Promethei.
 Macellum Liuiani.
 Nymphæum D. Alexandri.
 Cohortes VII. Vigili.
 AEdes Veneris Erycinæ ad por-
 tam Collinam.
 Horti Plantiani vel Plautiani.
 Horti Mecænatis.
 Regia Serui Tulli.
 Hercules Sullanus.
 Amphitheatrum castrense.
 Campus Exquilinus & lacus.
 Campus Viminalis sub aggere.
 Lucus Petelinus.
 Templum Iunonis Lucinæ.
 Lucus Faguralis.
 Domus Aquilij iureconfulti, Q.
 Catuli, & M. Crassi.
 Ara Iouis Viminei.
 Minerua medica.
 Isis patricia.
 Lauacrum Agrippinæ.

Thermæ Olympiadis.
 Vici XVI.
 Ædiculæ totidem.
 Vicomagistri LX.
 Curatores II.
 Denunciatores II.
 Insulæ III. mil. DCCCL.
 Domus CLXXX.
 Lacus LXXIX.
 Horrea XXI.
 Balineæ priuatæ LXXV.
 Pistrina XII.
 Regio in ambitu continet pedes
 XV. mil. DCCCC.

REGIO SEXTA.

Alta Semita.

Vicus Bellonæ.
 Vicus Mamuri.
 Templum Salutis in colle Quiri-
 nale.
 Templum Serapeum.
 Templum Apollinis & Clatræ.
 Templum Clatræ.
 Templum Floræ & Circus.
 Floralia.
 Capitolium vetus.
 Diuus Fidius in colle.
 Forum Salustij.
 Fortuna publica in colle.
 Statua Mamuri plumbea.
 Templum Quirini.
 Domus Attici.
 Malum Punicum: ad quod Do-
 mitianus DD. templum gentis
 Flauiae: & erat domus eius.
 Horti Salustiani.
 Senatum mulierum.
 Thermæ Diocletianæ.

Thermæ

Thermæ Constantinianæ.

Balinea Pauli.

Decem Tabernæ.

Ad Gallinas albas.

Area Calidij.

Cohortes III, Vigilum.

Vici XII.

Ædiculæ XVI.

Vicomagistri XLVIII.

Curatores II.

Denunciatores II.

Insulæ III. mil. DV.

Domus CXLV.

Horrea XVIII.

Balinea priuatæ LXXV.

Lacus LXXVI.

Pistrina XII.

Regio in ambitu continet pedes
XV. mil. DC.

REGIO SEPTIMA.

Via lata.

Lacus Ganymedis.

Cohortes VII. Vigilum: aliter,
primorum Vigilum,

Arcus nouus.

Nymphæum Iouis.

Ædicula capraria.

Campus Agrippæ.

Templum Solis.

Castra Gentiana: aliter Cipsiana.

Porticus Constantini.

Templum nouum Spei.

Templum nouum Fortunæ.

Templum nouum Quirini.

Sacellum Genij Sangi.

Equi ænei Tiridatis.

Forum suarium.

Forum Archemorium.

Horti Argiani,

Pila Tiburtina.

Ad mansuetos,

Lapis pertusus.

Vici X.

Vicomagistri XL.

Curatores II.

Denunciatores II.

Insulæ III. mil. CCC LXXXV.

Domus CXX.

Horrea XXV.

Pistrina XVI.

Balinea priuatæ LXXVI.

Lacus LXXVI.

Regio in ambitu continet pedes
XII. mil. DCC.

REGIO OCTAVA.

Forum Romanum.

Rostra Populi Romani.

Ædes Victoriæ, cum alia ædícula
victoriæ virginis DD. à Portio
Catone.

Templum Iulij Cæs. in foro.

Victoriæ aureæ statua in templo
Iouis opt. max.

Ficus Ruminalis & Lupercal vir-
ginis.

Columna cum statua M. Ludii.

Græcostasis.

Ædes Opis & Saturni in vico iu-
gario.

Miliarium aureum.

Senatulum aureum.

Pila Oratia: vbi trophæa locata
nuncupantur Curia.

Templum Castorum ad lacum
Iuturnæ.

Templum Concordiæ.

Equus æneus Domitiani.
 Atrium Mineruæ.
 Ludus Aimulius.
 Iulia Porticus.
 Arcus Fabianus.
 Puteal Libonis.
 Iani duo, celebris mercatorum
 locus.
 Regia Numæ.
 Templum Vestæ.
 Templum Deûm Penatium.
 Templum Romuli.
 Templum Iani.
 Forum Cæsaris.
 Stationes municipiorum.
 Forum Augusti cum æde Martis
 vltoris.
 Forum Traiani cum templo & e-
 quo æneo, & columna cochli-
 de, quæ est alta pedes cxxviii.
 habetque intus gradus clxxv.
 fenestellas xlv.
 Cohortes vi. Vigilum.
 Ædícula Concordiæ supra Græ-
 costasin.
 Lacus Curtius.
 Basilica argentaria.
 Umbilicus Urbis Romæ.
 Templum Titi & Vespasiani.
 Basilica Pauli cum Phrygiis colu-
 mnis.
 Ficus Ruminalis in Comitio, vbi
 Lupercal.
 Ædes Veïouis inter arcem & Ca-
 pitolium prope Afylum.
 Vicus Lygurum.
 Apollo translatus ex Apollonia à
 Lucullo xxx. cubitum.
 Delubrum Mineruæ.
 Ædícula Iuuentæ.

Porta Carmentalis versus circum
 Flaminium.
 Templum Carmentæ.
 Capitolium, vbi omnium Deo-
 rum simulachra celebrantur.
 Curia Calabra: vbi Pontifex mi-
 nor dies pronunciabat.
 Templum Iouis Opt. Max.
 Ædes Iouis Tonantis. ab Aug.
 DD. in cliuo Capitolino.
 Signum Iouis Imperatoris, à Præ-
 neste deuectum.
 Afylum.
 Templum vetus Mineruæ.
 Horrea Germanica.
 Horrea Agrippina.
 Aqua cernens quatuor Scauros.
 Forum Boarium.
 Sacellum Pudicitia Patritia.
 Ædes Herculis Victoris duæ; alte-
 ra ad portam Tergeminam, al-
 tera in foro Boario cognomine
 rotunda & parua.
 Forum piscarium.
 Ædes Matutæ.
 Vicus Iugarius, idem & thurarius:
 vbi sunt aræ Opis & Cereris
 cum signo Vertumni.
 Carcer imminens foro à Tullo
 Hostilio ædificatus media vrbe.
 Porticus Margaritaria.
 Ludi Literarij.
 Vicus vnguentarius.
 Ædes Vortumni in vico Thusco.
 Elephantus herbarius.
 Vici XII.
 Ædícula totidem.
 Vicomagistri XLVIII.
 Curatores II.
 Denunciatores II.

Insulæ III. mil. DCCCLXXX.

Domus CL.

Balneæ priuatæ. LXVI.

Horrea XVIII.

Lacus CXX.

Pistrina XX.

Regio in ambitu continet pedes
XII. mil. DCCCLXVII.

REGIO NONA.

Circus Flaminius.

Stabula IIII. Factionum.

Ædes antiqua Apollinis cum lauacro.

Ædes Herculi magno custodi
Circi Flamini.

Porticus Philippi.

Ædes Vulcani in Circo Flaminio.

Mimitia verus.

Mimitia frumentaria.

Porticus Corinthia CN. Octauij,
quæ prima duplex fuit.

Crypta Balbi.

Theatrum Balbi: capit loca xxx.
mil. xc v. cl. Cæsar dedica-
uit: & appellatur à vicinitate.

Iuppiter Pompeianus.

Theatrum Marcelli: capit loca
xxx. mil. vbi erat aliud tem-
plum Iani.

Delubrum CN. Domitij.

Carcer cix. virum.

Templum Bruti Callaici.

Villa Publica: vbi primùm Populi
census est actus in Campo Mar-
tio.

Campus Martis.

Ædes Iuturnæ ad aquam virgi-
neam.

Septa Trigaria.

Equiria.

Horti Lucullani.

Fons Scipionum.

Sepulchrum Augustorum.

Ciconiæ nixæ.

Pantheon.

Theatrum Pompeij.

Basilica Macidii.

Basilica Martiani.

Templum Diui Antonini, cum
cochlide columna: quæ est al-
ta pedes CLXXV. habet intus
gradus CCVI. & fenestellas
LVI.

Thermæ Hadriani.

Thermæ Neronianæ: quæ postea
Alexandrinæ.

Thermæ Agrippæ.

Templum boni Euentûs.

Ædes Bellonæ, versus portam
Carmentalem: ante hanc æ-
dem columna index belli in-
ferendi.

Porticus Argonautarum.

Meleagricum.

Iseum.

Serapeum.

Mineruium.

Minerua Chalcidica.

Insula Phelidij siue Phelidis.

Vici xxx.

Ædiculæ totidem.

Vicomagistri CCXX.

Curatores II.

Denunciatores II.

Insulæ III. mil. DCC. LXXXVIII.

Domus CXL.

Balneæ priuatæ LXXX.

Horrea XXI.

Pistrina xx.

Regio in ambitu habet pedes xxx.
mil. D.

REGIO DECIMA.

Palatium.

Vicus Padi.

Vicus Curtarum.

Vicus Fortunæ respicientis.

Vicus Salutaris.

Vicus Apollinis.

Vicus cliuusque diei.

Roma quadrata.

Ædes Iouis statoris.

Prata Bacchij : vbi fuerunt ædes
Vitruuij Fundani,

Ara Febris.

Templum Fidei.

Ædis matris Deûm : huic fuit cõ-
terminum delubrum Sospitæ
Iunonis.

Domus Ceioniorum.

Suelia.

Iouis Cœnatio.

Ædes Apollinis : vbi lychni pen-
debant instar arboris mala fe-
rentis.

Ædis Deæ viri placę in Palatio.

Bibliothecæ.

Ædis Rhamnusiæ.

Pentapylon Iouis arbitratoris.

Domus Augustana.

Domus Tiberiana.

Sedes Imperij Romani.

Auguratorium.

Ad Mammæam : hoc est dictæ
Mammææ.

Ara Palatina.

Ædes Iouis victoris.

Domus Dionysij.

Domus Q. Catuli.

Domus Ciceronis.

Ædes Dilouis.

Velia.

Curia vetus.

Fortuna respiciens.

Septizonium Seueri.

Victoria Germaniciana.

Lupercal.

Vici VI.

Ædiculæ totidem.

Vicomagistri xxiiii.

Curatores II.

Denunciatores II.

Insulæ II. mil. DCLIV.

Domus LXXXVIII.

Lacus LXXX.

Horrea XLVIII.

Pistrina xx.

Balneæ priuatæ xxxvi.

Regio in ambitu habet pedes
xii. mil. DC.

REGIO VNDECIMA.

Circus Maximus.

Circus Maximus qui capit loca
CCCLXXXV. mil. xii. portę.

Templum Mercurij.

Ædes Ditis Patris.

Ædes Cereris.

Ædes Veneris : opus Fabij Gur-
gitis.

Ædes Portumni ad pontem Ai-
milij, olim Sublici.

Porta Trigemina.

Salinæ.

Apollo Cœlis pex.

Ædes Portumni.

Hercules

Hercules oliuarius.
 Ara maxima.
 Templum Castoris.
 Ædes Cereris.
 Ædes Pompeij.
 Obelisci duo, iacet alter, alter erectus,
 Ædes Murcia.
 Ædes Consi subterranea.
 Forum olitorium: in eo columna est lactaria; ad quam infantes lacte alendos deferunt.
 Ædes Pietatis in foro olitorio.
 Ædes Iunonis Matutæ.
 Velabrum maius.
 Vici VIII.
 Ædiculæ totidem.
 Vicomagistri XXXII.
 Curatores II.
 Denunciatores II.
 Insulæ M. DC.
 Domus LXXXIX.
 Balineæ priuatæ XV.
 Horrea XVI.
 Lacus LX.
 Pistrina XII.
 Regio in ambitu continet pedes XI. mil. D.

REGIO XII.
Piscina publica.

Veneris almæ.
 Piscinæ publicæ,
 Dianæ.
 Vicus { Ceios.
 Triari.
 Aquæ salientis.
 Laci recti.

Fortunæ mammosæ.
 Galapeti pastoris.
 Vicus { Portæ Radusculanæ,
 Portæ Næuiæ.
 Victoris.

Horti Asiniani.
 Area radicaria.
 Caput viæ nouæ.
 Fortuna mammosa.
 Isis Antenodoria.
 Ædes Bonæ Deæ subsaxanæ.
 Signum delphini.
 Thermæ Antoninianæ.
 Septem domus Parthorum.
 Campus lanatarius.
 Domus Chilonis.
 Cohortes III. Vigilum.
 Domus Cornificij.
 Priuata Hadriani.
 Vici XII.
 Ædiculæ totidem.
 Vicomagistri XLVIII.
 Curatores II.
 Denunciatores II.
 Insulæ II. mil. CCCCLXXXVI.
 Domus CXIV.
 Balineæ priuatæ XLIV.
 Lacus LXXX.
 Horrea XXVI.
 Pistrina XX.
 Regio in ambitu habet pedes XII. mil.

REGIO XIII.
Auentinus.

Fidij.
 Vicus { Frumentarius.
 trium viarum.

Cefeti.
 Valeri.
 Laci miliarij.
 Fortunati.
 Vicus { Capitis Canteri.
 triumphalium.
 nouus.
 Loreti minoris.
 Armilustri.
 AEdes Consi.
 Vicus Columnæ lignæ.
 Minerua in Auentino.
 Vicus Materius.
 Vicus mundicieï.
 Vicus Loreti maioris : vbi erat
 Vertumnus.
 Vicus Fortunæ dubiæ.
 Armilustrum.
 Templum Lunæ in Auentino.
 Templum commune Dianæ.
 Thermæ Varianæ.
 Templum Libertatis.
 Doliolum.
 AEdes bonæ Deæ in Auentino.
 Priuata Traiani.
 Remuria.
 Atrium Libertatis in Auentino.
 Mappa aurea.
 Platanon.
 Horrea Aniceti.
 Scalæ Gemoniæ.
 Porticus Fabraria.
 Schola Cassij.
 Templum Iunonis Reginæ à Ca-
 millo DD. Veiis captis.
 Forum Pistorium.
 Vici xvii.
 AEdiculæ totidem.
 Vicomagistri LXXIII.
 Curatores II.

Denunciatores II.
 Insulæ II. mil. CCCCLXXXVIII.
 Domus CII.
 Balinæ priuatæ LXXIII.
 Lacus LXXVIII.
 Horrea XXVI.
 Pistrina XX.
 Regio in ambitu habet pedes
 XVI. mil. CC.

R E G I O XIII.

Trans Tyberim.

Vicus { Censorij.
 Gemini.
 Rostrati.
 Longiaquilæ.
 Statuæ Siccianæ.
 Quadrati.
 Raciliani maioris.
 Raciliani minoris.
 Ianuclensis.
 Bructanus.
 Vicus { Larum ruralium.
 Statuæ Valerianæ.
 Salutaris.
 Pauli.
 Sex. Lucei.
 Simi Publici.
 Vicus Patratilli.
 Laci restituti.
 Saufei.
 Sergij.
 Ploti.
 Viberini.
 Graianum.
 In Insula ædes Iouis & AEsculapij
 & Fauni ædes.
 Naumachiæ.

Cornifce.
 Vaticanus.
 Hortus Domitij.
 Ianiculum.
 Mamæ sacellum.
 Balineum Ampelidis.
 Balineum Priscillianæ.
 Statua Valeriana.
 Statua Siciniana.
 Sepulchrum Numæ.
 Cohortes VII. Vigilum.
 Caput Gorgonis.
 Templum fortis Fortunæ.
 Area Septimiana.
 Ianus Septimianus.
 Hercules cubans.
 Campus Bruttanus.

Campus Codetanus.
 Horti Getæ.
 Castra lecticariorum.
 Vici xxii.
 AEdiculæ totidem.
 Vicomagistri lxxxviii.
 Curatores II.
 Denunciatores II.
 Insulæ iiii. mil. ccccv.
 Domus cl.
 Balinæ priuatæ lxxxvi.
 Lacus clxxx.
 Horrea xxii.
 Pistrina xxii.
 Regio in ambitu habet pedes
 xxxiii. mil. cccclxxviii.

SENATVLA TRIA. Vnum inter Capitolium & forum vbi magistratus cum Senioribus deliberant : Alterum ad Portam Capenam: Tertium circa ædem Bellonæ in Circo Flaminio, vbi dabatur Senatus legatis, quos in urbem admittere nolebant. Quartum Senatulum matronarum in Quirinali Antonius Pius Bassiani filius fecit.

BIBLIOTHECÆ vnde triginta publicæ: ex iis præcipuæ duæ, Palatina & Vlpia.

OBELISCI magni VI. duo in Circo Maximo: Maior est pedum cxxxii. Minor pedum lxxxviii. semis. Vnus in Vaticano pedum lxxii. Vnus in Campo Martio pedum lxxii. duo in Mausoleo Augusti pares, singuli ped. xlii. semis.

OBELISCI parui xlii. in plerisque sunt notæ Aegyptiorū.

PONTES VIII. Miluius. Aelius. Ianuclensis, Fabricius; Cestius. Palatinus. Aimulius, qui ante Sublicius.

Campi. VIII. Viminalis. Exquilinus. Agrippæ. Martius. Codetanus. Bructanus. Lantarius. Pecuarius. Vnus vltra Tyberim. Campus Vaticanus extra numerum.

FORA XVII. Romanum, quod dicitur magnum Cæsaris Augusti. Boarium. Transitorium. Holitorium. Pistorium. Traiani. AENEobarbi. Suarium. Archemorium. Diocletiani. Gallorum. Rusticorum. Cupedinis. Piscarium. Sallustij.

BASILICÆ. Vlpia. Pauli. Neptunni. Macidij. Martiana. Vastellaria. Floselli. Sinimini. Constantiniana. Basilica Portia, à Portio Catone facta.

THERMÆ XII. Traiani. Titi. Agrippæ. Syriacæ. Commodianæ. Seuerianæ. Antonianæ. Alexandrinæ, quæ & Neronianæ. Diocletianæ. Decianæ. Constantinianæ. Septimianæ.

IANI per omnes regiones incrustati & adornati signis. Duo præcipui, ad arcum Fabianum superior inferiorque.

AQVÆ XX. Appia. Martia. Virgo. Claudia. Herculanea. Tepula. Damnata. Traiana. Annia. Halsia, siue Halsientena, quæ Augusta. Cœrulea. Iulia. Argentiana. Ciminia. Sabbatina. Aurelia. Septimiana. Seueriana. Antoniana. Alexandrina.

VIÆ XXIX. Appia Latina. Labicana. Catapana. Prænestina. Tiburtina. Collatina. Nomentana quæ Figulensis. Salaria. Flaminia. Aimilia. Claudia. Valeria. Ostiensis. Laurentina. Ardeatina. Setina. Quintia. Gallicana. Triumphalis. Patinaria. Ciminia. Cornelia. Tiberina. Aurelia. Cassia. Portuensis. Gallia. Laticulensis.

Capitolia duo, vetus & nouum. Amphitheatra duo. Colossi

II. Columnæ cochlides II. Macella III. Theatra III. Ludi IV. Naumachia V. Nymphaea XI. Equi ænei inaurati XXIII. Equi eburnei XCIII. Tabulæ signa sine numero. Arcus marmorei XXXVI. Lupanaria XLV. Latrinæ publicæ CXLIV. cohortes Prætoriae X. cohortes Urbanæ IV. cohortes Vigilum VI. Excubitoria XIV. Vexilla II. Communia castra peregrina. Castra Misernatium.

Castra tabellariorum. castra lecticariorum. castra victimariorum. castra Salgamariorum. castra Salicariorum. castra equitum, singulorum II.

Mensæ oleariae XXIV.


Mil.


Impressum Francofurti apud Iohannem

Feyrabend, impensis Theodori de Bry, ciuis & sculptoris Francofurtensis.

M. D. XCVII.









II PARS
ANTIQUITATVM ROMANARVM
seu

Topographia Romanæ Urbis Iam
inde ab V. C. ad nostra vîq; tempore
maxime quando in summo flore fuit,
accuratissimâ Plateæ eiusdem cum
ædificiis & magnificis structuris pu-
blicis, effigiatæ & ordine digestæ,
Descriptio peripicua singulis
figuris appolita.

Mariani in-super et Omphri Topographia
eiusdem Urbis
a I. I. Boissardo V. primum ad Theodorum de
Bry missa, qui ad vivum ea in ære efficta
elegantissimo artificio illustravit

Omnia recens apparatus & foras data ab eodem
Theodoro de Bry Leodienſe
Francfordij. L. M D XCVII.

IN EFFIGIEM

IANI IACOBI BOISSARDI VES-
SUNTINI, PETRVS LEPIDVS METENSIS, RE-
giorum negotiorum summus Procurator apud Mediomatrices,
Virdunenses, & Tullianos.



Hospes, qui vagus in scientiarum
Hortis expatiaris, ut Minerva
Doctas ingenium excolas per artes;
Quem tu conspicias heic breui tabella

(:) 2

Expres-

*Expressum Bryii arte penicilli,
 Ille est Sequanici ad Dubis fluenta
 Boissardo genitus parente vates,
 Phæbo & Castaliis Deis amatus.
 Ille est qui facili stylo & colore
 Vrbes OEnotriae, & situs locorum,
 Portus, valla, pharos, lacus, cauernas,
 Montes & fluuios scaturientes,
 Diuersosque habitus manu erudita
 Descripsit, statuasque, imaginesque,
 Et prisca monumenta cuncta saculi,
 Impensisque laboribusque magnis,
 Publicam utilitatem ut adiuuaret,
 Solers edidit artifex, typisque
 AEuiterni operis Theodorici
 Libro hoc proposuit tibi intuenda.*

*Tu de te meritis bene has repende
 Grates, ut studium utriusque vultu
 Sereno excipias, probesque. Virtus
 Illorum expedit unicum hoc, nec ultra.*

IN EFFI



IN EFFIGIEM
THEODORIDE BRY LEODIEN.
SCVLP TORIS PRAESTAN-
tissimi.

TEVC. ANNÆI PRIVATI C.

Carmen

THEODORVS DE BRY LEODIENSIS

ANNO SVÆ LXIX, A° CHRI 1597



DOMINE
doce me ita reliquos vite mea dies
transigere vt in vera pietate viuam & moriar

NVL SANS SOVCY
DE BRY



*I*prior est atas mirata, toreumata cæli
PHIDIACI, doctasque manus celebresque labores
ZEUXIDIS, aut si quos dederit diuinus APELLES.
Ecquid erit nostris sua gratia cassa Magistris!
Quos nec ab ingenio, seclum hoc, nec ab arte minores
Protulit, aut labor ad meritos enexit honores.

*Aspice quam præsens THEODORI industria multos
Exuperet, palmamque usu præuertat & artes,
Dum Podagræ nodis topiisque innexus inulta
Tot monumenta parat magnum celebranda per orbem,
Iamque senex plane, sibi tot vernantibus ausis
Immortale facit nomen, seque abdicat umbris.*

*Ille & inaccessas Nabathæa per æquora gentes,
Atque alio penitus terras sub sole iacentes
Expresit scalpro, moresque habitusque DEOSQUE
Informes, nudas gentes & prælia cruda,
Arte noua effinxit, signisque inscripsit ahenis.*

*Ille Getasque Scythasque truces, Regesque Ducesque
Pannonios, structasque acies & sceptræ RODVLPHI
Cæsaris, Austrasiæque Duces, magnosque penates
Magnifico insculpsit operi insignique labori.*

*Ille tot aratis Emblemata publica signis
Protulit, ingenuos formans in imagine mores,
Erudiensque animos descriptis ære figuris.*

*Iamque recens adeo, quo non præclarius ullum
Extat opus, studio nocturno, operaque diurna
Confectum, artificisque impensa & sumptibus amplis
Exactum, quo se ter maxima ROMA stupendam
Exhibet, atque nouis iterum Natalibus exit.
Nec sese formis septem pulcherrima ROMA
Iactarit, quantum monumentis undique priscis
Fulserit, antiquis passim celebrata Colossis,
Thermis, magnificis Regionibus, Amphitheatris.
Omnia quæ medios inter nunc publica soles
Edita, & artificem THEODORVM sculpta fatentur.*

*At tibi digna tuo quænam Boissarde labore
Præmia Dii dederint merito? qui cuncta perita
Ipse manu præscripta notas & præcipis Autor.
Non tua lethæis mergetur fama sub undis,
Orbis & Urbis opus totus mirabitur istud,
Par quod amicorum Boissardus & ille Bryæus
In medium socio modo proposuere labore;
Ambo senes septem numerantes lustra senectæ,
Ambo nodosa distorti membra podagra.*

*Viuito sorte noua ter florentissima ROMA,
Cumque tuo felix operum Boissarde Bryæo,
Pro tantis meritis Superos sperate fauentes.
Pergite in Exemplum seros ornare Nepotes,
Nomen & æterna de posteritate mereri.
Ecquid in Exemplum laus hæc referenda probandum
Nimirum studii tantum, tantumque operarum
Decrepitos potuisse senes tolerare? quid obstat
Vt simili se laude ferant de more minores.*

*Hæc igitur præsens, quam cernis amice, tabella
Effigiem illius THEODORICI cominus offert:
Tu grates illi pro exhausto solue labore,
Illius utque opera quoque deinde fruarè, senectam
Sculptori vegetam latamque precare benignus.
Tum si fata diem component sera supremum,
Vt mensis Diuum & iucundo Nectare uiuat,
Æternumque ferat post ultima funera Nomen.*



TOPOGRAPHIA

ANTIQVAE VRBIS ROMAE, EX IO. BARTHO- LOMAEO MARLIANO PATRITIO

Mediolanense præfenti instituto
accommodata.

CAPVT I.

DE SITU VRBIS.



QVONIAM, quicquid in rerum natura existit, necesse est in certis finibus contineri, certoque determinari loco: ideo facturus operæ pretium mihi videor: si, quemadmodum solent Cosmographi, priusquam ad ædificiorum Urbis declarationem aggrediar, pauca quædam de situ ipsius attigero. Quod haud scio cur à cæteris in hoc scribendi genere versatis sit prætermissum: nisi forte præsentibus hominibus, temporibusque tantum satisfacere cupientes, huiusmodi laborem sibi superuacuum fore sint arbitrati. Me autem, quem haud ingratum etiam futuris, exterisque nationibus præstare oportet, summa openiti decet, ut ab illis, quacunque ratione, omissa, diligenter explere valeam, ne Luciani fabulam quandam imitatus, in aëre, araneorumque campo ædificia ipsa instaurasse, vel potius sparsisse iudicer. Quare cum nobis, sicuti poetis, non liceat, etiam in re ardua & difficili, à Deorum immortalium inuocatione, licebit saltè ab illorum domicilio, id est à Capitolio, auspicari.

Capitolinus igitur Mons maiorem ubi ostendit latitudinem, secundum pedis Romani antiquam mensuram, octingentos non excedit pedes: longitudo vero prospiciens occasum æstiuum, mille & quingentos. habet autem utrunque cornu in hemicycli formam, & in orbem septem ferme stadia amplexatur, à quo, secundum longitudinem, conualle eiusdem, vel paulo amplioris latitudinis determinatur mons Palatinus: qui vno latere pedum sexcentorum huic ita immittitur, ut Capitolium utrunque ultra ipsum porrigat cornu. Secundum vero latus eiusdem in ortum æstiuum vergens, est primo pedibus centum prolixius. A tertio, ortum hyemalem, Cælumque montem respiciente, duplici fere longitudine superatur. Quartum, cæteris omnibus maius. Circum continet Maximum: è regione vero Auentinum spectat. Constituens itaque quadrangulum quatuor laterum inæqualium, mille & ducentos passus continet Palatinus. Ad secundum latus cuius iacet planities, quæ à capite fori Romani ad extremam collis Quirinalis partem in Suburram vergentem, quingentis perficitur pedibus, interdum etiam latitudo hæc variatur. Longitudo autem comprehensa ab utroque fronte inter

re inter Capitolium, forum Neruæ, & Cœlium montem: atque hinc ab eodem Cœlio, & Palatino: inde vero à Suburra, & Esquiliiis, quod S. Marcellini ædem attingit, mille prope adimplet passus. Ad alterum autem Capitolij cornu, altera est planicies, quæ apud Marcelli theatrum vnde principium habere volumus, ab ipso monte ad Tyberim in quingentos extensa est pedes: mox vero è regione conuallis, de qua in principio egimus, quia fluuius ipse cursum oblique flectit, Auentinusque mons à Palatino recedit, latius diffunditur, coarctatur deinde inter eosdem montes, secundum variam eorum formam, vsque ad Cœliolum, vltterius vsque ad portam Capenam, ipsa tantum via Auentinus à Cœliolo dirimitur. Longitudo à dextera Tyberim, & Auentinum: à sinistra Capitolium, Palatinum, & Cœlium habet, milleque passibus vix transigitur. Capitolij, Palatini-que montis situ descripto, hisque campis, terminisque circumlepto, cum Cœlius tertius vrbi fuerit additus, tertio ordine iure sequi videtur. hic enim planicie Pyramidis formam ita constituyente, vt basis quingentorum pedum prope amphitheatrum sit, à Palatino disiungitur. in ea autem est via Appia, quæ apud Circum Maximum sola Cœlium à Palatino disternat, tenditque ad portam Capenam, relinquens à sinistra inter Cœlium & Cœliolum vallem pedum sexcentorum latitudine, secundum eandem viam: nam ad portam Gabiusam circa dimidiam partem angustior videtur. Longitudo à via Appia vltra eandem portam progrediens, stadia quatuor continet: succedunt deinceps mœnia ad stadium, quæ ad portam Asinariam vsque, cum Cœlio iunguntur, Cœliolus igitur hac valle, via Appia ab ortuque æstiuo, atq; hyemali mœnibus Vrbis clauditur, ambit autem prope mille passus. Sed ad Cœlium reuertamur. hic ab ipsa Asinaria, secundum muros Vrbis, in ortum æstiuum per quatuor fere stadia fertur: occurrunt deinde muri à fronte ad stadia duo, vsque ad portam Neuiam: à qua redeundo in occasum æstiuum via Labicana ab Esquiliiis dispartitur, mox etiam à fronte apud S. Marcellinum sese offerens ad Amphitheatrum vsque progreditur: ambit autem duo mille. & quingentos passus: variaturque eo modo, vt nulla certa forma ei constitui posse videatur, quemadmodum nec sequentibus. Nam Auentinus quartus in ordine duos montes complecti videtur, parsque ad Tyberim latior ad dimidiū ipsius montis secundum longitudinem à Tyberi ad mœnia existentem, oualem formam constituere videtur: mox enim prope portam Hostiensensem scinditur via obliqua, quæ ad angulum circi Maximi, & Cœlij montis ducens, à dextera alteram Auentini montis partem reliquit. diuisam à Cœlio via Appia vsque ad portam Capenam, à qua ad Hostiensensem muri interius sensim curuati à meridie ortuque hyemali hanc includunt. Ambitum autem totius Auentini non magis ex nostra dimensione, quam ex verbis Diony. libet ostendere, qui tertio libro sic ait: Ancus Auentinum collem modice editum, in orbem stadia ferme decem & octo complectentem muro cinxit. In decimo tamen haud minus duodecim stadiis esse tradit. Sed huius diuersitatis dubium tollit ipse dū subiungit. Non enim totus M. Valerio, & Spurio Virginio Coss. habitabatur, sed erat publicus, & sylvarum plenus. Habet autem Auentinus ab occasu solis hyemali campum late patentem quadrangulum quatuor laterum inæqualium constituentem: quorum primum in meridiem vergens sex propemodum continet stadia, & quinque in occasum: Vrbisque mœnibus ambo cinguntur. secundo oppositū parum minori transigitur spatium: quatuor vero stadiis quartum Tyberim, inter hunc ipsum campum, & Transstyberinam regionē fluentem respiciens. Sequebatur recto ordine Ianiculus mons, verum cum ab Anco Martio, non inopia loci, sed ne aliquando arx hostium esset, additus sit Vrbi, commodius relinqueretur ad eam partem, quæ Transstyberinam regionem percurreret: ad Exquilias igitur transeamus, quas à meridie via Labicana, ab occasu vero æstiuo,

valle

vallis inter Cœlium, Palatinum, & ipsas Exquilias posita, diuissimus. A Septentrione autem Suburra, & deinceps vicus Patricius à Viminali colle, vsq; ad thermas Diocletiani, dirimunt: vltcrius enim iunctę cum eodem colle vsque ad mœnia videntur: secundum quæ in portâ Exquilinam latius diffunduntur, ambitus autem quatuor millibus pass. vix perficitur, nullam certâ habens formâ, vallesq; interdum breueis includuntur, vt iure optimo Var. Exquilias ipsas duos esse mōtes dicat, in pluresq; diuidat partes. At Viminalis collis ab occasu Quirinalis respicit: interiacet autem circa stadium Suburra, quę plana appellatur; deinceps à Septentrione, inter eosdem colles, vallis Quirinalis, quatuor iugerum latitudine, longitudine vero stadiorum duorum cum dimidio. Mox enim Viminalis, vt cum Exquilis, ita cum Quirinali, vsque ad mœnia iungitur, vt nullo modo dirimi posse videatur, quod accidisse arbitramur, quia montes iactis fornicibus sunt æquati, & nedum depressis locis superimpositi sunt amplissimi fornices, verum ipsis etiam montium visceribus excauatis, perfossisq; rota penè Vrbs (vt ait Plinius) pensilis facta est. In orbem autem Viminalis ipse duo millia, & quingentos continet passus; oblongam, sicuti Quirinalis, habens formam, sed latitudo variatur. Quia demonstratum est quid habeat Quirinalis à dextera, consequens est reliqua percurrere. A sinistra enim recta à turri Militiarum ad stadia quatuor, planam Urbem ad occasum pertinentem, despicit; tertio verò latere, ad stadia sex, collem Hortulorum, in Aquilonem conuersum. interiacet autem vallis latitudine, vbi maior, quatuor iugerum, ad portam Salariam vsque propemodum producta. Circuit Quirinalis millia passuum ferè tria. Sex, secundum Var. Urbis montibus, atque vna conuallibus iam ostensis, his collem Hortulorum, quam extra antiquum fuit pomerium; addere, non absurdum opinamur; vt omnes partes Planæ Urbis melius intelligantur, faciliorq; sit cognitio eorum, quę suis locis veniūt declaranda. Is igitur collis valli Martiæ inter sese & Tyberim iacenti, ad stadia vltra tria plurimus incumbit: cuius longitudo à porta Flumentana ad Collatinam, secundum muros Urbis ceteris lateribus est longior; nam millibus passibus vix perficitur; & in medio sui ad instar curuati ad cubitum brachii existit. quanto enim magis ad Collatinam accedit, eo ampliorem præbet campum; & in orbem stadia decem & octo, plus minus, amplexatur. Tempus est iam in Planam urbem descendere, quæ à Capitolio inchoans ad portam Flaminiam nunc terminatur, ab ortu æstiuo, siue Septentrione, curriculo octo propemodum stadiorū, Quirinali, Hortulorumq; colle septa, ab occasu verò paulo maiori spatio Tyberi alluitur; ideo maiori spatio diximus propter ripas ipsius fluminis retortas. Quod si ab ea parte collis Hortulorum, quæ Domitiani Naumachiz imminet, lineam rectam deduxerimus, stadiis duobus peractis, ad ripam eiusdem flum. eregione molis Hadriani perueniemus; quatuorq; laterum inæqualium, passuum vltra tria millia complectentem, quadrangulum constitumus, relinquetur autem extra vallis Martia, quanta est inter collem Hortulorum mœnia Urbis, & Tyberim, cuius latitudo, quò magis accedit ad portam Flaminiam, eo magis arctatur. Reliquum erat in TransTyberinam regionem transire, sed prius videndum est, quo cursu ipsam ab Vrbe Tyberis interfecet. Hic enim Urbis ingrediens, murorumq; extremâ partem, Flaminiamq; portam à sinistra relinquens, quanta est vallis Martiæ longitudo, fluxu parum obliquo, & retorto defertur; mox verò sensim à Septentrione in occasum cōuersus, hemicycli formam constituit, cuius conuexum Vaticanus, concauum verò Martius existat campus deinceps, infra molem Hadriani, ad pristinū cursum redit, vsq; ad primas Auentini radices; vbi oblique in meridiem versus defluens, haud longè à porta Portuensi, Urbem egreditur. At ipsius regionis situm aggrediamur. prius tamen sciendum est Ianiculi montis partem vltra dimidiam,

esse comprehensam. Ea autem pars quæ à campo Vaticano ad stadia tria in meridiem est extensa, flumini quidem adiacet; reliqua verò muris clausa, quanto magis fertur ad exitum eiusdem fluminis, latiore relinquit campum. Muri enim Urbis ab ipso flumine recta in occasum per stadia tria ascendunt, mox per dorsum ipsius Ianiculi, totidem ferme peractis in æqualem descendunt planiciem, inde breui spatio ad exitum Tyberis perducti cum fluuio ipso rhombi formam propemodum constituunt, cuius latior pars à porta Aurelia incipiat, designat autem ad portam S. Mariæ nunc Ægyptiacæ. Ea autem pars Ianiculi, quæ est muris circumdata, quinque continet stadia. Ambit autem tota hæc trans tyberina regio cum Ianiculo millia passuum circa tria. Hæc de situ Urbis: cui & collem & campum Vaticanum addere non inconueniens esse duximus. Dictum est enim Ianiculi partem à campo Vaticano initium sumere; supra quem campum versus occasum, collis eiusdem nominis attollitur, qui duo porrigit cornua; vnum ad Ianiculum, alterum in Septentrionem, arcumque maxime intensum efficit, cuius conuexum mille passus complectatur. Ab ipso verò colle diffunditur ad Tyberim planicies longè, lateq; patens, à sinistra montibus cincta, qui in longitudinem stadia circa decem producti; cum Tyberi efficiunt latitudinem variam; quam totam, quanta his collibus adiacet, Vaticanum appellant campum. In hac autem dimensione quantum laboris sumpserimus, ne quispiam magis mihi credat, (inquit Marlianus) quàm ANTONIO Alegreto, & ANNIBALI Charo iuuenibus multiplici virtute ornatis, ac LVDVICO Fabro Fanesi viro probò, egregieq; docto, qui eiusdem laboris participes fuere. Et si aliquis nimis seuerus rerum, æstimator hanc vel illam non probet mensuram, tanquam certis stadiis, aut numeris rectè non sit deducta: ob eam rem desinat mirari, quòd forma Urbis adeò est mutata, vt pristini situs vestigiù vix retineat, neq; Romulus ipse, si reuisceret, vbi suam posuisset Urbem agnosceret, quòd accidisse certum est propter ædificiorum ingentes ruinas; quibus plurimis in locis montibus valles ita sunt æquatæ, vt vbi montes ipsi incipiant, aut desinant, non facile possit dignosci. Arbitramur tamen vel sic, hanc descriptionem non inutilem fore iis, qui Urbem non viderunt: & etiam iis, qui eam contemplati sunt. Quia cum multa prisca per eà, quæ nunc sunt, exponantur, eaq; dominum mutant, aut corruant vetustate: cum ipsis sæpe priscorum ædificiorum cognitionem amittimus. quòd accidere nequaquam poterit, si ex situs descriptione, singulis rebus proprium locum, quoad fieri poterit, assignauerimus.

CAP. II.

De primis cultoribus, & conditoribus Urbis.

URBEM Romanam in occiduis partibus, iuxtaq; Tyberim flumen positam, atque centum & viginti stadiis à Tyrreno mari distantem; barbari Siculi primi omnium tenuere. Antea verò neq; vt habitata sit, neq; vt deserta fuerit, quòd dicamus nihil certi habemus. Mox autem Aborigines, duce Oenotro Lycaonis filio, ex Arcadia ad inquisitionem agri melioris sponte huc profecti, his expulsis, locum occuparunt. Quibus deinde Pelasgi, & aliorum Græcorum quidam errabundi, profugique ex Thessalia admixti, auxilio eis ad bella cum populis finitimis, fuere. Permanserunt autem in his sedibus vsque ad bellum Troianum, priscam illam Aboriginum appellationem seruantes. Horum autem regem Saturnum fuisse memorant, qui Cretæ rex habens cum Ioue filio, de agris contentionem bello expulsus, in Italiam venit, & cum vsu vinearum, & saleis Ianu docuisset, ab eo in partem Imperii est admissus,

missus, ex terum Iano defuncto ad eum solum imperium forte peruenit. Annis deinde sexaginta, ante res Troianas, ferunt Arcades ex urbe Palantio exeuntes, sedemque duce Euandro quærentes, atque in hunc locum, ubi nunc Roma est, delatos à Fauno Aboriginum rege, & benigne susceptos esse, & agri portionem accepisse, illosque colle haud procul à Tyberi distàte electo, struxisse castellum, Palantiumque, à metropoli eorum in Arcadia, appellasse. Paucis vero annis interpositis aliam classem Græcam, ducente Herc. eandem tenuisse regionem, ex hisque quosdam missionem ab eodem Herc. precatos in colle, qui tunc Satur, dicebatur, posuisse sedem. Hos Peloponenses, Phanetas, & Epios, qui ex Elide, fuisse comperto: quibus nullum erat amplius desiderium redditus, eversa eis patria ab Hercule. Hi aliquantulum temporis rem suam separatim administrarunt: cæterum haud ita multo post victum, leges, sacra cum Aboriginum sacris conferentes, sicuti Arcades, & prius Pelasgi fecerant, ciuitatis eiusdem participes facti sunt. Secunda vero ætate, post Herculis profectioem, Lati. ex filia Fauni, authore Trogo, vel ut alii dicunt, ex Hyperboride stupro conceptus, Aboriginum rex fuit: quo regnante Æneas post Ilii direptionem, in Italiam cum appulisset, prælio statim exceptus est: cumque in aciem exercitum duxisset, ad colloquium vocatus, tantam admirationem sui Latino præbuit, ut in societatem imperii receptus, Lauiniaque in matrimonium ei data, gener ascisceretur. Hic deinde Aborigines, Troianosque communi nomine Latinos nominauit. Posthæc utriusque bellum aduersus Turnum Rutulorum regem, propter fraudatas Lauiniæ nuptias, fuit, in quo Turnus & Latinus interierunt. Quare Æneas, soceri regnum suscipiens, quarto anno imperii sui in bello aduersus Mezentium Hetruscorum regem, occubuit, in cuius locum Ascanius filius succedens trigésimo anno, post Lauinii constructionem, Albam condidit. Anno deinde octauo & vigésimo, mortuo Ascanio, eius frater Syluius, post mortem Æneæ ex Lauinia natus, imperium accepit, cumque vnde triginta imperasset annos, Æneæ Syluii filio reliquit, hic vero post unum & triginta, Latino Syluii: Latinusque post quinquaginta Albæ, qui vnde quadraginta illud tenuit: post eum viginti quatuor Atys, deinceps Capys viginti octo; inde Capetus tredecim, & Tyberinus postea octo. Tyberino succedens Agrippa, quadraginta regnavit annos: Romulus deinde vnde triginta, post hunc triginta, & septem Aventinus, qui Procæ imperium ipsum per manus tradidit. Procæ viginti & tres imperauit annos, Numitoremque & Amulium procreauit. Amulius duos & quadraginta annos regnum, quod Numitori fratri seniori debebatur, haud iure occupans, filiam eius Rheam, ne quis vindex regni sexus virilis ex genere Numitoris oriretur, Vestem sacerdotem fecit, quæ duos pueros incerto stupro an ex Marte conceptos, enixa est, quos Amulius exponi iussit. Sed fortuna origini Romanæ prospiciens, pueros lupæ alendos obtulit, quæ cum sæpius ad paruulos, veluti ad catulos, reuerteretur, rem Faustulus pastor animaduertit, substractosque feræ, cum Accæ uxori, quæ meretrix erat, nutriendos dedisset, grandiusculos inter greges pecorum agresti deinde vita nutriuit. Quod autem à lupa dicantur educati, fabulosum figmentum est, ad celandam authoris Romani generis turpitudinem: nec incongrue factum est, nam & meretrices lupas vocamus, constatque hoc animal in tutela esse Martis, iuxta illud. *Martius à stabulis rapuit lupus.* Nomina autem pueris alteri Remo, alteri Romo, siue Romulo fuisse. Adultis inter pastores de virtute quotidiana certamina, vires, & pernicitatem auxere. Igitur cum latrones à rapina pecorum frequenter sumouerent, Remus ab his captus regi offertur, criminique datur quasi greges Numitoris infestare solitus esset. Tunc à rege in ultionem Numitori traditur, qui adolescentiæ iuuenis permotus, in suspicionem expositi nepotis adducitur: & cum eum nunc lineamentorum filiarum similitudo, nunc ætas expositionis anxium teneret, Fau-

stulus cum Romulo superuenit, à quo origine cognita puerorum, facta coniuratione Amulium interficiunt, Numitoriq; auo regnum restituant. Sequenti vero anno regni Numitoris quadringētesimo trigesimo secundo (vt tradit Cato) post Ilium captum, duodecimo Cal. Maias hora post secundam, ante tertiam, Romam, vbi expositi fuerant, condiderunt. Et quanquam vt de tempore, ita de conditore, mira inter scriptores varietas existit, communis tamen opinio Romulum Martis filium vrbis authorem habet. Vnde Cicero de nat. Deorum. *Principio vrbis parens Romulus non solum auspicato, sed ipse etiam optimus augur fuisse traditur.* Solinus etiam post nonnullorum varias de vrbis authore opiniones subdit. *Verius tamen putant à Romulo conditam Romam eam, quæ quadrata dicta est.* Ser. autē grammaticus de Vrbis origine anceps, *Conditarum*, inquit, *urbium dissensio inuenitur, adeo ut ne vrbis quidem origo diligenter possit agnosci.* Nam Sal. dicit. *Vrbem Romam, sicut ego accepi condidere, atque initio habuere Troiani & cum iis Aborigines.* Alii ab Euandro, secundum quos Virg.

Tunc rex Euandrus Romana conditor arcis.


Alii Romulo vt,

En huius nate auspiciis illa incluta Roma.

Si igitur tantæ ciuitatis certa ratio non apparet, non mirum si in aliarum opinione dubitatur; vnde nec historicos, nec commentatores, varie dicentes, imperitiæ condemnare debemus. Nam antiquitas in multis creauit errorem: & plerique fundant, plerique augent, & ad se transferunt nomina. Nam Romam etiam Romulus fecisse dicitur, quam ante Euander condidit. Romulum autem, non Remum, Romanæ Vrbis, & Ciuibus nomē dedisse ferunt: quia captatis auguriis Remus prior sex vultures vidit, Romulus mox duodecim, quæ res, cum vnus tempore, alter numero certaret, bellum creauit: in quo extincto Remo, à Romulo Romani sunt denominati.

C A P. III.

De Forma, & Magnitudine Vrbis Romuli.



VRBIS nouæ figuram quadrangularem Romulum designasse, author est Plut. & Dionys. Quadratam Romam appellatam tradit Solinus, eo quod æquilibra foret posita. Sed vt de forma certa est opinio apud scriptores, ita de ambitu, quibusue terminis finiretur, incerta & varia. Liuius enim refert Romulum Palatinum primum, in quo erat educatus, muniuisse: & Gellius antiquum pomerium ab Romulo institutum Palatini montis radicibus terminatum. Secundum hos bene procedit, quod ait Corn. Tac. Capitolium Romanumque forum à Tatio rege Sabinorum Vrbis additum; cuius verba sunt hæc: *Initium igitur, & quod pomerium Romulus posuerit noscere, haud absurdum reor.* Igitur à foro Boario, vbi æreum tauri simulacrum aspiciamus, quia id genus animalium aratro subditur, sulcus designandi oppidi cœptus, vt Magnam Herculis arā amplecteretur. Inde certis spatiis interiecti lapides per ima montis Palatini ad aram Consii, mox ad Curias veteres, tum ad sacellum Larium, forumque Romanum, Capitolium non à Romulo, sed à Tito Tatio additum Vrbis creditur. Sicque manifestum esset Tatium deducto muro à saxo Carmentali in occasum ad viam, quæ nunc haud longe abest à Tyberi, inde in meridiem vsque ad Circi Maximi partem extremam, conuersoque mox in ortum æstiuum paulo vltra Amphitheatrum, hincque ad forum Neruæ, & tandem ipsum murum cum altero cornu Capitolii coniungentem, Capitolinum, & Palatinum montem inclusisse. Sed cum constans sit opinio Carmentalem portam ad radices Capitolii sitam, in noua Vrbe à Romulo comprehensam, Liuiusque in bel

in bello aduersus Sabinos Capitolium Urbis arcem fuisse ostendat: cumq; in Urbis ampliacione post Romuli mortem quid, quoue tempore, & quibus regibus additum sit commemorans, nullam de Capitolio, tanquam de primæ Urbis parte, faciat mentionem, existimamus urbem à Cor. descriptam non magis Tatii regis, quam Romuli esse monimentum; nec obstat quod Liuius dicit Romulum primum Palatinum, in quo erat educatus, muniuisse; in eo enim verbo primum, vim esse hanc opinor, vt munito prius Palatino, urbem condiderit: Sicut eodem in bello ipse Romulus testatur, dum precatur Iouem, vt suorū fugam sistat. Hic, inquit, in Palatio prima urbis fundamenta ieci. Si prima, ergo alia postmodum iecerat fundamenta urbis, illius dico, quam, cōtra eiusdem Cor. opinionem, incipere à sylua, quæ erat in Arca Apollinis, & ad supercilium scalarum Caci, vbi postea fuit porta Tergemina finire, legi apud Solinum. Quod mox ab eodem Romulo, & Tatio aucta fuerit, nullum huius rei authorem habemus, nisi Diony. quem ita loquentem audiamus. *Romulus & Tattius urbem statim maiorem effecerunt, duos ei colles alios adiicientes, Quirinum & Caelium. separantesque habitationem alter ab altero in propriis locis verique vitam agebant. Romulus quidem Palatium occupans, & montem Caelium Palatio propinquum: Tattius vero Capitolium, quod ab initio cæperat, & quirinalem rupem: forumq; ibi constituerunt, quo nunc etiam Romani vtuntur.* Quanquam Ser. ait Alios dicere Romulum septem colliculos ab initio inclusisse, alios velle hos ipsos, qui nunc sunt à Romulo inclusos, id est Palatinum, Capitolinū, Quirinalem, Auentinum, Cœlium, Viminalem, Esquilinum, & Ianicularem, aliis tamen nominibus appellatos, quæ mutata sunt postea. In quo à Liuiο apertissime eos dissentire inferius, vbi de vario Urbis ambitu loquimur, apparebit. Præterea dicimus, non verisimile esse, pastores, rebus adhuc angustis, tantum campi, in tanta hominum paucitate, complexos esse: cum Plut. velit mille domos tantum fuisse, Dionysiusque cum conditoribus Urbis non plures tribus peditum millibus, & pauciores equitibus tercentis.

C A P. I V.

De Portis Urbis Romuli.

De portis autem urbis Romulæ sic habet Plinius. Urbem tres portas habentem Romulus reliquit, aut (vt pluribus tradentibus credamus) quatuor. Harum nec nomina, nec locum ipse ponit: communis tamen est opinio eorum, qui tres tantum à Romulo ferunt relictas fuisse, Carmentalem, Romanam, & Pandanam, Carmentalemq; à matre Euandri denominatam, à dextera sub Capitolio inter saxum Tarpeium, & Tyberim: eregione ædiculæ diuæ Chæterinæ nunc dirutæ; & versus circum Flaminium, vt inquit P. Viçtor: quam Blondus ad primas Auentini radices ponit, & præter historiæ fidem, Liuiiq; auctoritatem ipsum collem in urbem Romuli comprehendit: dumq; huic suæ urbi portas accommodare, verisimilemq; suam opinionem efficere conatur, alio ipsas portas, quam fuerant, traducit, & ex vno in alterū labitur errorem. Liuius enim ipse septimo belli Pu. loquens de vico Lugario, clare docet Carmentalem portam fuisse sub Capitolio, sed apertissime Plut. in Camilli vita: Ad Carmentalem, inquit, portam Pontinus contendit, vt quid ageretur per silētium specularetur; nam huic Capitolium maxime directo incumbit: & Solinus his verbis. *Pars infima capitolini montis habitaculum Carmentæ fuit, vbi & carmentale nunc fanum est, à qua Carmentalis portæ nomen est.* Eodē modo & Sex. Po. qui templum Iani fuisse extra ipsam portā apud Marcelli theatrū tradit. Alia est ratio hanc portam non fuisse prope Auentinum. Quod Vir. inducit E-

uandrum ab ara Maxima in Palatinum progredientem monstrare Herculi portam Carmentalē, quæ nimirum, si ad radices Auentini, post fuisset relicta. Huic autem portæ Secleratæ postea nomē fuit, quod per eam egressi Fabii ad Cremeram Flu. ex lacu attingente Bacchanas orientem, omnes interfecti sint. Vnde idem Sex. Pomp. refert religioni esse quibusdam porta Carmentali egredi, & in æde Iani, quæ erat extra ipsam, senatum haberi, quod ea egressi sex & trecenti Fabii, apud Cremeram omnes interfecti sint, cum in æde eiusdem Iani. S. C. factum esset, vt proficiscerentur. Sed ad reliquas veniamus, Romanam in hortis ædis diuæ Mariæ nouæ haud procul ab angulo Palatini, qui amphitheatrū spectat, fuisse innuit idem author, cum ait: *Romana porta instituta est à Romulo in infimo cliuo Victoria, qui locus gradibus in quadraturam formatus est.* Appellata est autem Romana à Sabinis præcipue, quod proximus aditus erat Romam; sunt tamen qui Mugoniā, quæ & Trigonia à tribus angulis est denominata, ibi restituant, quibus si assentiri volumus, dicemus à Romulo prius Romanæ, deinde ab euentu, hoc est à mugitu bouum, vel quod per eam boues introducerentur, Mugoniæ nomē sortitam esse. Sequitur Pandana, dicta, quod rebus illatis in urbem panderetur, eidem & Liberæ, & Romanulæ nomen fuit, quam prope Velabrum fuisse probant quæ sequuntur Var. verba. Laurentalia ab Acca Laurentia; huius sacrificium fit in Velabro, qua in Nouam viam exitur, vt aiunt quidam ad Sepulcrū Accæ; qui locus extra urbem antiquam fuit, non longe à porta Romanula. Existimamus autem Romanulæ nomen adeptam, postquam Romana Mugoniæ sumpsit cognomē. Miror autem Blondum & Fuluium, Var. authore, velle hanc fuisse non Romæ, sed Saturniæ urbis, qui dum probat Saturniū oppidum fuisse prope Saturnium montem, sic sequitur: Eius vestigia nunc manent tria, quod Saturni fanum in fatibus, quod Saturnia porta, quam Iunius scribit, ibi, quam nunc vocant Pandanā; quæ vltima verba innuunt, Pandanam fuisse à Romulo constitutam, eo in loco, vbi prius in Saturnio oppido, fuerat Saturnia. Qui vero volunt Romulum urbem quatuor portarum reliquisse, quartam ad radices Viminalis statuere; ab euentu postea dictam Ianualem. Nam bello Sabinorum, cum Romani eam claudere festinarēt, quia in ipsam hostes irruebant, postquam est clausa, mox sponte patefacta est, cumque iterum, ac tertio idem contigisset, armati plurimi pro limine, quia claudere nequibant, custodes steterunt, cumque ex alia parte acerrimo prælio certaretur, subito fama pertulit fusos à Tatio Romanos: quam ob causam, qui aditum tuebantur territi profugerunt, cumque Sabini per portam patentem irrupturi essent, fertur ex æde Iani per hanc portam magnam vim torrentium vndis scatentibus erupisse, multaq; perduellium cateruas, aut exustas feruenti aqua, aut deuoratas rapida voragine deperiisse, ea re placitum, vt belli tempore, veluti ad urbis auxiliū, fores Iani referarentur. Hæc autem porta opportuno loco fuerat sita, tamen cum constans sit opinio, pomerium Romuli ad radices Viminalis non peruenisse, nullibiq; legerimus Iani templum eo in loco stetisse, credimus Romulum tres tantum instituisse portas; qui numerus, in urbe adhuc parua, publico vsui satisfacere posse videbatur.

C A P. V.

De vario ambitu & mœnibus Urbis.

M Romulus, Vrbe nouā cōstituta, quæ ad Deorum religionem, hominumq; iura pertinere videbatur, curaret, Romam interim alia, atq; alia loca appetebant, vt Vrbs in dies amplioribus munitiōibus cresceret; cum in spē magis futuræ multitudinis, quam ad id hominum, quod tum erat, eam munitarent. Victis postea Sabinis, & ex duabus vna facta ciuitate, etiam

iam hominum multitudine aucta est, moxque Alba euerfa, duplicatoque ex illius ruinis ciuium numero: Tullus Cœlium Vrbi addidit, Exquiliasque, authore Lilio, auxit. ex quo coniecimus, aucto numero ciuium, Romanos etiam extra muros in montibus, vallibusque adiacentibus, & foro proximioribus domos struxisse. Quæ loca cum iam essent occupata, deuietis Albanis Tullum addidisse Cœlium, Exquiliasque, nondum Vrbi adiectas, auxisse. Secundam autem Vrbis ampliationem capto Politorio, omnique multitudine Romam traducta, fecit Ancus, qui cum circa Palatium sedem veteres Romani, Sabini Capitolium, atque arcem, Cœlium Albani impleuissent, Auentinum nouæ multitudini concessit. Multis deinde milibus Latinorum in ciuitatem acceptis Ianiculum quoque Vrbi coniunxit, ponte Sublicio tunc primum in Tyberim facto, Quiritiumque fossam in planioribus Vrbis circumduxit. Hinc constat Auentinum non fuisse Vrbis Romuli partem, vt putauit Blond. minus diligenter Lili verba considerans. qui etiam primo decadis quintæ Auentinum ipsum extra Urbem sic collocat. Aediles extra portam Tergeminam in Auentinum porticum silice strauerunt. eodem modo & Gellius, eius verba hæc sunt. *Auentinus solus, quæ pars non longinqua, nec infrequens est, extra pomeriū est, neque Ser. Tullus, neque Sulla, qui proferendi pomerium titulum quasiuit, neque postea Diuus Iulius, cum pomeriū proferret, intra vrbis fines incluserunt.* Causam esse ait Messala, quod in monte Remus vrbis condendæ gratia auspicatus, aues irritas habuerit, superatusque à Romulo in auspicio sit. Idcirco omnes, qui pomerium protulerunt, montem istum excluderunt, quasi auiibus obscœnis ominosum. Authore postea D. Claudio receptum, & intra pomerii fines obseruatum est. Tarquinio autem Prisco, qui urbem muro cingere parauerat, mortuo, eam curam Ser. Tullius suscepit, & Viminalem, Quirinalemque quinque collibus addens, vrbis ambitum ampliavit. Muros verò ruderibus, vilibusque structuris ædificatos Tarquinius superbus primum cœpit saxis magnis formari ad regulam extruere. Ex eo quippe tempore portæ Romuleæ paulatim, & nomen, & vsum amississe videntur, licet Carmentalis diutius suum retinuerit. Et constructio vrbis regum tempore vltius, vt testis est Dion. nō processit, non permittente numine, quanquā omnia circū urbem erant habitata. Nam cum antiqui vellent vrbis mœnia, quæ Collinam nō excedebant portā vsq; ad Miluium pontē producere, prohibuere aruspices, quia non licebat in vrbe comitia facere, & milites legere. hinc. Cic. ad Atticū. *Sed casu, inquit, sermo à Capitone de vrbe augenda à ponte Miluio ad Tyberium: pauci secundum montes Vaticanos, campum Martiū tum ædificari, illum autem campū Vaticanum fieri quasi Martium.* Quare arbitror magna parte vrbis planæ ædificiis occupata, Senatum sæpe agitauiſſe de transferendo campo Martio in Vaticanum, nunquam tamen id comprobatum esse. Quod autem Blond. velit eum, quem nos collem Hortulorum dicimus, Quirinalem esse, falsum esse ostendit Appianus, cum ait Syllam vltius progressum exercitum in campo Martio ante vrbis portas statuissē, & cum hic collis Campo Martio imminet, nimirum necesse est recepto, secundum nos, colle Hortulorum, vt etiam idem campus in urbem, contra omnium opinionem, sit receptus. Non tamen Fului approbamus sententiam, qui quicquid campi inter Capitolium, & Tyberim est, Martium appellari, murosque vrbis Capitolium non excessisse, putet. Nam etsi hoc verum est tempore regum, quod dubito, vltra tamen ipsum montem Consulum aut Imperatorum tempore muros processisse opinor. Plurimis enim authoribus crediderim, Flumentanam portam antiquissimam esse: quod si, secundum Blond. opinionem, sortita est nomen, quod per eam aliquando Tyberis fluxerit, mœnibus montes non excedentibus, non video vbi locorum ipsa possit collocari, vt Tyberis per eam labi potuerit. Præterea non dicimus theatrum Pompei, thermas Agrippinas, Mineræ

neruæ templum, circum Flaminium in campo Martio: sicut Ouile, villam Publicam, & multa alia. Quare arbitramur partem vrbis Planæ, prisco etiam tempore, fuisse intra urbem, deducto videlicet muro à Collina ad Tyberim, e regione murorum ab Anco in Transtyberina regione collocatorum, Flumentanamque portam, vbi nunc est, longo tempore post translata in. Nec obstat quod isti falso referunt: Martium campum appellatum, quicquid inter Capitolium & Tyberim est, cum Liu. dicat quicquid inter urbem & Tyberim, quod secundum nostram opinionem, bene procedit, cui etiam P. Vic. suffragari videtur, viam Latam, forum Suarium, Pilam Tyburtinam inter montes & Tyberim iacentes in septima vrbis regione statuens. Plin. autem tradit ambitum vrbis suo tempore mil. pass. xx. fuisse. Vopiscus verò Aurelianum Imper. muros vrbis sic ampliassse, vt l. propè milia eorum ambitus teneret. Sed Marcel. dubitationem tollit, cum inquit, Vrbs Roma est, quæ muro cingeretur, vt Alphenus ait. Roma est etiam quantum continentia ædificia essent. Plin. itaque, dum. xx. mil. passus scribit, & Vopiscum, dum quinquaginta, Romæ, & ædium continentium considerasse dicimus ambitum. Sciendum autem mœnia vrbis sæpe à barbaris aperta, & à maioribus instaurata ambitum varium habuisse. Magnam verò partem Honorium & Arcadium restituisse, vetus in marmore supra portam Portuenssem incisus hic index ostendit.

IMPP. CÆS. DD. NN. INVICTISSIMIS PRINCIPIBVS ARCADIO ET HONORIO VICTORIBVS ET TRIUMPHATORIBVS SEMPER AVGG. OB INSTAVRATOS MVROS ET TVRRES EGESTIS INMENSIS RVDERIBVS. E' SVGGESTIONIBVS. V. C. ET INLVSTRIS MILITES ET MAGISTRI VTRIVSQVE MILITIÆ AD PERPETVITATEM NOMINIS EORVM SIMVLACRA CONSTITVIT.

Ambitus autem Vrbis nostro tempore vix passus mil. tredecim implet. Mœnia verò vtrum in ipso permaneant prisco vestigio veteris fundamenti diu anceps fui. Non enim mihi persuadere poteram, antiquos ita distortos, quemadmodum nunc cernuntur, muros posuisse. re deinde diligentius considerata, inueni situs ipsorum optimam eos habuisse rationem. quia si orbicularem, aut quadrangularem, vel quamlibet aliam certam formam Vrbis constituere voluissent, eueniebat, quod muri interdum per montium crepidines ducti, interdum vero per valles montibus extra relictis facile, per fossa, & excauata parte montis apposita, ab hostibus euerti potuissent, aut valle intus existente, ex montibus vicinis, superioriq; loco ciues opprimi. Quare secundum montium circuitum, perq; ipsorum radices deduxere muros, ita vt, vbi accliuus fuisset locus, per mediam ferè accliuitatem dirigerent, iacerentq; intro effossam terrā, donec montem ipsum æquarent, ne aqua defluens muros lādere posset. Si quis autem dixerit, inter Collinam, Numentanamq; portam, rursusq; inter Asinariam, & Gabiufam, & alibi, etiam per valles mœnia deducta, respondemus, ideò factum, quia extra non erat mons, qui Vrbi immineret, breuissimasq; esse valles, quæ si extra relictæ fuissent, muris radicibus montium apposis, deformem, & multis in locis inutilem, Urbem reddidissent. Quapropter credimus super fundamentis priscis muros nunc existentes, extructos esse. Quid enim erat cur ij, quibus muros

instaurandi, non ampliandi fuerat cura, noua vt iacerent
fundamenta, cum prisca longeminorem im-
pensam, & laborem desi-
derarent?

De Pomerio Urbis.

OMERIUM verbi vim solum intuentes, post mœnium interpretantur esse, est autem magis circa murum locus, quem in condendis urbibus quondam Hetrusci, qua murum ducturi erant, certis circa terminis inaugurato consecrabant, ut neq; interiore parte edificiâ mœnibus continuarentur, & extrinsecus puri aliquid ab humano cultu pateret soli. Hoc spatiumque neque habitari, neque arari fas erat, non magis quod post murum esset, quam quod murus post id Pomerium Romani appellarunt. Lilius. Sæpe tamen pro totius urbis ambitu, locoque certis finibus præscripto accipitur. Gellius enim tradit Pomerium facere finem urbani auspicii, ibique nonnullos cōmemorat, qui Romanum propagarunt Pomerium. Sed post Syllam fere omnes gloriæ, honorisq; magis cupiditate, quam necessitate adducti, id facere, inter quos numeratur Claudius Imperator. Cor. Tac. Pomerium, inquit, auxit Claudius more prisco, quo iis, qui protulere imperium, & terminos urbis propagare datur, mox subdit. *Et quos tum Claudius terminos posuerit facile cognitu, & in publicis actis perscriptum.* Quod enim Pomerium propagauerit, multa extant exempla, ut in tabula Ænea in Lateranensi basilica sita, cuius rei caput hoc est.

VTIQUE EI FINIS POMERII PROFERRE CVM EX REPUBLICA CENSEBIT ESSE LICEAT. ITA VTI LICVIT CLAVDIO CÆSARI AVG. GERMANICO. Et in lapide tiburtino effosso superioribus annis apud Cloacam diuæ Luciæ, cuius titulus est huiusmodi.

TI. CLAVDIVS DRVSI. F. CÆSAR. AVG. GERMANICVS PONT. MAX. TRIB. POT. VIII. IMP. XVI. COS. III. CENSOR. P. P. AVCTIS POPVLI ROMANI FINIBVS POMERIVM AMPLIAVIT TERMINAVITQ.

Sed tamen quos terminos Pomerii posuerit, nullibi inuenies. Vopiscus vero scribit Aurelianum Imperatorem adhibito senatus consulto muros Urbis dilatasse, neq; tunc quidquam addidisse Pomerio, sed postea cum non liceret, nisi ei, qui agri barbarici aliqua parte Ro. Remp. locupletauisset, Pomerium propagare. At tam varia est de Urbis ambitu, atq; Pomerio opinio, ut nemo possit singulis quibusque temporib. proprios fines determinare. hinc ait Dionys. Si quis velit Romæ magnitudinē exquirere, nullum habebit signum certū, quo dignoscatur quousque sit hæc urbs progressa, aut vnde esse non amplius urbs incipiat. Legimus autem secundum viam, quæ est ab Urbe ad Otricoli pontem, omnia ædificiis fuisse plena. Vnde Aristides in suis Urbis incredibilem ostendens magnitudinem, in hunc loquitur modum. Descendit hæc vsque ad mare, vbi Commune emporium, communisque omnium, quæ terra proueniunt, dispensatio, quacunque in parte eius Urbis constiterit quis, nihil prohibet quominus sit pariter & in medio: quidquid nunc Italiæ restat, completum iri vniuersa mihi videtur: vnaque futura urbs perpetua in Ionium mare protensa.

C A P. VII.

De portis antiquis, quæ hodie non sunt.

QVEMADMODVM ambitus Urbis varios terminos consecutus est, eodem modo & portæ: quarum nonnullæ in Pomerii ampliatione intra urbem relictæ, & vsum & portarum nomen licet amiserint, multæ tamen translatae pristinum retinuerunt, multæ etiam nouum adeptæ sunt. Et quanquam aliqui Ser. Tulli, Augusti, Aurelianique temporibus aucti sunt, certo numero posito, proprium & nomen, & locum

locum illis constituere: nulla tamen ratione, nulloue authore, quod scripsere comprobarunt. Plin. autem quatuor & triginta ætate sua fuisse prodidit, eius sunt hæc verba: *Mœnia eius colligere ambitu Imperatoribus, censoribusque Vespasianis, M. P. XIII. complexa montes VII. ipsa diuiditur in regiones XIV. Capita singularum, CLXXV. eiusdem spatii mensura currente à capite fori Romani statuto ad singulas portas: quæ sunt hodie triginta, & quatuor, ita ut duodecim porta semel numerentur, prætereanturque ex veteribus septem, quæ esse desierunt.* Efficit passuum per directum XXX. M. D. LXV. Ad extrema vero testorum cum castris prætoriiis ab eodem miliario per vicos omnium viarum mensura colligit paulo amplius LXX. M. passuum. Cum sermonem forte haberemus de portis antiquæ Urbis cum viro præclarissimo, IOANNE GADO Ca. ap. clerico integerrimo, incidissemusque in verba illa. Ita ut duodecim semel numerentur, prætereanturque ex veteribus septem, quæ esse desierunt, rogauit me ille, ut est omnium bonarum artium studiosissimus, quid eo in loco sibi vellet Plin. Ego vero qui haudquaquam mihi ascisco eam sapientiam, ut de re dubia, & difficili ex improviso respondeam, sententiam meam in aliud tempus distuli. Igitur aggressus hunc tractatum, quo me ære alieno eximam, eam in medium adducere non grauabor. Vnde sciendum est, ex ipsis portis aliquas esse, quæ duo & plura habuere nomina, quas vult semel numerari. Veluti hæ.

Flumentana, siue Flaminia.

Quirinalis, siue Agonensis, vel Collina.

Numentana, siue Viminalis.

Ianualis, siue Sabiua, quæ ducebat in Sabinos.

Esquilina, siue Taurina.

Neuia, siue Labicana.

Cœlimontana, siue Asinaria.

Capena, siue Appia.

Tergemina, siue Hostiensis.

Portuensis, siue Naualis.

Ratumena, siue Veientana.

Triumphalis, siue Vaticana. His semel numeratis si

Carmentalis, Querquetulana,

Mugonia, Raduscula,

Pandana, Saginalis, &

Sancualis, quas antiquissimas esse nemini dubium est, prætereantur, relinquentur sequentes.

Collatina, Catularia, Salutaris,

Interaggeres, Laurentina, Mutia,

Tyburтина, Fontinalis, Piacularis,

Gabiua, Lauernalis, Prænestina,

Latina, Ferentina, Libitinenis,

Aurelia, Minutia, Valeria.

Tarpeia, quibus si duodecim, quas dicit semel numerandas, addiderit, ad numerum xxxiiii. portarum, tres tantum deerunt, quas nullibi inuenimus. Quinimo nec apud antiquos scriptores mentio est de tribus ultimo loco positis. Insuper non Plin. ætate, sed diuersis temporibus prædicta nomina portis imposita esse arbitramur: Pliniumque cum ait, sunt hodiæ portæ urbis triginta & quatuor, non solum de portis Urbis: verum etiam de iis, quæ erant in suburbiis intellexisse, cum appellatio Urbis continentibus ædificiis finiatur; quanquam apud Plin. sunt qui legunt xxi. De porta autem Ferentina sic meminit Plut. *Romulus expiationib. ciuitates expurgauit, quas adhuc etiam Ferentinam ad portam obseruari tradunt.*

Anti-

Antiquarum autem portarum etymologiam docet Var. & Sex. Pomp. quam hic si poneremus, cum illarum nullus usus, neque vestigium extet, superflua certe videri posset.

C A P. VIII.

De portis antiquis, & mœnibus quæ nunc sunt.

AMBITVM Vrbis à nobis iam dimensum, mœnibus & portis, quæ nunc extant, tempus est circundare. Exordiamur autem ab occasu hyemali, Tyberiniq; fluminis ripa: à qua muri c. xx. pass. producuntur, priusquam Flumentanam portâ attingant, denominatam, ut Blon. velle diximus, quod Tyberis per eam aliquando laberetur in Urbem. Ipsa, inquit, indicat positio, quæ nulla, inter omnes vrbis portas, ita Tyberi est apposita, ut eam aliquando is fluuius potuerit influere. At ex verbis Apiani supra de Campo Martio allegatis patet hanc alibi fuisse, cum Flumentanæ ei nomen erat. Procopius in loco editiori eam ponit: Liuii etiam verba innuunt olim à Capitolio procul esse, quæ hæc sunt. Ita prædicta die in Petilinum Lucum, extra portam Flumentanam, vnde conspectus in Capitolium non est, concilium populi indictum. Quod si Campum Martium extra urbem relinquimus, non video quomodo Apiani cum Liuii conueniant verba: At cum dictum sit mœnia, quæ Collinâ portam non excedebant, deducta olim per urbem planam, usq; ad Tyberim, erectione scilicet murorum structorum ab Anco in TransTyberina regione, exillimamus portâ ipsam in ripa eiusdem fluminis, haud procul à ponte nunc Xylli, tunc positâ esse: aut certè in fine viæ Latae, & in principio Flaminiae, Flumentanæq; sortitam nomen, quod ad fluuium pertineret, non autem quod per ipsam fluuius in urbem laberetur. Cic. quidem ad Atticum scribens tanquam de porta Vrbis antiqua ita meminit. *Nescio enim cur cum portâ Flumentanam Cælius occuparit, ego Puteolos non faciâ meos.* Qui verò extra antiquum pomeriû ipsam statuere, mœnia in quibus nunc est, à Belisario condita putant, nos verò nō condita, sed super aliorum murorum fundamentis instaurata, eaq; multo tempore ante Belisarium fuisse; mœnibusq; Collinam portam non excedentibus, ampliatis, Collatinaq; addita, Flumentanam eo, vbi nunc est, translatam, aut certè extra pomerium triumphalem arcû fuisse. Sed eo in loco, vbi nunc est, porta ne fuerit, an triumphalis arcus, in medio relinquo. Flaminiae deinde traxit nomen à via, quam Flaminius strauit. Porta Populi nunc dicitur. ab hac mur. per collis Hortulorum radices pass. ultra mille adimplentes, Collatinæ iunguntur Portæ, cui à Collatia oppido propè Romam, in quod aliarum ciuitatû opes fuere collatae, nomen indictû esse scribit Sex. Pomp. Liuius Collatia, inquit, & quidquid circa illam agri erat Sabinis ademptû. Seruat quoq; ætas nostra morem appellandi in Collatia quidquid eregione eius portæ habet ager Romanus. Pincianam nunc vocant à proximo Pincii Senatoris olim Palatio, cuius vestigia licet extent, marmora tamen ad ornamentum posita Theodoricus Ostrogothorum Rex Rauennam misit, auth. Cassiodorus. Sita autem est in eodem Hortulorum colle, & ut Flaminia, Aquilonem spectat. Interiectis deinde stadiis sex peruenitur ad Portam Quirinalem; priscis temporibus ita denominatam, quod ea in collem Quirinalem iretur, siue quod proximè eam Quirini Sacellum. Agonensem etiam, quod in Quirinali esset, qui, veluti sine angulis, Agonos appellabatur, dixere portâ. Quod antè postea à Quirinali mutatum sit nomen in Collinam, docet Var. Salariae nouissimè, quod adhuc immutatum retinet, nomen est consecuta; quia per eam Sabini sal à mari in urbem deferebant. ortum æstiuum prospicit, sicut Viminalis, quæ quarta in ordine stadiis quinq; distat à Collina. Viminalis autem est nuncupata, quod ibi

viminum sylua fuisse videtur, vel à Fano Iouis Viminei: cui portæ (authore Liuiο) Ficulensi nomen etiam fuit, à proximo extra ipsam loco, vbi figlinæ olim fiebāt. Nunc S. Agnetis, & Numentana dicitur Porta. Hanc prope Salariam fuisse probat Suet. de Nerone loquens, in hunc modum. *Offerente Phanote liberto Suburbanū suum, inter Salariam, & Numentanam viam, circa quartum miliarium.* Inter Viminalem, & Esquilinam in campo Viminali, quem hodie incolæ Viuarium appellant, media est Porta Interaggeres, cui Aggeres Tarquinii, inter quos erat condita, celebre ad posteros fecere nomen. Subit Porta nunc S. Laurentii, quam Tiburtinam esse, & in aquæductu aquæ Marcie conditam, diuersamque ab Exquilina, contēdit Ful. ea nempe ratione, q̃ Str. in cāpo Esquilino duas Urbis portas; alteram Exquilinā tunc clausam, alteram Tiburtinā esse memoret. Inter Tiburtinā autē & Næuiam ipsam collocat Exquilinā quam Li. in numero aliarū statuens; antiqui pomerii portam facit, his verbis. *Itaq; Coss. Valerius, vt eliceret pradatores, edicet suis postero die frequētes porta Exquilina, quæ auersissima ab hoste erat, expellerent pecus: scituos id hostes ratus, quod in obsidione, & fame seruitia infida transfugerent, & scire per fuge multoque plures vt in spem vniuersā pradae flumen traiciunt.* P. Valerius inde T. Herminium cum modicis copiis ad II. lapidem Gabina via occultatum obsidere iubet: SP. Largum cum expedita iuuentute ad portam Collinam stare, donec hostis pratereat, inde se obire hosti, ne sit ad flumen reditus. Consulū alter. L. Lucretius porta Neuia cum aliquot manipulis militum egressus. Ipse Valerius Cælio monte delectas cohortes educit: hique primi apparuere hosti. Herminius, vbi tumultum sensit concurrit ex insidiis, versisque in Lucretium Hetruscis terga cadit, dextera, læuæque hic à porta Collina, illinc à Neuia redditus clamor. Et quia Liuius non meminit de Tiburtina, Ful. autumat postea conditam fuisse in forma arcus, vbi nunc est clausa Exquilina. Recte ne sentiat videamus. In primis autem sciendum, tempore quo condita est Tiburtina, mœnia ne sint propagata. Si sunt, non video cur Exquilina magis non sit translata, quam clausa. Si vero non, quid erat causæ antiquissimam, eandemque celeberrimam claudendi portam, quo nouam excitarent? Quare haud me pœnitet eorum sententiæ esse, qui volunt super ipsam aquæductum deriuatum: non ipsam in forma arcus extructam: cum cōstet vsq; ad Augusti tempora apertam fuisse, de qua Circ. sic meminit. *Cum ego Cælimontana porta introiisse dixissem, responsione me inimica Exquilina introiisse homo promptissimus lacessuit.* Sin Tiburtinam esse concedimus, Exquilina inter hanc, & Numentanam, siue Interaggeres potius erat excitanda, quam inter Neuiam, ipsamque Tiburtinam: cum Liuius libro sexto secundi bel. Pu. ostendat Collinam, Exquilinamque inuicem prope fuisse, commemorans Flacum porta Capena cum exercitu Romam ingressum, media Vrbe per Carnias Exquilias contēdisse, inde egressum inter Exquilinam, Collinamque portam posuisse castra. Et placuisse Coss. circa portas Collinā, Exquilinamque ponere castra. Vnde si Exquilina erat, vbi ponitur à Fuluiο, non oportuerat consulē Capena ingressum in Carinas, inde per Exquilias ad portam ipsam peruenire: cum magis rectum, breuiusq; esset iter per Cœlium aut Labicanam viam. Quare magis inclinat animus, vt credam portam nunc S. Laurentii Exquilinam esse: & Tiburtinam additam inter hanc, & Numentanam, vbi Exquilinus est campus: & mœnia à Numentana ad portam S. Laurentii duodecim ferme implent stadia; vt in hoc interuallo porta Interaggeres, Tiburtinaq; commode potuerint collocari. Non enim sequitur, Exquilina Strabonis ætate erat clausa, ergo etiā nunc est clausa. Exquilina ab Exquiliis, vbi sita est, denominabatur, eadem & Taurina, à capite tauri, quod cœlatum adhuc in frontispicio interiori cernitur. In ortum solis vergit, quemadmodum Næuia, quam Varro à propinquis nemoribus nomen adeptam tradit. Sunt autem qui velint non portam. sed triumphalem fuisse arcum. Quod si mœnia manent in prisco veteris fundamenti vestigio, non video

video, secundum ordinem portarum à Liuiio positum, cur potius alibi fuerit quàm eo in loco, qui ad vsum portæ cōmodissimus videbatur. Ego tamen, inquit, Mar-
 lianus, ipsam aliquando ascendi, & omnia diligenter perscrutatus, nihil inueni,
 cur magis portam, quam triumphalem arcum esse, iudicarem. verum cum arcus
 triumphales soleant in viis ducentibus ad portas excitari, variumq; ambitum vr-
 bis fuisse probauerimus: potuit aliquando porta prope existens in ipsum arcum,
 minore facta, vel ampliata pomerio, transferri. Hęc autem porta olim etiam La-
 bicana, nunc verò Maior nuncupatur, Hinc verò ad Cœlimontanam, à Cœlio
 monte, in cuius margine est sita, ita cognominatam. stadia fermè octo intercur-
 runt, quam portam L. Cornelio, & Q. Minutio Coss. tactam de cœlo narrat Li-
 uius; cui Asinariæ à regno, vt aiunt, asinorum; quod est Neapolitanum, quo mit-
 tit, etiam fuit nomen, nunc vero S. Ioannis, ad ortum hyemalem pertinet, sicut
 ad æstiuum Gabiusa: quæ in angulo murorum sub Cœliolo occurrit, sed clausa:
 per quam ingreditur riuus aquæ nunc Marianæ. Gabiusæ autem obtinuit nomē
 quod recta in Gabios oppidum, nunc Galicanum, mitteret. Medrodii deinde
 porta à mensura est dicta: stadia propè quin que à Cœlimontana distat. Sequitur
 Latina in Cœliolo, quæ quod in Latium duceret, sortita est nomen, idq; immu-
 tatum adhuc retinet. Est autem prope ædem diui Ioannis Euangelistæ, in hye-
 malem ortum vergens, stadia quinque cum dimidio à Gabiusa abest, & totidem
 à Capena dicta (inquit Ful.) à Cabenatibus Latinis populis, ad quos mittebat,
 vel à Capenate flum. vt tradit Silius Italicus, cum inquit.

Quo sacer humectat fluuialia rura Capenas.

Verum quod à Capenatib. Capena nuncuparetur, authorem non addit, neq;
 Sillii carmen à Flum. portam nomen sumpsisse probat. Solinus autem refert;
 Italum regem ex Sicilia cum Syracusanis ad Ianum venisse, ac eius consilio, au-
 xilioq; ciuitatem iuxta Albam condidisse, Capenam nomine, & ab eo postmo-
 dum Capenæ nomen fuisse. Ser. verò grammaticus huiusce portæ etymologiā
 aliunde trahit. Nam super eo Virg. hemistichio, *Lucosq; capenos, ait:* Vnde & por-
 ta Capena, quæ iuxta Camœnas est, nomen accepit. Asc. enim scribit, extra hanc
 portam Lucum, & Ædem Camenarum esse: propterea Camœna à nōnullis o-
 lim est appellata, nūc verò Porta S. Sebastiani. Et certè nullum est dubium quin
 sit hęc Capena, cum à P. Victore in prima regione eiusdem nominis ponatur:
 Appiæ deinde nomen accepit ab Appio censore, qui viam muniuit. Cic. pro Mi-
 lone. *Hoc enim sepe ab istis dicitur perinde, quasi Appius ille cæcus viam munierit, non
 qua populus vteretur, sed ubi impunes sui posterī latrocinaarentur.* Erat hęc porta multū
 celebris. Quidam etiam Triumphalem appellant. Non desunt etiam qui Fonti-
 nalis nomen adscribant, à fontium vbertate, propter illud Mart.


Capena grandi qua pluuit gutta.

Et Iuuen. *Madidamque Capenam.* Quod ideo dictum arbitramur propter aquæ
 ductum super eam deriuatum; vel quod inter cæteras portas depresso sit loco.
 Vnde Cic. ad Q. Fratrem, *Roma, inquit, & maxime Appia, ad Martis mirā prolucis,
 horti, tabernæ plurima, magna vis aquæ, vsq; ad Piscinam publicam.* Restat vltimo loco,
 citra Tyberim, Tergemina in meridiem vergens, vt Appia. Tergemina dicta est
 à vetustissima illa, per quam Tergemini Horatij dicuntur egressi, quæ tunc fuit
 inter Tyberim & Auentinum, sub angulo montis relicta, à dextris, ripa fluminis;
 iuxta naualia, & prope Salinas; cuius adhuc apparent ruinosā vestigia inter pro-
 ximas vineas. Huius loci meminit Frontinus in hæc verba. *Ductus aquæ Appia
 habet longitudinem à capite vsque ad Salinas; qui locus est ad portam Tergeminam.
 & mox, Cacus habitauit locum, ubi Salina nomen, ubi Tergemina porta.* Hostien-
 sis quod Hostiam mittat, aliquando est appellata, nunc Sancti Pauli. distat à

Capena stadia fermè octo, Ab Hostiensis deinde muri ad Tyberim stadia duodecim implent. A Fluuio verò ipso ad Portuensem TransTyberinā portam stadium dimidium vix intercurrit, Portuensis enim inditum est nomē, quia ducit in portum Hostiensem, à Claudio Imperat. excitatum, nunc portam Ripę vocitant; ad Occasum Solis hyemalis pertinet. Hinc deinceps in Ianiculū ascendens, septem stadiis, vel circa, peractis, ad portā nunc S. Pancratii, olim Aureliam, peruēnies; quam quidam ab Æmilio viro consulari, siue ab Aurelio Imperatore nomē sumplisse autumant: quidam verò à via Aurelia, nōnulli viam ab ipsa porta. Quo autem nomine apud priscos vocaretur, sicuti de Portuensi, incertū habemus; neque solum de nomine, verum etiam de loco dubitatur. Nam Procopius tradit Aureliam portam fuisse iuxta molem Hadriani, & à basilica propinqua, portam S. Petri nuncupatā, *Sepulcrum* (inquit) *Hadriani extra portam Aureliam iactu lapidis impositum*. Sed velim scire vtrum hæc, extra quam Procopius facit molem Hadriani, citra ne Tyberim fuerit, & vbi. Si erat, miror à Procopii ad nostra tempora, ita cum mœnibus euauisse, vt nulla prorsus extent vestigia, nisi velimus in aditu pontis Ælij excitatam, & ab ipso Ælio Hadriano Æliam, nō Aureliam, denominatam. Quare videndum est ne apud Procopium, Æliam sit legendum, sitq; ex illis, quę extra pomerium ponuntur, additaque magis ad pontis, & molis ornatum, quam quod esset necessaria, ibi propè porta Vaticana existente, hoc enim modo sequeretur Pancratianam Aureliam esse. & certè via ab ipsa ad martina, hoc nomine appellatur. Ab Aurelia per Ianiculum secundum Urbis muros descendens inuenies portam, quam Subtus Ianum, quod Ianiculo subiaceat, nunc vocant, olim Septimianam à Septimio Imper. denominatam putant: ex eo qđ Spartianus de ipso Septimio loquens Septizonium, Septimanasq; thermas in TransTyberina regione ad portam sui nominis extitisse commemorat: adiuntq; Septimii nomen super ipsam lectum esse, priusquam Alexander Pont. VI. eam instauraret, ibiq; Ianum Septimianum, Septimianamq; Aram fuisse. Blon. autem Fontinalē appellat, id est, deabus fontium sacram. *Extant*, inquit, *adhuc magnę molis muri scætentium adhuc fontium receptacula sub monte, qui Aureus nuncupatur, ipsi portę proximo*. Liuius. *Aediles*, inquit, *alteram porticum ad portam Fontinalem ad Martis Aram, perduxere*. Quod autem hæc sola possit esse Fontinalis, inde certum habemus, qđ nulla est porta alia, qua in cāpos Vaticani iter esse possit, nullo pōte, Sublicio excepto, ad Tyberim existente. At Fuluius in campos Horatorum Liuium intellexisse scribit, qui cum procul ab Vrbe essent, rectius fortasse de Vaticanis diceremus; quorum mentio frequentior est apud scriptores. Cic. campū Vaticanum fieri quasi Martium. Præterea Liuius primo, & tertio ab Urb. cond. de Capena, & quinto bel. Mac. seorsum de Fontinali meminit. quod facit vt existimem Fontinalem non eandem esse, quæ est Capena; & cum Fontinalis antiquissima sit Urbis porta, potuit aliquando accidere, quod à Septimio instaurata, ipsius nomen, in inscriptione addita, sit consecuta: nam (vt diximus) plerique fundant, plerique augent, & ad se transferūt nomina. spectat Septentrionem, distat autem ab Aurelia stadia quatuor, & à Tyberi iugera septem. Fluius deinde ipse per stadia duodecim, vel circa, loco murorū, vsq; ad portam Flumentanā, urbem planam, campum & vallem Martiam ambit. Si quis autem Urbis circuitum expositorum stadiorū numero collegerit, inueniet profecto tredecim millia pass. vt diximus, non excedere. Turres verò ipsorum murorū tercentum & sexaginta numerantur: quarū multę sunt collapsę; multę ita vetustate corrosę, vt indies ruinam minentur. Sed quia portę Triumphalis crebra est mentio apud scriptores, quanquam esse desiit, tamen ex Blon. opinione locū, vbi ea fuerit, indicare, non alienum esse arbitror. Pons cuius pilarum fundamenta nunc infra molem Hadriani cernuntur, & porta ad intimam Tyberis ripā, cuius fundamentorum moles

moles extat, & via ab eo ponte ad Cæsaris obeliscum protensa, arcemq; basilicæ S. Petri subiecta triumphali nomine appellabantur. De porta autem quod diximus probat Iosephus, Vespasiani & Titi describens triumphum. Dicit enim ipsos Imperatores, qui non in Palatio maiori, sed in Isis templo nocte quieuerant, ad octauianas ambulationes transiisse, vbi eos Senatus, & honorati equites præstolabantur: & cum fauor militaris eisdem meritis ornasset laudibus, votis rite celebratis ad portam recessisse, quæ ab eo, quod per illam semper triumphorum pompa duceretur, nomen accepit. Territorii etiam triumphalis in vita diui Petri, à diuo Hieronymo, siue à Damasco Papa scripta, est mentio; ibi enim legitur beatum Petrum fuisse sepultum in Ecclesia sui nominis, quæ ad Templum, tunc Apollinis, nunc S. Petronillæ, iuxta territorium triumphale fuerit ædificata: vbi obeliscus est Caii Principis. Suet. commemorat quosdam Senatores censuisse Augusti funus porta triumphali ducendum. Octauianas autem Ambulationes ad ipsius Augusti Mausoleum fuisse ostendit Suet. & Strab.

C A P. VIII.

De variis nominibus Capitoli.

APITOLIUM ante urbem conditam, ab antiquo oppido nomine Saturnia, sub ipso monte existente, Saturninum montem appellatum memoriæ prodidit Var. Plinius, Saturnia, inquit, vbi nunc Roma est, Antipolis vbi Ianiculum, in parte Romæ; alii vero quod Saturnus ibi habitauerit; vt Virg. his carminibus.

*Hæc duo præterea disiectis oppida muris**Reliquias, veterumq; vides monumenta virorum.**Hanc Ianus pater, hanc Saturnus condidit urbem.**Ianiculum illi, huic fuerat Saturnia nomen.*

Sex. Pom. ait Saturniam Italiam, & montem, qui nunc est Capitolinus, Saturninum nuncupatum: quod in tutela Saturni esse existimetur. Solinus loquens de comitibus Herculis, hæc habet Verba. Idem montem Capitolium Saturninum vocauere. Castelli quoque, quod excitarunt, portam appellarunt Saturniam. Huic deinde Capitoli dixere nomen, quod caput humanum aperientibus fundamenta templi Iouis dicitur apparuisse, quæ visa species haud per ambages arcem eam imperii, caputq; rerum fore spem præbuit, idq; ita cecinere vates. Antea vero Tarpeia eidem monti nomen fecit. Nam cum Romulus contra Sabinos bella tractaret, & Tarpeio cuidam dedisset arcem tuendam, filia eius Tarpeia aequum profecta in hostes incidit, quam cum cohortarentur ad proditionem, illa pro premio poposeit ornatum manuum sinistrarum, id est armillas, facta itaq; arcis proditione, hostes ingeniosa morte promissa soluerunt; nam scuta, id est sinistrarum manuum ornatum super illam iacentes, eam luce priuauerunt, quæ illic sepulta, Tarpeia sedi, vt dixi, nomen imposuit. Plut. & Var. Diuiditur autem in Arcem, & Capitolium, Cic. in Cat. *Vobis Arcem, & Capitolium, & reliqua.* Liuius exules & serui duce Appio Herdonio Sabino nocte Capitolium, & Arcem occupauere. Et cum lib. septimo, loquens de Iunonis monetæ æde, ostendat domum Manlii fuisse in Arcæ. Virg. vero ad rupem Tarpeiam, hoc carmine.


Iam summo custos Tarpeia Manlius arcis.

Contendunt, qui rupem ipsam ad cliuum Capitolinum ponunt, Arcem ad Tyberim pertinuisse, nos vero ad aquilonem. Quia dum Corn. Tac. in sequenti capite dicit, Diuersos Capitoli aditus inuadunt, iuxta lucum Asyli, & qua Tarpeia rupes centum gradibus aditur, & subiungit, *vis acrior per Asylum ingruerat, ædificiaque in altum edita solum Capitoli aquabant*, neq; de Arce vllum faciat verbum: fit verisimile ipsam alibi, quam ad Asylum stetisse, hostesque hanc partem Capitoli, tanquam

quam Arce infirmiore, aggressos esse. Accedit huic nostræ opinioni etiam hæc coniectura, quod pars Capitolii Tyberi incumbens erat ipsius flu. vicinitate satis munita, atq; ædibus sacris referta. Nec obstat Liuii aut Virg. authoritas, quia totus mons ab historicis, & poetis rupes Tarpeia sæpe appellatur; & Ser. Capitolium vrbis Arcem fuisse tradit.

CAP. X.

*Capitolium à quo votum, structum, dedicatum, instauratum,
& quoties arserit.*

APITOLIVM Tarquinius Priscus bello Sabino ædificaturum se voverat: fundamenta q; iecerat, cum decessit. Verum Tarquinio defuncto Superbus, capta Pometia, ex spoliis hostium consummauit; quo pulso, Horatius Puluillus Cos. Consecrationem obiit. auth. Plut. & Cic. Interiecto deinde quadringentorum, & quindecim annorum spatio, Scipione & Norbano Cosl. per Mariana bella igni cõsumptum est; quo autem modo incertum. hinc Appianus. Capitolium, quod sub regibus per quatercentos, & amplius annos conditum fuit, igne correptum vniuersos latuit. Cuius incendii idem Cic. sic meminit. Huius Vrbis, atque imperii, qui esset decimus annus post virginum absolutionem, Capitolii autem incensionē vigesimus. Eo autem tempore, quo primum arsit, ex saxo quadrato fuisse, eius vestigia pluribus in locis adhuc ostendunt; id quoque Liuius Sexto ab Vr. con. Refectionis autem curam victor Sylla suscepit; dedicationem vero obiit Q. Catulus, cuius nomen, inter tanta Cæsarum opera, vsque ad Vitellium mansit; auth. Plut. Arsit iterum Vitelliano bello: de quo incendio Cor. Tac. sic scriptum reliquit, Faces in prominentem porticum iacere, & sequebantur ignem, ambustasque Capitolii fores penetrassent, ni Sabinus vndiq; statuas decora maiorum in ipso aditu, vice muri, obiecisset, Tum diuersos Capitolii aditus inuadunt, iuxta Lucum Atyli, & qua Tarpeia rupes centum gradibus aditur; improuisa vtraque vis, propior atque acrior per Atylum ingruerat, nec sisti poterant scandentes per coniuncta ædificia, quæ, vt in multa pace, in altum edita solum Capitolii equabant. Hic ambigitur ignem tectis oppugnaturi iniecerint, an obsessi, quæ crebrior fama est, quo nitentes, ac progressos depellerent. Sic Capitolium clausis foribus indefensum, & indireptum conflagrauit. Tertio autem vna cum Vespasiani interitu igni direptum est, Sueton. Restitutionem Capitolii Vespasianus aggressus rudibus purgandis manus primus admouit, ac suo collo quædam extulit. Nam incenso Capitolio cum curasset, vt vna cum publicis tabulis monumentis & fœderibus in tabulis æneis incisis restitueretur, decessit. Domitianus deinde magnificentius, elegantiusque, quam antea fuisset, restituit, cuius impensa duodecim mill. talentorum excessisse autumat. Plut. Turres plurimas habuisse ostendit Cic. in Cat. quarum nonnullas de cœlo tactas fuisse dicit.



Lectori candido

THEODORVS DE BRY
LEODIENSIS, CIVIS FRANC-
FORDIENSIS, SALVTEM.

Quæ præcipuum videtur à principio statim Lectorem monere, de operis huius nobilissimi serie: Maxime vero quid causæ fuerit, quod maximam & potentissimam totius orbis urbem Romam suis collibus saltem expressam in primaria & generali tabula representauimus: Nec enim aliter fieri potuit, quod nec cuiuscunque vel Apellis vel Praxitelis opus fuerit omnium stratorum, ædificiorum, theatrorum, portarum triumphalium, thermarum &c. magnificentiam arte sua ad viuum exprimere. Quapropter certo ordine & distinctis tabulis artificiosissime, quam potuit fieri sculptis, tibi Lector in præsentiarum proponam, primum quidem maximam Romam suis collibus portisque incinctam: Deinde peculiari tabula Capitolium adiecta urbe quatuor portarum, & arce Tarpeia: Demum Tabulis ordine subsequenter quatuordecim urbis Romæ vicos præcipuos, cum ædificiis suis magnificentioribus exhibeo, &c.

At licet Roma triginta quatuor portarum totidemque vicorum fuerit, maxime cum in summo flore iam esset, cumque à Nerone ex parte incendio deuastaretur. Vicos tamen ad vnum omnes effingere, in promptu nunc non fuit, quando quidem delineatione eorum accuratiore nunc destitueret, contentus iis quæ ad manus venerant.

Quæ omnia & singula in conspectum tibi Lector beneuole propono, adiuncta simul erudita & concinna explicatione eorum, quæ toreumate præfigurata vides, maxime quidem ædificiorum publicorum, Templorum, Theatrorum, Thermarum, Circorum &c. vti iam ante satis monui. Quæ quidem te recte monere volui, tu opera nostra feliciter fruire, & bene vale.


EXPLICATIO TABULAE GENERALIS VRBIS ROMÆ.

Quatuor Regionum & Portarum, inclusis his quatuor montibus, Palatino ab Ortus, Capitolino ab occasu, Auentino à meridie, & Exquilino, hoc est, S. Petri in vinculis, à Septentrione, Urbem suam quadratam Rhomus siue Romulus condidit: Seruius Tullius deinde octo Portarum & Regionum: Diuus Augustus postea sexdecim Portarum atque Regionum: demum trigesima quatuor Portarum cum singulis Regionibus, & rebus earum potioribus ex Plinii descriptione, urbem Romam nos in præsentiarum ob oculos ponimus; Prætermisso earum Circuitu, Balneis, Mensis, Oleariis, Salinis, Laniorum, Piscariorum, Vicorum, Insularum, Domorum, Balneorum, Horreorum, Piscinarum, Puteorum, quos Lacos secundo declinatu dicunt, numero, plurimisque in super rebus, quoniam in libellis, qui de urbis Regionibus circumferuntur, habentur. Tamen multa in iis temere farciuntur, vti sunt vicorum quorundam nomina. Cur non omnium? quoniam plura non leguntur in Cippo Quadrato statuae diui Hadriani, qui hodie quoque in Capitolio visitur, in porticus D. Conseruatorum angulo, plurimaque præterea ex Plinio, ceterisque scriptoribus inepte & parum Latine adduntur. Quæ cuncta cum superscriptis M. Fabius Caluus ciuis Rhauennas Liuium, Varronem, Dionysium, Plinium, Sextum Rufum, multosque alios, qui de his scripserunt, secutus digessit, sedulitate strenui viri Ludouici Vicentini multum coadiut ante. Tandem auspiciis & patrociniis Patris amplissimi Flamendialis, hoc est, pileo Cardineo redimiti & Apostolici AErarij Præfecti, D. F. Harmellino Medices. Quippe qui plurima his fere non inferiora faciunda curret. Inter quæ locus est, quo adolescentibus Perusini disciplinas omnes cum alimentis capebant. Cuius quidem sexdecim Regionibus vel quemadmodum Libelli regionum præferunt, & Plinius, & D. Hadriani statua inscriptio, quæ in Capitolino monte duobus locis cernitur, quatuordecim, quoniam ut Circum Flaminium & Campum Martium vnā faciunt: Sic & Transiberinam & Vaticanam vnā ponunt.





OCCASVS
Caputolum habuit hæc potiora.








MERI
DIES

SEPTEN
TRIO




Capitolinum vero montem Romulus sic partitus fuerat, quem postea hoc pacto, vt ait Liuius, circummunierat.

CAPITOLII FORMA ET MVNITIO.






SEPTENTRIO.



OCCASVS



ORTVS








MERIDIES

Prima quidem vr̄bis Romæ regio, Camena Porta dicitur, à Camenarum Templo secundum se-
se dextra sito, sinistra euntibus Diui Sebastiani ædem versus, quæ postea Capena Porta dicta
fuit, quoniam illinc populi Capenates peterentur, qui nunc Carpenatidicuntur. Quæ quidem
prima regio hæc potissimā habuisse legitur, ab occasu, & circi maximi aditu auspicando, & vsque
ad Almonem fluuiolum, & S. Sebastianum petendo, hoc est, eius ædem, quæ ædes Cybeles fuit,
cuius simulacrum in Almonē lauabatur, uti in plurimis locis legere est. Hæc inquam primaria con-
tinuit Drusi Arcum: Diui Traiani Arcum: Diui Veri, siue Seueri Arcum: Honoris & virtutis ædem,
vbi nunc est S. Sistus: Thermas Seueri, nunc dicitur esse S. Io. ante Portam Latinam: Thermas
Commodi, prope S. Io. in Fonte: & extra portam, Templum Camenarum: Almonem Flu. Tel-
luris ædem, siue Cybeles, nunc S. Sebastianus dicitur.

Ne quis ambigat & ignoret, quid insulæ sint & vici ac domus, quæ passim in his Regionibus
ponuntur. Insulæ sunt parvæ domunculæ tenuiorum & pauperum: Vici autem sunt viarum di-
rectiones: Domus vero sunt magnæ Potentiorum, Nobilium, Ditionum, & Optimatum habi-
tationes.

CAMENA SIVE CAPENA PORTA PRIMA REGIO.


ORTVS



V I A Q V E R Q V E T V L A N A

A E DES. Hörreum. A E DES. Hörreum. A E DES. Hörreum.

Immunitatem
publicam.



HOSTILIA REGIA

PISTRINUM





CLAVDIORVM
= TEMPTVM




**CASTRA
PEREGRINA**

PIETRINUM



ARCVS AQVEDVCTVS

H
DISTRICT



PISTRINVM



Porta Querquetulana
Sive Coelimontana.

VIA COELIMONTANA

OC CASVS

EXPLICATIO SECVNDÆ TABVLÆ.

SEcunda verò Regio Querquetulana siue Cœlimontana dicta fuit, quę post Palatinam, & ab Occasu, hoc est, S. Ioannis & Pauli eđe incipit, & in Querquetulanam Portam siue Cœlimontanam, & Lateranam portam ortum versus protenditur: Hęcque illustriora continuit, Hostiliam regiam, Claudiorum Templum, & Porticum: Castra Peregrina, vbi nunc S. Quatuor Coronatorum ædes dicitur esse: Armamentarium publicum, vbi nunc S. Gregorij ædes est, & ruina vltra eam.

COELIMONTANA SECVNDA REGIO.

EXPLICATIO TERTIAE TABULAE.

Tertia quidem Regio Moneta, Sarapis, & Isis dicitur ab horum templo, quamuis Moneta alibi in Capitolio fuisse dicatur. Quendam Exquilina hæc Regio dicta fuit, & mons Exquilinus. Nunc autem S. Petri in Vinculis Mons dicitur. Quæ quidem Tertia Regio ab Arcu Pastorum, & domo Capulorum ab Occasu incipit, & usque ad Galeni Arcum, & S. Vitum Ortum versus protenditur. Hæc; potissima habuisse legitur, Pastorum Arcum & Capulorum domum siue Scholam: Puteum siue Lacum eorundem; Castra prætoria, & Misænata: Templum Sarapidis, & Isis, ubi nunc S. Petrus in vinculis: Domum Bruti, præturam præsentissimam Arcum duplicem Auræ domus, vnum Septentrionem versus & suburram, alterum ad Meridiem & Amphitheatrum; Monetræ Templum: Curiam veterum Sacerdotum: Mecœnatis hortos cum Turri: Thermas Titæ, quæ nunc Capociæ dicuntur: Porticum Liviæ; Thermas Philippi:



Thermas Traiani, nunc S. Marinellus in Montibus: Choragium, ubi parabantur ludi Amphitheatrales.

MONETAE SARAPIDIS Q. ET ISIDIS TEMPLVM, HOC
EST MONS S. PETRI IN VINCVLIS, TERTIA REGIO.


F

Area Vulcani cum Vulcanali antro.

Porticus Apsidata sine Latona.



Area Vulcani cum Vulcanali antro.



OCASVS

ORTVS

Arcus
Fabianus

*Templum
Vespasiani et Tiri.*


SEPTENTRIO

QVarta verò Regio Templum Pacis dicitur, quæ quidem à Veneris Meta prout ait Tacitus, siue Seneca vult, & ab Ottu principium sumit, & vsque sub Capitolium tendit, quæ quidem Meta Latericia semidiruta nunc quoque cernitur ante Traiani seu Constantini Arcum, de Thracum Victoria. Hæcque celebratiora Regio hæc continuit. Metam ipsam ab Ortu, Titi Templum & Vespasiani; Titi Arcum cum quatuor ahenis Equis & auratis in superna parte, quique Veneris nunc visuntur vecti de Constantinopoli illuc: Templum Pacis: Templum Rhomi, Rhomulæ siue Rhomæ, nunc S. Cosinæ & Damiani: Templum Faustinae, nunc S. Laurentius in Miranda dicitur: Templum Telluris: Arcum Fabianum, qui post S. Hadrianum cernitur: porticum Apfidentalium siue Arcuatam & Latonæ: Forum transitorium: Templum Iouis Feretrij: Apollinem Sanelarium: Aream Vulcani, cum Vulcanali antro: & à Meridie Viam Sacram. Suburra quidem ab Arcu Fabiano incipit, medioque fere spacio sinistra magnam Regionem faciebat, rectaque vsque ad Galeni arcum & S. Vitum in Macello Liviæ tendebat,


qui ascensus clivus Suburrani dicebatur.

TEMPLUM PACIS QVARTA REGIO.

SEPTENTRIO



VIA SACRA TRIVMPHALIS



Horti Plantiani


MERIDIES

Castrense Lucij Jauri.


QVinta vero Regio, quæ Exquilina dicitur, ab Occasu & Arcu Galeni, siue S. Vito exordium sumit, & in ortum tendit, vsque ad S. Crucem in Hierusalem, & inde reflectitur, & in Meridiem finit, quæ hæc potissima habuisse dicitur. Galeni Imperatoris arcum. Macellum Liuiæ, nunc S. Vitis in Macello Liuiæ dicitur: Hortos Plancianos Nymphæum Alexandri Imperatoris, Thermas Caij & Lucij, siue domum, Templumve, quæ nunc Thermæ engalluci dicuntur. Puteum siue lacum Orphæi. Castra cohortis secundæ Vigilum. L. Tauri Amphitheatrum castrense, quod nunc quoque Latericium in S. Crucis hortulo cernitur: Templum Iunonis Lucinæ: Templum Minervæ Chalcidicæ, siue Medicæ: Templum Iouis Viminei: Templum Iouis Fagutalis: Templum Iulidis Patriciæ: Templum Herculis: Thermas Nouati Olympij Imperatoris, nunc S. Pudentiana dicitur, Thermas siue lauacrum Agrippinæ matris Neronis, nunc S. Laurentius Panisperna dicitur.

EXQVILINA QVINTA.

OCCASVS.



ALTA SEMITA NVNC MONS CABALLVS.




SExta verò Regio Alta semita dicitur, quæ à meridie incipit, & in Septentrionem definit, Monsq; Caballus nunc dicitur, quæ hæc potiora habuit: Pauli Regiam, siue Tiberianam, quæ nunc Turris Militiarum dicitur: Templum Salutis: Templum Fortunæ publicæ: Thermae Caij Cæsaris, quæ postea Constantini dictæ sunt: quò Equos missos Neroni per Tiridatem Regem Armeniæ, Tigrisq; & Euphratis Flu. simulacra transfudit. Niphatis autem Flu. saxosi & volentis saxa in Forum Romanum, vnde Marforum dicitur, siue quod secundum Martis ædem foret. De quibus Equis Mons Caballus dictus est: Thermae Aurelianas, siue Diocletianas: Salustianum Forum: Salustianos Hortos & altera via, si ad Meridiem redeas, Pauli balnea: quæ nunc Montemangia Napoli dicuntur: Calidij, siue Candidi aream. Gallinas albas Liviæ. Mamuri statuam: Templum Sarapidis: Domum Flaviæ gentis, & Templum: Templum Quirini, quod nunc S. Susannæ dicitur: Circum Floralium, cuius Obeliscus hodie quoque humi stratus in


Vineto nobilis Cuius Romani Antoni de
Bubalo cernitur.

ALTA SEMITA MONS CABALLVS NVNC DI-
CITVR SEXTA REGIO.


ORTVS



Forum Suarium.



Templum Solis.



Templum Nympharum

Forum.



Archemori.



Campus Agrippæ.



SEPTEN-
TRIO.

INSV
LAE
ET
VICI.

INSU
lae
ET
VICI

REA
num.
MVS
TEI.

Insula
Vici.

HOR
Pylæ
DO
PV

INSU
lae
ET
VICI

REA
num.
MVS
TEI

INSV
LAE
ET
VICI.

MERI-
DIES.

Porta
flumentana
sive popularis

Sepulcrum
Neronis.

PV
Puteus
Marty-
medis

Magnus
Campus
Martius.

TEI.
Septa
campi
marty

Arcus
Domitiani

PV
Templum
Spei.

Templum
Forunce.

Templum
Quirini.

Vicus
argentarius

Porta Tarpeia.

OCCASVS

EXPLICATIO SEPTIMAE TABULAE.




Eptima quidem Regio Via Lata dicitur, nunc Campus Martius, & Columna: principium sumit à porta Flumentana, siue Flamina, quæ nunc vulgo de Populo dicitur, & à Septentrione Meridiem versus sub Capitolini Montis radices finit. In qua hæc potissima fuisse recensentur. Porta Flumentana primo loco ponitur. Neronis sepulchrum, & bustum. Mons & Horti nunc S. Mariæ de Populo dicitur. Puteus siue lacus Ganymedis. Campus Martius magnus. Soepta campi Martij. Domitiani Arcus nouus. Cum Elephantorum duabus quadrigis in superna parte, Quorum vna Ortum spectat, altera Occasum. Templum Spei, Templum Fortunæ, Templum Quirini, Campus Agrippæ, Campanianus vulgo. Templum Nympharum, siue Nymphæum Iouis. Forum Suarum. Forum Archemori, Vicus argentarius sub Iouis Capitolini Porta.

VIA LATA HOC EST VIA A POPULO VSQ.


AD CAPITOLIVM SEPTIMA REGIO.

G

OCCASVS.



V I A F O R I R O M A N I



ORTVS

Octava autem Regio Forum Rومانum, & magnum dicitur, à Meridie incipit, & in Septentrionem protenditur, hæcque paucula ex plurimis, quæ in eo fuerant, referuntur. Arcus Augusti quadrisoris. Templum Castoris, nunc S. Georgius dicitur. Templum Deum Penatium. Templum Vestæ. Numæ Regia Comitium. Templum Iani. Domitiani Equus aeneus inauratus, qui Rheni Flu. simulacrum calcabat, quem esse voluteum, qui est ad Lateranum, cui subductus sit Rhenus, & Aurel. Antonini caput impositum. Mineruæ atrium. Forum Boarium. Elephas herbarius. Templum Cæsaris in Foro, cuius è Regione Columna erat cum Cæsaris statua thoracata, & sub ea simulacrum Equi Cæsaris, Forum Cæsaris cum basilica Iulia, quæ nunc S. Basilii dicitur, Forum Augusti, Miliarium aureum, Forum Domitiani, quod transitorium, & Nervæ dictum est. Forum Traiani, in cuius medio Columna cochlea, & triumphalis erat, in cuius vertice statua thoracata fuerat cum hasta, quam Martis aliqui fuisse volunt, aliqui Traiani ipsius, Templum

Traiani, statua equestris aenea eiusdem. Arcus Fabianus, unde Suburrin-
cipit. Capitolium, & plurima alia celebrata, quæ longum
esset, si quis omnia differ-

taret.


R H O M A N V M F O R V M E T M A G N V M

O C T A V A R E G I O .


Nona Regio Circus Flaminius dicitur, quæ & Campum Martium, qui dicitur Magnus, complectitur, ad minoris differentiam, qui nunc S. Martinellus dicitur in Campo Martis, quæ à Meridie sumit exordium, & in Septentrionem finit. Circus Flaminius primo loco ponitur, qui nunc non est. Templum Herculis. Porticus Philippi nunc S. Maria in porticu dicitur. Carcer Claud. Decemviri, nunc S. Nicolaus in carcere Claudiano. Theatrum Marcelli, nunc Domus Sabella. Templum Iani. Theatrum Balbi & Porticus, siue Crypta, nunc Ponthecæ obscuræ. Porticus Seueri, nunc Ceura, quæ cernitur apud Iud. Plat. diruta. Theatrum Antonini Caracallæ, nunc Harenula. Campus Martis minor, nunc S. Martinellus, vti dictum fuit supra. Theatrum Pomp. & porticus, cuius ruinæ cernuntur è Campo floræ. Theatrum Aurel. Antonini, nunc nihil extat nisi ruinæ, vbi reperiuntur illæ tredecim Personæ Marmoræ Theatrales, quas Clemens Pon. Sept. emptavit. Domus Ceioniorum siue Cromationum, nunc mons Iordanus, ab Iordano quodam Nurfino prout nonnulli scripserunt, Theodos. Valent. & Gratiani Imp. Arcus, nunc non extat, sed vbi nunc signantur & cuduntur Numuli, illic fuerat Pons Hardianus. Hinc recurrimus ad porticum Agrippæ nunc Pellicia, Thermæ Agrippæ, quæ ab hoc porticu Pantheon vsque protenduntur, Pantheon nunc S. Maria rotunda, Thermæ Neronis, quæ postea Alexandri dictæ sunt, Circus Neronis siue Alexandri nunc Agon dicitur, templum Apollinis, nunc S. Apollinaris. Thermæ Hadriani, nunc S. Aloisius. Templum Sarapidis & Isis, nunc Piaccia de Sarra, templum Antonini cum Columna cochlea, & triumphali statua in superna parte, vti in Columna Traiani, nunc ea Regio Columna dicitur, ab ea Scipionum fons, qui defluit in Tiberim ante S. Rochem. Campus Martis maior. Mansoleum Augusti, nunc Augusta, hic finit hæc Regio, quæ maxima est, cum duas, vti diximus, complectatur.

CIRCVS FLAMINIVS NONA REGIO.

ORTVS.



VIA PALATINA



EXPLICATIO DECIMAE TABULAE.




Ecima Regio Palatium, siue Palatina dicitur, à Meridie auspicatur, & in Septentrionem protenditur, & vtrinque tam ab Ortu quam ab Occasu hæc continuit primæria. Casam Rhomi, siue Rhomuli. Matris Deum ædem. Apollinis ædem cum Bibliotheca. Rhamnusæ ædem. Pontapylon Iouis. Domum Augusti.


Domum Tiberij. Iouis ædem. Curiam veterem,
Auguraorium. Victoriam Germanici. Sæptum Solis
Seueri.

PALATIVM SIVE PALATINA DECIMA REGIO.

MERIDIES



V I A C I R C I M A X I M I



EXPLICATIO VNDECIMAE TABULAE.


VNdecima Regio Circus Maximus dicitur. Ab Ortu incipit sub Palatini Montis radicibus, & ad portam Trigeminam, hoc est, S. Pauli tendit, per plana inter Auentinum Montem, & Tyberim, quæ hæc continuit: Solis Templum, & Lunæ Templum. Matris Deum ædem. Iouis ædem. Cereris ædem. Apollinis cælum respicientis ædem. Herculis ædem.

Ditis patris ædem. Portam Trigeminam.


CIRCVS MAXIMVS DICITVR VNDECIMA REGIO.

H

SEPTENTRIO.



VIA NOVA PISCINAE PUBLICAE



MERIDIES

EXPLICATIO DVODECIMAE TABVLAE.


DVodecima Regio, Piscina publica vocabatur, quæ quidem sinistrâ Portâ Capenâ ingressis occurrît, & ab Ortu incipit, tenditq; in Occasum vsq; sub Auentini montis radices, aliquantûq; ad Meridiem, & Septentrionem versus dilatabatur. Quæ hæc paucula principalia continuisse legitur. Veneris almæ Piscinam publicam. Fortunam mammosam. Isidem Athenodoriam. Aedem Bonæ.

Deæ subfaxanæ, nunc S. Balbina. Dianæ ædem. Thermas Antonini Caracallæ, nunc Antonina dicuntur. Domos septem Parthorum, Hadriani priuata, Domum Chilonis.


Domum Cornific, Campum lauatarium, Hortos
Asinianos.

DVODECIMA REGIO PISCINA PVBLICA DICTA.

ORTVS



SEPTENTRIO. V. I. A. V. E. N. T. I. N. I. MERIDIES.



EXPLICATIO DECIMAE TERTIAE TABULAE.

Tertiadecima Regio dicebatur Auentinus, quæ quidem à Septentrione incipit & in Meridiem tendit. Hæcque potiora continuit. Armilistrum. Templum Dianæ. Templum Mineruæ, nunc S. Sabina dicitur. Nymphæ atria, hoc est, fontes magnos ubi Nymphæ catino aquam spargunt.


Thermas Varianas, siue Sirianas. Thermas Decianas. Mappam auream. Plate-

nona, Horrea Galbæ, Horrea Aniciana. Porticum Fabarium,


Scholam Cassi, Forum Pistorum, Atrium Libertatis, Traiani Priuata.

REGIO TERTIADECIMA. AVENTINVS DICEBATUR.

MERIDIES.



VIA TRANSTYBERINA ET VATICANA



SEPTENTRIO.


Quartadecima Regio Transtiberina dicitur, quæ magna est, cum & Vaticanam complectatur, ab Ortusq; incipiat, & in Occasum tendat, & in Septentrionem reflectatur. Hæc q; de multis continuasse dicatur, Caianum, hoc est, C. Principis Templum. Templum Iouis in Insula. Templum Aesculapij in eadem. Templum Fauni in eadem. Naumachiam Neronis. Statuam Valeriam. Statuam Varianam. Ianiculum. Numæ Sepulchrum. Septimi aream. Septimi Thermas. Septimi Ianum. Hortos Getæ. Hortos Domitij. Vaticanū. Naumachiam C. Principis, & Neronis, ubi nunc S. Petrus est. Porticum Neronis. nunc suburbium, siue burgum S. Petri dicitur. Diui Pij Pyramidem, nunc Meta dicitur quam Alexander Pontifex Sextus diruit, ex Pauli Veneti Pontificis designatione, vti ex Castro Hadriani, siue S. Angeli Palatium vsq; viam dirigeret. Quæ nunc Burgum novum dicitur. Theatrum Diui Pij, cuius vestigia quædam in Vineto nescio cuius Argentarij Fabri, prætæ Quintia versus cernuntur, Thermas Diui Pij, ubi nunc surgit Palatium cum Vineto Clementis Pontificis Septimi, Templum Hadriani, nunc S. Mariae transpontina dicitur, Mausoleum Hadriani, nunc Castrum S. Angeli vocatur.

TRANSTYBERINA REGIO QVARTADECIMA.



ANTIQVAE VRBIS ROMAE IMAGO.


TER maxima illa longeque florentissima vrbs Roma, quā paulo prius ob oculos positā spectandāque tibi ō amice Lector exhibuimus, ea haud aliā formā aliaue specie sub Nerone Imp. conspiciebatur, tum cū ab ipso illo humanæ naturæ monstro ex parte incensa in cineres consideret, adhæc intestinis bellis atque exterorum incurSIONIBUS postea magis magisque conquassata collaberetur; mœnibus circumquaque dirutis, arcibus, propugnaculis, turribusque demolitis, & magna eius parte quæ intra pomœria esset, desolata; ædificijs tamen magnificentioribus interioribusque fartis tectis subsistentibus. Rebus itaque demum compositis, vrbs ipsa restaurari munitique cœpta, sed forma non ita accuratā, ut ante, quin nec ordinato aliquo concinnioreue schemate, sed temere nunc hac nunc illac angulis excurrentibus, reflectentibusque, prout impense & operæ tum ferebant, qualem in sequenti efformatione expressam conspicere erit: in qua magnam campi partem, & magnificæ ædificia complura extra Vrbis mœnia neglecta desolataque vides, ambitu Vrbis nimirum iam multo cōtractiore, mœnibusque ut dictum fuit, arctioribus, quemadmodum in ipsa delineatione effigiata ea LECTORI in conspectum adducemus.



C I R C I O V A T A F O R M A.



Ircus Ouata forma erat, Caeli instar, cum septem Planetis. Obeliscus medio loco Solis insigne habebat: Metæ tres vtrinque pro reliquis sex Planetis erant; quas currendo quadrigæ circuibant. Erat autem locus amplissimus, vbi equestres cursus spectacula & certamina Rhomæ exhibebantur, & dicebatur Circus Maximus ad differentiam Circi Apollinaris, qui erat apud AEdem Apollinis; Circus maximus Tarquinij temporibus institutus teste Liuiolib. 3. Dec. 1. vbi ita scribit, Tum primum Circo qui Maximus dicitur, locus designatus: Loca diuisa patribus equitibusque, vbi spectacula sibi quisque faceret, fori appellati: Diuus Hieronymus à Romulo Circos primum institutos scribit, cuius hæc sunt verba: in Romanis vrbibus iam inde seruatur à Romulo, vt propter felicem Sabinarum raptum Conso, quasi Consiliorum Deo, quadrigæ septeno currant circuitu, & equos partis aduersæ fregisse victoria sit. Erant tres omnino Circi Romæ, 1. Armilustrium, 2. Circus Maximus, 3. Neronis. Forma Hippodromi ex Heliotropio Ouata datur: Agitatorum quatuor factiones celebrantur, Alba, Russata, Veneta, & Prassina. Certabatur in eo pernecitate equorum citra pugne simulacrum. Super Quadrigis leuioribus, equis quatuor pernecissimis iunctis, stabant agitatores pueri puellæve omni cura in id edocti. Quæ spectacula Romanis olim erant longe celebratissima; quorum exemplar hic luculentum expressum subiijcimus.



OCCASVS

QVADRIGAE

ORTVS

CIRCVS


SEPTENTRIO

I N S V L A T Y B E R I N A.



Cenographia Insulæ Tyberinæ, quæ ab eo tempore esse coepit, quo Roma Tarquinii pulsi sunt: iis enim Regiis opibus & potestate spoliatis, Romani deo non quievere, sed cum tum in illorum agris essent fegetes demessæ, eas execrabiles duxerunt, & maxima cum indignatione proiecerunt in Tyberim, fueruntque tantæ, ut in medio eius confiterint alveo, cum aqua etiam non multa deflueret, ibique Insula fortuito facta est ex illarum cum arena & aliis eiusmodi rebus congerie, quæ postea à Romanis perfecta & munita, Insula Iouis Lycaonii vocata est à templo, quod huic Deo in ea erat dicatum. Ob simulacrum deinde AEsculapii allatum ex Epidaurum cum angue, & hoc loco positum, AEsculapio tota Insula consecrata est, & ob memoriam illius Manlij, quo Romam id simulacrum est deuectum, eadem Insula ex marmore & lapide Tiburtino ad modum navis est efformata. Fuerunt in ea tria insignia Templi, unum Iouis, alterum Iani, tertium AEsculapii, una cum aliis ædificiis & domo Hospitali, pro his, qui infirma essent valetudine. Græca inscriptio superius posita reperta est in hac Insula eo loci, ubi nunc est

Templum Diuo Bartholomæo
sacrum,





Eæneo Lupæ antiquissimo Simulacro, quod nostram adusque ætatem in Capitolio, ac ipsius S. P. Q. R. ædibus visitur, vna cum binis puerulis Romulo nempe ac Remo, lac de illius mammis sugentibus, tum veteres, tum moderni scriptores conuenerunt. Qua de re Marrianus, testimonio quoque antiquorum suffultus lib. 2. cap. 9. cum de statuis, quæ in Capitolio sunt commemorasset; sic ait: In porticu interiori prope aulam, æneum Lupæ est simulacrum, ex cuius vberibus pendunt Romulus & Remus vrbis conditores. de hoc Cicero sic inquit, *tactus est etiam ille qui hanc urbem condidit Romulus, quem inauratum in Capitolio paruum & lactantem vberibus inbiantem fuisse meministis*. Huius simulacri effigiem expresit Virg. & Cicero, quorum alter sic ait, lib. 9. *AEneidos: geminos huic vbera circum Ludere pendentes pueros*. Alter verò, *Romulum etiam vberibus inbiantem*. Fuerunt autem Romulus & Remus filii Rheæ Syluiæ & Martis, quos Amulius in Tyberim proici & matrem viuam infodi præcepit, sed ministri misericordia moti in ripam posuerunt, qui postea à Faustulo pastore inuenti & ab Aca Laurentina vxore eius, quæ meretrix fuerat, sunt nutriti, iam adultiores cognita causa Amulium interfecerunt, auoque Numitori regnum restituerunt, quibus dum cum eo angustum Albæ videretur imperium, recesserunt, & captatis auguriis *VRBEM* condiderunt. Quod autem à Lupa dicuntur aliti, fabulosum figmentum est, ad celandum authorum Romani generis turpitudinem, nec incongrue fictum est, nam & meretrices Lupas vocamus:

Et constat hoc animal esse in tutela Martis. Verg. *Donec Regina sacerdos Marte grauis geminam partu dabit Ilia*

prolem.



S E P V L C R V M B A C C H I.

Ntrum cur adeo in nostram vsque ætatem hæc & scriptorum & vulgi opinio irrepperit, vt Beatæ Constantinæ, Magni Constantini filiæ sepulcrum, Bacchi sepulcrum vocitèt: Bacchus enim aut Semeles nunquam urbem Romam vidère, nisi forte ea fuerit ratio, vt à maiori sumperint denominationem, & à Templo, quod ipsa antiquitas Baccho dicauerit, inde & sepulcrum ibi consistens Bacchi nominaretur; vel forte etiam ab ipsa sepulcri celatura sic dictum fuit, totum namque vuarum racemis pampiniisque & paruulis Bacchis circumcunctaque extrinsecus insculptum conspicitur. Sed quid de hoc sit apud Marlianum videamus; Is lib. 5. cap. 25. de via Nomentanâ, & de Templo Bacchi agens, scribit in hæc verba: Viâ eâdem (Nomentanâ scilicet) ad secundum lapidem vilitur Bacchi Templum sphæricâ formâ, cum columnis geminatis, in gyrumque ita dispositis, vt Templi testudinem sustineant: vbi vermiculato opere varia ornamenta cernuntur: ibique prophæticum sepulcrum vitibus & vuis insculptis exornatum, quod vulgus Bacchi sepulcrum appellat. Hactenus Marianus. Sed in huius sepulcri mentione illud non est prætereundum, quod Io. Baptista Platina, qui Vitas summorum Pontificum ad suam vsque ætatem conscripsit, in vita Pauli II. Veneti meminit; ait enim in hanc sententiam, quod cum is Pontifex forma & pulcritudine illius sepulturæ captus (plurimum enim antiquitatibus & celebrioribus monumentis delectari solitum fertur) iussisset illud in urbem ad se asportari, ad id, cum itineri iam commissum esset, ac urbem adueheretur, quod sibi forte ad monumentum parare statuisset, statim nocte intempesta repente nunciatur Pontificem ab humanis decessisse; quod fuit in causa, vt Canonici, qui Regulares dicuntur, in S. Petri ad Vincula coenobio degentes, quiq; S. S. Agnetis & Constantiæ Ecclesiis præsident, eo vnde sublatum fuerat illud restituerent. Hoc de celeberrimo ac vetustissimo Sepulchro B. Constantiæ, quod vulgo Bacchi nominant, dictum factis sit; quodque prope Ecclesiam D. Agnetis Viâ Nomentanâ secundo ab vrbe lapide, ac extra portam Piam, ad hanc nostram vsque ætatem, in Templo olim Bacchi, nunc vero S. Constantiæ dicato integrum videre licet.



ANTIQVI EX PORPHYRITE SARCOFAGI IN BACCHI AL SECVNDVM AB VRBE VIA NOMENTANA LAPIDEM VT RVDIVS PROPTER MARMORIS DVRTIEM VEL ARTIFICIS NEGLIGENTIAM VEL SECVLI
 sane barbararum. ^{noti} in fronti: et a tergo tum dextro ac sinistro latere totidem et isdem figuris insculpti, ita sepulcri Constantiae Constantini Magni Filiae fama quamquam incerta vulgo

P R I A P V S.



Riapus Deus Hortorum credebatur, & Liberi patris & Nymphæ seu Veneris filius, quia vinum Venerem commouet. Cum enim Venus Bacchum amaret, cum eo concubuit, deinde in Indiam Baccho profecto concubuit cum Adonide. Postea illo ex India reuerso, coronam illi obuiam progrediens obtulit, eumque sic coronatum tanquam Sponsam sequi se iussit. ex quo cum concepisset in Lampſacum oppidum Helleſponti abiit, luno autem infensa illi ob Zelotypiam, manu vterum illius incantando tetigit, ex quo factum est, vt illa pareret filium, non modo præter omnes alios deformem, sed & ingentem pene præter modum dehonestatum. cuius postea cum illa pueret, reliquit in vrbe Lampſaci à se reiectum, à quo Lampſacenus dictus est. Hunc deinde cum Lampſacenis mulieribus nimium gra-
tus esset, à ciuibz eiectum ferunt, ob quam rem, cum nescio quo malo postea premerentur, tem-
pla eidem & sacra constituerunt, factus etiam Hortorum Deus est. Immolabant ei Asinum, quod cum olim hic Deus in festo magnæ matris Lothidem Nympham stuprare volens, intempestiuo A-
fini rugitu impeditus esset, vel quod mēbri magnitudine ab eo victus esset. Ithiphallos sacerdotes habebat, qui ebriorum personas gestantes coronabantur, & manicas habebant floreas siue purpu-
reas, semialbisque tunicis utebantur, & subtili ad talos vsque tegebantur amiculo: cum silentio autem per porticum ingressi, vbi in mediam venēre saltationem, ad theatrum se conuertebant, di-
centes, Recedite, Deo locum date; vult enim Deus rectus sublimisq; per medium incedere, hæc fere Athenæus. D. Augustinus de Ciuitate Dei inquit: Quid hoc dicam? cum ibi sit & Priapus, nimi-
rum masculus, super cuius immanissimum & turpissimum fascinum sedere noua nupta iubeba-
tur more honestissimo, & religiosissimo matronarum. Vide quæso quo cæcitatibus humanum inge-
nium probabatur? cum vera Dei cognitio, verusq; cultus numinis negligitur. Eius ergo Priapi effi-
em Romæ positam nos in appposito Schemate tibi exhibemus, vt quem fecunditatis prolisque ge-
nerandæ DEVM veteres nimia impietate coluerint.



ANTIQUA SACRIFICIALIA INSTRUMENTA, ET VASA, EX ORDINE

dine in figuris appposito.

I. PRÆFERICVLVM.

PRÆFERICVLVM: à præfero dictum, vas fuit æneum sine ansa, ut Festus ait, patens velut peluis, quo ad sacrificia utebantur. Hactenus Festus. Verum ut mihi liceat secundum hodiernam consuetudinem existimare, hoc putō vas ad id fere fuisse, quod ætate nostra thuribulum esse videmus: nam & in eo ignem tulisse veteres crediderim, ideoque præibat, seu præferebatur, nam ignis cæteris elementis præstantiorem sedem retinet, ac cunctis præire videtur; in eoque diis adoleri thura solitos, uti nunc thuribulis summo veroque Deo adoletur, ac parimodo præfertur, dum proceditur.

II. SIMPVLVVM.

SIMPVLVVM, seu Simpuuium, utroque enim modo scriptum inuenimus, fuit calix fictilis, quo vinum in sacrificiis libabatur, ita dictum à sumendo, quod eo vinum minutatim fumebant. de quo Plin. lib. 35. cap. 12. sic scribit: In sacris quidem etiam inter has opes, non murrinis crystallinivè, sed fictilibus prohibetur Simpuuiis. Apuleius autem catinum & Simpulum sacrificiis adhiberi solita ostendit his verbis: Paupertas Populo Romano imperium à primordio fundavit; proque eo in hodiernum diis immortalibus Simpulo & catino fictili sacrificat. Festus vero sic habet: Simpulū vas paruum non dissimile cyatho, quo vinum in sacrificiis libabatur. Vnde & mulieres rebus diuinis deditæ, simpulatrices dicuntur. Varro scribit vas esse minutatim fundens, in cuius locum successerit epichysis, id est, infundibulum. Vnde veteres res minutas nulliusque pretij simularias appellabant. Atque de Simpuvio meminit Inuenal. Sat. 6.

*aut quis
Simpuium videre Numa, nigrumque (alii, priscumque) catinum.*

Sunt etiam qui velint simpullum gemino L, scribendum, ea forma qua ampullam dicimus. In simpulo aliquid facere prouerbij speciem habet, Cic. deleg. excitabat enim in simpulo, vt dicitur Gratius quos, &c.

III. CANDELABRVM.

CANDELABRVM notæ est significationis: est enim in quo candelæ figuntur. Cic. in Verr. act. 6. Cætos æratos, & candelabra ænea. Verr. Candelabra à candela dicuntur, in his enim funiculi ardentes figebantur, &c. Saluator & Dominus noster candelabri pariter meminit Matth. cap. 5. sic dicens: neque accendunt lucernam, & ponunt eam sub modio, sed super candelabrum, vt luceat omnibus qui in domo sunt. Variæ etiam fuerunt candelabri formæ, vt ex antiquis marmoribus patet: nam & in arcu Titi Imperatoris prope templū pacis in sculptum est *ἐπὶ τῷ αὐτοῦ* hoc est, septem luminarium quod aureum Salomon Rex Iudæ in templo summi Dei constituit, vt est in Exodi cap. 37. fecit candelabrum de auro purissimo, &c. quodque ipse Tirus Imperator de bellatis Hierosolymis, quæ à ditione Pop. Rom. defecerant, interpretiosiora quæ in Salomonis templo inuenit, candelabrum & arcam foderis quæ in eius arcu sunt in sculpta, Romam triumphans inuexit, aliæ candelabri formæ in posteriori parte porticus Antonini & Faustine, & alibi multis in locis visuntur.

III. MALLEVS.

MALLEVS seu ligneus, siue ferreus fuerit, instrumentum fuit ad boues ante aras Deorum olim percutiendos: ficuti & hodie ligneo ad eundem effectum lanijuntur, nempe ad boues similiter sternendos, hic vna cum securi à sacrificio seu ab vno ex victimariis gestabatur: atque coronatis victimarum capribus (teste Plin. libro 16. cap. 4. in his verbis: Postea Deorum honori sacrificantes sumpsere, victimis simul coronatis) malleo primum ante aram percutiebant: deinde securi ceruix abscindebatur: tum ad euiscerationem, & extra rimanda, captandaque auspicia, procedebant. Sed hæc tenus de malleo.

IIII. SECVRS.

SECVRS autem à secando dicta videtur: hoc instrumento olim ad varios effectus vsi sunt veteres; nam & ad ligna secanda, & etiam ad bellum; Virg. lib. 11.

— eratam quatiens Tarpeta securim.

Vsi sunt pariter ad fontes puniendos, quique à magistratibus capite plectendi erant, securi percutiebantur. Cic. 3. Verr. Agunt eum præcipitem poenæ ciuium Romanorum, quos partim securi percussit, partim in vinculis necavit. Et Virg. 6. AEneid.

*Consilia imperium hic primus sauasque secures
Accipiet.*

Et Lucan. lib. 7.

Pacificas sauas tremuit Catilina secures.

Huius instrumenti inuentrix fuit Penthesilea Amazon, teste Plin. lib. 7. cap. 56. Vnde & Amazones, securigeræ à Poëtis dictæ sunt. Secures item Magistratuum insignia erant, virgarum fasciculo loro illigatæ. Cic. 6. Verr. Quam obrem fasces Prætoribus præferuntur, cur secures datæ? Secures demum, vt in nostram sententiam veniamus, licet grandiores, erant ad victimarum carnes secandas diuidendasque prout libebat sacrificolis, victimariis, & id genus hominibus, qui sacrificiis antiquorū præerant. Hodie Lanii in Vrbe magno latoque cultro ad carnes diuidendas vtuntur, quem spatagium vocant.

V. SECESPITA.

SECESPITA interprete Festo, culter est ferreus oblongus manubrio eburneo, rotundo, solido, vincto ad capulum argento, auroque fixo, clauis æneis, ære cyprio, quo Flamines, Flaminicæ virgines, Pontificesque ad sacrificia utebantur, à secando sic dicta; eadem alias dicitur, qua in sacratio vtuntur: sacraria namque in templis reticulo æneo olim sepiebantur, in quo turbæ relictæ sunt, per quas manibus sacra tangere licet; est hoc in templo Bonæ deæ, sed & aliis in locis, & sunt velut repagula

repagula quædam, ita Seceſpitæ dicuntur duobus modis. Sueton. in Tyber. nam & inter Pontifices ſacrificanti ſimul, pro Seceſpita, plumbeum cultrum ſubiiciendum curauit. Idem alibi: Seceſpitam alii ſecurim, alii dolabræ aneam, alii cultellum putant.

VI. PATERA.

PATERA fuit poculi genus latum ac patens, de quo Virg. l. AEnëid.

— impiger hauſit.

Spumantem pateram, &c.

Cic. 6. Varr. ait: Patera, quæ mulieres ad res diuinas vterentur. Macrobius vero Saturnal. lib. 5. cap. 21. de poculorum generibus loquens, cum de carcheſis loquutus fuiſſet, ſic inſert de Patera: Sed Plautus in ſuetum nomen reliquit, aitque in fabula Amphytrione pateram datam, cum longe vtriuſq; poculi figura diuerſa ſit. Patera enim, vt & ipſum nomen indicio eſt, planum ac patens eſt, carcheſium vero procerum, & circa mediam partem compreſſum, anſatum mediocriter, anſis à ſummo ad inſimum pertingentibus. & proſequitur: Aſclepiades autem vir inter Græcos apprimè doctus, ac diligens; carcheſia à nauali re exiſtimat dicta. Ait enim: naualis veli partem inferiorem, Pateram vocari: at circa mediam ferme partem *τραχηλὶ* dici, ſummâ vero partem carcheſium nominari; & inde diffundi in vtrumque veli latus, eaque cornua vocantur, &c. Virgil. autem oſtendens pateris libare Ioui ſolitur, ſic inſert:

Tum pateras libate Ioui, &c.

Sed hætenus de patera.

VII. DISCVS.

DISCVS; teſte Iulio, Polluce, vas latum eſt ad portandas carnes aptum, forte lanx, Cic. de Orat: Quorum auditores diſcum audire malunt, quam philoſophum. hoc in ſacris vtebantur veteres, ſeu ad exta introſpicienda, ſiue ad colligendum ſanguinem, quem vna cum vino aris infundebant, poſtquam diis delibaſſent.

VIII. ANCLAPRIS.

ANCLAPRIS teste Festo, fuit mensa ministeriis diuinis apta, quia it, Vasa quoque aenea quibus sacerdotes vtuntur Anclabria appellari; subdens Anclare [seu vt alii malunt Antlare] à Græco *ἀντλῆ* descendit, (quod haurire significat) Liuius: Florem anclobant liberi ex carchesiis. Haestenius Fest. Sunt autem, vt supra tetigimus, qui putent Antlabra *ἀντλῆ* *ἀντλῆ*, hoc est ab hauriendo, dici. nam ex vasis quæ in ipsa Anclabri imponebant, vinum inde hauriebant: hac etiam (vt opinor) mensa veteres diis dapes delibandas parare solitos fuisse crediderim, quæ ideo mensa dicta est teste M. Varro-
ne, quasi sit mesa, eo quod inter duos poneretur, de qua Virg. lib. 1. Aeneid. sic habet:

Parsepulis onerant mensas, &c.

Duo autem fuerunt apud Romanos pretiosissima mensarum genera, Citrea, & Acerna, sic dicta à genere lignorum, de quibus fiebant. Martial. libro 14. Epigram. 5. Ouid. 11. Metamor.

Hunc pede conuulso mensa Pellæus acerne

Serrauit humi.

Cic. 6. Verr. mensam citream à Lutadio abstulisti. Horat. 1. Serm. Sat. 3.

Modo fit mensa tripes, &c.

Quandoque ponitur pro prandio, vel coena, Iuuenal. Sat. 1.

— *una comedunt patrimonium mensa.*

Vnde & primæ & secundæ mensæ, id est primi & secundi cibi, vulgus Introitum, & exitum mensæ appellat, seu primos, vel secundos intermissus. Ouid. de Nuce: Poma cadunt mensis non interdicta secundis. intelligens de lege Licinia, quæ à P. Licinio Crasso diuite lata est, cuius summa erat, vt Calendis, Nonis, Nundinis liceret cuicque in dies singulos duntaxat tringenta asses edendi causa consumere, cæteris vero diebus ne amplius apponeretur, quam carnis aridæ pondo tria, & falsamentorum libra, & quod ex terra, vite, arbore venatum esset: atque hinc habetur huius versus Ouidiani sensus. Erat pariter & lex Orchia, ab Orchio Tribuno plebis de Senatus sententia lata, qua conuiuarum numerus præscribebatur: iubeatque vt patentibus ianuis coenitaretur, quo obseruatio eius videri posset. Cic. ad Atti. lib. 14. secundam mensam dixit numero singulari: Hæc (inquit)

		
CANDELABRVM	SIMPVLVM	PRAEFERICVLVM
		
PATERA	SECESPITA	MALLEVS, SECVRIS
		
DOLABRVM	ANCLAPRIS	DISCVS
		
VLLA	ACEPRA	VAGINA

DE FORO ROMANO, COMITIO ET CAR- CERE TULLIANO.

Romanum forum, quod & Latium appellauit Statius, à radicibus Capitolii producebatur, secundum longitudinem, vsque ad ecclesiam S. Mariæ Nouæ, vt testatur Dionys. memorans Valerium in colle imminenti foro domum habuisse, cumque supra demonstratum sit domum hanc in Velia fuisse, è regione eiusdem Ecclesiæ, fuit necesse forum eousque peruenisse, quo ei immineret; ab origine autem Urbis angustiores fines habuisse opinamur. Nam cum Plinius narret, Curtium ab arce decurrisse, egisseque Romanos effusos, toto, quantum forum est spacium, vsque ad portam Palatii, visumque sit Romulum Iouis Statoris Templum, in radice Palatini montis, vbi exercitum firmauerat, posuisse, satis conuincimus, forum ipsum non vltra primos radices eiusdem montis terminos habuisse. Multis vero post annis ampliavit Augustus teste Suetonio. *Comitium* vero erat foro iunctum, vel potius ipsius fori pars à prædicta porta ad eandem Diuæ Mariæ ecclesiam. At priusquam de eo agamus, quæ in foro erant videndum est.

CARCER TULLIANVS

In radice Capitolii, qua parte mons ipse ortum brumalem spectat, Carcerem ædificasse Ancum Martium sic docet Lilius: Fecit carcerem media Vrbe, imminente foro, ad terrorem crescentis audaciæ. Partem deinde addidit Tullius, cui Tulliano nomen imposuit, de quo Calp. Flaccus ita scribit: Video Carcerem publicum, saxis ingentibus structum, angustis foraminibus, & oblongis lucis vmbra recipientibus. in hunc abiecti rei robur Tullianum aspiciunt, & quoties iacentes ferrati potius stridor excitat, exanimantur, & alienum supplicium spectando suum discunt: sonant verbera intus, recusantibus spurca manibus carnificis ingeritur, sed & ianitor inexorabilis pectore, qui flente matre siccos tenet oculos, illuies corpus exasperat, manus cathenæ premunt. Describitur perbellè etiam à Salustio hoc modo: Est locus in Carcere quod Tullianum appellatur. vbi paulo descenditis, depressus ad læuam circiter XX. pedes, eum muniunt vndique parietes, atque insuper Camera lapideis fornicibus iuncta, sed inculta tenebris & odore fædo, atque terribilibus eius facies. Vnde autem dicatur, hæc declarant Var. verba: Carcer à coerendo, quod exire prohibentur; in hoc pars, quæ sub terra Tullianum, ideo quod additum à Tullio rege, quod Syracusis, vbi hac de causa custodiuntur, vocantur Lathomii. Lathomii enim est græcum, & maxime à Syracusanis, qui Lathomias & appellant & habent, ad instar Carceris, ex quibus locis excisi sunt lapides, ad extruendam Urbem, auth. Sex. Pop. Cice. septima actione in Verrem; Lathomias, inquit, Syracusanas omnes audistis, plerique nostis, opus est ingens, magnificum, Regum & Tyrannorum, totum est è Saxo in mirandam altitudinem depressum & multorum operis penitus excisum, nihil tam clausum ad exitus, nihil tam septum vndique, nihil tam tutum ad custodias, nec fieri nec cogitari potest. Sen. Sabinum in Lathomias fuisse damnatum tradit: Lilius vero principes Aetolorum tres & quadraginta; inter quos Democritus & frater eius erant, Romam à Marco Attilio deductos, in Lathomiasque coniectos. Erat autem Tullianum sicut hodie videmus duplex superior & inferior Camera: Superiori extat adhuc foramen spiraculi causa additum, vt retulit Flaccus. Locus nunc Diuo Petro, cognomento est dicatus.

ad te scripsi apposita secunda mensa. Accipitur etiam mensa pro abaco numulariorum, quemadmodum apud Græcos; unde & ipsi numularii à Cicerone! Mensarii vocantur, quos Græci *regiménai* vocant (vulgus nostri temporis bancherios, seu bancheros, ab ipsis pariter mensis, quas banchas seu banchos appellant) Cic. in Pis. stipendium militibus, mensis palam propositis, numeratum. Ponitur quandoq; pro disco, siue quadra, qua utimur in mensa ad epulas in frustula concidendas. Virg. 7. AEn. id.

Accisis coget dapibus consumere mensas.

Antiqui mensam vasorum quadratam habuerunt. vocaueruntq; Vrnarium: de quo vide Varr. Fuit & mensa vinaria rotunda nomine Cylibantum *ἐκ τῆς κύλιβτος*, sic enim Græci calicem vocant. Altera erat quadrata, vna columella subnixa, cartibulum vocatur. Auctor idem Varr. de ling. lat. Sed vt de mensa ad sacrificia peragenda nonnulla astruamus, de ea sic Festus ait: Mensæ in ædibus sacris ararum vicem obtinent, quia legibus earum omnium sacræ quoq; mensæ sunt, vt velut in aram, vel in pulvinaris loco sint. Priuati quoq; in primis ipsis locis habere solent, vbi sacras habituri sint, cuius modo est parentatio non sacrificium. Hactenus Festus de sacra mensa: sed si quis plura de hac re scire velit, legat Scaligeri Annotationes, seu castigationes in Festum eod. verbo.

IX. D O L A B R V M.

DO L A B R V M, vt ex forma patet: (nam nullibi hoc me alias legisse fateor) fuit culter grandior, furio perquam similis, quo olim reor in sacrificiis veteres vt fuisse solitos, ad hostias & victimas deglubendas, postquam malleo hæ percussæ, & iugulatæ essent, à quo forte nomen sumpserit, seu potius à dolando, hoc est ab æquandis partibus carniū, quæ aris imponebantur diis immolandarum, sumpta metaphora à dolabra, quæ Fabrilignarii est instrumentum, quo ligna dolantur, seu expoliuntur, quanquam & rusticum itidem sit instrumentum, cuius Columella lib. 3. meminit his verbis: Quæ falce amputari non possunt, acuta dolabra abradito. Est & eius diminutium dolabella, de qua idem auctor lib. 5. sic insert: Circa crus dolabella dimouenda est terra, &c. Plutarchus vero in vita Tiberii & Caii Gracchorum, de dolone, quod genus est gladii, sic meminit: ille ve-

ro (Tiberium intelligit) palam gladium, quem dolonē vocant, accinctus ambulabat, &c. Quod culter huiusmodi hoc nomine appellaretur, auctorem adhuc desidero, quod autem hac forma vnum ex sacificialibus instrumentis fuerit, nulli dubium esse puto: nam passim multis in locis marmore antiquo insculptum cernere licet, & præsertim in arcu marmoreo, quem aurificum nominant, prope Ecclesiam sancti Georgii in Velabro, vbi multa, quæ ad antiqua sacrificia spectant, videre est.

X. V A G I N A.

VA G I N A, adeo notæ significationis est, vt nulla prorsus alia indigeat declaratione, nisi dixerimus fuisse thecam gladiorum, quam (vt in Secepsita diximus) bullis æneis auratis, aut etiam argenteis ornatam fuisse existimandum est, in qua cultri omnes, nempe dolabrum, Secepsita, & alii omnes cultelli ad varios vsus sacriorum recondebantur peractis sacrificiis, quam vnus è victimariis, seu sacrificulis de zona pendentem gestabat, vt patet in arcu insculptum, superius citato, in quo ordo ipse pene totus sacrificantium more antiquo; ibique simulacra L. Septimii Seueri Imper. ac Iulix Augustæ vxoris, Antoninique, seu Getæ eorum filiorum insculpta videntur.

XI. A C E R R A.

AC E R R A fuit arcula ærea, siue argentea, qua thus in sacris obeundis olim gestabatur; ex eaque in præsericulo prunis immixtis, ponebatur adolendi causa: de hac Festus in hæc habet verba: Acerra, ara, quæ ante mortuum poni solebat, in qua odores incendebantur. alii dicunt arculam esse thurariam vbi scilicet thus reponerent. hætenus Festus. Hodie vero nostri Nauiculam thurariam appellant, ita dicta à forma quam præsefert. constatque vel ex auro apud principes in locis primariis, vel argento inter mediocres; ex hac namque materia, vt plurimum hac tempestate constant, aut saltem ex auricalcho, aut æræ argento perfecto in locis tenuioribus. hoc itidem instrumentum in eodem arcu aurificum superius citato cernitur, vt cætera pariter quorum hic meminimus.

XII. V L L A.

VL L A quæ & olla, seu aula, vt antiqui dixere, fuit vasis genus teste Festo, qui sic ait: Aulas antiqui dicebant, quas nos dicimus ollas, quia nullā litteram geminabant: Itaq; aulico quæ exta, quæ in aulis coquebantur, dicebant, id est, elixa, inde Plauti Aulularia dicta est. ipse Plaut. quoq; in Captiuis de hac meminit: in hac carnes putatur in sacris coqui solitas, dum diis litarentur, & ideo antiqui aulas quas nos ollas, dicebant, id est, vasa figlina in quibus cibaria coquuntur. Plaut. in Amphitr. infringatur aula cineris in caput. diminutiū eius est aulula, à qua Plauti comedia Aulularia vocata, hoc est parua olla, à quo aliud diminutiū auxilla fit, & inde forte vlla per sineresin dicitur hoc vas vt dictum est. in sacris iungebatur ad carnes animalium coquendas, quas postea






NOVISSIMAE VRBIS RO-
MAE PERFECTA
IMAGO.



Xhibuimus hactenus quatuor Urbis Romę Typographias, quarum prima quatuor portarum, secunda octo, tertia sedecim, quarta triginta quatuor idque priscis temporibus diuersisque conditoribus restauratoribusque extitit; addidimus & quintam eius imaginem, qualis nimirum antiqua illa Roma post tot ruinas & excidia erat, maiorum nostrorum seculo. Nunc vero **S E X T A M** hanc nouam & perfectam imaginem Urbis subiicimus, quę eam eius faciem repręsentat quam hac ætate referre conspicitur, Cuius ambitus tredecim millia passuum non excedit. Turres ipsorum murorum tercentum & sexaginta numerantur, quarum multę sunt collapsę, multę ita vetustate corrosę vt indies ruinam minentur. Quę porro notanda veniunt, ea in Topographia Lectori abunde declarata sunt, qui & studium & curam nostram boni consulet tum hic tum per opus vniuersum.

Castellum



DE MARFORII SIMVLACRO, SIVE
PANARIO IOVE, SIVE RHENI FLVM I-

NIS SIMVLACRO.

ANte Tullianum, in foro Romano iacet marmoreum ingens simulacrum MARFORIVM vocitatum, quem Pistorum Deum siue *Panarium Iovem*, quod tumores in star panum, circumquaque promineat, multi esse affirmant. Nam, vt auctor est Lactantius, eo tempore quo Romani obfessi in Capitolio erant, Iupiter per quietem admonuit, vt ex omni frumento, quod haberent panem facerent, in hostiumque castra jactarent: eoque facto, soluta est obsidio, desperantibus Gallis impia subigi posse Romanos, quare Ioui Pistori non solum aram, verum etiam statuam in perpetuam rei memoriam posuerunt. At cum in scopulo simulacrum hoc sit collocatum, RHENI Germiniae fluminis esset enim; quod autem sit *Nar* fluvius, vt vult Fulvius, non placet; nulla enim apparet ratio, cur Nar veniret à Romanis excitandus. Marforium cur vocitetur, nihil est certi quod dicatur, nisi velimus ex eo, quod in Augusti foro esset, vt quorundam est opinio, vbi & Martis Templum.

A^o CHRI. ^{MM}CCCCXII. ^{MM}KL. APR. ALARICVS
GOTTHORVM. REX. ROMAM. OCCVPAT. ET
MAXIMAM. EIVS. PARTEM. INCENDIO. DEVAS-
TATAM. DESTRVIT.



A^o CHRI. ^{MM}CD. ^{MM}LD. XXVII. PRID. KL MAY. ROMA
A DVCE BORBONIO CAPTA PAPA CVM
CARDINALIBVS. SVIS IN EXTREMAS
ANGVSTIAS REDACTVS FVIT.

M


DE MOLE HADRIANI ET PRATIS
QUINTIIS.



Elius Hadrianus Imp. iuxta Ælium sui cognominis pontem, Molem siue Sepulcrum è regione Mausolei Augusti, excitauit, vt index in ipsa incisus ostendit huiusmodi: L. HÆLIO CÆS. DIVI HADRIANI AVG. F. CONS. II. F.

Spartianus: Fecit & sui Nominis sepulcrum iuxta Tyberim, in hoc autem ipse primus sepultus dicitur, & post omnium Antoninorum cineres conditos esse, inscriptiones & epitaphia ibidem in marmore incisa ostendunt, ex quibus satis erit hæc quæ sequuntur notauisse: IMP. CÆS. DIVI TRAIANI PARTHICI FILIO, DIVI NERVÆ ADNEPOS TRAIANO AVG. PON. MAX. TRIB. POT. XXII. IMP. II. COS. III. P. P. ET DIVÆ SABINÆ IMP. CÆS. T. ÆLIUS HADRIANVS ANTONINVS AVG. PIVS PON. MAX. TRIB. POT. II. DESIGNATVS IIII. COS. II. P. P. PARENTIBVS SVIS. item. IMP. CÆSARI L. AVRELIO VERO AVG. ARMENI AC MED. PARTHIC. PONTIF. TRIBVNIC. POT. VIIII. IMP. V. COS. II. P. P.

Lampridius autem refert, Commodum iussu Pertinacis, in monumentum Hadriani translatum. Iulius vero Capitolinus Seueri cadauer illatum in Hadriani sepulcrum, in quo & Cæsar pater eius naturalis sepultus fuerat. Idem docet Antoninum Pium Hadriani patris sepulchrum instaurasse, eique Templum dedicasse. Hanc equidem molem hodie Pontifices pro præsidio habent. Est enim ampla, rotunda, solida & inexpugnabilis; olim extrinsecus marmore incrustata. Dicta est etiã arx Crescentii, à Crescentio quodam factioso duce ex oppido Nomento, qui illam in potestatem suam cum redeisset, diu tenuit; donec Theutonicorum fidei, qui illam oppugnabant se committens, ab illis est trucidatus. Describitur à Procopio hoc modo: Hadriani quondam Imp. sepulcrum extra Portam Aureliam, siue vt nobis placet, Æliam iactu lapidis impositum. Primus eius ambitus quadrati figuram habet, constat enim totus ex marmore pario, summa artificum diligentia ædificatus; in medio vero huius quadrati rotunda moles assurgit, excelsa altitudine, & tanta, vt in suprema eius parte area sit, cuius diameter vix iactu lapidis transigitur. Quam molem Bellisarius occupans pro arce & præsidio contra Gothos vsus est. Erant olim in summa parte, vndique magnæ statuæ hominum, equorum, quadrigarum, miro artificio elaboratæ: has partim integras milites demoliti, partim confractas in hostes deiecerunt, visuntur adhuc in hoc monumento bouum capita & quædam alia insculpta. Prata autem Quintia à Q. Cecinnato denominata in campo Vaticano fuisse, Plinius sic commemorat: Aranti quatuor sua iugera in Vaticano, quæ prata Quintia appellantur, Viator attulit Dictaturam. Locus enim nunc in pratis vulgo dicitur. Theatrum in pratis Vaticanis inter pontem Miluium & molam Hadriani ponit: Fuluius, authore Procopio, ad ludos gladiatorios ædificatum; à quo autem, non meminit. Extant, inquit, hodie (vt credunt) vestigia quædam in vinea Io. Alberini patricii Rom. At Circum, non Theatrum eum fuisse crediderim, vt forma adhuc præ se fert, nisi perperam interpretes locum verterit: nam in Theatris ludi scenici fiebant; in Circis vero equorum cursus agebantur.





Vidnam fuerit statua illa marmorea, quæ iam pridem vulgo Pasquinus dicitur, dubitarunt nonnulli: plures autem in hoc conueniunt, gladiatoris esse simulacrum, nisi volueris Martis aut militis cuiuspiam, eo enim gestu corporis manet, quasi ferire volentis, ac subter se marmoreum alium mutilatum truncum seu fragmentum habet alterius simulacri, vt hostem esse pro comperto habuerimus, quo cum is dimicaret. Ferunt nonnulli hoc esse simulacrum vnus ex duobus præcipuis Alexandri Macedonum regis, qui etiam Pasquinus nomine vocatus sit, quod innuit author quidam, qui vetusta Urbis marmora & ænea simulacra typis excusit. Quandiu autem abhinc ibi steterit signum id, non satis liquet, sed vt coniectura credere facile est, ab eo, quo ædes illæ, penes quas extat, erectæ sunt tempore, ducentis nempe abhinc annis vel circiter. Ædes vero à Francisco de urfinis, Urbis Præfecto, vt in ostii superstilio legitur, erectæ sunt. Duo tantem impræsentiarum dicenda succurrunt, de huiusmodi termino: Primum quod famosi libelli, seu Pasquilli vt vulgo dicunt, qui ab imprudentibus ac minime piis hominibus olim confici consuevere, sub hac statua appensos esse ferunt, eo quod in media fere Vrbe sit, vt facilius à transeuntibus prolegerentur. Alterum, quod mirum quidem est, quod tot tantisque elapsis annis hæc ibi perstiterit statua, in publicum ac priuatorum præiudicium, nec fuerit vnquam, qui pietatis ac religionis Christianæ zelo ausus fuerit inde eam auertere, vnde amplius affigendi eiusmodi libellos seu pasquillos adimeretur occasio. Ferunt enim, cum quidam Princeps primarius eam in Tyberim eiiciendam esse statuisset, statim ab vno ex eius familiaribus urbane responsum, caueret inde eam tolli imperaret, fore enim vt grauius sub aqua, quam super terram in Principes inueheretur, sicque inibi, vt cernitur, ab eo vsque tempore perstitisse.




DE STATVA LAOCOONTIS, THER-
MIS TITI ET PHILIPPI, PALATIO VESPA-
siani, Domo Balbini & Pompeij.



Hermarum autem Titi Imp. vestigia non longe ab Ecclesia S. Martini in montibus visuntur, sunt enim Cisternæ, quæ hodie Capaces dicuntur, vulgo septem, Salæ, numero Cisternarum septem adhuc existentium. Magnum ambitum amplectebantur, quarum fornices quidam statuunt in Hortis D. Petri in Vinculis. Has autem Titum maxima celeritate absoluisse dictum est. Hæc quidem domus Aurea Neronis prius deducta erat, ut testatur Mar. his carminibus:

*Hic ubi miramur velocia murmura Thermas,
Abstulerat miseris tecta superbus ager.*

In his Thermis duo marmoris frustra inuenta sunt, in quorum altero erat flamma sculpta cum hoc titulo, IOVI. in altero vero, VESPASIANVS AVG. PER COLLEGIVM PONTIFICVM FECIT. Hinc haud procul Anno M.D.VI. Felix Cuius Romanus in vinea sua Laocoontis statuam reperit, ea specie, qualis à Poeta describitur, de qua Plinius sic meminit: Laocoon in Titi Imperatoris domo, opus omnibus & picturæ & statuariæ artis præponendum, ex vno lapide cum & liberos, draconumque nexu de consilii sententia fecere summi artifices Agesander & Polydorus & Anthenodorus Rhodii. Nunc autem visitur in Vaticano. Palatium Vespasiani & Titi apud easdem thermas; post quas inter Ortum & Boream in supercilio montis apparent ingentes ruinæ Thermarum, ut volunt, Philippi Imp. Quidam putant supra Thermas Titianas, iuxta prædictam Ecclesiam S. Martini fuisse Thermas Hadriani, argumento quod ibi repertæ sunt duæ statuæ Antinoi pueri Hadriano Imp. dilectissimi; & quod locus hodie Hadrianelus nuncupetur. Domus Balbini, inquit Lampridius, etiam nunc Romæ ostenditur in Carinis, magna & potens, & ab eius familia huc usque possessa. In iisdem Pompeium Domum habuisse Anth. Tran. in Tib. & in libro de Grammaticis, ubi Lenæus Pompeii Libertus Grammaticam docuit, autor est.




LAOCHÖON

THERMARVM VSVS APVD
ROMANOS.

IN præfenti Schemate, amice Lector, magnificentiam Thermarum, quæ veteribus illis Romanorum potentissimis in usu fuit, vna cum aliis rebus ad eas necessariis, instrumentis valde mirificis, ob oculos tibi ponimus: & extant quidem vestigia Thermarum eiusmodi in hodiernum adhuc diem Romæ satis luculenta: Vbi maxime hoc notandum videtur, veteres illos Romanos adeo inter se sibi diffisos fuisse, vt nec viros nec fæminas adultiores ad ministrandum sibi in Thermas admitterent, quorum opera vel in radenda cute, vel in abluendo corpore vterentur. Sed pueros solummodo impuberes ingenuiores, decem duodecimue annorum, sibi adhibebant, qui peculiaribus instrumentis cutem eorum raderent, inungerent, abluerent, spongiisque in id paratis abstergerent. Quodque multo maioris diffidentiae exemplum erat, veteres cum barbam radere vellent, ne pueros quidem sibi adesse volebant; puellas enim duntaxat tenellas simplicesq; & ad eiusmodi ministeria accurate educatas adhibebât. Quod sane maximæ prouidentiae exemplum fuit, ne scilicet incautis quid sinistri cueniret, neue perfide adorti misere trucidarentur; quæ cautio si nostri huius seculi magnatibus esset, minus crebra crudeliave exempla inter eos nefarie sæpe laniatos videre esset, quæ qui ignorare possit velitve, vix vspiam esse putauerim.

DE THER-





Jacobus grantome fecit


STRIGILES.
BALNEUM.




Thermæ latinum est verbum quod neque latinum nomen, neq; significationem vnica dictione recipere potest. *ῥημῶν* calidum tantum significat, nos vero loca, quę calentibus aquis, aut sine ipsis solo fornice calefacto lauandi & sudandi vsibus deputata sunt, eodem nomine quo gręci, thermas appellamus. Priscis namq; Romanis lauādi vsum fuisse prope quotidianum satis constat, quo vel puluerem sordesq; abluerent, vel sudorem prouocarent, crudamque adiuuarent digestionem, quod tetigit Iuuenalis cum inquit:

Et crudum pauonem in balnea portat.

Sæpe tamen voluptatis tantum causa id factitarunt, propterea vel mediocriter diuites priuata balnea, siue lauacra habuisse, illud argumēto est, quod Cicero Terentiam vxorem monet, vt curet labrum in balneo ne desit; certio remque facit Q. Fratrem Asiæ Procos. de balneis quas in Arpinati extrui curabat. Multa deinde balnea paulatim extructa in quibus ad libitum plebs lauaret. Primus autem omnium Sergius Orata pensilia facere instituit, sicuti Valerius Maximus commemorat. Re postea ad principum luxuriam & fastum producta, cœpere lauacra in modum, vt ait Ammianum, Prouinciarū extruere, quas Thermas appellamus, in quibus ædificandis nullū neq; modū neq; mensurā seruasse, ex illarum, quę nunc extant vestigiis, facile vnusquisque potest iudicare. Varia enim, & propemodum infinita habebant loca, variis vsibus & voluptatibus deputata, quędam ad calefaciendas aquas forma circulari, ex quibus per siphones & fistulas balneis, nedum in sole expositis, verum etiam pensilibus, calidam ministrabant, quę post lauationem inutilis per canales in inferiorem partem inde subterraneis meatibus in Cloacas mittebatur. Habebant Thermæ etiam Apodyteria in quibus balnea ingressuri vestes deponebant, vt ostendit Plinius in Epistolis. Habebant & areas amplissimas, porticibus spaciosissimis circumdatas, camerataque superbissimis fornicibus ædificia in circuitu habentes, in quibus diuersi coloris marmoreæ, ingentesque columnæ, quarum quędam stantes, nonnullæ vero iacentes adhuc cernuntur, multæ ad Templorum ornamenta translata. Pauimenta vero lithostrata diuersis lapidibus conspicua, parietesque marmoreis tabellis in multis incrustati. Erant etiam Xisti nemora & natatoria populi ludus, delitiisq; exposita, qui propterea frequens in Thermis versabatur, Principesq; ad id insanie venerāt, vt cum eo promiscue lauarent. Spartianus de Hadriano; publice, inquit, & frequenter cum omnibus lauit; vnde cum veteranum quendam notum sibi in militia dorsum & cæteras partes corporis vidisset atterere, percontatus cur se marmoribus distringendū daret; vbi audiuit hoc idcirco fieri, q̃ seruum non haberet, seruis eum donauit & sumptibus; Verum cum alio die complures senes ad prouocandā principis liberalitatem hoc idē facerent, euocari eos iussit, & aliū ab alio defricari. Tradunt autē M. Aurelium Antoninū lauacra mixta præbuisse. Lauandi vero tanta fuit Commodi Imp. voluptas, vt septies in die lauerit, in balneisq; sæpe cœnitauerit. Iulius Capitolinus scribit Gordianū Iuniorē septies in estate, hyeme bis lauisse. Qui cum sæpe mulieres pulcras & puellas, & cū iis anus deformes admitteret, se iocose id facere dicebat. Alexander syluas in Thermis deputauit oleumq; luminibus thermarū addidit, cum ante non ante auroram paterent, & clauderentur ante Solis occasum.



GENIO LAVACRORVM METELLI.



EXCEVPTVM EX LIBRO MANVSRIPTO IVLII ROSCII .

DE PYRAMIDIBVS ET SEPVL-

CRO C. CESTII, AC HORREIS

Pop. Rom.

PYramides appellantur quadratæ moles, more flammæ surgentes, vnde *ἀπὸ τοῦ πυρὸς* deductas multi volunt. Steph. autem aliam huius nominis tradit Etymologiam. Pyramides, inquit, in Ægypto ædificium, in quod feruntur, expensas fuisse in cepas, allia, & caseum talenta decem millia & quingēta. Nomina-
tæ sunt autem pyramides *ἀπὸ τοῦ πυρὸς* id est à tritico, quod illuc conducēs Rex penuriam fecit frumenti per totam Ægyptum. Rationem exci-
dendi atque statuendi pyramides docet Plinius hoc modo: Dicantur Pyramides in eadem Ægypto regum pecuniæ ociosa & stulta ostenta-
tio, ne pecuniam successoribus aut æmulis insidiantibus præberent, aut ne plebs esset ociosa. Extat adhuc ex omnibus vna apud portā Ho-
stiensem mœnibus Urbis inclusam, quæ fuit Sepulcrum C. Cestii Se-
ptemuii Epulonium, quemadmodum huiusmodi probat index.

C. CESTIVS. L. F. P O B. E P V L O. P R. T R. P L. V I I. V I R. E P V-
L O N V M.

Inferius vero literæ minores leguntur hæ:

O P V S A B S O L V T V M E X T E S T A M E N T O D I E B V S C C C X X X.

A R B I T R A T V

P O N T I. P. F. C L A M E L Æ H Æ R E D I S E T P O N T H I. L.

Blondus autem fuisse totius collegii Septemuirum epulonium sepulcrum existimavit. Epulones enim dicebantur, qui epulas aliis in-
stituendi potestatem habebant, auth. Cic. tertio de Oratore.

H O R R E A P O P V L I R O M.

HOrrea Pop. Rom. CXXX. inter Testaceum & Tyberim fuisse, marmor effossum in vinea Marcelli de Capozucchis, tali inscri-
ptione ostendit:

N V M. D O M. A V G. S A C R V M F O R T V N Æ C O N S E R V A T R I C I
H O R R E O R V M G A L B I A N O R V M. M. L O R I N V S F O R T V N A T V S
M A G I S T E R. S. P. D. D.

Apud Tyberim, in eo ambitu, fuit Hyberna lucus, de quo Ovidius ita meminit:

Adiacet antiquæ Tyberinæ lucus Hyberina,

Pontifices illuc nunc quoque sacra ferunt.


Capenam autem oppidulum in eodem ambitu fuisse, quidam tradidere.

ANNEXVM MOENIBVS

TR. PL VII VIR EPVLONVM

PONTI. PF. CLAMILAE NEREDIS ET POSTHI L


D M
C TERENCE
C L SCOLONI

 Vid sit *Obeliscus* & cuius rei causa inuentus, *Marcellinus* tradidit, eius verba sunt hæc: In hac autem Vrbe inter labra ingentia, diuersasque moles figmenta Ægyptiorum numinum exprimentes, Obeliscos videmus plures, aliosque iacentes & comminutos, quos antiqui reges bello domitis gentibus, aut prosperitatibus summarum rerum elati montiū venis, vel apud extremos orbis incolas perscrutantes excisos, erectos Diis superis in religione dicarunt. Est autem Obeliscus asperrimus lapis in figuram metæ cuiusdam sensim ad proceritatem confurgens excelsam, vtq; radium imitetur gracilescens paulatim, specie quadrata, in verticem productus angustum, manu leuigatus artificii. In plerisque visuntur literæ Hieroglyphicæ insculptæ, de quibus mentionem sic facit: Formarum autem innumeras notas Hieroglyphicas appellatas, quas ei vndique videmus incisas, initialis sapientiæ verus insigniuit authoritas. Volucrum enim ferarumq; etiam aliena mundi genera multa sculpsentes, ad æui quoque sequentes ætates Imperatorum vulgatus peruenire memoria promissa, vel soluta regum vota monstrabant. Non enim vt nunc literam numerus præstitutus & facilis exprimit quicquid humana mens concipere potest. ita prisca quoque scriptitarunt Ægyptii. Sed singulæ literæ singulis nominibus seruebant, & verbis nonnunquam significabant integros sensus, cuius rei scientia in his interim duobus habet exemplū: Per Vulturem naturæ vocabulum pandunt, quia nullos mares posse inter has alites inueniri rationes memorant Physicæ; perque speciem apis mella conficientis indicant regi moderatori cum iucunditate aculeos quoque innasci debere, his signis ostendentes & similia plura. De huiusmodi literis meminit & Corn. Tacitus; Obeliscos ex lapide simithe esse tradit Plinius hoc modo: Trabes ex simithe fecere reges quondam certamine, Obeliscos vocantes, Solis numini consecratos: radiorum eius argumentum in effigie est, & ita significatur nomine Ægypti. Primus omniū Rex Methres Obeliscum instituit. Obeliscos autem, qui Romæ sunt, nulla Ciuium opera aut cura excisos constat; sed Thebis ex Ægyptiacisue urbibus perductos, vt idem Plinius & Marcellinus testantur. Is qui in Schemate hic apponitur, Romæ positus, proceritate in excelsum adeo assurgit, vt suspiciētium radii visui apicem eius nunquam assequi valeant, cœlo quatumuis maxime sereno: Globum autem satis ampla mole supra extantem, non nisi sole splendente discernant;

Vnde non iniuria vnum ex septem mundi miraculis celebratur.

F I N I S.







TOPOGRAPHIA
VRBIS ROMÆ EX
BARTH. MARLIANO
LECTORI.

A principio huius operis nouem Capita, Urbis Romæ descriptionem ex parte complectentia secundum Marlianium præmisimus, quæ nobis Parasceues loco essent. Ne vero Lector in nobis quid desiderare queat, operæ precium duximus, reliqua quoque ex eodem autore Marliano subnectere. Subsistentes autem suprâ in Nono Capite, à Decimoque hic denuo exordientes telam nostram pertexemus, & Capita ordine numerorum prosequentes opus ipsum ita perficiemus.

CAPVT X. EX MARLIANO.

De Iouis Feretrii & Opt. Max. Iunonis, & Minervæ Templis.



APITOLIVM Deorum domicilium ea nempe de causa appellauit Cicero, quod in eo omnium DEORVM simulacra, templaque multa & celeberrima fuisse commemorant. Quorû Templorum primum omnium Romæ sacratum, Iouis Feretrii in bello Ceninnensium à Romulo votum esse, & post victoriam in vertice ipsius Capitolini collis extructum ferunt. Dionys. Extructo Templo in vertice Capitolini collis Ioui, quem Feretrium vocât. Cognomen autem Feretrii ea re obtinuit, quod cum Acronem Ducem interfecisset, vt votum suum maxime Ioui gratû, ciuibuscque suis iucundum efficeret, spolia ipsius ducis, fabricato ad id ferculo, gerens in Capitolium, ad quercum pastoribus sacram in trophœi formam fictam hostis arma deposuerit, designans simul cum dono, templo Iouis fines, cognomenque addens, Ioui Feretrio, à feriendo hostem, vt votis petierat. Plut. auth. Sex. vero Pomp. quod pacem ferre putaretur, cum ex eius templo sumerent sceptrum, per quod iurarent, & lapidem silicem, quo fœdus ferirent, feretrium denominatum scribit. Huius autem templi tecta cum vetustate, & incuria prolaberentur, ammonitu Pomponij Attici (vt Cor. Nepos in eius vita testatur) restituenda curauit Augustus, quod nisi tum ampliatum etiam sit, miror quid isti dicant, super illius fundamentis

damentis Aræceli templum fuisse excitatum. Nam memoria tradidit Dion. ætate sua vestigia vbi maiora, denum, vbi vero minora, quinum pedum tatum extitisse: & certe, in ea rerum tenuitate, paruum, ibidem tamen fuisse credimus: licet ab Anco Martio amplificatum referat Liuius: Templum Iouis Opt. Max. voluit Tarquinius Priscus. Superbus deinde librarum argenti quadraginta mil. in fundamentis impendit, verum ferè perfecti consecrationem non obiit, parum enim ad absolutionem deerat, quo tempore tyrannide excidit. Quare dedicationis gloria ad Oratium Publicolæ collegam peruenit. Vt etiam probatur indice in marmore inciso existenti in æde diuæ Agathæ huiusmodi.

M. ORATIVS CONSVL EX LEGE TEMPLVM IOVIS OPTIMI
MAXIMI DEDICAVIT ANNO POST REGES EXACTOS A
CONSVLIBVS POSTEA AD DICTATORES, QVIA MAIVS IM-
PERIVM ERAT SOLENNE CLAVI FIGENDI TRANSNATVM
EST.

Fuit autem celeberrimum & maximum, de quo apud eundem Dion. in hunc scriptum est modum. Extructum est autem super crepidine firmatum alta, octo iugerum in circuitu, ducentorum fermè pedum vnumquodq; latus habens, eminentiam altitudine ne quindecim quidem pedibus integris, à parte quidem, qua frons meridiem spectat, comprehensum triplici columnarum ordine: ab obliquis verò partibus simplici. In eo autem tria sunt sacella æqualia, inter se communia habentia latera: medium quidem Iouis, & ab vtraq; parte Iunonis & Mineræ, sub vna aquila, vnaq; velata tectura. Quidam putant hoc alterum esse à templo Iouis Capitolini, cum idem sit, vt probat Cic. his verbis. Quocirca Capitoline, quem propter beneficia Po. Rom. Optimum: propter vim, Maximum nominauit. Licet enim diuersa sint nomina, vnum tamen templum: vnus erat Deus. Habuit hoc templum fistulas, quibus aqua suppeditabatur reliquis templis, ac sedibus, vt idem pro Rabirio testatur; qui etiam contra Rullum, pro Domo sua. S. C. & orationes sæpe in eodem habitas esse docet. Eò etiam ibant cum populo noui Consules sacrificatum, qui deinde in Curiam deducebantur. Ioui autem ideò rem diuinam faciebant, quod ei, quemadmodum Iano, omne debetur initium. vnde est. Ab Ioue principium. Plin, prodidit Lauream in gremio Iouis solitam deponi, quotiens læritiam victoria nouam attulisset, idq; etiam ostendit Suet. in Domitiani vita. In huius templi fastigio Summanum in libris de diuinatione posuit Cic. Nonne, inquit, cū multa alia mirabilia, tum illud in primis, cum Summanus in fastigio Iouis Opt. Max. qui tum erat fictilis cœlo ictus esset, nec vsquam eius Simulacri caput inueniretur, aruspices in Tyberim id depulsum esse dixerunt. Templum ipsum cum ædibus, & sacellis coniunctis Vitelliano conflagrauit bello, & Titi tēpore auth. Dion. & Cor. Tac. In ea Capitolij parte fuit, quæ, vergens ad Occasum Solis, Tyberim despicit; vbi paucis ante annis fuerat ædes Diui Saluatoris, cognomento in Maximis. Locus ille nunc est prophanus, sed magna & dissipata fundamentorum vestigia extare adhuc cernuntur. Habuit hoc templum Cellam, quæ erat pars templi secretior, in quam non erat fas prophano ingredi, licet Val. Max. dicat Africanum non ante negotia obiisse, quam in Cella Iouis Capitolini moratus esset: sed forte tunc fuerat Dialis. In hac fuere Coronæ aureæ duæ, quarum alteram ex xx. philippeis factam secūdum Gallos Pamphili legati in Curiam tulerunt, petentibusq; iis, vt id donū in cella I. O. M. ponere, & sacrificare liceret, permissum. alteram tulerunt legati Carthaginensium missi Romanam gratulatū ob victoriam partam aduersus Samnites. Dion. à dextra templi Iouis Mineræ sacellum ponit, sicut & Liuius his verbis. Lex vetusta est prisca literis, verbisq; scripta, vt qui Prætor maximus sit clauū pangat, fixus fuit dextero lateri ædis Ioui Opt. Max. parte, qua Mineræ est templum. Eum clauum, quia

raræ per ea tempora literæ erant, notam numeri annorum fuisse ferunt, eoque Mineræ templo dicatam legem, quia numerus Mineræ inuentum est. Iunonis ergo à sinistra fuisse consequens est. De Mineræ meminit Cic. in oratione ad Equites antequam iret in exilium, multique alijs in locis. Meminit & Cornelius Tacitus.

CAP. XI.

*De Saturni Iouis Tonantis & Custodis Fortune. Veionis.
Misericordie. Iunonis Monetæ, & Iani templo. ac de
Orestis sepulchro. Aerario. Domo Manlij,
Fanoq; Carmentæ.*



ATURNI Templum condidere Herculis Comites auth. Solinus. Dion. vero antiquis temporibus Aram tantum Saturnum habuisse narrat, secundum viam, qua ex foro in Capitolium ascenditur, collocatam ab ipso Hercule. Verum si ab origine vrbis habuit templum, de eo intelligerem, quod Tatium dedicauisse memoriæ prodidit Var. Licet enim varix sint opiniones, tamen consideratis temporibus tollitur omnis dubitatio. Duæ enim fuere Saturni sacræ ædes diuerso excitatæ tempore, vel secundum aliquos, tres. Hæc autem Capitolina in meridiem vergens fuit prope saxum Carmentæ, & clium Capitolinum. Ser. ossa, inquit, Orestis ab Arisia Romam translata, & condita ante templum Saturni, quod est ante clium Capitolinum. Ex quibus verbis patet Blon. haud recte sentire de huius templi loco: restituit enim e regione Diui Nicolai in Carcere, cui si assentiri velimus, oportet fateri etiam clium Capitolinum ea parte stetisse, vt secundum Ser. ante ipsum Saturni templum. Quæ opinio, præterquam quod est falsa, destruit omnia argumenta ipsius Blon. ad demonstrationem cliui Capitolini adducta. Nisi dicamus Saturnum alteram ædem in Capitolio habuisse, secundum Critolaum, qui Phanomenon libro tertio scriptum reliquit. Saturnum ab agricola quodam Latini generis hospitio susceptum Enotriam eius filiam vitiasse, quæ Ianum, Hymnum, Festum, & Felicem peperit, quibus ferendæ vitis, & rationem vini conficiendi Saturnus pater ostendit, eiusque muneris alijs authores esse concessit. Quare finitimi agricolæ cum insolitæ potionis vi graui somno pressi diu iacuisent, experrecti in suspicionem dati veneni inciderunt, vnde Ianum lapidibus oppressere. Eius autem puellæ patris morte dolore laqueo gulam fregerunt. Saturnus vero in cælum omnes trāstulit. Appellatur autem *ωστρυγίτης*, quod vindemiam ortu suo preueniant. Insecuto tempore, cum peste Romani laborarent, Apollo respondit, non prius cessaturam, quam Saturni placarent iram, cæsisq; per iniuriam manibus satisfacerent. Lucretius itaque Catalus Aedem ipsi Saturno in Tarpeio monte posuit, Ianumque statuit quadrifrōtem, vel à numero puellarum, quæ patri spiritu parentauerunt, vel à quatuor anni tempestatibus; ab eiusque nomine Ianuarius mensem appellauit. Hæc vero, de qua Ser. dicimus positam esse eo in loco, vbi paucis ante annis fuerat cum turri sacellum cognomento. S. Saluatoris in Aerario, incumbens hospitali. S. Mariæ in Porticu. Turris mutilata adhuc cernitur, quæ cum sacello in vsus humanos est conuersa. Ibi autem proximis diebus effossum est marmoris frustum, quod in frontispicio eiusdem templi fuisse arbitramur. In quo, sensu imperfecto, incisa erant hæc vrba.

AVG. PON. MAX. TRIBVN

CENSOR COS VIII.

ANTONINVS PII. AVGG. FELICES RESTITVERE.

Ideo nostro tempore in ærario vocatur; quia ibi Romani primum ærarium habuere. Tradunt aliqui Val. Publicolam primum omnium exactis regibus Aedem Saturni Aerarium declarauisse. Sequitur Iouis Tonantis Templum ab Augusto propè eundem cliuum, siue, vt vult P. Victor in eodem cliuo positum, quod liberatus esset periculo cum expeditione cantabrica per nocturnū iter lecticam eius fulgur perstrinxisset, seruumq; ducentem exanimasset. vergit in meridiem, siue in ortum brumalem; quo in loco nunc noxij puniuntur. Haud procul fuit Fortunæ, vt testantur carmina sita in templo ipsius Præneste, quæ sunt.

TV QVÆ TARPEIO COLERIS VICINA TONANTI.

VOTORVM VINDEX SEMPER FORTVNA MEORVM.

ACCIPERE, QVÆ PIETAS PONIT TIBI DONA MERENTI

EFFIGIEM NOSTRI CONSERVATVRA PARENTIS

CVIVS NE TACEAT MEMORANDVM LITERA NOMEN.

CÆSIVS HIC IDEMQ. TITVS PRIMVSQVE VOCATVR

QVI LARGE CERERIS MESSES FRVCTVSQVE RENATOS

DIRIGIT IN PRETIVM CUI CONSTAT FAMA FIDESQ.

& reliqua. Templum Veiovis inter Arcem, & Capitolium fuisse legimus, in platæa ad ium nunc Conseruatorum, cuius simulacrum sagittas teneret, quæ essent videlicet paratæ ad nocendum: quapropter eum Appollinem plerique dixerunt. Veiouem enim appellauere veteres deum, cui iuuandi esset adempta facultas. est enim ve priuatiua particula. immolatur huic ritu humano capra, vt scribit Gellius. Asylum id est Misericordiæ Templum in Capitolio fuisse, his verbis testatur Dion. Lucum umbrosū medium, Capitolijq; & arcis, quod vocatur intermontium duorum quercetorum templum, id est Asylum constituit, Quare autem Romulus constituerit, sic docet Liuius. Locus qui nunc septus densis sentibus inter duos lucos Asylum appellant, eo ex finitimis populis omnis turba sine discrimine liber, an feruus esset, auida nouarum rerum per fugit: sic & Ouid.

Romulus vt saxo lucum circumdedit alto:

Quilibet huc, inquit, confuge, tutus eris.

Ex eo enim nemo extrahebatur. Tiberius cum existimasset hunc malefaciendi causam esse, irritum fecit. Primi autem omnium Herculis nepotes Asylum statuisse dicuntur, timentes insidias illorum, quos auus, priusquam è terris migraret, afflixerat. Hinc Staius Herculeos fama est fundasse nepotes. Blon. verò sicut & Cor. Tac. ponit Asylum in campo, qui est à rupe Tarpeia, & foro Boario ad Tyberim. Quid autem de ipsorum opinione sentiam, vbi de Æquimelio erit mentio, infra aperiemus. Templum Iunonis Monetæ in arcæ domus Manlij ponitur à Liuiis: cuius verba sunt hæc. Damnatum Manlium Tribuni de saxo Tarpeio deiecerunt: adiectæ mortuo notæ sunt, publica vna, quod cum domus eius fuisset vbi nunc Aedes, atq; Officina Monetæ est, latum ad populum est ne quis patricius in arce, aut Capitolio habitaret. Alibi tamen ait M. Fabio Dorso, & Ser. Sulpicio camerino Coss. Dictatorem creatum. L. Furium, Aruncanoque bello inter ipsam dimicationem templū Monetæ vouisse. Secundo vero quintæ decadis refert Aedem Monetæ votam à Cicereio prætore in Corsica. Sed forte intelligit de ea, quam in Auentino restituemus, aut certe dicendum eos libros, qui nuper in lucem editi sunt, non esse Liuij. Ouid. vero vult ædem hanc Capitolinam votam esse à Camillo: eius sunt hæc Carmina.

Arce quoque in summa Iunoni templa Monetæ

Ex voto memorant facta Camille tuo.

Moneta (inquit Cicero) à monendo. Nam post cladem illam maximam à Senonibus Gallis factam, audita vox ex arce Iunonis fuit, ex quo illa appellata est moneta.

moneta. Templum hoc fuit, vbi nunc ædes Senatoris. Templum Iani custodis capitolinæ arcis Blon. scribit fuisse eo in loco, vbi nunc facinorosorū custodiæ, & carceris locus, vñs ortū hyemalem, eregione fori Romani. Et cum vnū Ianum fuisse priscū velint, plures verò posteriores, crediderim Capitolinum à Romulo, vel à Tatio excitatum. Nam postquā hi in fœdera conuenerunt, Iano simulacrū duplicis frontis effectum est, quasi ad imaginem duorū populorum. Hinc Virg. Ianumq; bifrontem. Dracon verò Corcyrensis scriptum reliquit, Ianum bicipitem fingi propter ingenitam, summamq; eius solertiam: primus enim coronam, rates, vñm nauis inuenit, æneum quoq; numum primus signauit. Dicitur autem Ianus ab eundo, quòd eat, & vertat cœlum, cæteraq; omnia. Quare eundem & Vertumnum esse aiunt. Templum Iouis custodis Domitianus adeptus Imperium excitauit in Capitolio, seq; in sinu ipsius dei sacrauit. Quidam volunt fuisse, vbi nunc Salinæ, prope Ianum.

CAP. XII.

De Templis deorum incertam sedem in Capitolio nunc habentibus.



MEMORANT Romanos lapidem informem, atq; rudem coluisse Terminum appellantes; cuius Templum à Tatio rege dedicatum fuisse Var. est testis. Plut. verò à Numa conditum tradit, vnde constat antiquissimum esse: propterea libuit primo loco inter ea, quæ nunc certum non habent, collocare. Ratio autem cur Terminus in Capitolio coleretur, huiusmodi traditur. Cum Tarquinius Superbus vellet Iouis Templū ædificare, cœpit auguriis captare, qui mons huic templo esset aptissimus, & cum in omnibus Tarpeius esset inuētus, in quo erant multa diuersorum numinum sacella; actum est, vt exinde ad alia templa nomina euocarentur sacrificiis, quo posset libere, & sine periculo Templum Iouis ædificare; cumq; omnes dij libenter migrassent, Terminus solus, hoc est limitum deus, abscedere noluit, sed illic remansit: tunc de hoc ipso sacrificatū est, & deprehensum, quòd Terminus cum Ioue remanēs, æternum Vrbi Imperium cum religione significaret. propterea in Capitolio prima pars tecti pater, quæ lapidum ipsū Terminū spectat: Nam Termino nō nisi sub Dio sacrificabatur, & vt ait Lanctātius, publicē, quasi custodi finium Deo. Augustinus vero scribit vna cum Termino Martem quoq; & Iuuētutem regi deorum cedere noluisse, quòd Imperium Romanum nullos haberet terminos, nec senectā sentiret. Mentis & Veneris Ericinæ sacras Ædes in monte Tarpeio sedem obtinuisse narrat Liuius, his verbis. Interea duum viri creati sunt. Q. Fab. Max. & Attilius Crassus ædibus dedicandis. Menti, Attilius, Fabius Veneri Ericinæ, vtraq; in Capitolio est, canali vno discretæ. De templo autem Mentis Ouid. in fast. sic meminit:

*Mens quoq; numen habet, Menti delubra videmus
Vota metu belli perfide pene tui.*

Idem Liuius tradit. L. Quintio. & Cn. Domitio Coss. Ædes duas Ioui dicatas esse, quarū alteram. L. Furius purpurio Prætor Gallico bello vouerat, alterā cōsul dedicauit Q. Mart. Ralla duumuir. Capitolium etiā Iunonis Reginæ Templum habuit, à Cn. Flaminio bello aduersus Ligures votū: de quo meminit idē auth. & Cic. ad Equites anteq; iret in exiliū. Templum Opis vouit Tattius rex. Var. Ops, inquit, terra, quòd hic omne opus ad viuendum, ideo dicitur Ops mater. q; terra mater. hæc. n. terris Giganteis omneis peperit, & resumit denuo, quæ dat, cibaria. Eandem quā Maiam, Terrā, Faunam, & Bonā volunt esse. De Opis autē templo Cic. Ph. prima mentionē sic facit. Pecunia vtinam ad ædem Opis maneret, & secunda. Sed etiā regnas, qui maximo te ære alieno ad ædem Opis liberaisti. Hanc

Sp. Posthumio Albino & Q. Martio Philippo Cos. tactam de cœlo cōmemorat Liuius. Templū Martis Ultoris ab Augusto in colle Saturnio excitatū esse, quidā tradidere; Fidei verò in eodem, Cic. de nat. deorū, in hæc verba. * Tum autem res ipsa in qua vis inest maior aliqua, sic appellatur, vt ea ipsa vis nominetur deus, vt Fides, vt Mens, quas in Capitolio dicatas videmus; proxime à M. Æmilio Scauro; ante autem ab Attilio Calatino erat Fides consecrata. Quid Opis? quid Salutis? quid Concordiæ? Libertatis? Victoriæ? quarum rerum quia vis est tanta, vt sine deo regi non posset, ipsa res deorum nomen obtinuit. Fortunæ Primigeniæ, & Obsequentis Templum ibidem condidit Ser. Tullius. Capta verò vrbe à Gallis cum Romani ex mulierum capillis tormenta fecissent, Ædem Veneri Caluæ in honorem matronarum in eodem colle Capitolino constituerunt. Alteram habuit Ædem Venus inibi, de qua meminit Suet. in Caligula. Iouis autem sponsoris Ædem posuit Tarquinius Superbus, quam Sp. Posthumius Cos. nonis Iunius dedicauit. Iouis Pistoris Aram in eodem Capitolio quidam statuere: de qua Quid. sic meminit:

Nomine quam precio, celebratio arce tonantis:

Discant pistoris quid velit ara Iouis.

C A P. XIII.

De Statuis deorum, quæ in Capitolio fuisse, vel sunt.



VERE priscis temporibus marmoreæ, argenteæ, aureæque statuar innumerabiles in Capitolio: non solum viris præstantissimis, qui de republ. bene meriti essent, erectæ: verum etiam diis immortalibus variis ex causis consecratæ, ex quibus varia etiam sortitæ sunt cognomina. Florus enim scribit, quo tempore Pyrrhus in Siciliam traiecit, Iouis statuam in Capitolio fulmine deiectam. Plinius vero victis Samnitibus eiusdem dei Statuam à Sp. Caruilio factam, inibi que erectam, cuius amplitudo cernebatur à Ioue Latiaro cum Statua sua ante pedes dicti Iouis posita. Idem Iouis Tonantis Statuam in eodem Capitolio posuit; Liuius autem Iouis Imperatoris Signum, à T. Quintio Prænestæ deuectum, inter cellam ipsius Iouis, & Mineræ dicatum. Cic. septima actione in Ver. Iouem, inquit, Imperatorem quanto honori in suo templo fuisse arbitramini: hinc colligere potestis, si recordari volueritis quanta religione fuerit eadem specie, atque forma signum illud, quod ex Macedonia captum in Capitolio posuerat Flaminius. Victoriæ Statuam in templo Iouis Opt. Max. statuit Plut. Idem verò Cic. tertio offic. iuxta id templum, Fidei Simulacrum; cuius sunt hæc verba. Qui igitur iusiurandum violat, is fidem violat, quam in Capitolio vicinam Iouis Opt. Maxim. vt in Catonis oratione est, maiores nostri esse voluerunt. licet de templo intellexisse videatur. Nemesis simulachrum in eodem colle fuit; Est enim Nemesis dea quæ superbos vlciscitur, cuius latinum nomen non inuenitur: Rhamnusia etiam appellata à Rhamnunte vico Attico, in quo colebatur: Adrasteæ etiam nomen accepit ab Adrasto, à quo primum templum est consecuta. author Antimachus. Habuit Capitolium Herculis plures Statuas, quarum vna dicata, & posita fuit à P. Sulpitio Auerrione, & P. Sempronio Cos. Aliam, victis Tarentinis, Fab. Max. Romam detulit, Liuius, & Plut. Boni Euentus, & Bonæ Fortunæ Simulacra Praxitelis opera in Capitolio collocat Plin. & Apollineam diadematu, eiusdemq; Colossū, x x x. cubitorum, centum & quadraginta talentis factum, ex Apollonia Ponti à Lucullo in urbem translatum. In eodem monte Iani Simulacro dextera trecentorum, sinistra sexaginta quinque numerum tenenti, ad demonstrandam anni dimensionem, quidam locum fecere: sicuti Plinius Castoris, &

ris, & Polucis in templo Iouis Tonantis, & Tremellius Iouis Opt. Max. Statuæ aureæ decem pedum à D. Claudio dicatæ. Sed cum in hoc deorum domicilio omnium deorum simulacra fuisse dicat Ser. superfluum est pauca, ex infinitis velle recensere. Videamus ergo quæ nunc sitæ sunt statuæ. Pro ædibus igitur Conseruatorum duo pari forma marmorea fluuiorum Simulacra seminuda visuntur, quæ, inquit Ful. quantum ex rerum argumento deprehendi potest, Nili, ac Tygris flu. numina sunt; quorum alterum Sphinga Ægypti peculiare animal, cui cubito inniritur, habet. Alterum verò Tygridem Armeniæ truculentam feram; in quorum sinistris est cornucopiæ rerum affluentiam significans. Intra limen à dextris Signum æreum auro perfusum nudi Herculis, & adhuc imberbis, dextera clauam, sinistra verò Hesperidum aurea mala tenens, conspicitur. Quod propè Scholam Græcam in ruinis aræ Maximæ, foroque Boario repertum esse scimus. Visuntur & marmorea signa parietibus inclusa L. Veri Antonini de triumpho Parthico: siue. M. Antonini de triumpho Dacico, sublata ex æde. S. Martinæ. In aula verò superiori Statua ænea Satyri pulcherrima, & quædam alia deorum Simulacra sunt sita.

CAP. XIII.

*De Statuis hominum, Regum, & Imperatorum,
quæ in Capitolio fuere.*



NON solum immortalium deorum simulacris, verum etiam, vt diximus, præclarissimorum hominum, regum, atque Imperatorum Statuis Capitolium illustratum esse quamplurimi memoriæ prodidere: In eo enim Scipionis, qui bellum in Asia gessit, Antiochumque deuicit, Statuam, non solum cum chlamide, sed etiam cum crepundiis, erectam fuisse, pro Rabirio refert Cic. Syllæ verò pedestrem in Philip. Si quis est, inquit, sensus in morte ænea statua futura, & ea pedestris magis, quam inaurata equestris: qualis L. Syllæ prima statua est. Qui ad Atticum etiam commemorat Scipionem proauum Metelli ad Opis loco excelso censoriam habuisse. Præterea Senatus Aemilij Lepidi pueri Statuam bullatam, & prætextatam, quod hostem in acie interemisset, ciuemque seruasset, in eodem erigi iussit. Quo munere dignus habitus est etiam Metellus, quod ex æde Vestæ palladium ab incendio liberauisset. Cornelia Gracchorum mater non caruit hac gloria, sicut & Trebius, quod in ædilitate sua frumentum P. Ro. assibus præstitit, Plin. auth. Plut. verò tradit Fabium Maxi. suam ipsius equestrem ex ære iuxta Herculem statuasse, priscosque Romanos Bruti illius, qui Tarquinius expulit, Statuam posuisse, mediam inter regum Statuas, cum hoc indice. VTINAM BRUTE VIVERES. Domitianum autem non nisi aureas, & argenteas, certi que ponderis sibi poni permisisse, scribit Suet. & Eutropius. Quidam non contenti solis statuis, tabulis etiam famam & gloriam posteris relinquere conati sunt: quemadmodum victoriæ suæ Asiaticæ Asiaticus ille, de quo superius facta est mentio. Bocchus etiam, vt Po. Roma. deliniret, simul & Syllæ gratiam aucupatus, triumphales Imagines collocauit; inter quas inerat aureus Iugurtha ab eo Syllæ traditus. Nicomachus Proserpinæ raptum pinxit in Tabula sita in templo Iouis Opt. Max. Extat adhuc ingens æneum Caput, quod vt testatur Lampridius, demptum colosso Neronis suæ imposuit Statuæ Commodus Imp. cuius Colossus ex marmore fractus cernitur in ædibus Conseruatorum. Innumerabiles autem fuere statuæ in Capitolio, quarum maiorem partem ex prouinciis deuictis Roma. in Urbem tran-

transtulisse Cicero de natura deorum docet his verbis. Etenim fana multa spoliata, & simulacra deorum de locis sanctissimis ablata videmus à nostris. In frontispicio autem prædictarum ædium, æneum illud Lupæ simulacrum, ex cuius vberibus pendere Urbis conditores ait Virgil. restitutum nunc videmus. De quo in Catilinam Cic. sic meminit. Tactus est etiam ille, qui hanc urbem condidit Romulus, quem inauratum in Capitolio paruum, & lactentem vberibus inhiantem fuisse meministis. Et primo de diuinatione his Ennij carminibus.

Hic sylvestris erat romani nominis altrix

Martia, quæ paruos mauortis semine natos

Huberibus grauidis, vitali rore rigabat.

Qua tum cum pueris flammato fulminis ictu

Concidit, atque auulsa pedum vestigia liquit.

Visuntur in superioribus locis domus eorundem duo Simulacra ænea, iuuenili forma, alterum stans serui habitu, alterum nudum pueri sedentis, pastori haud absimilis, curuato corpore è planta suppurati pedis spinam acu euellenti.

C A P. X V.

De Cliuo Capitolino, Tarpeia rupe, & saxo Carmentali.



LIVVS Capitolinus, per quem publicus in arcem erat ascensus, vbi nam fuerit, permagna est inter antiquitatis diligentiores dubitatio. Blon. enim ad eam arcis partem fuisse, quæ versa in Auentinum, nunc ecclesiã S. Georgij in Velabro è regione respicit, verbis Liuij his nititur comprobare. Quum commissum prælium esset, Coss. transfugas Numidarum, qui tum in Auëтино ad mille & trecentos erāt, media vrbe transfire Exquilias iusserunt, nullos aptiores inter conualles, testaq; hortorū, & sepulcra, vacuas vndiq; vias ad pugnandum futuros rati: quos quum ex arce, Capitolioq; cliuo publico in equis decurrentes quidam vidissent, captum Auentinum conclamarunt. Et certè Suet. in Cæsaris vita hunc ipsum innuit locum. Gallici, inquit, triumphi die Velabrum præteruehens penè curru excussus est axe distracto, ascenditq; Capitolium ad limina quadraginta elephantis dextra & sinistra lychnos gestantibus, quemadmodum & Ouidius his carminibus

Inde, velut nunc est, per quem descenditis, inquit,

Arduus in valles, & fora cliuus erat.

Et quanquam omnia hæc verisimilem Blon. rationem faciunt, non tamen certum locum ostendunt; quia, cum cliuusemineret, facile potuerunt Numidæ ex altiori loco decurrentes ex variis Capitolij partibus spectari. Ser. autem, vt visum est, scribit Saturni templum fuisse ante Cliuum Capitolij, iuxta Concordiæ templum. Quod si intelligimus de templo Saturni Capitolino, non video quomodo stet iuxta Concordiæ, quod valde distabat, erat enim propè Seueri arcum. Verum cum in vrbe, Concordiæ multæ fuerint sacræ ædes, necesse est Ser. aliam significare: aut certè dicere cliuum Capitolinum fuisse, ab eodem Seueri arcu ad Senatoris stabula, vbi fundamenta antiqua non iugiter recta, sed intro flexa adhuc cernuntur, quæ portæ locum vacuum relinquunt, sic enim procedit, quod dicit Ser. Ibi quidem fuit Saturni templum, & intra ipsum, & concordiæ Cliuus collocaretur. Et mehercle Cic. actione sexta in Ver. prope Fo. Ro. fuisse, his admonet verbis. Tamen cum de foro in Capitolium currum flectere incipiunt, illos duci in carcerem iubent. Arcus etiam Seueri ad radices Capitolij in capite fori excitatus, sub quem triumphantes transeuntes Capitolium ascendebant, facit vt Blondi opinionem affirmare dubitem, nisi velimus diuersis temporibus

ribus utroque in loco fuisse, quod caret ratione. Plures tamen aditus habuisse Cor. Tac. verba superius adducta, satis ostendunt. Sed de cliuo Capitolino quisque, quā probat, eam sequatur opinionem. Hunc autem silice stratum esse Liuius primo decadis quintæ sic docet. M. Æmilio Cos. Censores cliuum Capitolinum silice sternendum curauerunt, & Porticum ab æde Saturni in Capitolium ad Senatulum, ac super id Curiam strauerunt. Hæc autem porticus videtur vna ex illis, de quibus idem Cor. sic loquitur. Erigunt aciem per aduersum collem usque ad primas Capitolinæ arcis fores. Erant antiquitus porticus à latere cliui dexteræ subeuntibus. In eorum cliuo Domum Milonem habuisse scutis refertam commemorat Cic. dubitatur autem utrum hæreditariam, an conductam, quia superius dicit nullum angiportum esse, in quo Miloni non esset cōducta domus. Blon. in Romæ triumphante scribit floralia ad cliuum Capitolinum mense Maio celebrari solita esse, ubi propè prostitutæ mulieres paucis ante annis tabernas, & casas habebant. Sed vellem huius rei authorem addidisset. Rupes Tarpeia, ex qua fontes & damnati præcipitabatur, foro Romano superstiti Dion. significare videtur, his verbis. Duci eum iussit in superstitem foro collem. est enim locus is rupes vasta, unde eis mos est deiicere aduersarios. Meminit & Plin. Metellus, inquit, Capitolio ad Tarpeium raptus, ut præcipitaretur. Ful. verò putat Tarpeiam rupem fuisse, ubi nunc facinorosi puniuntur: quod & nobis magis placet, nec verba Diony. huic sententiæ repugnant, quia de toto colle loquuntur. Saxum Carmentæ, de quo mentio est apud Liuium ab vr. co. Tyberim despicit, eregione pontis Senatorij. Porta Stercoraria in cliuo Capitolino collocatur à Sex. Pomp. ubi sordes ex templo Vestæ sublatae condebantur, in Tyberim mox transferendæ.

CAPVT XVI.

De Tabulis & Columnis æneis, argenteoq; Ansere.

I A B V L A S in quibus leges, & publica acta continebantur, in Capitolio fixas, ac seruatas esse plures testantur. Cic. pro Sex. Inspectantibus vobis toto Capitolio tabulæ figebantur. Et mox: Sed vnum egregium de rege Deiotaro Pop. Rom. amicissimo decretum in Capitolio fixum. & Philip. tertia: Falsas leges C. Cæsaris nomine, & falsa decreta in æs incidenda, & in Capitolio figenda curauerit. Polibius tertio scribit fœdera, quæ inter Romanos & Carthagenenses icta fuerant, perscripta in tabulis æneis in templo Iouis Capitolini diligentissimè ab Ædilibus conseruata: Vespasianumq; ærearum tabularum tria millia, quæ cum Capitolio conflagrauerant, inuestigatis exemplaribus, restituendi curam suscepisse, in quibus tabulis publica monumenta cōtinerentur; Quarum vna cernitur adhuc in Lateranensi Ecclesia. Clodius etiam tabulas, in quibus res in tribunatu suo gestæ continebantur, hic affixit; quas Cic. ab exilio reuersus vi deleuit, auth. Plut. Idem Cic. in Cat. commemorat æra legum in Capitolio tacta de cœlo, & liquefacta. Idem propè modum de Diu. his Ennij carminibus:

*Nam pater altitonans stellanti nixus olympo
Ipse suos quondam tumulos, ac templa petiuit,
Et Capitolinis iniecit sedibus ignes.
Tum species ex ære vetus, generataq; nata
Concidit, lapsaq; vetusto numine leges.*

Erant & leges à Romulo institutæ, quarum argumentum tale est.

*Ne quid inaugurato faciunto.
Patres sacra, magistratusq; soli peragunto, ineuntoq;
Plebei agros colunto.
Sacrorum omnium potestas sub regibus esto.*

Sacra patres custodiunto.

Populus magistratus creanto.

Leges discunto.

Bella decernunto.

Deorum fabulas ne credunto.

Deos peregrinos, præter Faunum, ne colunto.

Nocturnas in templo vigilias ne habento.

Parricidas omnes capite puniunto.

Ne quis præsentibus fæminis obscæna verba facito.

Quisquis demissam ad talos togam in Vrbe habeto.

Monstrosos parta quisquis sine fraude cadunto.

Ne quis, nisi per portas, Urbem ingreditor, ne ve egreditor.

Mœnia sacrosancta sunt.

Mulier viro legitimè coniuncta fortunarum, & sacrorum socia illi esto, ut domus q̃ ille dominus, ita hæc domina.

Filia, ut patri, ita defuncto viro hæres esto.

Adulterij conuietam, vir, & cognati (uti volent) necanto

Si vinum biberit domi, ut adulteram puniunto.

Parentum liberos omne ius esto, relegandi, vendendi, & occidendi.

Erant autem apud Romanos curatores eorum locorum, in quibus tabulæ publicæ seruabantur, ut index hic ostendit:

C. CALPETANVS STATIVS.

SEX. METTORIVS. M. PERPENNA LVRCO T. SARTIVS DECIVS CVR-
TORES TABVLARIORVM PVBLICORVM

FAC.

CVR.

Augustus victor totius Ægypti, quam Cæsar pro parte superauit, multa de naturali certamine sustulit rostra ærea, quibus conflatis, quatuor effecit Colūnas, quæ postea à Domitiano in Capitolio sunt positæ, quas hodieq̃, inquit, Ser. conspiciamus. Nunc verò in Lateranenli ecclesia sunt sitæ: de his intellexit Vir. cum dixit,

Surgentes are columnæ.

Legimus aut Syllam ex Iouis templo Athenis columnas ædib. Capitolinis vexisse. Cùm olim Anseris clangore arx esset seruata, in perpetuâ rei memoriâ Romani eius argenteum simulacrū in eadem statuere arce, de quo Lucretius sic,

Romulidarum arcis seruator candidus anser. Et Propert.

Anseris & tutum voce fuisse Ionem.

Ob hoc, inquit Plin. institutum est, ut cibaria anserum censores in primis locent.

C A P. XVII.

De quibusdam Epitaphiis & Titulis in Capitolio existentibus.

OSSA

NERONIS CÆSARIS GERMANICI CÆSARIS. F. DIVI AVGV. PRON. FLAMIN. AVGVSTALIS QVÆSTORIS.

OSSA

AGRIPPINE. M. AGRIPPÆ DIVI AVG. NEPTIS VXORIS GERMANICI CÆSARIS MATRIS. C. CÆSARIS AVG. GERMANICI PRINCIPIS.

OSSA

TI. CÆSARIS DIVI AVG. F. AVGV. PONT. MAXIMI TRIB. POT. XXXIX. IMP. VIII. COS. V.

Vias autem vrbs magna ex parte disturbatas Vespasianus restituit, ut in marmore in porticu ædium Conseruatorum posito ostendit talis index.

IMP.

IMP. CÆSARI
 VESPASIANO AVG.
 PONT. MAX. TR. POT. III.
 IMP. IIX. PP. COS. III. DES. IIII.

S

C

QVOD VIAS VRBIS
 NEGLIGENTIA
 SVPERIOR. TEMPOR.
 CORRVPTRAS IM
 PENSASVA RESTITVIT.


Sunt enim fornices in publici salis receptaculo, huiusmodi inscriptione vetustate penè consumpta, notati.

Q. LVTATIVS. Q. F. Q. CATVLVS COS. SVBSTRVCTIONEM
 ET TABVLARIVM S. C. FACIVNDVM CVRAVIT.

In æde D. Mariæ de Araceli, est ara, quatuor pulcherrimis exornata columnis, vbi legitur titulus huiusmodi.

A CVBICVLO AVGVSTORVM.

CAP. XVIII.

De quibusdam adificiis, aliisq; rebus in genere.

VRIAM Calabram in Capitolio Romulus culmis texerat, ad quam celebrabatur, id est, vocabatur Senatus & populus à rege Sacrificulo, vt ludorum & sacrificiorum pernolceret dies. Propè hanc ipsius Romuli Casam ponit M. Var. Metelli autem, & Constantini Porticum habuit Capitolinus mons; & Bibliothecam Maiorum pulcherrimis, marmoreisq; columnis exornatam: Atriumq; publicum, quod tactum de cœlo memorat Liuius. Ser. ait locum sacrû fuisse in Capitolio, ex quo sumebatur verbenâ, qua coronabantur Feciales, & Paterpatratus fœdera facturi, vel bella indicturi: & lapidem Silicem, quem tenebant iuraturi per Iouem, hæc verba dicētes. Si sciens fallo, tum me Diēspiter, sâlua Vrbe, arceq; bonis eiiciat, vt ego hunc lapidem. Fuisse, inquit Gellius, loca in Capitolio cellis, cisternisq; similia, vbi reponebantur ea, quæ in templo vetustate erant facta inutilia. Seiuges in Capitolio aurati à Cn. Cornelio positi sunt. M. Valerio Messalla, & Liuiio Salinatore Coss. eodemque tempore duodecim clypea aureata ab ædilibus. P. Claudio, & P. Sulpitio Galba ex pecunia, qua frumentarios ob annonam compressam condemnauerant, author est Liuius, qui quinto belli pu. Clypeum Martis cum imagine Asdrubalis statuit in eodem colle, & secundo decadis quintæ columnam Rostratam, sic: In suspensâ ciuitate ad expectationem noui belli nocturna tempestate columna rostrata in Capitolio bello pu. tota ad imum fulmine discussa est. At tertio eiusdem decadis testatur. S. C. in Capitolio solitum haberi: Eo, inquit, factô auocatam à se concionem Tribunus questus, & in ordinem se coactum, ex Capitolio, vbi erat concilium, abiit. In Templo Iouis Capitolini fuit Pallium breue, purpureum, lanestrum ad quod cum matronæ, atque Aurelianus Impe. iungeret purpureas suas vestes, cineris specie decoloratę videbantur, diuini comparatione fulgoris. hoc munus rex Persarum ab Indis interioribus sumptum Aureliano dedisse perhibetur. Cn. & Q. Oguinio ædilibus curulibus Limina Capitolij ænea sunt fabrefacta: Tegulas autem æreas Q. Catulus inaurauit, auth. Plin. hinc Virg. Capitolia aurea dixit, quanq̃ & propter statuas aureas, aliaq; pretiosa ornamenta aurea dixisse existimauerim. Numam antequam Imperium adiret,

augurium in Capitolio captauisse scribit Plut. Solinus autem T. Tatium in arce, ubi fuit Templum Iunonis Monetæ, habitauisse: Quo in loco prius steterat Domus Manlij; de qua Cic. pro domo sua ita meminit; M. Manlius cum ab ascensu Capitolij Gallorum impetum repulisset, non fuit contentus beneficij sui gloria, regnum appetisse est iudicatus: ergo eius domum euersam duobus locis conuestitam videtis. Libri Sibyllini in templo Iouis Capitolini sub terra, in arca lapidea ab hominibus decem custodiebantur, author Dion. Cæsar primo consulatu tria millia pondo auri furatus è Capitolio, tantundem inaurati æris reposuit. Suet.

C A P. XIX.

De laudibus Capitolij.

I quis Capitolij pulchritudinem, diuitias, & ornamenta oratione celebrare, proq; illorum admirabili, & pene incredibile amplitudine verbis illustrare conetur, nullam profectò inueniet tantam dicendi elegantiam, aut copiã, quin verborum exilitate deprimat, quæ sese extollere posse cõfidebat, cui Cic. nullum inueniens epitheton magis conueniens, Deorum & Iouis terrestris domicilium appellauit. Quare in huius laudem ero contentus referre ea tantum, quæ memoriæ traduntur à Marcellino, qui loquens de Constante Cõstantini filio tunc primum Romam veniente, sic sequitur. Deinde intra septem montium culmina per accliuitates, planitiemq; posita Urbis membra collustras, & suburbana quidquid erat primum eminere inter alia cuncta spectabat, Iouis Tarpei delubra, quantum terrenis diuina præcellunt. Et infra describens Ægypti mirabilia sic habet. His accedunt altis suffulta fastigijs tẽpla, inter quæ eminet Serapeum: quod licet minuatur exilitate verborum, atriis tamen columnaribus amplissimis, & spirantibus signorum figmentis, & reliqua operum multitudine ita est exornatũ, vt post Capitolium, quò se venerabilis Roma in æternum attollit, nihil orbis terrarum ambitiosius cernat. Eandem imitatus sententiam Cassiodorus: Traiani, inquit, Forum vel sub assiduitate videre miraculum est, Capitolia celsa conscendere, hoc est humana ingenia superata videre. Nunc verò penè nudus est relictus.

C A P. XX.

De Concordiæ & Iouis Statoris Templo, & quid sit Curia.

N situs Urbis descriptione secundo loco vallem inter Capitolium, Palatinumq; montem iacentem posuimus, eamq; secundum longitudinem, nõ vltra Palatini latus terminauimus; cuius ædificia & loca par est tandem, vt in antiquam speciem, & splendorem, quoad fieri poterit, restituamus. Et quia nihil est quod magis res augeat, & conseruet quàm Concordia, ab ipsa ritè principium facturi videmur. Cõcordiæ igitur Templum vouit Camillus, si plebem patribus reconciliasset; quod in foro, vt tradit Plut. vt autem Var. inter Capitolium, & forũ deinde exstruxit. hunc autem secutus Sex. Pomp. Senatula, inquit, Romæ tria, vnum, ubi nunc est ædes Concordiæ, inter Capitolium & forum, Valer. autem Max. ait Sempronium Afellionem pro æde Concordiæ sacrificium facientem ab ipsis altaribus fugere extra forum creditores coegisse. Sed cum non vnum fuerit Concordiæ templum, videndum ne Plut. de eo intelligat, quod erat supra Comitium, ad forum vsque productum. Huius autem porticus extant adhuc ad radices Capitolij octo ingentes columnæ cum inscriptione hac:

SENATVS

SENATVS POPVLVSQVE ROMANVS INCENDIO CONSUMPTVM RESTITVIT.

Quo autem tempore restitutum sit à Senatu incertum est. Extat tamen in Lateranensi basilica de restitutione memoria huiusmodi.

D. N. CONSTANTINO PIO FELICI AC TRIVMPHATORI SEMPER AVGVSTO OB AMPLIFICATAM TOTO ORBE REPUBLICAM FACTIS CONSILIIISQ.

S.

P.

Q.

R.

ÆDEM CONCORDIÆ VETVSTATE COLLAPSAM IN MELIOREM FACIEM OPERE, ET CVLTV SPLENDIDIOR RESTITVERVNT.

Hinc autem centum gradibus ad Monetæ Iunonis templū ascendebatur. Cic. Ph. septima. Oculta enim fuit eorum voluntas, iudiciūq; de M. Antonio, qui frequentissimi in gradibus Concordiæ steterunt. Ouid.

Candida te niueo posuit lux proxima templo,

Qua fert sublimes alta Moneta gradus.

Furius antiquum populi superator betrusci

Vouerat, & voti soluerat ille fidem.

Causa, quod à patribus sumptis secesserat armis

Vulgus & ipsa suas Roma timebat opes.

In Concordiæ Senatus frequenter habebatur, & conciones. Idem Cicero in Ph. pro Sextio & domo sua. Lampridius: cum Senatus, inquit, frequens in curiam, hoc est in ædem Concordiæ Templum auguratum conuenisset. In eodem templo fuit Statua Apollinis, Iunonis, & Latonæ Apollinem & Dianam infantes sustinentis: Aesculapiique, & Hygiæ à Nycerato fabrefacta. Sthenis autem, Cererem Iouem, & Mineruam, flentesque matronas, & adorantes, sacrificantesque fecit, quæ erat in æde eiusdem Concordiæ. Martem verò, & Mercurium Pifocrates. Zevis manu in Concordiæ delubro erat Marsias religatus; Erat & Liber pater Cassandraque à Theodoro picta. In prono Templi fuit Victoria, quæ M. Marcello Claudio, & M. Valerio Coss. icta est fulmine. Habuit Concordiæ templum Cellam de qua Cicer. ph. tertia sic meminit. Armatos in Cella Concordiæ cum Senatum haberet incluserit, & quinta: in Cella Concordiæ collocari armatos, latrones, sicarios è templo carcerem fieri. Cōcordia dicta, inquit Var. à corde congruente. Eregione autem huius, ad radices tamen Palatini montis, Templum Iouis Statoris, à Romulo votum fuisse, testis est Liuius, apud quem ita loquitur Romulus: Iupiter tuis auibus iussus hic, in Palatio, prima Vrbi fundamenta ieci, arcem iam scelere emptam Sabini habent, inde huc armati superata valle media tendunt: at tu pater deum, hominumque hinc saltem arce hostes, deme terrorem Romanis fugamque fœdam siste. hic ego tibi Templum Statori Ioui, quod monimentum sit posteris, tua præsentis ope seruata Vrbe esse, voueo. & Cicer. Priusquam enim iret in exilium his Iouem precatus est verbis: Teq; Iupiter Stator, quem verè huius Imperij Statorem maiores nostri nominauerunt, cuius in templo hostilem impetum Catilinæ repuli à muris, cuius Templum à Romulo victis Sabinis in Palatij radice cum victoria est collocatum, oro, atque obsecro, ferre opem pariter reip. cunctæque ciuitati, meisque fortunis. Ouid. etiam in Fast. in radice Palatini sic collocat.

Templum idem Statoris erit, quod Romulus olim

Ante Palatini condidit ora iungi.

Quo in loco nunc sunt spondæ murorum altissimæ ad boream pertinentes. In hoc conciones haberi, Senatusque solebat. Idem in Car. pro lege agraria, & alibi

sæpe. Nam. S. C. iure fieri non poterat, nisi in loco per augures constituto, quod templum appellaretur. non enim omnes ædes sacrę templæ erant. Curia in qua habebatur Senatus templum erat, auth. Gellius, & Var. Vnde inter Aedes sacras, & templa illud interest, quod in his. S. C. poterat haberi, in illis verò nequaquam. Ego tamen causa euitandi crebras eiusdem verbi repetitiones, & quo per nomen templi facilius inueniatur, quod quisque cupit, hanc differentiam non planè seruauit. Hoc autem templum incendio Neronis exustum fuisse docet Cor. Tac. Liuius vero votum bis, bello videlicet Samnitico, & in pugna ad Luceriam. Miror autē quid est cur quidam Iouis Statoris templum ad radices Capitolii posuerint, ad eam inquam partem, quę in planam Urbem vergit, vbi nunc est ædes Diui Andreæ in Statera, decepti solo cognomento; qui si Ciceronis & Ouid. verba obseruassent, & Romuli dicentis apud Liuium in Palatio, non tam fœde in hunc lapsi essent errorem.

CAP. XXI.

De Templo Vestæ, & Romuli, ac de Luco eiusdem Vestæ.

EMPLVM autem Vestæ inter Capitolinum, & Palatinum montem, vbi Diuæ Mariæ Gratiarum ædes nunc est sita, collocari à Diony. videtur. Quod autem non fuerit sub Palatio, vt putat Ful. probant, quæ sequuntur Plut. verba: Restitere Romani quo nunc loco Iouis Statoris situm est templum, ita confertissimo agmine Sabinos adorti fundunt, fugantque, & vsque ad locum, Regiam nunc dictum, ac templum Vestæ palantes agunt. Nam si Romani restitere ad radices Palatii, quomodo sequitur fundunt fugantque Sabinos ad templum Vestę, quod secundum Ful. fuisset, vbi restitere Romani, non autem quo fugati sunt Sabini, contra opinionem Plutar. Diony. & Liuij, qui de hoc templo ita meminit. M. Cœditius de plebe nunciauit tribunis se in Noua via, vbi nunc sacellum est, supra ædem Vestæ, & reliqua. Erat enim prope forum Romanum. Hinc Apianus ait. Asellium prætorem fortè sacra Castori, & Polluci in foro facientem, cum quidam lapide sialam excussisset, ad templum Vestę cucurrisse. Cor. Tac. de Pisone loquens: ex foro, inquit, fugit in ædem Vestæ. Condita autem fuit à Romulo, vt infra demonstrabimus ex verbis Diony. qui etiam memorię prodidit, Castora, & Pollucem in pugna aduersus Thusculanos duce Posthumio dictatore visos pugnantes pro Romanis, eodemque tempore in foro equos abluisse ad scaturiginem manantem iuxta templum Vestæ. Fuit eiusdem deæ Lucus, qui à Palatii radice in Nouam viam deuexus erat, ex quo, ante Urbem captam exaudita vox est, vt muri & portę reficerentur: futurum esse, nisi prouisum esset, vt Roma caperetur. auth. Cicer. de Diu. Atrium, siue Regia Numæ propè Vestæ sacellum Plut. fuisse existimat, nō autem, vt Ser. ædes Vestæ Atrium Numæ. Videamus autem obiter, quid sibi velit Vir. cum inquit.

*Cana Fides, & Vestæ, Remo cum fratre Quirinus
Iura dabunt.*

Per fidem enim Fidei templum intelligit, antiquissimum, vtpote ab Ænea, vel (vt alij volunt) à Numa in Palatio extructum, quod cogeatur Senatus cum de rebus ad statum reip. sicut in Atrium Vestæ cum Pon. max. cum de rebus ad religionem pertinentibus esset deliberaturus. Apianus his ita se habentibus Senatus in Fidei templum contulit per Remum autem & Quirinum Fo. Ro. in quo erant simulacra conditorum Urbis lambentium vbera lupæ. Liuius ædiles ad fiscum ruminalem (erat enim in comitio) simulacra infantium conditorum Urbis sub vberibus lupæ posuerunt. Et cum in foro causę agerentur, vt idem
author

author de Virginia loquens ostendit, sic interpretamur. Romanos leges, & ciuiles, & pontificias ad religionem pertinentes vniuerso orbi daturus, omniumque terrarum Imperium, quemadmodum Iuppiter pollicebatur, habituros. Templum Romuli steterat ad radices Palatini, in medio eius lateris, quod Capitolium respicit, vbi nunc est ædes Diuo Thodoro dicata, de quo videtur intellexisse Diony. cum de lupercali loquitur in hunc modum. Ostenditur secundum viam, qua itur ad Circum, templumque ei proximum, in quo est lupa præbens pueris duobus vbera, antiquæ operæ simulacra ærea.

CAP. XXII.

De Lupercali, & ficu Ruminali.

LUPERCAL autem fuit quædam spelunca sub monte Palatini in qua de Capro luebatur, id est sacrificabatur: vnde & Lupercal dictum putant. Alij verò dicunt quod illic lupa Romulum & Remum nutrierit, Alij, quod est verisimilius lucum hunc esse sacratum Pani deo Arcadiæ, cui etiam mons Lycæus in Arcadia est consecratus, dictus quod λύκος, id est lupos non sinat in oues sæuire. Ideo Euander sacrauit locum, Lupercalque nominauit, de quo Dionysius sic scriptum reliquit: Arcades in colle ipso firmati, cum ædificia alia more patrio exornassent, templa quoque construxerunt, atque primum quidem Pani lycæo admonente eos Carmenta. est enim apud Arcades Pan vetustissimus, plurimum in honore habitus. Nunc tamen, circumsepto ædificiis templo, præscam loci naturam comprehendere nequit coniectura. Erat enim antiquitus, vt dicitur, antrum magnum sub colle arbutto contectum, & fontes sub petris profundi, adhærensque rupibus saltus & quidem opacus, vbi Ara deo constructa sacrificia patria perficiebant. Idem tradit apud Lupercal Romulum, & Remum expositos fuisse, quem in locum lupa vadens sese condiderat. Aliorum autem fama est Lupercaliū morem à Romulo & Remo originem traxisse, tunc cum lætitia exultantes, quod iis auus Numitor eo loco, vbi educati erant, Urbem condere permiserat. Facto enim sacrificio, cæsisque capris epularum hilaritate, ac vino largiore prouecti, cuncti ouinis pellibus immolatarum hostiarum iocantes, gestierunt. Verum vt de nominis etymologia, & origine, ita de loco varia est opinio. Pom. Letus ita scribit. Sub Capitolio Tyberis inferebat sinum, qui pertingebat radices Palatij, vbi nunc est ædis S. Theodori, vbi expositus Romulus, & Remus in alueolo, ibique fuit ficus Ruminalis: supra in Capitolio eregione istorum locorum Lupercal, hoc est mansio lupæ. Erat autem Lupercal propè tres columnas. Vt autem (secundum aliquos) accipimus, quæ de ficu Ruminali eius est sententia, ita, quæ de Lupercali, prorsus reiicimus; de vtroque verò quæ est Seruii, qui in circo Maximo ponit Lupercal; eius sunt hæc verba: Rumon Tyberis dictus est, vnde ficus Ruminalis, ad quam eiectioni sunt Romulus & Remus, quæ fuit vbi nunc est Lupercal in circo, hac enim labebatur Tyberis ætequam Vertumnus factis sacris auerteretur. Et vbi Virg. inducit Aeneam ex Tyberi muros Palanteos spectantem, inquit: Nec situm præsentem cōsiderare debemus. tunc enim nullis obstaculis ædificij per Lupercal Tyberi fluente facile mons poterat videri Palatinus. Quod autem Tyberis sinum inferret ad radices Palatini bene procedit; verū q̃ per Circū laberetur caret ratione; quia Auen. ad alteram fluminis ripam esset relictus, nec sequeretur, q̃ refert Liuius; Herculem traiecitse Tyberim, &, dum fessus procubisset, Cacus boues furatum eos in speluncam traxisset; fuerat enim necesse per Tyberim quod est dictu absurdum, nisi dicamus per Circum lapsum

lapsum ante Herculis aduentum in Italiam. Præterea idem Ser. eodem in loco utrunque restituit, sicut & P. Victor, cum Lupercal fuerit, vbi nunc ecclesia S. Theodori, quemadmodum superiori capite, vbi de templo Romuli sumus locuti, tetigit Diony. Ficus vero Ruminalis in Comitio eregione ædis Diui Cosmæ & Damiani, & ad latus Palatini circo oppositū Maximo, quod Cor. Tac. sic probat. Eo anno quo certatum est inter Harmum duos, & Cattsos, Ruminalem arborem in Comitio, quæ supra octingentos & quadraginta annos Remi Romuliq; infantiam texerat, mortis ramalibus, & arefcēte trunco diminutam, prodigi, loco habitum, donec in novos fœtus reuiuisceret. Si autem volumus, quod ait Liuius, pueros in proxima alluie, vbi ficus Ruminalis, expositos secundum Tacitum dicemus, Tyberi forum Romanum alluisse, ferentesq; pueros descendisse ex Palatio in Comitium, ibiq; exposuisse infantes, nulla enim est ratio alia, vt Liuij cum Taciti conueniant verba. verisimilius est, secundum Diony. apud Lupercal expositos esse, nutritos verò apud ficum Ruminalem, vt innuit idem Tacitus, cum inquit, texit infantiam Romuli & Remi: aut fluitante scapha in Comitium delatos. Nam Var. ait infantes non expositos, sed delatos ad ficū Ruminalem, & L. Florus repertos ad arborem, quæ non fuisse (vt vult Ser.) vbi Lupercal ostendit etiam Plut. his verbis. Locum Cremonum vocant, sed pridem Germano nomen fuerat, quod germanos fratres vocemus, nec porro longius ficus Ruminalis. Non desunt autem qui Lupercal eregione Septizonij Seueri fuisse putent, quos secutus est Blon. in Roma triumphate at hoc stultum est credere. Quo modo enim Euander à Tyberi in Urbem rediens, potuit ostendere gelidum, vt ait Vir. Lupercal ab altero latere montis auerso existens, meridiemq; siue ortum æstiuum respiciens, cum ad boream pertineret? vnde recte Poeta, gelidum appellauisse videtur. Quis autem Lupercalia instituerit, vbi, & quo modo fierent, scribit Val Max. Ser. & Plut. in Antonij vita. Ruminalem autem ficū sunt qui volunt à Romulo, quasi romularem denominatam. Alij à lacte infantib. dato. nam pars gutturis rumā dicitur. Huius autem arboris etiam Augusti tempore vestigia extitisse docet Ouid. his carminibus,

*Arbor erat, remanent vestigia, quæq; vocatur
Romula nunc ficus, rumina ficiu erat.*

C A P. XXIII.

De via Noua, vico Iugario, & Thusco.



I A M Nouam fuisse eregione templi Iouis Statoris, perq; vallem inter Capitolium, & Palatium productam, significāt hæc Liuij verba. Ex superiore parte ædium per fenestras in Nouam viam versus (habitat enim rex ad Iouis Statoris ædem) populum Tanaquil alloquitur. Idem. Templum in Noua via supra ædem Vestæ Aio exstructum. Quanquam Cic. de diuinatione non templum dicit, sed Aram. De via hac meminit & Ouidius. eius sunt hæc carmina,

*Fortè reuertabar festis vestalibus illac,
Qua noua Romano nunc via iuncta foro est.*

Crediderim hanc viam antiquissimam, diuersamq; ab ea, quæ instaurata à Caracalla sub thermis ipsius fuit. Vicus Iugarius qui, auth. P. Vic. & Thurarius dicebatur, per radices Capitolij à porta Carmentali ad forum Romanum aditum præbuit. Liuius; ab æde, inquit, Apollinis boues fœminæ duæ albæ porta Carmentali in Urbem ductæ: post eas duo signa cupressæ Iunonis Reginę portabantur: tum septem & viginti virgines longam indutæ vestem carmen in Iunonem Reginam

Reginam canentes ibant, illa tempestate forsitan laudabile rudibus ingeniis, nunc abhorrens, & inconditum si referatur. Virginum ordinem sequebantur decem viri coronati laurea, prætestatique à porta Iugario vico in forum venere. Blon. verò ait, nihil aliud habere quam quod idem author dicit saxum ingens à Capitolio in ipsum vicū procidisse; quæ verba certum locū non designant, sicuti quæ nos allegauimus. Fuluius autem ponit vicum Iugarium inter Romanū, Boariumq; forum, quod falsum esse prædicta Liuii verba ostendunt. In hoc vico fuit Domus L. A. merimni equitis Ro. vt ex filij epith. legitur. Iugarij autē nomen obtinuit q; ibi fuerat Ara Iunonis Iugæ quam matrimo. iūgere putabant. auth. Sex. Pom. Quæadmodum autem vico Iugario per radices Capitolij à porta Carmentali in forū Romanum, ita vico Thufco per radices Palat. montis ab eodē foro in Velabrū patebat accessus; sicuti eiusdem Liuij verba, quæ sequuntur, ostendunt. In foro pompa constitit, per manus recte data virgines sonū vocis plausu pedum modulantes inceserunt, inde vico Thufco, Velabroque per Boarium forum in Cluium Publicum, atque in ædem Iunonis Reginae perrectum. Pater ergo virgines ingressas porta Carmentali, Iugario vico per radices Capitolij producto in forum: postea vico Thufco, ad Palatij radices iacenti, per Velabrum, forumque Boarium in Auentinum; peruenisse. Nescio autem quo auth. Fuluius venit id campi, quod est inter Capitolium, Palatium montem Auentinum, & Tyberim, vicum Thuscum appellatum: si ita esset, satis fuerat Liuius dixisse. Inde vico Thufco in cliuum publicum, atque in eadem Iunonis Reginae perrectum: sed Velabrum à vico Thufco diuidens, ostendit ibi finem fuisse vici Thufci, vbi velabrum incipiebat, quod cum foro Boario, in eo campo fuisse, demonstrabitur. Ab eodem autem Liuius huiusce vici etymologia est petenda. Narrat enim in bello aduersus Aricinos cæsis Hetruscis, partem exigua ipsorum Romam profugisse, ibique benignè exceptos, diuisosque in hospitium: deinde curatis vulneribus, alios domum profectos, multos autem Romæ hospitium, vrbisque charitatem tenuisse, locumque ijs ad habitandum datum, quem deinde vicum Thuscum vocauere. Dionysius. Dedit, inquit, eis Senatus regionem vrbis, inter Palatium & Capitolium, quatuor ferme extensam stadia conuallem, quæ ad ætatem vsque meam vicus Thuscus appellatur, per quem quidem transitus est à foro ad circum Maximum. Propertius his consensisse videtur, his versibus.

At tu Roma meis tribuisti premia Thuscis,

Vnde hodie Thuscus nomina vicus habet.

Alij aliter referunt historiam. Videlicet vicum ipsum Thuscum appellatum à Cælio Vibieno Thufco, qui cum sua manu Romulo contra Latinum in auxilium venerit, & post Cælij obitum, quod nimis munita loca tenerent, neque sine suspitione essent, deductos in planum, & ab eis vicum Thuscum denominationem accepisse. In hoc vico lenones habitauisse ostendit Plautus in Cistell. hinc Horatius. Ac Thufci turba impia vici.

C A P. X X I I I. I.

De Arcubus Romuli. Senatulo, & Ouidij Domo.



RCVS veteres, quos Romulus lateritios posuit, & flores postea opibus Romani nunquam passi sunt in marmoreos mutari, ne conditoris vrbis suæ memoria deperiret, Blon. scribit ætate sua collapsos, vbi nunc sunt ecclesiæ S. Mariæ de gratia, & de inferno. eam, inquit, viam ad portam Appiā expeditissimam videmus. Alij verò volunt de his arcubus intellexisse Iuu. cum dicit.

Substitit ad veteres arcus, madidamq; Capenam.

Quod si accipimus, Blondi repugnabimus opinioni, nisi velimus bis substituisse. Sed nescio qua ratione velint Romulum arcus posuisse, cum ea tempestate non esset adhuc excitandi triumphales arcus consuetudo. Senatulum, in quo senatores consultandi causa cōsistebant, fuit inter Capitolium & Forum, vbi ædes Concordiæ, vt visum est supra. Ouidius autem domum suam sub Capitolio his carminibus posuisse pater.

Hanc ego suspiciens, & ab hac Capitolia cernens,

Quæ nostro frustra iuncta fuere lari.

Quidam volunt fuisse propè ædem diuæ Mariæ de consolatione, Secunda autem parte situs Urbis expedita, Palatinum montem ascendamus.

C A P. XXV.

De varia Palatij etymologia.



V A N Q V A M Palatinus mons multis iam annis ante Urbem conditam ædificiis esset conuestitus, ab Roma Itali filia Valentia, ab Euandro deinde arce constituta, Vrbeq; orta, Reges & Imperatores sedem inibi habuerunt, vt nihil sit apud historicos, aut poetas magis celebratum, at tamen eius etymologia tam varia traditur, vt ex multis authoribus, quem sequaris, habeas neminem. Var. quartæ, inquit, regionis Palatium, quod Palantes, qui cum Euandro venere, qui etiam Palatini, & Aborigines ex agro Rheatino, qui appellatur Palatium, ibi confederunt. Aliqui verò à Palante proauo Euandri Palatino nomen mansisse referunt, secundum quos Virgil. ait.

*Arcades has oras genus à Palante profectum,
Qui regem Euandrum comites, qui signa secuti,
Delegere locum, & posuere in montibus urbem,
Palantis proau de nōmine palanteum.*

Liuius montem hunc à Palateo vrbe Arcadiæ Palantium, deinde Palatium appellatum tradit. Alij à Palatia Latini vxore. Alij quod Palanto Hyperborei filia, quæ ex Hercule Latinum suscepit, hunc incoluerit. Alij à Palantia Euandri filia, ab Hercule vitiata, & illic sepulta. Alij à Palante, qui & ipse inibi sepulcrum esset consecutus. Eundem hunc locum à pecore dictum putant multi, quod pascens ibi balare consueuerit. Tibullus.

*Sed tunc pascebant herbosâ palatia vacca,
Et stabant humiles in Iouis arce case.*

Vnde Næuius Balantium nominauit. vel quod palare, id est, errare solerent armenta. Cephalon autem Gergitius memoriæ prodidit, hominem quendam comitem Æneæ occupato monte, qui nunc Palatinus dicitur, urbem condidisse, Romamq; denominasse. Tremellius verò Palatinum Romuleum montem vocat, cum inquit: Fuit eius statua in pede montis Romulei ante Sacram viam, inter templum Faustinae, ad arcum Fabianum. In mons hodie Palatium Maius vocitatur.

*De Victoriæ, Cereris, Iunonis Sospitæ, Matris deum, &
Libertatis Templo, & eiusdem Porticu,
ac de domo Cassij.*



Q V M Romani plurimis victorijs partis, imperij fines propagassent, Victoriæ deæ gratiam referentes & quo in futurum prosperos successus daret, ei Templum in Palatio consecrauere, in ea inquam parte, quæ videt hortos diuæ Mariæ nouæ. in infimo cliuo cuius supra indicauimus Romulum Romam portam instituisse. Vbi autem Victoria prius (vt prodidit Antias) Val. Max. inter alios honores domus publicè ædificata fuerat. Licet L. Iginius dicat P. Val. Volesi filio Publicolæ domum, quæ sub Velis erat, vbi postea fuit ædes Victoriæ, ex lege, quam ipse tulerat, populum concessisse. De Victoriæ æde meminit & Liuius L. Posthumius inquit, Cos. ædem Victoriæ, quam Ædilis curulis ex multatitia pecunia faciendam curauerat, dedicauit. Diony. verò scribit in vertice Palatini montis ab Arcadibus, qui cum Euandro venerant, Victoriæ Templum erectum esse, cui deæ anniuersaria fierent sacrificia, ab eisdemque Cereris Ædem, cuius sacra à solis mulieribus celebrarentur. Sed de alia Victoriæ æde intellexisse Diony. & locus, & tempus satis ostendunt. Propè hanc, Ædiculam Victoriæ Virginis posuit Portius Cato, quam biennio ante vouerat. iuxta quam fuit & Iunonis Sospitæ. In Victoriæ templum Matrem Deum Pesinunte oppido Phrygiæ aduectam perlatam fuisse memorant; ibique mansisse donec illi Ædem statuis, columnisque pretiosis cum pauimentis diuersorum lapidum exornatam struxere Romani. Vnde Liuius: ædes Magnæ Matris Idææ dedicata est; quam deam P. Cor. aduectam ex Asia in Palatium à mari detulerat. Locauerant ædem faciendam M. Liuius C. Claudius Censores. Dedicauit Iunius Brutus. Ludique ob dedicationem eius facti, Megalesia appellati. de quibus Cicer. ita meminit: Nam quid ego de illis ludis loquar, quos in Palatio nostri maiores ante templum in ipso Magne matris conspectu Megalensibus fieri, celebrarique voluerunt, qui sunt more, institutisq; maxime casti, solennes, religiosi? Aduecta est autem Mater deorum carmine in libris sibyllinis inuento. Pelli Italia alienigenam hostem posse, si deportata esset Romam. Erat enim lapis, quem incolæ hoc appellabant nomine. Libertatis autem & Templum, & Porticum struxit P. Clodius in parte domus Ciceronis, prope Iouis Statoris templum.

CAP. XXVII.

De Fano, & Ara Febris, Aede Larum, Deæ viriplacæ Sacello, ac de Templo Fidei, & Iouis Victoris Aede.



F A N V M febris in Palatio fuisse Val. Max. sic docet: Febrem ad minus nocendum templis colebāt, quorum adhuc vnum in Palatio, alterum in ara Marianorum, tertium in summa parte vici Longi in eaque remedia, quæ corporibus ægrotorum annexa fuerant, deferebantur. Docet & Cic. his verbis: Illud profecto confiteamini, longe aliter rem se habere, atque hominum opinio sit, eos enim, qui dii appellātur, rerum naturas esse, non figuras deorum. Qui tantus error fuit, vt perniciosius etiam rebus non nomen deorum tribueretur, sed etiā sacra constituerentur: Febris enim


Fanum in Palatio videmus. Et secundo de lege Ara, inquit, vetus stat in Palatio Febris. Hic autem notandum secundum Stoicos, vnum esse deum, cui nomina variantur pro actibus, & officijs: vnde etiam duplicis sexus nomina esse dicuntur, vt cum in actu sint, mares sint, fœminæ cum patiendi habent naturam. Aedem Larum idem Cicer. Palatinam facit: sicuti Val. Max. deæ Viriplacæ sacellum: in quo viri & vxores contentione animorum deposita, concordēs domum reuertebâtur. Agathocles, Diony. ceterique Græci scribunt, Æneam cum Ascanio, & eius filia Rhoma in Italiam venisse, condidisseque in Palatio Templum Fidei, à puellæ nomine dicatum, sub hoc titulo *TEMPLVM FIDEI*. Orta deinde multis post annis inter Romulum & Remum contentione de nomine vrbis appellandæ. s. p. q. r. placuisse urbem Romam à puella nominare, cuius eulogium in templi frontispicio ex inscriptione legissent. Sext. Pomp. refert Romam Æneæ neptem hoc templum posuisse; Numam verò Dion. & Liuius longis post seculis vetustate lapsum Augustus instaurauit. Templum Iouis Victoris à Q. Fabio bello Sabino votum, in eodem Palatino monte fuisse volunt, dedicatumque Idibus Aprilis Ouid. sic.

Occupat Apriles idus cognomine victor

Iupiter, hoc illo sunt data festa die.

C A P. X X V I I I.

De Heliogabali, Apollinis, & Penatium Templo, ac de Aede Orci, locoq; Palladij.



ANTONINVS Heliogabalus, Heliogabalum deum in Palatino monte consecrauit, ei que Templum fecit, eo in loco, vbi prius Orci ædis fuerat, studioseq; curauit Matris deum Typum, & Vestæ ignem, Palladium Ancylia, & omnia Romanis veneranda, religionem Iudeorum, & Christianorum deuotionem in illud transferre contendit, agens ne quis deus, nisi Heliogabalus coleretur, auth. Lampridius. Quo in loco cyphum, non typum legendum puto, propter ea, quæ infra sequuntur, videlicet. Et adeo debacchatus est vt cyphum eriperet. Templum Apollinis in ea parte Palatinæ domus Augustus excitauit, quam fulmine ictam desiderarit à Deo aruspices pronunciarunt, eis que Porticum auth. Suet. addidit, quam laudat Propertius, & fores templi eburneas facit: super fastigium autem currum solis ex auro splendentem, quatuorque boues, id est pretidas æneas à Myrione factas in ara, ponit: Ouid. verò in Apollinis Belides, cum ait.

Ducor ad intonsa candida templa dei,

Signa peregrinis vbi sunt alterna columnis

Belides, & stricto stat ferus ense pater.

In hoc Templo Augustus iam senior, sæpe Senatum & decurias iudicum recognouit. In eodem pendebant Lychni instar arboris mala ferentis, vbi probati poetæ scripta sua reponebant. hinc Horatius in arte Poetica.

Scripta Palatini quacunque reponit Apollo.

Huius autem templi vestigia extare videntur supra circum Maximum propè vineam Fedræ, in qua Tiberiana fuerat Domus.

De Appollinis etymologia plura Plato in Cra. de Apollinaribus verò ludis Mac. in Sat. Ædis deorum Penatium in ea parte Palatini montis fuit, quæ boream spectans, Velia dicebatur. Liuius quinto quintæ dec. De prodigijs deinde nunciatis Senatus est consultus, Ædes deorum Penatium in Velia de cœlo tacta erat. Dion. Templum, inquit, Romæ ostenditur haud procul à foro, in quo sunt deorum

deorum Troianorum imagines inscriptionem habentes D. PENATES. Sunt enim adolescentes duo sedentes, pilam tenentes, veteris artis opera. Timæus autem historicus ferreos & æneos lituos, atque Troianum vas quoddam fictile esse, scriptum reliquit, Labeo vero Apollinem & Neptunum. Exhausta incendio æde Vestæ, in Veliam translatum fuit Palladium, à quo ecclesia S. Andreæ inibi sita cognomen deinde accepit, in Pallaria enim vocatur. Memorant quidam Liuiam, D. Augusto templum in Palatio erexisse.

CAP. XXIX.

De domibus Palatinis, & Saliorum Curia.

VM Romulus & Remus vitam pastorem agerent, sæpe ex lignis, & harundinibus tabernacula struxere, quarum vnam scribit Dion. ætate sua fuisse in angulo ex Palatio in circumducente, Casam Romuli dictam, per multasq; ætates mansisse, & si quid vetustate, aut alio quouis casu corruisset, custodes loci nihil magnificentius addentes, verum omnia prioribus restituentes, reficere consueuisse. Quo in loco hunc Virgilij de mantaco ciuis Rom. domuncula visitur. Tullus autem Hostilius, priusquam Curiam condidisset, in Velia domum habuit, vbi postea fuit ædes prædicta deorum Penatium, auth. Solinus: Catilinæ verò haud procul hinc, in ea parte Palatij, quæ videt forum Romanum, & inde ad M. Scauri brevis transitus. de qua Asc. sic inquit: Demonstrasse vobis memini hanc domum in ea parte Palatij esse, quæ cum ab Sacra via discesseris, & per proximum vicum, qui est ab sinistra parte, prodieris, posita est. Domum Ciceronis emptam viciis sextertio à L. Crasso volunt fuisse supra ædem Iouis Statoris: Et certè in celeberrima Palatini montis parte erat, propeq; Palatium sita, vt pro domo sua ipse Cic. his verbis testatur: Domus ardebat in Palatio, non fortuito, sed oblato incendio, & infra: In conspectu totius Urbis domus est mea. Admonendi autem estis eo in loco, vbi dicit: Ardebat in Palatio, non accipi secundum nunc vulgi opinionem pro monte Palatino, cum iis temporibus Palatium exiguum eius partem occuparet: neque etiam significare domum Ciceronis intra Palatium ipsum comprehensam, sed inuidiose additum esse in Palatio, ac si diceret Orator: Catilina in comburendo domum meam ad eo ira erat accensus, & furore amens, vt nullam prorsus rationem haberet locorum publicorum, & ipsius Palatij, cui eadem domus mea fuerat iuncta. Iuxta quam ponit domum M. Flacci: qua euersa Q. Catulus de manubiis Cimbricis Porticum extruxit. Crassi oratoris, & Viturbij Domos in Palatio euersas fuisse L. Æmilio Mamercus, & C. Plantio Coss. Plin. est auth. Vani ducis domum in Palatio statuit Liuius. Sicut Augustanâ Tiberianamq; Cor. Tac. de quibus superiori capite memini. Augustanam autem ab Augusto, qui vt scribit Sueton. natus est in regione Palatij ad capita Bubula, vbi nunc, inquit, Sacrarium habet, aliquanto postquam excessit constitutum. Et alibi refert primo iuxta forum Romanum, supra scalas Annularias in domo, quæ Calui Oratoris fuerat, habitauisse, postea in Palatio, nihilominus ædibus modicis Hortensianis. De Tiberiana idem Cor. mentionem sic facit: Otho ex æde Apollinis discedens per Tiberianam domum ad Miliarium aureum peregit. Curia Saliorum in Palatio, quæ cum flagrasset inuentus est Lituus Romuli illæsus, auth. Cic. Plut. vt L. Iginus, tradit Publicolam domum habuisse Subueliam nuncupatam, foroq; imminentem. Tarquinij vero Prisci domus ad Iouis Statoris templum fuit. Liuius: Quum clamor, impetusque multitudinis vix sustineri posset, ex superiore parte ædium per fenestras in viam Nouam versus (habitabat enim rex ad Iouis Statoris ædem) populum

pulum Tanaquil alloquitur. Ser. ait Augustum, post Actiacum bellum, Palatium ex suo præcepto ædificatum, quum esset domus priuata, reipub. donauisse.

C A P. XXX.

De Summa Velia, statuis Palatinis, alijsq; rebus in genere.



ELIAM Summam ad eam Palatij partem, quæ celsior versa est in ortum æstiuum, diuq; Mariæ Nouæ ædem fuisse, diximus; cui, vt vult Var. ex eo inditum est nomen, quod ibi pastores Palatini, ante tonsuram inuentam, vellere lanam consueuerint. Augustus in Palatio iuxta Fidei Templum Bibliothecam exstruxit latinam, græcamq; cum Porticu, quæ Palatina dicebatur, in qua Senatus statuam Numeriano Imper. poluit, cum inscriptione:

DIVO NUMERIANO ORATORI POTENTISSIMO.

Statua M. Var. viuentis adhuc eandem porticum exornauit, teste Pollione: Bibliothecam vero Apollinis, Colossus Thuscenicus L. pedum à pollice ære nobilior, an pulchritudine, dubium. Fuit in Palatio Auguratorium, id est locus vbi auguria captabantur: & Apollo cognomento Palatinus, opus Scopæ, Latonaque in palatij delubro, vt ait Plin. Suet. commemorat Titum Imp. statuam auream Britannico in palatio posuisse. Arbor fuit in eodem Palatino nata ex hasta Romuli, qui captato augurio hastam ipsam de Auentino monte in Palatinum iecit, quæ fixa fronduit, & arborem fecit: Laurusq; nata eo die, quo Augustus: vnde triumphantes coronari consueuerunt, Balneæ quoque, quas Cicero pro Roscio palatinas appellat, cuius vestigia exstant supra circum Maximum, haud procul à vinea Fedræ. Iulius Capitolinus refert locum fuisse in eodem monte, qui Sicilia dicebatur: & alterum, qui Iouis Cenatio: & Lampridius Plateas pulcherrimas faxis Lacedemoniis, ac porphyreticis stratas, quas Antonianas vocauit. Quæ faxis, inquit, vsque ad nostram memoriam manserunt, sed nuper eruta & exsecta sunt. Fuit in colle Palatino Vicus Padi, & Fortunæ respicientis, inibiq; feriæ celebrabantur, in quibus sacrificium, quod fiebat, Palatual dicebatur, auth. Anti-stius Labeo.

C A P. XXXI.

De Palatio nunc Maiori, Atrio, & veteri Porta ipsius Palatij.



VALIS autem & quanta fuerit Palatij moles, & pulchritudo indicant ruinæ ingentes, quæ ibi conspiciuntur, indicant & picturæ, statuarq; præclarissimæ, preciosæq; columnæ in eo repectæ. Quis autem tanta ædificia auxerit, nullus, inquit, Blon. scribit, quod nulla alia ratione factum crediderim, quam quod vnusquisq; nulla insigni constructione facta, particulas redidit, quas scriptores, vt parum dignas, mandare litteris omiserunt. Nos autem diximus Augustum suam priuatam domum reip. donauisse, quæ iuncta fuerat Palatio. Præterea Plin. prodidit Caligulam partem Palatij ad forum vsq; promouisse, seq; bis vidisse Urbem totâ cingi duab. domibus duorum principum, scilicet Caligulæ & Neronis. Caligula autem in eo promouendo effecit, vt ædes Castoris & Pollucis, quæ erat in medio foro, eregione vestibuli suarum ædium esset. Sed quod scribit Blon. de Palatio Maiori, id quoque de Pala-

de Palatio Vaticano nunc dicere possemus. Atrium autem Palatium habuit augurato conditum, in quo consulebatur Senatus, arietesq; immolabantur. Palatij vetus porta ad quam bello Sabino fufos esse Romanos commemorat Liuius, fuit prope Roftra, & si quis ad illius verba diligenter attenderit, nullibi, quam eregione ædis Diui Laurentij in Miranda existimabit. Quidam hanc Romuli portam appellant. Palatinus autem collis præter vnam atq; alteram domunculam & ædem. S. Andreæ prædictam, nullum nunc habet ædificium: totus enim vinetis plenus, aut pascuus ager, non ouibus magis, quam caballis & capris est relictus, vt verè Balantium possit nominari.

CAPVT XXXII.

De Templo Iani, Augusti & Faustinae.

ARTEM quartam situs Vrbis aggredientes, à rebus diuinis, diisq; immortalibus principium facturi rite videmur, in primisq; ab eo, qui omnium rerum ianua habetur, hoc est, à Iano, cuius templum præter Capitolinum, aliud in foro Transitorio fuisse, sic probat Ser. Captis Faliscis, ciuitate Thusciæ, inuentum est simulacrum Iani cum frontibus quatuor, (fuerat enim bifrons apud theatrum Marcelli) vnde quod Numa instituerat translatum est ad forum Transitorium, & quatuor portarum vnum templum institutum: In qua autem parte fori, parū liquet; sed crediderim in ea, quæ in fo. Rom. est versa, propè Basilicam Pauli, vt sequatur quod ait Mar.

Et fora tot numeras Iane, quot ora geris.

Procopius tradit ætate sua iam templum fuisse in medio foro ex aduerso Capitolij, paulo supra eum locum, quem tunc Romani, tres Parcas appellabant. Erat, inquit, sacellum totum ex ære constitutum, quadrata quadam dimensione, tanteq; amplitudinis, quanta integri Iani statua poterat ænea quinquepedalis capiti, capite dumtaxat bifrons; portæ vtrinque æneæ, quæ pacis tempore cludebantur; instante autem bello aperiebantur, vocabaturq; Ianus Geminus. Verum alterū erat ab eo, de quo Ser. quia, vt diximus, plures fuere Iani. De quadrifronte autem intellexit Mar. cum dixit,

Et lingua pariter locutus omni.

Nam omnes de duobus non dicitur. Templum Augusti in fo. Rom. positum erat, quod Tyberio imperante imperfectū Caligula. absoluit, pōteq; super ipsum transmissio Capitolium Palatio coniunxit. vnde ex tribus columnis eius pontis propè Palatinum montem, & totidem ad radices Capitolij adhuc erectis, facile possumus coniecere, vbinam esset Augusti templum, super quod pontem transmiserit Caligula. Vestigia Templi Faustinae, quam Antoninus maritus permisit diuinis honoribus à senatu coli delatis circensibus, Flaminibusque, multa, insigniaq; extare videmus, post hunc ecclesiam S. Laurentij in Miranda. De quo Spartianus sic meminit. Inter deos relatus est, habet templum, habet Salios, habet sodales Antonianos, qui Faustinae templum, quod ei sub tauri radicibus

fundauerat maritus; in quo postea filius huius Heliogabalus

Antoninus sibi, vel Ioui Syrio, vel Soli incertum,

id est, templum fecit.

De Castoris & Pollucis templo.

ASTORIS & Pollucis templum in fo. Rom. ab omnibus scriptoribus collocatur. Lucretio Ofellæ consulatum petenti Sylla impedimento erat: ille autem sollicitatus à multis in forum venerat, quem missus ab eo centurio iugulauit; ipse in Castoris æde sedens eadē è suggesto superne spectabat, Plut. Martius de Hernicis triumphans in Urbem rediit, statuaq; equestris in foro decreta est, quæ ante templum Castoris posita est; Liuius: Nonne ab A. Posthumio ædem Castori, & Polluci in foro dicatam vides? Cicero. In qua autem parte fori permagna est dubitatio, & inter antiquæ Urbis scriptores varia opinio. Volateranus vbi Diui Cosmæ & Damiani est ecclesia, ponit. Pomponius vero Lætus, certum non signans locum, in fine fori. Quidam in via Sacra, Fuluius sub Palatio iuxta Iuturnæ fontem, vbi nos Iouis Statoris templum; cui videntur adstipulari Diony. verba quæ sequuntur: Huius autem inopinatæ, admirabilisq; apparitionis cum signa adhuc Romæ multa, tum vero est ædes Pollucis, & Castoris, quam supra foro exstruxit ciuitas, vbi visa sunt illorum simulacra; & rursus: Specie pugilum, equosq; madidos sudore adscaturiginem, iuxta ædem Vestæ manantem, abluisse ait: Ouidius locum tetigit his carminibus,

Fratribus illa dies, fratres de gente deorum,

Iuxta Iuturnæ composuere lacus.

Vnde cum Diony. dicit ædem ipsam structam vbi illorum visa fuerant simulacra, & subiungit, iuxta ædem Vestæ, cum Ful. vt diximus, videtur conuenire, à Blon. verò discrepare. Var. namque, inquit Blon. cum dixisset, Tullum Hostiliū curiam Hostiliam ædificauisse, sic sequitur: Ante hanc Rostra, sub dextera huius Comitio locus substructus, vbi nationum subsisterent Legatis; qui ad Senatū essent missi, hinc Grægothasis à parte, vt multa: Senaculum supra Grægothasim, vbi ædes Concordiæ, & Basilica Opima. Qui ergo descriptum supra à nobis forum Romanum cognoscit, & Var. verba considerat, facile intelliget Rostra templum ad radices Palatij fuisse, vbi nunc est parua S. Mariæ de Inferno ecclesia. Si igitur & Castoris templum ad radices Palatij, vbi Ful. ponimus: non video quomodo habebit Rostra eregione, quemadmodū vult Plin. cuius verba hæc sunt. Ex his Romuli sine tunica, sicut & Camilli in Rostris, ante ædem Castorum fuit. Cic. in Ver. locutus de Castoris templo, eiusq; columnis subdit: Qui ædem Castoris testem furtorum tuorum esse volueris, quam Pop. Rom. quotidie, iudices etiam tum, cum de te sententiam ferrent, viderent. Et cum sententiæ in Rostris ferre solerent, patet quod Plin. etiam testatur, Castoris ædem ante Rostra, videlicet apud Faustinae templum, nunc S. Laurentij in Miranda, fuisse. Quo in loco paucis diebus ante Urbis direptionem à barbaris factam, vidimus marmora mira arte sculpta, columnasq; pulcherrimas effodi, vt existimem eas esse columnas, eaque esse ornamenta, de quibus memini Cic. multa loqui. Quod nisi velimus ibi Castoris ædem, vt par est, collocare; necesse est, secundum Ful. alibi, quam in radice Palatij, Rostra statuere; non enim procedit, quod vtrunque sit ad radices Palatini montis, & Rostra ante ædem Castorum. Si autem eandem ædem apud Vestæ libet ponere: dicendum duas fuisse apud forum, quarum alteram A. Posthumius dictator bello Latino vouit, eiusq; filius duumvir creatus dicauit. Alteram L. Metellus Dalmaticus de manubiis posuit; quanquam Asc. dicit Metellum instaurasse, non posuisse. Non desunt autem qui ædem Diuo Cosmæ & Damiano nunc sacram, Castori, & Polluci attribuant: quorum templum cum maximum,

ximum, nobilissimumq; ac multis columnis exornatum fuisse in Verrem, vt dixi, ostendat Cicero, horum opinionem refutamus: Cosimæ enim & Damiani tallium columnarum nullum præ se fert vestigium, aut signum. Huius ædis gradus reuulsos à Clodio memorat idem author pro domo sua, & pro Sex. Qui alibi etiam S. C. concionesq; in eadem sæpe habitas esse docet. Fuit autem statuis & nobili pictura à Cæcilio Metello perbelle exornatum, qui, vt refert Plu. Floræ simulacrum pulchritudine insigne in eodem posuit. Inerat & tabula monimentum ciuitatis equitibus campanis datæ.

CAP. XXXIV.

*De Cæsaris & Veneris Genetricis Templo, eiusdemq;
Veneris Atrio.*



IVVS autem Cæsar Templum prope forum suum habuisse dicitur, de quo Cor. Tac. sic meminit. Ante ædem Diui Iulij iacuit primo ictu: loquitur enim de Galba ad lacum Curtium interfecto. Plin. narrat Augustum in Templo Cæsaris patris Castores, ac Victoriæ posuisse. In eodem foro Veneris Genetricis Templum statuit Appianus: Post victoriæ, inquit, contra Pompeium Cæsar Atrium templo Veneris circumduxit, quod Hadrianus longo tempore post instaurauit. Nam, vt scribit Diony. Apollodoro architecto descriptionem, & formam templi Veneris misit, significans sine illius opera, & ministerio etiam ingentia ædificia exstrui posse. Quærebat itaque an ædificium illud rectè & commodè se haberet. Rescripsit de templo, sublime illud, & cõcauum fieri oportere, vt ex loco superiori in Sacram vsque viam insignior prospectus esset, & magis conspicuum concuum ad excipiendas ludorum machinas, quæ in eo loco latenter compingi, & item ex occulto in theatrum duci possent. Quòd si aliud fuit ab eo, quod posuit Cæsar votum bello Pharsalico, fuit omnino prope viam Sacram, sicut & Cæsaris, videlicet post Faustinae templum, nunc S. Laurentij in Miranda. Augustus Ædem Martis Vltoris bello Philippeni votam in suo excitauit foro, de qua Suet. ita meminit: Publica opera plurima exstruxit, è quibus præcipua forum cum æde Martis Vltoris meminit & Ouidius his carminibus.

*Vltor ad ipse suos cælo descendit honores,
Templaq; in Augusto conspicienda foro.*

Plin. autem dicit se vidisse Scyphos è ferro dicatos in eodem templo, anteq; ipsum duas Statuas, Alexandri Magni tabernaculum sustinentes. Cor. vero Tac. Senatores decreuisse vt Germanicus, atque Drusus ouantes Urbem introirent, circumq; latera eiusdem templi structos esse arcus cum effigie Cæsarum. Arbitramur autem Martis Diuæ Martinæ cecidisse templo, aut certe prope fuisse.

*De Volcani, Concordiæ, Pacis, Romuli, ac Veneris
Cloacinæ Templo.*



VOLCANI Templum supra Comitium locauit Sex. Pomp. eius sunt hæc verba. Statua Ludienis, qui quondam fulmine ictus in circo, sepultus est in Ianiculo, cuius ossa postea ex prodigiis, oraculorumq; responsis Senatus decreto intra Vrbem relata, in Volcanali, quod est supra Comitium, obruta sunt. Et cum Comitium, vt videbimus, sit intra Palatinum montem, Romuli & Remi, atque Pacis templum dicimus Volcani ad radices Palatini eregione fermè eiùsdem Pacis fuisse. Dionys. de Tatio & Romule loquens. Tractantes, inquit, in Volcani templo negotia, quod superstat Foro. Hinc constat Volcani ædem in Vrbe Romulum posuisse, contra Blondi opinionem, qui scribit Romulum existimauisse Volcanum quidem colendum; sed, ne Vrbs incendiis esset exposita, Vrbe excludendum. cui suffragari Vitruuij hæc verba videntur: Extra murum Veneris, Volcani, Martis phana idè collocari, vti non assuescat in Vrbe venerea libido, Volcaniq; vis è mœnibus, religionibus & sacrificiis euocata, à timore incendiorum videantur liberari. Quod si consideremus tempora, inueniemus Vitruuium quidem cum Pompeio & Diony. optimè conuenire, Blondum verò non rectè sensisse: Nam Romuli ætate cum mille, vt ait Plut. domus tantum essent, admodum in eo ambitu raræ, non erat metu incendij Volcanus Vrbe excludendus, sicuti, vt hominum, ita ædificiorum Vrbe aucta; Verùm si Blon. in locorum descriptione rationem temporis habuisset, quia aliter, vt ipse vult, in primis conditæ Urbis, & nascentis reip. temporibus: aliter nata, & aucta rerum opulentia ædificatum sit, non tam facile in hunc incidisset errorem. Volcani templum dedicauit Tatiùs, vt Solis & Lunæ, Saturni, Rheæ, Vestæ, Dianæ, Quirini. Idem Diony. tradit, sicut & Plut. Romulum secundum triumphum ducètem currum æreum templo Volcani obtulisse, eumq; prope effigiem sui ipsius collocasse, Coelitisque Statuam in eo positam esse, & conciones solitas haberi. In huius autem area Concordiæ Templum statuit Sex. Pomp. & Plin. Si intelligit de eo, quod Fuluius ille, libertino patre natus, vouit, si populo reconciliaffet ordinem Senatorum, & equestrem, structum, annis ccc lxx. post Capitolinum, summa inuidia nobilium, ex multatitia pecunia sceneratoribus condemnatis, in radice Palatini montis fuisse opinamur: non autem in Palatio, vt putat Blon. sequeretur enim, secundum ipsum, in eodem monte fuisse, & Volcani, quod adduci ad suspicanda nullo modo possum, cum in Concordiæ area à dictis auth. collocatum sit. Insecuto verò tempore Graccho, & Fuluius trucidatis, templum hoc instauratum fuit ab Opimio Coss. summo populi dolore; Vnde noctu inscriptum fuit. **OPVS RECORDIÆ** **TEMPLVM CONCORDIÆ** **FECIT.** Appianus ait iussu Senatus erectum esse. In huius autem area Liuius refert C. Bebio Pamphilo, & L. Æmilio Coss. per bidaum sanguine pluiffe. Concordiæ templum erexit & Liuia Drusilla, ob vizi cum ea concordiam, quod Tiberius dedicauit, Suet. meminit, & Ouid. ita.

*Templaq; fecisti, quam colis ipse, dea,
Hec tua constituit genetrix, & rebus, & ara.
Quod in porticu Liuiæ his carminibus collocasse ostendit.
Te quoq; magnifica Concordia dedicat ade
Liuiæ, quam charo prestitit illa viro.*

Quo in

Quo in loco deinde Vespasianus mira celeritate Templum Pacis, á Claudio prius inchoatum, post bella ciuilia ædificauit. cuius templi pars propè diuæ Mariæ ædem adhuc exstare videmus. Fecit inquit, Suetoni. noua opera templum Pacis foro proximum, & Iosephus. Post triumphum, & Romani Imperij firmissimum statum Paci templum ædificauit. Fuit autem hoc templum maximum longitudine, & latitudine, quadrata forma, maximis, pulcherrimisque exornatum columnis, quarum vna ibidem adhuc est erecta tantæ crassitudinis, vt tribus vlnis vix amplectatur. In eodem templo, vasa, & ornamenta templi Hierosolymy triumpho Titi aduecta reposuit Vespasianus; & vniuersa donaria in eo consecrauit, auth. diuus Hierony. Veneremque dedicauit. Incendio autem exhaustum esse tempore Commodi Imp. scribit Herodianus in hæc verba. Nam cum neque imbres, neque nubes, tantumque exiguus terræ motus antecessit, seu nocturni casu fulminis, seu igni aliquo in ipso terrarum motu veluti extrito totum deimproviso Pacis templum consumptum incendio est, quod vnum scilicet opus cunctorum tota vrbe maximum fuit, atq; pulcherrimum: idem templorum omnium opulentissimum, egregieque munitum, multoque ornatum auro, & argento. Quippe vniuersi ferme illuc diuitias, quasi in thesaurum, congebant. In Pacis Ganimedis Statuam fuisse ostendit Iuu. cum inquit.

Et Ganimedem Pacis, & aduecta secreta palatia matris.

Aram autem Pacis primus excitauit Augustus; auxit deinde Agrippa. Quid.

Ipsam nos carmen deduxit pacis ad aram,

Hæc erit à mensis sine secunda dies.

Quo autem in loco parum liquet. Intra Pacis, & Faustinae exstat antiquissimum Templum, & eius porticus duæ columnæ, nunc diuis Cosmæ, Damianoque dicatum, quod. P. Vic. Remi fuisse significat: Petrus verò Lateran. bibliothecarius, & alij, Romuli, siue Quirini & Remi. idque à Caruilio Cos. victis Samnitibus dedicatum est, atque spoliis hostium exornatum: quorum tanta fuit copia, vt non modo templum hoc, & forum, sed etiam sociis ad templorum publicorumque locorum ornatum diuiderentur, author Liuius. Var. verò vult Tatium regem Quirini dedicauisse templum: sed de eo intellexisse arbitror, cui ad radices Palatini montis, locum dedimus. Hoc autem habet primam partem in ipso ingressu circularem cum testudine, & foramine, sicut Pantheon, æneas quoque valuas, quæ prius signis æreisque ornamentis erant conspicue. Sed quæ olim ad ornatum erant maximè, nunc tantum ad claudendum factæ esse videntur. Veneris Cloacinæ Ædem propè sacram viam statuit Ouid. in fast. Cloacinæ autem Simulacrum in Cloaca maxima repertum consecrauit Tatiæ rex. & quia cuius esset effigies ignorabat, ex loco illi nomen imposuit.

C A P. X X X V I.

De Telluris, Salutis, Victoria, Solis & Luna templo, de domo Cassij; & de Armamentario.



EMPLVM Telluris, quod in quarta regione antiquæ vrbs constituit P. Victor, Palatio propius, quam Exquilijs fuisse putat Ful. Aliqui verò in Suburra, vbi nunc Ecclesia S. Saluatoris in Tellure, eregione diui Petri in vinculis. At Ser. super eo hemistichio: Lautis mugire carinis, contra Fuluij opinionem, videtur propè Exquilijs collocasse, dicens Carinas intra templum Telluris esse. Quare ego crediderim fuisse propè cliuum, qui ducit ad prædictam diui Petri ædem, vbi nunc ecclesia diui Pan-

taleonis: cui opinioni adstipulantur, quæ sequuntur Dionysii verba. Post Cassij mortem domus eius euerſa fuit, & hucusq; sub dialis dimittitur. is locus extra ædem Telluris, quæ postea extruxit ciuitas in parte quadam eius, secundum eam viam, qua itur ad Carinas. Patet ergo Fuluium, & reliquos antiquitatis auctores locum ignorasse. Sempronium autem hoc templum vouisse probat L. Florus sic: Domiti hinc Picentes. Sed caput gentis Aſculum Sempronio duce, Qui tremēte inter prælium campo, Tellurem deam promissa æde placuit. Val. autē Max. ait s. p. q. r. hanc ipsam ædem designauisse in area ædium Cassij regnum afflictae, in qua patres frequenti senatu de rebus dubiis consultare solerent. quod Cic. pluribus in locis testatur, sed in ph. sic: Te autem M. Antoni appello vnū illum diem, quo in ædem Telluris senatus fuit. Ad Q. Fratrem autem inquit. De Telluris æde, & porticu Q. Catuli me admones, sit vtrunque diligenter; ad Telluris quidem etiam tuam Statuam locaui: & pro domo sua, Sp. Cassij domus ob eandem causam euerſa est, atque in eodem loco ædes posita Telluris. Alibi verò ad Telluris Armamentarium fuisse sic memorat. Putant enim nonnulli ad me pertinere Armamentarium Telluris aperire. In hoc ambitu fuit Salutis Ædes, vota bello Samnitico à C. Iunio Bibaculo Cos. ab eodemque Censore locata, & Dictatore dicata. Liuius auctor. Habuit hæc pars situs Urbis Victoriæ Ædem, quam prope forum L. Volumnius Ædis ex multatitia pecunia faciendam curauit. Habuit & Apollinis Aram, de qua meminit Solinus, & Liuius. Pomp. Lætus vult Concordiæ, & Aſculapij templum fuisse in hortis diuæ Mariæ Nouæ, versus Amphiteatrum: Isidis autem & Serapidis autumat Fuluius, quod P. Victor scribit tertiæ Urbis regionem fuisse Isidis, & Serapidis, in qua ea sunt templa, & quod Vitruuius ita dicit: Templa dijs sic distribuenda, Mercurio in foro, Isidis & Serapidis in emporio: quodque Var. innuit emporium ibi fuisse sic; huiusce, inquam, pomarij summa Sacra via. Ego vero Solis & Lunæ crediderim, cum ex duabus testudinibus duorum templorum videamus alteram ortum solis: alteram vero occasum spectare, Varroque tradat Tatium regem Solis, Lunæ, & Volcani ædes dedicauisse, quæ inuicem prope erant.

CAP. XXXVII.

*De Foro Traiani, & deys quæ in eo
fuere, vel sunt.*



IN STAVRATIS maxime locis sacris, ac renouatis, quæ ad hominum memoriam, & laudem spectant, breuiter restitua-
mus, ab optimoque illo Traiano auspicemur. Traiani igitur Forum fuit inter Neruæ, Capitolium, & collem Quirinalem, cuius architectum Apollodorum fuisse, his verbis ostēdit Dionysii. Hadrianus Apollodorum architectum, qui Traiani forum Metodeum, & Gymnasium, illo iubente, fabricauerat, primum Vrbe expulit: postea interfecit. Huius autem fori tectum æneum fuisse, scribit Paus. Gellius, in foro, inquit, Traiani simulacra sunt sita circumundique inaurata equorum, atque signorum militarium, subscriptumque est, ex manubijs. Quæ simulacra ob aliquod in reimp. meritum sumptu publico locari consueuisse, ostendit titulus excisus in marmore, in eodem foro reperto, qui est talis.

ANNIO PAVLINO IVN. PROCOS. ASIAE ET HELLESPONTI COS.
ORDINARIO PRÆFEC. VRBI VICE SACRA IUDICANTI OB
MERITVM NOBILITATIS ELOQVII IVSTIGIÆ ATQVE CENS-
RAE

RÆ QUI PRIVATIM ET PVBLICE CLARVS EST PETITV PO. ROM. TESTIMONIO SENATVS IVDICIO D. D. N. N. TRIUMPHATORVM AVGG. CÆSARVMQ. STATVAM SECVNDAM AVRO PERFVSAM LOCARI SVMPTV PVBLICO PLACVIT.

Huius autem Porticus cum amplissimis, excelsisq; columnis, magnisq; epistyllis tantam afferebat intuentibus admirationem, vt non hominum, sed Gigantum manu omnia facta crederetur, in qua summorum virorum statuas pulcherrimas vndiq; ab Alexandro Severo translatas fuisse admonet Lampridius. Ad quem nempe locum cum Constans Constantini filius peruenisset, singularem structuram primum attonitus cernens, perq; giganteos contextus circumferens mentem, omni spe talia conficiendi amota, Traiani equum solum locatum in atrij medio imitari se velle dicebat: cui regalis Ormisda respondit. Stabulum prius tale condas. Huius autem equi imaginem in eius numismatibus vidimus, cum hoc indice.

S. P. Q. R.

OPTIMO PRINCIPI.

Ex columnis vero, quas diximus, duæ miræ magnitudinis sub tellure adhuc iacent prope ecclesiam S. Mariæ cognomento Loreti. Forum autem exornauit etiam Arcus triumphalis eiusdem principis, de quo Diony. sic loquitur. Triumphalis tunc arcus, præter alia multa, quæ in honorem eius, & decreta & facta fuerant, in illius foro substructus est. Traianus quidem inibi Palatium etiam variis marmoribus, intus vero picturis, statuisq; exornatum habuisse dicitur: Vopiscus vero scribit Aurelianum Imperat. iussisse tabulas publicas ad priuatorum seueritatem in Traiani foro exuri. In cuius medio stat adhuc cochlidis eius Columna, in qua circumquaque rerum gestarum Simulacra ipsius mira arte cælata visuntur: & in primis Dacicum bellum. Intus verò gradus centum octuagintaquinque in eius fastigium præbent ascensum, habet autem fenestellas quadraginta quinque: altitudinem vero pedum centum viginti octo, vel, vt scribit Eutropius, centum quadraginta: in summo Traiani ossa aurea pila condita fuere: quanquam Diony. ait Hadrianum in Columna ossa Traiani condidisse, cuius sunt hæc verba: Ingentem Columnam in Foro statuit, siue vt ea pro sepulcro esset, siue in ostentationem eius operis, quod ille circa Forum egit. Cuius surgebat, quem effossa quoquo versus terra ita complanauit, vt vndiq; Columna conspiceretur, forumq; deinde in aræ modum æquatum mansit. Hanc autem Columnam Traiano bellum gerenti apud Parthos Senatum dedicauisse, ipsumque principem eam non vidisse ferunt. nam è Persis rediens apud Seleuciam Syriæ Urbem fluxu sanguinis decessit. Hunc vero solum omnium Imperatorum in Vrbe sepultum esse tradit Eutropius. Quod autem in Columna ratio est. quia apud maiores, principes, nobilesque sub montibus sepeliebantur. Hinc Virgil.

*Monte sub aërio, qui nunc Misenus ab illo
Dicitur.*

Et cum in omnibus locis, vbi erant sepulcra excitanda, non essent montes, natum est vt super cadauera, aut pyramides fierent, aut ingentes collocarentur Columnæ, quæ licet propriè sint, quæ culmen sustinent, tamen & ad magnificentiam erectæ hoc nomine appellantur; qualis hæc, in cuius basi talia leguntur.

S. P. Q. R. IMP. CÆSARI DIVI NERVÆ NERVÆ TRAIANO AVG. GERM. DACICO PONTIF. MAXIMO. TRIB. POT. XVII. IMP. VI. COS. VI. P. P. AD DECLARANDVM QVANTÆ ALTITVDINIS MONS ET LOCVS TANTIS OPE- RIBVS SIT EGESTVS.

CAPVT XXXVIII.

De Foro, Palatio, & Porticu Neruæ.

NERVÆ autem Forum occurrit post ædem nunc S. Hadriani in tribus foris, in medio cuius columna cinea ingentis magnitudinis existens, tectum ex laminis aurichalci extructum, sustinebat, intrinsecus vero lumen erat ambiguum, auth. Paus. Hoc forum iam antea inchoauerat Domitianus. Suet. No- uam, inquit, excitauit ædem in Capitolio Ioui custodi, & fo- rum, quod nunc Neruæ vocatur. Fuisse autem variis colu- mnis, & statuis exornatum testatur Spartianus de Alexandro Seueroloquens, his verbis: Statuas iocosas vel pedestres nudas, vel equestres Diuis Imperatorib. in foro Neruæ, quod nunc Transitorium dicitur, locabat. omnibus cum titulis & columnis æreis, quæ gestorum ordinem continerent. Transitorij inde traxit nomen, quòd ab eo in Augusti Cæsaris, & Romanum forum transiretur. Exsta- re enim adhuc videtur pars Porticus ipsius fori incendio absumpta, cum quibus- dam columnis excelsis & pulcherrimis, vbi literæ leguntur titulos Neruæ præ fe- ferentes, quæ sunt huiusmodi. IMP. NERVA CÆSAR. TRIB. POTEST. II. IMP. II. collapsis epistylis defunct nonnulla. is locus corrupto vocabulo pro arcu Ner- uæ, Arca Noei dicitur. Eiusdem Neruæ Palatij pars ex lapidibus quadratis, in- gentesq; columnæ cernuntur adhuc inter Comitum, & Militiæ turrim, cum Ec- clesia S. Basilij inclusa.

CAP. XXXIX.

*De Secretario Populi Romani, Arcu Septimij, Templo Sa-
turni, ac de Ærario, & Officina cudendi
pecuniam.*



OST autem Marforij simulacrum, eregione arcus Septimij, sequitur ædes Diuæ Martinæ nunc sacra, vbi olim Secreta- rium populi Romani fuisse, in marmore incisus index probat huiusmodi.

SALVIS. DD. NN. HONORIO ET THEODOSIO VICTORIO- SISSIMIS PRINCIPIBUS. SECRETARIVM AMPLISSIMI SE- NATVS QVOD VIR INLVSTRIS FLAVIANVS ANNIVS IN- STITVERAT: ET FATALIS IGNIS ABSVMP SIT: FLAVIVS ANNIVS EVGA- RIVS EPIFANIVS. VC. PRÆF. VRB. VICE SACRA IVD. REPARAVIT. ET AD PRISTINAM FACIEM REDVXIT.

Eregione huiusce ædis ad radices rupis Tarpeiæ stat adhuc Arcus, vt diximus L. Septimij, omnium pulcherrimus, & parum mutilatus: in vtroque frontispicio cuius incisæ sunt alatae victoriæ cum Trophæis & terrestris, naualisq; belli simula- cra, cum hac inscriptione.

IMP. CÆS. LVCIO SEPTIMIO. M. FIL. SEVERO. PIO. PERTINACI AVG. PATRI PATRIÆ. PARTHICO. ARABICO. ET PARTHICO ADIABENICO PONTIF. MAXIMO TRIBVNIC. POTEST. XI. IMP. XI. COS. III. PROCOS.

PROCOS. ET IMPER. CÆSA. M. AVRELI. L. LIL. ANTONINO AVG.
PIO FELICI TRIBVNIC. POTEST. VI. COS. PROCOS. P. P. OPTI-
MIS FORTISSIMISQVE PRINCIPIBVS. OBREMPVBLICAM RESTI-
TVTAM IMPERIVMQVE POPVLI ROMANI PROPAGATVM INSIGNI-
BVS VIRTVTIBVS EORVM DOMI FORISQVE.

S.

P.

Q.

R.

Habet hic arcus à latere marmoreos gradus, per quos ego multoties euasi ad fastigium. Illud autem sciendum Seuerum triumphum respuisse, ne de ciuili victoria videretur triumphare, tum etiam quod morbo articulari in curru haud facile cōsistere poterat. Sequitur statim recta nunc Diui Hadriani, olim Saturni Templum à Numatio Planco conditum, auth. Suet. vel instauratum, quia constat antiquissimum esse. Et quidam dicunt inscriptionem locationis accepisse T. Largium. Var. autem L. Tarquinium regem, ipsum Largium dedicauisse. Liuius vero A. Sempronio & M. Minutio Coss. ait esse dedicatum, & à Planco restitutum. In quod ex Capitolino ærarium Po. Ro. translatum ferunt, vt etiam Asc. significare videtur his verbis: Dum testes examinarentur (agebatur enim causa pro Rostris) Pompeius ad Ærarium sedēs tumultu Clodiana multitudinis perturbatur, & mox: Euntibus ad tabellam ferēdam postero die iudicibus, clausæ fuere tota vrbe tabernæ, præsidia in foro, & circa omnes fori aditus Pompeius disposuit; ipse pro ærario, vt pridie, confedit. Ærarium in Saturni templo ideo reponit Sex. Pomp. & Macrobius, quod sub illo nullum furtum fuerit commissum, aut quia nihil erat cuiusquam priuatum. Plut. in prob. quærens causam cur ærarium fuerit in æde Saturni: an, inquit, ex eo quod fama obtinuit, Saturni tempore, nec auaritiā, nec improbitatem vsquam in hominibus fuisse, sed iustitiam, & fidem. Cyp. autem refert Saturnū in Italia primum instituisse nummos signare; & propterea Saturni ærarium vocari. In ærario promulgata seruabantur: Cic. tertio de le. Qui agent auspicia seruant: Auguri publico parento: Promulgata proposita in ærario cognita agunto. Seruabantur & libri elephantini, in quibus. XXXV. essent conscriptæ tribus, omnesque publicarum rationum libri. Sue. in Cæsaris rebus gestis: Tabulas veteres ærarij, & debitorum vel præcipuam calumniandi materiam, exussit. Seruabantur & signa militaria, Liuius: Signa inquit, eo die à Quæstoribus ex ærario prompta; quorum duo communia erant, roseum pro peditibus, cum titulo. S. P. Q. R. & ceruleum pro equitibus, color enim ceruleus est maris, à deo cuius inuentum equum fabulantur. Asc. dicit veterum diligentiam fuisse, vt quod quisque de subiugata prouincia per triumphum apportauisset, perscriptum in tabulis in ærarium reponendis conseruaretur, idq; etiam Cicer. tertia actione in Ver. hinc L. Florus ait Catonem Cyprias opes Liburnis per Tyberinum hostium inuexisse, quæ latius ærarium Pop. Rom. quam ullus triumphus impleuere. & Liuius primo decadis quintæ Ap. Claudium Centonem ex Celtiberis ouantem milia pondo argenti, & quinque milia auri in ærarium tulisse. Censores in Saturni iusiurandum subire cogeantur. Inter hanc diui Hadriani, & Castoris Pollucisque olim templum cudendi pecuniam priscis temporibus stabat Officina, argumento quod eo loco vidimus effodi ingentem numorum copiam, eius pretij, vt coniectura assequebamur, cuius nunc est quadrans, cæterum igne corrupti.

*De Miliario Aureo, Ponte Caligula, & de
Rostris ac Curia.*



MILIARIUM autem aureum in capite fori Romani collocatur à Plinio: à Cornel. verò Tacit. iuxta Saturni ædem, narrante cohortem ad aureum Miliarium sub æde Saturni perexisse, vterque rectè. Erat autem Miliarium aureum columna propè arcum Septimij, in qua incisæ omnes Italia viæ finirent, & à qua ad singulas portas mensuræ regionum currerēt. Meminit Suet. his verbis: Ergo destinata die præmonitis consciis, vt se in foro, sub æde Saturni, ad Miliarium aureum opperirēt, mane Galbam salutauit. Caligula per forum Romanum à colle palatino ad Capitolinum pōtem Marmoreum duxit; quo nihil ambitiosius tota vrbe: sustentabatur enim octuaginta ingentibus columnis candidissimi marmoris, quarum tres ad huius, totidemq; ad illius montis radices adhuc stantes cernuntur, propè quas paucis ante annis effosa fuere marmora cum circulari huiusmodi inscriptione. VICENALIA IMPERATORIVM. Altera autem pars habuit sacerdotes taurum sacrificantes. Secus ipsum pontem, in medio foro, atque eregione ædis diui Hadriani exstat ingens marmorea columna, quam existimo vnam ex illis esse, quæ equum æneum inauratum Domitiani sustinebant, de quo quidem equo Papinius mentionem sic facit.

Quæ super imposito moles gemmata colosso

Stat Latium complexa forum.

Ad pedes cuius procubuit Rheni flum. Germaniæ simulacrum, de qua provincia triumphum egisse Domitianum diximus, & idem author tetigit, cum inquit.

Ænea captiui crinem tegit vngula Rheni.

Cui simulacro Marforium nunc dicunt nomen. Ex rostris nauium Antiatiū suggestum in foro, quod Rostra denominauere Romani, fabricatum esse, Liuius sic commemorat. Naues Antiatum partim in naualia Romæ subductæ, partim incense, Rostrisq; earum suggestum in foro extructum adornari placuit, Rostraque id templum appellatum. Romanum forum vbi nunc Rostra sunt, ait Ser. Fuere autem Rostra ad radices Palatij, vbi nunc diuæ Mariæ liberatricis est sacellum, in medio foro. Vnde Appianus loquens de capite Marij iunioris abscisso, narrat Syllam fori in medio, ante Rostra, illud appendisse. Quod autem M. Var. dicit fuisse ante curiam Hostiliam, sic accipimus, inquit Blondus, vt partim curia Hostilia à Cœlio monte, in quo eam fuisse certissimum est, pro sui magnitudine Rostra versus, partim Rostra à Palatino monte in illam protenderentur. Hæc profecto rationem, si quis locorum sitū consideret, planè absurdam, & ineptam iudicabit, nimirum viam expeditissimam, quæ deinde Appia est denominata, omnesq; Palatij fermè aditus occupassent. præterea non fit verisimile in ea rerum frugalitate tam amplam, tamq; magnificam curiam Tullum ædificauisse. Quare dicimus fuisse Rostra Noua ad radices Palatini montis, & Vetera apud Curiam. De nouis quidem paulò ante Ser. meminit, de veteribus verò Suet. in funere Augusti, his verbis: Bisariam laudatus est, pro æde diui Iulij à Tiberio, & pro Rostris veteribus à Drufo Tiberij filio, ac Senatorum humeris delatus in Campum, crematusq;. Asc. scribit Clodij corpus, vt vulnera videri possent, delatum in foro, & pro

pro Rostris positum, populumque deinde in Curiam tulisse, atque cremauisse, eoque igne Curiam, Portiamque basilicam ei coniunctam conflagrasse. subdit longe post: Erant enim Rostra, non eo loco, quo nunc, sed ad Comitium prope iuncta Curiae. Si ergo Rostra in Comitio ante Curiam, ut vult Var. dicimus fuisse, intelligendum est duas extitisse Curias Hostilias, unam prope forum, ubi nunc templum Pacis, in cuius ruinis inuentum est marmor cum indice huiusmodi. IN CURIA HOSTILIA. aut certe iuxta ipsum, ut possit Rostra ante se habere. altera vero in Caelio monte, de qua infra videbimus. In Rostris agebantur causae, quemadmodum apud Liuium legitur de Virginia, utrum serua, an libera esset. ferebantur leges auth. Cicer. pro Rab. habebantur conciones, idem in Pis. Caesar Iuliam amitam, uxoremque Corneliam defunctas pro Rostris laudauit. Sucto. & Plut. auth. Plinius, concionaturi, inquit, Rostra ascendebant. In eisdem clarissimorum virorum statuæ erigi solebant. hinc Cicer. in ph. Cn. Octauij clari & magni viri, qui primus in eam familiam, quæ postea viris fortissimis floruit, attulit consulatum, Statuam videmus in Rostris. Asc. pro M. Scauro Camilli togatam, sine tunicis in his collocat. ante hæc vero Appianus Syllæ equestrem ex auro conflata, cum hac inscriptione. COR. SYLLÆ IMPERATORI FORTVNATO. In præclaro fori Romani loco, pro Rostris, super leonem lapideum impositum fuisse corpus Faustuli, qui ibi cecidit, dum certamen Romuli, & Remi dirimere vellet, tradit Diony. M. autem Var. post Rostra Romuli sepulcro locum fecit. Fuit pro Rostris Herculis statua tunicati, habitu æleo, facie torua: subscripta.

L. LVCVLLVS IMPERATOR DE MANVBIIS HOSTIVM DEDICAVIT.

Plin. Sibyllæ, inquit, tres iuxta Rostra in foro sunt, una, quam Pacuuius Taurus ædilis Pli. instituit, duæ, quas M. Messalla. Inter antiquissimas fuere Tullij Cælij L. Roscij, & Sp. Matici Fulcinij à Fidenatibus, & Gn. Octauij apud Antiochum in legatione interfectorum. Propterea L. Florus ait Romæ capita cælorum proponere in Rostris vsitatum esse.

CAP. XLI.

Di Lacu Curtio, Cloaca Maxima, & Doliola.

Var. refert in foro Romano Lacum Curtium fuisse, priusquam cloacæ essent, per quod innuit Cloacam per ipsum lacum sequenti tempore deriuatam, quam alta tellure opertam vidimus nuper in radicibus Palatini montis, per forum Romanum fluentem, perque eiusdem montis radices in Velabrum, & inde cadentem in Tyberim. Quare patet lacum Curtium, sicut & Cloaca Maxima, in medio foro extitisse, haud procul ab equo Domitiani, hinc Papinius.

*Ipselactucustos, cuius sacrata vorago,
Famosusq. lacus nomen memorabile seruat.*

Cum igitur dictum sit equum Domitiani stetit in medio foro, ubi nunc unica erecta cernitur columna, præter alias rationes, ex his Statij carminibus iudicamus lacum Curtium fuisse in hortis dictæ columnæ adiacentibus. Diony. Est, inquit, hic locus repletus, vocaturque ab illo casu lacus Curtius in medio maxime Romani fori. Liuius: Eodem anno seu motu terræ, seu qua vi alia, forum medium ferme specu vasto collapsum in immensam altitudinem dicitur, nec eam voraginem coniectu terræ, quum pro se quisque gereret, expleri potuisse, priusquam deum monitu quæri cœptum, quo plurimū Populus Romanus posset, id enim illi loco dicandum vates canebant, si remp. Rom. perpetuam esse vellent, tum M. Curtium iuuenem bello egregium castigasse ferunt dubitantes, an vllum

S

magis

magis Romanum bonum, quam arma virtusq; esset: silentioq; facto templa deorum immortalium, quæ foro imminet, Capitoliumq; intuentem, & manus nunc in cælum, nunc in patentes terræ hiatus ad deos manes porrigentem, se deuouisse, equo deinde quam poterat maximè exornato, insidentem armatum se in specum immisisse, donaq; ac fruges super eum à multitudine virorum ac mulierum congestas, lacumq; Curtium, non ab antiquo illo T. Tatij milite Curtio Metio, sed ab hoc appellatum. At de hac re cum triplex sit historia, hanc sequitur Val. Max. & Porcilius. Piso verò in annalibus bello Sabino, quod fuit Romulo & Tatius, virum fortissimum Metium Curtium Sabinum Romulo cum suis ex superiore parte impressionem faciente, in locum palustrem, qui tum fuit in foro, antequam cloacæ essent factæ, secessisse, atq; ad suos in Capitolium illatum peruenisse, ab eoq; lacum inuenisse nomen memoriæ prodidit. Cornelius verò & Lucceius eum locum esse fulguratum, & ex S. C. à Curtio Cos. septum, & ab eo lacum Curtium appellatum, apud quem Galbam interfectum, & morientem sanguine lacum ipsum infecisse ait Cor. Tac. & Suet. Sequitur Cloaca Maxima, de qua ita scribit Liuius. Tarquinius foros in circo faciendos curauit, cloacamque Maximam receptaculum omnium purgamentorum Urbis sub terram agendam, quibus duobus operibus vix noua hæc magnificentia quicquam adæquare potuit. Eundem fere sensum Plinij hæc habent verba. Cloacam operum omnium dictu maximum suffossis montibus, Vrbe pensili, subtus nauigata fecit. Hæc autem ad Iouis Statoris ædem in tres ductus diuiditur, quorum duo nunc clausi, tertius limpidissima fluens aqua in Velabro ostenditur, deinde canali è faxis quadratis extructo in Tyberim, vt dictum est, dimittitur. Plures fuisse Urbis cloacas sic ostendit idem Liuius: Post incensam Urbem à Gallis, dum instauraretur, festinatio curam exemit vicos dirigendi, dum omisso sui, alieniq; discrimine in vacuo ædificant, ea est causa, vt veteres Cloacæ primo per publicum ductæ, nunc priuata passim subeant tecta, formaq; Urbis sit occupatæ magis, quam diuisæ similis. Quod si tunc difficile, difficillimum certè nunc videri potest, vt quis Urbis regiones diuidere possit, cum locorum & viarum vestigia vix exstent, & ea quidem perpauca & incerta. Quare nos non more prisco regiones diuisimus, verum eo ordine, quo omnia faciliora, & magis perspicua videri possunt. Sed ad rem redeamus. Cloacarum autem curatores fuisse inscriptio in marmore apud pontem Aurelium inuento, huiusmodi.

IMP. CÆSARIS DIVI TRAIANI PARTHICI. F. DIVI NERVÆ NEPOTIS TRAIANI ET ADRIANI AVG. PON. MAXI. TRIB. POT. XXII. IMP. II. CONS. III. TIRR. RVSTICVS CVRATOR ALVEI ET RIPARVM TYBERIS ET CLOACARVM.

Rursus in alio marmore.

EX AVTORITATE IMP. CÆSARIS DIVI NERVÆ. F. NERVÆ TRAIANI AVG. GER. DACI. PONT. MAX. TRI. POT. VII. IMP. IIII. COS. V. PP. IVLIVS FEROX CVRATOR ALVEI ET RIPARVM TYBERIS. ET CLOACARVM VRBIS TERMINAVIT RIPAM. R. R. PROX. CIPP. PER. CXV. A. FABIO. A. F.

Cloaca, inquit Pompeius, à cloacando, id est, inquinando, vel à colando, id est, fluendo. Iuxta Cloacam erat locus, qui vocabatur Doliola, à Doliolis sub terra, vbi non licebat spueri. vetustior autem memoria est eo in loco mystica quædam Numæ condita esse, sunt qui putant Gallorum senonum cineres.

De Comitio, Templo Veneris Genetricis, Statuis & simulacris, quæ in eo & Foro Romano fuere, ac de Cæsaris Columna.



COMITIUM Fori Romani partem esse superius dictum est, incipiens à porta Palatij, terminansq; apud ædem Diuæ Mariæ Nouæ: ita appellatum, quod fœderis conditiones ibi inter Tatium & Romulum firmatæ, sancitæq; sint, vnde à coeundo Comitio nomen mansit, auth. Plut. Asc. ait Comitium esse locum propter Senatulum, quo coire equitibus & populo Romano liceret. Blondus verò quo coibant Comitibus centuriatis, & litium causa, neque ibi Consules, Prætores, Ædiles, Censores & Tribunos, sed in Campo Martio, fuisse delectos. Subdit deinde. Locus autem ita euauit, vt post diruta iam pridem, quæ solo supereminebant ædificia, effodiendis fundamentorum lapidibus in calcem coquendis, intra sanctorum Hadriani & Laurentij in Miranda basilicas, interq; fora Magnum & Neruæ transtitorium, multo sudore decimo tandem anno inspexerimus, hæc in triumphanti Roma. In instaurata verò, inter turrin, quæ Pallara appellatur, & lacum Curtij, collisq; Palatini radices, & Faustinae monumenta fuisse commemorat, in qua quidem re sibi cōtradicit. Etenim attendere diligenter si velimus, quæ supra ex Cor. Tac. de ficu Ruminali adducuntur, illa explosa, hanc comprobabimus sententiam. Satis enim constat ficum Ruminalem, quam in Comitio statuit, in Palatij radicibus fuisse, consequens ergo est & ibi Comitium, de quo meminit Cicer. pro Sex. Is locus diu caruit recto. eo autem anno, quo primum Annibal in Italiam venit, tectus fuit, vt docet Liuius septimo bell. pun. qui tamen trigésimo aliter sentire videtur, cum dicit Comititia indicta perfici tempestates sæpe prohibuisse. Longo autem tempore post Cæsar locum instaurauit, authore Tranquillo. & Asc. Ludi sæpe in eo celebrati sunt, inibiq; libri Sibyllini P. Cornelio, & M. Beblio Coss. cremati, vt in Numæ vita scribit Plut. In Comitio fuit Coclitis Statua, quæ cum de coelo tacta esset, ex aruspiciis responsis in area Vulcani, loco altiori, posita est, ex qua re bene Pop. Roman. successit: Liuius. In cornibus verò eiusdem Comitij fuit statua Pithagoræ & Alcibiadis, in gradibus vero ad læuam Curia Actij, Plin. author, cuius Actij cotem, & nouaculam ibidem defossam, superque impositum Puteal ait Cicero, idemq; Liuius. Statæ matris Simulacrum in foro colebatur, postquam id collustrauit, ne lapides igni corrumperetur: qui plurimus ibi fiebat nocturno tempore, magna pars populi in suos quisque vicos retulerunt eius deæ cultum, vt refert Sex. Pompe. In foro, ante Veneris Genetricis ædem, fuit Cæsaris statua, equestris, & Q. Marcij ante Castoris, equestris & ipsa, ac Tremellij togata, æream. M. Attio velatam in eodem foro posuit Tarquinius: Plinius vero Cæsaris Simulacrum cometam in capite habens. At hoc in loco si statuas præclaris viris in Foro Romano, sicut in Rostris erectas recensere vellem, finem profecto non inueniret oratio. Illud autem satis erit admonuisse, hoc munere dignos habitos esse eos omnes, qui, vt diximus, aliquod egregium facinus obissent pro republic. aut mori non dubitassent, quod probant Cicer. hæc verba: Ac si tunc P. Sextius Iud. in templo Castoris, animam, quam vix retinuit, edidisset, non dubito quin, si modo esset in republ. Senatus, si maiestas Pop. Roman. reuixisset, aliquando statua huic ob rempubl. interfecto in foro statueretur. Nec vero illorum quisquam quos à maioribus nostris morte obita positos in illo loco,

atque in rostris collocatos videtis, esset P. Sextio præponendus. Populus autem Romanus in Cæsaris gratiam Columnam marmoream lapidis numidiæ x x. pedum, cum Titulo hoc. PATRI PATRIÆ. in foro statuit, de qua Lactantius meminit, & idem Cicer. in hæc verba. Talis animaduersio fuit Dolabellæ cum in audaces, sceleratosq; seruos, tum in impuros, & nefarios liberos, talisq; euersio illius execratæ Columnæ, vt mirum mihi videatur tam valde reliquum tempus ab illo vno die dissenfisse.

C A P. XLIII.

De Columna Mœnia, Pila Horatia, De Cæsaris Constantini, Domitianiq; Equo, ac de Templo, & Ara eiusdem Cæsaris.



COLUMNAM habuit Forum Mœniam denominatam, à quâ Labeo iureconsultus Mœniana deduxit, cum inquit. Inter immisum & proiectum hoc interesse putant, quod proiectum esset id, quod ita prouheretur, vt nusquam requiesceret, qualis Mœniana, & subgrunda essent. Immisum, quod in aliquo loco requiesceret, veluti tigna, trabes, quæ immitterentur. In quæ verba cum ANTONIVS Triuultius, & SCARAMVTIA eius frater nobilissimi adulescentes, & in iuris ciuilibus scientia supra ætatem egregie docti, incidissent, rogarunt me, vnde dicerentur Mœniana, quibus ita responsum est: Mœnius cum domum suam venderet Catoni, & Flacco Cens. vt ibi Basilica ædificaretur, exceperat ius sibi vnius columnæ, super quam tectum proiiceret, & prouolantibus tabulatis inde ipse, & posterius eius spectare munus gladiatorum possent, quod etiam tum in foro dabatur: ex illo igitur Columna Mœnia vocitata est, hinc Mœniana. Mœniana, inquit Sex. Pomp. à Mœnio censore, qui primus in foro vltra columnas tigna proiecit, quo ampliarentur superiora spectacula. De Columna meminit Asc. & Cic. de Diu. ac pro Sex. in hæc verba. Venit, vt scitis, ad Columnam Mœniam, tantum est ex omnibus spectaculis vsque à Capitolio, tantus ex fori cancellis plausus excitatus, vt nunquam maior consensio. Fuit enim in ea parte fori, vbi Basilica Portia, de qua infra erit mentio. In foro, inquit Diony. erat petra angularis, super qua posita fuerant spolia Tergeminorum Albanorum, Pila Horatia dicta, sed arma collapsa sunt vetustate. Decorauit autem forum Romanum equus Cæsaris, & Constantini, sicut Domitiani, Atrium Mineruæ, & Tabernæ Nouæ, ac Veteres, de quibus sic loquitur Liuius: Eodem tempore septem Tabernæ, quæ postea quinque, & argentariæ, quæ nunc Nouæ appellantur, arserunt. De his intellexit Iuuenalis cum dixit, sed quinque tabernæ quadraginta parant. In foro magistratus

Imperium Romani deponere consuevere, auth. Herodianus. Appianus
memoriæ prodidit cadaver Cæsaris in forum relatum,
eoq; in loco Aram, mox Templum illi
erectum esse.

De Foro Cæsaris, Basilica, & Bibliotheca Pauli.

POSITIS iis, quæ ad Fo. Ro. pertinere videbantur, redcamus ad Templum Saturni, vnde digressi sumus de ærario locuti; videamusq; quid post ipsum ad latus eiusdem fori in ortum æstium vergens fuerit, aut sit. sed in primis de Foro Cæsaris, quod (vt quorundam est opinio) fuit in eo loco, qui post Faustinae Templū valde depressius cernitur, de quo sic loquitur Appianus. Post victoriam cōtra Pompeium Cæsar Atrium

Templo Veneris circumduxit, quod Romanum forum esse voluit, non rerum quidem venalium, sed eorum quæ ad iura conuenirent. In hoc statuas pulcherri-
mas collocavit, inter quas loricatam sibi dicari passus est. Breui quidem, ait Plin. spatio forum, sed inter Urbis ornamenta perspicuum Area supra sextertium mil-
lies constitit. Pauli Basilicam Cic. in medio foro statuit, verba ipsius ex lib. quar-
to ad Atticum hæc sunt: Paulus in medio foro Basilicam iam penè texuit, iisdem
antiquis columnis; Illam autem quam locavit fecit magnificentissimam: Hanc
Plin. inter Urbis magnifica enumerat, columnis ex phrygibus mirabilem. Pa-
pinus autem Domitiani equum describens à sinistra Pauli regiam posuit his
carminibus.

Ad laterum passus hinc Iulia templa tuentur,

Illinc belligeri sublimis regia Pauli,

Cæsar pater, blandoq; videt Concordia vultu.

Cæsar, inquit Plut. Paulum Æmiliū collegam Caij Marcelli in consulatu mille
& quingentis talentis sibi amicum, defensoremq; parauit, ex qua mox pecunia
nobilissimam ille in foro Basilicam exstruxit, quæ Pauli Basilica dicebatur, Quā
publicam constituisse refert Appianus. Fuit autem prope Castoris & Pollucis
Templum, quo in loco vidimus effodi multa frustra earum columnarum, qui-
bus mirabilem fuisse dicit Plin. In hac ad Ianum stabant fœneratores: Vnde Hor.
Ianus summus ab imo perdocet. Et in Sermonibus. Postquam res mea la-
mentis mediū fracta est. Cic. Ita ne? Ianus medius in L. Antonij clientela sit? quis
in illo Iano inuentus est? qui L. Antonio mille nummum ferret expen-
sam. Eiusdem Pauli Bibliothecam Basilicæ iunctam fuisse, quibusdam au-
thoribus crediderim.

*De Foro Augusti, Porticu Antonini, Faustinae & Liuiæ,
ac de Cæsaris domo.*

ORVM Romanum, Cæsaris, & Augusti inuicem prope fuisse
innuit Papinius in syluis cum dicit.

Nec saltem tua dicta continentem,

Quæ trino iuuenis foro tonabas.

Et Mart. his carminibus.

Causas, inquit, agam Cicerone disertius ipso,

Atq; erit in triplici par mihi nemo foro.

Augusti autem forum licet apud Marforij simulacrum quidam ponant, non-
nulli tamen post Faustinae templum, sed prior opinio magis probatur. Breue qui-
dem, sicut etiam Cæsaris, fuit, quia ipse princeps non est ausus proximas domos
possessoribus extorquere, erat tamen multis statuis ornatissimum. Inerat enim
Castoris & Pollucis cum victoria Alexandri Magni. Coruini & in eius casside pu-

gnacis corui simulacrum. Apollinis eburnea, de qua Hor. Sic me seruauit Apollo: & Iuu. Iurisq; peritus Apollo. Fori autem extruendi causa fuit hominum, & iudiciorum multitudo; quæ videbatur, non sufficientibus duobus, etiam tertio indigere, itaque festinantius, necdum perfecta Martis æde, publicatum est, cautumq; vt separatim in eo publica iudicia, & sortitiones iudicum fierent, sanxitq; vt de bellis & triumphis hic consuleretur Senatus. Prouincias cum imperio posituri hinc deducerentur; quique victores redissent huc insignia triumphorum inferrent. Quod forum instaurauit postea Hadrianus, auth. Spart. Idem Suet. docet, forum ipsum duas Porticus habuisse, in quibus statuas omnium triumphali effigie dedicauit Augustus. Blon. autem in Roma triumphanti hoc forum, & Martis Templum in Campo Martio his restituit verbis. Campi Martij proprium locum fuisse ostendimus, cui columna Antonina fuit appolita, eoq; continebatur Campo Augusti forum, templo Martis contiguum. Sed quum Suet. dicit breue forum struxisse, quia non est ausus proximas domos possessoribus extorquere, & extruendi causam hominum, & iudiciorum multitudinem fuisse: satis ostendit, sicut & P. Victor, in celeberrima Urbis parte stetisse: cum Campus Martius extra Urbem; neque priuatorum domibus occupatus, latissimum, cui-cunq; foro, præberet cāpum. Quare Blondi opinio prorsus reiicienda. Porticus Antonini & Faustinae pulcherrimæ, variisq; marmoribus exornatæ exstant apud Diui Laurentij in Miranda Columnæ ingentes: cum huiusmodi indice.

DIVO ANTONINO ET DIVÆ FAUSTINÆ EX S. C.

Fuit autem in via Sacra, in qua via publica domo, sita vbi templum Pacis, Cæsarem habitauisse scribit Suet. quam domum Augustus à Liua nepte nimis sumptuose ornatam, solo æquari iussit; in cuius area excitata est deinde Porticus Liuiæ. Plin. tradit Cæsarem Dictatorem totum forum, viamq; Sacram à domo sua ad cliuum Capitolinum, in munere gladiatorio linteis operuisse. De domo & porticu Ouid. in fast. sic meminit.

Disce tamen veniens atas, vbi Liua nunc est

Porticus, immense tecta fuere domus.

At de porticu etiam primo de arte ita.

Nec tibi vitetur, quæ priscis sparsa tabellis

Porticus, authoris Liua nomen habet.

Dion refert Neruam in Augusti foro, nunc in porticu Liuiæ pro tribunali litigantes audiuisse. Claudiam etiam porticum appellatam accepimus. Mar.

Claudia diffusas vbi porticus explicat umbras,

Vltima pars aulae deficientis erat.

A Nerone autem euerſam sub nomine prisco Domitianus restituit; cuius pars umbraculis vnus vitis erat opera. Plin. Vna, inquit, vitis Romæ in Liuiæ porticibus subdiales ambulationes umbrosis operculis opacat, eademque duodenis musti amphoris foecunda.

C A P. XLVI.

*De Sororio Tigillo, Vico Cyprio, & Scelerato, atq;
M. Antonij domo.*



SORORIVM Tigillum locus erat sacer causa expiationis ab Horatio, ob sororem à se interfectam, in honorem Iu-nonis constitutus, quem locum propè Carinas statuit Dion. Libro enim tertio ait, locum, in quo Horatium purgarunt, in angiportu ferente à Carinis deorsum esse, iis qui ad Cyprium peragerent angiportum, vbi aræ manerēt tunc erectæ, & tigil-

& rigillum, duobus inter se contrariis parietibus fultum super eas extendere-
tur. Quibus verbis signat Vicum Cyprium prope clium, qui ad templum Diui
Petri in Vinculis nunc ducit. Sequenti vero libro Vicum Cyprium prius, deinde
Sceleratum ex facinore Tulliae vocitatum tradit. Var. tamen Vicum Cyprium
(sic enim apud ipsum legitur,) prope Sceleratum: non autem eundem esse osten-
dit, his verbis: Vicus Cyprus à Cypro, quod ibi Sabini ciues additi considerunt,
qui à bono omine id appellarunt, prope hunc Vicus Sceleratus. Miror autem qua
ratione Blon. Sceleratum vicum esse velit viam, quae nunc ducit ad Triuij fon-
tem, contra Diony. opinionem, & praeter historiae fidem. Solinus enim tradit
Ser. Tullium in Exquilis supra clium Virbium habitauisse; quem vico Patricio
supereminere probat Sex. Pom. quum dicit, Vicum Patricium appellatum, quod
ibi iubente Ser. Tullio patricij habitauerunt, ut si quid aduersus ipsum moliren-
tur, ex locis superioribus opprimi possent. Vnde postquam Tullia interfecto pa-
tre properans à Curia, foroq; Romano in paternam possessionem ad vicum Cy-
prium peruenit, auriga, ut inquit Liuius dextera in Virbium clium carpentum
flexit, ut in collem Exquiliarum exueheretur, quocirca stultum erat per viam
Triuij, fuerat enim necesse, secundum nos, per Quirinalem, Viminalemque col-
lem transire; quod absurdum esse videtur, cum breuior & expeditior esset per
eum, quem diximus clium, qui haud procul à Virbio erat, cui iam propinquum
interfectum esse regem fugientem innuit Dionysii. Alia est ratio contra Blon.
quod constat inter omnes viam Triuij extra Urbem tunc fuisse. Haud procul à
templo diui nunc Pantaleonis, olim Telluris, M. Antonium domum habuisse
testatur Appianus his verbis. Is peractis decretum noctu perlectum est; Anto-
nium sequenti die in templo Telluris, haud longe ab ipsius domo, Senatum ha-
biturum.

CAP. XLVII.

De Bustis Gallicis.

VSTA Gallica locus vbi Galli, à Camillo interfecti, sepulti
fuere. Liuius vero commemorat Gallos morbo interemptos
bustorum Gallorum nomine locum, vbi fuere sepulti, infig-
nem fecisse. Is autem locus fuit vbi nunc ecclesia S. Andreae
ad busta Gallica, quae corrupto nomine Portugallo vocatur,
abest haud multum ab Amphitheatro, quod in media vrbe à
Tranquil. in Tib. collocatur, sicut à Liuiio busta Gallica, cu-
ius sunt haec verba: Quum esset satis altum Ianiculum, vbi sedens prospectaret
hostem, descendit in equum, atque illo ipso die media Vrbe, qua nunc busta Gal-
lorum sunt; Et alibi refert Flaccum porta Capena ingressum, media Vrbe per
Carinas, Exquiliasque contendisse, recta ergo ad Amphitheatrum. Var. autem
contra Liuij opinionem, ut infra demonstrabitur, Busta Gallica prope Aequi-
melium statuisse videtur. Aequimelum inquit, quod aequata Melij domus pub-
lice quod regnum occupare voluit. Is locus ad busta Gallica, quod Roma recu-
perata Gallorum ossa, qui possederunt Urbem, ibi coaceruata, ac consepulta, locus
qui vocatur Doliola ad Cloacam Maximam. Si vero ita libet distinguere ut ver-
ba haec: Is locus ad Busta Gallica, iungantur cum subsequentibus, optime Var.
conueniet cum Liuiio, caeterum ordinem & sensum vix elicies. Quare vi-
dendum ne aliquis error hos authores discordes efficiat. Quidam
prope Marforium Busta Gallica fuisse perpe-
ram putarunt.

De via Sacra, Arcu Fabiano & Vespasiani.

IAM Sacram principium habuisse à Curia Veteri in angulo Palatij, iuxta Arcum Constantini, vulgaris est opinio. Var. autem à Carinis. Carinæ, inquit, Cerionia, quòd hinc oritur caput Sacræ viæ, ab Sterniæ Sacello. Quibus verbis adducor in maximum dubium, ne hæc via aliquando per hortos diuæ Mariæ Nouæ, secus templum Pacis, & forum Cæsaris recta ad arcem Capitolij esset producta, præsertim quod in eisdem hortis secundum eum, quem dicimus cursum, vidimus viam ex lapide quadrato stratam. Si quis dixerit arcum Vespasiani signare nobis fuisse secundum radices Palatini montis, respondebimus. ampliata curia Veteri, erectisq; basilicis partem ipsius eò translatam. Sacræ quidem obtinuit nomen, quòd per eam augures ex arce profecti solerent inaugurare, sacraq; quotquot mensibus in arcem ferre, secundum Var. Sex. autem Pomp. Sacram ideo vocat, quod in ea fœdus ictum sit inter Romulum & Tatium. In summa huius habitauit Ancus Martius, propè ædem Larum, de qua in Urbis Romuli descriptione facta est mentio. Quo in loco si quis considerauerit quæ dicuntur à Cor. Tac. de spatio eiusdem Urbis, non improbabat forte quæ de via Sacra diximus. Sacra in hac via Cœliæ Statuam ponit Plut. In summa verò parte fuit Mutij. In eadem fructus venundatos esse Ouid. de arte sic docet.

*Rure suburbano poteris tibi dicere missa
Illa, vel in sacra sint licet empta via.*

Var. de re rustica, huiusce inquam pomarij summa Sacra via, vbi poma veneūt. Arcus Fabianus in hac via stetit, iuxta regiam à Fabio censore, qui deuicit Allobroges excitatus, vt scribit Asc. in quo sculpta fuerant eius scuta, & signa victoriæ. In oratione pro Cn. Plancio Cic. de eo hæc habet verba: Equidem si quando, vt sit, iactor in turba, non illum accuso, qui est in summa Sacra via, cum ego ad Fabianum fornicem impellor. fuit apud basilicam Pauli, ad quem arcum Scribonius Libo sedem, & Prætoris tribunal, Puteal dictum, posuit, de quo Horat. meminit, cum inquit:

Putealq; Libonis mandabo ficcis. Et Ouid hoc carmine.

Qui Puteal, Ianumq; timent, celeresq; Calendas.

Æneratores enim stabant ad Ianum, & apud Fornicem Fabianum ius dicebatur. CATELANVS autem Triuultius Episcopus Placen. & Cos. summi ingenij nobilissimus adulescens, & probe doctus, qui orationem quandam, qua Bocc. Pinum Florentinum patria eiectum consolatur, felici stylo ex vulgari in latinum conuertit sermonem, ostendit mihi numisma argenteum eius pretij, quo denarius, in altera parte cuius visitur caput Libonis cum hac inscriptione, LIBO BONEVENT. in altera vero tribunal cum indice, PUTEAL SCRIBONI. In eadem via Sacra stat adhuc Arcus marmoreus Vespasiani Imperatoris, omnium antiquissimus nunc existentium: sed mutilatus: in quo legitur titulus talis.

SENATVS POPVLVSQVE ROMANVS. DIVO TITO DIVI VESPASIANI F. VESPASIANO AVGVSTO.

Exstructus autem fuit deuictis Hierosolymis, in quo sculptæ sunt victoriæ cum arca fœderis præcedentibus duodecim fascibus consularibus, ab altero fronte spectantur triumphus spolia, aureum candelabrum, septem habens ramos, in quibus erant septem Lucernæ, erraticas significantes stellas, duæq; tabellæ legis Mosaycæ. Vasa tēpli, mensa aurea ponderis talentis magni. de qua plura Iosephus. Licet

ipse

ipse arcus melius, quam Iosephi descriptio, nobis ea omnia declaret. Huius autem victoria mentio habetur etiam ex marmore in circo Maximo effosso, quæ est hæc.

S.

P.

Q.

R

IMP. TITO CÆS. DIVI VESPASIANI FILIO VESPASIANO AVG. PONT. MAX. TR. POT. X. IMP. XVII. COS. XIII. P. P. PRINCIPI SVO QVI PRÆCEPTIS PATRIÆ CONSILIISQVE ET AVSPICIIS GENTEM IV-DÆORVM DOMVIT ET VRBEM HIEROSOLYMAM OMNIBVS ANTE SE DVCIBVS REGIBVS GENTIBVS AVT FRVSTRA PETITAM AVT OMNINO INTENTATAM DELEVIT.

CAP. XLIX.

*De Grægostasi, Curia, Basilica Opimij,
& Portia.*



GRÆGOSTASIS locus ad dexteram Rostrorum è Comitio, vbi nationum subsisterent legati, qui ad Senatum missi essent. Var. At animaduertendum Var. de veteribus Rostris intelligere. Idem propè Grægostasim Opimij Basilicam sic statuit. Senaculum supra Grægostasim, vbi ædis Concordiæ, & basilica Opimij. Senaculum vocatum, vbi Senatus, aut vbi seniores consisterent, dictum *νεγυσία*, apud Græcos. Liuius primo ab vr. con. ait Curiam in Comitio, sed idem quod Senaculum esse innuunt Var. verba. Plin. memoriæ prodidit Cæsarem in Curia, quam in Comitio consecrauit, duas tabulas impressisse. cui Curia Plut. iuxta forum locum fecit. Curia locus vbi publicas curas gerebant: duplex tamen, vbi sacerdotes res diuinas, & vbi Senatus humanæ curabat. Curia vbi dabatur Senatus templum erat, vt diximus. Var. in libris ad Opianicum ait, S. C. non posse fieri, nisi in loco per auguriū constituto, quod templum appellaretur, propterea & in Curia Hostilia, & in Pompeia, & post in Iulia, cum prophana ea loca fuissent, templa esse per augurium constituta, vt in iis S. C. more maiorum iuxta fieri possent. In Curia Aram Victoriæ fuisse Herodiani hæc docent verba: Cæteris ante fores præstolantibus, duo, tresve ad summum curiosiores audiendi Curiam ingressi sic, vt ultra Aram quoque Victoriæ, penetrarent. Ferunt quidam huius deæ Signum ex auro puro in gradibus Curia fuisse: Nescio autem quo authore iuxta forum à Fulvio Curia Calabra collocetur, quam nos, ex Ser. opinione, in Capitolio posuimus. Plutarc. commemorat Catonem Basilicam, ex ære publico vicinam foro sub Curia à se ædificatam, Portiam appellauisse. Erat, inquit, basilica quædam Portia, quam Magnus Cato in censura ediderat, eius basilicæ trib. pleb. quoniam in illa ius dicere consueuerant, columnam, quæ sellas eorum impedire videbatur, decreuerant tollere. Asc. etiam basilicam hanc iunctam Curia fuisse tradit. Palatium Romuli apud ædem diuæ Mariæ Nouæ nonnulli restituunt. Illud autem sciendum, hæc omnia inuicem prope fuisse, totumq; id spatium occupauisse, quod est à Comitio eundo versus Pacis, diuæ Mariæ Nouæ templum, & hortos, penè ad

Exquiliarum radices; nisi quod interiacebant templa quædam,
quibus superius à nobis sedes est
assignata.

*De Templo Iani, & Pietatis, ac de Carcere
Pleb. Rom.*



QUATVOR Urbis partibus iam descriptis, rectè videmur quintam, à dextera Tyberim, Auentiniq; partem, à sinistra verò rupem Tarpeiam & Palatium, vallemq; inter ipsos montes comprehensam habentem, à theatro Marcelli auspicati, quibuscunque certis sedibus, quoad fieri poterit, locatis, aggredi. Nam cum multa memoratu digna contineat, nisi ordine quodam perspicuo fuerimus progressi, maiorem partem illorum, & locum incertum fortiri, & obscura fieri, erit necesse. Quare relicto Marcelli theatro ad eam partem, quæ planam Urbem complectitur, quæ ab ipso ad extremam Circi partem fuere, hodieue sunt, singulatim percurramus. Et quia Ianus omnium rerum principium habetur, ab eo exordiri conueniens erit. Numam regem Iani Templum circa imum Argilætum, iuxta theatrum Marcelli in duobus breuissimis templis fecisse, scribit Ser. cuius portæ duæ, quas legitimum erat aperire cum bellum esset: in pace verò claudi, vt apertis in armis esse ciuitatem, clausis verò pacatos circa omnes populos significarent. Clausum esse ferunt Ianum semel ab ipso, à quo conditum; iterum à T. Manlio Cos. Tercio ab Augusto post bellum Actiacum. Orosius scribit Augustum ter Iani templum clausisse. Claudendi autem vel aperiendi ratio, varia est. Alij, vt diximus, volunt Romulo contra Sabinos pugnante, quum eo esset vt vinceretur, calidam aquam ex eo loco, vbi templum Iani, erupisse, quæ exercitum Sabinorum fugauit, hincq; tractum morem, vt pugnaturi aperirent templum, quod in eo fuerat constitutum, quasi ad speciem pristini auxilij. Alij verò, quod Tatius & Romulus factò fœdere hoc templum constituerint, vnde & Ianus ipse duas facies habet, quasi vt ostēdat duorum regum coitionem. Huius quidem templi postes is Cos. aperiebat, qui prior creatus esset. Virg.

Insignis aperit stridentia limina consul.

Cor. autem Tac. refert Cn. Duilium Iani templum ædificasse, eius sunt hæc verba: Eodem in loco à L. M. Publiciis Iano templum, quod apud forum holitorium Cn. Duilius struxerat, Speiq; Ædes à Germanico sacratur. hanc Attilius vouerat eodem bello. Idem alibi, narrant Tiberium Cæsarem Iani templum dedicauisse apud forum holitorium, votum à Duilio bello maritimo aduersus Pœnos prospere peracto. Quod in platea nunc Montanaria statuit, diuersumq; ab illo Numæ putat Ful. Sed cum Xenon primo Italicarum velit Ianum omnium primum diis templa fecisse, & ritus instituisse sacrorum, ob idq; in sacrificiis præfectionem meruisse perpetuam, figurariq; cum clauo & virga, quasi portarum custos, & rector viarum, censemus Numam ei templum instituisse apud portam Carmentalem, post facellum S. Catharinæ, nunc solo æquatum, vt sit, ad imum Argilætum, iuxta theatrum Marcelli, vt Ser. placet, & vt Liuius & Ouid à dextera Fabiis exeuntibus ad bellum, ac extra portam Carmentalem, quod ait Sex. Pom. Si verò, vt quibusdam placet, legimus apud Var. secundum Tyberim ad Ianum forum Piscarium, de eo intelligere opinamur, quod posuit Duilius. Dictum est enim apud præcos vnum fuisse Ianum, plures verò apud posteriores, vt mirum videri minime possit, hæc duo templa propè inuicem stetisse, sicut & fora. Vnde Ouid. inquit.

Cum tot sint Iani, cur stas sacratus in vno,

Hic, vbi iuncta foris templa duobus habes?

Neque Ouidius (vt Blon. est opinio) de Boario, sed Holitorio & Piscario intelligit

intelligit foro, aitque ex multis in hoc solo sacratū, propter eius simulacrum ab Augusto ex Ægypto, vt auth. est Plin. aduectum, & in eodē Ianī templo collocatum. Templū Pietatis in foro holitorio, apud nunc ecclesiā S. Nicolai cognomento in carcere, vel certe eo ipso in loco, quod à M. Attilio Glabrione dedicatum tradit Liuius. Plin. autem locum his verbis patefacit: Humilis in plebe, & ideo ignobilis puerpera, supplicij causa carcere inclusam matrē, cum impetrasset aditum à ianitore, semper excussa ne quid inferret cibi, deprehensa est vberibus suis alens: quo miraculo matri salus donata filiæ pietate est, ambēq; perpetuis alimentis, & locus ille eidem consecratus est deæ, C. Quintio, & M. Attilio Coss. templo Pietatis extructo in illius carceris sede, vbi nunc Marcelli theatrum est. Sex. autem Pom. non matrem, sed patrem inclusum carcere vberibus filiā clam aluisse scribit. Et quia Plin. vbi theatrum est Marcelli dicit, ita accipiendum, theatrum eo vsque peruenisse, vt vestigia ex saxo quadrato, apud eandem ædem exstentia, satis ostendunt.

Hoc autem templum tactum fuit de cælo Coss. Cotta, vt primo de diu. testatur Cice. Causa quidem carceris extruendi fuit, quod aucta multitudine, cum in dies magis, magisque flagitia crescerent, neque tot scelestis, noxiisque vnus satis esset carcer, creatis decemuiris alterum extruere decreuerunt, quare electo ad id opus Ap. Claudio decemuirum vno, eum inter Capitolium, & Tyberim, vbi nunc prædictam ecclesiā S. Nicolai sitam videmus, constituit, quem locum Carcerem, siue domicilium pl. Rom. nuncupauit, in quo reus iudicij ipse sibi mortem consciiuit, vt docet Liuius tertio ab vr. co.

CAP. LI.

*De Foro Holitorio, Æde Iunonis Matutæ, & Spei, Sacrarario Numæ, Columna Lactaria, ac de Ara
& Fano Carmentæ.*



FORVM Holitorium extra portam Carmentalem fuisse testis est Asc. in toga candida. Eum locum plateam Montanariam nunc esse quidā arbitrantur. In quo fuit Ædes Iunonis Matutæ, que cessit Diui Andr. ecclesiæ cognomēto in mentuccia pro Matuta, in radice Capitolij nunc sitæ. Sed Iunoni Matutæ vota, & locata à C. Cornelio Coss. gallico bello: qui deinde Censor eam dedicauit, auth. Liuius quarto belli Mac. Idem in eodem foro Spei Templum variis exornatum marmoribus fuisse tradit, idque primo belli pu. libro fulmine ictum, quarto eiusdem belli Q. Fabio consulis filio, & T. Sempronio Graccho Coss. incendio conflagrasse. Consecrauit autem Collatinus. Cic. de legibus. Recte etiam Spes à Collatino consecrata est. Columna Lactaria, ad quam infantes lacte alendi deferebantur, in foro Holitorio stetit, asserit Sex. Pomp. quod forum vbi holerum copia antiquum fuit Macellum, auth. Var. Sacrarium Numæ apud theatrum Marcelli circa imum Argileum, Ser. ait Euandrum Aram matri extinctæ iuxta portam fecisse, quæ à Carmenta Carmentalis est dicta. Ara autē hæc sub Capitolio ponitur à Dio. Habuit Carmenta & Templum, siue vt author est Solinus, Fanum apud eandem portam, vbi diximus extare ruinas ædiculæ Diuæ Catharinæ. Nam cum vehicula, quibus S. C. priuatæ erant mulieres, fuissent deinde ipsis restitua, gratiam deæ referentes ei ædificauit Templum, quæ Euandri mater fuit, Nicostrata prius appellata, & quia carminibus oracula ederet, Carmenta est dicta, ob quam & carmina auth. Plut. in probl.

De Foro Piscario, & Templo Fortuna Virilis.

SECUNDUM Tyberim ad Iunium Forum Piscarium vocant, inquit Var. Quibus verbis iuxta incendium, quod sexto belli pun. describitur à Liuiο, licet existimare fuisse inter Sanct. Mariæ in Porticu, & Ægyptiacæ templa, intraque portam Carmentalem: quod haud longe à Boario ponitur à Volaterano, sed certe neq; prope est dicendum. In eo autem male sentire videtur, quod Cupedinis, Pistorium, & Holitorium iuxta ædem Vestæ esse putat, si enim ita esset, sequeretur contra Asc. forum Holitorium intra portam Carmentalē fuisse, quod falsum esse multis argumentis apparere potest, nisi velit Vestam extra ipsam portam Templum habuisse, sed id quoq; caret auctore. Templum autem S. Mariæ Ægyptiacæ nunc dicatum, iuxta Tyberim, & eiusdem cognominis pontem, quidam Asyli, id est misericordiae Templum dicunt, Alij Fortunæ, Alij Pudicitiae, vt Vol. & Ful. Sed Fortunæ, Pudicitiaeq; patriciæ sacras ædes in foro Boario fuere, vt infra demonstrabitur. Non est enim verisimile (quod innuit Ful. quum dicit Pudicitiae ædem esse, quā nunc dicatam S. Mariæ diximus, eamque in foro Boario statuit) ipsum forum à Velabro, & Iano vbi constat esse, peruenisse ad hanc usque ædem, in ripa Tyberis sitam; eo maxime quod is locus est extra rectam viā ab ipso Velabro in Auentinum, neq; conueniret cum Liuiο, qui ait virgines à foro Romano, vico Thulco Velabroque per Boarium forum in cliuum Publicum, atq; in ædem Iunonis Reginae (erat enim in Auentino) peruenisse; quibus verbis ostendit forum Boarium fuisse prope Ianum nunc quadrifrontem siue quatuor portarum, versus Auentinum, non autem Tyberim. De templo Misericordiae nihil certi habetur, nisi quod Blon. eo in loco, ductus tantū cōiectura, quia ibi Asylum, collocauit. Sed nos dicimus esse Fortunæ Virilis templum, deamq; ipsam in eo ambitu duo habuisse templa, alterum in foro Boario, alterum vero prope Tyberim. Huic enim opinioni suffragantur Diony. verba, quæ sequuntur. Duobus exstructis templis Fortunæ. altero in foro Boario, altero ad ripas Tyberis ei, quam virilem appellauit. In hoc autem fuit ipsius Ser. Tullij lignea statua auro perfusa, quæ orto incendio cæteris concrematis sola incorrupta permanfit. auth. Val. Max.

CAP. LIII.

De Templo Vestæ, Salinis, & Coelitis Arcubus.

DA Mariæ autem Ægyptiacæ exstat ædes antiquissima Diuo Stephano nunc dicata: cuius forma circularis est, columnæque in circuitu dispositæ eius testudinem, quæ vnica totam operit ædem, sustinent. hanc Matutæ, siue Auroræ Pompo. Letus adiudicat: quam Liuius in foro Boario statuit, quare eadem ratione, quæ est de S. Mariæ Ægyptiacæ æde, non recte sentire arbitramur, quemadmodum nec Vol. nec Fid. qui volunt hanc ipsam Herculis esse. Romulus enim, vt supra ait Corn. Tacit. à foro Boario fulcum designandi oppidi incipiens, Magnam Herculis aram, vbi postea templum habuit, complexus est. Si templum, vt autumat Fului. fuisset vbi nunc Diui Stephani ecclesia, & Ara ad portā Tergeminā, quomodo ipsam intra mœnia comprehendens Romulus quadratam, vt est omnium opinio, urbem posuisset? Quapropter velim istos diligentiores esse, neque incerta pro certis affirmare. Blon. autem ex Ouidij carminibus Vestæ esse nititur comprobare. Ouidij carmina hæc sunt.

Syluia

Sylvia vestalis (quid enim vetat inde moveri?)

Sacra lauanturas mane petebat aquas.

Vinum erat ad molli declivem tramite ripam,

Ponitur è summa fictilis urna coma.

Fessa resedit humi, ventosq; accepit aperto

Pectore, turbatas restituitq; comas.

Dum sedet, umbrosa salices, volucresq; canoræ,

Fecerunt somnos, & leue murmur aqua.

At hi versus non probant ædem Vestæ propè Tyberim exstitisse, sicuti Diony. hæc verba. Sunt qui constructionem Templi Vestæ Romulo ascribant, consentaneum esse existimantes, Vrbe condita à viro diuinationis perito constructam esse primum Vestam communem, Urbis conditore, eius præsertim Albæ nutritio, in qua vetus huius deæ, ex quo Vrbs condita fuit, templum erectum erat, neque quicquam antiquius Romulo esse debuit, quam Vestam colere, qui eius deæ simulacrum ex Illo transtulerat. Sed de constitutione templi, quod nunc exstat, isti videntur ignorasse, neque enim locum illum, in quo nunc sacer custoditur ignis, Romulus dedicauit deæ, cuius rei magnum argumentum est, quod is extra eam est, quæ quadrata dicta est Roma, quam Romulus muro cinxit. Hinc apparet Templum Vestæ, quod inter Capitolium & Palatium obtinuit locum, à Romulo: hoc vero à Numa excitatum, de quo Sex. Pompe. ita meminit. Rotundam ædem Vestæ Numa rex consecrasse videtur, quod eandem esse terram, qua vita hominum sustineretur, crediderit, eamq; pilæ formam esse, vt sui simili templo dea coleretur. Ouidius autem vult anno Urbis quadragesimo erectum esse, sphericamque formam sicut Pomp. ascribit. Et nos vidimus Albæ ædem vetustissimam ipsius Vestæ circulari forma, in vertice foramen lucis causa habentem. Simulacrum autem nullum ipsam deam habuisse, vt ignis nullam certam habet effigiem, idem poeta testatur his versibus.

Esse diu stultus, Vestæ simulacra putauit:

Mox didici curuo nulla subesse tholo.

Dicta enim est Vesta, quod variis vestita sit rebus. Cicer. de Nat. deorum: Vesta, inquit, nomen à Græcis, ea enim est, quæ ab illis *ἑστία* dicitur. vis autem eius ad aras, & ad focos pertinet, itaque in ea dea, quæ est rerum custos intimarum, omnis & precatio, & sacrificatio externa est. Propè Vestæ Matrem deum Cellam habuisse auth. est Blon. Salinæ fuit salis receptaculum in eâ ripa Tyberis, quæ nunc à prædicta æde Vestæ in Auentinum & ad naualia pertinet, de quibus Liuius sic meminit: Romæ scdum incendium per duas noctes, ac diem vnum tenuit; solo æquata omnia inter Salinas, ac portam Carmentalem. Hinc constat hanc portam non fuisse ad radices Auentini, quemadmodum Blon. putauit. Arcus Horatii Coclitis ad primas Auentini radices, inter ipsum scilicet montem & Tyberim fuere, vbi paucos ante annos eruta saxa huiusmodi inscriptionem habebant.

P. LENTVLVS. C. N. F. T. QVINTIVS CRISPINVS VALERIANVS
COSS. EX S. C. FACIENDVM CVRAVERE IIDEMQ. COMPROBA-
VERE.

De Foro, & Arcu Boarium, seu aurificum.

POSITIS iis, quæ in hac quinta parte à dextera secundum Tyberim steterant, cōsentaneum esse videtur, ut in sinistram diuertamus, & quidquid occurrerit explicemus. Sed quia ex fori Boarij descriptione vnaquæq; res proprium locum facilius accipiet, de ipso prius videbimus. Forum igitur Boarium licet inter Romanum & Tyberim à Fule sit collocatum, tamē Liuij verba, in ipsum per nos paulò ante adducta, clarè indicant fuisse propè Velabrum & Ianum, inter Palatinum montem, & Scholam græcam. ostendit & descriptio Urbis Romuli à Cor. Tac. ab æneo Tauri Simulacro incepta. Vnde ex vno in plures incidere errores Ful. apparet. Boarium ab eodem Tauri simulacro dictum quidam volunt, quidam verò ob Taurum immolatum interfecto Caco, atque bobus recuperatis, Ouid. priorem sequitur opinionem, eius sunt hæc carmina.

Immolat ex illis taurum tibi Iuppiter unum

Victor, & Euandrum, ruricolasq; vocat.

Constituitq; sibi, quæ maxima dicitur, aram,

Hic, ubi pars urbis de boue nomen habet.

& alibi.

Pontibus, & magno iuncta est celeberrima circo

Area, quæ posito de boue nomen habet.

Sex. verò Pomp. quod ibi boues venundarentur, cui adstipulatur Var. cum inquit. Quo quidem genera conferrent forum appellatum, additumq; ab eo cognomen, ut forum Boarium. Liuius etiam primo belli pu. innuit boues ibi venūdatos esse, memorans in eodem foro bouem in tertiam contignationem ascendisse. In frontispicio autem portæ marmoreæ, adhuc apud ecclesiam S. Georgij existentis, insculpta hæc sunt verba.

IMP. CÆS. L. SEPTIMIO. SEVERO. PIO. PERTINACI. AVG. ARABIC. ADIABENIC. PARTH. MAXIMO. FORTISSIMO. FELICISSIMO. PONT. MAX. TRIB. POT. XII. IMP. XI. COS. III. PATRI. PATRIÆ. ET IMP. CÆS. M. AVRELIO ANTONINO PIO FELICI AVG. TRIB. POT. VII. COS. III. P.P. PROCOS. FORTISSIMO FELICISSIMOQVE PRINCIPI. ET IVLIÆ AVG. MATRI AVG. N. ET CASTRORVM ET SENATVS ET PATRIÆ. ET IMP. CÆS. M. AVRELII ANTONINI PII FELICIS AVG. PARTHICI MAXIMI BRITANNICI MAXIMI. ARGENTARII ET NEGOTIANTES BOARI HVIVS LOCI QVI INVEHENT DEVOTI NVMINI EORVM.

Ibidem autem visuntur taurorum immolationes, & instrumenta cum victimariis, & sacrificolis ad sacrificia ipsa peragenda accinctis. In foro Boario gladiatorum munus primum Romæ est datum. Liuius refert Fabio &

Marcello Coss. in eodem sanguinem pluisset, puerumq; semestrem triumphum proclamasse: Val.

Max. licet Liuius in Hortorio dicat.

De Templo Herculis Victoris, & Ara Maxima.

EMPLVM Herculis Victoris, præter illud, quod ad portam Tergeminam, iuxta Tyberim Octauium Herenum impetrato à magistratibus loco consecrauisse scribit Macrob. alterum rotundum in foro Boario ponitur à Liuiio, & Solino, in hæc verba: Sacellum Herculis in Boario foro est, in quo argumenta, & conuiuia maiestatis eius remanent, nam diuinitus neque muscis illo, neque canibus ingressus est. Etenim cum viscerationem sacricolis daret, Miagirim id est muscarum congregatorem deum dicitur imprecatus, clauam vero in aditu reliquisse, cuius olfactu refugerunt canes, idq; vsque nunc durat: Romæ, inquit Plin. in ædem Herculis nec muscæ, nec canes intrant. Hoc templum cum multis antiquitatibus dirutum tempore Xysti IIII. Pont. Max. scribit Pomp. Letus haud procul à schola Græca, vbi ænea ipsius dei statua fuit reperta, quæ hodie, vt diximus, in ædibus Conseruatorum est sita. Eodem autem in loco, quo Simulacrum, effossum est marmor cum hoc tit.

DEO HERCVLI INVICTO

C. IVL. POMPONIVS PVDENS SEVERIANVS. V. C. PR. ÆF. VRB. Item.

HERCVLI INVICTO

M. CASSIVS HORTENSIVS PAVLINVS PR. VR. XV. VIR SACRIS FACIENDIS DONVM DEDI.

Idem Plin. ait Euandrum Statuam Herculi in foro Boario sacrauisse, quæ triumphalis Hercules dicebatur: per triumphos enim triumphali habitu vestiebatur. Verum non arbitramur hanc esse statuam, de qua egimus, quæ enim nunc exstat, in æde ipsius Herculis M. Fuluii, & Cn. Manlio Coss. posita fuit. Ædes autem ipsa celebrata est Pacuuij poetæ nobili pictura, in qua lectisternium esse non licebat, & in sacris nec seruis, nec libertis interesse, quorum sacrorum initium docet Ser. gram. & Liuius, hanc eandem ædem Neronis incendio conflagraisse testatur Corn. Tac. Tertiam Herculi ædem fuisse ibi prope putauit Ful. à Senatu monitu carminum sibyllinorum consecratam, Sylla dictatore eius dedicationem approbante, adducitque Ouidij hæc Carmina.

*Alter a pars circi custode sub Hercule tuta est.**Quod deus euboico carmine munus habet.*

Et reliqua. Sed Ouid. intelligit de circo Flaminio, vt, vbi de ipso agetur, infra apparebit. Regnante autem Euandro; Aram solum Hercules habuit, in foro Boario prope Scholam græcam, quam Maximam à magnitudine fabricæ appellarunt. Est enim ingens sicut hodieq; videmus, inquit Ser. de qua poeta sic meminit.

*Hanc aram luco statuit, quæ maxima semper**Dicetur nobis, & erit quæ maxima semper.*


Et Propertius.

*Maxima quæ gregibus deuota est ara repertis,**Ara, per has inquit maxima facta manus.*

Fuit autem venerationi inter accolas præcipuæ, ad quam Hercules bonorum decumas obtulit, dixit quæ illos vitam beatissimam victuros, qui sibi bonorum decumam dicauiissent, quod fecit Sylla, Lucullus, M. Crassus, & decima herculanea nuncupatur. Plaut. Detraxit, inquit, partem herculaneam. Ab

*hac sequestrari mulieres voluit, quæ nihil attingerent,**neque degustarent, quod supra aram immolatum esset.*

*De Pudicitia, Fortune prospera, Matuta, Fortis Fortuna,
Æde, ac de Vico Publico, Velabro, & Acca Lau-
rentia Sepulcro.*



AD Herculis autem Pudicitiam Patriciam Ædem, ab Æmilio conditam, habuisse, sic testatur Liuius: Certamen in Sacello Pudicitia Patricia, quæ in foro Boario est ortum. Non vnam quidem, sed plures Pudicitia sacras ædes fuisse in Vrbe affirmant, quæ sequuntur, Propertij carmina.

*Templa Pudicitia quid opus statuisse puellis,
Si cuius nupta quidlibet esse licet.*

Et Sex. Pom. hoc modo Pudicitia Signum in foro Boario, vbi familia edificet Hercules, cuius sacra non obibant plebeia. Quare in vico Longo Pudicitia Plebeia Sacellum à virgine plebeia excitatum est. Fortunæ Prosperæ, & Matutæ Ædes sacras in eodem foro constituit Ser. Tullus. Prosperam ideo appellauit, quod in se ipso Cæca non fuisset. hinc Ouid.

Cæca in hoc vno non fuit illa viro.

Eo autem in loco mel ex olea fluxisse tenet fama, aruspicesque dixisse summa nobilitate illas sortes futuras, eorumque iussu ex illa olea arcam esse factam, eaque conditas sortes, quæ Fortunæ monitu pueri manu miscebantur, atque ducebantur. Plut. in prob. scribit Ser. Tullium omnes actus fortunæ adscripsisse, à qua subleuatus fuerat ab ancilla matre ad regnum prouectus, hincque Fortunæ Primigeniæ, & Mascule Tempora erexisse; aliud conuertentis; aliud bene sperantis; aliud Fortunæ videntis, quasi ea nos procul capiamur, negotijs, ac rebus inhereamus. Construxit etiam Fortunæ Paruæ Templum, quasi docens homines diligenter attendere debere, ne ea, quæ accidunt, quasi parua, contemnerent. Liuius tertio quintæ dec. prodidit. Q. Marcio Philippo iterum, & Q. Ser. Cepione Coss. in Vrbe duos ædituos nuntiasse alterum in æde Fortunæ, anguem iubatum à compluribus visum esse, alterum in æde Primigeniæ Fortunæ, quæ in colle erat, duo diuersa prodigia, palmam in area enatam, & sanguine interdii pluuisse. Matutæ Ædes, refecta prius à Ser. Tullio, longo tempore post à Camillo fuit dedicata, qui bello Veientium eam vouerat. Vtriusque autem deæ festum eodem celebratur die, eodem etiam incendio vtraque ædes exhausta est, eodem auth. qui alibi narrat Caruilius Coss. ex bello Hetrusco æris grauis tulisse in ærarium trecenta nonaginta milia, de reliquo ære ædem Fortis Fortunæ de manubiis faciendam locauisse, prope ædem eiusdem deæ. Et primo quintæ dec. in eade Matris Matutæ tabulam cum hoc indice positam.

T. SEMPRONII GRACCHI COS. IMPERIO AVSPICIOQVE LEGIO EXERCITVSQVE P. R. SARDINIAM SVBEGIT IN EA PROVIN-
CIA HOSTIVM CÆSA AVT CAPTA SVpra LXXX. MILIA REP.
FELICISSIME GESTA ATQVE LIBERATIS VECTIGALIBVS RE-
STITVTIS EXERCITVM SALVON ATQVE INCOLVMEN PLENISSI-
MVM PREDAM DOMVM REPORTAVIT. ITERVM TRIUMPHANS
IN VRBEM ROMAM REDIIIT CUIVS REI ERGO HANC TABVLAM
DONO IOVI DEDIT.

A foro autem Boario incipiebat Vicus Publicus, in Auentinum ad templum Iunonis Reginæ ducens, vt idem Liuius supra ostendit, cum inducit virgines ab foro in cliuum ascendentes publicum, quo in loco signat sedem Velabri prope forum Boarium, vbi nunc ædes diui Georgij cognomento in Velabro. Auenti-

nus olim erat ab reliquis montibus disclusus; itaque eo ex Vrbe via qui aduehebantur ratibus quadrantem soluebant, unde Velabrum à vehendo. Velaturam facere, inquit Var. etiam nunc dicuntur, qui id mercede faciunt. Propert.

At qua Velabri regio patet, ire solebat

Exiguus pulsa per vada linter aqua. Ouid.

Qua velabra solent in circum ducere pompas,

Nil prater Salices, crassaq; canna fuit.

Hic, ubi nunc fora sunt, lintres errare videres,

Quaq; iacent valles maxime circe tua.

Priusquam enim Tarquinius Priscus alueum mutaret, ex eruptionibus Tyberinis sinus ibi fiebat in morem lacus, ut statim ex Prop. percipiemus. Sepulcrum Accæ in Velabro celeberrimo Urbis loco fuisse scriptum reliquit Antias: de quo in Urbis Romuli descriptione supra facta est mentio.

CAP. LVIII.

De Vertumno, eiusq; templo, Iano Quadrifronte, Aedibus Africani, & Basilica Sempronia, ac de Laneis Tabernis.



VERTVMNVM Deum antiqui dixere, qui non solum rebus vendendis, emendisq; sed etiam humanis mentibus præesset, à vertendo, quia hominum cogitationes verteret. Vertumnus autem ipse duabus aliis ex causis se id nomen adeptum ait apud Propert. Cuius carmina, quia affirmant, quæ dicta sunt de sinu Tyberino, non grauabor subiungere, ea enim sunt hæc.

Quid mirare meas tot in vno corpore formas,

Accipe Vertumni signa paterna dei.

Thuscus ego Thuscis orior, nec pœnitet inter

Prælia Vulscinos deseruisse focos.

Nec me turba inuat, nec templo lætor eburno,

Romanum satis est posse videre forum.

Hac quondam tyberinus iter faciebat, & aiunt

Remorum auditos per vada pulsa sonos.

At postquam ille suis tantum concessit alumniis

Vertumnus verso dicor ab æmne deus.

Seu quia vertentis fructum percepimus anni.

Vertumni rursus credidit esse sacrum.

Asconius signum fuisse in ultimo vico Thurario, siue, ut ait Var. Thusco, sub basilicæ angulo plectentibus se ad dexteram partem: eumq; Deum inuertendarum rerum, id est, mercaturæ esse vult. Fuit enim propè Ianum nunc quadrifrontem, ubi Aræ Opis & Cereris. Quidam Vertumnum & Ianum eundem tradidere. Cic. in Ver. locum innuit his verbis. Quis à signo Vertumni in circum Maximum venit, quin is vnoquoq; gradu de avaritia tua commoneretur? Vertumnalia dies festus à Vertumno dictus, cuius feriæ Octobri mense celebrabantur. Sex. Pomp. refert Vertumnum Templum habuisse M. Fuluij Flacci triumphantis pictura clarum, quod in vico Thusco posuit. P. Victor. si id est, quod Iani, certè aliud esse ab hoc, quod marmoreum, quadrifronsq; extat in Velabro, opinamur. est enim pene integrum, ut ab aliquo nouissimorum Imperatorum excitatum putem, non autem à Numa, ut falso edit Blon. cuius opinionem quisq; facillimè

respuet, attendere diligenter si velit ad ea, quæ dicta sunt supra, vbi de eodem tractauimus templo. Huius vero testudo quatuor tantum pilis sustinetur, quatuor portarum institutum, vt diximus, ad quatuor anni temporum similitudinem, vnde in singulis frontibus duodecim loculi, siue fenestræ spectantur; quæ videntur significare ipsum diuum principium, & Ianuam esse totius anni in duodecim menses diuisi. Hinc Cic. de nat. deo. cum in omnibus, inquit, rebus vim haberet maximam, prima & extrema principem in sacrificando Ianum esse voluerunt, quod ab eundo nomen est deductum: ex quo transitiones peruiæ Iani, foresque in liminibus profanarum ædium Ianuæ nominantur. Ædes. P. Africani, & Basilicam Sempronij ad signum Vertumni, propè nunc S. Georgij in Velabro ecclesiam fuisse, docet Liuij verba, quæ ex libro quarto dec. quintæ sunt hæc. T. Sempronius ex ea pecunia, quæ ipsi attributa erat, ædes. P. Africani ponere veteres ad Vortumni signum, Laneasque, & tabernas coniunctas in publicum emit, Basilicamque faciendam curauit, quæ Sempronia appellata est.

C A P. LVIII.

*De Argileto, Domo Cornelij, Aequimelio,
& Socordie Sacello.*



ARGILETVS à fine vici Thusci incipiens ad Marcelli theatrum terminabatur. Fabius autem pictor à principio vici Thusci sub Cœliolo, inter circum Maximum, & Auentinum, deduxit. Huius etymologia secundum Var. trahitur ab argilla, quod ibi esset id genus terræ; siue à fabula. Nam Euander Argum quendam hospitio suscepit, qui cum de eius cogitaret interitu, vt ipse regnaret, Euandro hæc non sentiente, socij intellexerunt, qui Argum necarunt, cui Euander & sepulcrum fecit, & locum sacrauit: de quo poeta sic ait.

Nec non & sacri monstrat nemus Argileti.

Imus autem Argiletus ad theatrum Marcelli fuit, vt supra de Iano locuti ostendimus. In hoc vico erant opificum Tabernæ, Bibliopolarum præsertim, quas Argiletanas appellat Mar. hoc carmine.

Argiletanas inuis habitare tabernas.

Corneliura Domitiani patris clientem domum iuxta Velabrum habuisse testatur Cor. Tac. in qua fugiens Domitianus delituit. Aequimelium sub Capitolio statuit Liuius, cum inquit: Substructionem super Aequimelium in Capitolio, & viam silice sternendam à porta Capena ad Martis ædem locauerunt. Ad quam partem Capitolii indicat libro quarto bel. pu. inter Salinas, ac portam Carmentalem cum Aequimelio, Iugarioq; vico omnia sacra, & prophana igni absumpta esse commemorans. Et tertio eiusdem belli lupum Exquilina porta ingressum frequentissima vrbs parte decurrisset in forum, Thuscoq; vico, atque Aequimelio per portam Capenam propè intactū euasisse. Hinc iudicamus Aequimelium fuisse inter Velabrum, & Capitolium ad tabernas Laneas. Vnde autem diceretur idem author Sp. Melii regnum affectantis mortem describens, sic ostendit: Nec satis est eius sanguinem expiatum, nisi tecta, parietesq; intra quæ tantum amentiarum conceptum esset, dissiparentur, bonaq; contacta pretiis regni mercandi publicarentur. Iubere itaq; Quæstores vendere ea bona, atq; in publicum redigere, domum deinde, vt monumento area esset oppressæ nefariæ spei, dirui ex templo iussit, idque Aequimelium appellatum est. Ostendit & Cic. pro domo sua. Sequebatur circus Maximus; sed quia socordia, licet sero, occurrat, huic

huic ordini postremo loco addetur. Murtiæ igitur Socordix deæ Sacellum sub Auentino stabat, ad cliuum publicum, quo ascenditur ad ædem S. Priscæ. vnde Auentinus Murtius aliquando est denominatus, de hoc vero Sacello Liuius sic meminit: Tum quoque multis milibus latinorum in ciuitatem acceptis, quibus, vt iungeretur Palatio Auentinum, ad Murtiæ datæ sedes. Quidam autem in hoc ambitu Asylum ponunt, at supra ostendimus in Capitolio fuisse, idq; etiam Strabo affirmat. Corn. Tac. ad radices saxi Carmentalis statuere videtur. Sed dicendum in Capitolio à principio institutum: multis vero templis in eo iam excitatis, alio translatum. Non enim verisimile creditur in domicilium deorum, vbi omnes diuitias, vbi spem salutis Urbis, vbi infinita auri, & argenti simulacra collocassent, vbi frequens Senatus de rebus pub. deliberaret, latrones, & infames confugere s. p. q. r. permisisse.

CAP. LVIII.

Circus quid, vnde dictus, & cuius rei causa institutus.



Uocetur de Circis, & in primis de eo, qui primus institutus, Maximus est appellatus, consentaneū esse videtur, de iis quædam præfari, non minorem vtilitatem allatura, quam ipsorum locorum, & sedis cognitio possit asferre. Circus igitur olim locus vbi ludicra celebrabantur certamina, forma oblonga, ad instar arcus, in circuitu habens gradus spectatoribus sedem commodissimam præbentes, ita vt alterius prospectum non impediret. In medio campi duæ metæ pari interuallo stabant, de quibus Suet. ita meminit. Nam quo laxius dimicaretur sublatæ metæ, inque earum locum bina castra ex aduerso constituta erant. Idem in Claudio: Circo vero Maximo marmoreis carceribus, auratisque metis, quæ vtraque tophina, & lignea fuerant, exulto. Quo enim anno Priuernum Romani obsidebant Carceres, qui in prima parte circi erant, primum ædificatos ferunt: dicti quod iis coercerentur equi, ne inde exirent, quam magistratus signum misisset. Dicebatur autem circus secundum Var. quod circum spectaculis ædificatis ibi ludi fierent, & quod ibi circum metas ferretur pompa, & equi currerent. Ludorum vero celebrationes deorum festa erant, si quidem ob natales eorum, vel templorum nouorum dedicationes sunt constituti, & primitus quidem venationes, quæ vocantur munera, Saturno attributæ, Ludi scenici Libero, Circenses Neptuno, & alij alijs dijs, varijsve ex causis, sicuti Sisinius in libris spectaculorum memoriæ prodidit. Circenses etiam in honorem Cereris celebratos esse, probant Corn. Tac. hæc verba: Tandem statuta Circensium ludorum die, qui Cereri celebrantur, & Quid. sic.

Circus erit pompa celebr, numeroq, deorum,

Primaq, ventosis palma petetur equis.

Hinc Cereris ludi, non est opus indice causa:

Sponte deæ munus, promeritumq, patet.

Circenses dicti sunt quod in littore fluminis agitabantur in altero latere posititis ensibus. Sed ad circi Maximi descriptionem aggrediamur.

De Circo Maximo.

IRCV M autem Maximum Tarquinium Priscum instituisse commemorat Liuius, & Diony. in hæc verba. Extruxit Circum Max. Tarquin. qui est inter Auentinū & Palatinū, circa eum primus faciens sedilia cooperta, primū enim spectabant stātes sub tabernaculis ligneis, harundinib. aridis fultis. Longitudo circi est triū stadiorū cum dimidio: latitudo quatuor iugerum. Circum vero secundum maiora latera & secundū vnum minorum, stagnum in susceptionem aquarum defossum est, altum, latumque pedes denos, postq; stagnum ædificatæ sunt porticus, tectura triplici, harum autem pauimenta habent, vt in theatris, parum superstantia lapidea sedilia, in superioribusq; lignea. Conducuntur autē in vnum, & coniunguntur inuicem maiores, & minores ad figuram lunarem, ita vt fiat porticus vna circularis ex tribus, quæ ab vno simul omnes verbere recluduntur, octo stadiorum: capax hominum centum & quinquaginta millium. reliquum autem minorum laterum apricum, atque habet apertum in modum forficum, equorum emissiones, quæ per vnum simul omnes stimulū recluduntur. Est autem circa eundem circum extrinsecus alia porticus vnus tectura officinas in se habens, & habitationes super eas, per quam sunt ingressus, & ascensus venientibus ad spectaculum, iuxta quanq; officinam, ita vt nihil turbet tot millia ingredientium & abeuntium. Non credimus autem in eam amplitudinem & magnificentiam, quam describit Diony. Tarquinium circum posuisse. legimus enim apud Plinium extructum à Cæsare longitudine stadiorum trium, latitudine vero vnus cum ædificiis. Exornauit deinceps Augustus, Claudius, vt diximus, carceres marmoreos fecit, metasq; deaurauit. Collapsum verò ampliorem, elegantioresq; restituisse Traianum scribit Diony. Mox Heliogabalus columnis pulcherrimis, auroq; illustrauit, cuius pauimentum ex chrysocola fecit. Est enim Chrysocola materies nascens post aurū effossum, auri quidem colorem retinens, cum sit lapis. Suet. in Calig. de Chrysocola sic meminit. Et quosdam præcipuos minio, & Chrysocola constrato circo. Circo quidem Maximo pauimentum ideo fuerat positum, quo, post naumachiam, emissæ in Tyberi aqua (adhuc enim subterranei ductus, ab ipso circo ad Tyberim, videntur.) nullo cœno impediēte, reliqua celebrarentur certamina. quod pauimentum etiam nunc extat multa coopertum tellure. De Circi autem pulchritudine Nazarius in pan. refert talia. Circo ipsi Maximo sublimes porticus, & rutilantes columnæ tantum inusitati ornatus dederunt, vt illo non minus cupidè conueniatur loci gratia, quam spectandi voluptate. Partem verò huius Auentino contiguam Tiberij tempore deustam esse testatur Corn. Tac. Annus Viterb. Maximi obtinuisse nomen putat, quia maximo deorum Vertumno sacratum esset. Alij à ludorum sumptuositate & excellentia. Alij ab amplitudine, quod longè maior esset, quam circus Flaminius, & Intimus. Plin. enim, vt dixi, facit longitudinem trium stadiorum, latitudinem verò vnus. Capiebat ducenta & sexaginta millia hominum sedētium. Quod autem Dion. dicit centum quinquaginta: intelligendum à principio hunc numerum, ampliatur verò illum cœpisse. Quinimo existimo Maximi cognomentum inditum longo tempore post Tarquinium, quod innuit Liuius cum dicit, qui nunc Maximus dicitur. nunc, quasi olim hoc epitheto careret.

*De Templis & Aris, quæ in circo Maximo, vel apud
fuisse leguntur.*



CONSUS consiliorum deus in Circo Max. Templum habuit, sub tecto, ut ostenderetur tectum debere consilium esse. Id eò autem dicato Consi simulacro rapuerunt Sabinas, ut tegeretur initum de rapto consilium. Iste Consus & eques Neptunus dicitur, unde & in eius honorem circenses celebrabantur. Plut. verò ait Romulum cuiusdam dei Aram conditam sub terra in circo inuenisse, ei que deo indidisse nomen Conso, siue à consilio, quòd consiliarius foret, siue Neptuni equestris: aramque ipsam reliquum tempus latere, in equestribus verò certaminibus aperiri. Diony. libro tertio prodidit Arcades Neptuno equestri Templum, solennemque diem constituisse. Aram vero postea Genio cuidam arcano occultorum consiliorum duci, atque custodi constructam, quibus verbis innuit Consus aram tantum, Neptunum verò templum habuisse, neque eundem esse Neptunum, qui Consus: cui ad stipulari videntur Var. verba, quæ sunt. Consualia dicta à Conso, quòd tum feriæ publicæ ei deo, & in Circo Maximo ad aram eius ab sacerdotibus fiunt ludi illi, quibus Sabinæ sunt raptæ. Præterea anno M. D. XXVI. repertum est facellum in ipso circo, post Diuæ Anastasiæ Templum, in radicibus montis Palatini, ipsius circi fundamentis inclusum, variis conchis marinis, variisque lapillis inuicem confertis pulcherrimè exornatum; sub maioribus conchis latebat rubra pictura, nullam tamè videbas imaginem, præter aquilæ effigiem, colore candidam, cæterum cristâ rubram habentem, in testudine templi ex huiusce lapillis & conchis fabrefactam; quo in loco Deum Patrem nunc ponere solemus. Hoc Templum Neptuni fuisse constans erat omnium opinio. quod cum longe esset remotum ab ea parte circi, ubi Corn. Tacit. in descriptione Urbis Romuli Aram Consi collocauit, non possum non probare quod Diony. videtur velle, videlicet, templum Neptuno, aram verò Conso fuisse sacram. Quanquam Liuius Consualia Neptuno attribuit, & Sex. Pompe. admonet Consuales celebrari multis solitos esse in Circo Maximo, quia id genus quadrupedum primo putaretur currui, vehiculoque adiunctum. Habuit Circus etiam tres Aras sacras, vnam Magnis diis, alteram diis Penatibus; tertiam diis Cœli & Terræ: à quibus omnia oriuntur. Hos Romani Genios & Penates, Urbisque præsidēs & custodes vocant. Liberi Liberæque, atque Cereris Templo iuxta circum Maximum sedem Cor. Tac. sic fecit. Iisdem Temporibus dum ædes vetustate, aut igni abolitas, coeptasque ab Augusto dedicauit, Libero, Liberæque, etiam Cereri iuxta circum Maximum. Tradunt alij Cassiū Coss. ædem Cereris & Liberi, Proserpinæque, quæ erat supra Circi terminos, ultra ipsas missiones, dedicauisse, cum vouisset diis eam repromissionem pro Vrbe Posthumius aduersus Latinos pugnaturus. At de Veneris talia habet Liuius: Q. Fabius Gurges Coss. filius aliquot matronas ad populum stupri damnatas pecunia multauit, ex quo multatitio ære Veneris ædem, quæ prope circum est, faciendam curauit. & in bello mac. scribit in eodem Ædem Iuuentutis à Lucinio dumuiro dicatam. Ouidius vero Mercurij templum circum Maximum spectauisse. Solis autem, & Floræ eodem in loco, quo Cereris locauit Corn. Tac. Verum Solis Tatium regem alteram ædem prius dedicauisse testis est Var. Plinius narrat Simulacrum Fortunæ Seixæ suo tempore in circo fuisse.

De Naumachia Circi Max.

AVMACHIA locus ita appellatus, ὅτι ἀντιότις ναῦσι μάχεσθαι, id est, quod ibi nauibus certarent. Nam loca instar lacunarum fodientes naualis pugnae simulacra ibi committebant, ad exercendam iuventutem Romanam, quæ disceret & in aquis aduersus hostes pugnare, huiusmodi ludicra certamina non solum in circis, verum etiam in amphitheatris commissa esse testatur Suet. Vestigia autem illius, quam diximus, comprehensam inter circum Maximum, & Auentinum, ad radices eiusdem montis adhuc apparent. est enim locus ibi depressus hortis, perpetuis aquis, irriguis.

CAP. LXIII.

De Obeliscis duobus Circi Max.

N Circo Maximo alter duorum obeliscorum octuaginta octo erat pedum; alter verò iacens adhuc in naumachia, obrutus tellure, centum triginta & dodrantis, præter basim, quem Augustus ex Hieropoli Ægyptiorum Vrbe transtulit, nunc est in duas partes fractus, quod quidem accidit cum ipse princeps erigere vellet. Excisus à rege Semnefreto, quo regnante Pithagoras in Egypto fuit.

ADNOTATIO.

Anno M. D. LXXXVII. Sexti V. Pont. Max. iussu (postquam è priori sede Obeliscum Vaticanum auulserat, ac in Foro Principibus Apostolorum dicato non minori sumptu quàm ingenio locauerat) eruti sunt è Circi maximi cauea per celebres duo Obelisci miræ magnitudinis, poenè cōfracti, quorum maior, Constantij nempè Augusti, vt inscriptio carminibus in eius cippo insculptis testatur, pedum verò 112. longitudinis, in Lateranense forum, ingenti Pontificis sumptu, ingenio ductuq; Dominici Fontanij Architecti è pago Mili, agri Honocomensis translatus & erectus, ac sanctissimæ Cruci Saluatoris nostri ad perpetuam rei memoriam dicatus est. Alter verò minor Augusti Cæsaris, vt inscriptio in illius basi docet, longitudinis pedum LXXXII. Soli ab eodem Augusto dicatus, ante Basilicam Sanctæ Crucis (quæ dicitur in Hierusalem) in agro Sessoriano, eidemq; Sacratissimæ Cruci eodem Pontifice iubente, ipsoq; Architecto vehente erectus & sacratus est.

ADDITIO.

Addendum nobis fuit his quæ superius diximus de Obeliscis, inscriptiones, quæ repertæ sunt in ambobus Obeliscis effossis hoc anno M. D. LXXXVII. è Circo Maximo. In eo enim Constantij qui maximus est omnium qui in Vrbe fuerunt translati eius base, vel cippo (vt aiunt) licet satis perfractò, aderat subsequens carminibus inscriptio, è quatuor lateribus, quæ à viris literarum præditis, ac ingenio præstanti Ioanne Hieronymo Catena à secretis epistolis Illustrissimi Cardinalis Alexandrini, & Michaelè Mercato Physico, & à simplicium herbarum notione, Viridario summi Pontificis Præfecto, sic fuerunt concinnati.

Pars Australis.

PATRIS OPVS MVNVSQVE SVVM TIBI ROMA DICAUIT
AVGVSTVS TOTO CONSTANTIVS ORBE RECEPTO
ET QVOD NVLLA TVLIT TELLVS NEC VIDERAT ÆTAS
CONDIDIT VT CLARIS EXÆQVET DONA TRIVMFIS

HOC DECUS ORNATVM GENITOR COGNOMINIS VRBIS
ESSE VOLENS CÆSA THEBIS DE RVPE REVELLIT.

Pars Orientalis.

SED GRAVIOR DIVVM TANGEBAT CVRA VEHENDI
QVOD NVLLO INGENIO NISVQVE MANVQVE MOVERI
CAVCASEAM MOLEM DISCVRENS FAMA MONERET
AT DOMINVS MVNDI CONSTANTIVS OMNIA FRETVS
CEDERE VIRTVTI TERRIS INCEDERE IVSSIT
HAVT PARTEM EXIGVAM MONTIS PONTOQVE TVMENTI:

Pars Septentrionalis.

CREDIDIT ET PRACIDO VECTA EST VELOCIVS EVRO
LITVS AD HESPERIVM POPVLO MIRANTE CARINAM
INTEREA ROMAM TAPORO VASTANTE TYRANNO
AVGVSTI IACVIT DONVM STVDIVMQVE LOCANDI
NON FASTV SPRETI SED QVOD NON CREDERET VLLVS
TANTÆ MOLIS OPVS SVPERAS CONSVRGERE IN AVRAS.

Pars Occidentalis.

NVNC VELVTI RVRSVS RVFIS AVVLSA METALLIS
EMICVIT PVLSATQVE POLOS HÆC GLORIA DVDVM
AVCTORI SERVATA SVO CVM CÆDE TYRANNI
REDDITVR ATQVE ADITV ROMÆ VIRTUTE REPERTO
VICTOR OVANS VRBIQVE LOCAT SVBLIME TROPÆVM
PRINCIPIS ET MVNVS CONDIGNIS VSQVE TRIVMFIS.

In base verò seu cippo obelisci Augusti Cæsaris, qui ex eodē Circo paulò post, eodem tamen anno erutus, quiq; multo minor Constantiano est, tales incisæ sunt literæ, quo sequitur ordine.

IMP. CÆSAR DIVI F.

AVGVSTVS

PONTIFEX MAXIMVS

IMP. XII. COS. XI. TRIB. POT. XIV.

ÆGYPTO IN POTESTATEM

POPVLI ROMANI REDACTA

SOLI DONVM DEDIT.

C A P. LXIIII.

De Fornice Sertini in Circo, Loco Tuberorum, Lupanariis, Pompei domo; & Iuturna Fonte.



ECORATVS autem circus Max. erat Fornice à Sertinio excitato, vt refert Liuius his verbis: Sertinius ex vltiore Hispania, ne tentata quidem triumphi spe, quinquaginta millia pondo argenti in ærarium tulit, & de manubiis duos fornices in foro Boario ante Fortunæ ædem, & Matris Matutæ, vnum in Maximo circo fecit; & his fornicibus signa aurata imposuit. Heliorum familia fuit haud diues, eodem autem tempore fuere sexdecim in vnis ædibus Tuberones, quibus, vt ludos spectarēt, in Circo Max. & Flaminio locus ob virtutē publicē est donatus: auth. Val. Max. Apud circum Lupanaria, vbi meretriculæ corporis quæstum faciebant, vnde Iuu.

Et ad circum iussas prostare puellas. Fuere etiā nostro tempore inter Ianum quadrifrontē, Tyberim & scholā græcam, penē ad ipsum circū producta, à prostitutis mulieribus occupata; cæterū quatuor ab hinc annis solo æquatis ædificiis remansit area ruinis oppressa. Sunt qui in circo fuisse columnam Bellicam tradunt, propter Ouid. quæ sequuntur, carmina.

Prospicit

Prospicit à tergo summum brevis area circum,

Est ibi non parua parua columna nota.

Hinc solet hasta manu belli prænuntia mitti,

In regem, & gentem cum placet arma capi.

Nos vero dicimus Ouid. de Flaminio, non autem de circo Max. intellexisse, ut infra, ubi de circo Flaminio agitur, apparet. Pompei Domus apud circum, de qua Plin. sic meminit. Hercules apud circum Maximum in æde Pompei Magni. Iuturnæ aquæ Fontem in Velabro adhuc scaturire putat Ful. & olim fecisse lacum in foro Romano iuxta templum Vestæ, aquamq; ipsam saluberrimam habitam. Sed, ut declarauimus, antiqua est cloaca, vel aquæductus, ut fornices ex saxo quadrato in Tyberim vsque producti, clarè ostendunt.

C A P. LXV.

De Septizonio Seueri.



SEQVITVR in sexta parte situs Vrbis tertio ordine montium Cœlius, quem tertium additum Vrbi supra demonstratum est, sed priusquam hunc ascendamus, pauca quædam dicenda occurrunt de Seueri Septizonio, & Constantini arcu, inter ipsum Cœlium & Palatinum montem excitatis: Prius autem quid sit Septizonium, ut videamus, illud nos admonet, quod annis ab hinc quatuor, dum Rhodobium natalem mihi patriam proficiscerer, essentq; verba de reliquiis Vrbis cum comitibus, & contrahentibus meis I A C. Bubino, & I A C. Scaramutia, viris literatis & probis, alter rogauit, quid esset, & an aliquod Romæ exstaret Septizoniū, cui memini me his verbis respondere. Est Septizonium magna quædam moles quadrata, quæ septem cingulis, id est, columnarum ordinibus inuicem superimpositis in modum quatuor porticum, ambitur; ita ut columnæ quanto altiores, eo minores, breuiioresq; disponantur, in cuius medio quatuor parietes loculos quosdam facientes surgunt, in summo regum, vel imperatorum condebantur cineres. Duo autem Romæ fuisse inueniuntur; antiquiores meminit Plin. & Suet. qui ait Titum apud Septizonium cubiculo paruo, & obscuro natum quarto Cal. Ianuarij. Manet, inquit, adhuc, & ostenditur locus. ubi autem, dubitatur, constat tamen in via Noua, haud procul à Seueri fuisse Septizonio. Seueri autem adhuc supersunt e regione templi S. Gregorij tres operis ambitiosi veluti Zonæ, columnarum pulchritudine, magnificentia, altitudine spectabiles, ex quibus connectuntur, vix credibilis reliqua altitudo fastigium ad culmen æstimantibus, si moles integra cum totis septem zonis superesset. Quod autem sit illud antiquum instauratum à Seuero, ut autumat Ful. stultum est credere, cum Seuerus multis annis post Titum imperauerit, & Spartianus Septizonium Seueri in via Appia, & à Seuero exstructum constituat. Funus, inquit, Getæ illatum est maiorum sepulcro, hoc est Seueri, quod est in Appia via, euntibus ad portam dextera, specie Septizonij exstructum, quod sibi ille viuus ornauerat. Idem quum septizonium faceret, nihil aliud cogitauit, quam ut ex Africa venientibus suum corpus occurreret. Duplex autem, præter illam, quam diximus, traditur etymologia. Iulius enim Capitolinus Septodium legit. scimus enim Græcos locum ciuibus frequentatum, ad quæ multæ perducantur viæ, Septodium appellare, nam ἐπὶ τὰς ἑπτὲν ὁδὸς via, quasi septem concurrerent viæ. Plin. Septifolium vocat, à septem solariis, in singulis enim ordinibus columnæ marmoreis trabibus superius inuicem iungebantur, aliis verò trabibus cum mole ipsa in interiore parte excitata: & ita singuli ordines vnā faciebant porticum, siue solarium. In huius Septizonij frontispicio literæ huiusmodi leguntur.

AVG. TRIB. POT. VI.

COS. FORTISSIMVS NOBILLISSIMVSQVE.

Moles enim quæ superest, ita est inclinata, ut iam iam lapsura videatur.

CAP. LXVI.

De Arcu Triumphali Constantini Imperatoris.

RCVS autem Triumphales in honorem illorum erigebantur, qui provincijs, aut exteris nationibus debellatis, reb. Po. Ro. feliciter gestis, triumphū meriti esset, à quo triūphales denominantur, in quibus simulacra oppidorū, fluuiorum, nauium illorū, quos deuiceras, in rei perpetuā memoriam, incidebant, quemadmodum in his, qui adhuc stant, cernere licet. Sed arcus triūphales ante imperatorum tēpora excitauit nemo, ut quorundam est opinio. neque antiquiorem, quā Titi, arcum in Vrbe videmus. Plin. hunc morem suo tempore cēpisse narrat, prius enim triumphales statuas, vel trophæa ponere solebant. Romæ triumphales arcus plures, ex his verò, qui hodie, Constantini ad angulum montis Palatini, iuxta Amphitheatrum, triumphalibus ornamentis conspicuum, cumque trophæis, & victorijs allatis, parum læsum conspicimus: superato Mezentio apud Miluium pontem, à Constantino ipso positum, cum hoc indice.

IMP. CÆS. FL. CONSTANTINO MAXIMO. P. F. AVGVSTO S. P. Q. R. QVOD INSTINCTV DIVINITATIS MENTIS MAGNITVDINE CVM EXERCITV SVO TAM DE TYRANNO, QVAM DE OMNI EIVS FACTIONE VNO TEMPORE IUSTIS REMPVBLICAM VLTVS EST ARMIS ARCV M TRIVMPHIS INSIGNEM DICAVIT.

In maiori autem fornice, parteque interiori à dextris, & sinistris legitur, hinc.

LIBERATORI VRBIS. illinc FVNDATORI QVIETIS. Superius extra sic. VOTIS. X. VOTIS. XX. quemadmodum apparet in quibusdam numismatibus, quæ sunt apud nos.

CAP. LXVII.

De Cæliomonte, & Cæliolo.

CELIVM montem Querquetulanū prius appellatū scribit Cor. Tac. quòd talis Syluæ frequens, secūdusque esset mox, Cæliū à Cæle Vibenna, qui dux gētis Hetruscæ fuit, sedēq; in eo acceperat à Tarquinio Prisco, seu quis alius regū dedit. nam scriptores in eo dissentiūt. Rectè ait dissentiūt. Sex enim Pōp. refert. Cælen Romulo auxilium præbuisse aduersus Sabinos. M. autem Var. contra Latinum regem. hinc post Cælij obitum, quòd nimis munita loca tenerent, neque sine suspitione essent, deductos in planum, & ab eis vicum Thuscum appellatum, & ideò ibi Vertumnum stare, quòd is Deus Hetruriæ princeps. De Cælianis, qui à suspitione liberi essent, traductos volunt in eum locum, qui vocatur Cæliolus, idest minor Cælius, de quo Mart. ita meminit. Maior Cælius, & minor fatigat. Cæliolus, siue Cælicolus, is est, ut diximus, ubi nunc diui Euangelistæ ædes, olim Dianæ, virgo enim virgini cessit. In hoc autem nihil aliud memoria dignum fuisse inueni; præter ipsam ædem Dianæ, quemadmodum de resp. arusp testatur Cic. Quare ad Cælium reuertamur, quem Tiberius, appellatione mutata, vocari Augustum iussit. auth. Suet.

X

CAP.

*De Fauni, Veneris & Cupidinis Templo: Curia Hostilia
Castris Peregrinis, Domo Lateranorum; de Con-
stantini & Sessoriani Palatio, ac de
Equo, L. Veri.*



In medio igitur Cælij montis dorso exstat Templum circulari forma, nūc diuo Stephano, olim verò Fauno dicatum, Faunus enim dictus ἀπὸ τῆς φωνῆς, quod voce, non signis, futura ostenderet. Ex peregrinis autem diis quodam tempore hunc solum Romani coluere. Mansiones Albanæ vbi S. Mariæ in Domnica ædes. Veneris & Cupidinis Templum haud procul à porta Næviana statuit P. Vic. siue Sex. Ruffus, eo in loco, vbi nunc ecclesia S. Crucis in Hierusalem fuisse, accepimus: Curiamq; Hostiliam duobus in locis, vnam, vt diximus, iuxta forum, in qua Hostilius rex prius habitavit, propè Pacis templum, alteram in Cælio monte, vbi nunc D. Ioannis & Pauli ædes. Liuius: Tullus rex in Cælio monte templum, ordini ab se aucto, curiam fecit, quæ Hostilia vsq; ad patrum nostrorum ætatem appellata est; & quo frequentius habitaretur, eandem sedem regiæ cœpit. Castra peregrina Augustus in Cælio constituit, in ea parte, quæ ad ortum æstiuum, Exquiliasq; pertinet, quo in loco nunc ædes Sanctorum quatuor coronatorum est sita. Domus Lateranorum vbi basilica eiusdem nominis: de qua Iulius Capitolinus ita meminit. Educatus est (de M. Antonio enim loquitur) in eo loco, in quo natus est, in domo aui sui, iuxta ædes Laterani. & Iuuenalis ita.

*Clausit, & egregias lateranorum obsidet ades
Tota cohors.*

Flauij Constantini Palatium propè hanc domum inter Cælimontanam, & Gabiufam portam sedem habuit. Sessoriam vero apud Næviam inter ipsam portam & ecclesiam S. Crucis in Ierusalem. In Platea Lateranensi stat ænea equestris Statua, quam M. Aurelij Antonini esse multi putant, aliqui tamen L. Veri, nō defunt etiam, qui Septimij Seueri. Herodianus enim literis tradidit post adeptum Imperium ex somnio, quod viderat, statuam sibi posuisse.

A D N O T A T I O.

Hæc ænea equestris statua translata est tempore Pauli Papæ IIII. anno 1536. in aream Capitolij, vt ex illius inscriptione in marmorea base cernere licet.

C A P. LXIX.

De Amphitheatro Statilij Tauri.



EQVITVR Statilij Tauri Amphitheatrum. Sed priusquam de ipso agamus, pauca quædam prælibanda sunt, vt quid sit amphitheatrū, & cuius rei gratia exstrueretur, intelligamus. Theatrum igitur à græca trahitur etymologia, dicitur enim τὸ τῆ θεώμας, quod est spectro, & habet hemicycli formam. Amphitheatrum autem oualem, appellatum τὸ τῶ ἀμφὶ καὶ θεώμας, quod est circumspecto, quasi in vnum iuncta duo visoria. Cassiod. Titum omnium primum amphitheatrum inuenisse putauit, eius sunt hæc verba. Hoc Titi potentia principis diuitiarum profuso flumine excogitauit ædificium fieri, & cum Theatrum hemisphæriū græce dicatur, amphitheatrū, quasi in vnū iuncta duo visoria, rectè cōstat esse nominatum, quod speciem eius arena concludat

concludat, & vt currentibus aptum daretur spatium, & spectantes omnia facilius viderent, dum quædam proluxa rotunditas vniuersa collegerat. At prius C. Cæsarem amphitheatri molem in Campo Martio posuisse, testis est Cor. Tac. quam ab illo destinatam Augustus mox Mausoleum ædificaturus destruxit, aut. Sueto. qui etiam in Cæsaris vita commemorat Statilium Taurum prius Tito amphitheatrum posuisse, alterumq; deinde à Tyberio inchoatum sed non perfectum. In amphitheatro autem multi spe premii, quod publicè dabatur, cum bestiis pugnabant. Capite etiam damnati, & bello capti hoc miserrimo certamine capitis discrimen subire cogebantur. Claudius enim Imp. pacatis Ægyptiis, cum militum non parua manus rebellasset, partem illorum occidit, partem Romam misit cum bestiis pugnatorios. Vnde, inquit Iulius Capitolinus, tractum sit vt proficiscētes ad bellum imperatores munus gladiatorum, & venatus darent, breui dicendum est. Multi apud veteres dicunt hanc deuotionem factam contra hostes, vt non sanguine litato specie pugarum seuerioris vim quandam fortunæ satiarent. Ituros autem ad bellū Romanos debuisse pugnare videre, & vulnera, & ferrum, & nudas inter se cohortes, ne in bello armatos hostes timerent, neue propter vulnera, aut sanguinem horrerent. Eius autem sacuissimi instituti causa consueuerunt ituri ad bella exhibere in spectaculis multa gladiatorum paria, & quò quisq; ditior erat, eò plura. De partibus autem amphitheatri vide Vitruuium. Statilii Tauri amphitheatrum magnam partem adhuc extare cernimus apud Ecclesiam S. Crucis in Ierusalem, prope vrbis mœnia quod extruxit Augusto ciues Romanos hortante, vt quisq; pro viribus Urbem exornare niteretur, auth. Suet. Qui in Caligula narrat ipsum principem munerum gladiatoria partim in hoc amphitheatro, partim in septis aliquot egisse.

CAP. LXX.

Aqua ductus cur inuenti, Quibus modis aqua deducerentur, cui vsui, quis prius deduxit, & quot aqua deductæ.



QVONIAM de ductu aquæ Claudiæ locus postulat, vt loquamur, crebraq; in sequentibus de aquæductibus erit mentio, placet quædam de iis præmittere, quò causam aquas deducendi, quibus modis, cuiue vsui, & à quo primum, & quot diuersis temporibus in urbem ducta sint, intelligamus. Vrbe enim & ambitu, & hominum numero aucta, paulatim à fluuio hunc, atq; illum locum appetendo, magna ciuium pars recessit, quæ cum longo interuallo aquam petere cogeretur, maximumq; sentiret incommodum, cogitauerunt prisce velle huic inopiæ subuenire, hinc deducendi aquas origo. Aqua enim ex omnibus elementis mortalibus maxime est necessaria. Quare Pindarus ait ipsam optimam esse, & vt aurū inter metalla, cæteris præstare elementis. Adhæc vrbis salubritati maximè contulisse, sic testatur Frontinus: Sentit hanc curam Imperatoris piissimi Neruæ principis sui Roma regina orbis, & terrarum domina, cui par est nihil, & nihil secundum, & magis sentit salubritas eiusdem æternæ Vrbis aucto castellorum, operum, munerum, & lacuum numero, nec minus ad priuatos commodum ex incremento beneficiorum eius diffunditur. Nam immunditiarum facies, & impurius spiritus grauioris cœli, quibus apud veteres Urbis infamis aer fuit, sunt remoti. Duobus autem modis deductas esse: arcuato videlicet opere, & subterraneis cuniculis, idem ita declarat. Hi sunt arcus altissimi, subleuati, in quibusdam locis pedes centum nouem, tot aquarum, tam multis necessariis molibus pyramides videlicet ocio-

fas comparem, aut cætera inertia, sed fama celebrata Græcorum: per subterraneos vero meatus probat Strabo hoc modo. Tanta autem per aquæductus aquarum vbertas influit, ut per urbem, atque cloacas omnes inundare videantur, & vniuersæ propemodum ædes subterraneos meatus, Siphones, ac fistulas undosas habeant. Præterea etiam hodie ad radices Quirinalis in villa Car. Grimaldi, in dorso eiusdem montis, in vico patricio, & Suburra, in via Latina, in Auentino, apud Iudæorum plateam, multisque aliis in locis subterraneos aquæductus videmus. Hi autem soli in Urbem per arcus influebant, qui iusto æquilibrio per congruentia loca poterant deduci. Deducebantur enim aquæ ex diuersis locis, & quia Anio Novus omnium erat altissimus, necessitate urgente, ceteris subueniebat. Quinque sunt, inquit Fron. ductuum altitudines in omnem partem Urbis, sed his aliæ maiore, aliæ leuiore pressura coguntur. Altissimus Anio est Novus. Proxima Claudia, tertium locum tenet Iulia, quartum Tepula, dehinc Martia, quæ capite etiam Claudiæ libram æquat, sextum tenet locum Anio vetus, sequitur hanc libram Virgo, deinde Appiana, omnibus humiliter Alsietina, quæ Transyberinæ regioni, & maxime subiacentibus locis seruit. Mox vero cui vñ essent, sic ostendit. Auctores cuiusque aquæ, ætates, præterea ordinem, & longitudinem riuorum, & ordinem libræ cum profecutus sum, non alienum mihi videtur singula subiicere, & ostendere quanta sit copia, quæ publicis, priuatisque non solum vñibus, & auxiliis, verum etiam voluptatibus sufficit, & per quot castella, quibusque regionibus deducatur, quantum extra Urbem, quantum intra Urbem, & ex eo quantum lacubus, quantum muneribus, quantum operibus publicis, quantum nomine Cæsaris, quantum priuatis vñibus erogetur. Quid autem sit Castellum in aquæductibus, Vlpianus ita declarat. Castellum est receptaculum quod aquam publicam suscipit. Cum itaque ductus aquarum ad viarum diuortia, vel regionum Urbis fines perducti erant, castella in formarum summitate erant, ex quibus aqua per digitos, vñcias, & modulos ædificiis, operibusque, & muneribus publicis, ac priuatorum vñibus diuidebatur à Castellario. Erat enim Castellarius castelli aquarum custos, ut probatur epitaphio sequenti videlicet.

D

M

CLEMENTI CÆSARVM N. SERVVS CASTELLARIO AQVÆ CLAVDIAE FECIT CLAVDIA SABBATIS ET SIBI ET SVIS.

In solo autem lacus erant alia aquarum receptacula, ex quibus cum Romanæ plebis, & fullonum, coriariorum, aliorumque opificum necessitatibus satisfaceret, tum horti irrigabatur. Idem vero Fron. custodiam aquis adhibitam esse, sic testatur. Tutelam autem singularum aquarum locari solitam inuenio. positamque redemptoribus necessitatem certum numerum circa ductus extra Urbem centum ab Vrbe seruorum opificum habendi, & quidem ita, ut nomina quoque eorum, quos habituri sunt in ministerio per quasque regiones in tabulas publicas deferrent, eorumque operum probandorum curam fuisse per Censores aliquando, & Ædiles, interdum etiam Consulibus eam prouinciam obuenisse, ut apparet ex eo quod factum est C. Luctatio, & Cæsone Coss. Quantum opere autem curæ fuerit ne quis violare ductus aquarum, nec non concessam deriuare auderet, cum ex multis apparere potest, tum ex hoc, quod Circus Maximus, ne diebus quidem ludorum circensium, nisi Ædilium, aut Censorum permisso, irrigabatur. Agri vero, quos aqua publica contra legem, quis irrigasset publicabatur, cuius rei causa Ædiles curules iuebantur per vicos singulos, qui in vnoquoque vico habitarent, prædiaue haberent, binos præficere, quorum arbitratu aqua in publicum saliret. Primus autem M. Agrippa post ædilitatem, quam gessit consularis, operum suorum, & munerum velut perpetuus curator fuit, qui iam copia per-

pia permittente, descripsit quid aquarum publicis operibus, quid lacubus, quid priuatis daretur. Omnium autem primum Ap. Claudium ex agro Lucullano arcuato opere deduxisse aquam, ab eodem authore literis traditur, qui nouem solum aquas suo tempore in Urbem fluxisse sic commemorat. Nunc autem in Urbem influunt Appia, Anio vetus, Martia, Tepula, Iulia, Virgo, Allicina, quæ eadem vocatur Augusta, Claudia, Anio Nouus. Quæ autem fuerint istæ aquæ, & vnde, quotq; passuum millibus, vel sub terram, vel arcubus ducerentur, pluribus verbis ipsemet recenset. Sex. vero Rusticus, eo posteriorem, quem Diocletiani temporibus Urbem Romam descripsisse putat Blon. nouem, & decem aquas posuisse animaduerti.

CAP. LXXI.

De Aqueductu Claudie aquæ.

IVVM Claudiū duos aquæductus à Caligula inchoatos perfecisse, sic declarat Fron. altero Imperii sui anno duos ductus inchoauit, quod opus Claudius magnificentissime consummauit, dedicauitque alteri, quod ex fontibus Ceruleo, & Curtio perducebatur, Claudie datum nomen: hæc bonitate proxima Marcie. Altera, quoniam duæ Anienis aquæ in Urbem fluere cœperant, vt facilius appellationibus dignoscerentur, Anio Nouus vocari cœpit. Suet. opera, inquit, magna, potiusquam necessaria, quam multa perfecit, sed vel præcipue aquæductum à Caio inchoatum. Meminit & Pli. his verbis: Vicit antecedentes aquarum ductus nouissimum impendium operis inchoati à Caio, & perfecti à Claudio; quippe lapideam excellentiam omnes vrbes, & montes æquantem, vt lauacra impleret, Curtios, atq; Ceruleos fontes adductos, erogata ad id opus talentum sexaginta millia. Is est aquæductus, quem à porta Næuia per Cœlii montis dorsum in Auentinum perducit Cassi. In frontispicio autem eiusdem portæ de restitutione eiusdem aquæductus hæc leguntur.

TI. CLAVDIVS DRVSI. F. CÆSAR AVGVSTVS GERMANICVS PONTIF. MAXIM. TRIBVNICIA POTESTATE XII. COS. V. IMPERATOR XXVII. PATER PATRIÆ AQVAS CLAVDIAM EX FONTIBVS QVI VOCABANTVR CERVLEVS ET CVRT. AMILIARIO. XXXXV. ITEM ANIENEM NOVAM. A MILIARIO XII. SVA IMPENSA IN VRBEM PERDVENDAS CVRAVIT.

IMP. CÆSAR VESPASIANVS AVGVST. PONTIF. MAX. TRIBVN. POT. II. IMP. VII. COS. III. DESIG. IIII. P. P. AQVAS CVRTIAM ET CERVLEAM PERDVCTAS A DIVO CLAVDIO ET POSTEA INTERMISSAS DILLAPSASQVE PER ANNOS NOVM SVA IMPENSA VRBI RESTITVIT.

IMP. T. CÆSAR DIVI F. VESPASIANVS. AVGVSTVS PONTIFEX. MAXIMVS. TRIBVNIC. POTESTATE X. IMPERATOR XVII. PATER PATRIÆ CENSOR COS. VIII. AQVAS CVRTIAM ET CERVLEAM PERDVCTAS A DIVO CLAVDIO. ET POSTEA A DIVO VESPASIANO PATRE SVO, VRBI RESTITVTAS. CVM A CAPITE AQVARVM SOLO VETVSTATE DILAPSÆ ESSENT NOVA FORMA REDVENDAS SVA IMPENSA CVRAVIT.

In eodem aquæductu iuxta hospitale lateranense, inter alios, hic positus est index.

M. AVRELIVS ANTONIVS PIVS FELIX AVG. TRIB. POT. IIII. PRO-COS. ARCVS COELIMONTANOS PLVRIFARIA MVETVSTATE CON-

LAPSOS ET CONRVPTOS A SOLO SVA PECVNIA RESTITVIT.

Partem autem huiusce aquæ in Capitolium à Caracalla fuisse deductam ferunt. Extant enim ruinæ formarum in Palatium vsque. In arcu vero tiburtino, huic aquæductui cõiuncto, propè ædem diuæ Mariæ in Dominica, vetustate corrosæ sunt literæ tales.

P. COR. P. F. DOLOBELLA COS. C. IVNIVS. C. F. SILLANVS FLAMEN MARTIAL. EX S. C. FACIVNDVM CVRAVERVNT IDEMQVE PROBAVERVNT.

Aquam quidem ipsam à Traiano in Auentinum perductam, Traiani nomen accepit, auth. Front. cuius adhuc apparent formarum vestigia apud S. Priscam, & in ruinis Thermanû Decij marmor paucis ante annis effossum id, quod Frontini verba, significabat.

A D D I T I O.

Pius IIII. Pontif. Maxim. Anno circiter quarto sui Pontificatus, qui fuit M. D. LXIII. cogitare cœpit de perducenda in urbem Aqua, quæ à nostris hodie Salonia dicitur, sicuti & deferendam ob Urbis ornatum & commoditatem curauit. Hæc aqua concipitur octauo circiter ab Vrbe milliario inter viam Tiburtinam & Prænestinam, & ea putatur esse, quæ olim Alsietina dicebatur; nam & de distantia, & de loco cum Iulio Frontino conuenit, nisi fortè fuerit Appia, quam inde pariter originem habere idem auctor asserit. Hæc aqua in Vrbe miscetur cum aqua virgine, & deriuatur primum sub colle hortulorum producens fontē in medio plateæ S. Mariæ de Populo, ad publicum & communem vsum, aliumq; ibidem ad sordes abluendas publicæ pariter commodati, tribuit pariter artificio rotarum & machinarum instructione aquam in summitate ipsius collis hortulorum, ad hortos amplissimos & magnificentissimos Ferdinandi Cardinalis Medici, Cosini magni Hetruriæ Ducis filij, deinde in regiones Triuij & Campi Martij affluenter suppeditat priuatos fontes & riuulos, & præsertim sub ipso colle hortulorum, vbi dicitur ad Sæctissimæ Trinitatis, regio tota perfunditur: Tum egregij fontes patent in hisce Plateis, nempe Columnæ Antoninæ vnus, S. Marci vnus, Rotundæ in qua Pantheon est vnus, in Agone tres, in platea Matthiorum, vnus: Ad fontes Triuij totius aquæ & virginis & Saloniæ caput deducitur. Præterea multis vndiq; locis per Urbē ablutoriij fontes, seu lauatoriij, (vt vulgò dicunt) visuntur, tum priuatim, tum etiam ad publicum omnium commoditatem fabricati, qui tempore Pij IIII. in hunc vsque diem constructi fuere.

Aquæductus aquæ felicitis nostro tempore exstructus est à Sixto V. Pont. Max. Anno M. D. LXXXV. primo sui Pontificatus, prout testatur inscriptio, imposita arcui erecto in ipsis aquæductibus intra Mœnia Urbis, prope portam S. Laurentij, quæ talis est.

SIXTVS V. PONT. MAX.
DVCTVM AQVÆ FELICIS
RIVO SVBTERRANEO
MILL. PASS. XIII.

SVBSTRVCTIONE ARCVATA VII.
SVO SVMPTV EXSTRVXIT.
ANNO DOMINI M. D. LXXXV.
PONTIFICATVS I.

Hæc aqua ducta est ex agro Lucullano, vel Tusculano potius, ac ea esse putatur, quæ olim Claudia vocitata est, ab ipso Appio Claudio, vt habetur ex Andrea Fulvio, qui primus eam in Urbem duxit: constat enim hanc, Romam fuisse ductam; ex subterraneis meatibus, qui propè illius fontem apparent. Concipitur autem via

tem via Labicana, seu Prænestina. xvi. ab Vrbe milliario, diuerticulo finistrorsum m. m. pass. ex fonte, seu palude, quam nostrates hodie Pantanum Gryphem vocant: ego verò Paludem Agrippæ potius dicerem, paucis immutatis. Nam constat M. Agrippā (vt ex Plin. Iulio Frontino, & aliis) multas in Urbem aquas deduci curauisse, ac veteres aquæductus restaurasse, quorum vnus aquæ huius fuisse legitur: à quo & fons ipse fortè nomen accepit. In hoc opere exstruendi aquæ felicitis ductum, ferunt ab eodem Pontifice centum millibus nummis aureis impensum fuisse.

Caput huius aquæ ad Thermas Diocletianas primum producitur, ibi in partes distribuitur: nam quadrans, seu quarta pars ad hortos, seu suburbanum summi Pontificis Sixti V. sub Exquiliis tendit, portionem ex reliqua Illustrissimus Ferdinandus Cardinalis Mediceus ad eius amœnissimos hortos in colle hortulorum irrigandos, & fontibus exornandos accepit. Tum in area Sanctæ Sufannæ prope Thermas ipsas Diocletianas Summus Pontifex tres amplas ingētesq; fornices ad aquas ibi subministrandas erexit. Inde s. p. q. r. eandem aquam in Capitolium ducendi per viam Piam facultatem tradidit: quiq; ductu subterraneo, opere tamen arcuato, per Siphones in aream Capitolinā transtulit, impensa vt relatum est, triginta quinque millium nummum aureorum.

CAP. LXXII.

De ys qua incertam sedem nunc in Cælio monte habent.

BRVTVS primus Cos. pulso Tarquinio Carnæ deæ Templum in Cælio monte exstruxit, sacrumq; voti reus fecit, quia cordis beneficio, cuius dissimulatione habebatur idoneus, emendationi publici status exstitit. Hanc enim deam vitalibus humanis præesse credebant, ab eaq; petebatur vt iecinora & corda, quæque sunt intrinsecus viscera salua conseruaret. Templum Claudij Cæs. conditum à Vespasiano, sed prius cœptum ab Agrippina in Cælio monte Neronem funditus destruxisse auth. est Suet. Mammura Formianus fabrorum Cæsaris in Gallia præfectus, Domum, quam in monte Cælio habebat, primus omnium Romæ marmoreis crustis exornauit. Plin. In Cælio Domum Claudij Centimali fuisse, ait Valer. Maxim. de qua Cic. meminit. Cum in arce augurium augures acturi essent, iussissentq; T. Claudium Centimalum, qui ædes in Cælio monte habebat, demoliri eas, quarum altitudo officeret auspiciis, emit Calphurnius Lanarius. Domus Tetricorum (inquit Pollio) qui duo, ex triginta tyrannorū fuerunt, hodieq; extat in monte Cælio; inter duos lucos, contra Ilium Metellinum pulcherrima. In eodem monte Iunij Senatoris Domum constituit Cor. Tac. Adduntur, ait, sententiæ, vt mons Cælius in posterum Augustus appellaretur, quando cunctis conflagentibus sola Tiberij effigies in domo Iuhij Senatoris inuiolata mansisset. Habuit Cælius Domum T. Claudij clypti hymnologo, quemadmodum in eius epithaphio legimus, & Cornelij Domum, qui, vt alij volunt, primus eam marmoreis tabellis exornauit: Martialis Campus, in quo, si quando aquæ Tyberis Martium campum occupassent, equiria fiebant, in Cælio à Sex. Pompe. collocatur, sicut ab Ouid. his carminibus.

*Altera gramineo spectabis equiria campo,
Quem Tyberis curuis in latus urget aquis.
Qui tamen ciecta si fortè tenebitur unda,
Cælius accipiet puluerulentus equos.*

Fuit

Fuit in eodem monte Macellum Magnum, Antrum Cyclopis. Spoliarium, & Armamentarium. Sed de Cœlio satis. Videamus quid à latere ipsius, quod Auētinum respicit, sit, aut fuerit.

CAP. LXXIII.

De Appia, & Noua via, ac de Isidis, Virtutis, Honoris, atque Quirini, siue Martis Aede, & Almone flu.



N situs Urbis descriptione dictum est conuallem, Appiamque viam, quantum ad Septentrionem spectat, à Palatino, quantum verò ad occasum hyemalem, à monte Auentino, Cœlium dirimere. Pom. autem Letus Appiam Brundisium vsque producit, à porta autem ad thermas Antonianas Nouam vult appellari. Sed Appiam etiam intra Urbem fuisse vsq; ad Constantini arcum innuit Spartianus, in ea Septizonium Seueri cum collocauerit, potuit tamen aliquando accidere, quod huius pars à Caracalla munita Nouæ nomen adepta sit. Quod autem Solinus dicit Tarquinium Priscum habitauisse ad portam Mugoniam supra summam Nouam viam, de alia intellexerim. Sunt qui putant viam Nouam à porta Palatii inchoasse, & per radices Palatini montis supra circum Maximum ad infimam Piscinam peruenisse, vbi nunc Diui Sixti ædes visitur. Verum, vt diximus, viæ Nouæ diuersis temporibus à diuersis hominibus nouiter deductæ, aut munitæ plures, & multis in locis fuere. Quocirca, nisi distinguantur tempora, infinita occurrent apud scriptores, quæ inter sese contraria videbuntur. Ad caput autem viæ Nouæ in regione Piscinæ inter prædictam ædem, spectandasq; thermarum Antoniarum ruinas, fuit Templum Isidis Antenodoricæ, ab Antonio Bassiano conditum, iuxta ipsius Thermas, vbi quædam marmora eruta sunt, cum inscriptione mutilata huiusmodi.

SÆCVLO FELICI ISIAS SACERDOS ISIDI SALVTARIS CONSECRATIO.

In altero verò fragmento sic legebatur.

PONTIFICIS VOTIS ANNANT DII ROMANÆ REIP. ARCANAQUE MORBIS PRÆSIDIA ANNANT QVORVM NVTV ROMANO IMPERIO REGNA CESSERE.

In via autem Appia, haud longè à porta Honoris, & Virtutis steterat Templum, quod M. Marcellus dedicauit, decimo septimo anno posteaquam à patre eius primo consulatu votum in Gallia ad Clastidium fuerat. huius meminit Cic. de natu. deorū Martis Tempia duo, inquit Ser. vnū Quirini intra Urbē, propè portam; quasi custodis, & Tranquil. alterum in Appia via extra Urbem, quasi bellatoris, & gradiui. Ful. verò scribit duo extra portam fuisse Martis templa. Vnum quatuor miliarijs ab Urbe distans: alterum paulò extra portam. quod si ita est, cur Ser. dixit duo, & non tria eius templa, vnum Quirini intra Urbem, & duo extra, quod erat consentaneum, secundum ipsum. Almo. flu. per viam Appiam, Auentiniq; radices in Tyberim fluens, longè ab Urbe ad. X. mil. pass. in agro maritimo oritur, Appijque Riuam vulgò nunc nominant. in quo Mater deorum Cal. Aprilis singulis annis à Gallis sacerdotibus ablucebatur. vnde Papinius.

Est locus ante Urbem, qua primum nascitur ingens

Appia, quag. Italo genitus Almone Cybelle

Ponit, & Idæos iam non reminiscitur amnes. Ouidius.

Est locus,

*Est locus, in Tyberim qua lubricus influit Almo,
Et nomen à magno perdit ab amne minor.*

A D D I T I O.

De via quæ vocatur Pia, quæq; ætate nostra æquata, & recta ducta est, aliquid bonis in præsentiarum est deliberandum. Hæc namque sub Pio Papa I V. anno M. D. L X I I. aperta fuit, vel potius ad rectitudinem strata; quæ antea per anfractus, ut plurimum ducebat ad Exquilinam, seu Nomentanam portam. Hæc vero via incipit ab ipsis equis Viridatis, qui in Quirinali locati sunt, quibus ostendunt colossi bini, simulacra nempe Alexandri M. Macedonum regis, opera egregiorum ac præstantissimorum artificum Fidiæ & Praxitelis. Hæc vero via ad portem usque Numentanum recta protenditur, tribus fere millibus pass. Ipse autem Pontifex ex valuis ædium Sancti Marci, quo æstus tempore suadebat, illam incipere voluit, sed morte præventus non perfecit opus. Sublata ergo Alta semita antiqua via, ac Nomentana porta, idem Pontifex de suo nomine utraq; vocavit, prout in frontispicio illius portæ inscriptio talis legitur.

PIVS IIII. PONT. MAX. PORTAM SVBLATA NOMENTANA EXTRVXIT VIAM PIAM ÆQVATA ALTA SEMITA DVXIT.

Huius etiam portæ Sciographiam delineavit egregius, ac celeberrimus artifex Michael Angelus Bonarota Florentinus, tribus artis generibus præstantissimus, prout eius opera testantur, hoc est sculptor eximius, pictor admirabilis, architectus vero singularis, ex tot qui nostra ætate florere, qui paulo post, nempe anno M. D. L X I I I I. nonagenarius, & ultra è vita decessit. Porta vero ipsa Nomentana ad iactum lapidis, vel paulo, amplius ab ipsa pia clausa est, ut cernere licet inscriptiuncula in marmoreo lapide cum insignijs illius Pontificis ipsis mœnibus affixa.

Hic Pontifex in elegantior formam, ornatum, & amplitudinem renouavit & aperuit portam, ac viam Flaminiam stravit, ut in præsentiarum cernitur, superimposita ipsi portæ à parte exteriori, subsequenti inscriptione, videlicet.

PIVS IIII. PONT. MAX. PORTAM IN HANC AMPLITVDINEM EXTVLIT VIAM FLAMINIAM STRAVIT ANNO III.

Idem pontifex anno circiter M. D. L X I I I. postquam fossa, vallo & aggeribus molem Hadrianam, seu castrum Sancti Angeli, & Vaticanum, & vicos ipsos, qui intermedii sunt satis munierat, cœptum est ibi prope mœnia, ob loci commoditatem ædificijs hinc inde deductis, exurgere vicus, qui de nomine ipsius Pontificis Pius vocitatus est, in cuius capite dextrorsus aperuit portam, quam pariter de suo proprio nomine Angelicam vocavit, ipse enim Pontifex Ioannes Angelus in baptismo vocatus est, è domo Medicea Mediolanensi.

Gregorius vero X I I I. Pont. Max. ad maiorem populi cōmoditatem ac vsu, viam quæ à basilica diuæ Mariæ Maioris ad sancti Ioannis Lateranensis tendit, aperuit anno Iubilei M. D. L X X V. ut cernitur in superepistiliis porticus ipsius basilicæ hac inscriptione.

GREGORIVS XIII. PONT. MAX. EVGENII LABANTEM PORTICVM DEIECIT AC MAGNIFICENTIVS RESTITVIT VIAM RECTAM AD LATERANAM APERVIT ANNO IVBILEI M. D. LXXV.

Quæ porticus cum ab Eugenio I I I. Pont. annis circiter 430. elapsis, erecta esset, iamque vetustate collaberetur, tamen pietas, & modestia Gregorii Pontificis non tulit aboleri penitus monumentum illius optimi Pōtificis, sed inscriptionem, quæ carminibus illius tempestat in ipsis superepistiliis columnarum insculpta erat, iussit reponi, sicut antea reperiebatur, quæ talis est.

*Tertius Eugenius Romanus Papa benignus,
Obtulit hoc munus virgo Maria tibi.*

*Qua mater Christi fieri merito meruisti,
Salua perpetua virginitate tibi.
Es via, vita, salus, totius gloria mundi
Da veniam culpis virginitatis honor.*

E basilica D. Mariæ Maioris, præter viam Lateranam quæ à Gregorio XIII. vti diximus, aperta est, duæ aliæ nuper certæ sunt viæ, quas Sixtus V. Pont. Maximus initio feri sui Pontificatus, hoc est anno 1585. aperuit, & strauit, quæ sese ad inuicem ac in biuium ita distinant, vt literæ Pythagoræ Y. formam quandam præferre videantur, dextra enim ad Basilicam sanctissimæ Crucis in Hierusalem in Agro Sessoriano tenditur, quæ ampla satis & recta spectabilem præbet obtutum, in cuius medio, paulò ultra, ac prope veteres aquæductus aquæ Claudiae in lapide marmoreo parieti nuper affixo sub insigniis eiusdem Pontificis adest subsequens inscriptio.

SIXTO V. PONTIFICI MAX. QVOD VIAM FELICEM APERVIT
STRAVITQVE PONT. SVI ANNO I. M. D. LXXXV.

Sinistra vero non minus recta, lataue quam altera, tenet portā Esquilinam, nunc sancti Laurentii, & deinde templum ipsius sancti extra mœnia, prope quam videtur erectus arcus insignis in mediis ipsius aquæductibus, qui felix dicitur, in cuius fronte è latere læuo, versus eandem portam, legitur hæc inscriptio.

SIXTVS V. PONT. MAX.
VIAS VTRASQVE ET AD S. MARIAM
MAIOREM ET AD S. MARIAM
ANGELORVM AD POPVLI
COMMODITATEM ET DEVOTIONEM
LONGAS LATASQVE
SVA IMPENSA STRAVIT
ANNO DOMINI M. D. LXXXV.
PONTIFICATVS I.

Hæc via de qua superius diximus à nonnullis Montaltam appellari audiui, de nomine patriæ ipsius summi Pontificis, altera vero, cuius ante hanc commemini felicem etiam ex illius lapidis, quæ citauimus, inscriptione, vocatam esse probatur.

Aliam quoq; viam aperuit & strauit idem Summus Pontifex, quam æque felicem appellauit, nisi malimus vnam eandemque esse cum illa felice, cuius supra meminimus, interiecta media tantum Basilica eadem Sanctæ Mariæ Maioris: Hæc enim de qua nunc agimus, incipit ab ipsamet Ecclesia, sed ab ea regione quæ partem occiduam & septentrionem spectat, ac montem ipsum Exquiliarum infra se habet, obeliscum ex Augusti Mausoleo ab ipso summo Pōtific. erectum, obuium tenet, ac ad templum vsque sanctissimæ Trinitatis in monte Pincio protenditur, viam Piam mediam interfecans. Hæc pariter Felix (vt dixi) vocata est, cui à latere dextro, prope suburbanum Pontificis est alia noua via nuper aperta & strata, qua ad thermas Diocletianas itur, hoc est ad diuæ Mariæ Angelorum templum. Hæc via à dextra tantum habet ipsius Pōtificis suburbanum, in cuius capite porta est ingens & ampla, præfati Summi Pontificis.

E Thermis Diocletianis seu potius è templo ingenti S. Mariæ Angelorum surgit alia via lata, recta & æqua, ab eodem summo Pontifice aperta & strata, quæ ducit pariter ad portam Esquilinam, nūc S. Laurentii, cuius meminit inscriptio superius à nobis citata, dum viam Montaltam adduceremus.

Aperta est pariter & strata alia via ab eodem summo Pontifice, licet non penitus æquata, quæ à Basilica præfata sanctæ Mariæ Maioris ducit ad montem, qui dicitur ad Balnea Pauli, vulgo autem, Bagnanapoli. Hæc exactis Exquiliis, Vimina-

Viminalē ascendit descenditque, ac domum montem ipsum ad balnea Pauli scandit, nec ulterius hucusque protenditur, atque inter omnes vias ab eodem summo Pontifice apertas minus æqua, & strata videtur, ob exaggerationis siue exæquationis difficultatem: nam valles profundæ nimis, æquandæ & aggerandę forent, cum aliarum forte non modico viarum incommodo, ut intuentibus patet.

Supererat de celeberrima viarum, quæ nunc instat aperienda, aliquid dicendum. Hæc namque ab area Capitolina ad diui Ioannis Lateranensis ædes recta ferre debet, ac ibi terminare, ad scalas marmoreas, quæ sanctæ appellantur, quæque paulum amouendæ sunt, à propria sede, habebitque Obeliscum Constantii, Deo fauente erigendum ante ipsos ædes, obuium. Hanc vero creditur, nobilissimam, & amplissimam omnium, quæ ab eodem Summo Pontifice viarum apertæ sunt, futuram.

CAP. LXXIII.

*De Thermis, & Palatio Antonini
Caracallæ.*



ANTONINVM Caracallam Thermas, quæ ab eo Antonianæ sunt denominatæ, struxisse, in eius vita Spartianus sic testatur: Opera Romæ reliquit, thermas sui nominis eximias, quarum cellam solearem architecti negant posse vlla ratione fieri, nisi qua facta est, nam ex ære cupro cancelli suppositi esse dicuntur, quibus cameratio tota concredita est, & tantum est spatii, ut id ipsum potuisse fieri negant docti mechanici. Lamp. vero has inchoatas ab Antonino, Seuerum perfecisse, atque exornasse refert. Visuntur adhuc in radicibus Auentini, ad viam olim Ardeatinam, & apud nunc S. Balbinam, harum ingentes ruinæ, cum altis parietibus, columnisque semisepultis miræ & magnitudinis, & pulcritudinis. Magnum autem ambitum amplectebantur, & ductus ille aquarum, qui ante portam Capenam transit, in eas olim aquam deducebat. Sub thermis Antoninus ipse nobilissimū posuit palatium, cuius vestigia vix supersunt.

CAP. LXXV.

De Auentino.



OLLIS autem Auentinus, quartus in ordine montium fuerat collocatus: de cuius ambitu & forma, cum multa supra dicta sint, reliquū est, ut quibus ædificiis exornatus esset nunc videamus, primum tamen vnde dicatur. Auentinum igitur montem ab auibus, quæ vesperi ex Tyberi illuc cubitum aduolabant, denominatum quidam volunt. Hinc Virg.

Dirarum nidis domus opportuna volucrum.

de Auentino locutus. Alii a rege Aboriginum illic & occiso, & sepulto. Var. tamen dicit ingentem Po. Rom. Sabinos à Romulo susceptos istum accepisse montem, quem ab Auante provinciæ suæ fluuio, appellarunt Auentinum. Constat ergo varias opiniones postea secutas. Nam à principio Auentinus dictus est ab auibus, vel rege Aboriginum, vnde hunc Hercules filium constat nomen à monte accepisse, non præsistisse, auth. Ser. Idem autem Var. post varias quorundam opiniones, subdit. Ego maxime puto ab aduectu, nam olim paludibus mons erat ab reliquis disclusus, itaque eò ex vrbe via qui aduehebantur ratibus, quadrantem soluebant. Alii ab aduentu hominum, quod commune Latinorum ibi Dia-

næ templum sit constitutum. Huic autem monti Remurio aliquando dixere nomen. Et quanquam Sex. Pom. refert Remuriam locum esse in summo Auentino, vbi Remus de vrbe condenda auspicatus fuerat; non tamen obstat quin totus mons Remurius appellaretur, quem Romulus neminem passus est habitare, sed sacrum fratri esse voluit vsque ad hylernam. Dionysius autem prodidit, Ancum Martium Auentinum muro cinxisse, contra Gellii opinionem, qui, vt demonstratum est, dicit neque Ser. Tullium neque quempiam aliū, ad diui Claudii tempora vsque, hunc montem, tanquam auibus obscœnis ominosum, intra pomerii fines recepisse. Quare aut post Ancum statim exclusus, aut secundum Liuium, ab eo nouæ multitudini datus, non tamen Vrbi aditus est iuxta eiusdem Gellii opinionem, qui vult vrbani auspicium pomerii finem facere. Quæ autem in eo fuisse traduntur, breuiter exponamus.

CAP. LXXVI.

*De Dianæ, Bonæ deæ, Herculis Victoris, Iunonis Reginae,
 & Monetæ, Lunæ, Victoriæ, Mineruæ, & Libertatis
 Templo, ac Ara Iouis Elicij.*



N vertice autem Auentini montis, qui Tyberim despicit, stat Diuæ Sabinæ Templum, quo in loco olim Dianę, ad eam nempe partem, quæ naualia spectat. Appianus enim commemorat Gracchum hoc ascendisse templum, atque inde ad alteram fluminis partem per pontem ligneum transiisse. De hoc quidem templo Sex. Pomp. sic meminit. Seruorum dies festus existimatur idibus Augusti, quod eo die Ser. Tull. natus è serua ædem Dianę dicauerit in Auentino, cuius tutelæ sunt cerui, à quorum celeritate fugitios vocent seruos. Cômune autem erat omnibus Latinis, quod ideo instituisse videtur, vt ostenderet lege naturali seruos nihil distare à ceteris hominibus. Dion. enim huius Templi Ancum Martium authorem fecisse videtur traductis, inquit, ex Tilleris, Politorio, aliisq; Vrbibus quoscunq; cœperat colonos, ibi collocauit, persuasitq; vt templum Dianæ ædificarent, adicerentq; statutis temporibus inducias, vt si qua facta inter eos offensio esset, per hæc sacra dissoluerent, posteaq; rex pecuniis, quas contulerant Vrbes eæ omnes, exstruxit Dianæ fanum, in maximo Romæ collium Auentino collocatū, legesq; in base ærea conscripsit, in delubro Dianæ sita. Hinc patet, quod si prius hoc templum non fuit in Auentino, quàm tempore Anci regis, non potuisse ab aduentu hominū Auentinus appellari: cum constet ante Anci imperiū hoc nomen obtinuisse. Sequitur in eodem vertice, haud procul hinc, ædes S. Mariæ cognomento Auentinæ, vbi Bonę deæ templum extitisse ferunt, in honorē Fatuæ castissimæ sororis Fauni à Claudia vestali conditū, postea vero à Liuia restitutum. Bonæ deæ autem sacra à solis scæminis peragebantur, neq; licebat viris interesse: vnde Cic. criminatur P. Clod. quod ausus sit hæc sacra, quæ pro salute Po. Ro. fiebant, sua præsentia turbare, atq; polluere. Spartian. ait Hadrianum ædem Bonæ deę transfuisse, quo autem non dicit. In crepidine ad eundem fluuiū pertinente, vbi nunc Diui Alexii, fuit Herculis victoris templum, & ab eo haud procul Iunonis Reginae, ex parte Veientanæ prædæ à Camillo conditū, de quo secundo bel. pu. mentionem facit Liuius. Sed Hercules alterum habuisse dicitur, eo in loco, vbi nunc in ruinis thermarum Decii Imperatoris ecclesia D. Priscæ est sita. In dorso autem Lunæ constituit Quid. his carminibus.

*Luna regit menses, huius quoq; tempora mensis
Finit Auentini Luna colenda iugo.*

Liuius: Atrox cum vento tempestas forem ex æde Lunæ, quæ in Auentino est, raptam tulit. Istitis autem certum locum à peritis topographiæ Urbis assignari solet, incertum vero sequentibus, veluti Victoriæ Templo, quod ab Arcadibus exstructum, ab eisdemque sacra eidem deæ constituta narrat Diony. Mineruæ autem à Sex. Pomp. Iunonis vero à Valerio Max. in eodem monte collocatur: à Liuius vero Libertatis, multatitia pecunia cum æreis columnis, & statuis pulcherrimis à patre T. Gracchi, & conditum, & dedicatum, cuius atrium ab Helio Petro, & Cor. Cethego censoribus fuit restructum & ampliatum, & nouissime à Polli- one, vt tradit Suetonius, instauratum, de quo Liuius quinto decadis quintæ meminit his verbis. Hæc inter ipsos disceptata, postremo eò descensum est, vt ex quatuor Urbanis tribubus, vnâ palam in atrio Libertatis fortirentur. Libertatē enim Deam in primis coluere Romani, vtpote Libertatis assertores. Habuit Auentinus & aram Iouis Elicii à Numa dicatam, quæ ab eliciendo secundum Var. nomen adepta est. Habuit & Murcæ veterem aram, nam prisca Venerem Murceam vocabant, à myrto ei dicata, vel, vt alii, quod præter modum non moueret ac faceret hominem murcidum, ac nimis desidiosum & inactuosum. Iunonis Monetæ ædem etiam in Auentino fuisse, literis traditur. Camillus autem dictator in eodem, Matutæ matri templum consecrauit, auth. Blon. qui ex Plin. refert Laurentium Syluam Ioui sacram fuisse in hoc ipso colle, & in ea Valentinianum Gallæ Placidie filium interfectum. De Sylua hac vide Var. & Liuium.

CAP. LXXVII.

De Caco & eius Spelunca.

ACI Speluncam supra ædem Diuæ Mariæ in schola græca, qua parte Auentinus palatium videt, fuisse, putat Blon. at locus accliuus nullum speluncæ præferebat vestigium. Virgil. autem in montis crepidine, loco maxime edito, ponit his carminibus.

*Stabat acuta flix præcis vndiq; saxis
Spelunca dorso insurgens altissima visu.*

Melior est ratio, quod facit ad Tyberim incumbere dum subdit.

*Hanc, vt prona iugo leuam incumbibat ad amnem,
Dexter in aduersum nitens concussit, & imis
Auulsam soluit radicibus, inde repente
Impulit, impulsu quo maximus insonat ether.
Dissultant ripæ, refugitq; exterritus amnis.*

Quod si placet speluncam ipsam ad Palatinum montem pertinere, non procedit, quod ait Poeta: incumbibat ad amnem, abest enim locus ille à fluuio ad teli iactum, à Tyberi; est auersus. Quod autem Ser. dicit Tyberim per circum Maximū fluxisse, de alio tempore, quam quo Hercules in Italiā venit, loqui opinamur. Si enim ad Herculis aduentum referre volumus, obstant, que de ipso à Vir. & Liu. tradita sunt, quemadmodū de ficu ruminali scribentes supra demonstrauimus. Arbitramur igitur Caci speluncam eregione S. Mariæ Auentinæ ædis fuisse, vbi fluuius accedit quam maxime prope Auentino, & mons ipse plurimus attollitur, rupesque tota est scabra, & spelūcis aptissima, quod innuit Dio. prope portam tergemina speluncam ipsam qui constituit, narrans Herculem Caco clauo mactato & spelunca euerfa, arā Iouis Inuentoris erexisse ei loco proximam, eamq; suo tempore iuxta portam tergemina extitisse. Cacus autem

secundum fabulam Vulcani filius fuit, ore ignem, ac fumum vomens, qui vicina omnia populabatur. Veritas tamen habet, hunc fuisse Euandri nequissimum seruum ac furem, nouimus enim malum à Græcis *κακόν* dici, quidam ita Arcades illo appellabant tempore: postea translato accentu Cacus dictus. Scalæ autem Caci ad ipsam speluncam fuisse fabulantur.

C A P. LXXVIII.

De Armilustro, & quibusdam aliis rebus in genere positis.

OLATERANVS inquit, Armilustrum putauerim, id spacii, quod in Testaria nunc est: nam in regione Auentini ponitur; nec sane aptior locus recensendis armis, ac militibus ostenditur, hanc sequitur Ful. Plu. autem ait Armilustrum locum in Auentino, vbi Romulus Tatium sepeliuit. Vnde apparet istos non recte sentire, quia aliud est esse in Auentino, aliud in Auentini regione. Var. tamen Armilustrum, & circû Maximum eundem esse arbitratur. Sex. vero Pom. festum quo res diuinas armati faciebant, ac dum sacrificarent tubis canerent. Quare opinor locû in quo festû hoc agebatur, siue in Auentino ad Tatii sepulchrum, siue in circo Maximo, eodem nomine appellatum, quo & locus, vbi perfectis bellis arma reponebâtur. Romani enim arma priuatim non tenebant, sed in reditu exercitus in Armilustrû, aut in Tarpeiam rupem reponebant: hinc Spartianus dicit, Vespasianum ex Armilustro arma legionibus permisisse, & Lucan. iam rupes Tarpeia sonat. In Auentino autem, iuxta Reginæ Iunonis templum, fuere Gemoniæ scalæ per quas nequâ & fontes vnco trahebâtur, erat enim locus præceps in quem facinorosi tracti excarnificabantur. Suet. in Tyb. Imp. funere: Alii, inquit, vncum & Gemonias minabantur, & in Vitel. Tandem apud Gemoniam munitissimis ictibus excarnificatus, inde vnco tractus in Tyberim. Domum Phylidis apud Dianæ templum. Propertius.

Phylis Auentina quadam est vicina Diana.

& reliqua. Remoria locus, vt dixi, in Auentino, vbi Romulus Remum sepeliuit, quandoquidem & viuens eum locum ille sedibus destinabat. Thermas Decianas in honorem Decii Imp. à S. P. Q. R. ædificatas in eodem monte fuisse volunt, & apud has Varianas. Traiani vero cum priuatis ædibus in vinea Francisci Albertini eius, qui quædam cursim de antiquitatibus Vrbs in lucem edidit. Fabulantur in Auentino fuisse Fauni, & Pici antrum, fontemq; ex quo bibebant, atq; Numâ illic vino apposito eos ebrios factos coniecisse in vincula, & ab his fulmina elicere didicisse. De hoc autem fonte Ouid. in Fast. meminit.

Lucus Auentino suberat niger ilicis umbra,

Quo posses viso, dicere, numen adest.

In medio gramen, muscog, adoperta virenti

Manabat saxo vena perennis aqua.

M. Cato Italum Auentinum coluisse, Liuius vero in eodem, cum plebs à patribus in montem sacrû secessisset, decem tribunos plebis creatos & Cor.

Tac. Diui Tiberii tempore incendio exustum esse memorant. Hactenus autem de Auentino.

De Testaceo monte, & de ijs, quæ in eo ambitu fuere.

INTER Auentinum montem, & Tyberim, ac vrbis mœnia, quatuor laterum inæqualium planiciem collocauimus: in qua, haud procul à mœnibus ad ortum hyemalem pertinentibus, surgit collis, quem vulgo Testaceum vocât. Quo cum animi recreandi gratia munificentissimus vir NICOLAUS Rens, prot. ap. qui rerum experientia, & singulari fide Gallorum regis à secretis existit, me adduxisset, essentq; vna AMBROSIVS Recalcatus, & ANTONIVS Carpanus Mediolanen. & quidam alii honesti viri, in quorû numero fuit etiam BART. de forbicibus, ac FRAN. pontius Placen. (hos enim omnes literis, honestisque moribus ornatos, & integerrimos honoris causa nomino) rogassentque, an collis ipse ex fragmentis valorum fictilium, in quibus prouinciæ tributum Popul. Roman. ferebant, esset coaceruatus? respondi, inueteratam opinionem illam prorsus ridiculam esse, neque apud aliquẽ scriptorem inueniri, subditos Romanis tributa testaceis vasibus detulisse, sed (vt etiam Blon. refert) consueuisse Quæstores in prouincias mitti, quibus ea exigendi cura esset, exactaque legionibus in stipendia distribuendi, nisi in ærarium Romam mallent deferri, Catonemque Vticensem Quæstorem in Asiã Cypramq; missum, habita à prouincialibus tributa non fictilibus urnis, sed sacculis in summa naui puppi gestauisse, subere ea ratione longissimis alligatis funibus, vt si naufragio cum naui ipse periisset, supernatans suber ostēderet in fundo depositum, tributorumq; pecunia Pop. Ro. salua esset, propterea me credere collem ipsum aggeratum quidem esse ex fictilium fragmentis, at ex ijs, quæ à figulis in ista regione officinas habētibus, contulissent, quandoquidem Pli. ostendit fictilium maximum vsum fuisse apud maiores, adeo vt deorû simulacra, templorumque ornamenta, & ipsa parietum crustamenta ex fictilibus conficerentur, cuius sunt hæc verba: Turianumque à Fregellis accitum, cui locarat Tarquinius Priscus Iouis effigiem in Capitolio dedicandam, fictilem fuisse eam, & ideo non mirari solere fictiles in fastigio templi eius quadrigas, de quibus sæpe diximus: ab hoc eodẽ factum Herculẽ, qui hodieq; materiæ nomen in vrbe retinet. Hæ enim tamen effigies Deum laudatissimæ erant, nec pœnitet nos illorum qui Deos tales coluere, aurum enim, & argentum ne in Diis quidem conficiebatur. Durant etiamnum plerisque in locis talia simulacra. Et mox: Atqui Numa Rex septem collegia figulorum instituit. Quin & defuncti sese fictilibus doliis condi maluere. maior pars hominum terrenis vtitur vasis, M. etiam Var. figulos vno in loco fuisse indicat, cum dicit Venerem Myrteam fuisse inter figulos, & Sex. Ruff. Vrbis Romæ descriptio habet, in regione prima porta Capena fuisse vicum vitrariorû. Cum itaq; figulorû eam esse opificii conditionẽ videamus, vt longe ab aquis haberi non possit, cum etiã eius artis purgamenta, si nimis multa in aruis dispergantur, ea reddant cæteris vsibus inutilia, sin in flumen abiiciantur, aut illud in breui compleant, aut difficillime eruantur: prudenti consilio factum tenemus, vt tam multa figulorum collegia à Numa Rege instituta myrteis, & secus flumen apud Vitrariorum vicum ibi fuerint locata, vbi nunc testaceum inter montem & Tyberim vineas videmus: Quod si Numę regis temporibus figulorum collegia fuerunt septem, quanto plura credimus esse addita, Romani populi multitudine non minus aucta, quam fuit imperium dilatatum. Hæc omnia attente considerantes mirari solemus, cur Testaceus mons supra fidem eorum, qui non viderunt, arduus, non in alpem potius insurrexerit.

Ambi-

Ambitus autem huius duobus millibus vix perficitur pedibus, altitudo vero cētum sexaginta, cucurbitæq; habet formam, cuius latior pars ad Tyberim, inter translyberinam regionem, & urbem fluentem, pertinet. In eadem planicie fuisse etiam Lignarios, & Emporium ostendit Lilius.

CAP. LXXX.

*De meta, quæ sudans dicta est, & Iouis
Simulacro.*



POST Auentini montis descriptionem, Ianiculum recto ordine sequi dixeramus, eum autem commodius relicturos ad eam partem situs Urbis, quæ Translyberinam complectitur regionem. Succedent igitur Exquilias, quas à meridie, siue ortu hyemali via Labicana, ab occasu vero vsque ad Amphitheatrum conualle, CCCC. pedum latitudine eandem viam complectente, à Cœlio monte diuisimus, prius tamen quam ipsas aggrediamur, quid in hac ipsa via, & conualle fuerit, aut sit, breuiter dicendum. Ab hortis itaq; templi diuæ Mariæ nouæ, vnde digressi sumus, auspicari conueniens erit. Ante Constantini triumphalem arcum exstat antiquæ metæ latericia, & dimidiata rotunditas, quæ Meta Sudans à P. Victore appellatur, quod ex ea aquas manasse fama est, quibus plebs ex proximi Amphitheatri spectaculis sitim extingueret. In huius vertice Iouis æneum simulacrum stabat. Illud autem hoc loco notandum, maiores ad percutiendum fœdera Iouis simulacrum adhibere consueuisse, quod cum tediolum esset, præcipue quando cum longe positis gentibus percutiebantur, inuentum est, vt sceptrum tenentes quasi imaginem simulacri redderet Iouis, cuius proprium est sceptrum, ea peragerent.

CAP. LXXXI.

*De Amphitheatro Titi Vespasiani, ac de
Templo Fortuna, &
Quietis.*



SVRGIT inter Cœlium montem, & Exquilias Amphitheatrum, vulgo Colosseum appellatum, quod media urbe, vt destinasse compererat Augustum, Vespasianus excitauit, Titum deinde eius filiū dedicauisse ostendit Suer. his verbis. Et tamen nemine ante se munificentia minor amphitheatro dedicato, thermisq; iuxta celeriter extructis munus apparatissimum largissimumq; dedit. Vtrique tamē, id est patri Vespasiano & Tito eius filio, amphitheatri opus attribuere videtur. Eusebius vero exstructionis & dedicationis Titum authorem facit & Cassiodorus, qui, vt diximus, asserit ipsum Titum. falso tamen, primum omnium huiuscemodi excogitauisse molem. Titum autem vel inchoauisse, & perfecisse, vel cum genitor cœpisset, absoluisse nemini dubium videri potest: si quis reliqua ædificia ab eodem prope extructa cognorit. Mar. vero hanc ipsam molem Domitiano attribuit, sed id factum est per adulationem, Colosso enim fuit nomen à Neronis Colosso, qui erat in porticu domus, vt in æreis eius numismatibus sæpe vidimus. Verum vtrum Titus intra amphitheatrum concluderit, aut postea eò transtulerit, aut ædificando prope stare permiserit, parum liquet, & tamen à Colosso nomen obtinuit, quo in loco ipsius Neronis ita gna prius fuisse, idem Martial. sic testatur.

Hic,

*Hic, ubi conspicui venerabilis amphitheatri
Erigitur moles, stagna Neronis erant.*

Ipsū autem amphitheatrum Arenam appellatum legimus, quod solum arena sparsum esset, ea nempe de causa ut gladiatores, certatoresq; reliqui sine periculo caderent; simulq; sanguis illico tegeretur, ne illius aspectu pugnantes aduersarios timerent, minusq; alacriter in certamen descenderent: & nudati perunctiq; pugiles eo puluere perfusi solidiores vicissim præberent amplexus. Amphitheatrum, inquit Plin. Tiburtino lapide exstructum tantæ altitudinis, ut eo vix humanis oculis inspicere possit. Habet autem forinsecus porticum vnus structuræ, per quam fuerant ingressus, & ascensus. In singulis verò arcubus superioribus marmoreæ statua cū incrustatione, & signis intrinsecus, & extrinsecus. in quibusdam verò fornicibus ornamenta ex gypso adhuc cernuntur. sub ipsa mole deductæ sunt Cloacæ, quibus magna pars sustinetur, author Pomp. Letus. Caueam, quæ ludorum diebus linteis operiebatur, loca septem & octuaginta millia cœpille refert. P. Victor. At sedentium loca, & cunei qualiter essent diuisi, & quibus gradibus singuli ordines ad sedes suas ascēderent, facilius ex Veronensi, quam è Romano amphitheatro cernere licet. cuius, cum vetustate, tum barbarorum inuidia, & immanitate magna pars euersa est. Quæ enim penitus dele-re non poterant, impia lancinarunt manu. quemadmodum in plerisq; aliis ædificiis fecisse videmus. Exstāt, & Albē in hortis S. Pauli antiquissimi amphitheatri vestigia. Fortunæ Equestris Ædem, apud amphitheatrum, à Fulvio Flacco positam esse Liuius secundo, quintæ dec. his verbis declarat: Q. Ful. Flaccus censor ædem Fortunæ equestris vouerat, faciebat enixò studio, ne vllum Romæ amplius, aut magnificentius templum esset, magnum ornamentum se templo ratus adiecturum, si tegulæ marmoreæ essent, profectus in Brutios Iunonis Lacinia ad partem dimidiam detegit, id satis fore ratus ad tegendum quod ædificaretur. Fortunam autem pluribus in locis templa habuisse testatur Tacitus septimo libro. In via Labicana fuit Quietis Ædes.

CAP. LXXXII.

De Exquilis.

EXQVILIA s in plures partes à M. Var. diuisas esse dictum est, & quia ipsius verba nō modo earum partium nomina, verum etiam vnde denominatæ sint Exquilæ, declarant, subtexere hic non grauabor. Secundæ, inquit, regionis Exquilæ. Alij has scripserunt ab excubiis regis dictas. alij quod excultæ à rege Tullo essent. huic origini magis conueniunt luci vicini, quod ibi lucus Martis, Iunonis Lacinia, Fagutalis, & Larium querquetulanum Sacellum, & Lucus. Exquilæ duo montes habiti, quod pars Cæsius mons suo antiquo nomine etiam in sacris Argeorum scriptum est sic. Oppius mons princeps Exquilinum lucum fagutalem sinistra, quæ sub mærum est. Oppius mons terticeps lucum Exquilinum dexterior via in Tabernola est. Oppius mons quadriiceps lucum Exquilinum viam dexterio-rem in figulis est. Septius mons quinticeps lucum prætilium, ex quibus est. Cæsius mons sexticeps, apud ædem Iunonis Lacinia, vbi æditimus habere solet. Hæc autem montium nomina aduētitorum Ducum fuisse, memoriæ proditū est, qui eos ante Urbem conditam coluere. His etenim Varoni opinionibus, alteri quidem suffragantur Ouidij hæc carmina.

*Adde, quod excubias, vbi rex Romanus agebat,
Qui nunc Exquilias nomina collis habet.*

Z

Alteri

Alteri verò M. Cato, qui ait Exquilias ab excubiis, sed quas Romul. Locum o dedit XII. lictorum, & CCC. armatorum ad corporis custodiam, simulq; dignitatem, cum T. Tatius in fide societatis non sine suspitione esse videretur. Alij ab aucupibus, quod ibi quisquiliis sparsis aues illuderentur. Volunt tamen eam partem, quæ secundum viam Labicanam, hinc ad sanctorum quadraginta Martyrum, & Clementis, inde ad S. Petri in vinculis, & Martini in montibus ecclesias perducit, Carinarum nomen habuisse, quod Liuius probat, cum sexto belli pun. inquit: Media Vrbe per Carinas Exquilias contendit, vbi vnum ab altero diuidit. Et quoniam hæc pars, antequam Ser. Tullius Exquilias auget, prima Vrbi erat iuncta, ab ipsa rectè auspicaturi videmur.

C A P. LXXXIII.

De Carinis, Curia Veteri & Noua.

CARINÆ sunt ædificia facta in modum Carinarum; quæ erant intra templum Telluris, author Seruius. Lautas dixit Poeta, aut propter elegantiam ædificiorum, aut propter Augustum, qui natus est Cunis veteribus, & nutritus in lautis Carinis. Quo in loco videndum ne apud Ser. v. l. ubris, non cunis sit legendum. Scribit enim Porphyrio Augustum nutritum esse in auito suburbano iuxta Velitras, locumq; Vlubrem appellari. quamquam, vt dixi, Suet. velit ipsum natum ad capita Bubula. & Porphy. nutritum, non natum scribit. Carinæ, inquit Var. postea cerionia, quod hinc oritur caput sacre viæ ab Sterniæ Sacello. In ea autem parte Carinarum, vbi nunc apud ædem S. Petri ad vincula fornices maximos, inter ruinarum vastitatem, contra amphitheatrum extare cernuntur, Curiam veterem fuisse autumat Blon. fuerunt & Nouæ proximè compitum fabricium ædificatæ, quod parum amplæ erant veteres à Romulo factæ, vbi is populum, & sacra in partes XXX. distribuerat, vt in iis ea sacra curarent, quæ quando ex veteribus in nouas euocarentur, septem curiarum per religionem euocari nō poterat, ita quod Foriensis, raptæ, velliensis: velitiæ res diuinæ fiunt in veteribus curiis auth. Sex. Pomp. Curia in qua habebatur senatus templum fuit. hinc Virg. hoc illis Curia templum. Quod autem hæ, quas Blon. dicit Veteres, sint à Romulo ædificatæ, non sequitur, quia fuissent extra Urbem à se conditam, & Romulum in Vrbe curiam fecisse omnium est opinio. Arbitramur igitur aut nouas fuisse, aut veteres appellatas ratione aliarum, longo tempore post, quam fuerunt ædificatæ.

C A P. LXXXIIII.

De Clivio Virbio, & Domibus Ser. Tullyj, Aurea Neronis, Virgilij; ac de Turri Mecænatis, & hortis, simulq; de Fortuna & Felicitatis Templo.



ARS autem ea Exquiliarum, quæ plurima ecclesiæ S. Laurentij in fontana imminet, Clivus Virbius est appellata, vbi lucus Fagutalis, quo in loco Ser. Tullium domum habuisse visum est supra, vbi de vico Scelerato egimus. Domus Aurea Neronis totum id spacij occupauit, quod est ab ea Palatij parte, quæ nunc S. Gregorij ædem eregione habet, rectè veniendo per Constantini arcum Colosseum, atque Carinas, quousque in Exquilias, paulo ultra S. Mariæ Maioris ecclesiam, perueniamus, & Mecænatis attingamus

gamus hortos. quod probat Cor. Tac. his verbis. Eo tempore Nero Antij agens, non ante in Urbem regressus est, quam domui, qua Palatiū & Mecænatis hortos continuauerat, ignis propinquaret, neq; tamen fisti potuit, quin & Palatium, & domus, & cuncta circum haurirentur & infra: Cæterum Nero nixus est patriæ ruinis exstruere domum, in qua nō tam gemmæ, & aurum miraculo essent solita pridem, & luxu vulgata, quam arua & stagna, & in modum solitudinum, hinc syluæ, inde aperta spatia & prospectus. Suet. Nero, inquit, domum à Palatio Exquilias vsque fecit, quam primo Transitoriam, mox incendio absumptam, restitutamque Auream nominauit; Huius autem amplitudinem ostendit ille, qui dixit:

Roma domus fiet, Veios migrate Quirites;

Si non & Veios occupat ista domus.

Tanta quidem fuit eius laxitas, vt porticus triplices miliarias haberet, item stagnum maris instar, circumseptum ædificiis ad urbium speciem, rura insuper aruis, atque vinetis & pascuis, syluisq; varia cum multitudine omnis generis pecudum & ferarū. In cæteris partibus cuncta auro lita, distincta gemmis, vnionumq; conchis. erant cænationes laqueatæ, tabulis eburneis versatilibus, vt flores fistulis, & vnguenta desuper spargerentur. præcipua cænationum rotunda, quæ perpetuo diebus ac noctibus, vice mundi, circumageretur. Balneæ marinis, & albulis aquis fluêtes. Huiusmodi domum cum absolutam dedicaret hætenus comprobauit, vt se diceret quasi hominem tandem habitare cœpisse. in cuius vestibulo stabat, vt dixi, eiusdem principis Colossus, altitudine c x x. pedum, qui eo defuncto mutato nomine, Soli fuit dicatus: hunc Zenodorum è Gallia accitum fecisse tradit Plin. statuarumq; moles turribus pares Colossos vocari. Sex. Pomp. à primo inuētore Colossus denominatum scribit. Idem Plin. commemorat Neronem in domo aurea Ædem Fortunæ inclusisse, quæ ex lapide phengite translucens foribus clausis claritatem diei intus haberet, hancq; prius à Scî. rege sacratam, & Seiam à segetibus appellatam. Apud thermas Diocletiani, secundum eam viam, quæ nunc est ab ipsis ad S. Antonij ædem, loco Exquiliarum editissimo, fuit celeberrima illa Mecænatis Turris, ex qua crudelissimus Nero scænico habitu aliosim Troiæ canens, Urbis incendium spectauit. cuius incendij initium ab ea parte circi Maximi originem habuit, quæ Palatino, Cœlioq; montibus contigua est, finis autem ad imas Exquilias, auth. Suet. quanquam Corn. Tacit. vult Neronem Antij tunc fuisse, vt visum est. De hac turri sic meminit Hor. Molem propinquam nubibus arduis omitte mirari, vbi interpres in Mecænatis hortis statuit. qui amœnissimi erāt in campo Exquilino, de quibus Suet. hæc habet verba: Deducto in forum filio Druso statim è Carinis, ac Pompeiana domo in hortos Mecænatis transmigrauit. In his colebatur Priapus, vt idem Hor. Satyr. octaua innuit, cum inquit. Nunc licet Exquiliis habitare salubribus. Virgilius apud hos hortos Domum habuit, quanquam secessu Campaniæ & Siciliæ plurimum vteretur. Felicitatis Templum, quod erat in parte domus aureæ, combussit Nero. Supra Mecænatis hortos Tarquinij aggeres adhuc apparent. de quibus Plin. ita scribit: Clauditur vrbs ab oriente aggere Tarquinij Superbi inter prima opere mirabili. namque cum muris æquauit, qua maximè patebat aditu plano, cætero

munita erat excelsis muris, aut abruptis montibus, nisi quod expatiantia

tecta multas addidere vrbes. De his verò Aggeribus

perperam sensit Blon.

De Basilica Sisimini, Campo & Foro Exquilino, Luco Querquetulano, Iunonis Laciniæ, & Martis: ac de Fano & Aramala Fortune.



BASILICA Sisimini ciuis Romani apud ædem S. Mariæ Maioris fuisse memorant. Campum vero Exquilinum, ab Exquiliis denominatum, propè Mecœnatis turrin, inter montem superagere & Urbis mœnia, quo in loco apud priscos cadauera sepeliebantur. hinc Cic. ait Senatū censere, atq; è rep. existimare Ædiliū curulium edictum, quod de funeribus habeant Ser. Sulpitij Q. F. Lemoniæ Rufi funeri mittere: utique locum sepulcro in campo Exquilino C. Panfa Cos. seu quo in loco videtur, pedes triginta quaq; versus designet, quo Seru. Sulpitius inferatur: quod sepulcrum ipsius liberorum, posteriorumq; eius sit. Hunc autem campum nunc Focalum vocant, ab antiquis vstrinis. Nam prisci cadauera ibi comburere solebant: cuius rei nidor cum Urbi esset perniciosissimus, Augustus studuit aerem emendare, & s. p. q. r. consensu campum illum Mecœnati concessit, vbi ille, ut dixi, hortos suos fecit. In his quidam scribunt inuentum marmor cum indice huiusmodi.

CVRTIA. L. PRAÏS CUIVS PAÏS DIMIDIA HVIVS MONVMENTI CONCESSA EST AB C. MECOENATE HELIO SIBI ET P. CVRTIO SP. F. COL. MAX. FILIO ET TI. IVLIO AVG. L. GLICONI ET SVIS POSTERISQVE EORVM.

Illud autem notandum Plin. velle, ante Syllam, neminem crematum esse, eumque ideo cremari voluisse, quia reliquias Marij apud Anienem cum dissipari iussisset; verebatur ne suæ hostibus itidem ludibrio essent. Si de patriciis intelligimus verum est, nam prius cremari consueuisse ostendit Terentius in And. in campo Exquilino Claudius Imper. ciuitatem Romanam vsurpantes securi percussit. Forum Exquilinum in Exquiliis. Appianus. Dum Martius & Sulpitius ad Exquilinum forum illi occurrunt. Hæc autem pars, quæ pertinet ad collem Viminalem, habuit Lucum Querquetulanum, & Iunonis Laciniæ, de quibus supra, sicut apud Ouid. his carminibus fit mentio.

Monte sub Exquilio multis inceduus annis

Iunonis magna nomine lucus erat.

In eisdem Exquiliis Fanum & Aramala Fortune. de Fano meminit Plin. de Ara vero Cicer. in libris de Natur. deorum. his verbis: Aram mala Fortune in Exquiliis videmus. In eo autem supercilio Exquiliarum, qui imminet templo S. Laurentij in Fontana circum fuisse putauit Ful. argumento, quod formam circi vestigia ostendant. Sed conuallis illa inter Viminalem, & Exquilias non facilem locum circo præstare videtur. interclusisset enim Vicum Patricium, vel suburbæ partem; neque magis circi, quam maximarum domorum illa sunt vestigia; cum ibi Ser. Tullius habitauerit, habitauerint & Patricij, à quibus vicum nomen adeptum esse, ostendimus. In ea autem via, quæ ad portam Interaggeres ducebat, in ipsis Tarquinij aggeribus, Gordiani Arcus steterat, marmoreis ornamentis, triumphis insculptis conspicuus, cuius marmora ad Palatij S. Laurentij in Damaso substru-
ctionem fuere translata.

*De Clivo Suburrano, Arcu Galieni, Macello Lybiæ, Via
Prænestina, & Marij Trophæis.*



IN capite Suburræ sequitur cliuus ab ipsa Suburra Suburranus appellatus, in Exquilias facilem præbens ascensum. Recta mox, apud ædem S. Viti, occurrit Arcus triumphalis Galieni Imper. ex Tiburtino lapide haud ornamentis insignis, in quo legitur tantum hic titulus.

GALIEÑO CLEMENTISSIMO PRINCIPI CVIVS INVI-
CTA VIRTVS SOLA PIETATE SVPERATA EST M. AV-
RELIVS VICTOR DEDICATISSIMVS NVMINIS MAIESTATIQVE
EIVS.

Propè fuit Lybiæ, siue, vt scribit P. Victor, Liuianum Macellum, à quodã Macello denominatum, qui in Vrbelatrocinium exercebat, quo damnato, Censores Æmilius, & Fuluius statuerunt, vt domus eius publicaretur, venderenturq; ibi obsonia, auth. Plut. in Prob. Var. verò, præter hanc, aliam ponit huius nominis etymologiam: Hæc omnia, inquit, postquam contracta in vnum locum, quæ ad victum pertinebant, & ædificatus locus Macellum appellatus, vt quidam scribunt, quòd ibi fuerit hortus. Alij, quod ibi domus fuerit, cui cognomen fuerat Macellum, quæ publicè sit diruta, & ædificatum hoc, quod vocetur ab eo Macellum. Prænestina autem Via, ad Exquilinam ducens portam, hinc principium sumit, in qua à sinistra occurrit semidiruta moles lateritia. in ea erecta sunt duo marmorea Trophæa, id est trunci cum spoliis, quorum alterum habet thoracem cum ornamentis & clypeis, & ante se imaginem captiui iuuenis brachiis post tergum vinctis. alterum vero instrumenta omnia ad pugnandum, & clypeos, quæ fuisse dicuntur C. Marij de triumpho Cimbrico erecta. Hæc sunt quæ à Sylia disiecta C. Cæsarem dictatorem instaurasse memorat Suetonius. Locus hodie ab incolis Cimbrum vocatur. Erant autem Romæ pluribus in locis trophæa; Marij autem duo, vt testatur Valer. Maxim. Trophæum enim dixere saxum, aut arborem decisis, vt inquit Poeta, ramis, aut arcum, aut columnam erectam, cum aliqua in laudem victoris inscriptione. Truncatis aut Sueton. arboribus, & in modum trophæorum adornatis. Plutarch. conqueritur imprudenter simul, & aspere nimis egisse primos ex Græcis, qui trophæa, aut marmore incisa, aut ære sculpta facientes, odium simul & bellum à cōseruata victi ignominia perpetuum reddidissent. Figebantur trophæa locis eminentioribus. Sal. de Pomp. Deuictis Hispanis trophæa in Pyreneis iugis constituit.

*De Domo Æliorum, Sacello Mariano, Regione Tabernola,
Thermis, & Domo Gordiani, Basilica Caij
& Lucij, ac de Palatio Liciniano.*



OMVS Æliorum, inquit Valer. Max. vbi nunc sunt Mariana monimenta, & Sacellū Marianum, in quo illud S. C. de reditu Ciceronis in patriam, Lentulo Cos. referēte, factum est. Hinc ea tota Exquiliarū pars, quæ est plana, Exquilias inter, & Cœlium montē, basilicamq; Lateranensem, vergit. hodie dicitur Merulana pro Mariana. apud veteres regio Tabernolæ dice-
Z 3 batur,

batur, ut refert Var. his verbis: Exquilinus dexterior via Tabernolæ. A sinistra via Prænestina, propè S. Eusebij templum Thermæ & Domus Gordiani Imp. fuere, de quibus Capitolinus ita loquitur: Domus Gordianorum etiam nunc exstat, via Prænestina ducentas columnas vno stilo habens, & Thermas quales, præter Urbem, nusquam haberet orbis terrarum. quod ruinæ multæ ac ingentes, etiam nunc ostendunt. Inter portam Exquilinam & Næviam haud procul à mœnibus, vetusti, insignisq; ædificij ruinæ spectantur, & inter has concameratus fornix penè integer, quo post Pantheum nullus nunc in vrbe maior. locum hunc Galutij thermas vulgo vocant. Fuit autem insignis illa Basilica, & Porticus, quam Cæsar sub nomine nepotum Caij & Lucij erexit. Haud hinc procul, iuxta S. Bibianæ ædem, ad vrsu Pileatum fuit Palatium Licinianum.

CAP. LXXXVIII.

*De Aqua Marcia, siue Traiana: & Isidis
Templo.*



Quæ autem Marcia ductus super Taurinam transiens portam per Exquilinum campum ad Diocletiani thermas primum, deinde in proximos colles, ut vestigia ostendunt, perducebatur. de aqua ipsa sic loquitur Plin. Clarissima aquarum omnium toto orbe frigoris, salubritatisq; palma præconio Marcia est, inter reliqua deum munera vrbi tributa. Vocabatur hæc quondam Aufeia. Fons autem ipse Piconia oritur in vltimis montibus Pelignorum. transit Marfos, & Fucinum lacum Romam haud dubie petens. mox specu mersa in tiburtina se aperit. Primus eam in urbem auspicatus Ancus Martius vnus ex regibus: Postea Q. Marcius rex in prætura deduxit, rursusq; restituit M. Agrippa Frontinus hanc via Valeria ad miliarium XXXIII. suo tempore in Auentinum à Traiano deductam, & ab eo denominationem habuisse docet. Marciamq; potui, reliquas verò aliis vsibus assignat. Plin. autem natationi, Virginem verò tactu præstitisse scribit. In frontispicio autem portæ Exquilinæ ita legitur.

IMP. CÆS. M. AVRELIUS ANTONINUS PIVS FELIX. AVG. PARTH. MAXIM. BRIT. MAXIMVS. PONTIFEX. MAXIMVS. AQVAM MARCIAM. VARIIS. KASIBVS. IMPEDITAM. PVRGATO FONTE. EXCISIS ET PERFORATIS MONTIBVS. RESTITVTA FORMA. ADQVISITO ETIAM FONTE. NOVO. ANTONIANO IN SACRAM VRBEM SVAM PERDVCENTIAM CVRAVIT.

IMP. TITVS CÆSAR DIVI F. VESPASIANVS AVG. PONTIF. MAX. TRIBVNICIAE POTESTAT. IX. IMP. XV. CENS. COS. VII. DESIG. RIVOM AQVÆ MARCIÆ VETVSTATE DILAPSVM REFECIT. ET AQVAM QVÆ IN VSV ESSE DESIERAT REDVXIT.

Huius autem aquæ Cor. Tac. ita meminit. Luxus cupido infamiam & periculum Neroni attulit; qui fontem aquæ Marcia ad Urbem deductæ nando inceserat. Isidis templum in regione Exquilina ponitur à P. Victore.

*De Suburra, Domo Cæsaris, & Lelia, ac de
vico Patricio.*



PRIVS QVAM Viminalem collem ascendamus, pauca quædã dicenda sunt de Suburra, & Vico Patricio. Suburra igitur principium habuit à Foro Roman. & recta veniendo per forum Neruæ ad clium Suburrânũ, vnde initium viæ Prænestinæ est, definebat. Alij tamen (quod non probatur) à regione Tabernolæ supra Colosseum, vbi caput viæ Labicanæ est, inchoasse volunt, & per Exquiliarium radices vsque ad ædem S. Luciae in Orpheæ peruenisse, dicta quod sub muro terreo Carinarum esset. Iunius vero scribit ab eo, quod fuerit sub antiqua Vrbe. Var. autem à Pago succufano litera detrita, & c. in b. mutata. De Suburra meminit Liuius tertio ab vr. co. Iuuen. vicum frequentissimum fuisse his ostendit carminibus.

*Cedere namq; foro iam non est deterius, quàm
Exquilias à feruente migrare Suburra.*

In hoc vico Cæsarem Dictatorem Domum habuisse Suet. sic probat. Habitauit prius in Suburra modicis ædibus. & meretrices quæstum corporis tecisse, sic Mart.

*Fama non nimium bona puella,
Quales in media sedent Suburra.*

Ser. autem Tullius Urbem in quatuor regiones diuidens vnam ex his suburranam appellauit, cuius princeps fuit Cælius, auth. Var. Vicus Patricius, oblique Exquilias à Viminali ad Diocletiani thermas propè vsque determinans, à Patriciis est denominatus; qui iubente eodem Tullio ibi habitauere, vt, si quid molerentur aduersus ipsum, ex locis superioribus opprimi possent. In hoc Læliam Domum habuisse ostendit idem Mart. cum ait.

Sed domus in vico Lælia Patritio.

*De Suburra Plana, Templo Siluani, & testamento
militari Iocundi.*



VIMINALIS autem collis ab occasu partem Quirinalis oppositam habet, & valli interiacenti Planæ Suburræ fuit nomē, vbi ad radices tamen Viminalis fermè eregione S. Agathæ, Siluani Templum exstitisse, cùm ex marmoris frusto ipsius diui memoriam continenti, tum ex militari testamēto in Lusitania reperto, dicimus, quod pulcherrimum, memoratuq; dignum IACOBI Simonetæ Episc. Pisaurien. & Rotæ auditoris clarissimi monitis, libuit hic subiungere.

I O C V N D I.



EGO Gallus Fauonius Iocundis P. Fauonij F. qui bello contra Viriatum occubui. Iocundum & Prudentem, filios è me, & Quintia Fabia cōiuge mea ortos, & bonorum Iocundi patris mei, & eorum, quæ mihi ipse acquisiui, hæredes relinquo. hac tamen conditione, vt ab vrbe Roma huc veniant, & ossa hinc mea intra quinquennium exportent, & via Latina condant, in sepulcro iussu meo condito, & mea voluntate.

In quo

In quo velim neminem mecum, neque seruum, neque libertum inferri. Et velim ossa quorumcunque sepulcro statim meo eruantur, & iura Rom. seruentur in sepulcris ritu maiorū retinendis voluntatem testatoris. Et si secus fecerint, nisi legitime oriantur causæ, velim ea omnia, quæ filiis meis relinquo, pro reparando templo dei Siluani, quod sub Viminali monte est, attribui, Manesq; mei à Pont. Max. & à Flaminibus Dialibus, qui in Capitolio sunt, opem implorent ad liberorum meorum impietatem vlciscendam. Teneanturq; sacerdotes dei Siluani me in Urbem referre, & sepulcro me meo condere. Volo quoque Vernas, qui domi meæ sunt, omnes à Prætorē urbano liberos cum matribus dimitti, singulisq; libram argenti puri, & vestem vnam dari. In Lusitania in agro. VIII. Cal. Quintiles, bello Viriatino. De templo Siluani meminit Vopiscus. In eadem autem valle fuere decem Tabernæ, ita à numero denominatæ, quemadmodum apud ædem S. Agathæ effossi tiburtini lapides indicant. Puteus diuæ Probæ, quem Proba fecit, iuxta ædem S. Mariæ, cognomento in Campo.

C A P. XCI.

De Viminali, Palatio Decij, Lauacro Agrippinæ, Thermis Olympiadis & Nouati, ac de Domo Q. Catuli, Crassi, & C. Aquilij.



VIMINALIS autem inter Exquilias à M. Var. connumeratur, collemq; non montem appellat, à Ioue Vimineo, quod eius aræ ibi essent, & quod ibi Vimina nata. Angustam sed oblongam formam habere in situs Urbis expositione visum est. In primo autem cliuo, apud S. Laurentij in panisperna ædem, Decij Imper. Palatium fuisse inuenio, & ruine ingentes ostendunt. Hinc haud procul, in ea parte, quæ S. Vitalis despicit ecclesiam. Lauacrum Agrippinæ matris Neronis. vbi superioribus annis duo simulacra Bacchi reperta fuere, cum hoc indice.

IN LAVACRO AGRIPPINÆ.

At quæ Suburram, Thermæ Olympiadis ponuntur ab iis, qui beati Laurentij gesta narrant. Nouatianæ verò vbi S. Pudentianæ templum. Blon. tamen vnas potius putat, quam duas. Sed Olympiadis in montis supercilio exstant vestigia, ad radices verò Nouati: quas paruas fuisse canales fuliginosi, qui nunc sunt in eadem, apertè ostendunt. Habuit Viminalis inter cætera, tres nobilissimas domos, vnam M. Crassi, aliam Q. Catuli illius, qui cum Mario Cimbro fudit, ac Capitolij tegulas inaurauit. Tertiā verò C. Aquilij equitis Romani, quem clarissimum iuris Ciuilis scientia fecit. harum domorum vestigia ex fundamentis vinetis contectis in dorso eiusdem montis adhuc cernuntur. In eodem colle fiebat olim sacrificium nomine Fagutal, vt memoriæ prodidit Antistius Labeo.

De Thermis Diocletiani, Bibliotheca vulpia, Campo Viminali, Porta interaggeres, & valle Quirinali.



HERMÆ Diocletiani in dorso Viminalis maiori ex parte dirutæ adhuc cernuntur. Fornices tamen amplissimi existentes, & colunæ, atq; concamerata loca miræ amplitudinis & capacitatis, operis magnificentiam satis declarant. Has Diocletianus, & Maximianus Hercules Imp. inchoarunt, in quibus exstruendis memorant x l. millia Christianorum pluribus annis in modum seruitij habuisse. Inchoatæ igitur a veteribus principibus a nouis Constantio, & Maximiano dedicatæ fuere, & statuis propriis, conditorumq; erectis exornatæ, vt marmor ibi effossum offendit huiusmodi titulo.

M. AVRELIUS VAL. MAXIMIANO INVICTO AVG. PONT. MAX. IMP. VIII. COS. III. P. P. P.

In altero verò hæc legimus.

THERMAS DIOCLITIANVS A VETERIBVS PRINCIPIB. INSTITVTAS OMN. Item. D. D. N. N. DIOCLITIANVS ET MAXIMIANVS INVICTI SENIORES AVGVSTI PATRES IMPERATORVM ET CÆSARVM CONSTANTIVS ET MAXIMIANVS INVICTI AVGG. ET SEVERVS ET MAXIMIANVS NOBILISS. CÆSARES THERMAS FELICES DIOCLITIANI AVG. FRATRIS SVI NOMINE CONSECRAVIT COEPTIS ÆDIFICIIS PRO TANTI OPERIS MAGNITVDINE OMNI CVLTV PERFECTAS ROMANIS SVIS DEDICA.

Quàm autem infano sumptu exstruerentur, docet Sem. his verbis: At nunc quis est, qui sic lauari sustineat? pauper sibi videtur, & sobrius, nisi parietes magnis & pretiosis orbibus refulserunt, nisi Alexandrina marmora Numidicis crustis distincta sunt, nisi thalius lapis, quondam rarum in aliquo spectaculum templo, piscinas nostras circumdedit, in quas multa sudatione corpora exanimata dimittimus, nisi aquam argentea epitonia fuderint: & adhuc plebeias fistulas loquor. Quid cum ad Balnea libertinorum peruenero? quantum statuarum? quantum columnarum est: nihil sustentium, sed in ornamentum positarum, impensæ causâ. quantum aquarum per gradus cum frigore labentium? Hinc Iulius Capitolinus. Lauacra in modum prouinciarum exstructa. Bibliothecam autem Vulpianam Hadrianus in Diocletiani thermas posuit, & in ea libros linteos, elephantinosq; principum gesta, & S. C. conscripta, author. Pollione. Locus hic, quoniam obscuritatem fortè haud paruam legentibus parere potuerit, habito respectu & temporum & Imperatorum; quippe cum Hadrianus ex Eutropij numeratione, annis fermè centum septuaginta ante Diocletiani tempora exstiterit; id eo ita forte legendum videtur. Bibliothecam autem Vulpianam Hadrianus eo in loco statuit, vbi longo tempore post Diocletianum thermas excitauit: & in ea libros linteos, Elephantinosq; principum gesta, & S. C. conscripta, auctore Pollione, posuit. De hac etiã Vopiscus ita meminit. Vfus sum præcipue libris ex Bibliotheca Vulpia, ætate mea thermis Diocletianis, & alibi. Bibliotheca Vulpia elephantini pugilares in sexto armario siti. Sunt qui huiusmodi constitutionem Traiano adscribant. In vinea enim posita inter ipsas thermas, & viam ad portam Numentanam ducentem, me spectante repertum est Sacellum, cuius testudo in morem conchæ marinæ sculpta, ex duobus frustis marmoris candidissimi,

constabat. huius autem ornamenta contemplatus, cui Deo esset dicatus nullo potui signo comprehendere. Post thermas, sub aggere Tarquinij, Viminalis campus usque ad mœnia diffunditur, ubi porta Interaggeres clausa adhuc cernitur. quanquam nobis placet ipsam in Exquilino campo sitam esse. Inibi autem fuerat Puteus aquæ salientis, qui dicebatur puteus Viuarij, quo nomine nunc appellatur campus ille ab incolis, quia in eo loco apud antiquos animalia includerentur. Exstant adhuc ad mœnia cauernæ opera hominum ad id factæ, veluti ferarum latibula. Hæc de Viminali, qui licet à thermis Diocletiani ad mœnia, hinc cum Exquilis, inde cum Quirinali iungatur, pars tamen, quæ est à Diocletiani usque ad Constantini thermas, diuiditur valle, quæ Quirinalis dicitur: de qua meminit Iuu. cum inquit. Officium cras, primo sole mihi peragendum valle Quirini. Et alibi. In vallem descendo Quirini. In hac ferunt Romulum cum cœlum ascenderet, Iulio Proculo Alba redeunti ante lucem apparuisse. Sunt autem qui velint in cliuo montis, supra ædem nunc S. Vitalis. In eadem valle fuit Fortunæ Publicæ Ædes. de qua Ouid. sunt hæc carmina.

*Qui decet quondam sacrata in valle Quirini,
Hac fortuna die publica, ver ut erit.*

C A P. XCIII.

*Montem nunc Caballum Quirinalem esse, contra
Blondi opinionem.*



DESCRIPtis quinq; montibus ex septem, quos Vrbs Roma complexa est, restat citra Tyberim vltimus Quirinalis, cuius ædificia priusquam attingamus, libet cōtra Blon. opinionem eum esse, qui vulgo mons Caballus dicitur, demonstrare, & quamquam diligenter consideratis iis, quæ de Urbis ampliatione scripta sunt, quisque in nostram sententiam facillimè veniet, tamen ad ea, hæc addimus: quod P. Victor, postquam Exquilinam regionem, cum turri, & colle Viminali in quinto regionum statuit ordine: in sexto altam semitā ponit, & in eo Domum Pomponij Attici, ceteraq; omnia, quæ ex variis rationibus, & authoribus in Quirinali fuisse traduntur, in ea inquam parte, quæ à Blond. inter Exquilias est comprehesa. Quod si, ut ipse vult, accipimus collem, quem nos hortulorum dicimus, Quirinalem esse, multa sequentur inconuenientia: verum illud maxime, quod Campus intra Urbem receptus videretur, quem extra fuisse dubium est nemini: vnde Appianus ait Cæsarem exercitum propius Vrbi admouisse, in campum qui Martius diceretur. Præterea cum Diony. libro secundo inquit, inter Quirinalem & Capitolium castra posuit, satis innuit Caballum montem Quirinalem esse. non enim aliter procederet, castra inter ipsos montes posita esse, si eum in Exquilis statueremus. Huic opinioni suffragantur, & quæ sequuntur, eiusdem authoris verba. Urbem maiorem effecere, adiacentes Quirinalem & Cœlium. Romulus quidem Palatinum occupans, & Cœlium Palatio propinquum, Tatiū verò Capitolium, quod ab initio cœperat, & Quirinalem rupem. Quare non fit verisimile Tatiū interiecta, secundum Blon. Exquiliarum parte, secundum nos Quirinali, collem hortulorum occupauisse. Insuper si Mecœnatis horti in monte Caballo fuerant, qui erat necesse, ut ait Sueton. Tiberio deducto filo in forum, inde in Carinas, & in domum Pompeianam peruenire, ut hinc in illos transmigraret; cum rector, breuiorq; esset via à sinistra, quàm à dextera. Adhæc natura loci satis ostendit Blondum non bene de Quirinali sentire. Miror autem Pomp. Latum in frontispicio Domus suæ, in Exquilis scripsisse, cum in eius moni-

mentis

mentis eum collem, ut Quirinalem, agnoscat. Sed iam ipsius etymologiam, & quid in eo sit, aut fuerit, videamus.

C A P. XCIV.

*De Quirinalis etymologia, Turri Militiarum, Balneis
Pauli, Sacello Neptuni, Thermis Constantini,
& de Domo, & Vico Corneliorum.*



ONTIS Quirinalis etymologiam docet Var. his verbis. Tertiæ regionis colles quinque, à deorum fanis appellati, è queis nobilissimi Viminalis, à Ioue vimineo; Quirinalis à Quirini Fano. Var. secutus Ouid. in fast. ait.

Templa deo faciunt, collis quoque dictus ab illo est.

Et referunt certi sacra paterna dies.

Sunt autem qui à Quiritibus, qui cum Tatio Curibus venientes ibi castra posuerunt, eam denominationem accepisse velint. Collis est oblongus, sicut Viminalis, sed eo ampliorem habet ambitum, quod etiam (ut quibusdam placet) complectitur eum collem, qui est à Collina ad Collatinam portam, in quo iacet obeliscus Ægyptiacis literis inscriptus, Lunæ, ut ferunt, dicatus. Et secundum verò latitudinem Viminalis porrigitur à Septentrione in meridiem, instar curvati ad cubitum brachij, usque ad turrim nunc Comitum, unde exordiri ex situs Urbis descriptione optimè conuenit. In primo igitur cliuo, supra forum Traiani, statim occurrit Turris Militiarum, cui milites Traiani, ibi stationem olim habentes, nomen fecere. quo in loco, inferius tamen, exstant triplici concameratione fornices, & in hemicycli forma cryptoporticus, à fronte caueam theatralem reddentes, propè quæ loca effossa fuere marmora hoc titulo notata.

POTENTISSIMA DOS IN PRINCIPE LIBERALITAS, ET CLEMENTIA.

Haud ita multo post, eodem cliuo Balnea Pauli stetisse ferunt. qui locus corrupto vocabulo Bagnanapoli nunc dicitur. In descensu verò eius partis Quirinalis, cui planam Suburram subiacere scriptum est, in hortis Leonardi Bartholini stat adhuc Sacellum variorum piscium, marinarumque concharum nobili pictura eleganter exornatum, quod ex ipsa pictura Neptuno sacrum fuisse suspicari licet. Hinc autem in septentrionem quis progrediens, in maximi olim ædificij illico incidet ruinas, quas, licet domum Corneliorum reliquias esse multi opinentur, fornices tamen amplissimi, & concamerata loca ingentia, non aliam, quam thermarum ostendunt formam. quòd si consuevere principes omnia sui monumenta vno in loco ædificare, dicimus statuas Constantini pedestres, militari habitu, quales in numismatibus ipsius vidimus, nunc in angulis basis equorum Phidiae, & Praxitelis stantes, argumento esse thermas Constantini ibi fuisse. Domus vero Corneliorum in vico eiusdem gentis adhuc retinenti nomen. Sed ad thermas redeamus, quas Ful. auth. Apollodoro & Marcellino asserit à Constantino exstructas esse. At Marcellinus de Lauacro Constantiano tantum meminit, neque apud veterem scriptorem vlla apparet ratio cur pro certo teneamus, has Constantinum excitauisse, præter illam, quam diximus, & quod in his olim legebatur talis inscriptio.

PETRONIVS PERPENNA MAGNVS QVADRATIANVS. V. C. MI. PRÆF. VRB. THERMAS CONSTANTIANAS LONGA INIVRIA ET ABOLENDÆ CIVILIS. VEL POTIVS FOEDALIS CLADIS VASTATIONE VEHEMENTER

AFFLICTAS ITA AGNITIONE SVI EX OMNI PARTE PERDITA DESPERATIONE CUNCTIS REPARATIONIS ADFERANT DEPVATO AB AMPLISSIMO ORDINE PARVO SVMP TV QVANTVM PVBLICÆ PATIEBANTVR. ANGVSTIÆ AB EXTREMO VINDICAVIT ET PROVISIONE LONGISSIMA IN PRISTINAM FACIEM SPLENDOREMQ. RESTITVIT.

Et quod inuentum est marmor continens ipsius Constantini memoriam huiusmodi.

Q. FABIVS HONORATVS. T. ANNÆVS PLACIDVS AMPLIFICATORI VRBIS ROMÆ DOMINO NOSTRO CONSTANTINO MAXIMO PIO FELICI VICTORI AC TRIUMPHATORI SEMPER AVG. ANITIVS PAVLINVS IVN. V. C. CONSORDANIVS PRÆF. VRBIS ET IVDEX SACRARVM CONSTITVTIONVM PIETATI EIVS SEMPER DEDICATISSIMVS.

C A P. XCV.

*De Saturni, Bacchi, Solis, & Quirini Templo & Porticu;
Capitolio Veteri, Sacello Iouis, Junonis, &
Minervæ, ac de Domo Pomp.*

Attici.



POLLODORVS, de quo proximè est mentio, memoriæ prodidit, in vico Corneliorum fuisse statuas duas Colosseas senum seminudorum, qui cum reliquo corpore iacerent, pectore fuerat erecti, alteraq; manu cornucopiam tenerent, quas Saturno & Baccho adiudicauit, addiditq; in proximis ruinis, quorum frontispicium non omnino corruisset, eorum deorum extitisse templa. Eregione autem thermarum Constantini, in montis supercilio planam Urbem despiciente, surgit marmorea dimidiata Turris, Mesa vulgò appellata, quam Blon. Meccenatis esse putat, quod mesa sincopato nomine pro Meccenatiana dicatur. At multis rationibus supra patuit, Meccenatis turrim sub Aggeribus Tarquinij fuisse. Non desunt enim qui hanc turrim ponant inter ornamenta templi Solis ab Aureliano Imperatore excitati, quòd si non ibi, haud inde procul certè fuit, de quo Vopisc. ita scribit: Aurelianus Romæ Soli templum posuit in maiori honorificentia consecratum. Ferunt quidam eius matrem Solis sacerdotem, & ob id Solis templum in eius gratiâ excitauisse. Nos verò in huius principis numismatibus legimus. SOLI INVICTO. In dorso montis, propè dictas thermas, Equi duo marmorei, Praxitelis vnus, alter verò Phidiæ, vt tituli indicant. quibus equis astant viri nudi loro eos trahen-

trahentes. Tiridatis regis hos fuisse Sex. Ruffi Urbis descriptio admonet. Romā enim delati, quo tempore Nero, vt laute ipsum regem exciperet, vno die Pompei theatrum inaurauit. Ea autem Quirinalis pars, quę vallem Martiam despicit, Mons cum templo Clatrę, & Apollinis vocitata est. Haud ita multo post surgit collis alter, vbi Capitolium vetus, Sacellum Iouis, Iunonis & Minerę fuisse literis traditur, eaq; prius capitolinis condita. A dextera, eregione horum locorū, propē S. Vitalis ædem Pomponius Atticus Domum habuit, cognomento Pamphilianam, ab auunculo hæreditate relictam, cuius amœnitas non ædificio, sed sylua constabat auth. Cor. Nepos, quo in loco Quirini templum postea conditū fuit. ex cuius ornamentis in vinea Hieronym. Genutij effossis structi sunt gradus in Capitolio, ad Aræceli ecclesiam. Quirini autem templum omni tempore erat clausum, quod aperire non licebat, quasi arcanum habere vellent, humi ne iaceret, an in deorum numerum relatus esset. Quidam propē Quirini templum, volunt fuisse Porticum eiusdem nominis, quo conueniebant homines componendorum negotiorum causa, ibiq; aliquando sponsalia esse peracta, de qua porticu Mart. ita meminit:

Vicini pete porticum Quirini.

A D N O T A T I O.

Cum de equis (vulgo) Tiridatis regis Ponti seu Armeniæ. hic ageretur, is enim Romam Neroni asportandos curauit; non piguit hic pauca subnectere: Simulacra namq; ipsa marmorea alterū Phidiæ, alterum Praxitelis præstantissimorum artificum opus, quæ equos regere videtur, pro certo est inter antiquarum rerum peritos, esse ipsius Alexandri Macedonum regis effigiem ad viuum representantia, vt ex eiusdem aureis argenteis, æreisq; numismatibus compertum est.

C A P. XCVI.

*De Alta Semita, Domo Sabini, Vico & Statua Mamurri,
Foro & Hortis Sallustij; ac de campo
Scelerato.*



LT A autem Semita à thermis Constantini ad portam Viminalem per Quirinalis dorsum erat producta, cuius vestigia (erat enim ex quadrato lapide strata) nuper in vinea Sodoleti vidimus ipsi. in eademq; ad Malum Punicum fuisse Domum Flauij Sabini, in qua Domitianum natum esse scribit Suet. ex Tiburtino lapide ibi effosso didicimus. In eo enim legi Indicem huiusmodi.

INTER DVOS PARIETES PRIVATVS ANDITVS FLAVI SABINI.

Exitant in eadem vinea, vno lapide sculpta, tria deorum simulacra, quorum à sinistra sedens vnum, Genio Cœlimonteis, vt titulus ostendit, erat cōsecratum. alterum à sinistra stans, Herculi Iulio. Tertium Ioui Cœlimonteis. Visuntur ibidē, in radice montis antiqui aquæductus vestigia, cum aquis limpidissimis, & potui non ingratis. Vicus autem Mamurri, in quo illi statua fuerat posita, apud ecclesiam S. Susannæ à diuo Ambrosio collocatur. fuit enim haud procul à Sallustij foro, cuius Horti ab eadem ecclesia ad campum Sceleratum, propē portam Collinam existentem, diffundebantur: in quibus hortis volūt fuisse aquas subterraneas hominum opera scaturientes, ad irrigandum ipsos hortos commodissimos. At de Hortis Cor. Tac. meminit his verbis: Ventitabat Nero ad pontem Miluiū, quo solutius Urbem extra lasciui ret. Igitur regrediente per viam Flaminiam compositas infidias fatoq; euitatas, quoniam diuerso itinere Sallustianos in hortos remeauerit. & Vopiscus de Aureliano loquens sic. Displicebat ei, cum esset Romę, habitare in Palatio, ac magis placebat in hortis Sallust. vel Domitij viuere.

Sallustius enim patrocínio & Cæsaris fauore consecutus dicitur præturam Africæ interioris, ex qua diues factus hos hortos comparauit, & villam Tiburtinam, quæ illi à Cic. identidem obiicitur. Exstant adhuc hortorum vestigia in profunda valle inter montem, & viam quæ ducit ad portam Salariam, cuius vallis partem hi horti cum cisternis occupabant. vnde collis, in quo quota pars Domus Sallustij conspicitur, ab incolis Sallusticum dicitur. quo in loco effossum fuit marmor cum hoc indice.

M. AVRELIVS PACORVS ET M. COCCEIVS STRATOCLES ÆDITVI
VENERIS HORTORVM SALLVSTIANORVM BASEM CVM PAVIMENTO
MARMORATO DIANÆ. D. D.

Vltra autem hos hortos, propè portam Collinam, locus est editus, vbi olim Vestales, quæ incestum commisissent, viuæ sepeliebantur, & totus ille campus, sicut & via ad eum, Sceleratus appellatus, auth. Sex. Pomp. Liuius; Eo anno, inquit, Mutia Vestalis facto inditio viua sub terra ad portam Collinam dextera via strata defossa scelerato campo; ab incesto id ei loco nomen factum.

C A P. XCVII.

De Templo Salutis, Dij Fidij, Fortuna primigenia, Gentis Flauia, Honoris, Herculis, Quirini, ac de na- tali loco Domitiani, & Senatulo mulierum.



VIRINALIS habuit multas ædes sacras, quibus non est certus in eo locus, veluti Apis Salutis, à Fabio pictore depicta, Claudij verò tempore incensa. hanc cum Iunius Bibaculus dictator de Equis triumphans vouisset, Censor locauit, & Dictator dicauit.

Sanctus, Fidius dij fuerunt Sabinorum; quos domo demigrantes in collem Quirinalem cum cætera suppellectile detulerunt, idq; nomen verbis trinum, re vnicum esse dixerunt. vnde licet tribus ipsis esset in eodem colle Templum dicatum, vnus tamen sancti vocabulo appellabantur, obtinuitq; huiusmodi nominis opinio sanctitatis magnam vim habere iusiurandum, quo in trino & vnico numine medium esse quis Fidium affirmaret. Plaut. Per deum fidium credis iurato mihi. Fortunæ primigeniæ Ædes in eodem monte à Domitio prætoris vrbano posita fuit. Herculis Templum in eodem, eregione Quirini. similiter Honoris, vt testatur Cicero de leg. Senatum mulierum. inquit Lampridius in Heliogabali vita, id est, mulierum senatum, in Quirinali fecit, in quo ante fuerat conuentus matronalis solennis duntaxat diebus. Agonalia etiam in Quirinali celebrata fuisse legimus.

*De Foro Archimonij, pila Tiburtina, Domo Martialis, Circo
Floralium, Floræ Templo, Officinis minij; &
Cliuo publico.*



NSTAVRATIS Urbis Romæ reliquiis, iis quæ ad sex mō-
tes citra Tyberim pertinere videbantur, reliquum fuerat
in Transtyberinam transire regionem, & Ianiculū, septi-
mum antiquæ Urbis montem, his adiungere. verū cum
multis iam annis, ne dicam seculis, collis Hortulorū cum
campo Martio intra pomerium sit receptus, prius hunc,
totamq; Urbem planam percurrere optimum fore arbi-
tratur. Inter igitur ipsum collem & Quirinalem, vallem
quadrangularem, sed oblongam formam habentem iace-
re, in descriptione situs urbis declaratum est, in cuius parte sub Clatræ, & Apol-
linis monte, Archimonium forum fuisse memorant. argumento quod ibi sit æ-
des S. Nicolai cognomento de Archimoniis. Haud ita multo post fuit locus, Pi-
la Tiburtina, quali Tibur, denominatus: vbi Mart. se Domum habuisse, his testa-
tur carminibus.

Sed Tiburtina sum proximus accola pila,

Qua videt antiquum rustica Flora Iouem.

Sequebatur deinceps Circus vbi Floralia in honorem deæ Floræ agitabantur.
Flora enim cum magnas opes ex arte meretricia quæsiuisset, Popul. Roman. scri-
psit hæredē, certamq; pecuniā reliquit, cuius ex annuo fœnore suus natalis dies
celebraretur, editione ludorum, quos appellabant Floralia. quod quia Senatui
flagitiosum videbatur, vt pudendæ rei quædam dignitas adderetur, deam finxe-
runt esse, quæ floribus præesset, eamq; oportere placari, vt fruges cum arboribus
bene, prospereq; florescerent. Sunt autem qui huiusce deæ templum in Quirina-
li statuunt: sed siue in colle, siue in valle, omnino fuit prope circum. Paulo ultra
circum, Officinæ conficiendi minium occurrebant, vt scribit Vitruuius. propè
quas Publicum cliuum fuisse sic docet Var. Clius proximus ad florales, versus
Capitolium Vetus.

*De Colle Hortulorum, Templo Solis, & Sepulcro
Neronis.*



EXPOSITIS iis, quæ videbantur pertinere ad vallem supradi-
ctam, ipsum ascendamus Hortulorum collem, qui licet ma-
gnum habeat ambitum, tamen ob eam rationem, quod pri-
scis temporibus extra pomerium fuerat, pauca memoratu
digna complectitur, inter quæ Domum Pincij Senatoris, qui
& colli, & portæ cognomen fecit. hodie enim mons Pincius,
Pincianaq; dicitur porta. Huius autem domus vestigia exsta-
re traduntur apud partem antiqui muri laxata compage inclinati, cadentiq; si-
milis. Hinc autem secundum muros progrediens longo interuallo occurrit mo-
les in hemicycli formam, quam Solis templum quidam fuisse autumant. In hoc
ipso colle fermè eregione, secundum aliquos, sepulcri Marcelli in via Flaminia
positi, Nero suum sortitus est, vt docet Suet. his verbis. Reliquias Ægloge, & Ale-
xandria nutrices, cum Actia concubina gentili Domitiorum monumento con-
diderunt, quod conspicitur è Martio campo, impositum colle Hortulorum. in
eo monumento solium porphyretici marmoris superstanti lunensi ara circumse-
ptum

ptum è lapide thasio. Hic collis Hortulorum quidem obtinuit cognomen, quod sub ipso olim fertilissimi, & perpetuis aquis irrigui fuerant horti, vt vbi de Augusti Mausoleo mentionem facimus, infra apparebit. Ex hortulorum colle magistratus peturi in Martium campum olim descendebant. Descendamus nos in eundem Urbemq; planam.


C A P. C.

De Urbe plana, & Theatro in genere.

IN Urbis planæ descriptione vt quid, quo ve loco sit, aut fuerit certis sedibus collocatis magis pateat, à Capitolio per Pantheon (est enim Pantheon huius Urbis umbilicus) ad fluminis ripam, propè S. Rochi ædem, linea recta deducatur, quæ ita deducta in duas propemodum æquales partes hanc urbem interfecabit. quarum altera à fronte, & à latere ad Tyberim, altera vero à foro Traiani, vsque ad portam Flumentanam, ad Quirinalis, hortulorumq; collis radices, iacebit. Illud autem in primis sciendum, difficillimum esse omnia ad huius partis cognitionem pertinentia ad vnguem explicare, quòd prioris seculi homines prisca illa, & diuina quodammodo Urbis ornamenta, quo sordidissimas exornarent domunculas, ita distraxere, aut vilissimis opprèssere ædificiis, vt veteris fundamenti vestigia paucis in locis agnoscantur. Quare velim doctos, Urbisq; prisce studiosos non mihi magis, quàm impiis istorum manibus irasci, si pauca videbor attigisse. Sed iam ad locorum declarationem aggrediamur. & quia à Theatro Marcelli principium rectè facturi videmur, pauca de theatro prælibanda sunt. Theatri igitur originem huiusmodi tradit Cassiodorus. Cum agricultores feriatibus diebus sacra diuersis numinibus per lucos vicosque celebrarent, Athenienses primum agreste principium in urbani spectaculum collegerunt, Theatrum græco vocabulo visorium appellantes, quod eminus astans turba conueniens sine aliquo impedimento videatur. Et infra: Ritus Romani, sicut cætera externa, ad suam remp. non inutiliter trahentes, ædificium alta cogitatione conceptum magnanimitate mirabili condiderunt. Theatra prius ad tempus lignea posita fuere: postea versatilia inuenta, quæ modo vnâ, modo alteram faciem ostēderent, qualia duo M. Curius in funebri patris munere iuxta fecit. Primum autem theatrum Romæ fecit M. Scaurus in ædilitate sua XXX. dierum spacio duraturum, omnium maximum quæ vnquam humana manu facta fuere. cauea enim hominum octuaginta millia capiebat. L. Mumius primus, theatro temporaneo ludos suo triumpho dedisse dicitur, deinde Scaurus. Vitruuius autem scribit post Scænam porticus esse constituendas, vt cum imbres repentini interpellarent, habeat populus quo se recipiat ex theatro, & non modo porticus, sed etiam ambulationes, quæ ita collocabantur, vt duplices essent, haberentque exteriores columnas doricas, cum epistylis & ornâmentis ex ratione modulationis perfectas. & alibi: Tectum, inquit, porticus quod futurum est, in summa gradatione cum scænæ altitudine librarum perspiciatur, ideo quod vox crescens æqualiter ad summas gradationes, & tectum perueniet. Sed symmetrias, & locorum distinctiones docet libro quinto.

C A P.

*De Theatro Marcelli, & Bibliotheca, ac de
Porticu, & Curia Octavia.*



AVGVSTVS multa sub alieno nomine condidit, & inprimis Theatrum Marcelli nepotis ex sorore Octavia, cuius pars vetustate, igneque corrupta, vbi nunc est Palatium Sabelliorum inter Capitolium & Tyberim, adhuc cernitur. Capiebat autem loca octuaginta millia, opus sane maximum, simul & pulcherrimum, vtpote ab eo excitatum, qui maxime exoptabat multis & præclaris ornamentis Urbem illustrare. In hoc, scena restituta, Vespasianus ludos edidit: at de hoc theatro lege Asconium. Iuxta theatrum Porticum Octaviam in gratiam Octaviæ sororis idem Augustus condidit, quam mox incendio deformatam, restituit. In hac porticu raptus Proserpinæ, Bacchus, & Satyrus fuere, Praxitelis opera. In eadem Apollinem, Dianam, nouem Musas fecit Timarchites. Intra hanc ipsam porticum Iunonis Ædem ponit Plin. in qua eiusdem deæ simulacrum Dionysius, & Polycles fecere. Idem auth. de Octaviæ curia meminit, & in ea Cupidinem fulmen tenentem ponit. Consentaneum autem est hanc curiam fuisse vbi porticus, quã ante theatrum statuit Appianus. Includebatur autem inter ædes sacras D. Nicolai in carcere, & S. Mariæ, quæ ab ea in porticu cognomen obtinuit, qui locus ex ruinis, & curiæ, & porticus eminentior cernitur, ibiq; saxa tiburtina, & marmora plurima effodiuntur. Defuncto vero Marcello prope theatrum Octavia mater Bibliothecam instituit, id est, librorum repositorium, quæ Liberaria etiam dicitur. Gellius: forte, inquit, in liberaria ego, & L. Paulus poeta vir memoria nostra clarissimus confederamus. Tradunt autem Pisistratum tyrannum primum omnium Athenis disciplinarum liberalium libros publicè legendos posuisse, Romæ verò Asinium Pollionem.

De Circo Flaminio, & Templo Apollinis.



CIRCVS autem Flaminius vbi fuerit, permagna est inter scriptores dubitatio, & contentio, Blo. namq; quibusdam coniecturis admodum leuibus conatur ostendere, quem nunc Agona, olim Circum Flaminium appellatum, cuius rei nullum habens argumentum, Pandulphum Lateranensis Ecclesiæ ostiarium tantum adducit, qui scribit Hadrianum Pontificem S. Apollinaris ædem ædificauisse, vbi prius Apollinis fuerat. Po. vero Let. quẽ deinde secutus est Ful. eũ esse vult, cuius vestigia quibusdã in locis adhuc extant apud Apothecas obscuras, in cuius medio nunc ædes S. Catharinæ est sita, & funes torquentur. Quidam vero Blon. opinionem approbantes Balbi Theatrum hoc in loco fuisse contendunt. Quare in re tam antiqua, tam dubia, in tantaq; scriptorum varietate, quem potissimũ sequeremur, nulla erat certa ratio, coniecturæ vero non valde probabiles, in his animi anxietatibus diu versatus, tandem forte fortuna, quid probarem, inuenimus. Sedebamus enim nuper in Liberaria Pontificis Max. Ego, IOHANNES Moronus Episcopus Mutinen. magni ingenii, magnæq; probitatis iuuenis nobilissimus, nec non THOMAS Cadamustus patricius Lauden. iisdem ornatus animi virtutibus, humanarumq; literarum studio virorum doctorum fautor & singulare præfidiũ. Sedebant & quidam prudentes viri, incideratq; mentio de Mario iuniore, de cuius morte cum quidã dubitarent, quid, inquit Episc. dubitatis de re omnibus

nota: heus puer affer M. T. Ciceronis orationes. Legebatur in toga candida. Catilinam caput Marii plenum adhuc animæ, & spiritus gestauisse ab Ianiculo ad ædem Apoll. tunc Thom. antiquitatis vrbis studiosissimus, & in medicina alter Apollo, in me conuersus: vbi inquit, erat Apollinis ædes. Iube inquam Asc. Ped. afferri, apud ipsum quædam vidi, quæ nunc memoriæ non occurrunt, eo allato hæc legimus. Omnia sunt manifesta, sed tamen ne erretis, quod his temporibus ædes Apollinis in Palatio fuit nobilissima, admonendi estis, non hanc à Cicer. significari, quam post mortem Ciceronis multis annis Imp. Cæsar, quem nunc D. Augustum dicimus, post actiacam victoriam fecerit: sed illam demonstrari, quæ est extra portam Carmentalem, inter forum Holitorium, & circum Flaminium. Quibus verbis obseruavi nullo modo Agonium campum circum Flaminium esse. Et si quis consideret forum Holitorium, ædemq; Apollinis inter ipsum & circum Flaminium voluerit collocare, certe Pomponii opinionem facillime probabit: non enim procul à porta Carmentali fuit Apollinis ædes. Liuius. Ab æde Apollinis boues fœminæ duæ, albæ, porta Carmentali in vrbem ductæ. Quæ verò à Blon. adducuntur, ea omnia, præter Pandulphi argumentum, non magis suam confirmant, quam destruunt opinionem. Quid enim sibi volunt hæc Liuii verba? Itaque inde Consules ne criminationi locus esset, in prata Flaminia, vbi nunc ædes Apollinis est, iam tum Apollinarem appellabant, aduocauere Senatum, nempe nihil aliud, quam sæpenumero Romanos è proximo Capitolio consulendi gratia in circum Flaminium descendisse. Vnde alibi Liuius: Actum de imperio Marcelli in circo Flaminio. Quid Cassiodori? solitos esse ab Augusti Mausoleo sex portis dimitti iunctos currus, qui per Equiria in Flaminium circum currerent? nihil, nisi ab Equiriis, vbi ædes S. Mariæ in Equiro recta currus solitos esse venire ad Apothecas obscuras, & per portam antiquam, cuius vestigia adhuc existunt, circum ingressos, metas circuire, quod si de Agonio intelligatur campo, non recta à Mausoleo Augusti, verum ad dextram necesse erit currus flectere, vt in Agonium peruenias campum, quem in Martio, cum in pratis Flaminis, circus Flaminus esse constet. Circus Flaminus, inquit M. Var. dicitur, qui ædificatus est circum Flaminium campum, & quod ibi, quoque ludis tauricis equi circum metas currunt. Sex. vero Pom. à Flaminio Cos. apud lacum Trasumenū ab Hannibale interfecto circum, simul & viam, denominationem cœpisse refert. Plut. vero in probl. de huius nominis etymologia dubitare videtur. Quid est, inquit, quod circus Flam. dictus est, an quod Flami. quidam priscus, cum ciuitati agrum reliquisset equestribus ludis eius fructu, & vectigalibus utebantur, nam cum pecunia suppeteret, viam quoque Flaminiam munierunt. Cui autem vsui esset illa indicant Var. verba paulo ante adducta, & quæ retulimus ex Liuiio, quod circo Flaminio mundato ludi Apollinares extra portam Collinam portati sunt. Inter S. nunc Angeli, olim, vt quidam putant, Iunonis Ædem, & Citranguli turrim, marmoreæ columnæ tres miræ altitudinis, & crassitudinis adhuc extant, quo in loco Martis templum fuisse tenemus, columnæ enim reliquæ videntur earum, quæ in huius diui templo ab Ouidio mirum in modum celebrantur. Apollinis vero Ædes, vbi nunc Ecclesia diuæ Mariæ cognomento sub Capitolio, inter forum Holitorium, & circum Flaminium, secundum Asc. & prope portam Carmentalem, quod innuit Liuius. qui primo dec. quintæ docet S. C. in ea sæpe factum esse, eius sunt hæc verba: Cn. Cornelio Scipione Hispalo, & Q. Petilio Spurino Cos. senatus in æde Apollinis legatorum verbis auditis, supplicationem in biduum decreuit. In eodem circo etiam Neptunum ædem habuisse testatur epitaphium quod sequitur.

ABSCANTO AVG. LIB. ÆDITVO ÆDIS NEPTVNI QVÆ EST IN
CIRCO FLAMINIO FLAVIVS ASCANIYS ET PALLANS

CÆS.

*De Vulcani, Martis, Bellonæ, Herculis, Jouis Statoris
Templo; ac de Columna Bellica, Ara Neptuni,
Porticu Corinthia, & Colosso
Martis.*



VERE autem cum in circo Flaminio, tum apud, aliæ celeberrimæ deorum ædes sacræ, veluti Vulcani, in qua pro editis canes fuisse fabulantur, sacrilegis tātum allatantes. Martia iuxta eundem circum, vt diximus: Simul & Bellonæ: versus portam Carmentalem inquit P. Victor. inter Martis & Apollinis templum, ac portam Carmentalem, qui locus ex ruinis eminentior nunc cernitur, vbi frequenter Senatus habebantur. Liuius quinto dec. quintæ: M. inquit, Pompilius Cos. Romani rediit, Senatuque extemplo ad ædem Bellonæ vocato. Ante Bellonæ existentis, auth. Sex. Pom. ante portam Carmentalem, fuerat Columna marmorea index belli inferendi, Bellica denominata, à qua Romani in bellum profecturi hastam in eam partem versus mittebant, in quam ituri erant, quia laboriosum admodum videbatur propagato imperio ad hostium fines ex instituto peruenire, in eorūq; agros iacere.

Hanc Columnam Blon. iuxta circum Maximum perperam statuit, deceptus illis Ouidii carminibus, quæ sunt supra à nobis adducta, vbi de ipso circo, & iis, quæ in eo erant, sumus locuti. Ædis Bellonæ Appium Claudium cæcum authorem Ouid. sic facit.

Hac sacrata die thusco Bellona duello

Dicitur, & Latio prospera semper adest.

Appius est author Pyrrho qui pace negata

Multum animo vidit, lumine cæcus erat.

Herculi magno custodi circi Flaminii Ædis ponitur à P. Victore, de qua idē author vt quidam aiunt, sic meminit.

Altera pars circi custode sub Hercule tuta est,

Quod Deus Euboico carmine munus habet.

Steterat autem in aditu circi, vbi nunc ecclesia diuæ Lucie in Apothecis obscuris, & propterea Ouidius custodem illius ipsum Herculem appellauit, argumento etiā, quod aperiētibus Vespillonib. sepulchrū quoddam, legimus in frusto marmoris reperto cognomentum, quod in antiquis monumentis vbiq; Herculi datur, videlicet: INVICTO. Decoratus est arcus Flamin. altera æde cognomento Herculis Musarum, quod cum Musis esset communis, à M. Fulvio Nobiliori ex pecunia censoris ædificata, ea ratione quod in Græcia acceperat Herculem Musagetem esse, id est comitem, ducemque Musarum, idemque primus nouem signa, hoc est omnium Camænarum simulacra, ex Ambracienſi oppido translata sub tutela fortissimi numinis consecrauit, quia mutuis operibus, & præmiis ornari, iuuariq; deberent, Musarum quies defensione Herculis, & virtus Herculis voce Musarum: lege Eumenium. Ædem autem hanc vetustate deformatam, Martius Philippus Augusti vitricus refecit, quod Oui. in fast. sic detegit.

Sic ego, sic Clío, clari monumenta Philippi

Aspicias, vnde trahit martia casta genus.

In eodem Circo Macro. Iouis Statoris statuit delubrum. Et calices fieri solitos, sic testatur Mar.

Accipe de circo pocula Flaminio.

Plin. vero aram Neptuni fuisse ait, eamque olim sudore manasse. Et à Consu-
latu Octavii, qui de Perseo rege triumphum nauale egit, factam Porticum du-
plicem apud eundem circum, quæ à capitulis æreis columnarum Corinthia, &
ab authore Octavia est appellata. Fuit autem inter ipsum circum, & ecclesiam S.
Nic. cognomēto in chalcaria, quod ab ipsa porticu cognomē retinuisse videtur,
χαλκῆς enim ædes dicitur. Idem tradit Colossū Martis fuisse in templo Bruti
Callaici apud circum Flaminium.

C A P. CIIII.

*De porticu Mercurij, & Octavij, Pompei theatro, Do-
mo, Atrio, & Porticu eiusdem, ac de Tem-
plo Veneris Victricis.*



INTER Flaminium circum, & Tyberim extat porticus in ve-
stibulo ædis nunc S. Angeli in piscina, olim Mercurio, vel, ut
alii, Iunoni sacra, quam igne exhaustam L. Septimium Seue-
rum restituisse inscriptio ostendit huiusmodi.

IMP. CÆS. L. SEPTIMIUS
SEVERVS PIVS PERTI-
NAX AVG. ARABIC.
ADIABENIC. PARTHIC.
MAXIM. TRIB. POTE-
STAT. XI. IMP. XI. COS.
III. P. P. &
IMP. CÆS. M. AVRELIUS
ANTONINVS PIVS FELIX
AVG. PONT. MAX. TRIB.
POT. VI. COS. PROCOS. IN
CENDIO CONSUMPTAM
RESTITVERVNT.

Porticum autem illam, quæ nunc diruta apud plateam Iudæorum Ceuram ap-
pellant, Seueri Impera. fuisse tenet fama, nos vero de hac nihil certi habemus.
Sequitur Theatrum Pompei, inter Marcelli, & molem Hadriani fere medium,
quod mansurum primus omnium ipse Pompeius extruxit. Quin, inquit, Cor-
nelius Tacit. Cn. quoque Pompeium accusatum à senioribus ferunt, quod man-
suram theatri sedem posuisset: Nam antea subitariis gradibus, scæna in tempus
structa. Sed consultum parsimonix, quod perpetua theatro sedes locata sit, po-
tius quam immenso sumptu per singulos annos confurgeret, ac strueretur. Et li-
cet Pompeius inchoauerit, magnaque ex parte extruxerit, C. Caligulam tamen
absoluisse scribit Sueton. cum fortuito igne consumptum se extructurum polli-
citus est Tyberius. Longo autem tempore post, Theodoricus Ostrogothorum
rex magna ex parte disturbatum instauravit, sicuti Cassio. verba ad Senatum in-
dicant, quæ sunt: Et ideo theatri fabricam se mole soluente, consilio vestro cre-
dimus esse roborandam, ut quod ab authoribus nostris in ornatum patriæ con-
stat esse concessum, non videatur sub melioribus posteris immunitum. Quid nō
soluas senectus, quæ tam robusta quassasti? Montes facilius cadere putarentur,
quam soliditas illa, quæ tenetur, quando moles ipsa sic tecta cautibus fuit, ut præ-
ter artem additam, & ipsa quoque naturalis esse credatur. Hoc potuissimus for-
tè ne-

re negligere si nos contigisset talia non videre: & reliqua. Huius magnitudinem ex eo etiam coniecimus, quod Nero nobilibus Germanis Po. Ro. multitudinem ostensurus, eos in hoc theatrum populo plenum introduxit. Capiebat enim loca LXXX. millia cuius vestigia in cella vinaria, & in stabulo Vrsinorum in campo Floræ adhuc cernuntur. Veneris Victricis ædem in eo fuisse scribit Porphyrio, & Plutar. in ipsius Pompei vita. Ego vero anno M. D. XXV. post ædem S. Mariæ cognomento in cripta picta, vidi effodi marmor in quo erat index talis. VENERIS VICTRICIS. Prope theatrum autē Atrium, siue curiam, & domū, & ante ipsam porticum Pompeius habuisse dicitur. Plutarchus. Atqui inquit, Pompeius ipse vsque ad tertium triumphum modice, atque incompofite habitauit, pulcrum deinde theatrum longe à Romanis diffamatum cum struxisset, splendidiorem domum, veluti theatro appendicem, ædificauit. Curia ea fuit, in qua C. Cæsarem occisum esse docet Sueton. Is locus nunc Satrium addita litera s. pro atrium appellatur. De porticu vero Ouid. sic meminit.

Tu modo Pompeia lentus spaciare sub umbra,

Dum sol herculei terga leonis adit.

Campum, quem Floreum vocitant, à Flora à Pompeio adamata, ita denominatum putauerim, non a loci præstantia, quasi floreum, vt autumat Ful. Hæc autem Pompei monimenta Philippo, qui post Gordianum imperauit, regnante, igni absumpta sunt, auth. Pomp. lætus: Nam cum Philippus ipse in theatro ludos scenicos celebraret tribus diebus, totidemque noctibus peruigil populus spectauit, funalibus atque lychnis tenebras vincentibus, & cum multitudo solennibus ludis intenta esset, incendium, aut ex luminaribus, aut ex ignibus coalitum, in Curiam deuagatum est, arsit theatrum, & ei propinquum hecatonstylon, id est centum columnarum porticum. Iuxta theatrum Tyberio Cæsaris arcum marmoreum, prius à Senatu decretum, sed omisum, peregit Diuus Claudius. Suetonius.

C A P. CV.

*De Thermis Agrippinis, Pantheone, eiusq; Porticu, ac
Bonæ Euentus Templo.*



ISCEDENS quis à Pompei theatro in septentrionem ad locum perueniet, qui nunc Cyambella dicitur, prope Pantheon, vbi M. Agrippæ Thermanum reliquiæ adhuc extant: eis namque Agrippinis à suo nomine nomen imposuit Agrippa, de quibus meminit Plin. his verbis: M. Agrippa rusticitati, quam deliciis propior, vnicumq; felicitatis exemplum multa, & egregia in vrbe perfecit opera, Augusto eius socero imperante. Idem thermas de suo nomine excitauit, has lithostrato, & encausto pinxit, arcus, & pauimenta ex vitro posuit. Et rursus: Lithostrata, & pauimenta captauerunt iam sub Syl. paruulis certe crustis, exstatq; hodie quod in Fortunæ delubro Præneste fecit: pulsa deinde ex humo pauimenta in cameras trāsiuere, vt pronū vitium, & hoc certe inuentum ab Agrippa in thermis, quas Romæ fecit, figlinum opus encausto pinxit, reliqua albaria adornauit, non dubie vitreas facturum cameras, si prius inuentū fuisset. Conspicitur prope thermas templū inter antiqua vrbs ædificia valde cōspiciū, & ferme integrū: ab antiquis, quasi omnibus diis sacrum, Pantheon, à nostris, à circulari forma S. Maria rotūda, nūcupatū. Est enim spherica forma, & veteri structura, quod Ioui vltori ab eodē Agripp. positū

esse testatur Plin. Dion. vero, siue quod Matri deum, atque omnibus diis sacrum esset, siue quod mundi formam haberet, Pantheona appellatum tradit. Id cum Agrippa Augusto vellet dedicare, ac ille respiceret, Marti & Veneri consecrauit. Huius autem magnificentiam, & pulcritudinem non facile verbis quis exprimeret. Habet enim intrinsecus lithostratum variis marmoribus perpulcrè exornatum, columnasq; circumquaq; nobili structura, & epistyliis optime cōcinatas, ac inter ipsas, sacella, in quibus per ambitum statuar olim erant collocatæ: Syracusana, inquit Pli. sunt in Pantheo capita columnarum à M. Agrippa posita, in columnis templi eius probantur inter pauca eius opera, sicut in fastigio posita signa, sed propter altitudinem loci minus celebrata. Altitudo enim bracchia cōtinet LXXVII. & totidem latitudo. Huius templi concamerata testudo, mira arte laqueata, habet in summo vertice circulare foramen, quo solo liberum lumen cœli admittitur, & ad huius imbres excipiendos recto diametro in ipso lithostrato impluuium. Verum ne testudo immenso pondere grauaretur, vacui circumquaque specus ab imo ad summum relictī sunt. Intus tota ædes, aut marmorata, aut marmoreis crustis exornata est, exterius tectorio illita, à fronte vero æreis laminis argento, auroq; illitis tecta. Testudo nunc plumbeis, olim argenteis laminis cooperta fuerat, quas Constantinus tertius Heraclii nepos Romam veniens sustulit, simulq; omnes statuas ex ære, & marmore ad vrbis ornatum positas, omniaque templorum ornamenta paulò decentiora detraxit, nauibusq; ad id paratis impositis asportauit. Portæ vero templi æræ, miræ magnitudinis, veteri structura, cum æreis supra valuas cancellis. In pronaō Augusti, & Agrippæ fuere simulacra. In ipso vero templo Martis, & Veneris, ex cuius auribus pendebat vnio miræ magnitudinis, & taxationis, quem, vt scribit Macro. Cleopatra in auribus gerebat, cuius magnam partem, aceto consumpserat in cōuiuio, quo M. Antonium sumptibus superare contendebat, quæ vno haustu centies sestertium ebibit, sed qui superfluit victa regina, capta Ægypto Romam delatus, dissectusq; est, & factæ ex vna margaritæ duæ, positæ, vt diximus, Veneris simulacro: Phidias, inquit Plin. fecit ex ebore Mineruam Athenis, quæ est in Pantheo. astans. Hercules in Pantheone, ad quem Pœni omnibus annis humanas sacrificant victimas humi stans. Virg. enim Didonis describens templum alludere videtur ad hoc, in quo tot gradibus nunc descenditur, quot olim ascēdebatur, vt columnarum basis in porticu ipsius existentium ostendit, simul & area ex quadrato lapide superioribus annis detecta, ex quo deprehendi potest quantum ruinis creuerit Urbis solum. Notandumque etiam hoc in loco omnia templa apud veteres in sublimi condita gradibus ascendi, atq; vnum tantum habuisse aditum. Vnde Var. Omne enim templum debet esse continuo septum, nec plusquam vnum introitum habere. Agrippa autem templo porticum addidit, à quibusdam prothyrum appellatam, cuius verbi significationem Accursius Iurecon. se ignorare fatetur. Est autem locus ornamentī causa ante ianuam, veluti vestibulum, aut porticum, quasi *πρόθυρος*. Hæc vero porticus pulcerrima, & ferme integra adhuc stat, cuius tectum æreis, ac inauratis trabibus canalium modo compactis sustentatur: rotundis, ingentibusq; attollitur columnis, de qua Baptista Leo hæc habet verba: Extant in hunc vsque diem ad porticum Agrippæ contignationes æneis trabibus pedum XL. opus in quo nescias impensam ne magis, an artificis ingenium, mirere. Præter columnas totundas, habet quasdam alias quadratas, quæ dicuntur anthæ, anthes quadraturam significare Nonius affirmat. In huius frontispicio literæ cubitales, operis authorem ostendentes, sunt hæc.

M. AGRIPPA L. F. COS. TERTIVM FECIT.

De instauratione vero eiusdem templi infra minores literæ leguntur, hæc.

IMP. CÆS. L. SEPTIMIUS SEVERVS PIVS PERTINAX ARABICVS

ADIA-

ADIABENICVS PARTHICVS MAXIMVS PONTIF. MAX. TRIB. POT. XI. COS. III. PP. PROCOS.

IMP. CÆS. M. AVRELIVS ANTONINVS PIVS FELIX. AVG. TRIB. POTEST. V. COS. PROCOS. PANTHEON VETVSTATE CORRVPTVM CVM OMNI CVLTV RESTITVERVNT.

Spartianus autem ait Hadrianum prius Pantheum instaurasse. Iulius Capit. in vita ipsius Antonini pii de ipsa instauracione ita meminit: Opera eius hæc extât, templum Hadriani honori patris dicatum, instauratum Amphitheatrum, sepulcrum Hadriani, templum Agrippæ. Porticus autem numinibus priscos dedicare consueuisse, probat in marmore excisus hic index.

SILVANO SANCTO L. VALLIVS SOLON PORTICVM EX VOTO FECIT DEDICAVITQVE KAL. APRILIB. PISONE ET BOLANO COSS.

In area autem Pantheonis visuntur pari forma duo leonum simulacra ex marmaridum lapide subnigro, sub suis basibus collocata, cum hieroglyphicis literis, inter duo porphyretica labra, quæ in proximis Agrippæ, aut Neronis thermis fuisse multi opinantur. Templi Boni euentus vestigia quadrata, & oblonga spectantur inter Mineruæ, & Sancti Eustachii plateas. Colebatur autem Euentus, vt omnia prospere, feliciterq; euenirent: quare Var. ad Fundaniam scribens ipsum inuocauit, cuius simulacrum erat habitu pauperis, dextera manu pateram, sinistra vero tenens spicam. Praxitelem huius diui simulacrum in Capitolio fecisse, testatur Plinius.

CAP. CVI.

De Thermis Neronianis, & Alexandrinis, ac de Circo, qui Agon dicitur.



HERMARVM olim Neron. fornices, & arcus quidã adhuc extare videmus, post S. Eustac. eadẽ, inter Pantheonis & Longobardorum plateas: de quibus Mar. Quid Nerone peius, quid thermis melius Neronianis? Has Alexandrum instaurauisse nonnulli arbitrantur. Lampridius vero nouas iuxta Neronianas Alexandrum excitauisse: cuius sunt hæc verba: Thermas sui nominis fecit, iuxta eas, quæ Neronianæ fuerunt, aqua inducta, nunc Alexandrina quæ dicitur. Nemo thermis de priuatis edibus suis, quas emerat, disruptis edificiis fecit. Pulcherrimum fere omnium artium vetigal instituit: ex eoq; iussit thermas, & quas ipse fundauerat, & superiores populi vsui exhiberi. Syluas & in thermis publicis deputauit, & quia thermarum vestigia late patent, à S. Eustachio vsque ad domum Gregorii Narnien. viri optimi & humanissimi, in cella vinaria, cuius vidimus thermarum pauimenta, & plumbeas fistulas, Lampridii opinionem potius probamus, videlicet Alexandrum nouas prope Neronianas excitauisse thermas, præsertim quod in eadem domo, & in proximis, sunt puteiaquis limpidissimis, qui nulla arte possunt excicari, vt existimem esse ductum illius aquæ, quæ ab Alexandro inducta, eiusdem adquisiuit nomen. Iuxta autem has P. Victor thermas Hadriani posuit: quidam ferunt fuisse, vbi nunc S. Aloyfii templum, sed cum nulla ibi appareant Thermarum vestigia, certum locum illis non audeo assignare. Visuntur hodie in celeberrima Vrbs planæ parte vestigia spaciosissimi Circi, quem nunc Agonem vocitant, quod in eo ad nonum diem Ianuarii Agonalia Iano sacra celebrarentur, à Numa, vt scriptum reliquit Antias, instituta. Is enim Deus rebus agen-

agendis præsidere credebatur. Ego vero crediderim ibi non solum Agonalia, verum varios ludos, variaq; edita spectacula, & communi nomine Agonem denominatum, quo nomine cuiuslibet generis spectacula appellant Græci. Non enim placet, quod vult Ful. huic loco Equiriæ nomen fuisse, quia, vt diximus, rector erat via ab Augusti Mausol. ad S. Mariæ in Equiro ædem, vt inde currus in circum Flaminiū, sicuti Cassio. ait, dimitterentur. Præterea ædes ipsa in Equiro dicitur, non in Aquiro, neq; legitur vsquam, locum ibi fuisse paludosum, vt ab aquis ædes ipsa nomen sit adepta. Leue sane est argumentū, quod æreæ anates in ea fuisse dicantur, solent enim antiqua hominum, & deorum signa simul, & animalium ad locorum ornatum, huc, illuc transferri, sicuti videmus æneos pavones in S. Petri basilica, quos olim in pinu ænea ad Scipionū sepulcrum fuisse memorant. Quare cum solerent principes, vt supra patuit, omnia sui monimenta vno in loco extruere, Neronis, siue Alexand. circum existimauerim. Sunt enim horum thermarum vestigia prope, & ferme contigua. Non negamus tamē in eo Equiria sicut alia certamina, fuisse celebrata. Sunt autem Equiria ludi, quos apud Elidē Græciē ciuitatē Oenomaum primum omniū edidisse scribit Sex. Pom. & Pindari interpretes. Romulus postea cum imitatus eōsdem in raptu Sabinarum Italiæ ostendit, de quibus Ouid. 2. fast. ita meminit.

Iamq; duæ restant noctes de mense secundo,

Marsq; citos iunctis curribus vrget equos.

Ex vero positis permansit equiria nomen.

Quæ Deus in campo præstitit ipse suo.

Quidam autem aiunt in via triumphali Arcum Theodosii, Valentiniani, & Gratian. Im. fuisse, quo in loco nūc pecunia signatur, nos vero de his nil certi inuenimus, nisi quod fragmenta quædam superioribus annis apud ædem S. Celsi inuenta dicuntur, horum principum de arcu inditum facientia. Aliqui dicunt in eo arcu titulum insculptum esse huiusmodi.

IMPP. CÆSSS. D. D. D. N. N. N. GRATIANVS VALENTINIANVS ET
THEODOSIVS PII FELICES ET SEMP. AVGG. ARCV M AD CONCLV
DENDVM OPVS OMNE PORTICVM MAXIMARVM ÆTERNI NO
MINIS SVI PECVNIA PROPRIA FIERI ORNARIQ. IVSSERVNT.

C A P. CVII.

De Templo Neptuni, Terento, Ara Ditis ac Palude Caprea.



N ripa autem Tyberis, vbi nunc S. Basilii, olim Neptuni stabat Ædes, ab Hadriano restituta, quemadmodū in marmore ibi inuento titulus nobis significauit. In Neptuni naufragio seruati solebant tabellas naufragium ipsum pictum habentes ponere, auth. Fulgentius: Terentus, inquit Pom. locus in cāpo dictus quod eo loco ara Ditis patris occultaretur, vel quod profluētis Tyber. ripas aquarū cursus tereret. Quo in loco Euand. ex Arcadia profectus cū classe substituisse dicitur, hinc Ouid.

Iamq; ratem doctæ monitu Carmentis in amnem

Egerat, & thuscis obuivus ibat aquis.

Fluminis illa latus, cui sunt vada iuncta Terenti

Aspicit, & sparsas per loca sola casas.

Notādum autem non solum Ditis, sed & Proserpinæ aram subterraneam fuisse quam Val. Max. tradit egesta terra ad XX. pedum altitudinem, apud Terentum inuentam Valeſio quodam authore, ē Sabinis locuplete, & rusticæ vitæ ho-

mine

mine, qui liberatis tribus filiis ibi trinoctium furuæ hostiæ sacrificium exhibuit. vnde Aufonius.

Terna terentino celebrata trinoctia ludo.

Ipsam quidam aram Romani bello Albano constituerant, atque alta occulta-
uerant terra, vt omnibus, præterquam ipsis, esset ignobilis. Capream Paludem in
• campo Martio ante Urbem statuit Liuius. Plut. verò locum esse dicit versus ma-
re in rheumatibus Tyberis, ad quem vnus erat aditus, & propterea tutus; vbi Ro-
mulus cum exercitum recenseret, subita orta tempestate, sublatus è medio
apparere desiit.

C. A. P. CVIII.

*De Domo Coruina, Via Lata, & Templo
Isidis.*



LETÆ autem pars Urbis planæ, secundum radices
Quirinalis, à foro Traiani ad portam Flaminiam pro-
ducta, habuit prope Capitolium Domum Coruinam: à
qua locus in hanc vsq; diem nomen seruat, Macellum
enim Coruorum vulgo dicitur. vbi in pariete domus
Virgilij de Mantaco tiburtinis faxis insculpta legun-
tur hæc.

C. POBLITIO. L. F. BIBVLO ÆD. PL. HONORIS
VIRTVTISQVE CAUSA SENATVS CONSVLTO
POPVLIQVE IVSSV LOCVS MONVMENTO QVO IPSE POSTERIOQUE
EIVS INFERRENTVR PVBLICE DATVS EST.

Vbi no tantum honoris, virtutisq; causa additum, quia Duellio Cos. cautum
fuerat S. C. ne quis in Vrbe sepeliretur nisi, qui virtutis causa, legibus non tene-
rentur. Vnde Cic. Hominem mortuum, inquit, lex in XII. tabulis, in Vrbe ne
sepelito, neve urito. credo propter ignis periculum, atqui in Vrbe sepulti sunt
clari viri. Credimus eos, quibus ante hanc legem, virtutis causa tributum est, vt
Publicola, vt Tiburtæ, quod eorum posteri iure tenuerūt: aut eos, si quibus hoc,
vt C. Fabricius virtutis causa soluti legibus non sunt secuti. Propterea Imperato-
res, & virgines Vestæ, quia legibus non tenerentur, in ciuitate habebant sepulcra.
Denique etiam nocentes virgines Vestæ, licet viuæ, tamen intra Urbem campo
Scelerato obruebantur. Sed vnde digressi, eo reuertamur. A Macello Coruo-
rum ad septa campi Martij via Lata, adhuc priscum obtinens nomen, produci-
tur: à qua ædes S. Mariæ in via lata nomen accepit: propè quam nunc multa eru-
untur marmora, in quibus trophœa, triumphalesq; imagines vidi, cum hac in-
scriptione. VOTIS. X. ET. XX. qualem esse in arcu Constantini dictum est su-
pra, ex quo coniicimus arcum triumphalem ibi stetisse. hætenus tamen nihil a-
liud apparuit, vt cuius esset, iudicaremus. Ferunt Innocentium octauum Ponti-
ficem, in renouatione prædictæ ædis, hunc diruisse. In hac ipsa via Isidis Tem-
plum extitit. Blo. autè ex Sex. Ruff. descriptione, vbi ædes nūc S. Marcelli ponit:
in quo Vespasianum & Titum nocte illa, quæ triumphum præcessit, quicunq; me-
morat Suet. Iuuenalis verò propè septa statuit, cum inquit.

*A meroe portabat aquas, quas spargat in adem
Isidis, antiquo quæ proxima surgit ouili.*

Et licet ædes prædicta non multum à Septis distet, non tamen proxima dice-
tur. Vnde alij posuere Isidis in Platea nunc Sciarre, nonnulli apud ædem S. Ma-
riæ in Equiro. At certū locum nobis non licet assignare, nisi quod propè S. Mar-
celli templum inuentum est marmor hoc titulo insculptum.

Fuit autem Isis Ægyptiorum dea, & in magna apud ipsos veneratione, cuius sacra Romam aduecta esse testatur Lucanus. Lampridius in Com. Ant. Imp. vita Sacra, inquit, Isidis ita coaluit, vt & caput raderet, Isiacos vero pincis vsque ad perniciem pectus tūdere iubebat. Colebatur autem Isis cum Osiride viro, qui Serapis est nominatus; à quibus Iseum & Serapeum loca publica in regione Flaminia nomen sumpserunt. In Isidis autem templo magna dabatur adulteriorum occasio, vnde Ouid. ad amantem.

*Ne fuge niliacæ memphitica sacra iuuenta,
Multas illa facit, quod fuit ipsa Ioui.*

Quò in loco non de latrociniiis, quemadmodum opinatur Fuluius, verum de adulteriis & stupris intelligit. Ouid. Nam & Iosephus commemorat iuuenem quendam nomine Mundum Paulinam generosam, & pudicam alioquin matronam, cum impatienter amaret, sacerdotes Isidis pecunia corrupisse, qui nouo religionis commento mulierem in templum vocarent, eosq; finxisse, per noctem cum Osiride collocutos, persuasisseq; eam à deo desiderari, illam vero cum in templum venisset à iuvene, tanquam ab Osiride, compressam, & cum mox petulātius stuprum ei exprobrasset, mulierē marito rem detulisse Tiberio, atq; ipsum indignatum sacerdotes cū Mundi liberta, quæ facinoris fuerat conciliatrix, crucibus affixisse, temploq; Isidis euerfo, simulacrū eius in Tyberim præcipitari iussisse. De incendio autem huius templi meminit Dion. his verbis: Ignis diuinitus, potius quam ab homine Romæ excitatus, eamq; depopulatus. Nam Serapis & Isidis templum, & Septa, Neptuni ædem, thermas Agrippæ, Pantheon, Diribitorium, Balbi theatrum, Pompei Porticum, Octauiae domum cum Bibliotheca, Templum Iouis Capitolini cum ædibus & sacellis coniunctis exhaustit. Pluribus autem in locis fuisse Isidis templum testatur Spartianus in vita Caracallæ. Idem ait sacra Isidis Romam deportauisse, & templa vbique magnifice eidem deæ fecisse.

A D N O T A T I O.

Cum de viis, quæ nostris temporibus in Vrbe apertæ sunt, aliquid non abre fuerit hic inferere: sciendum itaq; est anno 1561. à Pio III. Pont. Max. vbi olim alta semita fuerat, ductam & stratam esse viam, quæ de suo nomine Pia vocata, hæc autem ab equis Tiridatis incipiens in ipso Quirinali, vsque ad portam eiusdem quoque nominis ducit, & inde etiam recta ad pontem qui Nomentanus, vulgo Lamentano, dicitur, trium circiter mill. pass. Tempore verò Gregorij Papæ XIII. anno 1575. via quæ à diuæ Mariæ Maioris ad basilicam Lateranensem ducit, aperta est, vt ex inscriptione in porticu illius Ecclesiæ ab Eugenio III. exstructo apparet. At S. D. N. Sixtus V. qui nunc viget Viam Felicem de suo nomine, quæ ab ipsius diuæ Mariæ Maioris templo ad ædes Sanctissimæ Trinitatis in colle Hortulorum, seu monte Pincio, duxit. Aperuit & eam qua à diuæ Mariæ Maioris ad Sanctæ Crucis in Ierusalem in agro Sessoriano recta tenditur, eamque pariter, qua ab ædibus diuæ Mariæ Maioris ad portam S. Laurentij recto tramite itur. Dum vero hæc scribebamus agebatur de aperienda via, quæ à Capitolio recta ad Lateranum duceret, ac etiam alia, quæ à templo diui Pauli extra mœnia in via Hostiensis ad Lateranum ipsum pariter de-

ueniret, quæ Deo adiuuante quamprimum
aperiendas fore creditur.

*De Arcu Camilli, Templo Minervæ, &
Foro Suario.*



ISCEDENS quis à via Lata versus Pantheona, non multò post illi occurreret rudis, nullisq̃ue ornamentis insignis arcus: cæterum, vt videtur, antiquissimus, quem Camillianum, tanquam Camillo erectum, nunc vocitant. At nescio quo modo velint Camillum arcum habuisse triumphalem, cuius vsus multis seculis post Camillum inuentus à multis dicitur. prius enim triumphalia tantum signa cum statuis, & trophæis, ducibus & triumphatoribus erigi solebant, qualia Marij esse adhuc videmus. quòd si, vt par est, triumphalem arcum esse concedimus, non alicuius imperatoris, aut ducis fuit, quam ex ijs, qui post C. Cæsarem fuerunt. Sequitur statim inter Pantheona, & hunc arcum, Templū Mineruæ, à quo nunc diuæ Mariæ sacrum, nomen retinet. Illius autem antiqui exstant in cœnobio fratrum parietes, oblongam & quadratam formam templi ostendentes, sed non magnam. Quod templum olim testudinatum, multisq̃ue ornamentis insignitum Pompeius condidit; in quo triumphalia, & gestorum breuiarium posuit, vt in marmorea tabula legimus, & eisdem ferè verbis Plin. sic testatur. Toties Imperator antequam miles, postea ad tot maria, & deinde solis ad ortus missus hos retulit patriæ titulos, more sacris certaminibus vincentium, neque ipsi coronantur, sed patrias suas coronant. hos ergo honores Vrbi tribuit in Delubro Mineruæ, quod ex Manubiis dedicabat Cn. Pompeius Magnus Imperator. Bello XXX. annorum confecto, fuis, fugatis, occisis, & in deditionem acceptis hominum centies vices semel LXXXIII. millibus, depressis aut captis nauibus DCCCXLVI. Oppidis, castellis mille quingentis. XXXVIII. in fidem receptis. terris à Mæotis lacu ad Rubrum mare subactis, votum merito Mineruæ. hoc breuiarium eius ab oriente. Ad radices autem Quirinalis in hortis Columnensium propè clium, qui nunc in montem Caballum ducit, Forum Suarium olim fuerat, ita denominatum, quod eo in loco sues venundarentur. quapropter Sancti Nicolai ædes inibi nunc sita, in Porcilibus cognomentum retinet. M. quidem Var. docet antiquos habuisse loca constituta, vbi res peculiariter venderentur, quæ loca nomen sortirentur ab ipsis rebus, vt Boarium vbi boues, Piscarium vbi pisces, Holitorium vbi holera, Suarium vbi sues. Quidam in radice eiusdem montis, in regione viæ Latæ, campum Agrippæ, & Septa fuisse, authore Lampridio, asserunt. Sed certum locum non ostendunt Lampridij verba, quæ sunt hæc. Instituerat & Alexander Seuerus basilicam Alexandrinam inter campum Martium & septa Agrippina.

De Campo Martio siue Tyberino.

QUANTUM in eo capite, quod est de vario Urbis ambitu, satis declaratum arbitror, quid de campi Martij terminis, finibusq; sentirem: tamen cum ad eum peruenerimus, libet quædam inter sese contraria quæ videntur, addere, quo euidentioribus coniecturis, & argumētis pateat Ful. haud rectè hunc montium radicibus, fluminisque ripa terminauiſſe. licet Liuius, quem habet authorem, agrum Tarquiniſſimum Marti consecratum inter Urbem & Tyberim iacere dicat. quia aliud est inter Urbem & Tyberim, ab eo, quod ipse vult, inter montes & Tyberim. ex quo Liuij verba non repugnant iis, quæ diximus, videlicet mœnia à porta Collina deducta per mediam Urbem planam ad ripam Tyberis fuiſſe, eregione murorum ſtructorum ab Anco rege in Tranſtyberina regione. At melior est ratio. Si Urbis mœnia montes non excedebant, cur idem Liuius in pratis Flaminiiſſis ea omnia acta dixit, & non in campo Martio, cum Flaminij prata inter montes & Tyberim quin iaceant, negare poſſit nemo, nempe, quia non erant campi Martij pars. Non fit quippe veriſimile eum agrum, qui fuerat Marti ſacer, in ius priuatum tranſuiſſe. Præterea cum Dionyſ. omnia circum Urbem habitata commemoret, domusque priuatas in hac planitie fuiſſe legerimus, vt Coruinarum, Pompei, Martialis, in campo Martio hæſtatuemus; iusq; priuatis hominibus ſtruendi domos in loco ſacro dabitur, aut forum in quo ſues venundentur inſtituetur. Quare huius planicie partem ædificiis, tanquam Fo. Rom. proximiorẽ, ſecundum Dionyſ. occupatam, Martij campi non eſſe partem, tenemus. Nunquid Urbis: & intra mœnia receptam? Licet locorum natura, quibuſdamve coniecturis quandoque muris ſeptam coniiicere videar; Liuius tamen ſexto belli pu. facit, vt quo tempore fuerit ſepta, non auſim affirmare. Scribit enim ab æde Apolliniſſis boues tæminas duas, albas, porta Carmentali in Urbem ductas. cui portæ cum ſub Capitolio fuerit locus, omnia ab ipſo ad Tyberim extra Urbem extitiſſe videntur. Illud autem non prætereundum. Ful. non ſatis de campo Martio ſibi conſtare. Nam in eo capite, quod eſt de Quirinali, ex Suet. refert Domitianum natum ad malum Punicum in domo, quam poſtea in Templum gentis Flauie conuertit, iuxta hortos Salluſtianos, quorum, inquit, veſtigia adhuc exſtant in profunda valle inter portam Salariam, montem Quirinalẽ, & collem Hortulorum; & ſic ipſos hortos in Vrbe ponit. vbi verò de obeliſcis agit: Alter, ait, obeliſcus Lunæ dicatus adhuc cernitur in colle Hortulorum, in hortis Salluſtianiſſis, qui locus Gyrlus ab incolis nunc dicitur. & cum collis Hortulorum fuerit extra Urbem, neceſſe eſt eodem hortos extra fuiſſe. & ita non ſolum de loco, verum & de vulgari nomine titubat. Hic enim Gyrlum: illic Salluſtricum ait. Quinimo campum ipſum Martium totum, nedum partem, mœnibus modo excludit, modo, portam Aureliam prope Hadriani molem transferendo, intra Urbem recipit. Sed ad Campi deſcriptionem aggrediamur, qui Martius ideo cognominatus dicitur, quia Marti à maioribus fuerat consecratus. Nam cum cæteri campi regis Tarquiniſſi, qui ob iuſtitie contemptum dictus eſt ſuperbus, poſt eius exilium dati iis eſſent, qui agros non haberent, vnus hic ager Marti fuit consecratus, campusq; Martius dictus auth. Liuius & Dionyſ. meminit & Strabo in hæc verba: Veteres illi Romani neceſſariis rebus magis intenti, Urbis pulchritudinem contempſere. Poſteri verò, & ij præſertim qui noſtris fuere temporibus, innumerabilibus, & præclarisſimis

rissimis impleuerunt insignibus. Pompeius enim & D. Cæsar, & Octavius, & eius filij & familiares, & vxor, & soror cunctorum studium simul, & impensas ad præparanda decora superauerunt. Maximam autem horum partem Martius campus habet, præter natiuam locorum amœnitatem, artis, & solertiæ exercitationes admittens. Campi enim admirabilis magnitudo, simul & curules pariter cursus, & alia equestria certamina expedita suppeditat. nec minus tam multis, pilam, circulum, palæstram exercitatione tractantibus aliâq; incumbentia simul opera. Quid perennes solo herbas, coronatosque ad fluminis alueum colles? Scœnicarum ostentatio picturarum, eiusq; generis spectacula, præstant, vt difficulter, & inuitus abscedas. Priusquam enim Marti consecraretur, Tyberinus, auth. Gellio, dicebatur Campus, sicut Tyberis Martius, vt testis est Statius secundo Syl. Belisarium autem huius campi partem (erat enim ad pontem Miliuium vsque productus) muris per radices collis hortulorum, & inde ad Tyberim ductis, intra Urbem recepit, scribit Procopius. Sciendum quod in campo Martio, veluti in Capitolio, statuæ virorum illustrium erigebantur. Vnde C. Iulius quædam ab Augusto ex capitolina area, propter angustias illo translata, ita subuertit, atque disiecit, vt restitui saluis titulis non valuerint. Sed alia eius ornamenta iam percurramus.

C A P. CXI.

*De Porticu, Templo, Columna, & Palatio Antonini Pij,
ac de Septis, siue Ouilibus.*



EXSTAT hodie inter Sciarra, Pantheonisq; plateas, iuxta ædem S. Stephani de Trullio, Porticus, cuius principium & finis licet non appareat, columnæ tamen marmoreæ, ingentes, numero vndecim, quæ supersunt, ita dispositæ cernuntur, vt stadiatam porticum Antonini Pij Impe. fuisse multi arbitrentur. quo in loco Templum etiam habuisse dicitur, argumento quod literæ cubitales, in marmore ibi inuento incisæ, huius templi memoriam continerent. Sunt tamen qui Martis templum ibidem fuisse contendunt. Hinc enim ipsius Antonini cochlidis Columnam parum distare videmus, quam instar Traiani ipse sibi erexit. altitudinis pedum CLXXXVI. cum interiore cochlea, & gradibus CVI. ac fenestellis LVI. incendio parum deformatam, circumquaq; res à se gestæ incisæ nunc spectantur. in vertice vero eius olim simulacrum nudum, quale in ipsius numismatibus cernere licet. Columnam autem Sex. Ruffus in ara Flaminij esse scribit. inter quam, & porticum Imper. ipse Palatium habuit. ex cuius ruinis locus paulo eminentior factus videtur. Inter ipsam autem columnam, & aquam Virginem Septa fuere. Erant enim septa loca tabulis inclusa, & vallata, in quibus Po. Ro. suffragia laturus claudebatur. Martialis. In septis Mamurra diu multumq; rogatus. Ouilia etiã sumpta similitudine ab ouium septis, sunt appellata. licet Blon. velit Ouilia fuisse minoris ambitus loca, in quibus centuriæ à tota tribu separatæ de agendis, priusquam citarentur, consultabant. de iis Lucanus. Et miseræ maculauit Ouilia Romæ. Hæc iuxta viam Fornicatam, Flaminiamq; a Liuiio ponuntur. Notandum & hoc in loco Fuluij contrarietatem. Lucanus, inquit, non de Septis, vt creditur, sed de villa Publica intellexit, vbi I. X. debitorum millia cæsa dicuntur authore Sylla. Demus autem in villa Publica istos cæsos fuisse, nunquid ipsam villam Ouilia appellauit Lucanus: certe non: sed ideò Ouilia maculasse ait Syllam, quia ex ea nonnulli fugientes in Oui-

libus sunt interfecti, nisi dicemus ratione vicinitatis locum pro loco posuisse. cui opinioni verba ipsius Fuluij apertè repugnant, quæ sunt: Satis constat septa fuisse in eo ambitu, vbi nunc columna cochlidis Antonini pij. Supra verò villam Publicam sub Capitolio ponit, quæ, ex verbis Ciceronis, per ipsum etiam adducta, prope septa fuisse, mox apparebit.

C A P. CXII.

*De Monte Citatorum, Villa Publica, Templo Neptuni,
& Ponte in Campo Martio.*



VRGIT inter columnam Antoninam, & S. Laurentij in Lucina ædem tumulus, nunc Citorus mons, pro, Citatorum, vocatus. non quòd ibi esset mons, verum quod eo Po. Rom. ad creandos magistratus citatus olim conueneret. Sunt qui Acceptorium ab acceptandis suffragiis, siue Septorum à proximis septis, nomē obtinuisse volunt. Non placet autem, quod putat Fuluius, locum editum factum ex egestionē terræ ex fundamentis columnæ Antonini. quia non fit quippe verisimile tumulo terræ, & ruderibus eum locum occupatum esse, qui celeberrimus erat ædificiis & comitiis, aliisq; publicis negociis destinatus. Et cum planities illa æqualis latè pateat, nisi ab ea parte, vbi mōs ipse Citorus attollitur, absurdum est etiam dicere, quod Fuluius, positum pro aggere ad reprimendum Tyberis inundationes. quia circularem propemodum habens formam, nullā præ se fert aggeris speciem. Quare credimus potius ex ruinis alicuius ædificij, veluti porticus, Amphitheatri, aut villæ publicæ locum excreuisse. Erat enim Villa Publica domus ampla, veluti Curia, in qua hostium legati, quibus neque in Urbem aditus patebat, neque in Grægotasi hospitium concedebatur, recipiebantur, & de publico alebantur. Liuius. Macedones deducti extra Urbem in villā Publicam, ibiq; iis locus, & lautia præbita. Quod autem hostium legati intra Urbem non susciperentur, Rhodiorum legati apud eundem Liuium quinto dec. quintæ conquerentes, ita probant. Antea Carthaginensibus victis, Philippo, Antiocho superatis, cum Romam venissemus, ex publico hospitio in curiam gratulatum vobis P. C. ex Curia in Capitolium ad deos vestros dona ferentes, nunc ex sordidissimo diuersorio vix mercede recepti, ac propè hostium more extra Urbem manere iussi, in hoc squalore venimus in Curiam Romanam Rhodij. Notandum est etiam, eodem authore, Romanos consuevisse sumptum, & locum præbere de publico, nō solum legatis verum etiam amicis Pop. Roma. eius sunt hæc verba ex quarto eiusdem dec. Onesimo Pythonis filio nobili Macedoni ad Romanos cum transfugisset Senatus locum, Lautiam præberi iussit. Sed ad Villam Publicam reuertamur, in qua etiam censum haberi solitum ferunt. Sylla, inquit Val. Max. in Publica villa, quæ in campo Martio erat, quatuor legiones contrariæ partis fidem suam secutas, obtruncari iussit. Meminit etiā L. Florus, & Cic. ad Atticum his verbis. Efficiemus rem gloriosam. nam in campo Martio Septa tribuniciis comitiis marmorea sumus, & recta facturi, eaq; cingemus excelsa porticu, vt mille passuum conficiatur, simul adiungetur huic operi Villa Publica. Quo in loco innuit villam publicam propè Septa excitari solitam esse. neq; intelligit Cicero se septa alibi, quam vbi prius erant, sed lignea, quæ erant ex marmore, facturum. Quod tamen nec Cicero ipse, neque alius postea fecit, bello ciuili, post eam epistolam suborto, prohibente. Iuxta autem Septa Neptuni Templum cum Porticu pulcherrima fuisse, scri-

se, scribit Dionys. quem locum M. Agrippa multis decorauit ornamentis. Erat autem apud Citatorum montem, Antoniniq; columnam Pons, per quem citati, postquã tulerant suffragia, ne laturis se immiscerent, & cui fauissent dicere possent, transeuntes separabantur. de quo Sueto. intelligit, vbi de consiliis coniuratorum his differit verbis. Qui primi cunctati vtrum illum in campo per comitia, & tribus ad suffragia vocantem partibus diuisis è ponte deiicerent, atque exceptum trucidarent, an in Sacra via, vel in aditu theatri adorirentur. Nonius Mar. refert sexagenarios per pontem non mittendos, quia suffragium non ferant, quod pro ponte fiebat.

CAP. CXIII.

De Aqua Virgine, Lacu, & Æde Iuturna, ac Pietatis.



QVA autem Virgo, quæ nunc potu suavis antiquum retinet nomen, propè pontem Solarium concipitur, & profundissimo fluës cuniculo, per Collatinamq; ingrediens portam, sub colle Hortulorum attollitur. opere deinde arcuato per Marcium campum deducta multis fistulis priuatis ædibus, & accolis commodissimè aquam subministrat. Sub hortis verò Lucullanis in eodè campo, sicut Appia & Alsietina olim finiebatur. In eius aquæductu marmor inclusum, hunc indicem incisum continet.

TIBERIVS CLAVDIVS DRVSI FILIVS CÆSAR AVG. DVCTVS AQVÆ VIRGINIS DESTINATOS PER CÆSAREM A FVNDAMENTIS NOVOS REFECIT AC RESTITVIT.

In hortulo vero Angeli Colorij antiquitatis viri studiosissimi, tiburtino lapide sculpta huiusmodi leguntur.

TI. CLAVDIVS DRVSI. F. CÆSAR AVGVSTVS GERMANICVS PONTIFEX MAXIM. TRIB. POT. V. IMP. XI. P. P. COS. DESIG. IIII. ARCVS AQVÆ DVCTVS VIRGINIS DISTVRBATO PER C. CÆSAREM A FVNDAMENTIS NOVOS FECIT AC RESTITVIT.

Suctoni. tamen aquæ Virginis in Vrbem perductæ M. Agrippæ laudem attribuit, vt infra ostendemus. Forma autem huius aquæ magnam Martij campi obibat partem. Ovidius.

Te quoque lux eadem Turni soror ade recepit.

Hic, vbi virginea campus obitur aqua.

Ex quo apparet Iuturnam Ædem in campo habuisse, iuxta eiusdem nominis lacum. Fuit enim Iuturna Turni soror, quæ lacui, in quo submersa est, nomen dedit, qui locus nunc pro Iuturna corrupto nomine dicitur Lotreglio. Hæc autem aqua apud veteres salubris habebatur. Vnde Varr. Nympha, inquit, Iuturna quæ iuuaret: Quare ægroti propter id nomen ex eo fonte aquam petere solebant.

Pietatis Templum, vt quidam tradidere, fuit in

campo Martio, vbi nunc ædes Sancti

Saluatoris de Pietate.

De Arcu Domitiani, Obelisco Campi Martij, Amphitheatroq; Claudij Imperator.



TRIVMPHALIS arcus mutilatus, suisq; spoliatus ornamentis & titulis inter S. Sylvestri & Laurē. in Lucin. sacras ædes, viam amplexus Flaminiam, Domitiano Imper. adiudicatur, argumento, quod in ipso cernitur talis, qualis à Suet. describitur, videlicet somnians se à Minerua destitutum, & illam excedere sacrario, negantemq; se ultra tueri eum posse, quod exarmata esset à Ioue. De arcu autem ipso sic meminit Mart. Stat. sacer, & domitis gentibus arcus ouans. Domitianus enim per omnes regiones fecit Ianos, arcusq; cum insignibus triumphalibus. quos in ipsius vnus titulum, ac nomen substructos, postea disturbatos esse affirmat Dion. Qui verò nunc exstat arcus Tripholi vulgo appellatur, quasi tripolis, vt quibusdam placet, ob victoriam trium vrbiū. vel, vt aliis, à deuicta Tripoli Thessaliæ ciuitate; de qua Liuius secundo 5. dec. sic meminit: Consul cum III. milia fermè abesset à Tripoli (Sceam vocant) super Peneum amnem posuit castra. Vetus autem huius arcus inscriptio patrum nostrorum memoria adhuc legebatur. Augustus ex vrbe Hieropoli duos Obeliscos Romam transtulit, quorum maiorem in circo Maximo iacere dictum est. Alter verò minor ped. 19. in campo Martio, propè S. Laurentij in Lucina ædem, in cella vinaria cuiusdam ciuis Rom. visitur confractus, in cuius base huiusmodi legitur titulus.

CÆSAR. DIVI. IVL. F. AVGVSTVS

PONTIFEX MAXIMVS IMP.

XII. COS. XI. TRIB. POT.

XIV. ÆGYPTO IN POTESTATEM.

POPVLII

ROMANI REDACT.

SOLI DONVM DEDIT.

De quo loquitur Plin. his verbis. Is obeliscus, qui est in campo Martio centum decem pedum est à Mersodide inscriptus, rerumq; interpretationem Ægyptiorum philosophiæ continet. cui Augustus addidit mirabilem vsum ad deprehendendas solis vmbas, dierumq; ac noctium magnitudines, strato lapide ad obelisci magnitudinem, cui par fieret vmbra Romæ, cōfecto die, sexta hora, paulatim per regulas, quæ sunt ex ære inclusæ, singulis diebus decreverent, ac rursus aufereret. digna cognitu res, & ingenio fecundo. Manlius mathematicus apici pilam auratam addidit: cuius vertice vmbra colligeretur in semetipsam alia, atque alia incrementa iaculante apice, ratione, vt ferunt, à capite hominis intellecta. hæc dierum obseruatio triginta ferè annis non congruit, siue solis ipsius dissono cursu, & cœli aliqua ratione mutato, siue vniuersa tellure aliquid à centro suo dimota, vt deprehendi, & in aliis locis accipio, siue Urbis tremoribus ibi tantum gnomone intorto, siue inundatione Tyberis sedimento molis facta. Ibidem autem effossum fuit Horologium cum lineis, & gradibus deauratis. in singulis verò quatuor ventorum imagines ex opere musiuo sculptæ visebantur, cum hac inscriptione. VT BOREAS SPIRAT. Claudium autē Imp. Amphitheatrū iuxta septa ædificauisse statuis, & columnis pulcherrimè exornatum, quod à Tiberio imperfectum fuerat relictum, scribit Suet. item, Neronem ludos spectauisse è proscenij fastigio munere, quod in amphitheatro ligneo, in regione Martij campi intra anni spacium fabricato, dedit. Iunonis Lucinæ ædes vbi nunc Sancti Laurentij in Lucina.

De Valle Martia, Palatio & Porticu Augusti, & de Domitiani Naumachia, ac Flavia gentis Templo.



ALLIS autem Martia à campo, cui cohæret, vel in quo est, nomen sortita, iacet inter Tyberim & collem Hortulorum. In hac autem ad radices eiusdem collis, loco maximè deprefso, apparent Naumachia Domitiani vestigia. Nam Suet. ait ipsum edidisse nauales pugnas penè iustarum classium effosso, & circumstructo iuxta Tyberim lacu, atque inter magnos imbres spectauisse; struxisseq; Stadium Methodeum, & Naumachiam, ac ex eius lapide postea circum Maximum, deustis vtrinq; lateribus, exstructum. Hanc quidem Domitiani Naumachiam, vbi prius Augusti, fuisse opinamur, Augustiq; stagnum longa dissuetudine limo repletum, ab ipso expurgatum, denominationemq; accepisse. Sed cum circa Tyberim dicat Suet. non sub colle hortulorum, de loco dubium facere videtur. Solutio est. Quod parum distat, iuxta dici potest. Nam & Strabo colles, qui plus distare cernuntur, coronatos ad fluminis alueum dixit. Legimus autem Augusti, & Domitiani monumenta quædam circa hunc locum fuisse, vt par sit credere (sicut & naturaloci ostendit) ibi vtriusque Naumachiam stetisse. Iuxta quam idem Suet. gentis Flaviae Templum collocauit. cuius quadratos lateres amplissimos ex ruinis, quæ ecclesiam S. Syluestri, eiusq; monialium monasterium sepiunt, extractos se vidisse ait Blon. quorum nonnulli literas haberent in hæc verba. DOMITIANA MAIOR PARS. DOMITIANA MINOR.

Ex quo se coniecere dicit, quidquid, siue Thermæ, siue Methodeum, siue Naumachia fuerit, Domitiani opera omnia, quæ ad S. Syluestrum vndiq; nunc cernuntur, vsq; ad S. Laurentij in Lucina ædem. Illud autem incertum, Naumachia & lacus vnum & idem, vno in loco: an nomine & loco diuersa. Iulius Capitolinus refert Augustum instituisse Porticum in campo sub colle pedum mille, ita vt ab altera parte Porticus mille pedum fieret, atque inter eas spatium hinc inde viridaria essent, lauro, myrto, & buxo frequentata. medium vero lithostratum breuib; columnis intrinsecus positis, & singulis per pedum mille, quod esset deambulatorium, ita vt à capite esset Basilica pedum quingentorum. cuius vestigia in radicibus collis Hortulorum secus Naumachiam adhuc apparere dicuntur. Sunt qui putant eiusdem principis Palatium fuisse inter ædem S. Felicis in pincis & Augustam.

De Augusti Mausoleo, & ad eum de duobus Obeliscis; ac de Marcelli sepulcro.



AVGVSTVS in valle Martia, interq; viam Flaminiam, & ripam Tyberis, sexto suo consulatu Mausoleum, non suum modo, sed omnium Imperatorum & cognatorum sepulcrum, exstruxit. Hinc Sueton. in ipsius Augusti funere: Reliquias, inquit, Mausoleo cõdiderunt. de eodem Cassio. ita scribit: Sed mundi dominus ad potentiam suam opus extollens mirandum Romanis, etiam erigens fabricam in vallem Martiam retendit Augustus, immensa moles firmiter præcincta montib; cõtinetur, vbi magnam

rum rerum inditia clauderentur. Bisſena quippe oſtia ad XII. ſigna poſuerunt. Commemoratione, inquit Strabo, digniſſimum eſt, quod Mauſoleum appellant, in excelsis fundatum molibus, lapide niueo, & perpetuæ viriditatis arboribus coopertum. in ſummum uſque ad verticem cubitorum CCL. ad fluminis ripam aggeratum. In ſummo autem poſitum eſt Cæſ. Auguſti ſimulacrum ex ære fabricatum. Sub aggere ipſo ſunt eius loculi, & cognatorum & neceſſariorum. A tergo verò locus eſt mirifica continens ambulacra. In medio autem campi ſpacio buſti exſtat ambitus, & hic ipſe niueo perfectus lapide, in circuitu ferreos cancellos habens, & plantatas interius præ ſe ferētes populos. Huius autem Mauſolei meminit & Hierony. primo contra Iouianum. Exſtat adhuc ubi vulgo Auguſta dicitur, iuxta S. Rochi eccleſiam interior circumferentia reticulato opere. olim verò tres circumferentias fuiſſe, veſtigia ſatis oſtēdunt, inuicem ita diſtantes, vt in plures partes interſecarentur, pluresq; efficerent loculos, quo quiſq; ſeorſum à cæteris ſepeliretur. Habuit enim hic locus in honorem Auguſti, Pacis, ac Victoriæ, & P. P. inſcriptionem. Quod verò cognati, & non modo Imperatores in eo conderentur, probat Virg. in Marcelli funere, cum ait.

*Quantos ille virum magnam Mauortis ad Urbem
Campus aget gemitus? vel quæ Tyberine videbis
Funera, cum tumulum præterlabere recentem?*

Quamquam nonnulli molem illam inſtar turris, quæ eſt ad portam nunc Populi ornamentis ſpoliatam, Marcelli ſepulcrum eſſe putent. ſed cum ultra Scorpionis iactum diſtet à Tyberi, rectius intelligemus de Mauſoleo Tyberi incumbenti. Nam poeta eo verbo præterlabere, innuit Marcelli ſepulcrum iuxta fluuium. Et in Mauſoleo etiam liberos, vel certè apud, conditos eſſe probat epitaphium cuiuſdam liberti Auguſti in marmore exciſum, ibique inuentum, quod eſt.

D.

M.

VVLPIO MARTIALI AVGVSTI LIBERTO A MARMORIBVS.

Mauſolei autem nomen impoſuit Auguſtus, quia ad ſimilitudinem ſepulcri Mauſolei regis Cariæ ab Artemiſia eius vxore ſtructi fabricauerat. Apud hoc enim duo fuere Obeliſci magnitudine pares, ſinguli pedum XLII. quorum alterum inter ipſum Mauſoleum & Tyberim contraſtum iacere in via videmus. Alter verò inuentus, nec effoſſus, poſt S. Rochi ædem ſub tellure latet.

A D N O T A T I O.

Iacuit ad noſtram uſque ætatem, per multa ſæcula (vt creditur) vnus ex obeliſcis Mauſolei Auguſti Cæſaris fractus ante ædes diui Rochi, in ipſa valle Martia, ſeu via Flaminia, quem inde Anno 1586. Sixtus V. Pon. Max. ornandæ baſilicæ D. Mariæ Maioris gratia, ubi etiam ſacellū eminens inſtar templi, maximo ſumptu & ornatu crexerat, ac Natali Saluatoris Domini noſtri ad Præſepe, inſigni pietate dicauerat, aſportari iuſſit, Dominico Fontanio Architecto vehente & erigente;

qui hodie ante ipſas ædes è conſpectu viæ Felicis, quam idem ſummus

Pontifex de ſuo nomine eodem anno aperuit, & ſtrauit, ſublatus cernitur.

*De Via Flaminia, Trophæis Marij, & quibusdam aliis
ornamentis campi Martij in genere.*



IAM Flaminiam, quæ olim iuxta Antonini Pij columnam inchoabat, Cn. Flaminius M. Lepidi collega in consulatu victor Ligurum strauit. Hæc autem per Narniam, Fulignum, Nuceriam, Callium, Fanum fortunæ, Pisaurum, Ariminum ducebat. Liuius verò scribit: M. Æmilium Cos. Liguribus subactis, viam à Placentia productam Flaminix coniunxisse, & Q. Flaminium viam, quam flaminiam appellauit, strauisse, innuitq; habuisse fines ab Isauro, nunc Folia, ad Vaternum Fori Cornelij annem. Æmiliam verò inde ad Trebiâ Placentix urbis fluuium. Sed Flaminia erat consularis; de qua Suet. in Augusto ita meminit: Quo facilius vndiq; Vrbs adiretur, desumpta sibi Flaminia via Arimino tenus munienda, reliquas triumphalibus viris ex nauali pecunia sternendas curauit. Et Cicer. ad Atticum; Propterea, inquit, quod Thermus curator est viæ Flaminix, quæ cum erit absoluta; & reliqua. In hac autem Augusti Mausoleum inter, & collem Hortulorum Trophæa Marij de Iugurtha fuere, argumento quòd ibi marmorea tabula inuenta est, cum indice C. Marij de triumpho Iugurthino huiusmodi.

PR. TR. PL. Q. AVGV. TR. MIL. EX SORTEM BELLVM CVM IGVRTHA NVMD. VEL PROCOS. GESSIT. EVM COEPIT ET TRIVMPHANS IN IOVIS AVTEM SECVNDO CONSVLATV ANTE CVRRVM SVVM DVCI IVSSIT. III. CONSVL. APSENS CREATVS EST. IIII. TEVTONORVM EXERCITVM DELEVIT. V. CONSVL CIMBROS FVGAVIT EX EIS ET TEVTONIS ITERVM TRIVMPHAVIT. REM. TVRBATAM SEDITIONIBVS ET TR. PL. ET PRÆTOR QVI ARMATI CAPITOLIVM OCCVPAVERANT. VI. COSS. VINDICAVIT POST LXX. ANNVM PATRIA PER ARMA CIVILIA PVLSVS ARMIS RESTITVTVS. VII. COS. FACTVS EST DE MANVBIIS CIMBRICIS ET TEVTONICIS ÆDEM HONORI ET VIRTVTI VICTOR VESTE TRIVMPHALI CALCEIS PVNICEIS.

Trophæi autem significatio à V.. Humarco ita traditur. Fuga hostium græcè vocatur *σιεση*, hinc spolia capta fixa stipitibus appellantur trophæa. Syllæ sepulchrum Martio in campo statuit Appianus, Liuius Hircij & Pansæ, Florus vero Iulix. Nam Augustus Iulias filiam, neptemq; si quid eis accidisset, vetuit sepulchro suo inferri. auli. Suet. In eodem campo Cor. Tac. Britanici sepulchrum posuit, in quo prius expugnationem fecerat. Suet. Drusi, diui Claudij patris. In domo autem & hortulo Angeli Colotij hæc visuntur, Socratis Statua Alcibiadem amplexantis. Iouis Hammonis, Protheique & Æsculapij simulacra. Menses cum signis, & diis tutelaribus. Scyphius, & Arion equi, quos in Thessalia, percussa terra tridente, Neptunus eduxit, Mensuraq; pedis Romani, qua nos Urbem sumus dimensi. Verù in priuatis ædibus, quæ nunc sunt ex priscis ornamentis si numerare vellemus, longum simul, & laboriosum utiq; foret, fructus verò per tenuis: cum ibi non sint inuenta, sed hinc, inde translata. Quare hæc plus satis curiosis relinquimus. Martio autem alterum minorem campum proximum fuisse quidam volunt, propter, qui sequuntur, Catulli versus.

Si me quæsieris minore Campo.

Tum innumerabiles circum circa porticus, horti numerosi, theatra tria, simul & amphitheatrum, templa magnificentissima inter se contigua, ut quasi aliud agentia, reliquam urbis venustatem ostentare videantur. Viam rectam appellatam, in campo Martio fuisse scribit Sen.

De Tyberino Flumine.

EMPVS erat in Ianiculum, siue, vt nunc aiunt, in Transtyberinam regionem transeuntes antiquę Vrbis monumentis extremam manum imponere: occurrente aut̃ Tyberino flumine, quem regionem ab Vrbe determinare supra declaratum est, nō videtur alienum de eius etymologia, variis nominibus, latitudine, altitudine, natura & lapsu, pauca quędam prius exponere. Tyberis igitur vnde dictus varia est opinio. Aliqui dicunt quodam tempore Syracusanos victores cępisse Atheniensium hostium ingentem multitudinem, & eam cęsis montibus fecisse, vt adderent munimenta ciuitati, & tunc auctis muris, & fossam intrinsecus factam esse, quę flumine admissio repleta munitiorem reddidit Vrbem, hancq; fossam per hostium pœnam, & contumeliam factam Thybrim vocasse *ὑπὸ τῆς ἰβρίας*. i. à contumelia, & postea profectos Siculos ad Italiam, eam tenuisse partem, vbi nunc Roma est, Albulamq; flumē ad imaginem fossę Syracusanę Thybrim, quasi *ἰβρίν* vocauisse. Alij vero Thybrim regem Thuscorum fuisse, & iuxta hunc fluuium pugnatem cecidisse, fecisseq; ei nomen. Alij volunt istū ipsum regem latrocinatū esse circa huius fluminis ripas, & transeuntib. crebras iniurias intulisse, Thybrimq; quasi *ἰβρίν* dictum. Quidam à Tyberi vicino regulo Veientum Tebrim appellatum putant, auth. Varr. Quod autē à Tiberino Albanorum rege sit Tiberinus nuncupatus, vt scribit Ful. non procedit, ideo quia etiam ante Albam Tybris dictus inuenitur. In sacris quidem Tyberinus: in communi sermone Tyberis; in poemate Tybris vocatur. Sed quod prius Albula diceretur, ostendit Virg. cum inquit. Amisit verum vetus Albula nomen, quod à colore aquarum prius obtinuerat. Antea vero Rumon vocabatur, quasi ripas ruminans & exedens, & in sacris Serra. vnde est. Et pinguis culta secantem. In aliqua etiam Vrbis parte, Terentum, eo quod ripas tereret. Idem poeta cęruleum, Horatius verò flauum appellat. Oritur autem ex Apennino paulo supra Arnum, tenuis primum, deinde XLII. amnis auctus, excrescit, præcipue Nare & Aniene. Thusciam primum ab Vmbris, deinde à Sabinis, nouissimè à Latinis dirimens, Vrbemq; à septentrione ingrediens, à meridie inter Hostiensē & Portuensē viam à dextris Ianiculum, à sinistris Vrbem relinquens, egreditur, in mareq; Tyrrhenum propè Hostiam vno legitimo ostio se exonerat; qualibet magnarum nauium mercator placidissimus. hinc Dion. Ex Ianiculo conspicua est Roma, latitudo Tyberis quatuor est iugerum, altitudo tanta, vt possit magnas perferre naues, neq; pedibus transiri queat, nisi per pontem, qui Cos. L. Ebutio. & P. Seruilio vnicus erat. Sinum autem, vt dictum est, Tyberis effundebat vsque ad radices Capitolij, Tarquinius enim primus omnium Alueum direxit. Postea Agrippa ædilis, & cursum direxit, & alueum mutauit, magnisq; saxorum molibus in vtraque ripa locatis solidauit. Augustus verò ad coercendas inundationes eundem laxauit ac repurgauit. Longo tempore post Aurelianus Imperator firmissimo muro vtrinque vsque ad mare extructo, coercuit; cuius operis vestigia multis in locis adhuc cernuntur. Ancum autem Marrium naualia exstruxisse commemorat Dionys. his verbis: Cumq; esset amnis vsque ad pontes fluuiialibus scaphis latis, magnis nauigari idoneus: ad Romam autem maritimis quoq; nauibus, onerariis, magnis, nauale aliquod excogitauit ad egressum eius exstruere, vtens, vt portu, ostio amnis ipsius. Panditur autem multum in latitudine coniungens se mari, sinusq; concipit magnos, quales portuum maritimum illustrium, nec destruitur ad ostium marino litore, in corruptus sicut pleraq; alia flumina, nec paludibus, aut stagnis errans aliquo in loco

loco consumitur priusquam mare contingat riuus : sed est peruius vbique nauibus, vno tantum effluit ostio legitimo, perfecans dorsum maris. Naues igitur actuariæ per ostium eius intrant, & Romam vsque remigio, & funibus tractæ adducuntur, maiores vero ante ostium & anchoram fluctuantes fluuiialibus euacuatæ scaphis exonerantur. Plinius. Pluribus propè solus in omnibus terris amnis accolitur, aspiciturq; villis, nulliq; fluuiorum minus licet inclusus vtrinque lateribus, nec tamen ipse pugnat, quanquam creber, & nunquam magnis aquas, quam in ipsa Vrbe, restagnantibus. quinimmo vates intelligitur potius monitor auctu semper religiosus. Plura autem erant hoc in loco dicenda de huius flu. natura, & cur Plin. auctu suo religiosum esse velit. Sed cum LVDOVICVS Gometius (quem iuris diuini, & humani scientia, ac vitæ integritas præstantissimum Rotæ auditorē fecere) de his libellum eleganti oratione in lucem ediderit, eadem in nostrum transferre superuacaneum esse duximus. Quare de Tyberino flu. hætenus. Illud tamen vos monitos velim, priscis temporibus non licuisse in huius ripa quidpiam ædificare, tanquam numini sacra, fuisseq; aluei & riparum curatores, vt ex indice, apud pontem Ælium reperto habetur huiusmodi.

EX AVCTORITATE IMP. CÆS. VESPASIANI AVG. P. M. TRIB. POT. IIII. IMP. X. P. P. COS. IIII. V. CENSOR. CAIVS CALPETANVS RANTIVS QVIRINALIS. VALERIVS CESTIVS CVRATOR RIPARVM ET ALVEI TYBERIS TERMINAVIT. R. R. PROXI. CL. P. P. CLXXIIII.

CAP. CXIX.

De pontibus supra Tyberim exstructis.

VM Tyberis, nisi per pontes, in transyberinam regionem transmittat, operæpretium erit videre, quis omnium primus supra Tyberim pontem struxerit, quot nunc existent, quibus appellentur nominibus, à quibusve excitati singuli dicantur. Epicardus enim memoriæ prodidit Herculem, occiso Gecione cum victor per Italiam armenta duxisset, pontem supra Tyberim ad tempus struxisse. Vnde si quis sitū locorum & ea, quæ de Caco, ipsoq; Hercule narrantur, consideret, facillimè iudicabit non alibi Herculem ipsum posuisse, quam ad radices Auentini, vbi postea Sublicius fuit. Ful. autem scribit ante Urbem conditam fuisse pontem Sacrum, ex auctoritate Dionysii cuius sunt hæc verba: Nam cum per cædes hominum Saturno sacrificaretur, ad placandam dei iram, hoc more sublato ab Hercule, factum est pro hominibus, qui in Tyberim deiciebantur, simulacra eorum scirpea deicerent, quos argeos vocabāt. creditur ibi ante fuisse, vbi postea Sublicius, vel idem pons, argumento est, quod etiam inde simulacra scirpea eodē more in Tyberim deiecta scribit M. Var. cum inquit: Argei fiunt ex scirpeis virgultis simulacra hominum, & quot annos è ponte Sublicio à sacerdotibus iaci solent. Ouid. in Fast.

Tum quoq; priscorum virgo simulacra virorum,

Mittere roboreo scirpea ponte solet.

Sed in his verbis nulla fit mentio de ponte Sacro. Sublicium verò post Urbem conditam positum esse satis constat. Lactantius verò de ponte Miluio præcipitari solere ait, in hæc verba: Saturnus in Latio ita cultus est, vt homo in Tyberim de ponte Miluio mitteretur, quod ex responso quodam factitatum Varro est auctor. Sunt autem pontes numero octo; Miluius, Ælius, Vaticanus, Ianiculensis, Cestius, Fabricius, Palatinus, Sublicius, quos præter Sublicium, Totilas olim demolitus est.

De ponte Miluio.

ILVIVS Pons, quem nunc vulgo Mollium vocitant, in via Flaminia situs, ultra primum lapidem distat ab Urbe. Ferunt autem hunc sæpius euersum, sæpiusq; instauratum, nihil ex veteri structura, præter fundamenta retinere. de quo meminit Plinius de viris illustribus, & Ammianus Marcellinus, atque à M. Scauro (qui fuit tempore Syllæ) in censura exstructum: ad quem pontem Neronem ventitasse, supra demonstratum est. In eodem legati Allobrogum nocturno tempore cum literis ad Catilinam deprehensi sunt, quibus coniurationem patefactam esse scribit Cicero. Apud eundem pontem Constantinus Magnus Imper. Maxentium tyrannum Maximiani filium magicis artibus deditum, militari stragemate materia, ac nauibus supra Tyberim dispositis certasset præliis, conspecto demum in æthere crucis vexillo, clamantisq; voce audita, *ἐν τῷ τριφύλλῳ*, id est, in hoc victoria: tandem victor fuit, quæ victoria exstat in eius triumphali arcu sculpta, & in aureis numismatibus sæpe vidimus ipsi.

CAP. CXXI.

De ponte Ælio, nunc S. Angeli, Vaticano, siue Triumphali; ac Ianiculensi, siue Aurelio.

EQVITVR, post Miluium, Pons nunc S. Angeli, olim Ælius, ab Ælio Hadriano, qui eum iuxta sui sepulcri molem exciuit, denominatus. Spartianus, Fecit, inquit, & sui nominis pontem, & sepulchrum iuxta Tyberim. Quem pontem nulla alia de causa posuisse credendum est, quam vt per ipsum transeuntes propius molem ipsum spectarent; eo maximè, quod inferius erat pōs, quod in Vaticanū montem & campū mitteret, Vaticanus, alio verò nomine Triumphalis nuncupatus: quia per ipsum triumphantes transeuntes via eiusdem nominis, in Capitolium Ioui gratulatum ascenderent. & cum nobilium tantum esset, nulli ruricolæ per ipsum transire licebat. Huius pontis pilæ eregione hospitalis S. Spiritus in Tyberi adhuc exstant. Tertius est in ordine, à proximo Ianiculo, Ianiculensis, qui & Aurelij, à via, vel portu Aurelia, nomen obtinuit. Legebatur olim in eo titulus huiusmodi.

IMP. CÆS. DIVI TRAIANI PARTHICI DIVI NERVÆ NEPOTIS TRAIANI ET HADRIANI AVG. PONT. MAX. TRIB. POT. IMP. IIII. COS. III. DERESIVS RVSTICVS CVRATOR VALETRIARVM TYBERIS ET CLOACARVM VRBIS. R. R. RESTITVIT SECVNDVM PRÆSENT. TERMINATIONEM PROXIMAM. CC. P. P. C. II.

Tradunt autem Antoninum Pium marmoreum fecisse, & ciuilibus bellis demolitum, pontem ruptum vocitatum. Longitudo est pedum CCXV. Xystus verò quartus Pon. Max. multis post seculis in eam, quam cernimus, magnificentiam & pulchritudinem instaurauit, quemadmodum titulus ibidem in marmore excisus ostendit.

vnde ab eodem nomen accepit.

De Ponte Fabricio & Cestio.

OST Aurelium pontem ad stadium, eregione theatri Marcelli, surgit in mediis Tyberinis fluctibus insula, quam vrbi cōiungit Pons prius Tarpeius à Tarpeia rupe propinqua: deinde Fabricius à L. Fabricio, qui eum faciendum curauit, denominatus. vt testatur index in arcu pontis insculptus huiusmodi.

L. FABRICIVS. C. F. CVR. VIAR. FACIENDVM COE-
RAVIT. IDEMQUE PROBAVIT. Q. LEPIDVS. M. F. M. LOLLIVS. M. F.
COS. S. C. PROBAVERVNT.

Nunc dicitur pons quatuor Capitum, à quatuor marmoreis simulacris quadrifrontibus in aditu pontis collocatis. Qui verò eandem insulam transtyberinæ regioni connectit, Exquilinus, siue Cestius olim, nunc verò Pons S. Bartholomæi, a propinquo huius diui templo, nuncupatur, quem Valentinianum & Valentem instaurasse à dextris & sinistris, in tabulis marmoreis ibi collocatis hæ inscriptiones testantur.

DOMINI NOSTRI IMPERATORES CÆSARES FL. VALENTINIANVS.
PIVS. FELIX. MAX. VICTOR AC TRIVMF. SEMPER AVG. PONTIF.
MAXIMVS GERMANIC. MAX. ALAMANN. MAX. FRAN. MAX. GOTH.
MAX. TRIB. POT. VII. IMP. VI. COS. II. PPP. II. &

FL. VALENS PIVS FELIX MAX. VICTOR AC TRIVMF. SEMPER AVG.
PONTIF. MAX. GERMANIC. MAX. ALAMANN. MAX. FRANC. MAX.
GOTHIC. MAX. TRIB. POT. VII. IMP. VI. COS. II. P. P. P.

&

FL. GRATIANVS PIVS FELIX MAX. VICTOR AC TRIVMF. SEMPER
AVG. PONTIF. MAX. GERMANIC. MAX. ALAMANN. FRANC. MAX.
GOTHIC. MAX. TRIB. POT. III. IMP. II. COS. PRIMVM.
P. P. P.

PONTEM FELICIS NOMINIS GRATIANI IN VSVM SENATVS AC
POPVLI ROM. CONSTITVTI DEDICARIQ. IVSSERVNT.

Longitudinem autem passuum nostratium LX. habere dicitur, superior verò LXX.

De Insula Tyberina.

RIVS QUAM autem ad reliquos pontes deueniamus, videndum est, vnde origo Insulæ tyberinæ, quam formam habeat, quanta sit, quidue in ea fuerit. Principium vero huius nihil magis cognoscitur, quàm ex verbis Dio. Postquam. n. Tarquinij in Lucretiam stuprum commemorat, ob idq; Tarquinius omnes ad vnum vrbe eiectos ostēdit, subdit: Decretum consilium, deinde bona omnia tyrannorum ferentes in publicū ciuibus omnibus exposuerunt, vt quicunque ex eis caperent, quisquis obtineret, agrumq; omnem, quantum illi possederant, iis, qui nullam haberent sortem, diuiserunt; vnum tantum capientes campum, inter Vrbem & Tyberim iacentem, quem sacrum esse Marti antea decreuerunt, equis gratum, atque iuuenibus ad bellicas exercitationes ludum opportunissimum. Hunc campum, priusquam Marti sacrum, ascribens sibi Tarquinius fuerat. Nam cum cætera tyrannorum

horum bona populo auferenda concessissent, sed quod in campo illo natum erat frumentum, aliud in arcis adhuc iacens, aliud in culmis, & quoddam tritum erat auferre nemini permiserunt, sed ut execrabile, nec idoneum quod in ædes portaretur, iaciendum furcis in flumen esse decreuerunt, unde insula creuit Tyberina. Liuius etiam eadem ferè, quæ Dion. de origine insulæ dicit. Formam autem biremis habet, ut malus sit inter ipsos pontes, parsq; superior in acutum magis tendens prora, inferior vero tanquam latior puppis. Latitudo, ubi maior, teli iactum non excedit. longitudo verò stadiorum duorum, vel circa. Hanc quidem describit Ouid. his carminibus.

Scinditur in geminas partes circumfluit amnis.

Insula nomen habet, laterum quæ à parte duorum

Porrigit aquales media tellure lacertos.

Priscis autem temporibus Insula lycaonia vocabatur, licet tota Æsculapio esset sacra, propter eius simulacrum ex Epidauro in eam aduectum, unde formam eius naui, qua aduectum est, locus accepisse dicitur. Quum enim ciuitas pestilentia vexaretur, inspectis libris sibyllinis sacerdotes animaduenterunt non aliter pristinam recuperari salubritatem posse, quam si ab Epidauro Æsculapius esset accersitus. Itaq; missi legati Epidaurum in templum Æsculapij perducti, benignissime deum inuitarunt. Numen autem ipsius subsecutum est. Siquidem is anguis, quem Epidaurij venerabantur, in triremem Romanorum perrexit, ubi Q. Ogulini legati tabernaculum erat. Legati læti Vrbi aduexere in insulam, ubi ei templum dedicatum. Plin. Atqui inquit, anguis Æsculapius Romam aduectus est, vulgoq; pascitur, & in domibus. Visitur adhuc in hortis S. Bartholomei forma naui ex lapide tasio, & in eius latere reptantis serpentis simulacrum. Ædis verò Æsculapij exstant adhuc vestigia quædam in eisdem hortis, cui iuncta erat aui sui Iouis Ædes. Ouid.

Quod tamen ex ipsis licuit mihi dicere fastis

Sacrauere patres hac duo templa die.

Accepit phæbo, nymphæq; Coronide natum

Insula, diuidua quam premit amnis aqua.

Iuppiter in parte est, caput locus vnus utrumq;

Iunctaq; sunt magno templa nepotis aui.

Iouis autem C. Seruilius duumuir dedicauit, votam sex annis ante Gallico bello à L. Furio Purpurione prætoris, & ab eodem consule locatam. In insula ideo ægroti exponebantur, quia Æsculapius medicinæ deus habetur: & ob hanc scientiam in deorum numerum acceptus, auth. Cor. Celsus. Ad Æsculapij templum, fuit Nosocomion, id est, locus ubi ægroti curabantur. Vnde Aristophanes in Pluto inducit languentes in æde Æsculapij, ut medelarum fomentis refocillentur, & Plutarch. in Curt. Lenonem Capadocem, lienosum, iecorosum, pulmonarium in eiusdem dei ædem incubantem. Sunt qui velint Æsculapio ædem in insula, ideo constitutâ, quod ægroti in primis aqua indigere arbitrarètur, vel auth. Plut. quod fluxu, motuq; aquarum aer esset salubrior, nam alioquin huius sacræ ædes extra Urbem excitari solebant. Claudius Imper. quum quidam ægra & affecta mancipia in insula tædio medendi exponerent: liberos esse sanxit. Liuius tertio quintæ dec. commemorat Lucretium prætorem tabulis pictis ex præda fanum Æsculapij exornauisse. Habuit hæc insula in prora, & Fauni ædē, quæ ita fluctibus cessit, ut, ne vestigia quidem, appareât. Meminit huius Vitruuius, in hæc verba: Prostyli exemplar est in insula Tyberina, in æde Iouis & Fauni. Ouidius.

Idibus agrestes fumant altaria Fauni

Hic, ubi discretas insula rumpit aquas.

Liuius autem ait Cn. Domitium Ænobarbum, & Cn. Scribonium ædiles multos

multos pecuarios ad populi iudicium adduxisse, tresq; ex his damnatos esse, & ex eorum multatitia pecunia ædem Fauni in insula fecisse. Probus scribit Faunum primum ædificia numinibus, lucosq; sacrasse, & ab eo Fana dicta esse. In hac insula fuit Statua D. Iulij, quæ sereno & immoto die ab occidente in orientem conuersa est: sicuti Cor. Tac. & Sueton. testantur.

C A P. CXXIV.

*De Ponte Senatorum, siue Palatino, &
Sublicio.*



IN FRA insulam autem succedit, ad teli iactum, septimus pons, à Senatoribus Senatorum, qui & Palatinus à Palatino monte propinquo est denominatus. Nam aucta Vrbe & mœnibus, & ciuium numero, cum Sublicius non satis videretur facere, hunc, qui via Aurelia in maritima, Tusciamq; mitteret, addidere; de quo intellexisse opinantur Liniū, cum inquit: M. Fuluius maioris vsus locauit portum, & pilas ponti in Tyberi, quibus pilis fornices post aliquot annos P. Scipio, & L. Mumius censores locauerunt imponendos. Est enim pons multiplici fornice compactus ad excipiendos bifidos proximæ imminentis insulæ alueos, hodie Pons S. Mariæ Ægyptiacæ à propinqua eius æde nuncupatur, in eo autem insculpta sunt hæc, videlicet.

NVMINI DEORVM AVG. IOVI OPT. MAX. ÆDEM VOTO SVSCEPTO.
Q LEPIDVS. M. F. M. CVRIVS. M. F. COS. III.

S. P. Q. R.

IMP. CÆSAR DIVI TRAIANI PARTHICI NERVÆ NEPOTI TRAIANO
HADRIANO AVG. PONT. MAX. TRIB. POT. II. COS. II. QVOVIS OM-
NIVM PRINCIPVM ET SOLVS REMITTENDO SEXTERTIVM NAVES
MILLIES CENTENA MILLIA ENIM DEBITVM FISCO PATRES EIVS
SVAQ. ET POSTEROS SVOS RESTITVIT HAC LIBERTATE SECVROS
IVLIA AVG. MATER AVGG. ET CASTORVM MATRONIS RESTITVIT.

SABINA AVGVSTA

MATRONIS

DIVVS AVG. PON. MAX. EX. S. C. REFECIT.

Vltimus vero & antiquissimus omnium sequitur Sublicius, ab Anco Martio rege non ad tempus, vt prius Hercules, at in vsu Po. Rom. perpetuo mansurus, exstructus, licet totus ligneus. Nam sine ferreo clauo, sine fulturis ita dispositus erat contignatione, vt trabes per bella eximerentur, ac reponerentur. quod quidem sic facere religiosum fuerat, postquam Coclite defendente ægrè reuulsus est, auth. Plin. Sublicius autem dictus, quia ilex species est quercus, ex qua confici solebat. vel, vt alij, à sublicibus lignis. lingua enim Volscæ magnæ trabes sublices vocantur. Lapidem deinde Æmilium Lepidum prætorem fecisse memorant, & ab eo Æmilium pontem denominatum. Vnde Ant. in itin. Post iterum, inquit, vnus effectus (de Tyberi enim loquitur) per pontem Lepidi, qui nunc abusuè lapideus dicitur, & reliqua. Hunc tyberinis fluctibus læsum restituit Tiberius. Cor. Tac. refert Othone imperâte subita inundatione fuisse per ruptum. quem longo tempore post Antoninum Pium restituisse, author est Iulius Capitolinus. Quidam marmoreum posuisse dicunt, & in hunc vsque diem pontem marmoratum appellari. Huius enim vestigia in medio alueo ipsius fluminis, pa-

E e

rum

rum supra Naualia, adhuc cernuntur. Et quanquam de loco varia traduntur, constat tamen ad Auentini montis radices fuisse, quod innuit Appianus, cum inquit: Auentinum ascenderat Gracchus; mox inde fugiens per pontem ligneū ad alteram fluminis partem euectus est. In Sublicio autem ponte confidebant pauperes stipem à transeuntibus petentes. Sen. In sublicium pontem me transfer, & inter egenos abige, non ideo tamen me despiciam, quod in illorum numero confedero, qui manum ad stipem porrigunt. Ex eodem facinorosi præcipitabantur in Tyberim: ex quo & Heliogabali Imp. cadauer annexo pondere, ne fluitaret, deiectum est. Post vero incensam à Gallis Vrbem ob inopiam cibariorum decretum tulerunt, vt sexagenarij è ponte Sublicio in Tyberim, tanquam patriæ inutiles, deiicerentur, vnde de pontanei sexagenarij dicebantur. Veritas tamen hoc habet, quòd sexagenarij à suffragio repellebantur, & ita eos ponte deiici solitos ferunt. qui pons, vt retuli, olim erat apud Septa. Illud autem sciendum pontes, tam qui extra, quàm qui in Vrbe erant, variis temporibus à diuersis fuisse restitutos hominibus, & inter alios ab Vrso Alo, vt hoc eius epitaphium testatur.

VRVS ALVS CIVIS SATRAPES EX VMBRIA IN ARMIS FLORVIT
ADVLESCENS VERO POSTQVAM FACTVS EST ÆQVATVM CAPITOLIVM
RECONDIDIT TABVLARIVM LEGES SERVAVIT. R. P. A FALISCIS
LIBERAVIT QVIRITES IN EXILIVM PONTES REFECIT PLEBEM
PACAVIT DIVISVM IMPERIVM RECONCILIAVIT.

VIX. AN. XLIII. MEN. X. D. IIII.

A D D I T I O.

Pons Senatorius, seu Palatinus nunc Sanctæ Mariæ, qui vi & impetu fluminis Anno M. D. LVII. deiectus ferè medius fuerat. S. P. Q. R. Anno M. D. LXI. tempore Pij Papæ IIII. ex ligneis machinis illum reficere curauit. Sed cum opus iam absolutum esset, dum hinc illuc, ex latere nempe ad latus conantur attrahere, perfracto vno ex validioribus rudentibus, quod maxime tota machina subnitebatur, præceps in Tybrim proruit, quassata mole, & abrupta; in qua ad nummum octonum millium impensum fuisse constat; sicq; ad vsque tempora Gregorij XIII. hoc est, Anno M. D. LXXIIII. inuius perstitit. quo demum tempore. cum sacri Iubilei annus aduenteret, idem Pop. Rom. auctoritate Pontificis, substructione arcuata, ingenti solidaq; parastata Flumini iniecta, duobusque eminentibus fornicibus è Tiburtino lapide superimpositis, ad pristinam formam, & decorem restituendum curauit: in quo opere impēsi summa ad quatuor & quinquaginta millia nummum aureorum extitit; vt ex Marthæo Typhernate illius fabricæ Architecto accepimus. In cuius lateribus vtrinque legitur in tabulis marmoreis sequens inscriptio.

EX AVCTORITATE GREGORII XIII.

PONT. MAX.

S. P. Q. R.

PONTEM SENATORIVM CVIVS FORNICES VETVSTATE COLLAPPOS
ET IAMPRIDEM REFECTOS FLVMINIS IMPETVS DENVQ DEIECE-
RAT IN PRISTINAM FIRMITATEM AC PVLCRITVDINEM RESTI-
TVIT ANNO IVBILEI M. D. LXXV.

Sed pontibus exstructis, in Translyberinam regionem transeamus.

C A P.

*De Transtyberina regione. Rauennatium, & Fortis Fortune
Templo; Thermis Seuerianis, Hortis Caesaris, ac de
Aqua Alsietina, & de Pratis
Mutis.*



REGIO TRANSTYBERINA priscis temporibus Ianiculi, à monte, qui plurimus ei imminet, nomen accepit. Rauennatium etiam Urbem nominatam inuenio. Augustus enim contra Antonium & Cleopatram victoria potitus, binā instituit classem, vnam apud Mesenium Lucanię portum, qua Italię insula, oramq; Galliarum maritimam, Hispanias, Africam, Mauritaniasq; tueretur. Alteram apud Rauennam, cuius partes essent Adriatici sinus, Illyrici, Dalmatię, Gręcię, Thracię, Ponti & Asię, atque Ægypti orę necessitatibus subuenire. Cum itaque Romano Senatui ea in primis esset cura, vt nulla posset Romam frequentare multitudo, cui non esset habitandi locus publice assignatus, attributa est Rauennatis classis militibus regio Transtyberina, quę exinde vrbs Rauennatium dicta est, sicut & Templum, Meritoriaq; taberna; vbi nunc S. Marię ædes. In hac autem regione pauca admodum memoratu digna extitere, quia addita cum fuisset Vrbi non inopia loci, sed ne Ianiculus mons arx hostium quandoque esset, propter pestiferos austros, quibus infestabatur, à vilissimis tantum hominibus, sordidissimasq; exercentibus artes, culta erat. Quare minime mirum videri potest, si paucis transigi verbis videbitur. Spartianus tradit Seuerum Imp. Thermas sui nominis in regione Transtyberina fecisse. & Vopiscus, Aurelianum hyemales, quod aquę frigidi aeris illic deessent. Quarum vestigia, licet quidam inter montem aureum, & S. Francisci ædem esse dicant, nullibi tamen certa apparent. Cæsar Hortos, & Naumachiam iuxta Tyberim habuisse dicitur, vbi Fortis Fortunę templum, Tiberij tempore dicatum. Alsietina aqua, quę & Augusta dicebatur, ex lacu Alsietino via Claudia miliario XIII. ab Augusto in hortos & naumachiam perducta Transtyberinę seruebat regioni, de qua ita scribit Fron. Quę ratio mouit Augustum prouidentissimum Principem, producere Alsietinā aquam, quę vocatur Augusta, non satis perspicio nullius gratię, imò & parum salubrem, & nusquam in vltus populi fluentem; nisi fortè cum opus naumachię aggrediretur, ne quis salubrioribus aquis detraheret, hanc proprio opere perduxit, & quod naumachię cœperat superesse, hortis subiacentibus, & priuatorum vsibus concessit. Solet tamen ex Transtyberina regione, quoties pontes reficiuntur, & à citeriore ripa aquę ex necessitate in subsidium publicarum salientium dari. Hanc autem aquam Hadrianum primum Pontificem restituisse, eiusq; aquę fontem in platea S. Marię transtyberinę exstare, tenet fama; Albionamq; in hac regione agrum ab Albionarū luco, quo in loco bos alba immolabatur fuisse. Prataq; Mutia e regione Nauahum. Dionys. Mutium autem mori eligentem pro patria regionem Transtyberim donauere de publico. hic locus prata Mutia vsque ad hanc ætatem vocatur. Ludi piscatorij in ripa Tiberis, propè vbi nunc Naualia, olim celebrabantur, auth. Sex. Pomp.

*De Sepulcro Numæ & Cecilij poetæ, Tribunali Aurelio,
Janiculo, & Hortis Martialis.*

NUMA rex sub Ianiculo sepultus est, inquit Solinus. Dionys. Iacet autem Numa in Ianiculo transyberim. Cassius Hemi- na quarto annalium libro prodidit. Cn. Terentium scribam agrum suum in Ianiculo repastinantem offendisse arcam, in qua Numa situs fuisset, in eademq; libros eius repertos P. Cornelio L. filio Cethego M. Beblio Q. filio Paphilo Cos. ad quos à regno Numæ colliguntur anni D. XXXV. & hos fuisse ex Cartha. De Numæ libris & sepulcro Liuius hæc habet verba: In agro L. Petilij Scribæ sub Ianiculo, dum cultores altius moluntur terram, duæ lapideæ arcæ octonos fermè pedes longæ, quaternos latæ, inuentæ sunt; operculis plumbo deuinctis, literis latinis, græcisq; vtraque arca inscripta erat. in altera Numam Pompilium regem sepultum esse, in altera libros Numæ inesse. Eas arcas cum ex amicorum sententia dominus aperuisset, quæ titulum sepulti regis habuerat, inanis inuenta: sine vlllo corporis humani vestigio: aut alterius rei, per tabem tot annorum omnibus absumptis. in altera duo fascēs candelis inuoluti septenos habuere libros, non integros modo, sed recentissima specie. septem libri latini de iure Pontificio, septem græci de disciplina sapientiæ: in quibus cum animadu- teretur pleræq; friuolas religionum causas continere, ex S. C. in Comitio cremati sunt. Tribunal Aurelium in transyberina regione fuisse arbitramur. de quo Ci- cero ad Quirites ita meminit: Ego cum homines in tribunali Aurelio palā con- scribiq; vidissem. Naualia autem priscis temporibus vbi & nunc, de quibus Liuius quinto quintæ dec. hæc scribit L. milio Cos. naues, quæ in Tyberi paratæ, instru- ctæq; stabant, vt si rex posset resistere in Macedoniam mitterentur, subduci, & in naualibus collocari, Senatus iussit. Sed in Ianiculum tempus est ascendere, quem montem Ouid. arcem appellauit, his carminibus.

Arx mea collis erat, quem cultrix nomine nostri

Nuncupat hæc ætas, Ianiculumq; vocat.

Hoc illi nomen fuisse putant, quod Ianus ibi, vel sit sepultus, vel habitauerit, Virgilius.

Hic duo praterea disiectis oppida muris

Reliquias, veterumq; vides monumenta virorum.

Hanc Ianus pater, hanc Saturnus condidit urbem.

Ianiculum illi, huic fuerat Saturnia nomen.

Alij quod ex Ianiculo Romani primum iter in Hetruriā fecere, & ab eo trans- itu Ianiculum dictum. Ianus enim transitus vocatur, vt visum est supra. Plinius: Saturnia, inquit, vbi nunc Roma est, Antipolis, vbi Ianiculus, in parte Romæ. In hoc colle Martialis hortos amœnissimos habuit, quos ipsemet libro primo mul- tis celebrat versibus. Idem Plin. tradit Q. Hortensium dictatorem, cum in Iani- culum secessisset legem in æsculeto tulisse. Eusebius verò Cecilium Statium, poe- tam, in eodem sepultum esse. Huius autem collis forma in longum porri-

gitur, auspicatur à porta nunc Turrionis, & sex plus minus

stadiis in meridiem extenditur: assurgit

plurimus ad portam Au-

reliam.

*De Monte & Campo Vaticano, Templo Apollinis & Martis,
Naumachia, Circo; & hortis Neronis, ac de
Obelisco Cæsaris.*



PXPOSITIS iis, quæ ad Transtiberinam regionem, siue Ianiculum, pertinere videbantur, Vaticanum dico montem, & campum (quanquam extra Urbem) his proximum addere, ex situs descriptione, admonemur. Vaticanus igitur Mōs is est, in quo S. Petri templum, Pontificisq; Palatium spectatur. Vaticani autem varia traditur etymologia. Gellius enim scribit, agrum Vaticanum, & eiusdem agri deum præsidem appellatum à Vaticiniis, quæ vi & instinctu dei eius in eo agro fieri solita essent. Var. in libris diuinarum aliam tradit istius nominis rationem. Nam sicut Aius, inquit, deus, araq; ei statuta, quæ est in infima Noua via, quod in eo loco diuinitus vox edita erat, ita Vaticanus deus nominatus, penes quem essent vocis humane initia, quoniam pueri simulatq; parti sunt, eam primum vocem edunt, quæ prima in Vaticano syllaba est. Sex. vero Pompeius, vult collem hunc Vaticanum nuncupatum, quod pulsus Hetruscis eo potitus sit Po. Rom. vatum responsis. Plinius refert tempestate sua Illicem in Vaticano fuisse, in qua titulus æneis literis, Hetruscis religione iam tum dignum arborem fuisse, signaret. Apollinis templum eo in loco statuunt, vbi nunc sacellum S. Petronillæ, sicut Martis, vbi Sanctæ Mariæ cognomēto de Febribus, in via olim triumphali Iulium Paulum Poëtam, Prædiolum in Vaticano possedisse commemorat Gellius. Cor. autem Tac. Neronem clausisse in valle Vaticani spacium in quo equos regeret, apudque nemo, quod nauali stagno circumposuit, consueuisse. Conuenticula & cauponas extruxisse, obtulisseq; hortos suos ad varia in Christianos tormentorum genera; spaciumq; illud circum appellatum. In quo idem Nero circense ludicrum habitu aurigæ edebat, permixtus plebi, vel *circulo insistens. Et quia Plinius Obeliscum Vaticani in Caij & Neronis Circo ponit, arbitrantur nonnulli nauale stagnum. siue Naumachiam secus ipsum montem, qua ad portam Pertusam itur, fuisse: Hortos verò à clausura illius circi ad Tyberim. Obeliscus autem secus ecclesiam Apostolorum in via olim triumphali, solus ex maioribus omnibus, nunc est erectus, his titulis inscriptus.

DIVO CÆSARI DIVI IVLII F. AVGVSTO. TI. CÆSARI DIVI AVGVSTI.
F. AVGVSTO SACRVM. Ab altero vero latere.

DIVO CÆSARI DIVI IVLII. F. AVGVSTO. TI. CÆSARI DIVI AVGVSTI.
F. AVGVSTO SACRVM.

In cuius vertice pila aurata posita est. De hoc autem obeliscō Plin. ita scribit. Tertius est in Vaticano Caij, & Neronis principiū circo, ex omnibus vnus omnino fractus in molitudine eius, quem fecerat Sostridis filius Nuncoreus, & post cæcitatem, visu reddito, Soli sacrauit, altitudine cubitorum cētum. Idem vbi de magnitudine arborum tractat hæc habet verba: Abies admirationis præcipuè visa est in naui, quæ ex Ægypto Caij principis iussu Obeliscum in Vaticano circo statutum, quatuorq; truncos lapidis eiusdem ad sustinendum eum adduxit. qua naui nihil admirabilius visum in mari certum est: centum viginti modij lentis pro saburra ei fuere. Longitudo spatium obtinuit magna ex parte Hostiēsis portus, latere læuo: ibi namq; demersa est à Claudio principe. Arboris eius crassitudo quatuor hominum vlnas complectentium implebat.

Obeliscus Vaticanus qui vnicus ad ætatem vsque nostram erectus permanfit, antequam è priori illa sua sede amoueretur, in eo stabat loco qui sacrario basilicæ Principis Apostolorum est proximus, è regione celeberrimi Vrbis cœmeterij, totumq; bali, & vltra obrutus, quod vulgo Campi Sancti fertur via publica; At Sixtus V. Pont. Max. Pontificatus sui anno primo, qui fuit salutis humanæ 1585. de eo transferendo in forum Principis Apostolorum, sanctissimæque Cruci consecrando statuit, gentium superstitione amota. Itaque paratis iis quæ ad tantam molem amouendam, vehendamq; necessaria erant, anno sequenti 1586. ingenti sumptu est translatus, ingenio, & opera Dominici Fontanij Architecti è pago Mili Agri Monocomensis, imposita Cruce, magna populi frequentia, & deuotione.

C A P. CXXVIII.

*De via Triumphali, Aqua Sabbatina, & sepulcro
Scipionis.*

TRIUMPHALIS aut viæ mentio licet facta sit supra, tamen libet hic ostendere quo tramite in Capitolium pduceret. Parata igitur triumphali pōpa in territorio triūphali, per viā procedebant triumphalē, cuius strata silicib. particula adhuc cernitur sub S. Spiritus hospitali, vt per nunc dirutū pōtem Tyberis triumphalē, cuius ampla cernere est fundamēta, in vrbem, & ad Capitolium duceretur. Cōtinuabatur autem via triumphalis ad posteriorem olim porticum S. Celsi. inde S. Laurentij in Damaso ecclesiam, & post Floræ campum petebat. idque hinc maximè proximis temporibus cernere fuit, quod in continuatis super eam domibus fundamenta iacere, aut puteos effodere molientes, siliceam vererem offenderunt, spaciosissimam, à campo Floræ ad nunc plateam Iudæorum, inde Iunonis templum, nunc S. Angeli ecclesiam, postea ad S. Georg. in velabro procedens via, sub nouis ædibus, ruinisq; ab effodientibus inuenitur, quousq; Iani templo, velabroq; proxima in cliuum desitura capitulinum detecta cernitur, Blon. In hortis Pontificis visitur hodie Nili simulacrum, & circumquaque animalium genera in eo flu. nascentium, ac Tyberis, cum pueris vrbis conditoribus lupæ mammam tractantibus. Apollinis cum arcu & spiculis Signum, Laocoontisq; Virgiliani cum duobus filiis, de quo supra facta est mentio: Veneris paruum Cupidinem iuxta se despicientis, & Cleopatraz fonti appositum, exanguis similis. Quæ omnia exornandi locum gratia hinc inde eo sunt translata. Exstant & multa alia antiqua monimenta in porticu eiusdem Pontificis, ac in vinea ad primum lapidem fermè eregione pontis Miluij, quæ, cum ibi non sint inuenta, nullam antiquorum locorum præbent cognitionem. Quare his omissis ad vtiora veniamus. Sabbatina aqua à Sabbatino Anguillariæ lacu Romam perducta erat, cuius formæ vestigia quædam extra portam Aureliam exstare dicuntur. hanc Adrianus primus pontifex restituit, perduxitque in Basilicam diui Petri ad vsum sacerdotum, & ad lauandos pauperum pedes in cœna domini. In campo Vaticano, haud procul à mole Hadriani fuit ingens Meta, siue Pyramis, quam Alexander sextus Pontifex destruxit, vt viam ad eandem basilicam aperiret, vel ne esset hostibus, tanquam propugnaculum contra propinquam arcem, cuius fundamenta vidimus effodi superioribus annis. Sunt autem qui velint Septem Epulonum fuisse sepulcrum, vel Scipionis de quo Accroli. Horatij interpres sic meminit. Deuicta Carthagine virtute Scipionis Africani, cum Afri aduersus Romanos denuò rebellarent, consulto oraculo responsum est, vt Sepulcrum Scipionis fieret, quod Carthaginem respiceret, tunc le-

uati

uati cineres sunt de pyramide in Vaticano, & humati in sepulcro eius in portu, ut Carthaginem respiceret. Gentile tamen Scipionum sepulcrum in via Appia fuisse declarabimus. Huius autem pyramidis forma uisitur in porta ænea ecclesiæ Apostolorum celata.

C A P. CXXIX.

*De iis quæ extra portam Flumentanam, & Collatinam,
fuere, vel nunc sunt.*



QUANQUAM ex sitis descriptione antiquæ Vrbi, & nouæ iure optimo finem imponere liceret, tamē cum maiorē quandoq; ambitum adepta sit, suburbiaq; in eum producta essent spacium, ut hinc Tyrrhenum mare, inde Otriculi attingerēt pontem, multa memoratu digna extra relinquuntur, ex quibus & temporis vetustate, & bellorum iniuria pauca quedam in nostram peruenere cognitionem, quæ percurrisse non minus conducere, grataq; fore arbitramur iis, quæ intra Urbis mœnia sunt comprehensa. Quare, ex ordine instituto, à porta Flumentana exordium sumamus: à qua ultra primum lapidem occurrit Miluius pons: de quo paulo ante satis declaratum est, sicut de ortu, naturaq; Tyberis, ac via Flaminia: quæ, ut diximus, à Cn. Flaminio Ariminum usque strata, ab eodem etiā denominationem accepit. Vias enim urbis ex silice fermè omnes stratas fuisse indicant vestigia, tam extra, quam intra Urbem multis in locis existentia. Ideo, fermè omnes, dictum est, quia Liuius primo dec. quintæ ait, M. Æmilio Cos. Censores vias sternendas silice in Vrbe, glareæ extra urbem substruendas, marginandasq; omnium primos locauisse. & Plutarch. Cn. Gracchum certis regionibus vias direxisse, & eas passim lapide strauisse, partimq; arenæ muniuisse aggeribus, iniqua adæquantem, & quantum valles, torrentesq; abrumpebant pontibus æquali altitudine coniungentem. Quibus verbis patet non omnes silice fuisse stratas. Idem autem Gracchus dimensio viarum spacio singulis miliaris columnas lapideas, spacijs signa præferentes, constituit, lapidesq; parum inter se distantes ex vtraq; viarum parte disposuit, ut ex illis facile in equos esset ascensus. In Flaminia Augustus quatuor pontes, præter minorum pontium turbam, maximo exstruxit opere, atque impendio, ex quibus nunc integer solus exstat, qui Ariminum, suburbiumq; coniungit. Miluius multa, quæ ab eo accepit ornamenta, prorsus amisit: & qui Tyberim item sub Otriculo iungebat parte vnam succisus, in arcis fundamenta concessit. Is verò qui sub Narnea Narem amplectabatur Flu. multis, ut videtur, sæculis, vel succisum, vel collapsum vetustate, fornicem medium amisit, Blon. In eadem autem via sepeliebantur defuncti. Iuu.

Quorum Flaminia tegitur cinis, atque Latina.

Visuntur & hodie in ea magnæ sepulcrorum moles. Plinius docet in Flaminia Cæsaris villam, quæ ad Gallinas dicebatur, positam esse, eius sunt hæc verba: Sed & circa diuum Augustum cuncta eius digna memoratu. Namq; Liuiæ Drusillæ, quæ postea Augusta matrimonij nomen accepit, cum pacta esset illa Cæsari, gallinam conspicui candoris sedenti aquila ex alto abiecit in gremium, illæsam: intrepideq; miranti accessit miraculum, quoniam tenentem rostro laureum ramum onustus suis baccis: cōseruari alitem, & sobolem iussere aruspices, ramumque eum feri, ac rite custodiri, quodq; factum est in villa Cæsaris fluuiio Tyberi imposita, iuxta nonum lapidem Flaminia via, quæ ob id vocatur ad Gallinas. Eadem fermè scribit Suet. in Galbæ vita. Huic autem viæ iuncta erat Claudia, ubi Horti Ouidij, ut ipse testatur his versibus.

*Nec qua pomiferis positos in collibus hortos
Spectat flaminia Claudia iuncta via.*

Æmilia via à Lepido Flaminij collega strata, vt quorundam est opinio, ab Æmilia regione Bononiam vsque, cuius vestigia multis in locis adhuc cernuntur. Fuerunt autem Æmiliæ duæ, altera, quæ Flaminiam excipiebat, altera quam strauit Scaurus per Pisas, & Lunam in Sabatios vsque. Fuit & Tyberina via, & Cassia extra portam nunc Vicilariam; quæ Sutrium, Vetrallam, Viterbiumq; & Vulinensem mittebat, cuius quota pars, ex saxo quadrato strata, alicubi adhuc videtur. Clitellæ, inquit Sextus Pompeius, dicuntur non tam hæ, quibus sarcinæ colligatæ mulis portantur, sed etiam locus Romæ per similitudinem, & in via Flaminia loca quædam deuexa, & accliuia. Galienus autem Imperator paraue- rat porticum Flaminium vsq; ad pontem Miluium, vt tetrastice fieret, siue pen- tastice, vt primus ordo pilas haberet, & ante se columnas cum statuis, secundus & tertius deinde diatessaron columnas, auth. Tremellius. Perfecerit ne, incer- tum. Extra autem portam Collatinam via eiusdem nominis exit, in qua Virgo a- qua concipitur: Collatiam olim mittebat, nunc verò, haud procul à porta, Salaria viâ iungitur. Et quia mœnia Collinam portam non excedebant, Collatina prisca Urbis porta non erat, ideo pauca, quæ extra hanc fuere, in cognitionem nostram possunt peruenire.

C A P. CXXX.

*De iis quæ extra Portam Collinam fuisse
traduntur.*



EQVITVR porta Collina, cuius via nunc, vt olim, Salaria nuncupatur, quod per eam Sabini salem in Urbem defere- bant: ducit in Sabinos, & apud Eretum in ipsam incidit Nu- mentana. De Salaria meminit Cor. Tac. hoc modo: Tertium agmen per Salariam Collinæ portæ appropinquabat. In hac Veneris Erycinæ Templum fuisse diximus, vbi restagnante Tyberi Apollinares celebrabatur. hoc autem templum pro- pe portâ tuisse Appianus sic docet. Cum copiis subinde prouectus Sylla ad Colli- nam portam castra locat, non longe à Veneris templo. & Ouid. sic.

*Templa frequentari collina proxima portæ
Nunc decet, à Siculo nomina rege tenet.
Vtq; Syracusias Aretusidas abstulit armis
Claudius, & bello te quoque cepit Erys.*

Votum quidem ferunt à Fabio dictatore: dicatum verò L. Portio, idq; insignè Porticum habuisse scribit Strabo. Veneri autem virgines paruas imagunculas, quas in delitias habebant, olim offerebant. Persius. Nempe hoc quod Veneri donatæ à virgine Pupæ. Ad id etiam matronæ virilis membri figurâ diuinis præ- colentes honoribus, magna sacrorum pompa pertereant. vbi fuit & simula- chrum Veneris Verticordiæ, quod homines ab effusa libidine auerteret. O- uidius.

*Roma pudicitia proauorum tempore lapsa
Cum eam veteres consulistis anum.
Templa iubet Veneri fieri, quibus ordine factis
Inde Venus verso nomine corda tenet.*

Pudicissima, inquit Plin. femina semel matronarum sententia iudicata est Sulpicia Paterculi filia, vxor Fuluij Flacci, electa ex centum præcipuis, quæ simu- lacrum Veneris ex Sibyllinis carminibus dedicaret. Eadem via, ad II. lapidem in- signi

signi monumento sepultus fuit Licinus tonfor Augusti, prædiues. Secus eandem viam extat sepulcrum quoddam, in templi formam constructum, in quo Cere-
ris, Bacchiq̃ue picturæ cum vitibus, & hydriis cernuntur. Extra vero Collinam
portam Honoris templum statuit Cic. secundo de le. cum inquit: Nostis extra
portam Collinam Ædem Honoris? & aram in eo loco fuisse memoriæ proditū
est: Ad eam cum Lamina fuisset inuenta, in qua scriptum, domina honoris, ea
causa fuit ædis eius ædificadæ. Sed cum multa in eo loco sepulcra fuissent, exara-
ta sunt. Statuit enim Collegium locum publicum non potuisse priuata religio-
ne obligari. Per Collinam autem memorant Gallos Senonas ingressos, urbem di-
ripuisse. Ab ipsa porta tertio miliario procul Annibal castra cum posuisset, ad
Herculis templum progressus est, urbem expugnaturus, sed ter imbribus, & grā-
dine repulsus, obsidione Urbem soluit. Via salaria ad III. lapidem supra Anie-
nem occurrit pons Salaris, priscum adhuc seruans nomen, sicut & via: In eo au-
tem incisa sunt huiusmodi.

IMPERANTE. D. N. PISSIMO. AC. TRIUMPHALI. SEMPER. IV-
STINIANO. P. P. AVG. ANN. XXXVIII. NARSES. VIR. GLORIO-
SVS. EX. PRÆPOSITO. SACRI. PALATII. EX. CONS. ATQVE. PA-
TRICIVS. POST. VICTORIAM. GOTHICAM. IPSIS. EORVM. RE-
GIBVS. CELERITATE. MIRABILI. CONFLICTV. PVBLICO. SVPE-
RATIS. ATQVE. PROSTRATIS. LIBERTATE. VRBIS. ROMÆ. AC.
TOTIVS. ITALIÆ. RESTITVTA. PONTEM. VIÆ. SALARIÆ. VS-
QVE. ADAQVAM. A. NEFANDISSIMO. TOTILA. TYRANNO. DI-
STRVCTVM. PVRGATO. FLVMINIS. ALVEO. IN. MELIOREM.
STATVM. QVAM. QVONDAM. FVERAT. RENOVAVIT.

Item carmina hæc.

Quam bene turbati directæ est semita pontis,

Atq̃ interruptum continuatur iter.

Calcamus rapidas subiecti gurgitis undas,

Et libet irate cernere murmur aquæ.

Ite igitur faciles per gaudia vestra Quirites,

Et Narſin resonans plausus ubiq̃ canat,

Qui potuit rigidas Gothorum subdere mentes,

Hic docuit durum flumina ferre iugum.

Anio, inquit Dionys. ex vrbe Tybure effusus per excelsum scopulum multus
per planiciem Sabinorum, Romanorumq̃ fertur, determinans vtranque regio-
nem, influitq̃ue in Tyberim parum infra pontem Salarium, aspectu pulcher, &
potu dulcis. Et quia ex sublimi in vallem subiectam fertur, & præcitem Ho-
ratius appellauit: sicut & Statius primo Syl. In hoc sepultam fuisse Iliam scribit

Acron. Apud eundem pugnavit Torquatus. Meriiq̃ue sepulcrum fuisse

testis est Cic. de legib. Simulacrum Sibyllæ Tiburtinæ, quæ Tibu-

ri colebatur, vt dea, in gurgite Anienis inuentum est,

tenens in manu librum, cuius sacra

senatus in Capitolium

transtulit.

De ijs quæ extra portam Numentanam, & Interaggeres fuere, vel hodie sunt.



VARTO ordine succedit porta Numentana, ab ipsa incipit eiusdem nominis via, qua itur Numentum, quod est in Sabinis. Dicta est etiam Ficulnensis via. Liuius: Decemviri Numentana, cui tum ficulnensis nomen fuit, profecti, castra in monte Sacro locauere. Ficulnensem autem appellauit à loco vbi figulinæ, sicut apud Testac. fiebant. Extra eandem portā Neniæ, quæ cantu quærulo funeribus adesset, templum fuisse legitur. Nam Deorum, quos obesse putabant, Tempia, extra Urbem, vt plurimum, ponebantur, ideo, vt plurimum dicimus, quia in Palatio Febris Fanum, in Exquilis Malæ Fortunæ, ad radices Auentini Socordix, & apud Augusti forum Martis Vltoris templum fuisse, visum est, quæ numina, non vt opem ferrent, sed ne obessent, colebantur. Via Numentana, citra secundum lapidem, occurrit à sinistra S. Agnetis ædes, prope quam visitur vetustissimum Bacchi Templum, Sphærica forma, columnis circumquaque in gyrum dispositis, templiq; testudinem sustinentibus, vbi è musiuo opere ornamenta picturæ, & ipsius Dei gesta effigiata cernuntur, & Porphyreticum sepulcrum vitibus, & vuis insculptum, quod Bacchi esse multi fabulantur. Apparent autem apud hoc templum, versus septentrionem, magni cuiusdam ædificii ruinæ, vbi theatrum extitisse memorant, nos vero nihil certi habemus, quod de ipso dicatur. Hinc vero ad stadia quatuor iterum se offert Anio, super quo est pons Numentanus, priscū retinens nomē, sicut & via, quem pontē Narsēs eunuchus exstruxit. Inter hanc quidem viam, & Salariam ad IIII. miliarium fuit Suburbanum liberti Neronis, quo fugiens ipse Princeps, se ipsum interfecit, auth. Suet. Extra autem portam Interaggeres occurrit statim locus planus, instar magnæ areæ, quadrata forma, parietibus circumseptus, qui dicebatur Castrum Custodiæ, vbi fuerant olim in statione milites prætoriani Dioclitiani Imp. Procopius verò scribit eregione Viuarii forinsecus veteres Romanos alterum breuem murum modico intervallo adiecisse, non ad tutelam, sed ad delicias, vt leones eo loco, & alias bestias seruarent. Vnde olim locum ipsum Viuarium, hodie vero Viuariolum vocant.

CAP. CXXXII.

*De ijs quæ extra portam Exquilinam, Nauiam, Cæli-
montanam, & Gabiusam fuere, vel sunt.*



PRIMA à porta Tyburtina eiusdem nominis via, quæ Tybur mittit. In hac apud S. Laurentium iacet Obeliscus in vinetis contractus, haud ita multo post obuius fit supra Anienem pons Mammeus, vulgo Mammolo appellatus, ab Antonino Pio extructus, qui à Mammea Alexandri matre instauratus, eius nomen acquisiuit. Quartus pons super eundem fluuium Lucanus nuncupatur, qui propior est Tiburī, quam Romæ, ibiq; est sphærica moles. In ponte vero legitur index Ti. Plantii authoris. Supra Tibur autē XX. miliar. cōcipitur Anio vetus, partim in Tiburtinū vsum, partim Romam deductus, qui minus salubris in hortorū rigatorem, atq; vrbis sordidiora extaret ministeria: hanc aquam post annos XL. quam Appia perducta est, an. ab vr. co. CCCCLXXX. Curius enim dētatus censor cū L. Papir. deducendam curauit

curauit ex manubiis de Pirrho captis. Item post biennium actum est in Senatu de consûmatione eius, tamen ex S.C. duumviri aquam perducentes creati, Curius, & Fuluius Flaccus locauerant. Curius intra quintum diem decessit, gloria perductæ pertinuit ad Fuluium. Sed quoniam duæ Anienis aquæ in urbem fluebant, vt facilius dignoscerentur, Anio nouus cœpit vocari, priori vero cognomē vetus adiectum. Nouus autem Anio Sublacenſi concipitur via, ad miliar. XLII. iungitur ei riuus Herculaneus, oriens eadem via ad miliarium XLIII. Ductus Anienis noui efficit pas. LVIII. milia, cuius riuum Frontinus à Nerua Imp. procurator aquarum constitutus, restituit, & in urbem deduxit. Strabo extra Exquilinam portam Labicanam, & Prænestinam viā egredi ostendit, his verbis. Porro in vnum cadit Labicana via à porta quidem exquilina, à qua & Prænestina, à sinistra vero hanc, & Exquilinum campum omittas, vltra centum viginti stadia pergit, tum & Labio propinquit, & Thusculum relinquit. Ab hac eadem porta haud procul, erat locus, qui olim Puticulæ dicebatur, quod ibi essent frequentes putei in quibus condebantur combustorum ossa ex propinquo campo Exquilino. Puticulæ inquit Elius, quod putrescant ibi cadauera proiecta, qui locus publicus vltra Exquilias. Via prænestina, inter sextum, & octauum miliarium, in agro Lucullano concipitur aqua Appia, diuerticulo sinistrorsus passuum DCCCLXXX. habet longitudinem à capite vsque ad Salinas, hæc M. Valerio Max. P. Decio Mure Cos. anno XX. post initium Samnitici belli inducta est ab Appio Claudio cenfore, cui postea Ægro fuit cognomen. Collegam autem habuit C. Plautium, cui ob inqueſitas eius venas Venocis cognomen datum est, sed is intra annum, & sex menses deceptus à collega, tanquam idem facturo, abdicauit à censura, nomen aquæ ad Appii honorem tantum pertinuit, qui multis tergiuersationib. extraxisse censuram traditur, donec & viam, & aqueductum consummaret. Plin. Agrippa, inquit, & Virginem adduxit ab octauo lapide diuerticulo II. mil. pas. via prænestina, iuxta Herculaneum riuum, quem refugiens Virginis nomen obtinuit, & rursus: Agrip. in ædilitate sua adiecta virginea aqua, cæterisq; corriuatis, atq; emendatis lacus septingentos fecit. Ex quo Augustū Po. Ro. vinum petenti subiratum respondiſſe ferunt: Tot aquas introduxit Agrippa gener meus, & vinum quæritis: Addidit autem Agrippa omnibus aquis signa ærea, aut marmorea, vtpote dei aquarum, qualia nunc quædam in vrbe cernuntur. Quod etiam testantur carmina inſculpta in marmore, iacenti inter spineta, in platea S. Pauli, quæ sunt hæc:

PERDIDERAT LATICVM LONGEVA IN CVRIA CVRSVS.

QVOS TIBI NVNC PLENO CANTHARVS ORE VOMIT. & Propertij hæc.

*Et leuiter lymphis tota crepitantibus vrbe,
Cum subito Triton ore recondit aquam.*

Ædícula, inquit Frontinus, fonti apposita hanc virginem pictam ostendit. Alii autem Virginem appellatam tradunt, quod quærentibus aquam militibus, Virguncula venas quasdam mōstrauit, quas secuti ingentem aquæ modum inuenerunt. Fuluius autem ab ea porta, quæ maior nunc vocatur, tanquam olim ab Exquilina, aut certe prope quæ fuerit, Labicanam, & Prænestinam viam nunc egredi, scribit. Labicana à dextris, iuxta formam aquæ Claud. ad Columnam oppidum, Prænestina vero Gallicanum nunc, olim Gabios, deinde Præneſte, à quo nomen accepit, tendit. A Cœlimontana vero incipit, via Campana, quæ statim extra portam in duas dirimitur semitas, sed post pauca stadia vtrâq; Latinæ iungitur. Inter Cœlimontanam, & Latinam Gabiufam locauimus portam, à qua olim exibat via Gabina, de ea ita meminit Liuius: P. Valerius T. Herminium cum modicis copiis ad II lapidem Gabina via occultatum obsidere iubet. Idem:

ad III. lapidem venere via Gabina, fuerunt autem Gabii, vt diximus, via prænestina, Strabo: Sunt & Romanorum oppida à sinistra Latinæ, inter eam, & Valeriam Gabii extant, in via prænestina, vbi lathomix sunt plusquam reliquæ, lapides Romæ suppeditantes, distantes Roma, & Præneste ex æquo stadiis centum.

C A P. CXXXIII.

*De ijs quæ extra portam Latinam; & Capenam
fuere, vel sunt.*



LATINA autem porta Via, eiusdem nominis exit, quæ in Latinos populos ducit, videlicet per Leuicanum, nunc Valmontonium, & nunc Campaniam vsque ad Casinatem S. Germani Saltum, de qua Strabo sic scribit: Præclarissimæ sunt viæ, Appia, & Valeria, media inter has Latina est, ad Casinum oppidum iungitur Appiæ XIX. à Capua distans stadiis. In hac III. ab Vrbe lapide, fuit Templum Fortunæ Muliebris, eiusdemque deæ simulacrum, nephas attingi nisi ab ea, quæ semel nupsit, Valer. Max. Muliebre inquit, Fortunæ simulacrum, quod est in via Latina ad quartum miliarium eo tempore cum in æde sua consecratum Cal. Decembris, quo Coriolanum ab excidio Urbis maternæ præces repulerunt, non semel, sed bis locutum constitit, his verbis: Rite me vidistis: Rite me dedicastis. Eadem concipitur aqua Tepula XI. miliario diuerticulo euntibus ab Roma dextrorsus, sub tera prius: deinde arcuato opere, Iuliæ post admista. M. Agrippa ædilis proprias vires collegit, & Tepulæ riuum intercepit, acquisitæque ab inuentore nomen Iuliæ datum. Iulia autem reuocatis deriuationibus, per quas subripiiebatur, modum suum, quamuis notabili siccitate, seruauit. Tepula igitur inuenta, & deducta ab Agrippa est, anno ab Vrbe co. DCCXIX. Imp. Cæs. Iulia vero ab Aureliano, vt scribit Ant. in Itinerario. Via autem Valeria ad miliarium XXXIII. Fron. aquam Marciâ concipi scribit, de qua plura superius locuti sumus. Penultimam enim omnium portarum cis Tyberim, Appiam appellauimus, à qua eiusdem nominis, cuius & portæ, egreditur via; Ab Appio Claudio Censore, qui Capuam vsque eam strauit, denominationem accepit, ea latitudine, vt plaustra duo, ex aduerso inuicem occurrentia, libere exciperet. Liuius: Memorix felicitatis nomen Appii, & viam muniuit, & Appiam aquam in Urbem deduxit. Quam quidem viam Cæsar Dictator, vel exornauit, vel restituit. Plut. Commissa dehinc illi Appiæ viæ cura, ingentes prodegit pecunias. Nouissime vero Traianus eam restituens Brundisium vsque strauit, desiccatis paludibus, excisis collibus, aggeratis vallibus, faxis constratis reliquis iis circum, ac pontibus magnificentissimi operis excitatis, permeabilis fecit. auth. Dionys. Traianum autem quamplurima ædificia restituisse, ex literis in marmore apud circum Maximum inuento incisis, satis apparet, quæ sunt huiusmodi.

IMP. CÆS. DIVI NERVÆ, F. TRAIANO GERMANICO DACICO
PONT. MAX. TRIB. POT. VIII. IMP. IX. COS. PP. TRIB. QVOD
LIBERALITATE OPTIMI PRINCIPIS COMMODA EARVM ETIAM
LOCORVM ADIECTIONE AMPLIATA SINT.

Appia, inquit Strabo, ad mare protendit: prius tamen in Albæ, Aritiæque ruinas perducit, & muros olim Pontinæ paludis ad Terracinam, inde per Fundos, Molas, & postea Sinuessam, & medium stellatum campum vsque Brundisium, mox transuerso itinere per Atellam nunc aduersam, Puteolis, & circum Baianum olim sinum, nunc Tripergulæ Balneas vsque Cumas. Huic viæ & Claudiæ nomen datum inuenio. Sen. in ludo mortis Claudii ait, Augustum, & Tiberium

rium Cæs. Appia via ad deos iuisse. Templum Martis celeberrimum eadem via. Ovidius.

Lux eadem Marti festa est, quem prospicit extra

Appositum recta porta Capena via.

Liuius. Viam Censores sternendam à porta Capena ad Martis templum locauere, semitamq; saxo quadrato strauerunt, hoc templum à Sylla in ædilitate sua consecratum fuit, supra centum columnas positum. Memorant autem Martis duo fuisse templa, vnum intra urbem Quirini, quasi custodis, & tranquilli, alterum, de quo nunc, extra urbem, quasi bellatoris vel gradiui. In Mart. Ancyle fuisse scribit Ser. gram. Verum cum præter hoc, & in vrbe, & in Campo Martio fuerint Martis Tempia, de quo intelligat Ser. ignoratur, sicuti & de Senatulo, quod erat apud Bellonæ, iuxta Martis fuit Manalis lapis, quo per siccitatem in Urbem relato, pluuia statim manabat, hinc Manalem dixere, Sextus Pomp. author. Martis Signum in via Appia, idque Cneio Seruilio, & Flaminio Coss. iudicasse memorat Liuius. In eadem fuit Bonæ deæ Sacrarium, apud quod Clodium & M. Papirium interfectum fuisse, ait Cic. Lucus, & ædes Camænarum extra portam Appiam à Fulvio Nobiliori condita fuit, auth. Ascan. Ara Apollinis Ædis spei, Mineræ, extra eandem portam præterea Lucus Honoris, Virtutis Ædes: Liuius. Ædem Virtutis ad portam Capenam Marcellus dedicauit. At Honoris, & Virtutis intra urbem fuisse crediderim, ad ipsam tamen portam, vt dixi. Sunt enim hæc numina optimi ominis, quorum templa in vrbe excitanda venirent, potiusquam extra. Ad portam autem quasi admonerent proficiscentes ad bella, nisi per virtutem res strenue gessissent, aditum sibi non futurum ad honorem, & gloriam, hoc est ad triumphum: Hinc est quod Augustinus ait Neminem honoris templum ingredi posse, nisi prius virtutis esset ingressus. Marcell. autem in Corsicam & Sardiniam nauigans, grauissimam passus est tempestatem: cumq; naufragio esset seruatus, Romam reuersus Tempestatis Ædē extra portam Capenam excitauit. Ouidius.

Te quoq; tempestas meritam delubra fatentur,

Cum penè sit Corsis obruta puppis aquis.

Extra eandem porta n. ad II lapidem, Templum Ridiculi, cui nomen inditum est, quod ibi Annibal castrametatus illusus reuersus esset. Via Appia hortos Terentianos XX. iugerum fuisse legimus. Eadem via ad secundum lapidem inter ædem Sancti Sebastiani, & Caput Bouis in prælonga conualle extat Circus, siue Hippodromus, satis rudis, ab Antonino Bassiano (vt creditur) extructus, vbi in medio adhuc apparent metarum signa, & Obeliscus miræ magnitudinis, in plures contractus partes, cum notis Aegyptiorum, vbi olympici olim fiebant ludi, ad exercendos milites prætorianos, qui illic contubernia à Tyberio Cæsare constituta habebant. Calori amni secundo supra Sabbatum miliario Valentinus pons fuit, in via Appia positus, & appellatus à Valente Imperatore, nunc dirutus. In eadem via vbi ea primum attingit Masicum montem, vrbs est Sinuessæ, olim Pometia. Fuit præcis temporibus Appia veterum sepulchris à dextris & sinistris frequentissima, quorum multa adhuc cernuntur vestigia, velut ex Tyburtino lapide extructa spherica forma sine apice meta, cognomento nunc caput bouis, quod illic vndiq; bubulorum capitū simulacra lapide cælata viderentur, vbi sepulcrum Metellæ vxoris Crassi fuisse hic index ostendit.

CÆCILIAE. Q. CRETICI. F.

METELLÆ CRASSI.

Cic. primo Tusc. an tu egressus, inquit, porta Capena cum Colatini, Scipionum, Seruiliorum, Metellorum sepulcra vides, miseros putas illos? in eadem Appia. VI. ab vrbe lapide M. Tullii, & Tullior. monumenta fuere, vt marmora

inſcripta ibiq; inuenta aperte ſignificarunt. In gentili autem Scipionum ſepulcro Ennium poſitum commemorat Cic. pro Archia. Charus, inquit, fuit Africano ſuperiori noſter Ennius, itaque in ſepulcro Scipionum putatur iſſe conſtitutus. Ad huius ſepulcri ornamentum tres fuerant ſtatue, duæ P. & L. Scipionum, tertia ipſius Ennii, auth. Liuius, qui de loco vbi Publius mortuus, & ſepultus anceps, ſic ſequitur. Alii Romæ, alii Literni, & mortuum, & ſepultum, vtrobiq; monimenta oſtenduntur, & ſtatue. Nam & Literni monimentum monimentoq; ſtatua ſuperimpoſita fuit, quam tempeſtate diſiectam nuper vidimus ipſi, & Romæ extra portam Capenam in Scipionum monimento tres ſtatue ſunt, duæ P. & L. Scipionum dicuntur eſſe, tertia Poetæ Q. Ennii. Et tamen quinto quintæ dec. pro certo videtur tenere Africanum Literni eſſe ſepultum. Sunt enim apud ipſum M. Seruili Cofſ. contra Ser. Galbam pro L. Paulo Æmilio verba hæc. Satis peccatum in Camillo à maioribus noſtris eſt, quem tamen ante receptam per eum à Gallis urbem violauerunt. Satis inſuper vobis in P. Africano, Literni domicilium, & ſedem fuiſſe domitoris Africæ, Lit. ſepulcrum oſtendi. In baſi autem ſtatue Ennii, hæc erant incifa carmina.

ASPICITE. O. CIVES. SENIS. ENNII. IMAGINIS. FORMAM. HEIC. VOSTRVM. PANXIT. MAXIMA. FACTA. PATRVM. NEMO. ME. LACRVMIS. DECORET. NEQVE. FVNERA. FLETV. FAXIT. CVR. VOLITO. VIVVS. PER. ORA. VIRVM.

Sepulcrum ſororis Horatii, eius qui ex tergeminiſ ſuperſtes ipſam interfecit, ex ſaxo quadrato conſtructum fuit ante portam Capenam, quo in loco ipſa ceciderat. Extra eandem portam Horatiorum ſepulcra, Campusq; vbi pugnauerunt collocatur, & locus Mercurio ſacer, Aquaq; Mercurii appellata, ad quam cum conueniſſet Po. Ro. vnusquiſq; lauri ramo alterius caput ea aſpergebat aqua, Mercurium inuocans vt aſperſis peccata, præſertim periuria dilueret.

Eſt aqua Mercurii porta vicina Capena.

Si inuat expertis credere, numen habet.

Staius autem Appiam omnium aliarum viarum reginam appellauit, in qua ad quintum lapidem ſepultus eſt Pomponius Atticus, in monimento Q. Cecili auunculi ſui, vt inquit Cor. Nepos. Cæditix Tabernæ in via Appia, Domini nomine ſunt vocatæ. Sextus Pom. Lucus Egeriæ extra portam Capenam, quod Camœnis ſacrauit Numa. Via Laurentina in Appiam incidebat, in qua ſexto ab Vrbe miliario, ferme vbi S. Sebaſtiani eſt paſſionis locus, Terminalia, id eſt feſta Termino Deo ſacra, magno populi concurſu celebrabantur. Eſtq; iſ Terminus, qui cum in Capitolio ædes Iouis dedicaretur, cæteris diis cedentibus cedere noluit.

C A P. CXXXIV.

De ijs quæ extra portam Hoſtienſem, & reliquas in genere.



VLTIMA Urbis porta cis Tyberim, & ab ea, quæ egreditur via Hoſtienſis dicitur: quod Hoſtiam Tyberinam, ab Ancore ge conditam, mittat, hæc autem porta prius Tergeminorum ſortita nomen ad radices Auentini, vt viſum eſt, ſteterat, extra quam Liuius primo dec. quintæ Emporium ſic ponit. Ædiles extra portam Tergeminam Emporium lapide ſtrauerunt, ſtipitibusq; ſepſerunt, & Porticum Æmiliam reficiendam curarunt, gradibusq; aſcenſum ab Tyberi in Emporium fecerunt. Sed nunc locum intra urbem eſſe opinamur, quod innuunt verba Li. vltimo loco poſita,

sita, emporium ipsum prope Tyberim ostendentia. In Translyberina regione tres extant portæ: Portuensis, Aurelia, Fontinalis, siue, vt alii volunt, Septimiana. A Portuensi inchoat via eiusdem nominis, quæ ducit ad portum Hostiensem: à quo, sicut & porta, nomen accepisse fertur. In eo autem portu fuit ædes Portumini, qui portubus præest, in cuius ædis ædificatione portumnalia celebrata esse traditur. Via autem Aurelia egreditur à porta eiusdem nominis, quæ vt diximus, tendit per maritima Tusciæ, Pisas versus, ab Aurelio consulari viro, & strata, & denominata, vnde consularis erat via, huius meminit Cic. in Catil. & Eutropius sic. Etruriæ per Aureliam vsque ad Alpes maritimas ingentes agri sunt. Traiana etiam est dicta à Traiano Imper. qui eam restituit: In hac fuerunt Horti Galbæ Imp. vbi idem princeps sepultus fuit auth. Suet. Fontinalis, siue Septimiana porta, in Campum Vaticanum olim mittebat, & Ianiculum, sicut Vaticana, seu Triumphalis, de qua supra facta est mentio: Sueton. tradit viam Viteliæ fuisse ab Ianiculo vsque ad mare.

C A P. CXXXV.

Zethi, Amphionis & Dirces fabula, quam egregia simulacra unico saxo ab Apollonio, & Taurisco præstantissimis artificibus olim insculpta repræsentant, sic se habet.



Ycvs Bæotix rex, Antiopam Nicteï regis filiam, vxorem duxit: quam postea, cum à Ioue in satyrum conuerso compressam cognouisset, repudiavit, Dircenque vxorem duxit, quæ veritate Antiopæ cum Lyco in gratiam rediret, artificibus eam vinculis asseruauit, quibus Iouis miseratione dissolutis, in Cithæronem profugit, vbi Amphionem & Zethum peperit: qui postea à pastore, qui ipsos nutrierat, de Lyci iniuriis edocti, eum interfecerunt, Dircæ vero caudæ indomiti equi, vel, vt alii malunt, cornibus ferocissimi tauri alligarunt, quæ diu ita per terram raptata, tandè Deorum commiseratione in sui nominis fontem conuersa est. De qua Proper. lib. 3. eleg. 13. fere per totam, sic meminit:

*Testis erit Dirce tam verò crimine saua
Nyctæos Antiopem accubuisse Lyco.*

Et paulo inferius sic subsequitur:

*Tu reddis pueris matrem, pueriq; trahendam
Vinxerunt Dircem sub truci ora bouis.*

*Antiopæ cognosce Iouem, tibi gloria Dirce
Ducitur in multis mortem habitura locis, &c.*

Amphionem vero Dirces filium, adeo lyra suauiter cecinisse traditur, vt saxa ad struendos muros Thebanos traxisse dicatur: de quo Horatius de arte poetica:

*Ductus & Amphion Thebana conditor * urbis * al. arcis
Saxa mouere sono testudinis, &c.*

Quod ideo fictum, quia eloqui suauitate homines rudes, & incultis moribus ad obsequiū ciuilis pellegerit disciplinam. Item de Amphione habetur in Apollonii Rhodii Argonaut. lib. 1. Sed, vt eò quò cœpi pergā, simulacra hæc, quæ C. Asinii Pollionis fuerunt, commemorauit Plin. lib. 36. cap. 5. his verbis: Pollio Asinius, vt fuit acris vehementiæ, sic quoque spectari monumenta sua voluit. In iis sunt Centauri nymphas gerētes Archesite, Thespiades Cleomenis, Oceanus, & Iupi-

& Iupiter Eutochi, Hippiades Stephani, Hermerotes Taurisci, non calatoris, sed Tralliani, Iupiter Hospitalis Pamphili Praxitelis discipuli: Zethus, & Amphion & Dirce & Taurus, vinculumque ex eodem lapide à Rhodo aduecta opera Apollonii, & Taurisci. Parentum ij certamen de se fecere, Menecratem videri professi, sed esse naturalem Artemidorum &c. Hactenus Plinius de huiusmodi simulacris, qui ad ostendendam eorum, & artificum excellentiam, pluribus in iis verbis immoratus est. Verum cum hæc variis temporum casibus agitantur tandem M. Antonini Pii L. Septimii Seueri filii temporibus, cum Thermas, quæ in hunc vsque diem Antonianæ dicuntur, prope piscinam publicam sub Auentino construxisset, eadem ornatus causa adhibuit, quæ tandem ibi reperta sunt in effodiendis ruinis, & ruderibus Thermarum earundem Pauli III. Pontificis Max. tempore, ac restaurata: nunc vero in ædibus celeberrimis Illustriss. Alexandri Cardinalis Farnesii, maxima admiratione, tum præstantissimorum artificum opere, tum & auctoris celeberrimi mentione, nempe Plinii, qui eorum, vt superior vidimus, commemorat, visuntur in posteriori atrio ipsarum ædium Farnesiorum, & licet vndique clausa sint, venia tamen impetrata, ad introspectendum perhumaniter patet aditus.

C A P. CXXXVI.

Taberna meritoria.

TABERNA meritoria insigne legitur ædificium fuisse Transiberina in regione, vbi præsens templum ingens beatæ Mariæ Virginis cernitur, à populo Rom. pietatis ergo olim erectum, quasi Nosocomium, aut Xenodochium quoddam esset veteranis militibus, qui pro Romana republica aliquandiu meruissent, vnde forte meritoria nomē sibi vendicauit, in eamq; milites ij, qui aut senio confecti, aut vulneribus in prælio susceptis, claudi seu mæci quoquomodo effecti fuissent, quoad reliquū supererant alebantur, ne victum emendicare cogerentur, aut à mæreo forte meritoria dicta est, eò quod in ea non nisi senes & claudi degerent, qui vt plurimum mæsti & tristes esse solent: alii vero existimant, hanc militibus tantum prætorianis erectam fuisse, ac inibi tanquam in castris constitisse, atque castra Rauennatum diu postea appellata. Hic autem Deum Opt. Max. eius pietatis, & misericordiæ signa ostendisse pro comperto est: nocte enim ea qua Saluator noster in mundum prodiit, fontem ibi olei vberimum scaturisse testantur, quem toto insequenti die, populo inspectante & admirante, ad Tyberim vsque procurrisse: quod signum & inditium fuit, natum esse in mundo Dominum Iesum, nempe Saluatorem mundi, cuius nomen oleum effusum est, testante scriptura Cantic. i. de fama Domini: atque ita ex tanti memoria miraculi, templum ibi primum à Callisto summo Pontifice. huius nominis primo, beatæ Virgini est erectum, quo postea diruto, à Gregorio Papa III. à fundamentis denuo est constructum, quod templum S. Mariæ in Transyberim vocitatum est. Sed quid de hoc dixerit Marlianus, videndum: ille enim lib. 5. cap. 19. loquens de Transyberina regione, sic scriptum reliquit: Rauennatum etiam urbem nominatam inuenio. Nam Augustus victoria contra Antonium, & Cleopatram potitus, binam instituit classem, vnā apud Mesenium Lucaniæ portum, alteram vero apud Rauennam. Cumque Senatui esset cura, vt nulla Romam frequentaret multitudo, cui non esset habitandi locus publice assignatus, militibus Rauennatis classis hæc regio fuit assignata, quæ exinde Rauennatum vrbs cepit appellari: quo nomine appellatum est templum, & meritoria taberna: quam vbi nūc est ædes diuæ Mariæ fuisse legimus.

legimus. Ex quo templo Augusti tempore fons olei ex terra exundauit, ac per totum diem largissimo riuo fluxit, significans ex gentibus gratiam Christi, vt scribit Eutropius. Sed hæc regio propter pestiferos austros, à vilissimis sordidasq; artes exercentibus habitabatur: vnde pauca memoratu digna continet, &c. Hætenus Marlianus.

CAP. CXXXVII.

Domus Flauiorum.

FLAUIORVM domus in Exquiliis fuisse, authorum testimonio comprobatur, Marlianus enim lib. 4. cap. 23. de Flauii Sabini domo hæc innuit: Alta semita à thermis Constantini ad portam Viminalem vsque per dorsum Quirinalis erat producta, cuius vestigia sæpe nec vno tantum loco vidimus: & prope eum locum, qui dicebatur ad Malum Punicum, fuit Flauii Sabini domus, in qua natum esse Domitianum testatur Suet. consentitq; hic titulus ibidem repertus, & adhuc iacens

INTER DVOS
PARIETES
AMBITVS PRIVAT.
FLAUI SABINI

C. enim Suetonius Tranquillus in initio vitæ ipsius Domitiani, hæc habet verba: Domitianus natus est IX. Calend. Nouembris, patre Cos. designato, inituroque mense insequenti honorem, Regione vrbs sexta, ad Malum Punicum, domo, quam postea in templum gentis Flauiae conuertit, &c.

CAP. CXXXVIII.

Asylus.

ASYLVS quidnam fuerit, quo tempore, vbi & à quo institutū, facile innuere videntur Liuii verba libro primo circa principium, ita scribentis: Crescebat interim vrbs munitioibus cum alia atque alia appetēdo loca, in spem magis futuræ multitudinis, quam ad id, quod tum hominum erat, munirent. Deinde ne vana vrbs magnitudo esset, adiiciendæ multitudinis causa vetere consilio condentium vrbes, qui obscuram, atque humilem conciendo ad se multitudinem natam è terra sibi prolem metiebantur, locum, qui nunc septus densis sentibus inter duos lucos est, Asylum aperit, eò ex finitimis populis turba omnis sine discrimine liber an seruus esset, auida nouarum rerum perfugit: idq; primum ad ceptam magnitudinem roboris fuit, &c. Hætenus Liu. Plut. vero in vita Romuli de Asylo Romano hæc inquit: Primis deinde Vrbi fundamentis iactis, sacrum quendam locum eò cōfugientibus perfugium statuentes, Asylum vocarunt: eòque omnes sine vlllo discrimine exceperunt, nec domino seruus, nec debitor creditoribus, nec homicida magistratibus debebatur, cum dicerent firmum ac ratum id omnibus Pythico oraculo esse oportere. Itaque quàm celeberrimè Vrbs hominibus abundabat, &c. Marlianus autem cum de colle Capitolino ageret, libro 2. cap. 2. ostendens Asylum fuisse in summo Capitolio, diffusius in hæc verba protulit: Veiovis ædem in area nunc Capitolina locum obtinuisse hæc verba Gellii docent. Est autem etiam ædes Veiovis Romæ inter arcem, & Capitolium, & mox subdit: Cum Iouem igitur, & Diuiouem à iuuando nominassent, cum quoq; contra, Deum qui

non iuuandi, sed vim nocendi haberet (nam deos quosdam, vt prodesse, celebrabant, quosdam ne obessent placabant) Veiuem appellauerunt, dempta atq; detracta iuuandi facultate. Eius simulacrum, quod est in æde de qua supra dixi, sagittas tenet, quæ sunt videlicet paratæ ad nocendum. Quapropter eum Deum plerique Apollinem esse dixerunt: immolaturq; illi ritu humano capra, eiusq; animalis figmentum iuxta simulacrum stat: & paulo post subdit: Asylū templum in dicta arca fuisse significat Dionysius, sic enim inquit: Lucum umbrosū medium Capitoliique & arcis, quod vocatur inter montium duorum quercetorum templum Romulus constituit, de eodem Strabo: Romulus Asylum aperiens inter collem & Capitolium, huc perfugientes ciuitate donatos designat, & Liuius (quem supra citauimus) locum, inquit, qui nūc septus densis sentibus inter duos lucos, Asylum appellat. Ex eo finitimus populus omnis turba sine discrimine, & seruus & liber, auida nouarum rerum perfugit, & hunc locum Ouidius attigit his versibus:

Romulus, vt saxo lucum circumdedit alto

Quilibet huc, inquit, confuge, tutus eris.

Ex eo enim nemo extrahebatur. Varios autem terminos habuisse testatur Strabo his verbis: Templum & nunc, & olim Asylum erat, cuius libertatis termini sunt mutati: Alexander ad stadium extendit: Mitridati vero dimissa ab angulo Cerami sagitta visum est paululum ipsum stadium transcendere: Antonius huic proxime accessit, & cum eo termino Urbis partem comprehendit. Postea Cæs. Aug. cum id damnosum existimaret, & nihil aliud esse, quam multis malefaciendi causam exhibere, irritum fecit. Suet. de Tiberio loquens: Aboleuit, inquit, & vim moremq; Asylorum, quæ vsquam erant. Primi autem omnium Herculis nepotes timentes insidias illorum, quos auus, priusquam è terris migraret affligerat, Asylum instituisse dicuntur, hinc Statius:

Asylum herculeos fama est fundasse nepotes.

Et quia nonnulli ex quibusdam Ouidii carminibus, sub rupe Tarpeia Asylum stetisse volunt, quid de hac opinione sentiam, vbi de basilica Sempronii erit sermo, dicetur. Et subdit postea idem auctor lib. 4. cap. 13. vbi de ipsa basilica & de aliis agit, in hæc verba: Apud ædem nunc D. Georgii fuit domus P. Africani, vbi deinde T. Sempronius basilicam fecit, de qua Liuius quarto decadis quintæ sic loquitur: T. Sempronius ex ea pecunia, quæ ipsi attributa erat, ædes P. Africani pone veteres ad Vertumni signum laneasque & tabernas coniunctas in publicū emit, basilicamque faciendam curauit, quæ Sempronia appellata est. Qui autem volunt Asylum, de quo dictum est, fuisse sub rupe Tarpeia, vt id comprobent citant Ouidii hæc carmina:

Tum quoq; vicini lucus celebratur Asyli,

Qua petit aquoreas aduena Tybris aquas.

Et quanquam hi versus non faciunt de loco Asyli certam fidem, tamen cum in Capitolio, in quo prius fuerat constitutus, fuissent multa templa, atque ædificia excitata, credendum omnino esse censemus, in alium locum esse translatum, atque in eum quem dicunt totum id spatii occupauisse, quod est à rupe Tarpeia, hinc ad forum boarium vsque, inde ad pontem Senatorium, & ad radices vsque

Auentini montis. Hactenus Marlianus de Asylo, nos autem quod de hac re apud auctores scriptum inuenimus, retulimus: quod satis esse factum desiderio legentium existimauius

Templum Carmentæ.

DICTURI de templo, seu Fano Carmentæ, non ab re videtur aliquid prius de ipsius Carmentę nomine, & quænam ea fuerit, attingere: Plutarchus namque in vita Romuli sic habet: Carmentam quidam proprium hominum procreationis factum opinantur esse, ob id hæc sacra matres agitare. Alii Euandri Arcad. matrē fatidicā, eam Phæb. dicatā fuisse tradunt, & Carmentam, quod carmine responsa ederet nuncupatam: Nicostratæ enim proprium illi nomen fuerat: hæc communior de Carm. opinio est, quæ plurimos auctores habet. Nonnulli tamen nomen Carm. sane haud inapte interpretantur, ut sit Carmenta amens & mente carens quod numine afflata furere, atq; insanire sit solita. Hactenus Plutarchus de nomine ipsius Carmentæ, Marlianus vero lib. 1. cap. 3. ubi de portis vrbis Romuli agit, postquam de porta Carmentali nonnulla differuit, citat Solinum his verbis: pars infima Capitolini montis habitaculum Carmentæ fuit, ubi Carmentale fanum nunc est, à qua Carmentalis portæ nomen est, &c. Deinde vero libro tertio, capite duodecimo, ubi de Foro Holitorio, & de quibusdam Templis agit, hæc infert: Fanum Carmentæ sub Capitolio esse scribit Dionysius: meminit & Gellius libr. 18. ca. 7. Obiter tangens Fanum Carmentis (ut ipse ait) Positum autem fuit apud portam Carmentalem à Carmenta, ut supra diximus, nuncupatam: ubi reliquæ S. Catharinæ hodie cernuntur. Quod si fanum mulieres Romanæ ei deæ ædificarunt, gratiam referentes, quod vehiculo, quibus S. C. priuatae fuerant, ipsis est restituta. Carmenta enim Euandri mater fuit, Nicostrata prius appellata: quæ quia carminibus oracula edebat, Carmenta postea est dicta, ab eaque carmina auctore Plutarch. in problem.

Templum Æsculapii in Insula Tiberina.

MARLIANVS de templo Æsculapii in Insula Licaonia (sic enim vocitata est Insula Tyberis, à templo nempe Iouis Licaonii ibidem constructo) sic scriptum reliquit, collectis ex authoribus fidedignis iis, quæ sequuntur: ait enim lib. 2. cap. 16. loquens de Insula Tyberina, ac templis quæ in ea fuere in hunc qui sequitur ordinem: Tota erat Æsculapio sacra, propter eius simulacrum ex Epidaurio in eam aduectum, ut refert Liuius. De eo autem Plin. lib. 29. cap. 4. n. 50. sic meminit: atqui anguis Æsculapius Romam aduectus est, vulgoque pascitur, & in domibus. Vnde forma naus, qua simulacrum aduectum dicitur, non modo Insulæ est data, verum memoria eius rei causa, naus etiam ex lapide thasio sculpta in eiusdem Insulæ puppi collocata fuit, quæ etiam hodie visitur, & in altero eius latere serpentis simulacrum. Ædes eiusdem Dei posita erat ubi nunc S. Bartholomei est templum: de qua Sex. Pom. sic meminit: In Insula Æsculapio facta fuit ædes, quod ægroti à medicis aqua maxime sustententur: Eiusdem esse tutelæ draconem aiunt, quod vigilantissimum sit animal: quæ res ad tuendam valetudinem ægroti maxima est. Canes adhibentur eius templo, quia is vberibus canis sit nutritus: bacillum habet nodosum, quod difficultatem significat artis. Laureæ coronatur, quod ea arbor sit plurimorum remediorum. Huic gallinæ immolabantur, eo quod infirmis eiusmodi præcipue altilibus opus sit. Aliqui vero volunt ædem hanc in Insula fuisse constitutam, quod fluxu & motu

aquarum aer sit salubrior: alioquin extra urbem collocari solebat, quod Plin. etiā affirmat lib. 29. c. 1. his verbis: Ideo Romani templum Æsculapii, etiam cum reciperetur is deus, extra urbem fecisse, iterumque in Insula traduntur. Hoc templum Lucretium Prætorem tabulis pictis ex præda exornauisse cōmemorat Liu. tertio decad. quintæ. Prope ipsum fuit Nosocomion, vbi ægroti curabantur. Quo in loco cū quidā ægra, & affecta mancipia tædio medendi exposuissent, Claudius Imp. liberos esse sanxit. Ad Æsculapii autem fuisse Iouis templum docent Ouidii hæc carmina.

Quod tamen ex ipsis licuit mihi dicere Fastis

Sacrauere patres hæc duo templa die.

Accepit Phæbo, nymphæq; Coronide natum

Insula, diuidua quam premit amnis aqua.

Iupiter in parte est, cæpit locus vnus utrunq;

Iunctaq; sunt magno templa nepotis auo.

Hæc à Marliano de templo Æsculapii, quod in Insula Tyberina fuit.

C A P. CXLI.

Balnea Pauli Æmilij.



AVLI Æmilij Balnea prope Quirinalem fuerunt, qui locus olim dicebatur, Mons ad balnea Pauli, nunc autem corrupto vocabulo Mons ad bagnanapoli, vel magnanapoli vulgo dicitur: in eo maxime loco vbi ad præsens cœnobium monialium Sancti Sixti, & in sequenti cliuo vergens ad Ecclesiam Sanctæ Agathæ, quo loci dum in exequanda via, quæ strata est à Sixto Papa V. de mense Septembri anni 1586. reperta sunt balnea quædam tabulis marmoreis incrustata: prope hæc sunt ædes hinc Vitellior. inde Comitum, ac turris quæ militiarum dicitur: sed videndum quid de illis specificè Marl. dicat, ipse enim lib. 4. cap. 22. eius Urbis Topographiæ loquens de monte Quirinali, sic ait: Balnea Pauli Æmilij in proximo fuere, vbi nunc Monialium est habitaculum, locusq; dicitur Bagnanapoli. In descensu cliui qui ad Viminalem vergit, à dextra annis ab hinc duodecim vidimus sacellum variorum piscium, marinarumq; concharum nobili pictura adornatum, quibus inditiis Neptuni fuisse omnes asseriebant, &c.

C A P. CXLII.

Basilica Diui Antonini.



ASILICA principio dicta fuit domus ampla & spatiosa, causarū cognitioni destinata, ab eo (vt creditur) dicta, quod principes eo ad ius dicendum conuenirent, aut quod Græci τοῦ βασιλέως appellatione, etiam iudicem intelligerent, astipulante etiam Hesiod. qui δουροπαγῆς appellat βασιλῆας hoc est, doniuoros iudices interprete Budæo. Plinius in epistol. Descenderam in basilic. Iuliam auditurus, quibus proxima comprehendinatione respondere debeam. Erat autem basilica templo persimilis, ambulationibus amplissimis instructa, ad quam multi tota ex urbe, alii causas agendi, alii consultandi, alii aliud agendi gratia confluebant, Cic. ad Attic. li. 2. Basilicam habeo, non villam frequentia formianorum. Postea etiam basilicæ ædificatæ in usum negotiorum, exque in locis foro proximis, de quo videndus Vitru. li. 5. Basilica

filica autem Antonina, quam Marlianus porticum, seu palatium Antonini Pii vocitat, ita de ea lib. 5. cap. 4. asserit: Extat, inquit, iuxta ædem Sancti Stephani de Trullio porticus, cuius principiū & finis non apparet: columnæ tamen marmoreæ ingentes numero vndecim stantes ita dispositæ cernuntur, vt ex his, aliisque eiusdem generis nuper à tergo harum effossis, porticum quadratâ fuisse dubium non sit: siquidem sub ipsis columnis locus est amplissimus concameratus in modum cellæ vinariæ, vt falsum esse constet, quod aliqui dicunt, ibi fuisse templum eiusdem Antonini vel Martis, &c. De hac porticu seu Basilica hætenus habet Marlianus, quem primum ex recentioribus in hac re sequendum duxi, cum explicatius præ cunctis de vrbis locis, ac cæteris aliis agat.

CAP. CXLIII.

Castra Prætoria.

ASTRVM quid sit, vel potius castra multitudinis numero, ipse nomen compiler sic docet: Castra, inquit, appellantur loca in quibus milites tentoria fixerunt, vel ipsa tentoria vbi milites diuersantur. Cic. ad Atti. Cum Cæsar ad oppidum castra haberet: Vnde & de nauibus Virgil. dixit: Nos castra mouemus, quoniam in illis milites essent. Cæsar 5. bell. Gall. imperat, vt castra naualia adorianur, dicta à castris similitudine, quod fossa valloque quasi muro circumdari solent. Hinc Castra Prætoria dicta vbi prætoris cohortis milites diuersabantur, Prætorii dicti à Prætoribus, id est, Imper. corporis sui custodiæ causâ delecti Cicer. pro Cælio. Nemini vnquam Prætor. maiores honores habuerunt. & Plin. lib. 9. c. 6. sic meminit. Prætoris iussit Cæsar plagas multiplices inter ora portus, profectusque ipse cum Prætorianis cohortibus pop. Romano spectaculum præbuit, &c. Marlianus vero de his castris li. 5. c. 27. loquens de via Appia, ac de aliis quæ in ea fuerunt, sic ait: Circus Antonini Caracallæ is est, vt plerique omnes consentiunt, cuius ingentes ruinae, & inter eas Obeliscus metarumque vestigia non procul ab æde S. Sebastiani cernuntur, vbi aiunt, prius Prætoria castra à Tiberio Cæsare fuisse constituta. Nam Suetonius scribit, hunc Romæ castra constituisse, quibus Prætorianæ cohortes vagæ ante ea tempora, & per hospitium dispersæ continerentur. Hætenus Marlianus. At Pyrrhus Ligorius Neapolitanus, qui nostra tempestate pictor, antiquarius, & architectus non contemnendus extitit, in chorographia quam protulit antiquæ vrbis, quæ in hunc vsque diem multis in locis cernitur, Castra Prætoria intra vrbis mœnia locauit. Sed iam videamus quid de hisce castris diffusius quam cæteri Blondus Flavius scriptum reliquerit, ipse enim libro secundo, numero 87. & seq. agens de re militari, ita prosequitur: Res militaris, cuius disciplina rem auxit, & tutata est Romanam, nullum ante violatam à principibus libertatem, locum in vrbe habuit. Nam etsi Capit. Arcem videmus ubique appellari: tamen Romani nullo vnquam præter inuasionis Gallorum Senonum tempore, pro munitione & tutela sunt vsi. Etsi vero Octavianus Augustus locum castris in vrbe primus omnium principum constituit, nulla tamen alia ratione id fecit, quam ne milites vagi, & per urbem dispersi, rapinis, tumultu, & contentionibus ciuitatem redderent inquietam. Hinc Rauennatium in Ianiculo, & Misenatium, peregrinorumque militum in Cælio monte castra sunt ab illo constituta. Tiberius autem perniciosissimam ciuitati libertatiq; etiam impiorum exorsus, castra, sicut ait Suet. Romæ constituit, quibus Prætorianæ cohortes vagæ ante id tempus, & per hospitium dispersæ continerentur. Fuitque eius arcis, & tyrannidum fomitis locus, quem apud S. Sebastiam via Appia, ad caput bouis appellant. Primus autem qui horum Castrorum

& corrupte præmio eius militiæ præsidio, Consulibus, Senatuque renitentibus, imperium assumpserit, fuit Claudius, quod Suet. verbis ostendere libet: Claudium latentem forte discurrens gregarius miles animaduersis pedibus ex studio sciscitandi quisnam esset agnouit, exauctumque & præ metu ad genua sibi accedentem Imperatorem salutauit. Hinc ad alios cõmiliones fluctuantes, nec quicquam adhuc, quam frementes perduxit, ab his læticæ impositus, & quia sui diffugerant, vicissim succolantibus, in castra delatus est tristis ac trepidus, miserante obuia turba, quasi ad pœnam raperetur insons. Receptus intra vallum, inter excubias multum pernoctauit, aliquanto minori spe quam fiducia. Nam Coss. cum Senatu cohortibusq; vrbani forum Capitoliumq; occupauerant, asserturi Romam in libertatem: accitusq; & ipse per Trib. Pl. in curiam, ad suadenda quæ viderentur, vi & necessitate teneri respondit. Verum postero die & Senatu segniore in exequendis conatibus, per tædium, & defensionem diuersa crescentium, & multitudine quæ circumstabat, vnum rectorem iam, & nominatum exposcente, armatos pro concione in nomen suum iurare passus est, promisitq; singulis quindena festertia, primus Cæsarum fidem militis etiam præmio pignoratus. Hactenus Suetoni. & prosequitur idem Flavius. Si quis autem Castra Prætoriana, vtrum in Vrbe sicut aliqui contendunt, an extra Vrbem, sicut diximus fuerint, certius nosse cupit, Corne. Tacitum legat, vbi de Galbæ morte, & nouo Othionis Imperio tractans, prælium narrat, quod acerrimum est commissum in Circo Maximo, in Capitolio, & Palatio, vbi apertissime apparet prætorianos milites munimento Castrorum innixos Coss. Senatui, & Romano Populo aliter sentientibus, quos voluerunt tyrannos effecisse, & multorum bonorum cædem in Vrbe cõmisisse. Helius Spartian. ingressum Seueri Imperatoris in vrbem Romam talem describit: Quum Romam venisset Seuerus, Prætorianis cum subarmalibus inermes iussit sibi occurrere: eosdem sic ad tribunal vocauit armatis vndique circumdatus. Eo autem processit Prætorianorum militum, siue auctoritas, siue audacia, vt quem vellent Imperatorem facerent, factumq; Imperio deturbarent. Helius Lampridius narratis Heliogabali flagitiis, talia scribit, per quæ ostendit Imperii ac vitæ, & necis illius arbitrium in Prætorianos fuisse constitutum. Suntque hæc Lampridii verba: In castris vero milites precanti Præfecto dixerunt, se parafuros esse Heliogabalo sic, vt impuros homines, & aurigas ab se dimoueret, atq; ad bonam frugem rediret, & Iul. Capitolinus in Maximor. vita ostendit eadẽ fuisse in Prætorianis castris, in quam Senatus aliquando vocari consueuerit, præsertim cum de abrogando alicui Imperio agendum esset. Sicq; abrogato Imperio Maximinis patri & filio, Gordiani duo pater item & filius in æde Castrorum declarati sunt Augusti: cuius Senatus consulti hanc formam Lampridius ponit. Quum ventum esset in eadẽ castrorum sexto Calendarum Iuliarum &c. Iul. Capitolinus Pupieni, & Balbini Imperatorum gesta describens, quantum Castra Prætoriana Romæ obfuerint ostendit his verbis: Et Maximino quidem ad bellum profecto, Romæ Prætoriani remanserunt, inter quos & populum tanta seditio fuit, vt ad bellum veniretur intestinum, Romæ pars maxima incenderetur, templa fœdarentur, omnes plateæ cruore polluerentur, & infra; Interea Romæ iterum seditiones inter populum, & milites ortæ, vt nec cum edicta proponeret Balbinus audiretur. Veterani se in castra Prætoriana contulerunt cum ipsis Prætorianis, quos cœpit populus obsidere; nec vnquam ad amicitiam essent reducti; nisi fistulas aquarias populis incidisset. Et idem Capitolinus prædictorum Imperatorum vitæ exitum narrans, hæc habet verba, quæ Castra Prætoriana extra Vrbem fuisse demonstrant; In hac contradictione illis contendentibus, milites superuenerunt, atque eos nudatos ambos vestibus regalibus, de Palatio cum iniuriis perduxerunt, & per mediam ciuitatem ad castra raptare voluerunt magna
ex parte

ex parte laniatos. Sed vbi compertum est Germanos ad defensionem illorum superuenire, ambos occiderunt, & in itinere medio reliquerunt. Inter hæc Gordianus Cæsar sublatuſ à militibus, Imperator eſt appellatuſ Auguſtuſ, quia non erat aliuſ in præſenti, inſultantibus militibus Senatui, & Pop. Rom. qui ſe ſtatim in caſtra receperunt. Idem quoque Capitolinuſ ſcribit, Senatuſconſultum de Imperio Valeriani principis optimi in Prætorianis caſtris factum fuiſſe, &c. Hactenus Blonduſ Flaviuſ de Caſtris Prætoriis: quæ vti ipſe ſcribit, & ex ſuperius narratiſ, nulli dubium eſſe puto, quin bina fuerint Caſtra Prætoria, altera nẽpe Urbana, ſcilicet in ipſa vrbe erant: altera vero externa, quæ extra Urbem, ſeu mœnia ipſiuſ Urbis, & via Appia fuiſſe traditur.

C A P. CXLIV.

Circuſ Antonini Pij Seueri, qui eſt Caracalla.

IRCVS M. Antonini Pii Aug. L. Septimii Seueri Imp. filii, qui & Caracalla vocitatuſ eſt, exſtat adhuc pene integer via Appia ſecundo ab vrbe lapide, vbi Caſtra Prætoria fuiſſe nonnulli prodidere, inter eccleſiam S. Sebaſtiani, & ſepulcrum Ceciliæ Metellæ M. Craſſi vxoris, qui locuſ hodie dicitur caput bouiſ, in quo etiam noſtra ætate cernitur iacens obeliſcuſ contractuſ, notisq; hieroglyphicis inciuſ, ac metaruſ ſigna, & ſedilia circumiacentia: de quo Marlianuſ lib. 5. c. 27. loquens de via Appia, ita ſcribit: Via præterea Appia hortuſ Terentianoſ fuiſſe legimuſ X X. iugeruſ. Circuſ Antonini Caracallæ iſ eſt, vt plerique omneſ conſentiunt, cuiuſ ingenteſ ruinae, & inter eoſ obeliſcuſ, metaruſq; veſtigia non procul ab æde D. Sebaſtiani cernuntur: vbi aiunt priuſ Prætoria Caſtra à Tyber. Cæſ. fuiſſe conſtituta, &c. Raphael Volaterranuſ putat circum hunc ob Prætorianoſ exercitationeſ fuiſſe condituſ, lib. 6. Comm. Urban.

C A P. CXLV.

Amphitheatruſ Statilij Tauri.

STATILII Tauri Amphitheatruſ, qui inter primarioſ ciueſ Roman. Auguſti tempore floruit, videtur adhuc dirutuſ in cœnobio baſilicæ S. Crucis in Hieruſalem in agro Seſſor. & in ipſiſ mœnibuſ urbiſ, quod lateritiuſ, vt plurimuſ eſt. De hoc Marl. lib. 4. c. 9. loquens de Palatio Seſſoriano, & ceteriſ ibi proximis, in hæc habet verba: In proximo loco extant Statilii Tauri Amphitheatri reliquiae, quod Statiliuſ poſuit, Auguſto ciueſ Roman. hortante, vt pro viribuſ quiſq; conaretur urbem exornare, auth. Sueton. qui etiam commemorat Caligulam munera gladiatoria partim in Statilii Amphitheatro, partim in ſeptiſ aliquot egiſſe, &c. Blonduſ Flaviuſ Romę iuſtauratae libro 1. numero 87. de hoc Amphitheatro obiter, ſic ait. Viſitur quoque in Cælio monte portam inter nunc dictam Maioreſ, quam olim diximuſ fuiſſe Neuiam, & Amphitheatruſ ſemidirutuſ, quod Statili Tauri maioreſ appellauerunt S. Crucis in Hieruſal. eccleſia, Helenæ Conſtantini Flauii genitriciſ opuſ, &c. & Raphael Volaterranuſ Commentarioſ Urbanoruſ, lib. 5. ſic infert. Amphitheatra duo, primum Titi notiffimuſ fonteſ habebat duoſ ad recreanduſ æſtu laborantẽ turbam: alteriuſ ſane fontis, nunc in via inter Amphit. & Arcũ Conſt. ſuperſunt veſtigia, habuiq; ego iam vetuſ numiſma habentẽ à tergo Amphitheatruſ cum hiſ fonteſ. Alteruſ Tauri Statilii ex hortis cœnobii S. Crucis oſtenditur, &c. Sed de hiſ hactenus.

Templum Fortunæ Virilis.

ON NVLLI scriptorum ex recentioribus opinati sunt, templum Fortunæ Virilis fuisse pudicitiae dicatum, inter quos & Marlianus lib. 3. cap. 16. in figura Urbis, ut ipse ait, communē est opinionem secutus. Sed tamen ipse quoque fatetur esse fortunæ, quod præter verba Dionysii eius quoque structura suadeat, cum sit Ionica, quæ media est inter Corinthiam, & Doricam: Nam ex Vitruvii sententia, huic potius Deæ convenit. Nam & ipsa media est, bona scilicet & mala, cuius templi longitudo est pedum 56. latitudo 26. De hoc itidem ipse Marlianus eodem ferme loco, postquam de foro piscario commemorat, ita scribit: Divæ autem Mariæ Ægyptiacæ hodie sacratum, olim vero Fortunæ Virili Templum pene integrum etiam nunc extat. De eo Dionysius sic ait: Duobus extructis templis Fortunæ, altero in foro Boario, altero ad ripas Tyb. quam appellavit virilem. Et quanquam de hoc variæ opiniones sint, nemo tamen suam sententiam probato auctore tueretur. Subdit deinde idem auctor, in hoc templo fuisse statuam ligneam Ser. Tullii auro superfusam, quæ, orto incendio cæteris concrematis, sola incorrupta permansit, auctore Val. Max. Legimus apud Strabonem, Lucull. Fortunæ templum struxisse, eius sunt hæc verba: Lucullus cum ædem Fortunæ cōstruxisset, & porticum quandam, statuas, quas Mamius habebat, petiuit in eum usum, ut ædem exornaret ad ostentationem: mox deinde fore, ut restitueret, minime restituit, sed eas, ut dona deæ posuit. De qua autem Fortunæ æde Strabo intelligat, dubium est, &c. Hactenus Marlianus.

CAP. CXLVII.

Viuarium.

Vo loco Viuarium fuerit multi ex Romanis incolis probe norunt, nam & id ipsum nomen adhuc retinet, (extat enim prope Urbis mœnia intra portam quæ nunc Pia vocatur, & S. Laurentii) quid autem fuerit oppidum, quam pauci. Nam putant nonnulli hoc fuisse viridarium quoddam, aut huiusmodi quidpiam virens, arboribusq; consitum: sed horum nihil in eo, tantum enim abest virentis quicquam in eo fuisse, ut Sylvestrium animalium belluarumq; cubilia & diuersoria totum id spatii passim occupauerit. Nam Pop. Roman. publica cum edere spectacula soleret, in quibus multa variaque animantium belluarumque silvestrium genera, ut puta leones pardos, pantheras, tygres, rhinocerotas, elephantosque, & id genus similia producere vellet, hæc in aliquo loco publico, suo tempore emittenda, alere, & asseruare consuevit: & quoniam ibi animalia quæque viua seruabantur ad huiusmodi spectacula, hinc locus ille Viuarium est appellatus. Sed quid Marlianus de eo scripserit, iam videamus. Ille enim libro quinto capite 25. loquens de Via Nomentana, & aliis, quæ in ea sunt, sic ait: Extra Querquetulanam autē portam, locus est quadratus, parietibus circumseptus, qui dicebatur Castrum Custodiæ, ubi fuerant olim in statione milites prætoriani Diocletiani, ut quidam testatur. Procopius scribit: E regione Viuarii extra muros veteres alterum breuem murum modico interuallo adiecisse, non ad tutelam, sed ad delicias, ut leones, & alias feras ibi seruarent, quem locum olim Viuarium, nunc vero qui ibi prædia habent, Viuariolum vocant. Hactenus Marlianus.

Campus Exquilius.

AMPVVM Exquilinum, in summitate Exquiliarum fuisse constat, vnde nomen sumpsit, in ea parte qua domus postea Meccænatæ exstructa est: Campus namque locus patens, & apertus esse videtur, quasi à capiendo dictus, quod longe lateque in planum pateat. Campus Iudæorum etiam Romæ ætate nostra, dicitur ager ille Transtyberinus sub Ianiculo positus, ac prope portam olim Naualem, quæ & Portuensis hodie dicitur, vbi Iudæi defunctorum suorum cadauera humanantur. In Exquilino igitur Campo pauperes qui ob inopiam funus sibi efferre, & conflare non erat, hic publico officio cremabantur, ac busta eorum in puticulis, quos vocabant, eodem fermè loco circumquaque dispositis dericiebantur. Sed cum nidor vstrinæ huius diu multumq; Urbem affecisset, tandem Augustus Cæsar ex eo loco funus hoc amouendum curauit, Meccænatiq; tradidit locum hunc. Sed quid de hac tota re Marlianus dicat, quæso videamus; ipse enim libro 4. cap. 19. dum loquitur de aggere Tarquinij Superbi, & hortis Meccænatianis, quæ in Exquilis fuerunt, ita scribit: Hi horti fuerunt in Campo Exquilino, inter dictum aggerem & mœnia Urbis sito, vbi prius cadauera sepeliebantur. Locum innuit Sex. Pomp. his verbis: Puticuli sunt appellati, quod vetustissimum genus sepulturæ, vt puteus fuerit: & dicti puticuli, quia ibi cadauera putrescunt: quem locum publicum ultra Exquilias fuisse prodidit Helius. Eundem locum attingit Cic. vbi inquit: Senatū censere, atque è Repub. existimare Ædiliū Curuliū edictū, quod de funeribus habeant Ser. Sulpitij Q. Fil. Lemoniæ Rufi funeri mittere vtique locum sepulcro in campo Exquilino C. Pansa Cos. seu quo in loco videtur pedes triginta quoquo versus designet, quo Ser. Sulpitius inferatur: quod sepulcrum ipsius, liberorum, posterumq; eius sit. Fuit autem postea consuetudo, vt ibidem cadauera comburerentur. Sed cum nidor esset Vrbi perniciosus, Augustus studens aerem emendare S. P. Q. R. consensu Campum hunc Meccænatæ concessit, vbi fecit hortos, quos superius demonstraui. In eodem Campo plurima variaq; sepulcra effodi vidimus variis exornata marmoribus. Quædam erant concamerata vnica testudine, alia duplici concameratione, vt ex superiore in inferius sepulcrum esset descensus. Erant & pauimenta tesellata vermiculataq; in parietibus per ambitum loculi, in singulis vrnæ binæ: extra cameram sepulcri longitudinis latitudinisq; inscriptio. Quædam verò sepulcra ex pluribus constabant parietibus parum inuicem distantibus, in quibus vrnæ similiter binæ ferè contiguæ, modicoq; interuallo aliæ binæ, & super his totidem, ita vt ex ordine decedentium vrnæ additæ nouo includerentur muro. Hæc pauperum, illa diuitum sepulcra fuisse opinamur. In vrnis autem ossa, cineres & carbones adhuc erant. Erat & vas vstrinum appellatum, quod in eo cadauera comburerentur, in quo & vitreum vasculum fuit repertum, in eoq; suauissimos liquores multi fuisse asseriebant, quibus etiam cadauera aspergerentur, &c. Hactenus Marlianus de Campo Exquilino. Ego verò Campum hunc extitisse crediderim, vbi ad præsens ætate nostra visuntur vineta Cœnobij Monachorum Sanctæ Prædix, qui vallis Vmbrosæ dicuntur; quibus ex multis Carinarum locis patet prospectus; nam & ea Campi superficies plana est & ampla, ac (quod maxime ad rem facit) supra ipsarum ædium ruinas, quæ Meccænatæ existimantur, posita est.



SI figuram hanc ritè recteq; consideremus, neutiquam prorsus aliud innuere videbitur, quàm quod à præstanti aliquo viro, cuius nomen ignorare me tædet, quod & hic appoluisse, sequenti interpretatione ostendisse videmus, & licet pluribus locis in Vrbe huiusce simulacri videantur fragmenta, nempe vnum affixum muris ædium S. Marci sub turri in ipsa platea, alterum pene integrum in ædibus Cæsianis prope Vaticanum; tertium vero perfectius aliis vnde hæc sumpta sunt, ex ædibus (vt ipse interpret ait) quondam Octauiani Zeni, propè Theatrum Pompeij integrum adhuc cernitur, cuius tenor talis est, vt sequitur.

Hac vetusta marmorea tabula, quæ Romæ in ædibus Octavianæ Zeno prope Theatrum Pompeij, & Campum Floræ exstat, vbi satrium dicitur, hisce signis ornata; veteres rerum naturalium periti, optimi Agricolaë munus significare voluerunt.

K
M
G
H
C
A
F
D
B
 Qui assiduo labore die noctuque tribus Solis, quatuor Lunæ stationibus, & na-
E
Q
P
O
I
 turali utriusque sideris cursu observatis, fortitudine, providentia, fide, & dili-
L
N
T
 gentia terram fatigando, rem agrariam tractat: & proinde earum frugum, quæ
X
V
R
S
 lucis & tenebrarum tempore creantur, oriuntur, excolunturq; vberimum pro-
 ventum fert.

*Declaratio specifica omnium imaginum in hac Ta-
bella contentarum.*

- | | |
|--|---|
| A. Sol oriens. | M. Gladius tauro infixus, qui laborem ostendit. |
| B. Rerum natura solis comes. | N. Sanguis qui terræ fructus demonstrat. |
| C. Tria solis tempora Oriens, Meridies, Occidens. | O. Canis quo amor & fides. |
| D. Luna occidens. | P. Serpens quo providentia. |
| E. Rerum natura velox Lunæ sideri præcipiti comes: ideo alata. | Q. Leo quo robur vel fortitudo significatur. |
| F. Quatuor Lunæ tempora, noua, semiplena, plena, iterum semiplena. | R. Cancer qui creationem. |
| G. Dies facem extollens. | S. Scorpio, qui generationem. |
| H. Nox facem deiciens. | T. Spica, quæ terræ fructus designant. |
| I. Coruus, qui diligentiam significat. | V. Arbor nocturna cum Scorpione, quæ generationem. |
| K. Terræ laborator optimus & diligens agricola. | X. Arbor diurna cum bouis capite laborem significant. |
| L. Bos siue taurus, qui terram designat. | |

*Hactenus de signis quibus totius Agriculturae scopus
designatur.*

*Obeliscus Sanctæ Mariæ Maioris in
Exquilis.*



BELISCVS qui ætate nostra hoc anno M. D. LXXXVII. erectus est à Sixto V. Pont. Max. ante basilicam S. Mariæ Maioris in Exquilis, diu iacuit ante fores ecclesiæ Sancti Rochi; vnus enim est è duobus qui erecti erant in Mausoleo Augusti prope eandem ecclesiam, multasq; erat fractus in partes; cui superimpositum est sacrosanctæ Crucis signum, vna cum stigmatibus, seu insigniis ipsius Pontificis, tribus nempe montibus & itella, ac è conspectu viæ Felicis ab ipso summo Pontifice apertæ & stratæ cernitur: cuique quaterna latera talibus sunt ad memoriam, & perpetuum monumentum inscriptionibus obsignata, videlicet.

In eo latere qui Orientem seu Ecclesiam ipsam spectat, sic habet.

CHRISTVS PER INVICTAM CRUCEM POPVLO PACEM PRÆBEAT QVI AVGVSTI PACE IN PRÆSEPE NASCI VOLVIT.

In eo verò, qui Meridiem Carina versus.

SIXTVS V. PONT. MAX. OBELISCVM ÆGYPTO ADVECTVM AVGVSTO IN EIVS MAVSOLEO DICATVM EVERSVM DEINDE AC IN PLVRES CONFRACTVM PARTES IN VIA AD SANCTVM ROCHVM IACENTEM IN PRISTINAM FACIEM RESTITVTVM SALVTIFERÆ CRVCI FELICIVS HIC ERIGI IVSSIT AN. M. D. LXXXVII. PONT. III.

In latere Occidentis viam Felicem versus, hæc leguntur.

CHRISTVM DOMINVM QVEM AVGVSTVS DE VIRGINE NASCITVRVM VIVENS ADORAVIT SEQ. DEINCEPS DOMINVM DICI VETVIT ADORO. Ea verò quæ Septentrionalem plagam, ac aggerem Tarquinij, & Suburbanum ingens ipsius summi Pontificis spectant, hæc sunt, in personam ipsius Obelisci. CHRISTI DEI IN ÆTERNVM VIVENTIS CVNABVLA LÆTISSIME COLO QVI MORTVI SEPVLCHRO AVGVSTI TRISTIS SERVIEBAM.

CAP. CLI.

Statua Herculis aenea.



INFANTIS Herculis serpentis occidentis duo quam mira antiqua simulacra Romæ visuntur, alterum æneum, alterum marmoreum, illud olim Reuerendis. Antonij Fusconij Nursini Episcopi Aquinatis, vt ferunt, hoc verè quond. Reuerendis. D. Hieronymi Garimberti Parmensis Episcopi Gallefani, omnigenæ dum viueret selectæ antiquitatis excultoris: quæ ambo inter se operis excellentia æquè certare videntur. Sed quid hæc simulacra velint, iam videamus. de hisce enim auctorem non habeo quem sequar: sed quod ad historiam pertinet agamus. Macrobius Saturn. lib. 3. c. 6. vbi de sacris quæ teste Virg. Apollini Delio & Herculi fieri solita scribit, sic ait: Idem curauit Herculem vocando victorem.

. . . hac (inquit) limina victor.

Alcides subit. Varro rerum humanarum lib. 4. victorem Herculem putat di-
tū, quòd omne animalium genus vicerit, & infert: Romæ autem victoris Herculis ædes duæ sunt, vna ad portam Trigemina, altera in foro Boario, &c. Hæc Macrobius. Sed cum de statua hac ænea Herculis, in infantia constituti nostrum

fit institutum edifferere, & quid sibi velit labor illē in ea ætate cum serpentibus dimicare, ac eius historia, eam rem totam ordine pendamus. Nam vt prætereamus id quod M. Varronem scripsisse constat, nempe 43. quos ipse nominauit, Hercules fuisse, ac quod idem Macrobius, omnes quotquot robore præstiterunt Hercules fuisse vocatos, & quod Cic. lib. 3. de Nat. Deor. sex hoc nomine appellatos fuisse commemorauerit: vnum tantum nobis Herculem Thebanum, Iouis nempe & Alcmenæ filium, qui ob fortitudinem & gloriam creditus fuit inter deos esse relatus, ac duodecim eius præcipuos labores quos viriliter sustinuit ad præfens enitendam. Primò itaque cum adhuc in cunabulis infans iaceret, geminos angues (vt in hoc simulacro cernitur) à Iunone immisos, vt eum occiderent, elisit. Sed vt paulo altius id tractemus, sic se res habet. Cum Iuno rescuiisset Alcmenam Electrionis filiam Amphitrionisq; Thebanorum regis vxorem, à Ioue cognitam, atque ex eo Herculem infantem esse prognatum, odio accensa, misit duos angues, vt puerulum statim deuorarent; quos Hercules in cunabulis adhuc vagiens vtraque manu comprehensos occidit: vt in hoc simulacro ostenditur, & sic primas à Iunone sibi paratas insidias euasit: Secundo verò iam adultus Hydram colubris & capitibus pullulantem, face & ferro in lerna palude oppressit. Tertio Ceruam æripedem, aureaq; habentem cornua in Menalo monte cursu comprehendit, atque interfecit. Quarto in Nemea filua, iuxta Cleonas inusitatę magnitudinis leonem iugulauit, & detractam pellem pro insigni gestauit. Quinto Diomedem Thraciæ regem, qui equos suos hospitem carnibus & sanguine pascebat, deuicit, victumq; ipsius equis in pabulū dedit. Sexto in Erimætho Arcadiæ monte terribilem aprum, & omnia circa illum locum deuastantem, cepit, eumq; viuum ad Eurystheum Stheneli Mycenarum regis filium attulit. Septimo Stymphalides aues, sagittis, vt quidam volunt, interfecit, vt alij sonitu aenei crepitaculi, vsq; ad insulam Aretiada fugauit. Octauo Taurum cui Neptunus furorem immiserat, eo quod Minos Neptuno sacrificaturus, optasset victimam maiestati illius dignam, cui cum pulcherrimus taurus ab eodem deo fuisset oblatulus ipsum Minos seruare voluisset insulam Cretam fere totā deuastantem, domuit, eumq; victum ad Eurystheum attulit, qui postea eum Atticæ regione immisit, cui plurimum damni intulit, sed à Theseo interfectus fuit apud Marathonem, vt canit Ouid. lib. 7. Metam. Nono Busiridem Ægypti regem hospites suos mactantem occidit. Decimo Antæum gigantem in Lybia, luctu victum suffocauit. Vndecimo Calpen & Abilan montes antea coniunctos diuisit. Duodecimo Aurea mala in Hesperidum hortis, interempto prius dracone peruigili, qui ea custodiebat, sustulit, & tandem vt Decimum tertium addamus, Coelum iam fello, & succubente ponderi Atlante, humeris tulit. Multos aliosq; tulit Hercules labores, ob quos Alcides est appellatus, hoc est viribus, robore & fortitudine præstans: nam & Geryonem Hispaniæ regem tricorpore, bello superauit, eiusq; armenta abduxit. Cacum latronem Vulcani filium semihominem & flammiorum oppressit. Centauros domuit, Hesionem Laomedontis filiam monstro marino expositā liberauit, occiso prius Ceto: Amazonas debellauit, earumque reginam Hippolyten cepit, cui balthæum abstulit, Eurystheoq; regi tradidit: captam vero Amazonem Theseo bellorum socio dedit. Ad inferos descendit, & Cerberum iter prohibentem triplici catena victum ad superos traxit. Tandem Eurytum Oechaliæ regem occidit, ipsamq; Oechaliam Vrbem deleuit ac Iolem Euryti filiam sibi in vxorem denegatam (quam tamen parens antea ei desponderat) vi obtinuit eamq; secum in Euboiam adduxit. Quod cum Deianira cōiux rescuiisset, maritum suum Ioles amore detineri, per Lycham seruum vestem illi misit, Nessi Centauri sanguine infectam, futurum rata, vt ea ratione languentem viri amorem excitaret, eumq; ab aliis auulsum ad se vnam reuocaret, quem-

ret, quemadmodum Centaurus ipsi persuaferat. Cum itaque Hercules vestem sacrificaturus induisset, in tantam rabiem versus est, ut constructa pyra seipsum combusserit. Post mortem verò in deorum numerum relatus est. Habentur & aliæ res ab eo gestæ apud Diodorum Siculum, quas inde cupidus lector haurire poterit.

CAP. CLII.

*Pinea ænea qua in atrio principis Apostolorum
cernitur.*



YRRHVS Ligorius, qui nostra tempestate floruit, quiq; dum viueret pictor egregius, necnon Architectonicæ artis & antiquarius præstantissimus fuit, in sua quam protulit antiquæ vrbis chorographia, in Hadrianicæ molis summitate pineam æneam miro artificio fabrefactam locauit; quam ad præsens, ac diu ab hinc in medio atrio principis Apostolorum in Vaticano videmus, altitudinis pedum duodecim, latitudinis sex. Et licet alias vulgo prædicetur, hæc tamen coniectura verisimilis sit, cū hætenus auctorum neminem reperimus, qui de huiusmodi singulatim ad vnguē perscripserit: & si de mole Hadriani multi sunt qui tractent, inter quos Marlian. ad eundem, qui lib. 5. cap. 22. loquens de aqua Sabatina, seu Sabbatia, ac de sepulcro Scipionis & Hadriani, sic prosequitur: Inter hunc fontem & Hadriani sepulcrum fuit ingens meta, cuius fundamenta nonnullis ab hinc annis effodi vidimus. Sunt qui velint septem Epulorum fuisse sepulcrum, vel Scipionis de quo Aeron sic inquit: deuicta Carthagine virtute Scipionis Africani; cum Afri aduersus Romanos denuo rebellarent, consulto oraculo responsum est, ut sepulcrū Scipionis fieret, quod Carthaginem respiceret: tunc leuati cineres sunt de pyramide in Vaticano, & humati in sepulcro eius in portu, ut Carthaginem respiceret. Gentile tamen Scipionum sepulcrum in via Appia fuisse ostendemus. Huius autem pyramidis & molis Hadriani forma, siue simulacrum visitur in porta æneæ ædis S. Petri. Sepulcrum Hadriani iuxta sui nominis pontem positum esse adhuc videtur, licet suis ornamentis expoliatum, in quo legitur titulus, qui sequitur.

L. HÆLIO CÆS. DIVI HADRIANI AVG. F. COS. II. F.

Spartianus: Fecit, inquit, & sui nominis sepulcrum iuxta Tyberim. In hoc autem ipse primus omnium sepultus dicitur. Et deinde omnium Antoninorum cineres conditos esse ostendunt epitaphia quædam in ipso sepulcro incisa, quæ hic apponere superfluum esse putauimus. Lampridius etiam refert Commodum iussu Pertinacis in monumentum Hadriani translatum. Iulius vero Capitolinus Seueri cadauer illatum in Hadriani sepulcrum in quo & Cæsar pater eius naturalis fuerat sepultus. Idem ait, Antoninum Pium Hadriani patris sepulcrum instaurauisse, eiq; templum dedicasse. Hanc autem molē describit Procopius his verbis: Hadriani quondam Imperatoris sepulcrum extra portam Aureliam iactu lapidis impositum: primus eius ambitus quadrati figuram habet. Constat enim totus ex marmore pario, summa artificum diligentia ædificatus. In medio huius quadrati rotunda moles assurgit excelsa altitudine, & tanta, ut in suprema eius parte area sit, cuius diameter vix iactu lapidis transigitur. Hæc moles in arcis formam redacta est, castellumq; Sancti Angeli vocitant, &c. Hætenus Marlianus de Hadriani mole. Sed nō ab re apposuius de Scipionis sepulcro mentionem: circum enim pineam, de qua loquimur, superimposita sunt simulacra aliquot ænea pauonum, ac delphinorum, quæ inaurata olim fuisse videntur: quæq; ad ornatum huiusmodi sepulcri Scipionis fuisse inter antiquarū rerum existimatores

Hh 3 credun-

creduntur. Cæterum de pinea ænea satis sit dictum, quam, vt superius demonstrauimus, in ipsa summitate Molis Hadriani ad pulchritudinem & ornatum exitisse traditur.

CAP. CLIII.

Forma molis, seu lignea machina, quod castellum vocitatum est, quo subductus est Obeliscus Vaticanus, ac tum idem, & Circenses, & qui in Mausoleo Augusti fuerat, sublatis sunt.



M Sixtus V. Pont. Max. in ipsis initiis sui pontificatus anno nempe M. D. LXXXV. de transferendo Obelisco Vaticano a sua priori sede (abditus enim quodammodo erat, ac semisepultus in latenti, & angustiori loco) in forum principis Apostolorum, vbi ad præsens cernitur, ageret: multi ex præcipuis architectonicæ disciplinæ artificibus, nedum Urbis verum etiam variis ex Italiæ locis (fama audita) conuenere; spectaculum enim ingens, & nouum mirandumq; in Vrbe parabatur, qui singula singuli, & plastice, & modulum (vt aiunt) certatim producentes, varios pro suo quisque ingenio & viribus ostendere modos, & structuras Obeliscum huiusmodi amouendi, atque euehendi. Verum tandem iussu Pontificis negocium, & tota rei summa Dominico Fontanio ex pago Miliagri Nouocomensis demandata est, vtpote qui illius ædificiis longè ante quam ad Pontificatum eueheretur præfuisse: atque ita vt in imagine cernitur erecta est machina ad tollendam, curuandam, erigendamq; molem maximam, Vaticani nempe Obelisci. Primum enim quaternæ vtrinque maximæq; antennæ sublicesve erectæ sunt, ab vno scilicet & altero obelisci latere; dein totidem singulæ suffultæ sunt trabibus à summo ad imum, ne huc illuc cederent, aut quaterentur: eæ verò quatuor quæ in angulis extitere, duplicatis fulturis pronis à duobus nempe lateribus sunt innixæ. Tum variæ dispositæ sunt hinc inde lignæ colligationes, transuersis vndiq; intrinsecus & extrinsecus ligaminibus ex arte, & ingenio architectonico; rudentibusq; demum in summitatibus antennarum alligatis, easq; contra fulcimenta trahentibus. Superius verò ad totius molis attollendæ sustentationem compositæ sunt trabes arculeatæ quatuor, antennis superimpositæ, laquearium seu tignorum instar, quos equos ligneos artifices vocitant: ac multa alia instrumenta & machine, quod non facile in hac plastice delineare omnia fuit. Atque ita primum amoueri Vaticanum Obeliscum vidimus pridie Cal. Maij, Anno 1586. tum itidem non diu post, eodem nempe anno, ac die quarto Iduum Septembris, eodemque armamento, seu castello eundem assurgere: quod quidem maius constructum est in erectione, quam in declinatione. Nam prius, quàm e sua sede amoueretur, bases ambæ, seu columnina ex eodemmet lapide, quæ eundem sustinent, sepultæ erant, adeo quod vnusquisque hominum manibus ferè antiquam inscriptionem illius Obelisci attingebat, quæ talis est:

DIVO CÆSARI DIVI IVLII F. AVGVSTO TI. CÆSARI DIVI AVGVSTI F. AVGVSTO SACRVM.

qua ostenditur, cui primum dicatus fuerit, à C. Cæsare, vt creditur, qui Caligula est appellatus. Sed vt non nihil etiam de ipso amotionis actu eiusdem Obelisci pro viribus, & ingenio edisseramus, vnum erit nobis agendum, vt de quantitate rotarum equorumque, quibus motus illius molis est actus breui tangamus, vt poste-

vt posterius (si tamen tenuia scripta hæc tamdiu viuent, vt ad manus eorum perueniant) qui huiusce rei spectaculo non interfuerunt, hisce saltem aliquatenus scriptum inueniant, aut secum perpendant, quoniam hoc fieri pacto potuerit. Mane namque summo, fuit autem hoc nonis Maij eiusdem anni, cum parata essent omnia, quæ ad amotionem tanti saxi opportuna erant, circumquaq; Obeliscum pro loci & situs opportunitate quadraginta machinarum volubilium instrumenta, seu rotæ, vt Ammia. Marcell. vocitat (argana nostrates appellant) sunt disposita, singula singulos triplicatos habentia rudentes, quaternosq; equos validos, qui ea in gyrum agerent, vicinosq; viros in singulis itidem, qui & auxilium diuerticulis, & vbi esset opus ferrent, ac ad alia supeditandum extra adminicula præsto essent, nam & ipsis machinis, centum & sexaginta equi, quatuor neupe in singula, ac octingenti homines diuerticulis ipsis assistere. Sed vt ordine quodam præuio ad hanc rem procederetur, ac vno eodemq; tempore tum simul verterent, tum etiam vbi esset opus sisterent, adhibitus est tibicen ex cohorte equitum leuis armaturæ, à custodia summi Pontificis, vt omnes simul dato signo ad tubæ sonitum equos incesserent: tum interim, si quid non æqui processisset, ipse operis auctor & caput, pulsata campana, quæ ad hoc in summitate molis locata erat, omnes simul consistebant. Inter vertendum vero adeo ingens trochlearum, ac poliarum strepitus, stridorq; rudentum & rotarum erat, vt terræ motui aut tonitruum simile quidpiam esse videretur, & vix humanæ voces exaudirentur: sed & campana, & manibus, & pileis ad consistendum annuerent. Deinde cum exactum esset, quod refarciendum & colligendum erat, tum denuo signo dato ab ipso architecto, ad tubæ sonitum opus instaurabatur, atque adeo vicissim pluries, prout opus erat, tum ad motum, tum etiam ad consistentiam est processum, donec primo die ternos circiter pedes à columine sublatus est: atque lignea eidem fulcimenta supposita, vt inde ad vehendum curuaretur. Octauo deinde subsequenti die, qui fuit Nonis Maij, ad id peragendum paratis eodem ordine stratis: sed magna ex parte dies ea actione consumptus, tandem vesperi incolumis Obeliscus, & illæsus in via stratus, & coæquatus est. Verum in ipsa coæquatione hic ordo, vt memini, seruatus: cum enim lapis hic erectus esset prope antiquam tribunum, quod sacrarium hodie est basilicæ principis Apostolorum, frangendus fuit paries eiusdem sacrarij ab utroque latere, (ex eoq; sepulcrum Calisti III. summi Pontificis, quod in ea sacrarij parte intrinsecus exstabat tollendum, atque in Ecclesia reponendum) vt dum curuaretur calx Obelisci sensim retraheretur, senis (si probè memini) rotis seu arganis; quò mox paulatim in ipsa declinatione pondus machinæ ad terram vergentis tum diminueretur, tum etiam quo rectius res procederet, vt penitus scilicet prostrata mole, radix Obelisci leniter in columine reperiretur; sicq; ita demum ex animi sententiâ res processit, vt manibus propemodum in planum reposita, & collocata moles videretur. De euectione à suo priori loco ad forum vsque nihil referre attinet, tum modicum ob intervallum, tum etiam ob facilitatem euehendi, nam via qua vectus est, ab vna ad alteram sedem in æquum strata ac complanata est, aggeribus vbi esset opus additis, qui ad duorum columninum ipsius Obelisci coæquationem extitere, vt facilius eleuaretur. In subleuatione deinde, quæ acta est die quarto Iduum Septembris sequentis, postquam in forum est deuctus, vbi ad præsens exstat, fabricata denuo eadem mole lignea, seu castello aliquatenus altiori, ob altitudinem nempe duorum columninum, seu basarum, quibus superimponi debebat, eodem ordine, forma, machinis, & instrumentis, quibus ad declinationem sunt vsi, in pristinam faciem restituerunt. Iam verò quàm à primæua sede conspicuus appareat, Leonumque inauratorum simulacris æneis quatuor, quasi in Obelisci fulcimentum additis, in singulisq; angulis dispositis,

facile

facile secernere licet, quātum ab eo quo prius vidimus statu distet, honorificentiorq; sit; superimposito maximè stigmatibus summi Pontificis sacratissimæ crucis signo, in quo est salus, vita, & resurrectio nostra. Nam etsi antea pila ænea imposita ei erat, (in qua Iulij Cæsaris extitisse circumferebant) quæ nempe figura est orbis, & mundi huius: nunc demum pila ablata, & cruce reposita. Hæc est quæ vincit mūdum & potestatem diaboli, in qua Saluator noster triumphauit; quam vtinam sic recipiamus, vt gloriam in ea triumphati videamus.

Inscriptio autem quæ vndiq; post Obelisci translationem à summo Pontifice addita est, talis exstat.

In superiori primum parte ab occiduo latere, qui nempe basilicæ principis Apostolorum opponitur, sic habet.

SANCTISSIMÆ CRUCI SIXTVS V. PONT. MAX. SACRAVIT E PRIORI SEDE AVVLVVM ET CÆSS. AVG. AC TIB. I. L. ABLATVM. M. D. LXXXVI.

In eodem latere in cippo, seu basi, qua Obeliscus sustinetur.

CHRISTVS VINCIT CHRISTVS REGNAT CHRISTVS IMPERAT CHRISTVS AB OMNI MALO PLEBEM SVAM DEFENDAT.

In eo latere, qui Meridiem spectat.

SIXTVS V. PONT. MAX. OBELISCVM VATICANVM DIS GENTIVM IMPIO CVLTV DICATVM AD APOSTOLORVM LIMINA OPEROSO LABORE TRANSTVLIT, ANNO. M. D. LXXXVI. PONT. II.

In eo qui ad Orientem vergit.

ECCE CRUX DOMINI FVGITE PARTES ADVERSÆ VICIT LEO DE TRIBV IVDA.

In ea parte, quæ Septentrioni opponitur.

SIXTVS V. PONT. MAX. CRUCI INVICTÆ OBELISCVM VATICANVM AB IMPVRA SVPERSTITIONE EXPIATVM IVSTIVS ET FELICIVS CONSECRAVIT ANNO M. D. LXXXVI. PONT. II.

Inferius verò minoribus litteris, sic habet.

Dominicus Fontana ex pago Mili agri Nouocomensis, transtulit & erexit.

C A P. CLIV.

Equi ænei simulacrum in ædibus Oricellariorum.



QVI ænei simulacrum ingens, quod ad præsens in ædibus Oricellariorum visitur, prope arcum Domitiani (decem enim cubitorum, seu maius viginti palmorum altitudinis, totidemq; lōgitudinis exstat) de anno 1563. & 1564. pro Henrici II. Galliarū regis memoria, & monumento in summitate montis Quirinalis, in ipsis Thermis Constantinianis, ac domo Martij Cæcij, prope parvam Ecclesiā S. Hieronymi conflatus est à Daniele Ricciarello Volaterrano, præstanti illius temporis artifice, cui cum Michaeli Angelo Bonarota artifice celeberrimo, ac præstantissimo, summa familiaritas intercessit: qui cum plasticen, seu formam ipsius equi, antequam conflaretur animaduertisset, plurimum collaudasse ferunt præstantiam ingenij viri illius ex eo opere; Nam cum ipsi Michaeli Angelo negotium hoc equi conficiendi demandatum esset; ipseq; iam senio confectum se videret, nonagenarius

narius enim & ultra tunc degebat, huius operis provinciam cum regiis agentibus Danieli demandandam curavit: fore enim ut ipsa cōflatio egregia prodiret: Sed eo fere tempore quo simulacrum id est conflatum, ipse Michael Angelus vita functus est, ac paulo post ipse etiā Daniel eum est sequutus. neuter enim eorum conflātū vidit opus. Interea mortuo Henrico Galliarum rege, ac bellis intestinis & tumultibus vexata Gallia, mansit idem equus eo quo conflatus fuerat loco, annos ferme duos & viginti: Lutetias enim Parisiorum asportandus erat, ac in principali illius ciuitatis foro locandus, ob ipsius Henrici regis monumentum, vna cum eius itidem æneo simulacro assidente, uti videmus in equestri statua ænea M. Aurelij Antonini in area Capitolina locata, ad cuius ferè imitationem exemplar effictum est, præter id, quod Antoninus pedem dextrum, hic verò sinistrum attollit, ne vnum & idem opus artificem cōfecisse videretur: sub cuius solea sublati pedis, auctoris nomen insculptum cernere licet. Verum cum ob diutina bella (ut diximus) quæ in Galliis diu cōsequuta sunt, regij simulacri opus destitutum esset: cumq; Horatius Oricellarius negociator primarius Florentinus, quo Henricus III. Galliarum rex, eiusdem Henrici cuius supra meminimus, filius, in publicis aliquot regni negociis utebatur, bene de ipso rege commeruisset: ob ingenij præstantiam fideiq; integritatem, ab eodem, (ut ferunt) equi ipsius quem diximus simulacro liberaliter donatus est, quod anno 1586. è Quirinali ad suas ædes deuehendum curavit, vbi ad præsens sub vna ex porticibus domus parastatæ impositum extat. Ferunt in hoc simulacro ad sex millium & quingentorum numorum aureorum summam impensum: ac quinque & viginti millium pondō constare, quod à Michaele Albertio, qui & operi equi illius interfuit, & totius negotij & impensæ notitiam habebat, nobis relatum est.

CAP. CLV.

Fons in Platea Matthæiorum.

DOSTEAQVAM aqua quæ Salonia dicitur, Gregorij XIII. Pon. Max. tempore in vrbe ad fontes producēdos, aliosq; varios vsus cœpta est deriuari; inter alios qui sumpto publico ad eiusdem vrbs ornatum & commodum, fabricati sunt fontes, præstantissimus, ob artificij excellentiam Pop. Rom. iubente, ac Mutio Matthæio viro inter Romanos ciues primario curante, ille videtur, qui in foro Matthæiorum cernitur, vbi olim circum Flaminium fuisse scribitur. In eo namq; quatuor sunt vasa ad conchiliorum similitudinem ex Africano marmore insculpta, quibus totidem ænei Delphini superstant, ore in vasis hisce suppositis aquam promentes; superq; his quaterna iuuenum ænea simulacra miro artificio conflata, quæ pedes alternos attollentia, delphinorum capita premunt, alternosque extendunt, sicut itidem manu altera caudam ipsius marinæ belluæ vicissim attrectant, altera ad inuicem quasi labrum, seu concham superiorem fulcientia, eniti videntur. Hic inter cæteros, qui nostra ætate Romæ constructi sunt fontes, præstantioris atque absolutioris operis spectatur. Quæ simulacra ænea, anno 1585. conflata sunt ab egregio artifice Thadæio Landino Florentino. In hoc toto fontis opere ad mille ducentos nummos aureos impensum esse, nobis à fide dignis relatum est.

Hippodromus.

YRRHVS Ligorius qui præstans fuit nostra tempestate artifex, & antiquitatum vrbis Romæ peritus, cuius etiam alibi (vt decet) honeste meminimus, ac eius sententiæ plurimum in hoc assentimur, in illius quam protulit antiquæ vrbis chorographia, Hippodromum Caii & Neronis Cæs. in ea Vaticani parte locauit, vbi ingens Obeliscus (qui ad præsens media in area principis Apostolorum erectus cernitur) etiam ætate nostra fuerat locatus; qui locus prope sacrarium, ac ingentem ipsius Basilicæ fabricam extat, ac celebre cœmeterium, qui vulgo Campus Sanctus dicitur: ibi namque equorum cursus & exercitatio habebatur, atque ludi, & spectacula quadrigarum nonnunquam exhibebantur: Hippodromus enim ab ἵππος Græcè hoc est equus, & δρόμος, hoc est cursus, dicitur, quasi equorum cursus, seu agitatio, vt nostrates aiunt. Locus hic latus ac patens in planum campum fuisse, nulli dubium esse opinor: de quo Martialis libro duodecimo, & Plaut. in Cistellitisse scriptum reliquit, libro enim quinto, c. 22. in fine, cum de pratis Quintiis egisset in hæc ait verba: Prata autem Quintia à L. Quintio Circinnato denominata in Campo Vaticano fuisse, Pli. sic commemorat. Aranti quatuor sua iuge hic locus, Prata, dicitur, nec longe distat à dicta Hadriani mole. In eodem campo cernuntur adhuc vestigia (vt videtur) cuiusdam Circi siue Hippodromi. Hactenus Marlianus: At idem auctor lib. eodem capit. superiori, vbi de campo Vaticano tractat, sic suggerit. Cornelius vero Tacit. ait Neronem clausisse in valle Vaticana spacium, in quo equos regeret, atque permixtum plebi circense ludicrum habitu aurigæ edidisse, obtulisseq; hortos suos ad varia in Christianos tormentorum genera. Et quia Pli. Obeliscum Vaticani in Neronis circo stare scribit, arbitrantur nonnulli non tantum circum ipsum, sed & nauale stagnum eo in loco secus montem, qua ad portam itur nunc Pertusam appellatum, hortosque eius à clausura Circi ad Tyberim fuisse, &c. Meminit & Circi Neronis Blon. Flau. lib. 1. Romę instauratæ n. 45. & 46. his verbis: Hortos suos ei spectaculo Nero obtulerat, & circense ludicrum edebat habitu aurigæ, permixtus plebi, vel curriculo insidens. Vnde quanquam aduersus fontes, & nouissima exempla meritos animaduertetur miseratio oriebatur, tanquā nō vtilitate publica, sed in sequitiā vnus absumeretur. Ostendimus autem supra Cor. Tacitum scripsisse, Neronem clausisse in valle Vaticana spacium in quo equos regeret, haud promiscuo spacio, & hoc in loco dicit hortos illum suos spectaculo supplicii Christianorum obtulisse, & circense ludicrum edidisse. Clausum itaque in valle Vaticana spacium illud non dubitamus esse, cuius nunc multis in partibus demoliti muros, & sediliū dimidiatos fornices per vineas, quæ moli Hadriani subiacent, cernuntur, quam Plin. semper, vbi de Obelisco, qui est in Vaticano mentionem facit, illum designat in Caii & Neronis circo positum fuisse. Et cum neque ipsa Had. moles, neq; coniunctus pons tunc essent, quæ anno ab inde centesimo Hadriani Imperatoris opera fuerunt, non immerito (vt mihi videor) crediderim circum Caii, & Neronis partem suburbii, qui nunc est Vaticani, occupauisse, & hortos à Circi illius clausura, ad Tyberim pertinuisse. Hactenus Flauius: quibus verbis & superius citatis clare videtur Hippodromum in ipso circo Caii, & Neronis penitus extitisse, licet vno tantum nomine Circus appellabatur.

Templum Pudicitiae.

QUOD duo fuerint templa Pudicitiae, alterum nempe Patriciae alterum Plebeiae ex variis auctoribus patet, licet satis fuerit ex vno Liuiio hoc ostendere, cuius locum totum hic subnectendum duxi, ait enim lib. 10. ab V. C. anno 456. de templo, seu sacello Pudicitiae, in haec verba: Eo anno multa prodigia fuerunt, quorum auerruncandorum causa, supplicationes in biduum Senatus decreuit: publice vinum ac thus sacrificiis praebitum supplicatum iere frequentes viri feminaeque. Insignem supplicationem fecit certamen in sacello pudicitiae patriciae, quae in foro boario est ad eodem rotundam Herc. inter matronas ortum. Virginiam Auli filiam patriciam plebeio nuptam L. Vol. Cos. matronae quod e patribus enupisset, sacris arcuerant. Breuis altercatio inde ex iracundia muliebri in contentionem animorum exarsit, cum se Virginia & patriciam & pudicam in patriciae Pudicitiae templum ingressum, & vni nuptam, ad quem virgo deducta sit, nec se viri honorumque eius, ac rerum gestarum poenitere, vero gloriaretur. Facto deinde egregio magnifica verba adauxit. In vico longo ubi habitabat ex parte aedium quod satis esset loci modico sacello exclusit, aramque ibi posuit, & conuocatis plebeiis matronis, conquesta iniuriam Patriciarum: Hanc ego aram, inquit, pudicitiae plebeiae dedico, vosque hortor, ut quod certamen virtutis viros in hac ciuitate tenet, hoc pudicitiae inter matronas sit, detisque operam, ut haec ara, quam illa, si quid potest esse sanctius, & a castioribus coli dicatur. Eodem ferme ritu & haec ara quo illa antiquior culta est, ut nulla nisi spectatae pudicitiae matrona, & quae vni viro nupta fuisset, ius sacrificandi haberet. Vulgata deinde religio a pollutis, nec matronis solum, sed omnis ordinis feminis, postremo in obliuionem venit, &c. Haec de Pudicitiae sacellis habet Liuius, cuius etsi solo testimonio satis superque esset inniti, tamen Marliani etiam in hoc videnda est assertio, qui quidem eius urbis Topographiae lib. tertio, capite 15. cum aedis arae, ac simulacri Herculis commemorasset, in haec verba de templis ipsius Pudicitiae subdit. Non procul ab hac ara fuit Pudicitiae patriciae aedes ab Aemilio condita, auctor Liuius: Cuius deae plures aedes sacras Romae fuisse innuunt Prop. haec carmina, lib. 2. Eleg. 6.

Templa Pudicitiae quid opus statuisse puellis?

Si cuius nuptae quidlibet esse licet?

Et prosequitur idem author: Signum Pudicitiae, quam quidem (ut refert Sex. Pompeius) fortunam esse existimant, fuit in foro boario, ubi familia sedisset Herculis, cuius sacra non obibant plebeiae: quare in Vico longo Pudicitiae sacellum a Virginia plebeia excitatum est, ut in eo eius deae sacra plebeiae peragerent. Haec tenus Marlianus, quibus colligitur ubi fuerint Pudicitiae templa, & a quam alterum eorum, plebeiae nimirum, excitatum fuerit.

Pons Triumphalis.

DE Ponte Triumphali quicquid apud probatos authores scriptum inuenimus, & quo nempe loci, & ad quem finem & effectum erectum fuerit, in medium nunc afferamus. Blondus enim Flavius lib. 1. eius Romae instauratae num. 41. de eo sic habet: Pons cuius pilarum fundamenta nunc ad Sancti Spiritus hospitale in Tyberi cernuntur; & porta in intimam Tyberis ripam cuius fundamentorum moles extat, & via ab

eo ponte ad Cæsaris Obeliscum ad aream Basilicæ S. Petri subiectum: secundum radius montis Vaticani protensa triumphali nomine appellabantur, nec alterius quam ad Beati Petri Basilicam, ea via (quod coniecere potuerim) protendebatur. Quin mihi constat, viam ipsam nullatenus fuisse largiorem, quicquid soli prædictam Basilicam, aut Obeliscum, & Apollinis Templum adiacebat, Triumphale appellabatur. De porta autem quod diximus, clare & copiose probat Iosephus in libro septimo de captiuitate Iudaica, vbi Vespasiani, & Titi Imperatorum describit Triumphum. Dicit enim ipsos Imperatores, qui non in Palatio maiori, sed in Isidis templo nocte quieuerant, ad Octauianas deambulationes transiisse, vbi eos Senatus, & honorati equites præstolabantur. Et cum fauor militaris eisdem meritis ornasset laudibus, votis rite celebratis, ad portam recessisse, quæ ab eo quod per illam semper triumphorum pompa duceretur, nomen accepit, finisque pompæ fuit Capitolini Iouis templum. Territorii etiam triumphalis non leue testimonium habet vita Beati Petri Apostolorum principis à beato Hieronymo presbytero, vt titulus præfert, siue, vt aliqui volunt à Damaso Papa scripta, vbi dicitur beatum Petrum fuisse sepultum in Ecclesia sui nominis, quæ ad templum Apollinis, iuxta territorium Triumphale fuerit ædificata, & constantem retinet famam ætas nostra, pontem de quo diximus, nobilium fuisse, nec ille vnquam ruricolos transiisse. Habet etiam incidenter monumenta commutationis factæ Calendis mensis Aug. siue Sextilis à memoria victoriæ Octauiani Cæsaris Augusti de Anton. & Cleopatra, ad liberationem Beati Petri à carcere, & catenis Herodis: Vnde festum ipsius D. Petri ad Vincula celebramus. Cineres C. Cæsar. Obelisco insigni positos, qui cernitur in territorio triumphali. Hactenus Flavius de Ponte, Porta, Via, ac territorio Triumphali, quem diffusius quam cæteri hanc rem sequutum, hic ad verbum totumque eius locum apponendum censui. Marlianus autem fere ad verbum locum Flauii describens libro secundo, capite 8. in hæc habet verba: Urbis portis tandem descriptis, portæ etiam Triumphalis licet extra pomerium esset, operæpretium fuerit locum ostendere. Pontem igitur cuius pilarum fundamenta infra pontem Hælium cernuntur, & portam, cuius vestigia ad intimam Tyberis ripam olim extabat, viamque ad Cæsaris Obeliscum protensam, Triumphali nomine appellatos esse nonnulli opinantur: quoniam Iosephus Vespasiani, & Titi triumphum describens, ait ipsos, non in palatio maiori, sed in Isidis templo nocte quieuisse, transiisseque ad Octauianas ambulationes, votisque rite celebratis, recessisse ad portam, quæ ab eo, quod per illam semper triumphorum pompa duceretur nomen acceperit. Quibus verbis constat Capenam non esse eandem quæ triumphalis: Nam ambulationes Augusti fuere ad Mausoleum. Fit igitur verisimile hinc per portam & pontem Triumphalem eò profectum esse, vbi nunc est hospitale Sancti Spiritus. Suetonius commemorat, quosdam Senatores censuisse Augusti funus porta Triumphali ducendum. Hactenus Marlianus. Sed idem auctor libro quinto cap. 18. cum de pontibus in specie loqueretur, ac præcipue de ipso Triumphali, ita subscribit: Pontis autem Triumphalis pilæ in Tyberi adhuc cernuntur è regione hospitalis Sancti Spiritus. Triumphalis est nuncupatus, quod per ipsum triumphantes transirent, sequitur supra hunc ad teli iactum pons, nunc Sancti angeli dictus, olim vero Hælius ab Hælio Hadriano, qui eum prope sui sepulcri molem excitauit: Spartianus: Fecit, inquit, & sui nominis portem & sepulchrum iuxta Tyberim: quem pontem nulla alia de causa posuisse arbitramur, quam vt per ipsum transeuntes propius dictam Molem spectarent, cum Triumphalis publico vsui satisfacere videretur. Quibus verbis deprehenditur pontem Triumphalem non ad alium finem excitatum esse, quam vt per eam tantum Triumphantes urbem ingredientibus cum pompa, manubiis, &

captiuis

captiuis transire solitos fuisse, non vt triumphantes tantum, & nobiles per ipsum vt Flavius innuere videtur, sed (mea quidem sententia) vt Triumphantes, Urbem, vt diximus, ingressuri, cum pompa apparata, & captiuis per pontem illum tantum, & non aliunde transire deberent. Hunc autem quando, & à quo excitatum, nihil adhuc certi nobis est, nisi coniectari liceat Consulum tempore, cum primum Romæ triumphari est ceptum, vt aliquis esset peculiaris triumphantibus in Vrbe locus, tum in ingressu ipsius Urbis, tum etiam in transitu, ac demum accessu ad ipsum Capitolium, vbi certum est triumphantes Ioui Victori constitisse, ædificari sit cœptus ad publicum Urbis decorem & ornatum. Itaque & porta primum, & territorium, & pons, atque via, hac de causa Triumphalia vocitata fuisse. Pontem hunc vel fluminis impetu deiectum, prout Senatorium ætate nostra vidimus, ac denuo resectum, seu barbarorum sauitia & feritate euersum adhuc nobis exploratum est: iam dudum vero pro certo est esse desuisse.

CAP. CLIX.

Pons Sublicius.

ONTem Sublicium ab Anco Martio ligneum primo excitatum fuisse Liuius memorat, ab eoq; Sublicius dictus, quasi subligatus: postea vero ab Æmilio lapideus factus, Æmilius dictus est, licet Sublicii nomen nunquam amiserit. Super hunc pontem narrat idem Liuius Horatium Coclitem Romanum ciuem præstantissima virtute, & robore virum, solum Hetruscorum in urbem irrumpentium impetum vsque adeò sustinuisse, quoad Romani pontem ipsum post illius terga perfregissent: atque cum inde se vna cum equo in Tyberim præceps deiceret, incolumis uterque vna cum patria seruatus est. Vnde pariter ob tanti viri, & facti memoriã egregiè veteres ex ponte illo Argeos, hoc est Scirpeas imagines quotannis per Virgines Vestal. in Tyb. proicere solitos fuisse, quod & testantur nonnulla argentea vetusta, ac parua numismata Argeorum hac historia insculpta: de quibus etiam Festus sic ait: Argeos vocabant scirpeas effigies, quæ per Virgines Vest. annis singulis iaciebantur in Tyberim. Põtis huius in hunc vsq; diem pilarum fundamenta cernuntur ad eam pertinentia Tyberis ripam, vbi naualia sunt ad præsens. De ponte hoc Pli. ita meminit lib. 36. c. 15. vbi de ædificiis sine clauo & aliis mirabilibus ædificiorum Rom. agit, in hæc verba: Olympiæ autem arte, mirabili modo, in porticu, quam oppidani heptaphonon appellant, quoniam septies eadẽ redditur. Cyxici & buletorium vocant ædificium amplũ sine ferreo clauo, ita disposita contignatione, vt eximantur trabes sine fulturis, ac reponantur. Quod itẽ Romæ in Ponte Sublicio religiosum est, postquam Coclite Hor. defendente agrè reuulsus est, &c. Hactenus Plin. Legitur etiam ex Blondi Flauii Rom. instaurata lib. 1. num. 29. Antoninum Pium Imperatorem marmoreum fecisse, seu potius iustaurasse, nam ex Liuiio Æmilium Lepidum marmoreum construxisse constat. De eius pontis prima constructione sic habet Liuius primo ab Vrbe condita in Anci Marcii gestis: Ianiculum quoque adiectum, non inopia loci, sed nequando ea arua hostium esset id non muro solum, sed etiam ob commoditatem itineris, Ponte Sublicio tum primum in Tyberi factò, iungi vrbi placuit, &c. Sed quid de hac totare Liuius habeat, dum ne lectorem legere pigeat, totam huius rei seriem & historiam ex Liuiio hic subtexuimus, quam ex libro 2. Annalium 246. ad V. C. sic refert: Cum hostes adessent, pro se quisque in urbem ex agris emigrant: Urbem ipsam sapiunt præfidiis, alia muris, alia Tyberi obiecto videbantur tuta. Pons Sublicius iter pene hostibus dedit, ni vnus vir fuisset Hor. Cocles id munimentũ illo die Fortuna vrbis R. habuit, qui positus forte in statione põtis

cum captum repentino impetu Ianiculum, atque inde citatos decurrere hostes vidisset, trepidamque turbam suorum, arma aditusque relinquere, reprehensans singulos, obstitens obtestansque Deum & hominum fidem, testabatur nequidquam, deserto præsidio eos fugere, si transitum pontem à tergo reliquissent: iam plus hostium in Palatio Capitolioque quam in Ianiculo fore, itaque monere, præcipere, ut pontem ferro, igni, & quacunque vi possent interrompant: se impetum hostium, quantum corpore vno posset obstiti excepturum. Vadit inde in primum aditum pontis, insignisque inter conspecta cedentium pugnae terga obuersis cominus ad ineundum prælium armis ipso miraculo audacis obstupescit hostes, duos tamen cum eo pudor tenuit, Sp. Lartium, ac T. Herminium, ambos claros genere factisque, cum his primam periculi procellam, & quod tumultuosissimum pugnae erat, parumper sustinuit: deinde eos quoque ipsos exigua parte pontis relicta, reuocantibus, qui rescindebant cedere, in tutum coegit: circumferens inde truces minaciter oculos ad proceres Etruscorum, nunc singulos prouocare, nunc increpare omnes: sequitiam regum superbiorum suae libertatis immemores alienam oppugnatum venire. Cunctati aliquandiu sunt, dum alius alium, ut prælium incipiant, circumspectant. Pudor deinde commouit aciem, & clamore sublato, vndique in vnum hostem tela coniiciunt, quæ cum in obiecto cuncta scuto hæssissent, neque ille minus obstinatus, ingenti pontem obtineret gradu, iam impetu detrudere conabantur virum, cum simul fragor rupti pontis, simul clamor Romanorum alacritate perfecti operis sublatus, pauore subito impetum sustinuit. Tum Cocles; Tyberine pater, inquit, te sancte precor, hæc arma, & hunc militem propitio flumine accipias. Inde sic armatus in Tyberim desiluit, multisque super incidētibz telis, incolumis ad suos transnauit, rem ausus plus famæ habituram ad posteros, quam fidei. Grata erga tantam virtutem ciuitas fuit, statua in Comitio posita, agri quantum vno die circumarauit, datum: priuata quoque inter publicos honores studia eminebant: nam in magna inopia pro domesticis copiis vnusquisque ei aliquid fraudans se ipse victu suo contulit. Porfenna primo conatu repulsus, consiliis ab oppugnanda Vrbe ad obsidendam versis, præsidio in Ianiculo locato, ipse in plano ripisque Tyberis castra posuit, nauibus vndique accitis, & ad custodiam positis, ne quid Romam frumenti subuehi sineret, &c. Hætenus Liu. de historia Hor. Cocli. super ipso ponte gestorum. Marlianus vero de ponte hoc variis in locis subscribit, primum namque libro primo capite 4. vbi de vario vrbis ambitu differit, sic habet; Ancus Urbem ampliauit, nouæque multitudini Auentinum concessit. Multis postea Latinis in ciuitatem acceptis, Ianiculū quoque vrbiconiunxit, ponte Sublicio. tunc primum factō, Quiritium fossam in planioribus Vrbis circumduxit, &c. Idem auctor deinde li. quinto cap. 14. vbi ex professo de ponte sacro, & Sublicio edisserit, sic apponit: Auspicemur autem ab eo qui omnium primus positus est. Epicardus enim prodidit, Herculem, occiso Gerione, cum victor per Italiam armenta duxisset, pontem supra Tyberim ad tempus struxisse, quem pontem sacrum appellatum esse ait Dionysius: Fuitque ea parte, qua postea Sublicius ab Anc. rege perpetuo māsurus extructus, licet totus ligneus. Nā sine ferreo clauo, sine fuluris ita dispositus erat contignatione, ut trabes per bella eximerentur, ac reponerentur. Quod quidem sic facere religiosum fuerat, postquam Coclite defendente agrè reuulsus est, auctor Plinius. Hunc pontem Sublicium Lapidem, deinde Æmiliū Lepidum Prætorem fecisse memorant, & ab eo Æmiliū pontem, Lepidiū denominatum. Vnde Antoninus imperator in Itinerario: Post iterum inquit vnus effectus per pontem Lepidi, qui nunc abusiue Lapidem dicitur. Hunc Tyberinis fluctibus læsum restituit Tiberius. Cornelius Tacit. refert Othone imperante, subita inundatione fuisse diruptum, quem longotem-

go tempore post Antoninum Pium restituisse scribit Iul. Capitolin. Huius pontis supra naualia extant vestigia ex magnis marmoreisque saxis. Neque enim est cur non credamus hæc fuisse huius pontis vestigia, quanquam de eius loco varia traduntur: constat enim ad Auentini radices stetisse, quod etiam innuit Appian. his verbis: Auentinus ascenderat Gracchus mox inde fugiens per pontem ligneum ad alteram fluminis partem euectus est. Sublicius autem dictus est quia ilex species est quercus ex qua confici solebat, vel ut alii à Sublicibus lignis, lingua enim Volscæ magnæ trabes ad perpendicularum directæ Sublices vocantur, quales in pontium substructionibus fere defiguntur, quia pronæ nimio sui pondere minus firmiter iacerent, & ideo Cæsar in pontis supra Rhenum institutione ait se tigna posuisse, non sublice modo directæ, sed pronæ. Hactenus Marlianus de ponte Sublicio, cuius ne longior sim, cætera omittenda duximus.

C A P. CLX.

Senaculum seu Senatulum.

Vbi & quid fuerit Senaculum, facile innuitur (si Blondo Flauio credimus) ex eius libro secundo, nu. 62. & 65. his verbis: Varr. namque cum dixisset Tullum Hostilium regem curiam Hostilium ædificasse, sic sequitur: Ante hanc Rostra, sub dextra huius Comitio substructus, vbi nationum subsisterent legati, qui ad Senatum essent missi: hic Græcostasis à parte ut multa, Senaculum supra Græcostasim, vbi Ædes Concordiæ & Basilica Opimia, Senaculum vocatum, vbi Senatus, aut vbi Seniores consisterent. Quatuor hic, Rostra, Comitium, Græcostasim, & Senaculum, quæ in Reipublicæ administratione maximo semper vsui fuerunt iudicaturi, ordinem Varronis sequimur: Et sequitur idem auctor infra numero 65. Senaculi autem locus supra Græcostasim exstructus, vbi fuerit, ultra dicere non expedit, cum vtriusque ædificii ruinas in vinetis coniunctas confusasque cernamus, &c. Sed cum hic de Senaculo mulierum dicere aggressi, non nihil edisseramus, videndum nobis primum est quid de eo Marlianus scripserit, is enim lib. quarto, cap. 23. Senaculum mulierum in colle Quirinali Lampridii testimonio fuisse subscribit, dum ea quæ in eodem colle fuerant recenset his verbis: Senatulum mulierum in Quirinali Heliogabalum fecisse, eo in loco in quo antea fuerat conuentus matronalis solennibus duntaxat diebus refert Lampridius, &c. De Senaculo autem in genere idem auctor alibi insinuat, & vbi ab initio fuerit, libro enim secundo capite secundo sic ait, cum de nonnullis, quæ in Capitolino Colle fuerunt, sermonem haberet, in hæc Vitruuii verba: Item in Capitolio commune facere potest & significare mores vetustatis, Romuli casa in arcu sacrorum stramentis tecta. Ad eandem autem, vel vbi illa fuerat, Senaculum stetisse innuit Liuius, cum ait, Censores porticum ab æde Saturni in Capitolium ad Senaculum, ac super id Curiam strauisse, &c. & alibi nempe libro tertio capite decimo, ostendens Curiam & Senaculum idem prorsus esse, ait his verbis: Non enim omnes ædes sacra erant templa: Curia augurato condita erat templum, ædes sacræ non augurato conditæ, templa non dicebantur, neque in illis poterat haberi Senatus, auctor Varro, qui cum duo Curiarum genera fuisse ostendat, videlicet Curiam vbi curarent Sacerdotes res diuinas, ut Curiæ veteres, & vbi Senatus humanas, ut Curia Hostilia, apparet Curiam & Senaculum idem esse, alterumque à cura, alterum à Senatu, id est senioribus publicas res curantibus denominatum. Et quia in hostilia res humanæ tantum curabantur, ideo alibi ait eam esse quidam templum & san-

factum non esse. Verum quoniam Sex. Pompeius ex Nicosttrato memoriæ prodidit, Senacula Romę tria fuisse: Vnum inquit, vbi nunc ædes Concordiæ inter Capitolium & forum, in quo solebant magistratus cum senioribus deliberare: alterum ad portam Capenam: tertium intra ædem Bellonæ, in quo exterarum nationum legatis, quos in Urbem admittere volebant Senatus dabatur, significat suo tempore defuisse S. C. fieri in Concordiæ templo, alioquin solent, non solebant, dixisset, & templum non ædem appellauisset. Eius enim verba innuunt, Senaculum diuersis temporibus variis in locis institutum. Sed nec te moueat quod cum ipse tria Senacula tantum commemorarit, nos quartum ex verbis Cor. Tac. in Capitolio fuisse ostenderimus: Varroq; supra Græcostasim quintum. Nam plerique augent, plerique fundant, & ad eos transeunt nomina; & in tam multis sæculis: in tanta etiam rerum varietate, nomina, locaq; & numerus ipsorum sæpe est mutatus, &c. Idem etiam auctor alibi, eodē nempe li. 2. c. 16. cum de Græcostasi, & aliis quæ in dorso Palatini montis fuere, fermocinaretur, in hæc ait verba: Quod autem ait Plin. in delubro Concordiæ cornu aureo Augustæ dono fuisse gemmam sardonichen inclusam, Marfyamq; religatum, & Catlandram à Theodoro pictam, de quo delubro intelligat dubium est. Senaculum autem fuisse supra Græcostasim, vbi ædes Concordiæ, & Basilica Opimij Senaculumq; vocatum, vbi Senatus, vel vbi Senatores consisterent; dictumq; à *serena* auctor est Varro. Haftenus Marlianus de Senaculo; cuius satis abunde sit dictum ne longior sit sermo quàm res exposcere videatur. Ego verò quid de Senaculo mulierum existimem, breui subscribam: Duplici namque ratione id mihi institutum iuisse videtur publicum ædificium; primò quod inibi mulieres tantum, & forrè pauperculæ tanquam ad proprium tribunal in ius vocarentur, vel alias euocarent, ut quamprimum earum lites & causæ sub certis iudicibus expedirentur, ne ad Curias, aut alia frequentiora Urbis loca, ac tribunalia trahi cogerentur: vel ad hoc ut matronæ, & quæ moribus & ætate præstantes in Vrbe erant, statis quibusdam diebus, ut Marlianus ipse innuit, ad earum sacra peragenda sisterent, quicquid alij de hoc senserint.

Templum Serapidis.



X Pub. Victoris, seu Fabij (ut nonnulli malunt) libello, quatuordecim in regiones Urbem fuisse olim diuisam accepimus; quod & antiquus lapis marmoreus, in area Capitolina adhuc nostra tempestate exstans, id pariter indicat, cuius inscriptio talis est.

IMP. CÆSARI DIVI TRAIANI PARTHICI FIL. DIVI NERVÆ NEPOTI TRAIANO HADRIANO AVG. PONT.

MAX. TRIB. POT. XX. IMPER. II. COS. III. P. P. MAGISTRI VICORVM VRBIS REGIONVM XIII.

Cuius tertia regio, eodem auctore Isidi & Serapidi tribuitur; sic enim in eodem libello habetur; quem etiam & Blondus Flavius, & Raphael Volaterranus, & alij auctores citant, in hæc verba: Regio III. Isis & Serapis continet Monetam, Amphitheatrum, quod capit loca 387. milia, Ludum magnum & Dacium, domum Bruti, Suburam, Lucum pastorum, scholas quæstorum, & capulorum, Thermas Titi & Traiani, Porticum Liuiæ, Castra Misernatium, &c. ex quo patet, ac pro comperto habetur, Serapidis templum in ipsa regione sui nominis extitisse; quanquā non defunt qui velint eodē in templo Isidi & Serapidi sacra olim veteres fecitasse, Macrobius fultus testis, qui li. 1. Sat. c. 20. Isida & Serapidem vnū & idem cum sole esse ostendit, nec ab eo distingui; illiusq; simulacrum tricipitis animantis signo effingi: quod

quod exprimat medio eodemq; maximo capite leonis effigiem: à dextera parte caput canis mansueta specie blandientis exoriri: pars verò leua ceruicis, rapacis lupi capite finiri: easq; formas animalium draconem suo volumine connectere, capite redeunte ad Dei dexteram, qua conspicitur monstrum: quodq; leonis capite præsens tempus demonstretur, quia conditio eius inter præteritum futurumq; actu præsenti valida feruensq; sit. Sed præteritum tempus lupi capite signari, quod memoria rerum transactarum rapiatur & auferatur. Item canis blandientis effigiem futuri temporis designare euentum, de quo nobis spes licet incerta blanditur. Tempora autem ritè proprio famulantur auctori, cuius vertex insignitus calathò, & altitudinem sideris, & potentiam capacitatis ostendit, quia in eum omnia terrena redeunt. Hæc ex Macrobo. Sed & vt aliquid etiam liceat de ipso Serapide subnectere, quis nam fuerit, & vbi primum cultus, attendamus. Serapis igitur apud Ægyptios idem sonat quod sacer bos (apis enim bos appellatur eorum lingua) cuius historia fusius tum apud Herodotum, ac Diodorum Siculū, tum etiam Ammian. Marcellin. libro 22. innuitur. sic namq; se habet. Apis nomen fuit bouis apud Ægyptios, quem pro deo colebant, alio nomine Serapis: corpore erat niger, candida fronte, in tergo alba nota insignis, duplicibus pilis in cauda, & lingua cantharo notatus, quem certos vitæ annos excedere non licebat. Hunc in lacum demersum Ægyptij indicto iustitio, veste scissa, & laceratis crinibus defunctum plangebant: inuento verò alio mirificè lætabantur. Responsum autem dare non vt cætera oracula solitus: sed si manu oblatum pabulum sumplisset à consulentibus, secundus euentus, atque omnia prospera decernebat: si verò abnuerat, omnia sinistra protendebat. Ideo cum à Germanico Cæsare pabulum oblatum renuisset, funestum omen & indubiam necem, quæ paulo post secuta est, pronunciauit.

Ipse etiam Serapis Osiris prius dictus est, qui fuit Iouis filius ex Niobe Phoronei filia: qui Phroneo in regnum Argiuorum successit, qui postea Ægiale fratre præfecit regno Achæ, & ad Ægyptios transfretaui gloriæ desiderio, quos cum subegisset, Ilium quæ & Io vocabatur, Inachi primi regis Argiuorum filiam duxit uxorem. Vbi cum illa literas, Osiris varias artes Ægyptios docuisset, vterque diuinos honores meruerunt. Tandem à Sityphone Ægyptio, vel (vt Seruius ait) à Typhone fratre clam occisus ab Iside diu quæsitus est. Demum apud Phialam iuxta Syenem laceratus repertus est; curauitq; eum Isis sepeliendum in Abato insula eius paludis, quæ Memphi proxima est, quam etiam Strygeni, id est, mœrorè appellauit, nec nisi sacerdotes certis diebus, eosq; vittatos eò accedere voluit. Sed cum apparuisset Ægyptiis deinde bos quidā, Osirim putarunt, adoraueruntq; vt deum, & vocauerunt Apim, id est bouem, eorum lingua; deinde verò dictus est Serapis, de quo Tibull. lib. 1. eleg. 7.

Te canit atque suum pubes miratur Osirim

Barbara, Memphitem plangere docta bouem.

De Osiride sic habet Euseb. lib. de Præpar. Euangel. Diodorum Siculum inducens: Ægyptios ferunt primos omnium motum, ordinemq; cælestium corporum admiratos, Solem & Lunam, deos putasse, ac Solem quidem Osirim, Lunam Isim nuncupasse. Ferunt Osirim apud Ægyptios, insitionem & aratrum, viniq; vsum primum reperisse, aliaq; nonnulla, quæ latè prosequitur Tibull. loco superius citato.

De templo quoque Serapidis, quod Thebis fuit, meminit Plin. lib. 36. cap. 7. vbi de generibus marmorum & porphireticis agit in hæc verba: Nunquam hic maior repertus est, quàm in templo Pacis ab Imperatore Vespasiano Augusto dicatus, argumento Nili 16. liberis circa ludentibus, per quos totidem cubiti summi incrementi augmentis fecerunt eius intelliguntur. Non ab similibus illi narratur in

Thebis delubro Serapis, ut putant Memnonis statua dicatus, quem quotidiano solis ortu contactum radiis, crepare dicunt, &c. Idem etiam auctor lib. 38. cap. 5. de colosso quodam Serapis sic habet: Apion cognominatus Plistonius paulo ante scriptum reliquit, esse etiam nunc in Labyrintho Ægypti colosseum Serapim à Smaragdo nouem cubitorum, &c. Sed ut de templo Serapidis quæ nobis supersunt complectamur, nonnulli insinuant eo loci in Vrbe stetisse, ubi ad præsens in Cœnobio sanctæ Mariæ Nouæ propè celeberrimum Templum Pacis extat fornix quædam ampla & ingens utrinque, seu ab utroque latere concamerata, in ea parte hortorum, quæ Amphitheatrum spectat; licet alij velint id Iano esse sacrum; quodq; auctore Tito Vespasiani Aug. filio erectum æstimatur, sicut & templum ipsum Pacis ab ipso Vespasiano constructum, & Amphitheatrum ipsum ædificari cœptum, à Titoq; eius filio, debellatis Hierosolymis perfectum: licet aliqui in cœnobio S. Crucis in agro Sessoriano, ac nonnulli in Exquilis extitisse credant. Mihi autem, ex superius deductis verisimilius fit, fuisse in eius regione Urbis III. ut supra docuimus; cum ab iisdem Iside & Serapide nomen sumpserit. Sed eum neminem adhuc legerimus qui Serapidis templo constanter locum præbuerit, opinamur id fuisse sub monte ad balnea Pauli: nam & in ea regione quam P. Victor describit fuisse compertum est, nempe Idis & Serapidis, cui opinioni ad stipulatur titulus sequens in vetusto marmoreo lapide incisus, etsi ab utroque latere mutilus, quique ad præsens hac nostra ætate legitur palmulariis literis in pavimento Ecclesiæ S. Agathæ, sub ipso monte vel balnea Pauli, qui talis est.

SERAPIDI DEO

. . M. AVRELIVS ANTONINVS . .

. . IFEX MAX. TRIBVNIC. POTE . .

ÆDEM . .

Comitium.



COMITIVM, hoc est, ipse Comitiorum locus, nam nostrum id primum institutum est aggredi, ubi, quid, unde dictum, & ad quid esset, reliquum est ut videamus. Ipsa namq; quæ ad Comitiam & ad varia eorum genera spectant, tum Agellius lib. 15. cap. 27. tum etiam ex recentioribus accuratissimè Nicolaus Gruchius Rotomagensis, vir nostra ferè tempestate eruditissimus, ad vnguem perscripsit. Ideo ut ad rem nostram veniamus, Comitium fuit locus, seu ædificium latum & patens in foro, seu propè ipsum forum, in ea parte Palatini montis, mea quidem sententia, quæ propè circû Titi Imperatoris extat, seu parum infra ipsum arcum, ubi turris satis magnæ ac vetustæ fragmentum adhuc cernitur, quæ vulgo Pallaria nuncupatur, & infra ipsum Palladium, qui locus superior fuit Comitio, ut ex ipso aspectu patet. Et videtur ab eo Comitij nomen deductum, quasi à coeundo teste Festo, qui sic ait: Comitiales dies appellabant, cum in Comitio conueniebant, qui locus à coeundo, id est, simul veniendo dictus est. Hactenus Festus, vel ut nostro more loquamur à populi multitudine & frequentia, quæ stato quodam tempore & præscriptis diebus illuc, vel ad magistratus eligendos, vel ad alias res quæ ad Rempubl. pertinerent acturi, se conferebant. Sed quid de ipso auctores mei referant, videamus; Blondus namque Flavius in eius Romæ instauratæ libro secundo, numero 62. de Rostribus & aliis quæ in foro Romano erant, sic pergit: Varro namque cum dixisset Tullum Hostilium regem Curiam Hostiliam ædificasse, sic sequitur: Ante hanc Rostra, sub dextra huius Comitio locus substructus; ubi nationum subsisterent legati, qui ad Senatum essent missi, hic Græcostasis apertè ut multa; Senaculum

Senaculum supra Græcostasim, vbi ædes Concordiæ, & basilica Opimia Senaculum vocatum, vbi Senatus, aut seniores consisterent. Quatuor hic Rostra, Comitia, Græcostasim, & Senaculū, quæ in Reipub. administratione maximo semper vsui fuerunt, indicaturi, ordinem Varronis sequimur, &c. & subdit idem auctor paulò inferius, numero nempe 67. de Comitio vbi fuerit, his verbis: Comitium fuisse in foro Romano inter turrim, quæ Pallata appellatur, & lacus Curtij locum, collisq; Palatini, quem foro imminere videmus, radices & Faustinae monumenta, siue sancti Laurentij in Miranda Ecclesiam, facile intelligi poterit ex superius dictis: de quo quid fuerit, priusquam dicamus, doloris impetu nos trahente, nostris & futurorum sæculorum hominibus notum fore volumus: Porcos nunc ex publico ætatis nostræ instituto, ibi, & nullo alio in loco (quod sæpe vidimus) venundari, &c. & prosequitur infra numero 68. Comitij vocabulum, sicut A. Gellius in noctibus Atticis ostendit, & loco, & actui commune fuit. De loco quidem, quando satis dictum est, de actu plura dicamus. Duobus in locis, supra dicto scilicet, & Campo Martio omnes deligebantur, siue Dictatores, siue Consules & Prætores, siue alij Magistratus, &c. Hactenus Flavius: si quis autem plura de his nosse cupiat, illum consulat, & superius citatos auctores. Marlianus vero noster lib. 3. cap. 1. vult Comitium in ea parte Palatini montis extitisse, quæ vergit ad Arcum Titi, his verbis: Ab eadem autem Palatij parte ferè ad arcum Vespasiani, Comitij nomen obtinuit; & prosequitur inferius eodem cap. Nam quæ pars fori Comitium appellabatur, nomen fori obtinebat; & inferius sic subdit: quod Plinius etiam significat, qui lib. 14. ait, sicum arborem in foro atque Comitio coli; cum tamen vnica esset arbor, eaq; in Comitio. Verum tempore quo primum Hannibal in Italiam descendit, cum Comitium tectum esset, vt Liuius septimo belli Punici prodidit à foro, cæpit distingui. Cur autem Suetonius non dixerit templum Pacis positum esse Comitio, ea videtur ratio, quia inter vtrunque media intercurrerebat via sacra, &c. Et subdit idem auctor de Comitio libro eod. cap. 6. vbi de his quæ in foro fuere agit in hæc verba: Comitiales dies appellabant, cum in Comitio conueniebant, qui locus à coeundo, id est, simul veniendo est dictus, auth. Sex. Pomp. Plutarch. verò, quod illuc Titus Tatius & Romulus coierint, & inter eos fœderis cōditiones sancitæ firmatæq; fuerint, Comitium dictum putat. Alconius ait esse locum, quo coire equitibus Po. Rom. liceret, &c. Hactenus Marlianus de Comitio. Meminit & Comitiorum Sueton. in vita Cæsaris, vbi agit de coniuratis, qui Cæsarem ipsum interfecerunt, quanam eorum consilia fuerint in constituendo seu deligendo occisionis loco, in hæc verba: Conspiratum est in eum à 60. amplius, C. Cassio, Marcoq; & Decio Bruto principibus conspiracyonis: qui primum cunctati, vsurne illum in Campo per Comitia tribus ad suffragia vocantem, partibus diuisis è ponte delicerent, atque exceptum trucidarent: an in sacra via, vel in aditu theatri adirentur postquam Senatus Idibus Martiis in Pompeij Curiam edictus est, facile tempus & locum prætulerunt. Hæc de Comitio satis dicta nobis sufficiant.

F I N I S.

Kk 2

INDEX



INDEX ANTIQVITA- TVM ET INSCRIPTIONVM RO- MANARVM, HOC I. VOLVINE OR- DINE PROPOSITARVM.

Numerus Præpositus seriem pagellarum notat, qui verò
suis locis ad monumenta apponitur, is ordinem eo-
rundem numerat.

Pagella.

43. *In palatio Cardinalis Cæsij in ea Vaticani parte, quam Bur-
gum vocant.*

I. Silvano & Herculi sanctissimis Diis sacrum, &c. Caius
Domitius Marcus donum fecit.

44. *In palatio Cardinalis Cæsij in Burgo.*

II. M. Fabio M. T. Gal. Coloni, &c. Mediolanenses patrono.

45. *In palatio Cæsiano.*

III. P. Cœlio P. F. Ser. Balbino, &c. Decuriones sua pe-
cunia.

46. *In palatio Cæsiano.*

IV. Monumentum græcum.

47.

V. L. Cornelius Scipio Oreitus, V. C. augur, &c. Tusco &
Anulino Cof.

48. *In domo Cardinalis Cæsij.*

VI. Epitaphium Mygdonis Carmine.

VII. Q. Cœcilio Feroci epitaphium M. Gaius Charinus
statuit.

49. *In domo Cardinalis Cæsij.*

VIII. Monumentum græcum.

50. *In palatio Cæsiano.*

IX. P. Scanius Florus Herculi D. D.

51. *In domo Cæsiana.*

X. Statua cum hac inscriptione *καλῶς τελευτήσας*.

52. *In domo Card. Cæsij in Burgo.*

XI. Ex autoritate Imp. Cæsaris Diui Neruæ F. Neruæ &c. Titus Iulius Ferox Curator aluei & riparum Tyberis & cloacarum vrbis terminauit, &c.

53. *In domo Cæsiana.*

XII. Diua Plotina Aug. statua.

54. *In domo Cardinalis Cæsij.*

XIII. Caio Heluio Caij filio Cor. Celeri & Heluio felici patri, &c.

55. *In domo Cæsiana.*

XIV. Imp. Cæsaris Diui F. Augustus pontifex maxim. &c.

56. *In domo Cardinalis Cæsij.*

XV. Colleg. II. Augurum autore Imp. Cæsari Diui Traiani Parthici F. &c. terminos pomerij restituendos curauit.

57. *In domo Cardinalis Cæsij.*

XVI. Anubis in forma matronæ Statua cum literis Hieroglyphicis.

58. *In domo Cæsiana.*

XVII Lemno Aug. I. proc. patrimoni & Hered. & Domitiæ Phyllidi, L. Domitius Lemnus.

59. *In palatio Cardinalis Cæsij.*

XVIII. C. Domiti C. F. Pal. Veri vixit annis XXXXI. Mensibus VII. Dieb. XII. Volusia Seuera Coniunx Marito optumo & indulgentissimo.

60. *In palatio Cardinalis Cæsij.*

XIX. Des Manibus. Cn. Ofillio Cn. F. &c. Cn. Ofillius Successus & Antonia Restituta parentes filiis pientissimis fecerunt, & sibi & suis libertis libertabusq; posterisque eorum.

61. *In domo Cardinalis Cæsij.*

XX. D. M. Q. Val. Q. F. Postimio Romulo patri dulcissimo equo publico, &c. Postimius Romulus filius & nepotes.

62. *In domo Cardinalis Cæsij.*

XXI. D. M. Otacilia L. L. primigenia fecit sibi & colli-
bertis, &c.

63. *In palatio Cæsiano.*

XXII. Statuæ matronæ. EAE. Pyrallidi.

64. *In palatio Cardinalis Cæsij.*

XXIII. De M. L. Iauoleno Phœbi marito optimo Lici-
nia Cynegis fecit.

65. *In domo Cardinalis Cæsij.*

XXIV. D. M. Eugrapho F. Apate matri eius, Eugrapho
nepoticius, Adeptus & sibi & suis.

66.

XXV. D. M. M. Ogulnio ab Ascanto vixit ann. L. &c.

67. *In ædibus Cardinalis Cæsij.*

XXVI. Dis Man. M. Numisio Loto, &c. patri optimo
indulgentissimo, &c.

68. *In ædibus Cardinalis Cæsij.*

XXVII. D. M. Clodiæ Auitæ, hæredes ex testamento.

66. *In ædibus Cardinalis Cæsij.*

XXVIII. Diis Manibus. Claudio Hylio, vixit ann. IIII.
&c. pater filio Karissimo.

70. *In ædibus Cardinalis Cæsij.*

XXIX. Dis Mani. Sacr.

71. *In palatio Cardinalis Cæsij.*

XXX. Dis Manibus, C. Vmbricius Veteranus, sibi &
Vmbriciæ Delphidi coniugi suæ, &c.

72. *In domo Cardinalis Cæsij.*

XXXI. L. Veturio Aug. L. ab Epistulis latinis, Manto
Vxormarito posuit.

73. *In domo Cardinalis Cæsij.*

XXXII. Flaviæ Aug. L. Doris fecit & suis, &c.

74. *In domo Cardinalis Cæsij.*

XXXIV. Sexto Petronio Probo Anitianæ domus colu-
mni, &c. deuotissimi filij dedicarunt.

75. *In ædibus Cæsianis.*

XXXV. Epitaphium M. Ogulinij primi.

XXXVI. Epitaph. Philippidis.

XXXVII.

XXXVII. Epitaph. Aniciæ Falconiæ probæ.

76. *Apud Cardinalem Cæsum.*

XXXVIII. D.M.Vllæ Secundinæ filiæ Cornelix Ty-
ches vxoris, &c.

77. *Apud Cardinalem Cæsum.*

XXXIX. Diis Man. Mystil Volusi &c. permissu Q.N.

78. *In ædibus Cæsianis.*

XL. P. Scantius Phieetus fecit, sibi & Scantiæ Nicelib. re-
quietorium. Amicis benefacere semper studiosus fui.

XLI. Diis Manibus. Successi Eil Cæsia Gemella mater
piissimo filio de suo. Vixit ann. IX. Mens. IIII. Dieb. XV.

Fatis peractis mater eodem est condita, quæ post obitum fi-
lij vix. ann. IIII. Mens. XI. D. VIII.

XLII. Sexto Petronio Probo Prouinciæ Africæ præfecto.

XLIII. Dis Manibus. Libano Aug. L. à cura amicorum.
vix. ann. XXXIX.

79. *In hortis Cæsianis.*

XLIV. Cæsoniæ M. F. primæ, &c.

XLV. D.M.M. Cæcio Epaphrodito.

XLVI. T. Cæsius Priscillæ L. Hermes, &c.

80. *Apud Cardinalem Cæsum.*

XLVII. Dis Manib. L. Munati. Plancinæ L. Polycliti.

81. *Apud Cardinalem Cæsum.*

XLVIII. Ingratæ Veneri spondebam munera supplex
Erepta Coniux virginitate tibi, &c.

82. *In hortis Cæsianis.*

XLIX. D.M. Cæsiæ Daphe Dianæ & coniugi optimus
maritus.

L. I.O.M.D. Aur. Iulianus Eq. R. sacerdos huius loci DD.

83. *In ædibus Cardinalis Cæsij.*

LI. Atimetus Pamphili Ti. Cæsaris Aug. L. L. Anterotia-
nus sibi & Claudiæ Homonoeæ collibertæ & cõtubernali, &c.

84. *In domo Cæsiana.*

LII. Dis Manibus Athaniæ Epierlidis, &c.

85. *In domo Cæsiana.*

LIII. D.M.L. Statio L. F. Asclepiadæ, &c.

86. *In*

86. *In hortis Casij Cardinalis.*

LIV. Cn. Cæfio Zosimo, &c.

LV. Magno & inuicto Imp. Cæf. C. Val. Aurel. Constantino.

LVI. D. M. Cæfellæ Mauræ.

Ibid. In horto sub Palladis Statua.

LVII. Vipfanam Vipfani Musæi L. &c.

LVIII. D. M. Fabiæ Theophilæ.

87. *In Burgo in domo Cardinalis Parisini.*

LIX. D. M. Timbræo Aug. L. Castellario & marito optimo.

LX. Imp. Cæf. Diui Traiani Parthici, &c.

88. *In Burgo.*

LXI. Virsus Alus Ciuis Satrapes ex Vmbria in armis.

89. *In Burgo.*

LXII. Dis. Man. L. Memmio, L. Fil. &c.

90. *In Burgo qua itur ad portam S. Honorij.*

LXIII. Monumentum græcum.

91. *Ante ades Alexandri Machinari.*

LXIV. Ap... us auct. Memmius &c.

Ibid. Apud Euforium fratellum ad Templum S. Apollinaris.

LXV. M. Liuius Aug. Secondio Accensus Drusi, &c.

Ibid. Intemplo S. Benedicti della Trinita, sub Baptismatis fonte.

LXVI. D. M. Laberie Irene.

92. *In domo Euforij Fratelli.*

LXVII. Inutio Aeliano Euok, &c.

LXVIII. Dis Manibus C. Iulio C. F. &c. sibi & suis, posterisq; æuourum.

93. *Apud Euforium Fratellum.*

LXIX. Ti. Claudio Ti. F. Camil. &c.

LXX. Iunoni Iuliæ Aufidiæ Capitulinæ sacrum, &c.

94. *In domo Euforij Fratelli.*

LXXI. M. Aur. Luciano militi coh. &c.

95. *Ad ingressum Palatii Capitoli annexa columnis.*

LXXII. Cæsari Augusti F. Pontifici, &c.

LXXIII. L. Cæsaris Augusti F. Auguri, &c.

LXXIV.

LXXIV. Diis Manibus Iuliæ lib. Helpidis &c.
 LXXV. Domino flagitatori factionis ruffatæ.

96. *Affixa parietibus porticus Palatij Capitolini.*

LXXVI. C. Calpetanus Sapius &c.
 LXXVII. M. Calpurnius M. F. Piso Frugi &c.
 LXXVIII. Ossa Agrippinæ M. Agrippæ &c.

97. *In area Capitolini Palatij.*

LXXIX. Græcum monumentum.
 LXXX. Græcum monumentum.
 LXXXI. Mun. L. Restitutæ N. N. maiorum &c.
 LXXXII. M. Sutorius Pamphilus Licetor Cur. &c.

98. *Antefores Palatij Capitolini inter Columnas porticus.*

LXXXIII. MP. Cæsari Vespasiano &c.
 LXXXIV. Imp. Cæsari Diui Traian.
 LXXXV. Ossa Neronis Cæsaris Germanici.

99. *In area Palatij Capitolini.*

LXXXVI. D. M. Maniliæ Gn. Fil.
 LXXXVII. Fortunæ August. sacrum.
 LXXXVIII. Deo Herculi inuictæ.
 LXXXIX. Appio Annio Bradio.
 XC. C. Cnossionius successus &c.

100. *In Palatio Capitolino.*

XCI. Ser. Galba II. Triuinio Cos.

101. *In Palatio Capitolino.*

XCII. Q. Lucianus Q. F.
 XCIII. Diis Manibus Afelliæ A. L. Horæ &c.
 XCIV. Herculi Romano D. D. L. Herodes.

102. *In Palatio Capitolino.*

XCV. Q. Ostorius. Q. T. Licinianus &c.
 XCVI. Nomina Leg.
 XCVII. Ossa Ti. Cæsaris Diui Aug.

103. *In Capitolio.*

XCVIII. P. Lentulus Cn. & Quintius &c.
 XCIX. Q. Fabius Honoratus &c.

Ibid. In Palatio Conservatorum sub statua Herculis.

C. Herculi inuictæ C. Iunius Pomponius.

104. *In Capitolio.*

CI. Monumentum græcum.

105. *In Capitolio.*

CII. Monumentum græcum.

106. *Ad principium gradum Aræ Cæli.*

CIII. C. Terentio. C. L. Pamphilo. &c.

Ibid. In ara cæli ubi aqua lustralis reposita est.

CIV. Lu. Lusio Urbano Nomenclatori censorio.

107. *In Capitolio.*

CV. Iunoni Reginæ Conseruatrici, &c.

CVI. Antistia L. F. Priscilla Abascanti, &c.

CVII. I. O. M. Numisius Albanus, &c.

108. *Super Cæmeterio aræ cæli.*

CVIII. Eyhodi Diui Aug. I. libertæ.

Ibid. In ara cæli tertia columna ad læuam.

CIX. A cubiculo Augustorum.

CX. Diis Manibus sacrum L. Sesti Eutropi.

109. *In ara cæli repositorium aquæ lustralis.*

CXI. Locus sacer Batoni Telesphori.

Ibid. Ad arcum Septimianum.

CXII. Victoriæ Imp. Cæs. Vespasiani.

Ibid. Ante arcum Septimij Seueri sub Capitolio.

CXIII. Restitutori Urbis Romæ &c. Neratius Cerealis &c.

110. *Sub Capitolio.*

CXIV. P. Atili P. F. Ouf. Septimiani Grammatici.

CXV. Imp. Cæsari Antonio Gordiano Felici.

111. *Ad Templum S. Martine prope Marforium.*

CXVI. Saluis D. D. NN. Honorio & Theodosio Victoriosissimis Principibus &c.

Ibid. In frontispicio portæ S. Georgij, qui est arcus Boarius.

CXVII. Imp. Cæs. L. Septimio Seuer. &c.

112. *In frontispicio Templi S. Angeli foro piscatorio.*

CXVIII. Imp. Cæs. L. Septimius Seuerus pius &c.

Ibid. In foro piscatorio.

CXIX. P. Cæsar Diui Fil. Aug. pontifex, &c.

113. *In ponte Senatorio.*

CXX. Nu-

CXX. Numini Deorum Aug. Ioui Opt. Max. ædem voto suscepto, &c.

114. *In exteriori parte pontis Insula Tyberina, qui Ponte di quattro Capidicitur.*

CXXI. L. Fabricius C. F. Curat. Viarum &c.

CXXII. Domini nostri Imperatores Valentinianus pius felix maximus, &c.

In inferiori parte pontis S. Bartholomæi utrinq; duæ inscriptiones leguntur eiusmodi.

115. *Ad utramq; partem arcus Septimij Severi.*

CXXIII. Imp. Cæf. Lucio Septimio M. Fil. &c.

Ibid. Ad pontem Templi Concordiæ sub Capitolio.

CXXIV. Senatus populusq; Romanus incendio consumptum restituit.

CXXV. D. N. Constantino pio felici &c.

116. *Ad porticum Faustinae.*

CXXVI. Diuo Antonio & Diuæ Faustinae.

Ibid. In arcu Vespasiani prope Templum S. Marianæ.

CXXVII. Senatus populusque Romanus Diuo Tito Diui Vespasiani F. Vespasiano Augusto.

CXXVIII. S. P. Q. R. Imp. Tito Cæf. Diui Vespasiani &c.

117. *Ad Thermas Constantini.*

CXXIX. Petronius Perpenna magnus perperit. &c.

CXXX. Imp. Cæf. D. D. D. N. N. N. Gratianus.

118. *In Basi Columnæ Traiani.*

CXXXI. Senatus Populusque Romanus Imp. Cæsari Diui Neruæ &c.

CXXXII. Pr. Tr. Pl. Q. Augur Tr. Mil. ex sorte bellum cum Iugurtha &c.

119. *In foro Traiani.*

CXXXIII. Annio Paulino Iunio procos. &c.

120. *In foro Traiani.*

CXXXIV. Pontificis votis annuant Dij Romani &c.

CXXXV. Imp. Cæf. L. Aurelio Vero Aug.

121. *In arcu Constantini qua itur ad Amphitheatrum.*

CXXXVI. Imp. Cæf. Flau. Constino &c.

Ibid. In arcu Galieni.

CXXXVII. Galieno Clementissimo Principi, &c.

122. *Non procul ab arcu Constantini.*

CXXXVIII. T. Sempronij Gracchi Cos. Imperio auspicioque Legio: &c.

123. *Ad Thermas Vespasiani in vinea.*

CXXXIX. Fortunæ reduci & Ioui Sereno Diis Deabusque sub quorum tutela Augg. militant.

124. *In via qua conscenditur ab Amphitheatro ad Vespasiani thermas.*

CXL. Lucius Stratonicus Elpidi, &c.

125. *Ad aquarum receptacula thermarum Vespasiani, quæ Sotte Camarelle vocantur.*

CXLI. D.M.L. Terentij Afclepiadis, & L. Terentij Felicis filij.

126. *Ad Thermas Vespasiani.*

CLXII. Panes dij cum inscriptione græca.

127. *Ad arcum Septimianum.*

CXLIII. Paci æternæ domus Vespasiani Cæsaris &c.

CXLIV. P. Vedio Diogeni, Fedix Feliculæ &c.

128. *Ad Amphitheatrum.*

CXLV. I.O.M. & Iunoni Regina pro salute M. Aurelij Antonini.

129. *Ad Amphitheatrum.*

CXLVI. Iupiter Custos Domus Augusti &c.

130. *Ante ades Rusticorum.*

CXLVII. Autoritate Imp. Cæsaris Diui Traiani.

CXLVIII. Dacic. Germanic. Aug. Pont. Max.

CXLIX. Ossa L. Cor. Lamix & Tyches &c.

131. *In horto Alberinorum.*

CL. Diis Manibus M. Cornelio Euhodo &c.

CLI. D.M.C. Sabino C. F. Solua Angula.

CLII. D.M.D. Vedio Parthaco Patrona.

CLIII. D.M.T. Claudio Felici patri & Claudix Priuatæ matri &c.

132. *In domo Alberinorum.*

CLIV. Sta-

CLIV. Statua, par coniugum. Titius fecit, Laomedon genuit, rapuit Tiryntinus heros: mi soboles Ajax & Telamone fatus.

133. *Apud Alberinos.*

CLV. Statua trium imaginum. Matri Deum Martia Octacilla Aug. D.

134. *Subiacentia hæc duo videntur in domo Episcopi Valsæi.*

CLVI. Nemefi sanctæ. Campe Suri &c.

CLVII. D.M. Cn. Antonius Agathopus &c.

Ibid. In domo Albinorum.

CLVIII. D.M. L. Cæcilio Primogenio seniori.

CLIX. D.M. Cocetus Felix Cocceiæ Irene.

135. *In domo Episcopi Vellæi.*

CLX. Imp. Cæsari Diui Hadriani Aug. filio, Diui Traiani Parthici nep.

136. *Apud Episcopum Vellaium.*

CLXI. Fl. Eugenio præfecto prætorio consuli ordinario designato &c.

CLXII. D. M. P. Ælij Callinici.

137. *In domo Episcopi Vellæi.*

CLXIII. L. Antestius Cn. F. Hor. Sarculo Salius Albanus.

CLXIV. L. Antistius C. F. Hor. Sæculo &c.

138. *In domo Episcopi Vellæi.*

CLXV. Imp. Cæsari Diui Neruæ F. Neruæ Traiano Aug. Germanico.

CLXVI. D.M. Ælij Tamyri pueri ossa.

CLXVII. C. Cærellio Fufidio Anniorauo.

CLXVIII. Stiliconis (nomen abrasum) viro bis Consuli ordinario magistro vtriusq; militiæ &c.

139. *Ante ades Episcopi Vellæi.*

CLXIX. D.M. Venusto, subscriptio græca sequitur.

140. *Calendarium in marmore candidissimo, & quadrangulare scriptum, quod erectum est ad parietem minoris aræ domus Episcopi Vellæi.*

CLXX. Ianuar. Febr. Mart. Aprilis. pars dextera.

141. *Calendarij pars media.*

CLXXI. Maius, Iunius, Iulius, August.

142. *Calendarij pars sinistra.*

CLXXII. Sept. Octob. Nouemb. Decemb.

143. *In Palatio Episcopi Vellai.*

CLXXIII. Ab Luco Libitina Q. Coruncani Stati.

*Ibid. Saxum hoc in partes duas est diuisum & utrunq; eandem
habet formam & inscriptionem.*

CLXXIIII. Ti. Iulio Aug. L. Mnesteri.

144.

CLXXV. Petronia Nice, & Alcibiades, Alcibiadi Filio
dulcissimo, & desideratissimo cuius mors decepit patrem
suum, &c.

CLXXVI. Diis Manibus, Amempti Piuæ Auol.

145. *Apud Episcopum Vellaum.*

CLXXVII. D. M. Æliæ Diuæ Aug. L. Doridi & Atime-
to fecit mœrore.

CLXXVIII. Diis Manibus sacrum Q. Minuolus Felix.

146.

CLXXIX. Aspasiæ Dorkadi Matri sanctiss.

Ibid. In domo Episcopi Vellai.

CLXXX. E. IO. Stiliconi illustrissimo viro &c.

CLXXXI. Securitati cognationis suæ Fortunatus Aug.
L. Verna paternus. &c.

147. *Apud Cardinalem Vellaum.*

CLXXXII. Statua matronæ Sabina Augusta.

148. *Apud Cardinalem Vellaum.*

CLXXXIII. Annæ Pyralidi, L. Trophimus, &c.

CLXXXIV. Publius Decimius P. L. Heros Merula Me-
dicus &c.

149. *In domo Episcopi Vellai.*

CLXXXV. Pontificum monitu, Voto suscepto, Libe-
ropatri Hecatæus D.

150. *Apud Cardinalem Vellaum.*

CLXXXVI. Statua matronæ. Lucilla Aug.

F I N I S.

FRANCFORDII

Typis Ioannis Saurij, Impensis Theodoride
Bry Leodiensis, Cuius Francoford.


ANNO M. D. XCVII.

THE UNIVERSITY OF CHICAGO

LIBRARY OF THE UNIVERSITY OF CHICAGO

1000 S. MICHIGAN AVE. CHICAGO, ILL. 60607

UNIVERSITY OF CHICAGO PRESS



ΠΑΣΙΝ ΕΥ
ΦΡΟΝΟΥΣΙ
ΣΙΜΜΑΧΕΙ
ΤΥΧΗ.

NVL SANS SOVCY
DE BRY

III. PARS
ANTIQUITATVM
SEV

INSCRIPTIONVM
& Epitaphiorum quæ in saxi
& marmoribus Romanis videntur
cum suis signis & imaginibus
exacta descriptio.

auctore


IANO IACOBO BOISSARDO VESVTINO

*Omnia elegantissimis figuris in cere
incisis illustrata.*

per

THEODORVM DE BRY LEODIËSEM.

Civem Francfordien. A. M. D. XCVII.



d
d
c
e
d
f
i
c
L
f
c
P
a
a
c
r
n
S
n
n
p
S
S
n
c
f
b

AD LECTOREM

IANVS IACOBVS BOISSARDVS VESVNTINVS.



V M nati non sumus nobismetipsis, sed patrię, proximoq; & amicis, laude præcipua dignos existimo, qui suam operam, quantum ab iis fieri potest, impendunt & referunt ad vtilitatem multorum, seseq; ita gerunt, vt post obitum aliquod testimonium relinquant, quo probari possit, illos societati humanę & cōmodo publico studuisse. Quare dum viuimus, omnis nostra cura debet in hoc versari, semper si possumus, vt boni aliquid faciamus, & reipublicę simus vtilēs, proximoq; frugiferi. Nihil enim est tam tetrū, nihil tam aspernandum, nihil homine indignius, siue iuuentutem, siue virilitatem attigerit, aut eius ad senium vergat ætas, quàm otiosum & curis vacuum tempus impendere: bene mereri de multis laus est præstantissima. Hęc cū vera sint, habebit posteritas, quo Theodorum de Bry Leodiensem inter eos reponat, qui bono & vtilitati publicę studuerint: Qui si primo loco constitui nequeat, nulli certē secundus habebitur. Si diligenter consideremus, quantis sumptibus, quantis laboribus & vigiliis hætenus remp. literariam adiuerit: quam tot excellentibus libris ornauerit & auxerit; ad hunc scopum referēs omnes suos conatus, vt studioforum curę inseruiret, & iucunditatem delectationemque singularem vtilitati coniungeret. Nemo est qui nō legerit Indicarum nauigationum historias, quas non solum emisit in lucem eleganti narratione conscriptas; sed singula subiecerit oculis artificiosissimis picturis expressa, & tabulis ahenis ingeniosissime sculptis omnem rerum gestarum ordinem & seriem expresserit. Cumq; ad prouectam iam deuenerit ætatem, septuagenario non multo inferior, non patitur tamen senium infrugifero torpescere otio. Sed pristinę insistens solertię & diligentię, assiduos dies occupat sculpturæ. Ipse verò senex sit licet, chiragra podagraque debilitatus, manusque ac digitos nodosis tophis hebetatos habeat, animo tamē viuaci, & robur imbecillis corporis superante, non desinit summa arte, & expeditissi-

ditissima habilitate omnia coelare & sculperre: quo in exercitio plurimos etiam ætatis flore valentes videtur superare. Romanarum enim Antiquitatum, & inscriptionum libros suscepit excudendos, quibus marmora antiqua cum signis, figuris, & forma sua depinguntur. Totum hoc opus in quatuor tomos diuidit, ut cōpendiosius rem gerere possit, & sumptibus consulere, tam suis, quàm coëmentium: ut saltem eorum partem precio tolerabili obtineat is, qui totum nolit emere. Addetur Deo volente inscriptionum his voluminibus anti-que Romę typus & descriptio, cum suis insulis & regionibus: quales nobis expressit P. Victor, & Honufrius Panuinus: cui coniungetur hodiernę vrbs Topographia amplissima, qua singula singulorum locorum tam publicorum quàm priuatorum ornamenta, qualia nunc videntur, & quatrIdui spatio lustrari possunt obiter ab iis qui Romam profisciscuntur. Ea si laudentur, & à benignis lectoribus æqua fronte suscipiantur, subiiciemus locupletissimam Deorum genealogiam, & eorum simulachra; qualia ab antiquitate marmoribus expressa seruantur tam Romæ, quàm in aliis Italię vrbs. quibus addentur singulorum vitæ, & origines: & ne quid in his lector desideret, modum sacrificandi, instrumenta sacrificiorum, sacerdotumque habitus exprimemus. Postremo succedet inscriptionum peregrinarum tomus vltimus: quo continebuntur aliquot Italiæ, Galliæ, & Germaniæ monumenta. Hęc tibi, Lector candide, si probabuntur, & cum fructu & delectatione excipientur, abunde satisfactum erit auctori Boissardo & sculptori de Bry: quorum studia cōtendunt, ut omnibus prodesse possint & placere.


Vale.



ILLVSTRI AC GE- NEROSO VIRO

HERMANNO A GHOER, BARONI DE
PESCHE, DOMINO VILLARTII, ANDRIMONTII,
Brohainæ, &c. Domino suo colendissimo.

Ianus Iacobus Boissardus Vesuntinus.



AVDE præcipua digni semper judicati sunt, Heros
generose, qui studia, conatusque suos omnes ad utilita-
tem publicam contulerunt: Quoque plus profectus in
eo quis fecit, hoc de omnibus optimè mereri dictus est.
At cum occupentur homines circa subjecta dissimilia,
quicquid aggrediuntur, quò magis profunt proximo,
eo commendationem sibi conciliant luculentiorē. In hoc ordine
reponi debent Theologi, Medici, Iurisperiti, & juventutis instituto-
res. Curam enim gerunt animæ, corporis, & bonorum. Secundum locū
obtinēt, qui honestæ delectationi inserviunt: ut Musici, Pictores, Ar-
chitecti, & multi alii artifices, qui res necessarias ad conservationem vi-
tæ hujus suis inventis ornant, & expoliunt. Hi omnes dici possunt mem-
bra convenientia civitatis, & Reipublicæ benè constitutæ. Nec quisquā
eorum sua laude frustrari debet: dum modò aliquid in publicum con-
ferat, quod ad usus concivium facere judicetur. At felix est is, cujus vir-
tuti fortuna comes est. Non enim omnibus idem successus est: neque
eodem applausu benè facere datur unicuique. Cum hoc malè auspica-
to sæculo nemo fere reperiatur, qui invidiæ morsus, & vellicationem
vitare possit. Multi sunt [quorum malus est genius] qui aliena opera ita
tractant, ut curiosè inquirant quod reprehendi possit, morosam de mi-
nimis defectibus censuram ferentes: obiter autem prætereunt, dissimu-
lanterque, quod est laudabile. In eo doctrinam consistere putant, si ar-
gute ostendent alienos naves: suam autem maliciam ardeliones non

corrigan. Hic metus me hæcenus impedivit, quo minùs in publicum emitterem librum hunc; veritus non mediocriter Coryceorum istorum fannas; qui superfluos dicerent meos conatus, quòd materiam jam pridem ab aliis locupletissimè tractatam iterum allumerem, & crambem fastidientibus bis proponerem. Vicerunt tandem meam formidinem frequentes amicorum hortatus; qui precibus, & assidua instigatione compulerunt, ne tam diu isthæc supprimerem, quæ à plurimis cum fructu, benevolentia, & delectatione susciperentur. Atque utinam tempestivè eorum monitis me præstitissem audientem & morigerum. Non amissem magno dispendio, & insanabili dolore, quæ mihi perierunt. Cùm adhuc essem juvenis, suppeterentque vires corporis, in primis mihi ea insedit cura, Academias celebriores invisere: ut familiari conversatione cum doctoribus, judicium aliquod in re litteraria mihi adquirerem. Cumque naturali semper desiderio flagrarem videndi regiones externas, è Germania me in Italiam contuli: in qua sexennio integro vixi, studiis bonarum literarum, artiumque occupatus: & lustratione accuratissima tot præclararum urbium, quæ singulæ possent hominem multos annos detinere: Tam varia, tam admiranda præbent peregrinis inspicienda. Cùmque per calores æstatis, & hyemis frigora incommoda sit ubique profectio, summa diligentia illis anni tempestatibus excipiebam, quod observatione dignum esset. Ac ineunte vere, principioque autumnii me in viam dabam, cum amicis earumdem rerum studiosis, sollerti que indagatione præsentis disquirebamus, & scripto, picturaque exprimebamus, quod nobis aliquando usui fore videbatur: accrescentibusque nostris observationibus, augebatur & plura discendi cupiditas. Factum autem est ut Neapoli in Calabriam cum sociis itinerum profectus, moraremurque diutiùs quàm par esset in locorum perlustratione, neque comitatus ille equestris [quæ caravannâ vocât, eiusque præfectû Procacium] tunc esset nobis idoneus, neque tutus nobis videretur reditus Neapolim, ob latrocinia frequëntia, quæ plurimos paulo antè in discrimē vitæ adduxerāt: Consultû omnibus visum est Hydruntum solvere, & trajicere in Corcyram; unde in Cephalleniam, Zacynthum, deinde in Pelopónesum venimus: trahente nos longiùs videndi cupiditate, quàm bono iudicio. Ibi cùm in statione moraremur, audivimus adpropinquare Venetorum triremes, quæ quotannis Iopem viatores [quos peregrinos vocant] devehunt, & illic exponunt, ut Hierosolymas invisant: cum quibus placuit Syriæ partem videre. Sed contigit ut Methonæ febri ardentissima correptus, à suscepta navigatione revocatus sim: relictusque apud mercatores Venetos, qui in ea urbe negotiabantur. Vbi postquam convalui, veni in Honusfrii Pallantii familiaritatem. Huius cōsilio me recepi in monasterium quod incolebat (erat enim monachis sancti Basilii præfectus, quem

quem Protosyndulum vocant: fratresque illius ordinis Callogeri, vel Callogerontes dicuntur) Hic Honufrius, ut erat vir pietate, doctrina, ac singulari comitate præditus, tractavit me amicè, detinuitque menses fere quinque, studiis meis adprimè delectatus: & quòd videret me vacuas horas poësi, pictura, vel sculptura indefinenter impendere, indefatigabilique labore disquirere fragmenta & reliquias antiquitatis, inscriptiones marmorum, & numismata Principum Græcorum & Latinorum: quæ passim inveniuntur, quocunque sese olim extendit Imperium Romanum. Boni hujus viri beneficio factum est, vt, licet cum difficultate, pleraque loca maritima, & multarum urbium ruinas magna cum voluptate, & admiratione contemplerer. Quas calamo quàm potui artificiosè conatus sum exprimere: sicut & Italiæ, aliarumque regionum antea feceram, & postea feci. Non solùm urbes, arces, cœnobîa, portus, montes, lacus, fontes, speluncas, & aliorum locorum situs, de quibus historiæ mentionem aliquam faciunt: sed etiam brevi narratione adnotaram origines, leges, mores, habitusque populorū, & quicquid animadversione dignum putabam. Hoc mihi cùm satis feliciter successisset, & à multis viris doctissimis cum laude non mediocri meū studium exciperetur, sperabam fore, ut temporis successu tantos labores, tantisque sumptibus collectas observationes in publicum emitterem. Sed cùm multis annis præfuerim institutioni generosorum juvenum Francisci & Gedeonis, filiorum illustri Herois Claudii Antonii à Vienna, Baronis Clervantii, Copetii, &c. quibus præceptor fui successivè in Gallia, Germania, & Italia: Hæ me à proposito diverterunt occupationes; quominus potuerim præstare, quod jam dudum mihi erat in animo. Postquam autem adolevissent, & cum pio parente infelicibus his bellis civilibus [quibus Gallia & Belgium flagrant, & funditus corruunt] magno bonorum omnium dolore pro patria vitam impendissent: Tantis Mecænatibus destitutus (licet eorum mater clarissima matrona Catharina Heuia, ex mariti mandato mihi liberalissimè providerit de omnibus necessariis) senex jam factus domum me recepi; ut reliquum vitæ spatium, quod mihi largitura est Dei benignitas, impenderem transcriptione, & dispositione eorum, quæ sine ordine cōfusè servabantur meis scriniis. At at proh dolor, conatus consiliaque mortalium irrita semper sunt, nisi divino favore fulciantur, & promoveantur. Contigit enim ut in ea devastatione, qua Montbelgardensis comitatus, incurfione Lōtharingorum, ferro & incendiis fere totus immaniter absumptus est, libri mei, collectiones, innumeraque numismata, & fragmenta antiquorum librorum papyraceorum, linteorum, & quæ corticibus, membranis, intestinisque, sardonycis, onychinis, & gemmis scripta servarā, vel dono data à nobilibus, vel precio maximo, & laboribus infinitis re-

dempta tot annis accumulaveram, uno momento prædæ militū omnia cesserint. deque tam multis rebus terra marique quæsitis, solum restat æternumque desiderium. Et certè eorum jactura mihi videri posset tolerabilior, si ea venissent in manus viri alicujus, qui ex iis posset fructum facere, & ad utilitatem publicam convertere. Sed quantum audiivi à sorore Philippa, in cujus domo scrinia mea asservabantur, pagus igne consumptus est, multis etiam crudeliter interfectis: neque unquam rescitū est, quid de meis factum sit sarcinis. Noluit tamen Deus benignus me prorsus destitui iis, quæ mihi antea singulari favore contulerat. Nam biennio ante hanc depopulationem, transtuleram Metas partem voluminis antiquarum inscriptionum, quæ Romæ diversis in locis, tam privatis quàm publicis conspiciuntur. Sunt enim Romani præter cæteras orbis nationes istorum ornamentorum studiosissimi: quibus illustrent porticus, cænacula, deambulacra, areas, & hortos suarum ædium: peregrinisque ea proponunt spectanda tanta facilitate & comitate, ut beneficium, quod in externos conferunt, videantur ipsi recipere. Persuasumque habent illud in primis ad suas laudes pertinere, si invisantur ab hospitibus, maximè literatis, aut qui possint judicare de pictura, sculptura, & architectura. Romæ igitur cū essem, depinxi, quæ potui sedulitate, omnia marmora prisce illius antiquitatis, cum suis inscriptionibus, signis, statuis, & forma uniuscujusque: Meumque opus auxerunt clarissimi viri Lælius Cleopassus, & Veturius Leontius Hydruntini, Lentulus Venti-dius, Rutilius Saravesa, & vir singulari eruditione cultus Iulius Roscius, Sanctæ Mariæ Translyberinæ canonicus, qui ante quadriennium ad me misit plurima recenter è ruinis Romanis eruta, ut duas Priapi inscriptiones, & alia plurima, digna quæ ad publicos usus conferantur: Ex quibus eam partem meis libris inserui, quæ inscriptiones continebat; propterea quòd ad susceptam materiam pertineant. Nam de statuis, & signis nudis, non mihi cura fuit hic multa immiscere: tam propter ingentes sumptus, qui in sculptura requiruntur, quàm quòd inscriptionum major sit utilitas, & ad nostrum institutum faciunt. Hæc cū viderem posteritati posse conducere, & adprobari ab iis, qui bonarum artium studia sequuntur, aliisque illiteratis quidem, sed judicio pollentibus, existimavi operam me præstiturum non supervacaneam, si quæ confusa erant, in ordinem redigerem, & typis excussa emitterem in lucem. Cūque istos labores possem multis illustribus, & de me benè meritis dedicare, tu solus inter cæteros mihi visus es, cui ex officio deberent consecrari: Cū generis splendore, nobilitate insigni, virtute, & eruditione nulli sis secundus. Hoc ut audaciùs facerem, compulit me illustris Heroïna Lois à Vienna uxor tua, de me cum matre ac sorore Nicoïea semper optimè merita. Honorificum sanè mihi duco tuam promereri benevolentiā, & me iis
gratum

gratum præstare, quibus omnia quæ possideo accepta fero. Si igitur, Heros generose, meus hic conatus dignus videatur, qui tuo inscribatur nomini, ac serena fronte excipias librum hunc, quem libens tibi humiliterque offero, existimabo mihi plurimum emolumenti ac laudis accessisse, scopumque quem mihi proposui attigisse. Necesse fortassis fuisset multa hic adnotare, quæ ad dilucidationem, & explanationem singulorum facerent. Sed cum hoc opus non sine magna difficultate perfici possit, & in plerisque (quod alii multi fecerunt) divinandum esset, & hallucinandum, malui supersedere huic labori, qui ex omni parte non posset omnium expectationi respondere: Nudèque & simpliciter tibi quælibet proponere putavi consultius, quàm nimis jejunè & minùs ad rem facientia futiliter scribere. Doctissimis quibusque hoc non parum negotii facessere nemo est qui dubitet. Iudicabunt benevoli lectores de mea sedulitate & industria: Vnusquisque comminiscetur & commentabitur quod commodum putabit & verisimile: & siquid minus concinnè videatur expressum, si quis in literis defectus inveniatur, quod procul dubio fiet non paucis in locis: rogabo obnixè ut considerent lectores (qui potissimum aliquando lustrarunt marmora antiqua, situ ac temporum injuria mutilata & exesa) quàm difficile sit omnia notare, & accuratè exprimere: cum in lectione vocabuli unius diversi diversa iudicabunt expressa: neque fortassis ex plurimis invenietur aliquis qui verum scripturæ sensum concipiat. Ego didici longa experientia quanto cum labore, & morosa divinatione consecutus sim plurima, quæ doctiores ante me non potuerant videre. Addam præterea multos esse qui malignitate noxia, & data opera corruerint inscriptiones: ut soli veras & integras possiderent, reliquis vitiatas & mutilas reliquerunt: Alii & in hac parte peccarunt ignorantia: cum ea quæ non cognoverant, neque intelligebant, perperam restituere conati sunt. Sed in omnibus adprobandus est affectus: si potissimum manum non adhibeat sacrilegam iis, quæ nobis ab antiquitate relicta sunt obscuriora; qui non potest iudicio capere quæ nimis difficilia sunt, relinquat ea discutienda sollertioribus: neque stolidam emendationem vitiet quæ ignorat. Præstiti quod potui: & fortasse plus potui quàm alii multi potuerunt. Censeram peritiorum lubens feram in iis, in quibus peccasse probabor: Tibi verò, generose Domine, si satisfecero, non dubito quin & alii plurimi meam hanc operam sint laudaturi. Merces egregia tribuitur illi, cuius studia & labores viri boni ad publicam utilitatem, & delectationem referri posse testantur.

Vale felicissimè. Metis Mediomatricum, Calendis Ianuarii,
anno Christi servatoris, cIo. Io. xciII.



PAVLVS MELISSVS, SACRI PALAT.
COM. EQVES TORQ. ET CIVIS ROM.
in effigiem I.I. Boissardi Vesuntini.



VIVS heic labia, & genas, comamque,
Lector, eminulam virente lauro
Admirantibus inspicias Camænis,
Boissardus meus est vetus sodalis,
Amicusque bonus, velutque frater.
Mî versatur in eminente lingua:
Inque ipsis oculis perennè fertur:
Omnis hæret in intimis medullis.
Diverso varius colore pictor,
Vestium Phrygio nitore textor,
Carminum Latio decore fictor.
Ternis muneribus remuneravit
Me sodalis, amicus, atque frater,
Pictura, & Phrygia plicâ, & poësi.
Quei discederet à sonante lingua?
Quei relinqueret is meos ocellos?
Aut quei defereret meas madullas?

PETRVS



PETRVS LEPIDVS METEN
SIS REGIORVM NEGOTIORVM
SUMMVS PROCURATOR APVD
Mediomatrices, Tullios, & Vir-
dunenses,

IN EANDEM EFFIGIEM.



VISQVIS viderit hanc brevem tabellam
Excellens Theodori opus, putabit
Naturæ arte nova, & novo favore
Chartas posse animari, & æra, & aurum,
Et quæcunque hominum metalla formam
Vividam induerint. Mei Iacobi
Sic spirare videntur, & moveri
Ora, & velle loqui, atque hiare labra;
Et nictare oculos simul, tueriq,
Aestantes. In imagine, hospes, hæres
Muta: quæ exprimit ad vadum Mosellæ
Viventem, Austrasiæque in urbe Musas
Colentem. Tibi si tamen voluntas
Absentem fuerit videndi, ad eius
Scripta verte animum: Tibi illa prodent
Boissardi ingenium, intimamque mentem:
Cujus heic faciem levi papyro
Tam exactè manus artifex notavit.

IACOBVS PASCHARIVS MEDICINÆ DOCTOR,

IN EANDEM.



*Eximius Phaethonta Myron depinxit: at eius
Non potuit vires docta referre manus.
Boissardum expressit pictor: decus atque labores
Scire quidem potuit, pingere non valuit.*



PAVLVS MELISSVS, COM. PALATIN.

EQUES, ET CIVIS ROMANUS, IN
librum Antiquarum inscriptionum
I. I. Boissardi Vefuntini.



ANTIQVITATES, quas per ampla Romule
In urbe miramur, tua,
Boissarde, pridem dextera, haud graui sine
Labore pictas, tam diu
Latere prius ecquid ah in scriniis,
Ecquid tot annis obsitas
Senere perfers? ede tandem, amabo te,
Et has, tuosque Casares,
Spirante factos è metallo viridos.
Prodesse nati, plurimis
Prosimus; haud amiculis solummodò.
Non Imperator hic recens
(Vt liberalis est) vetustis cesserit,
Pensans labores regibus.
Auro coronet ille, justis præmiis
Tuam remunerans manum:
Lauro decoras ipse (namque hac dignus es)
Tibi renodabo comas.
Addam corymbos, myrteasque bacculas;
Auctorque posteris ero,
Laudes ut æternante versus hos tuo
Sculpant honori in marmore.

VATIQUE PICTORIQUE SOLERTISSIMO,
MUSIS AMICO ET GRATIIS,
PERENNE BOISSARDO SUPERSTITI, DATUM
VIX QUALE CONSTAT MORTUIS,
MERCEDIS ERGO COLLOCANDUM MARMOR HOC
ÆTERNA FAMA CENSUIT.



PETRVS

PETRVS LEPIDVS METEN-
SIS, REGIORVM NEGOTIORVM
SUMMVS PROCURATOR APVD
Mediomatrices, Tullios, & Vir-
dunenses,

IN EASDEM ANTIQVITATES.



*Bruta ruderibus jamdudum Roma jacebat,
Fædabatque altus mœnia quassa cinis.
Deq; tot & tantis opibus vix fama superstes
Vulgarat quædam non habitura fidem.*

*Eductam medio de pulvere traxit ad auras,
Boissardusque iterum vivere posse dedit.
Si quæras igitur, Romam quis condidit? aio,
Te primum accito fratre, Quirine, Remo.
Sed quam condideras, volventibus omnia Fatis,
Vrbs latè florens interitura fuit.
At quam Boissardus meliori vulture nobis
Edidit, hæc nullos est subitura rogos,*

PAVLI CHOVRTI BVZENVALII, REGII
APVD BATAVOS LEGATI.

P*allentes Latii Manes, cinerisque sepulchra
Custodes veteris, Romulidumque decus,
Sistite nunc faciles, meritaque repandite laudes
Boissardo: simili qui simulachra manu,
Hoc est divina, vobis sub luminis auras
Edit, & obscuris eruit è tenebris.
Ne tenuem texens sublimis aranea telam
Fluxum opere in tanto pendula opus faceret:
Ille triumphales arcus, monumenta laborum
Tantum à mortis limine restituit.
Apparent rursus moles ad sidera ductæ:
Consurgunt longa pondera victa die,*

*Marmora tot conscissa locis, tot tecta superbis
 Postibus innixa, heu quæ jacuere prius,
 Erigis, & Boissarde nova sic exprimis arte,
 Ut stupeat formæ, reddita Roma sue.
 Totque sepulchra virum clarum referentia nomen
 Crescere mirentur jam moritura suum.
 Quis posthac non imber edax subducet honores,
 Flamma ve: sed de illis charta loquetur anus.
 Sic quod ab artificis sperabant munere primi,
 Acceptum tibi post sæcula longa ferent:
 Roma fave: tibi namque tuo de pulvere majus
 Surgit opus, steterit quàm caput antè tuum.*

ODOARDI BIZETI CHARLÆI,
 NOBILIS TRICASSINI.

*¶ VI veterum veneranda petens monumenta vagaris,
 Siste gradum: heic variæ terminus esto viæ.
 Nil opus antiquas urbes peragrarè: superba
 Illa, illa ut videas, obstupeasque videns.
 Quæ rigido aut saxo, splendenti aut marmore priscum
 Artificum effinxit non imitanda manus.
 Nam, Boissarde, tuis dudum concredita chartis
 Nunc prostant cuiusvis conspicienda domi.
 Cujus & ingenio, penna & meliore nitescent,
 Erepta horrenti, quo jacuere, situ.
 Mire opifex, sparsim quæ pæne absorpserat ætas,
 Exiguo cogens das redi viva loco.*





IACOBVS PASCHARIVS, MEDI-
CINÆ DOCTOR.



*Ecropios quicunque sonant, Parthosve, Getasve,
Aut recinunt summos orbis in orbe Duces;
Magna petunt, Boissarde: decus nomenque perenne:
Post sua quò liceat vivere fata rogant.
Id labor, & docta peperit facundia lingua,
A sera ut possint posteritate legi.
Quos tamen ut longo superes discrimine solus,
Munere Roma tuo nunc redi viva facit.
Antea quæ densis scriptorum immersa tenebris,
Optatum latuit vix subitura, diem.
Æternùm tu vive igitur: cui Roma superstes
In mediis vivit vivere iussa rogis.*

IOANNES GARDESIVS MONTAL-
BANUS, SANCTANTONINI-
anæ Ecclesiæ Præfectus.

*VM renovas antiqua, tibi nova gloria cælo
Surgit: & illius sternax non subruet ætas
Mænia, quæ longi ludibria temporis esse
Nescia, vastificis quæ nescia cedere telis.
Sic, Boissarde, tuæ restant sua præmia laudi.
Viva suis etenim superavit Roma ruinis:
At tua post mortem tibi fama futura superstes.*

EIVSDEM.

*Antiqua ignorans puer es: liber iste paretur;
E puero faciet te liber iste senem.*



AD ILLVSTREM ET GE- NEROSVM HEROEM

HERMANNVM A GHOER, BARONEM DE
PESCHE, DOMINUM VILLARTII, ANDRIMONTII,
Brohainæ,&c.Dominum suum colendissimum.

Ianus Iacobus Boissardus Vesuntinus.

HAMA Quirinales vulgat mirata triumphos,
Templaque Romani prodigiosa fori:
Et quæ Tarpeios retinent delubra Colossos,
Carpatissque olim marmora ducta jugis.
Circorumq; aditus, crebrisque theatra columnis,
Et testudineum quod pavet amnis opus.
Magna fuere quidem: sed quæ fulgentia quondam
Inspexit rutilo tecta micare lare,
Nunc videt attonitus sparsas squalere ruinas,
Et tectam crebris sentibus hospes humum.
Heic ubi Casarei picti viguere Penates,
Clara Palatinæ quæ fuit aula domûs,
Hæc loca ramosa propagine contegit arbos:
Antra que nocturnis illa relicta feris.
Sparsa jacent mediis divorum signa plateis:
Nullus honos Phæbo, gloria nulla Iovi.
Et quæ gemmato miracula prodidit arcu,
Horret in herbosis muta Minerva toris.
Obvius ostentat quæ sunt ignota viator:
Martius heic trito tramite campus erat:
Hoc Circo celeri volitabant axe quadrigæ:
Hoc populi alipedes dextra premebat equos.
Heic stetit in vasto populi manus Amphitheatro:
Iulia famosa heic porticus illa fuit.
Fortunæ heic fanum: vinosi heic templa Lyæi:
Hoc culta est olim diva Erycina loco.

Heic

*Heic Veste arcanos clausis penetralibus ignes
 Virginei fovit cura operosa chori.
 Urbis ab antiquo sors hæc miserabilis ævo,
 Pro rebus rerum signa vetusta refert.
 Et quæ Romanæ nome sibi vendicat urbis
 Nunc structura frequens, pars brevis urbis erat.
 Sic tu non Romam, potiùs vestigia Romæ
 Dicas, externas quæ tulit orbis opes.
 Multa tamen sunt quæ possunt ex ungue leonem
 Prodere, & à sera posteritate coli.
 At quæ ruderibus, passimque jacentia vidi,
 Non mihi susceptus scribere cuncta labor.
 Sed quæ posse olim studiis prodesse putavi,
 Hæc volui chartis inseruisse meis.
 Nempe ea quæ sculptis extant monumenta figuris,
 Quæcunque a tiqui temporis acta probant.
 Iamque opus exactum fuerat; longoque labori
 Visus eram summas imposuisse manus.
 Cum tumet en subito signis illustre volumen,
 Plebeia renuens veste venire foras.
 Ne me privato vulges sub nomine, dixit:
 Sed laudem tantæ sedulitatis habe.
 Est operæ precium tutorem quærere, cuius
 Ipse patrocinio clarior esse queam.
 Principibus non sunt isthæc indigna, nec illis
 Qui cava Pierii saxa Heliconis amant.
 Austriaci superest generis doctissima proles,
 Augustum Imperii quæ diadema gerit.
 Est & Saxonici Princeps celeberrimus oris:
 Inque Caledonia Virgo Britannia plaga.
 Qui benè de studiis dudum meruere: Sed illos
 Ne sit tam longis quærere cura viis.
 Ghorræum sacræ præbent Heroa Camæna:
 Excultum Musis is quoque pectus habet.
 Ex priscis illi manavit origo Sicambris:
 Ortum animo, & clara nobilitate refert.
 Imperioque opibusque potens, atque ubere gleba,
 Culta Eburon dives rura ubi bobus arat.
 Fulgentem galeam cingit Permesside lauro:
 Aureaque Aonia temperat arma chely.*

Et quem saepe habili cupidus moderatur habena,
 Pegasus est, sancti quo petit antra lacûs,
 Et lustrans latices Phorcynidos Hippocrenes,
 Martia Pæoniis irrigat ora favis.
 Hinc sit Apollinei cætus ut fautor haberi
 Et velit, atque artes ingeniosus amet.
 Hæc monuit, nomenque tuum, fumamque notavit,
 Excellensque tua nobilitate genus.
 Tum memini quantis dudum virtutibus æques
 Quos hodie primo mundus honore colit.
 Et quantum in Musas studium fuit usque, fidesque:
 Sæpe uti hospitio quæ voluere tuo.
 Hæc, inquam, domino debentur; vindice sub quo
 Audebit lucem noster adire liber.
 Livida nec Moni curabit labra, nec illam
 Quam crebrò immeritis concitat invidiam.
 Quod tibi conatus, si industria nostra placebit.
 Talia nec vanus sit subiisse labos;
 Accipe quicquid erit: Tibi enim hæc, auctorque dicantur:
 Quæis majora mihi nec dare plura licet.
 Quæ deerunt operi venia dignare: nec illud
 Durior exacta dextra balance notet.
 Non hinc immodicos tumidi captamus honores,
 Grande nec in populos quod mihi nomen eat.
 Quilibet utatur: quodque heic putat utile, carpat:
 Atque abeat præda ditior ille mea.
 Supprimat & fumam, deberi quæ mihi posset,
 Si iudex meritis æquior esse volet.
 Pro qua animus non est nimium contendere: Non sum
 Qui vener laudes ambitiosus homo.
 Iure aliis de nostro etiam concedo libenter:
 Nec me illis, dum æquum est, posthabuisse pudet.
 Quorum virtutem & doctrinam admiror, amoque;
 Omnibus hos studiis, officiisque colens.
 Pendetur, meritum quæ æquet, justissima merces;
 In primis videar si placuisse tibi.





DE ANTIQVÆ VRBIS ROMANAE SITV. ET ORIGI- NE: PRÆCIPVISQVE EIVS RVINIS, ET RELIQUIIS, QUÆ IN HODIERNUM VSQVE DIEM SUPERSUNT:



ROMANORUM majestas & amplitudo religione, atq; arte militari maximum statim à principio cepit incrementū. Quibus in rebus ita excelluerunt, ut cæteras orbis nationes lōgē vīsi sunt superasse. Nec abs re Romulum urbis cōditorem Martis filium prodiderunt: qui primus civitatem suam ex Pastorum confluxu, deinde ex fugitivis, & exulibus, ampliavit; quibus Asylum, ac admissorum impunitatem proposuerat, ut plures ad se alliceret. Rapto itaque primū, & armata manu res paulatim auxit, vicinosque ad amicitia, tā vi, quā cōsilio cōegit. Hunc secutus est Numa Pompilius: Qui cū animadverteret in violentia non satis esse præsidiū, ad beatē tranquilleque vivendū, armis religionem statuit cōjungere. Ritibus itaque piis, & sacrificiis, quæ didicerat ex Sabinis, unde natus erat, novę urbis incolæ agrestes, rudes, & malè moratos ad pacificam vitam, & cultum Deorum reducere conatus est: iis persuadens nihil in hac vita stabile, nihil diuturnum constare posse, nisi Deorū ope, & auxilio fulciretur: Utque religionē, quam suis civibus proponebat, efficacem, sacrosanctam, & inviolabilem conservaret ritus & sacrorum ceremonias, quas invexerat, ad Ægeriā Nympham referre voluit: cū ea enim quotidianos cōgressus sibi esse fingeat, & ab ea doceri accuratē quos sibi honores, & cultū Dii singuli cuperent præstari: Ex horū duorū regū legib⁹ & institutis, nō solū urbis mœnia fūdata sunt, sed etiam gubernatio civitatis cōstitutā; primū sub regibus, postea sub consulari dignitate, postremò sub Imperatoribus. Factumq; est ut temporū intervallo eò usque Romana creverit potētia ut diversis bellis Latium subjugaverint, Albanorū regnū ad se trāstulerint. Iisdēque armis, ac successib⁹ metas sui Imperii propagaverint per totā Italiā, Græciā, Galliā, Germaniam, & Hispaniā. Imo bonā Asiæ partē occupaverunt

usque ad Parthos: Ægyptum sibi subjecerunt, & Africæ oram, à Nilo usque ad fretum Gaditanum: Majorque fuit, ac potentior illorum Monarchia, quàm priùs extiterat Babyloniorum, Assyriorum, vel Macedonũ. Nempe qui aliorũ regna & provincias omnes occuparint in Oriente, legesque dederint omnibus Europæ populis, qui ad occasum, & Septentrionem dominabãtur, usque ad Oceani littora. Donec succellu annorũ Constantinus magnus Roma relicta Bizantium se recepit, eoque transtulit Imperialis majestatis tribunal. Ac paulo post relicto Orientis dominio Constãtini posteris, Carolus magnus Occidẽti præfuit: & ad Germanos redacta est Imperii summa: quæ longa Principum serie pervenit ad Rudolphum secundum Maximiliani filium, qui hodie rerũ potitur.

At cùm de Romana origine pauca nobis sint hic dicenda, altiùs paulò narrationem meam ordiar. Romam inhabitaverunt primùm Siculi: quibus expulsi Arcades duce OEnotrio Lycaonis filio locũ occuparũt. Postea Pelasgi cum Aboriginibus eò concesserunt, qui Theffali dicebãtur. Idque ante Troiam dirutam. Saturnus deinde Apterita ex Creta pulsus à filio Iove Asterio, fugit in Italian; & ad Ianum Aborigenum regẽ se recepit, à quo benigniter exceptus est: Ianoq; mortuo regni successor relictus est. Aliquanto post Nicostrata, quæ dicta est Carmenta, cũ Evandro è Theffalia venit ad Faunum regem Aborigenum, à quo parte regni donata est, & Palatium oppidum cõdidit, non procul à Tyberi. Anniq; aliquot sequentibus everfo Ilio, cum filio Ascanio venit Æneas in Italiã ad Latinum Fauni filium, & ducta Lavinia Latini filia, in societatem regni est admissus: Tunc ex Aboriginibus & Troianis Latini facti sunt. Ænea tãdem à Mezentio Hetruscorum rege casso, Ascanius regni sumpsit administrationem: Laviniumq; & Albani longã struxit: moriẽsque diadema reliquit Silvio fratri, Laviniaẽ novercæ filio: Longoque regum Albanorum ordine, rei summa pervenit ad Amulium; qui expulso Numitore fratre, regnum per vim retinebat. Lauso fratris filio casso, & Silvia Rhea filia in Vestalium congregationem compulsã: ut illic perpetuæ virginitatis lege obligata, sobolem nullam haberet. Sed à Marte compressa, gemellos peperit Remum & Romulum: quos statim Amulius exponi præcepit. At infantes ad ripam Tyberis vagientes à Faustulo regionum armentorum custode reperti sunt, traditique Laurentiæ uxori, à qua possent educari: quæ quia non esset pudiciçiæ satis integræ, lupa vocabatur: hinc fabula emerfit, infantulos Lupam primùm lactavisse. Hi igitur inter pastores nutriti, postquam adolevisse, captus est Remus, & apud Amulium accusatus, quòd greges Numitoris raptibus frequentibus imminueret. Captivum juvenem Rex ad fratrem misit, ut ab eo puniretur: Qui post diversa colloquia cum avo Numitore vicissim habita, eius nepos ex filia Rhea cognitus est.

Iam

Iam eò advolaverant festini Faustus ac Romulus, ut victo fratri ferrent opem. Re ita que cum avo communicata, ac conspiratione facta, ex improvise, & nihil tale suspicantem Amulium omnes aggrediuntur, & obruant; regnumque Numitori restitunt. Gemini verò fratres Alba relicta, ad Tyberim descendunt, ubi fuerant expositi, & Romam condunt: anno post Troiæ subversionem quadringentesimo trigesimo secundo. Urbis igitur mœnibus designatis, cum de nominis impositione inter fratres orta esset rixa, Romuli iussu de medio sublatus est Remus: Novæque urbi ac civibus nomen dedit.

Principium igitur suum Romana autoritas & magnitudo cepit à Romulo. Is suam urbem quadrata forma struxit: Primumque Palatinum montem, in quo fuerat educatus, incoluit. Postea Capitolium & forum conjunctum est. Tatiùs à saxo Carmentali ad Tyberim, inde ad Circum maximum pomœria extendit, Palatinum Capitoliumque includens: quibus adjecit Quirinalem & Cœlium mōtes. In urbe Romuli quatuor tantum fuerunt portæ Carmentalis, Romana, Pandana, & Ianiculensis. At cum Romani variis usi victoris essent in bellis contra vicinos, victos sua civitate donaverunt. Factumque est ut cum mœnia priora tantā non caperent multitudinem, Tullius, postquam de Sabinis & Albanis reportasset victoriam, Cœlium montem, & Esquilias addidit urbi. Post illum Ancus, Politorio capto, mœnium ampliavit ambitum, victisque hostibus habitandum dedit Aventinum. Nec multo post Latinis Ianiculum concessum est. Postremò à Servio Tullio Viminalis & Quirinalis adiecti sunt urbi. Tarquinius Superbus mœnia primum struxit lapidea. Sed aliquanto post sub Imperatoribus longè amplior circuitus pomœri redditus est: utpote qui circiter mille & viginti passuum millia tempore Plinii contineret. Cum autem Roma in sua esset amplitudine, portas habuit plurimas, situ ac nominibus diversas. Flumentana, sive Flaminia, quæ hodie Porta populi dicitur, ad viam Flaminiam sita est, & collem hortulorum. Collatina, quæ Collatiam ducebat, in eodem est colle: nunc Pinciana vocatur. Quirinalis quæ & Agonensis & Collina, nunc Salaria. Viminalis, sive Ficulnensis, & Numentana, hodie sanctæ Agnetis, à templo adjacente. Tiburtina, quæ ad Tibur iter pandit, structa est in aquæductu fontis Martii. Esquilina, quæ & Taurina dicta est, nunc Porta sancti Laurentii. Nævvia olim Labicana, hodie porta major nuncupatur. Cœliomontana sive Asinaria, nunc sancti Ioannis. Gabiufâ ad Gabiorum urbem duceps, suum nomen retinet, estque clausâ, ad Cœlim collem videtur. Latina non procul à templo sancti Ioannis, in Latium tendebat, hodie nomen suum non immutavit. Capena, quæ & Camœna, propter Camœnarum delubrum illi vicinum, vel Appia, ab Appio

DE ANTIQVÆ

Senatore, qui viam sui nominis illic stravit: vocata est etiam Triumphalis, quòd ea triumphantes urbem ingredereretur: vel Fontinalis, à fontibus frequentibus illi portæ vicinis: nunc sancti Sebastiani porta appellatur. Tergemina porta in usu non est hodie: ejus vestigia prope Salinas adhuc extant. Ostiensis, nunc sancti Pauli, Ostiam ducit. Portuenſis, nunc Porta Ripæ vocatur, ad Ostiensem portum iter pādit. Aurelia est versus Ianiculum: nunc dicitur Porta sancti Pancratii. Septimiana (quam Septimius Severus struxit) Ianiculo subjacet; Ælia dicta est ab Ælio Hadriano eius autore. Mœnium ambitus tercentum & sexaginta turribus distinctus est: quarum pars major in hodiernum usque diem permanet integra: reliquæ nutantes, & semirutæ conspiciuntur. Ab urbis portis protēdebantur plures viæ, opere ac impensis illustres: Inter quas omnium excellentissima fuit Appia, quæ ad Capuam usque protendebatur: strata fuit lapide nigro durissimoque: septa utrinq; templis & sepulchris magnificentissimis, & luco Ægeriæ. Ejus partes videtur adhuc nō procul ab urbe, & quā itur Terracinam. Hanc straverat propriis impensis Appius Senator. Via Flaminia facta fuit à Cn. Flaminio M. Lepidi collega; quod opus inchoatum est post Ligures devictos: eaque Pisaurū usq; ducebat. Latina per Labicanum extendebatur ab urbe in Latium. Ostiēſis versus Ostiam tēdebat: ab Anco Martio strata est. Tyburtinā itur ad Tybur: in ea pons est Mammeus, & Lucanus Anieni superpositus. Ficulnensi via Numentum ibatur: in ea Naniæ deæ funebres templum habebāt, & dii noxii, ut Nemesis, Febris, & Mars ultor. Pons Numentanus adhuc hodie ad eam videtur viam, quem Narses Eunuchus struxit. Via Collina extēdebatur à porta Salaria Sabinos versus: ad eam erectum est templū Veneris Erycinæ, à Fabio Dictatore conditum, & delubrum Veneris Verticordiæ, & Honoris ara. Æmylia via, ab Æmylio Lepido Flaminii collega strata est lapidibus, usque Bononiā. Fuit & alia ejusdem nominis, quā Scaurus struxerat: eaque Pisas & Lunam ducebat per Sabatios. Tyberina quæ à porta, quam Viridariam nominant, principium suum habet, ducit Sutrium, Vtrelam, Viterbumque, & iter in Volſinenſem præstat. Aurelia via per Tuscorum oram marinam Pisas protendebatur: hæc dicta est Traiana, quòd Traianus illam restauraverat: ad eam horti & sepulchrum Galbæ fuit erectum.

Pontes quoque super Tyberi structura magnifici adhuc extāt: quos etsi Totila fere omnes fregit & evertit, sunt tamen restaurati, & ad pristinam formam reducti. Ælius pōs, ab Ælio Hadriano structus est, quo iretur ad insigne illud sepulchrum Antoninorum, quod tantis sumptibus erexerat: quod olim arx Crescentii dictum fuit, à Crescentio quodā, qui eam molem occupaverat: nunc dicitur Castellum sancti Angeli, præsidium Summorū Pontificum munitissimum. Vaticanus pōs dictus est
Trium-

Triumphalis:quòd per eum triumphantes suas pompas in Capitolium ducerent: ejus pilæ adhuc medio Tyberi conspiciuntur, è regione Xenodochii Sancti Spiritus. Ianiculensis pons, qui & Aurelius, ab Antonio Pio marmoribus fuit stratus: nunc vocatur pons Xyxti, à Xyxto III. P.M. qui eum instauravit. Fabricius, priùs Tarpeius vocabatur, à L. Fabricio structus est: nūc quatuor capitum, à marmoreis simulachris quadrifrontibus, quæ ponti vicini sunt, dicitur: estque è regione Theatri Marcelli, ubi insulam cū urbe conjungit. Cestius eandem insulam regioni Transtiberinæ connectit: olim Esquilinus, nunc sancti Bartholomæi. Senatorius pons, qui & Palatinus priùs dicebatur, quòd per eum in Palatium conscenderetur, nunc sanctę Mariæ Ægyptiacę nomen tenet, à templo quod non procul distitum est. Sublicius, quem olim ligneum fabricaverat Ancus Martius, postea ab Æmylio Lepido factus est lapideus, & marmoreus appellatus. Ex eo facinorosi in Tyberim præcipitabantur.

Explicare verbis nemo satis posset quantas impensas olim fecerint Romani reges, Consules, & Imperatores, in admirandis ædium structuris, tam publicis quàm privatis, in Thermis, Circis, Theatris, Templis, & aliis ejusmodi: quorum reliquiæ satis ostendunt Romanam potentiam, & industriã potuisse quid libet præstare: Qui cū semper ad res arduas, maximè ad famam promovendam adspiraverint, nihil intentatum visi sunt relinquere, quo sui nominis memoriam ad posteritatē, quantum viribus, & ingenio humano præstari potest, producerent. Ideo per totū Imperium structa tēpla legimus sumptuosissima, nō solūm Diis, quibus hoc ex pietatis officio præstari debebat, sed etiam bonis Principibus, & claris viris: quorum ductu, & consilio Reipublicæ majestas fuerat promota. Hos Senatūs auctoritas inter indigetes solemni consecratione referens, ritibus divinis, ceremoniisque, & publicis inscriptionibus eorū nomina æternitati cōsecravit. Honos enim ad virtutē stimulus est acer: neq; roboratur efficacius, & ad honestas actiones incitatur animi generosi promptitudo, quàm si famam sibi æternam laudabilibus conatibus animadvertat præparari. Quodque sordidi & avari propter lucrū laborant, nobiles & illustres animæ propter famam promptius aggrediuntur. Propterea in hodiernum usque diem nullam Imperii Romani provinciam cernimus, quæ non demonstret aliqua elogia marmoribus insculpta, quibus anteaكتورum temporum memoria ad vitam novam reduci videatur: ut benemeritorum civium, vel Principū honos, quantum humana præstare potis est industria, in perpetuū prorogetur. Hęc opinio & honorifici nominis desiderium plurimos movit, ut diversis in locis, tã in urbe, quàm foris, erigerent publica ædificia, impensis & opere celeberrima, quę tam usui populorum, quàm recreationi, & voluptati inser-

virent. quorum pars ad nostram ætatem pervenit integra; reliquorum (quæ temporis injuria, bellorumq; violentia subversa jacent) ruinæ passim per totam Italiã, cum tãta spectantiũ admiratione suspiciuntur: ut ex parvis reliquiis facilè judicèt omnes, nihil tam arduũ, nihil tam difficile cogitari potuisse, quod ingenio & labore tantorum artificum non sit olim perfectum. Tantæ lapidum moles spectantur adhuc erectæ, ut mōtes montibus superimpositos dixeris: Tanta structurarũ, tamque varia continuatio, tantum artificium in omnibus; tam diversa marmora ex longinquis quæsitæ regionibus, ut in unius urbis ornatum, accumulata credantur omnia, quæ toto orbe excellentia conquiri potuerunt. Inter cætera quæ nobis ingeniosa reliquit antiquitas summa admiratione digna, sunt Thermæ, loca publica quibus unus quisque excipiebatur ad lavandum. Introducebantur enim in eas Thermas aquæ derivatæ è suis fontibus, & per aquæ ductus sumptuosissimos fluebant in loca destinata, ubi calefiebant, & preparabantur ad usus balneorum: Quibus amplissimæ porticus superbis fultæ columnis, deambulacraque, incrustatione marmorum, & pavimentorum varietate ornatissima adjuncta erant: & natatoria, & Xysti, & nemora amœnissima, in quibus promiscue cujuslibet conditionis homines sese recreabant, & exhilarabāt, genio & voluptatibus indulgentes: earum enim Thermarum & balneorum major usus olim fuit, quàm nostro tempore.

Thermæ numerantur in urbe duodecim structura, sumptibus, & fornicum amplitudine, laborumque precio admirandæ. Traiani, Titi, Agrippæ, Syriacæ, Commodianæ, Severianæ, Antoninianæ, Neronianæ, Diocletianæ, Decianæ, Constantinianæ, & Septimianæ. Ex quibus nullæ extant magis integræ quàm Diocletiani, quæ in dorso Viminalis erectæ sunt: Et Antonini Caracallæ ad radices Aventini, prope templum sanctæ Balbinæ. In iis enim monstrosæ altitudinis testudines, & columnæ marmoreæ adhuc superstites, passim humi jacētes & prostratæ conspiciuntur: Labraque, quibus lavabant homines, ex Ophite, Porphyrite, Alabastro, & preciosissimis marmoribus servantur multis in locis, quorum impensas & precium nemo facilè potest æstimare.

Thermarũ Titi Vespasiani vestigia sunt non procul à delubro sancti Martini in montibus: ubi aquarum receptacula visuntur, quæ septem salæ vulgò nuncupantur: haud procul inde repertæ sunt ante aliquot annos quædam cellæ subterraneæ, quarum parietes elegantissimis picturis sunt variegatæ: in quibus priorum artificum jucunda & elaborata manus cernitur: ad quarum imitationem id picturæ genus, quod Grotescos vocant, renovatum est: à grotta enim, quæ speluncam sive cavernam significat, denominationem sumpsit. De reliquarum Thermarum, ac balneorum ruinis plura non dicemus hoc loco, ne nostra narratio, quam

quam brevem instituímus, tædio lectorem adficiat.

Theatrorum & Amphitheatrorum ædificia Thermas nisi superet, æquare sanè nemini dubium est. Ex quibus extat quasi integrum Statilii Tauri Amphitheatrum, prope mœnia, ad tēplum sanctæ Crucis in Hierusalem. Amphitheatrum omnium maximum extructum fuit, à Vespasiano inchoatum, & à Domitiano perfectum, & ornatum incrustatione marmorea, & signis statuisque frequentibus. Est enim inter Cœlium & Esquilias: eratque capax octoginta millium hominum. Nunc vocatur Coliseum, à Colosso solis, qui prope fuerat erectus: factum est ex Tiburtino marmore, lapidibus ingentibus: ut stupeas, & mireris tantas moles exscindi, & aliò transportari potuisse. Hodie destructum est ex majori parte, & ex ejus lapidibus Palatium Cancellariæ est ædificatum: relicta tamen est portiuncula integra, ut ex ea judicari possit, quàm splendidū fuerit ædificium, cū esset integrum: quod dicitur undecim annis absolutum fuisse, à triginta millibus hominum, qui in eo laborarunt assidue, donec ad perfectionem fuit adductum.

Theatrum Marcelli visitur ad palatium Sabellorum: Hoc Augustus Cæsar erigi curavit in honorem Marcelli ex sorore Octavia nepotis: cui adjunxerat bibliothecam insignem mater Octavia, & Porticum vicinā, ornata variis simulacris deorum, & illustrium virorum.

Est & aliud Theatrum, quod Pompeii dicitur; inter Marcelli Theatrum, & forum Iudeorum. Ejus pars adhuc integra erecta est ad palatiū Vrsinorum: Hoc lapideum Pompeius primus fecit, cū antea in urbe Theatra essent lignea, quæ tandiu manebant, quādiu populo ludi exhibebantur. Pompeius verò mansurum perpetuò incœperat, quod Caligula absolvit.

Fuerunt etiam Romæ porticus publicæ erectæ, in quibus deambulabat populus ad recreationem sub umbra: quarum ruinæ adhuc extant multis in locis: quemadmodum ad templum sancti Laurentii in Miranda videtur pars porticûs Antonini & Faustine: & in foro Romano tres illæ columnę striatę, fragmēta sunt porticûs Liviæ: & ad templum Iunonis monetæ (quod nunc sancti Angeli in Piscatorio foro dicitur) pars videtur porticûs Mercurii: altera Severi in platea Iudeorum. Antonini Pii alia inter Pantheū & Sciarre vicum, quæ tantum reliquiæ sunt exiguæ magnificarum illarum structurarum quas antiquitas suspexit.

Columnæ quoque mirandi fuerunt artificii, positæ diversis locis in urbe: quarū duæ supersunt adhuc structura, & artificio celebres: Omnium integerrima est Traiani Columna cochlis, quæ in foro Principis ejusdē stat erecta, inter forum Nervę, Capitolium, & Quirinalem. In eius ambitu rerum gestarum series à Traiano, elegantibus historiis sculptura expressit. Per eam intrinsecus conscenditur gradibus 185. Fenestellæ 40.

lucem præbent ascensui. Alia est columna cochlis non minoris altitudinis, artificiique; non procul à templo sancti Laurētii in Trullio: quæ Antonino Pio sacra fuit: ad cuius fastigium non patet ascensus, sicut in Traiani columna: quòd hæc Antonini media sui parte confracta, gradus & concavitas interna planè sit ruderibus obstructa, neq; ampliùs sit pervia.

Circos quoq; plures fuisse constat Romæ. Inter quos præcipuus numeratur Circus maximus, inter Palatinum & Aventinum. Longus (teste Plinio) stadiorum trium, latus uniùs stadii. Is spectantium ducenta & sexaginta millia capiebat. Primùm à Tarquinio Prisco cceptus est, postea ampliatus à Cæsare, & variis templis, signis, & statuis ornatus.

Circus alter fuit Agonalis: cuius latitudo & lōgitudo fere videtur nō procul à templo S. Apollinaris, & dicitur vulgò in Agone. A Numa Pōpilio erectus est: in quo Agonalia quotānis celebrabātur in honorē Iani: postea à Nerone restauratus est, & locorum adjectione amplificatus.

Flaminius Circus fuit olim, ubi hodie videntur officinæ obscuræ: nō procul à templo S. Catharinæ: In eo ludi Apollinares, & equestres exhibebantur populo.

Circus Floræ vicinus fuit Pilæ Tiburtinæ, & foro Archemori: ibi fiebant Floralia quotannis, ludi in quibus turpia publicè patrabantur: in hunc Circum Cato Censor studio videndi cū esset ingressus, & compertum esset populo, prodire non ausi sunt actores: quod ubi Cato animadvertit, furtim se subduxit, ne populi moraretur, & impediret spectacula: unde natum proverbium: ingressus est Cato, ut exiret.

Circus alius, sive Hippodromus Castrensis integer fere visitur ad viā Appiā: haud procul à sepulchro Cæciliæ Metellæ, quod Capo di Boi vocatur: ad angulū arcis Prætorianæ: quā alii dicunt fuisse Pomætiæ muros.

Arcus Triumphales à Romanis erigebantur viris illustribus, & Imperatoribus: qui debellatis provinciis triumphum merebantur. In iis gesta triumphantium inscidebantur, ad perpetuam rerum memoriam: videturque adhuc hodie aliquot erecti, tanta altitudine, tãta lapidum mole, ut Gigantum robore potiùs, quàm hominum opera credas fuisse compactos, & constructos. Arcus Titi Vespasiani antiquissimus omnium videtur in foro Romano; quā ad Amphitheatrū patet descensus super via sacra, ad parietes templi S. Mariæ novæ: Arcus hic Tito sacratus est, devictis Hierosolymis: ut apparet in statis, & sculptis captivorum, & triumphatium imaginibus: ubi representantur spolia templi Iudaici: arca fœderis, tabulæ Mosis, candelabrum, & vasa sacra, quæ in triumpho ferebantur.

Arcus Septimii Severi erectus est adhuc integer ad radices Capitolii: in cuius frontispicio utrinque, res gestæ Principis terra marique conspiciuntur sculptæ.

Constantinus magnus Arcum posuit triumphalem ad angulum Palatini montis: non procul ab Amphitheatro: parum admodum mutilatus est, aut annorum injuria læsus: nisi quod statuarum capita sint avulsa: idque factum est nostro tempore, Pontificatum tenente Clemente VII. à Laurentio Medices ejus nepote: qui propterea pulsus est urbe. Hunc arcum struxit Constantinus, debellato & submerso ad Pontem Milvium Maxentio, qui tyrannide Romanos immani vexarat. Arcus Galieni Imperatoris ex Tiburtino lapide stat erectus ad templum sancti Viti, quâ descensus est ad Suburranum clivum.

Arcus Domitiani, qui hodie Tripoli dicitur, mutilatus videtur prope templa S. Silvestri, & S. Laurentii in Lucina.

Arcus Fabianus (quem Fabius Censor dicitur erexisse devictis Allobrogibus) in via sacra conspicitur, iuxta regiam, & basilicam Pauli.

Obeliscos diis erectos, & in circis sepulchrisque positos videmus multis in locis, ad magnificentiam & ornatum: & ut plurimum lapide Thebaico Ægyptiaco, signato literis Hieroglyphicis. Inter omnes obeliscos qui per totum Romanum Imperium positi sunt, nullus fuit major illo, qui in circo maximo fuit erectus, qui longus fuit pedes, 132. Eodem in circo fuit alter minor, qui non superavit longitudinem pedum, 88. Uterque dicitur stratus latere sub terra hortorum, qui complent Circi amplitudinem. In Vaticano fuit alter obeliscus, qui in sua longitudine continet pedes, 72. præter acuminatam partem, quæ alta est pedes, 6. & semis, & bassim quæ latet sub terra pedes, 37. Obeliscus in parte inferiore latus est ped. 12. min. 5. in superiore verò ped. 8. min. 5. continet hanc inscriptionem, DIVO CÆSARI DIVI IVLII F. AVGVSTO TI. CÆS. DIVI AVG. F. AVGVSSACRVM. In eius fastigio globus erat deauratus, quo Iulii Cæsaris cineres inclusisse dicitur Tiberius Cæsar: qui obeliscum hunc ex montibus Æthiopie, per Nili alveum curavit advehi Romam: alii ornamentum Circi Vaticani fuisse dicunt. Hoc tempore, 1586. Sixti VI. P. M. jussu remotus est à latere templi Vaticani: & erectus in ampla illa platea, quæ Palatio Pontificum adjacet: factumque est id, opera Dominici Fontanæ Comensis Architecti, non sine spectantium omnium summa admiratione, qui tantam mole loco moveri, & aliò transportari posse nulla humana arte credebant: cum nostro tempore pauci inveniantur, qui in talibus rebus ingenio valeant: quod principes sumptus facere vel nolint, vel nequeant: & sprete passim architectorum contineatur industria. Obeliscus hic quem Fontana transtulit è suo loco, ponderat libras, 965148.

In Campo Martio videtur adhuc obeliscus ejusdem longitudinis, qui stratus jacet in cellis subterraneis aliquot ædium, prope Doganam veterem. Et is literis Hieroglyphicis est cultus. Duo alii cernuntur jacentes, & conflati ad templum S. Rochi prope portam Flaminiam: quorum singuli

continent longitudinem pedum, 42. Fragmenta sunt Mausolei, quod Augustus erexit; ut in eo Cæsarum cineres recondiderentur: & ejus sepulchri ruinæ frequentes sunt, à posteriore parte S. Rochi testudinibus & cellulis adhuc ex bona parte integris. In via Appia, in illo Castrensi Hippodromo, jacet obeliscus ingens medio intervallo inter vepres: qui notis Ægyptiacis in toto circuitu ornatus est. Alii aliquot minores in urbe servantur: ut ad ædem S. Eustathii: & in hortis Mæcenatis.

Aquæ ductus non minore magnificentia, & splendore struxerunt antiqui: per quos aquæ diversis è scaturiginibus, montibus effractis, & canalibus continuis in urbem perducebantur, ad usus tam publicos quàm privatos. Horum aquæ ductuum pars magna extat adhuc, tã intra quàm extra mœnia. Castellaque, & aquarum receptacula opere testudinato, multa adhuc supersunt integra. Aquarum quæ in urbem influebant nomina hæc in auctoribus citantur. Appia, Martia, Virgo, Claudia, Herculanea, Tepula, Damnata, Traiana, Annia, Halsientina. Cœrulea, Iulia, Algentiana, Sabbatina, Aurelia, Septimiana, Severiana, Antoniana, & Alexandrina. Ex quibus Aqua virginis sola permanet: quæ vocatur hodie fonte Lotreio: ejusque aquæ ductum, & fontem restauravit Nicolaus VI. Pont. Max.

De templorum structura, deque eorum ornamentis non est necesse ut multa hoc loco inferam: cùm tota urbs iis plena sit: omnibusq; in regionibus extent plurima, sumptibus & arte elaboratissima. Inter cætera unum sumemus, de quo paucis verba faciam, & legentibus hunc tractatum proponam, ut ex eo de cæteris judicium possint facere: quæ à patribus illis piis patribus, cum essent Christianam religionem amplexi, rejecerint prophanorum, & Gentium idolis, consecrarunt Apostolis, & sanctis Martyribus: ne perirent splendida illa ædificia, quæ tantis sumptibus, & opera tam præclarorum artificum fuerant constructa. Inter ea igitur quæ in urbe videntur templa, nullum magis integrum superest, nullum architectura admirabilius, quàm Pantheum. Hoc à M. Agrippa erectum est, & dicatum (ut quidam volunt) Iovi ultori: Alii Cybele sacrum fuisse malunt: multi asserunt, quod sit verisimile, omnibus Diis devotum, unde Pantheum nominatum est: Hodie sanctæ Mariæ rotundæ vocatur. Structura elegante, latericio constat opere. Nullæ in eo templo fenestræ: Pars fornicis superioris aperta, & ampla lucem dat inferiori loco: qui totus illustratus est marmoribus preciosissimis, distinctusque cellulis, & receptaculis, quibus simulachra deorum continebantur: Inter quæ fuit olim Minervæ statua eburnea, Phidiæ sculptoris opus absolutissimum. Fuit & Veneris signum elaboratissimum, cui adplicatus erat unio ille admirabilis, quem Plinius unicum & singulare opus Naturæ vocat. Hunc Augustus devicto Mar. Antonio & Cleopatra, ex reginæ
auri-

auricula detraxerat : & quia illi par in toto terrarum orbe non inveniretur (nam alterum huic similem dissolutum Cleopatra proposuerat bibendum eo convivio, in quo cum Antonio de sumptu decertabat) Cæsar in duas partes hunc discindi iussit, & ad statuam Veneris, quæ in Pantheo erat adplicari. Pondus hujus unionis erat dimidię uncie, hoc est 80. ceratiorū, ut nostri temporis aurifabri loquuntur. Præcium æstimabatur ducetorum & quinquaginta millium coronatorum. Pantheum hoc laminis argenteis tectum erat: quas Constantinus Heraclii nepos detraxit, & cum reliquis Romanæ urbis ornamentis abstulit secum, ut suam Constantinopolim excultiorē redderet. Sed in navigatione Syracusas appellens, ibidē mortuus est: spoliaq; omnia, quæ sacrilegus Roma abstulerat, in Ægyptū translata sunt à Barbaris, qui paulo post Imperatoris obitū in Siciliam venerant. Plus damni hic Constantinus intulit Vrbi septē diebus, quibus Romæ moratus est, quàm Gotthi prius ducetorum annorū spatio, quibus Italiam occupaverant. Statuas enim aureas, argenteas, eburneas, aeneas, & marmoreas, in quibus sculptorū, artificumq; nobilium labos singularis, & toreumata spectabantur exquisitiora, obeliscos marmorū peregrinorū, & reliqua Urbis ornāmēta præcipua navigiis aufertabat innumeris: sed præda diu potiri nō potuit: amissa vita cū sacrilegio. At Pantheum hoc (de quo nobis institutus est sermo) porticū habet, quę tredecim columnis fulcitur, Thebaici vel Æthiopici marmoris durissimi, quod Ophite vocatur: nunc Granitum (ex quali lapide facti sunt fere omnes Obelisci majores: & colūnæ illę ingentes, quæ sunt erectæ prope palatium Veneti Ducis: quas nōnulli ineptę, & imperitę prodiderunt ex fusili materia cōflatas: quam artē cōficiendi lapides, sicut & purpuræ cochillis modus, nobis injuria tēporum periisse volunt. Postes, laquearia, & valvę, quæ sunt vastissimæ in hac Panthei porticu, ex ære deaurato cōspiciuntur. Scalę cochlides, quadrata & aperta structura, usque ad tectū porriguntur: Ad quarum similitudinem & normā alię sunt erectæ in palatio Vaticano, sed forma rotunda. De reliquis templis, quæ frequentia vidētur tā in urbe quàm foris, heic de singulis verba facere nō est mei instituti: cū eorum explicatio in immēsum produceretur: Et hujus libri secundo tomo subjūcturus sum brevē topographiam, in qua declarabo singula singulorum locorum ornāmēta, quo loco & ordine à peregrinis viatoribus, triduo vel quatrduo possunt perlustrari. Superfedebo igitur huic labori, & ad alia me convertā, quæ ad hunc tractatū facere vidētur.

Cū apud antiquos tam Græcos quàm Latinos (sicut & apud Ægyptios, & Hebræos factitatū certum est) summa semper fuerit sepulturæ, & funerum reverentia: sumptusque ingentes populi omnes profuderūt, in sepeliēdis mortuorum corporibus: quę alii balsamo, preciosissimisq; aromatibus cōdiebant, exquisitis & supersticiosiis ceremoniis prius ex-

terata, & omnibus repurgata excrementis, quæ putredinem admittebāt, inq; sepulchris integra recōdebāt sanctissimē, sicut in Ægypto, & in Italia ora Tyrrena: ubi aliquādo corpora inventa sunt illæsa sed exsiccata, quibus continebantur phialæ, & volumina corticum, vel membranarū, notis diversis, & characteribus hieroglyphicis plena: & hodie adhuc ex Ægypto advehuntur ad nos mortuorū corpora exenterata, & balsamo medicata, quæ Muniā vocant Chirurgi ac Medici: in horū cōcavitate cēlantur sapius parvæ statuæ Canopi, cōfectę ex terra satis fragili, & superinducta nescio quo mastyce cyanei coloris, qui gēme (quā Turquescam vocamus) similitudinem refert. Tota facies anterior in nonnullis, in aliquibus totus circuitus, hieroglyphicis notis tegitur, quæ superstitionas aliquas ceremonias, ad defunctos spectātes cōtinēt, & mysteria secreta: quę solis prophetis, sacerdotibusq; olim legi poterāt: erant enim characteres hieroglyphici triū generū prophetici, regii, & plebei. Priores duo lectu difficiles erant: ultimum cōmune omnibus: licet hodie ad cognitionē paucorum perveniāt. Cū multis in locis Canopi statuas viderim, nullā me adnotasse excellentiorē memini illa majori q̄ in domo Marii Delphini servatur: facta ex simithe, vel ex balsathe lapide durissimo. Et aliam huic non minùs admirādā ex terra, quā superiùs recitavimus; quā servat vir clarissimus Petrus Lepidus Metensis, regionum negotiorum summus Procurator, in ditione Mediomatricorum, Virdunensium & Tulliorum: hanc tertio volumine inscriptionū inserturus sum: illa Delphini priori hoc libro extabit. Græci in suis funeribus, sicut & Latini, suorum corpora non servabant aliarum nationum more: sed post Syllanā tyrannidem, & bella civilia, quibus corpora è monumentis extracta, per ludibrium ab inimicis trahebantur uncis & harpaginibus, laceraque in cloacas, vel profluenta projiciebantur: ut tam impia spectacula impedirent, cadavera mortuorum rogis imposita, sollemniter in cineres redigebant: quos urnis aureis, argenteis, aheneis, marmoreisve, vel fictilibus (pro cujusvis conditione & facultatibus) sanctē excipiebāt, & multis ceremoniis recondebant sepulchris, ad hoc pietatis officium præparatis: commixtis cineri gemmis, auroque in pulverem redactō, & imminuto: adjectis etiam aromatibus selectissimis, & amicorum lacrymis. Hancq; postremā pietatem defunctis parentibus, consanguineis, & amicis quāto poterant apparatu, studio, curaq; præstabant, addentes funeribus suorum ludos, encomia publica, & sacrificia solēnia, diis Manibus & Inferis. Sepulchra quibus cineres claudebantur ornata erāt epitaphiis, & diversis inscriptionibus, quibus defunctorum nomina exprimebātur, plerūq; mortis modus, ætatis anni, dies, & horę, dona q̄ ad aras quotannis conferebantur; & testamenti explicabant ordinē. Existimabantque illa omnia maximē pertinere ad mortuorū animas: quibus hoc officio, & justis in-

feriis pandebant iter facilius per Acherōta ad inferos, & illis placabilio: res reddebant Infernos iudices Minoa Rhadamantū & Æacum: ut sine Eumenidum flagris, incolumes ad Elysios penetrarent cāpos, & post potum Lethes, omniū prioris vitæ tædiorū obliiti, fruerētur æterna quiete: Cōsulere quoq; se existimabant cōsolationi viventium, dū desiderium suū mitigabant, & dolorem minuebāt cōceptum ex obitu eorum; quos habebāt carissimos. Et hac officiosa, ultimaq; cura, benevolentia postrema persolvebant amicis, & vitā vita functis prorogabāt, memoriā illorū ad posteritatem protendentes. Vetus sanè fuit hæc ubiq; superstition: nihilq; remansit tenatius insculptum mentibus hominum, quàm curiosissimis inferiis, & ceremoniis funera suorum p̄movere: Memini cū Romæ essem, & familiari colloquio interesssem viri nobilissimi Marii Delphini Patricii Romani, & Titi Celsi Syracusani: inter quos cū facta esset mentio Testacei mōtis, quem erectum ex coacervatione vasorum, & urnarum fictilium in medio Circo Olympico videm⁹, rejecta opinione vulgari eorum, qui asseverabant eas urnas fuisse, in quibus tributa diversarum nationum Romā transferabantur, & in eum acervum semper exponi solitas. Ridiculā sententiam explodebant, & conjectura probabili statuebant, illum montem uno eodemque tempore erectum, ex urnis funebribus, quas edicto publico, tam pii Pontifices, quàm Imperatores Christianam doctrinā amplexi, jubebāt eò cōferri in unum, & quasi sepeliri eodē in loco, cum reliquis fūnerum sacris instrumentis, quib⁹ ad has ceremonias Idolatræ solebāt uti: & simul eodē edicto cautum fuisse, ne aliis sacris & expiationibus uterentur populi, quàm Christianis, Mirum est illū mōtem, q̄ in circuitu plus quàm duo millia passuū cōtinet, & in altitudine 160. pedes, constet tamen ex solis urnis funebribus, & integris: ut probatum est ab Antonio Lafrerio sculptore Pōtificio, qui ad latus hujus montis effodiens satis profundē, urnas novas, integras, & venusto toreumate formatas invenit: quoq; alti⁹ fodiebat, eò vasa magis extrahebat integra, eaq; ad cineres mortuorum tātūm accommōdata: ut testabātur inscriptiones aliquot, quæ vel in ansis, vel in ventre urnarum sculptæ legebantur: ex quibus duæ tantūm mihi super sunt: quarū prima hoc cōtinet. Diis Manib. Sexti salve, Sexti vale: Et alia, D.M. Livilla æternum parentis infelicis cōdolum, & desiderii. Neq; approbabāt summi illi viri eorum dicta, qui assercebant locum illum fuisse destinatum figulis: qui frequentes habitabant ad Tyberis ripam: qui ne fluvii impedirent alveum, jubebantur rupta fictilia, & excrementa omnia in eum locum conferre: Non est probabile Circum illum Olympicum, in quo se assiduò exercebat juvenus Romana ludis equestribus, & aliis exercitiis militaribus, fuisse tam vili, & sordido negotio destinatum. Sed ut sese res habeat, certum est totum illum immanem acervum, erectum esse ex vasibus funebribus: quo probatur maximum fuisse eorum

usum inter antiquos: & unum quemque magnum eorum numerū domi suæ preparatum habuisse ad funera: si modò verum sit Pontificum, Imperatorūque edicto cautum, & iussum esse, ut omnia uno tempore in unum locum cōferrentur: eiusque rei memoriā pio silentio suppressam. Illi suā opinionem probent. Nihil interea certius fuisse constat, olim ab omnis conditionis hominibus profusissimos sumptus factos in inferiis solvendis, in sepulchris struendis; & in donis, quæ legabantur ad sacra pro defunctis, & epulas celebrandas: cū tantūm ubique videamus epitaphiorū, ut nullus sit urbis angulus, qui nō possit ꝑducere magnū eorū numerum: & ut plurimū marmora sunt peregrina, & maximæ æstimationis: Idem quoq; factū legimus à Græcis, Asiaticis, Ægyptiis, & aliis barbaris nationibus. Hinc illæ pyramides Ægypti stupendæ magnitudinis & architecturæ. Quarum prima à Chemini rege, quadrata forma structa est ante tria millia annorū: cōtinetque una quæque facies in sua basi 1680. pedes: alta (secundum Diodorum) sex jugerū: quæ efficiunt, 1440. pedes: cūm jugerū costet 240. pedibus. Belonus, qui nostro tēpore eas dimēsus est, asserit hanc pyramidem Chemnis continere gradus 250. qui simul efficiūt pedes 800. Facta est hæc enormis structura ex lapide Arabico durissimo, ut æternitatem promittere videatur. Omnium minimus ex iis lapidibus, tringinta pedibus longior dicitur: erecta que hæc moles loco arenoso, quatuor à Mēphi (quæ hodie Cairus vocatur) milliaribus, uno cū dimidio à Nili ripa. Secunda pyramis priore multo minor, sed ex eodē lapide structa est à Cephō Chemnis fratre: cuius facies unaquæque in sua basi lata est pedes 625. & hæc solida est: cūm prima contineat intrinsecus cōcamerata loca: ac in medio sepulchrum ex marmore nigro confectū. Et puteus effosus est in introitu profundissimus, qui ad Nili altitudinē respondere dicitur, cūm Pyramis utraque in monte sita sit. Tertia Pyramis omnium minima Mycerino regi tribuitur: vel ut alii malunt, ad Rhodopem meretriculam Æsopi fabulatoris conservam referenda est: quæ meretricio quæstu tantum collegit facultatum, ut hanc pyramidem reliquis quidem minorem, sed artificio atque opere non inferiorē erigere sit aggressa. Pars enim illius inferior usque ad altitudinem 22. pedum, facta est ex Basalthe Æthiopico lapide, nigro & durissimo: superior pars, quæ in acumen exsurgit, ex eodem lapide constat, quo duæ superiores. Prope has pyramides erectum est caput ingentis magnitudinis ex eodē Basalthe, super grandi basi ex eodē lapide. In suo circuitu continet pedes 102. Plinius scribit fuisse Sphingem humana facie, sed leonino corpore: quæ à ventre ad altitudinem capitis cōtineret pedes 143. incertum est an hoc caput ejus fuerit Sphynge, an alterius. Sphynes certē antiquitus Sepulchris adhiberi arcano mysterio docet experientia, in tot epitaphiis, quæ adhuc Romanis in marmoribus conspiciuntur. In eadem Ægypto Labyrinthus admirabili structura fuit ædificatus, ad regū sepulchrum,

de hoc Herodotus in Euterpe mentionem facit, illumque præfert pyramidibus, reliquisque omnibus operibus, quæ in Græcia spectantur: templis etiam Ephesio, & Samio. Diodorus dicit structum esse à Meni, sive Maroso rege, ut in eo sepeliretur: ad cuius formam Dædalus Atheniensis alium in Creta Minoë regnante ædificavit, sed multo minorem, & artificio inferiorem.

Artemisia Halicarnassi regina Mausolo marito regi Caria post obitum erexit magnificentissimum sepulchrum: cui antea par non fuerat, neque postea visum est. Tanto enim affectu virum cõplexa est, ut corpus in cineres redegerit; quos cum non existimaret dignos qui putrescerent terra reconditi, hos potui commixtos deglutivit paulatim: ut corpus corpori dilecto jungeretur arctius. Convocavit interim artifices toto orbe celeberrimos, qui Cenotaphium erigerent congestis in unum facultatibus: Ædificium quadrata forma fuit: in circuitu 411. pedes continens, in altitudine cubitos 45. Hujus tam sumptuosæ structuræ architecti fuerunt Scopas, Bryax, Timotheus, & Leochares: qui singuli faciem unam Mausolei quadrati, quanta potuerunt arte, & exquisita sedulitate perfecerunt: horum autoritas, & experientia in sculpendo, tantum famæ tribuit operi, quantum impetrat, quæ factæ sunt à regina: His quatuor additus est quintus artifex nomine Pythis: qui quadratæ imoli pyramidem addidit altitudine æqualem cum inferiore structura. Pyramis 24. graduum ordines continebat, ornata columnis ingentibus 36. Fastigium cuius sustinebat quadrigas, cum statua Mausoli ex marmore purissimo.

Hæc apud peregrinos ambitioso famæ studio fiebant: quibus Romani prono in gloriam affectu nunquam cesserunt. Augustus Cæsar ad imitationem Artemisias struxit Romæ sepulchrum amplissimum, in quo Cæsarum cineres reconderentur, quod Mausoleum vocavit: Ejus ruinæ videntur à posteriore parte templi S. Rochi, ad portam Flaminiam: & duo illi obelisci ex lapide ophite, qui fracti jacent in platea anteriore, fragmenta sunt superbi & vasti illius ædificii.

Tiberius Cæsar ex Ægypto curavit advehi Romam obeliscum illum Vaticanum, qui hodie unicus erectus est & integer: in cuius summitate, globo deaurato, Iulii Cæsaris cineres repositi sunt: ut nostro tempore persuasum est.

In eodem Vaticano sepulchrum habuit Scipio, metam sive pyramidem diversis signis, & marmoribus insignem: cuius reliquæ adhuc spectantur in pronao templi Vaticani, quod Paradisum vocant: ad cuius parietem Iotus pictor celeberrimus historiam Christi pinxit Mosaico opere claram. Scipionis sepulchri partes sunt, ingens nux pinca, quæ continet defuncti cineres, & pavones aenei deaurati.

Videtur & Pyramis alia integra, & erecta ex candido marmore

ad portam Ostiensem, mœnibus urbis inserta, quâ testaceum montem spectant. In qua literis amplissimis Cestii nomen sculptum est: qui erat Collegii Epulonum magister, sive septemvir: quamvis hâc pyramidem totius Collegii sepulchrum nonnulli existimant: ut est verisimile: Privati hominis non esset tantos profunderè sumptus, ad excitandû tanti precii sepulchrum.

Septimius Severus, ut aliquam sui memoriam celebrem relinqueret, monumentum erexit columnarum frequentia, & magnificentia spectabile: tanta altitudine, ut cætera urbis ædificia longè superemineret: continebat enim constagnationes septem (unde septizonium vocatum est) quarum tres tantum hodie supersunt, longa annorum, & temporis injuria nutantes, & ruinâ minitantes: reliquiæ extant ad templum S. Luciae, sub colle S. Gregorii.

Inter cætera monumenta, quæ Romæ fuerunt celebria, Moles illa Hadriani Imperatoris facilè eminuit, ac nisi primum obtinuit locum, nulli certè alii secunda fuit. Hanc Imperator (ut erat vir ingenio mirabili, & laudis, perpetuique nominis unicè studiosus) erexit, variisque marmoribus, signis, & columnis preciosissimis exornavit: in qua cineres Antoninorum servarentur. Ejus molis ornamenta postea detracta sunt, & ad ædificia publica sunt adplicata: dum arx in ea strueretur, quæ hodie Castellum S. Angeli dicitur. Columnæ illæ templi veteris Vaticani, omnium quæ in tota Italia videntur speciosissimæ, sepulchri hujus pars sunt.

Longum esset annumerare ea omnia, quæ tam in urbe quàm extra urbem videntur monumenta: nulla enim pars est, nullus locus, qui non trahat in admirationem spectantes: tanta ubique marmorum varietas, tanta columnarum frequentia, & sublimitas, tanta fornicum, & testudinorum ædificiorum amplitudo, ut ab hominibus facta vix sit credibile. Inter quæ meritò reponi potest Cæcilie Metellæ sepulchrû ad viam Appiam structum, quod Capo di boi dicitur: Id enim ex purissimo marmore albo factum est, forma rotunda, in turris amplissimæ formam. In circuitu capitibus boum artificiosè concinnatis & sculptis distinctû. Quodque in eo maximè mirandum est: artificio tã singulari composita est ea moles, ut Echo loquentium voces septies, & octies distinctè & articulatè referat: ut in exequiis, & funere, quod Creticus uxori solemniter celebrabat, ejulatus plorantium multiplicaretur in immensum: non secus ac si Dii Manes, & omnes Inferorum animæ fatum Cæcilie illius commiseratæ, ex imo terræ continuis plangerent ploratus, suumque dolorem testarentur communem, quem lacrymis viventium conjunctum esse vellent.

Hæc nobis ab antiquitate relicta sunt, tanquam signa & notæ illius splendoris & magnificentie, qua Romani non solum cæteras orbis nationes

nationes, & monarchias æquarunt, sed etiam superiores evaserunt. Epitaphiis plena sunt omnia, tam in urbe quàm foris. Circa hæc enim plurimum curæ impenderunt antiqui: ut ejusmodi signis, suos ad posteritatem transmitterent humanitatis ac pietatis affectus. Quod non solum in Italia factitatum videmus, sed in toto terrarum circuitu, quocunque sese extendit Romanorum dominatio, & imperium. Vbique spectantur templorum, ararū, sacellorū, statuarumq; dedicationes, columnę, altaria, tabulę, vasa, quę inscriptiones ædificiorum, legum, senatūs consultorū, testamentorū, elogiorum, & epitaphiorum referunt. Quę omnia summo studio exquiruntur ab antiquitatis studiosis: eaq; ingēti precio emptæ, ad ornatum suarum ædium, hortorū, & locorum publicorū applicant. Ac præ cæteris hanc studii laudem sibi vendicāt Romani: qui nullis sumptibus, nulli labori parcunt, ut hæc marmora coëmant, & locis commodis reposita, comiter & humaniter proponāt spectanda peregrinis, qui semper in eam urbem frequentes conveniunt. De summis Pontificibus, qui autoritate, potentia, & iudicio valent, non est mirū, si circa talia multum operæ dederint: In quorum Palatio Vaticano cōspiciuntur, statuę, tanta arte, ac perfectione perpolitę, ut inimitabiles nostri temporis sculptoribus existimentur. Inter quas est Apollo Pythius, duę Veneres, Cōmodus Imperator, Antinous, Mercurius, Cleopatra, & infinita alia signa: sed admirandum illud Laocoōtis simulachrum, cum duobus filiis, quos uno lapide Agesander, Polydorus, & Athenodorus sculptores celeberrimi cælarunt: inventum est in vinea Felicis civis Romani, non procul à Titi Thermis, anno dñi, 1506. Neque mirum si Michaël Angelus Bonarotus Florentinus (sculptorum & pictorum qui à mille annis floruerunt lōgē primus) de his statuīs aliquando dixerit Paulo III. P. M. illas esse relictas ab antiquitate, non ut quisquam eas imitaretur, sed ut miraculo spectantibus esse possent; ut rerum periti agnoscant, aliquid divinitatis in antiquorū ingeniis resedisse; qui tantas res & aggressi sunt, & perfeceruūt ea arte, & industria, ut ipsam Naturam videantur æquare, vel etiam in aliquibus superasse: Cū igitur huic Michaëli Angelo injunctum esset, ut statuam Laocoontis mutilam reficeret, recusavit suam operā in hac re: sed ne videretur Pontificis detrectare imperium, brachiū, quod statuę deerat, ex gypso indurato (quod Stuchum vocant) qua potuit arte perfecit, sed non expolivit: ne videretur se conferre cum excellentibus illis Rhodiis artificibus, qui statuam sculpsérant.

Iulius III. de Monte, P. M. post Pauli Farnesii mortem Pontificatum adeptus, hortos & vineam struxit ad viam Flaminiam. Hanc ædificiis sūptuosissimis, Terminis, imaginibus, signis, & inscriptionib⁹ exornavit. Subterranei enim fornices elaboratissimi ibi visuntur, ex quibus limpidi fontes manant: in quibus dii marini colludentes cū Nymphis, Cupi-

dines supervolitantes, satyri tripudiantes adplicati sunt. Palatium anterieus stratum preciosissimis marmoribus, fultum columnis ingentibus, & picturis exornatum præstantissimis. Sed quid non liceret summis illis viris, qui rerum omnium copia affluunt, & semper stippati, & culti viris summo ingenio præditis, quorum consilio res gerunt: Eorum muneris esse debet, has antiquitatis reliquias, tanquam sacrosanctas undique cõquirere, & ad ornatum urbis conferre.

Horum exemplum secuti Cardinales meo tempore illustres Farnesii, Vallæus, Cæsius, Carpenfis, Bellaius, & alii nōnulli, cum Pontificibus decertare ausi sunt de impensis, & diligentia in cogēdis in unum istis marmoribus. Et plerique ex patriciis & civibus: Quorum unusquisque pro suis facultatibus collegit undique ea omnia, quæ digna putarunt ad ornatum suarum ædium. Inter quos Collotii, Maphæi, Delphini, Buffali, & alii plurimi locum primum meritò debent occupare. Quorum aliqui tanto studio in horū conservatione flagrarunt, ut ex iis M. Casale caput Iulii Cæsaris summa arte elaboratū servat: quod posteris ea conditione possidendum reliquit, ut si id alienent, sive dono, sive venditione, Palatiū in quo hæc statua servatur, possessorem capitis sequatur: Et Marii Delphini pater cippū coëmerat, qui ad vineam Traiani pertinebat, quæ ut suo loco restitueret, vineam mercatus est ingenti precio, quamvis ea non haberet opus: sibi laudi ducens, si ad vineæ terminum reponeret antiquum cippum. Hæc ideo dico, ut cognoscant lectores, quo studio & cura Romani tam insignia antiquitatis opera colant, & custodiant.

At cum Romæ essem, collegeram fere omnia, quæ mihi videbantur notatu digna esse: delineationem templorum singulorum, Arcuum, Thermarum, columnarum, statuarum, ararum, reliquorumque ædificiorum, quæ tota urbe splendidiora judicantur, Epitaphiaque omnia & inscriptiones, quibus prisci temporis aliquod insigne testimonium cõtinetur: ruinasque antiquas, & fragmenta singula, quæ passim tam privatis, quam publicis parietibus adposita spectantur: Ex quibus portiunculam tantum apud me retinui, quam hoc libro primo & secundo lectori propono: ut amicorum petitioni, & studiosorum antiquitatis voluntati satisfacere possem. Quibus utinam tempestiviùs obtemperassem; non mihi bellorum civilium violentia fuissent adempta, quæ tot annis, tot laboribus, & impensis undique exquisita in unum coacervaveram. Sed mea damna dum recitatione hac refrico, nihil aliud facio quam renovare triste cordolium, & jacturam inestimabilem quam feci, quaque angor & maceror assiduò, sine ulla consolatione: cum de juventutis meæ laboribus, nihil mihi fere remāserit præter amissorū desiderium. Sed hæc præter rē fortasse. Restat ut quod mihi superest, diligentia majore caveāne cum cæteris tand mihi depereat. Quod ne fiat Theodori Bryi Leodiensis


diēsis sculptoris ingeniosissimi cura egregiè cautum puto. Libros enim duos inscriptionum Romanarum cū dedicavissem illustri viro Hermannō à Ghoër, Baroni de Pesche, hos Bryio sculpēdos tradidit: in quibus cum duobus filiis Theodoro & Israële, viris summo ingenio præditis laborant jam aliquot annis. Abrahamus autē Faber Typographus Metensis, homo vigilantissimus, & in sua arte solertissimus, ea quæ præter sculpturam requiruntur typis excudenda suscepit: Quod si mihi Dei benignitas vitam servet, addam & tertium librum, quo continebuntur aliquot inscriptiones Italiæ, & aliarum regionum. Dico aliquot, propterea quod ex plurimis, quas olim diversis in locis Italiæ, Croaciæ, Forojulii, Stiriæ & Illyrici collegeram, vix mihi centesima pars relicta est: quæ, ut prototypa erant, confusis chartis relicta servabantur inter meos libros: Fragmenta tamen hæc iterum coacervata, & redacta in unum, justum volumen efficient: additis aliquibus Galliæ inscriptionibus, quæ mihi à clarissimo viro Paulo Cavallerio, & aliis amicis missa sunt. His adjungam & quædam non indigna observatione, quæ novissimè Metis inventa sunt: Metæ enim (quas Tacitus Divodunū Mediomatricorū Urbem vocat) multa habuerunt antiquitatis monumenta: quæ fere omnia deleta sunt: & quicquid erat antiquum ad erigendam arcem collatū est. Fundamenta mœnium quæ sunt ad Portam Campanam facta sunt ex ingentibus saxis antiquis, in quibus inscriptiones leguntur plurimæ, videnturque infinitæ deorum, hominūque, & animalium figuræ: Sed hæc omnia quia visa sunt ad arcem struendam maximè idonea propter vicinitatem, quodque lapides illi antiqui duriores essent, quàm ii, qui recēter è lapidicinis eruuntur, ideo sunt adplicata structuræ Citadellæ ab architectis. Servata sunt paucula in domo illustris Baronis Clerevantii, & clarissimi viri Petri Lepidi Procuratoris regii, quæ cum cæteris à me reponentur in tertio libro: quibus adjungam & paucula quæ mihi missa sunt Luxemburgo, excerpta è luculentissimis illis ædibus, quas illustris Comes Mansfeldius illic erexit: ut saltem si temporis injuria, bellorumque inclementia subvertantur ædificia, possint hæc in bibliothecis aliquibi reservari, ne planè pereant.

Reliquum est igitur ut huic primo volumini præponam nonnulla, quæ ad interpretationem sequentium facere posse judicavi: hac in re secutus exemplum reliquorum, qui hanc scriptionis materiam tractaverunt ante me. Excepi igitur ex Valerio Probo, & aliis, quicquid huic tractatui commodum, & necessarium visum est: quod in se-

quenti tabula propositum est ordine
alphabetico.

D





VALERII PROBI GRAMMA-
TICI DE NOTIS ANTIQVARVM
LITERARVM.



I R C A perscribendas, vel paucioribus literis notandas voces studium est necessarium: Quod partim usu publico, & observatione communi fit, partim pro uniuscujusque voluntate. Namque apud veteres cùm usus notarum nullus esset, scribendi facultatem, maximè in Senatu qui aderant, scribendo ut celeriter comprehenderent, quædam verba, & nomina ex communi consensu primis literis notabant: Quod nominibus, prænominibus, legibus publicis, Pontificum monumentis, jurisque civilis libris etiam nunc manet. Ad quas notationes publicas accessit & studiosorum voluntas; ut unus quisque familiares sibi notas pro voluntate signaret: quas comprehendere infinitum est. Publicæ sanè tuendæ sunt, quæ in monumentis plurimis, & historiarum libris, sacrisque publicis reperiuntur: ut P. Publius. C. Caius. M. Marcus. Cn. Cneus. Q. Quintus. Mar. Martius. T. I. Tiberius. C. L. Claudius. T. Titus. SP. Spurius. S. E. X. Sextus. S. E. R. Servius. O. P. Opiter. A. V. C. Ab urbe condita. P. R. E. post reges exactos. P. C. Patres Conscripti. S. C. Senatus consulto. S. P. Q. R. Senatus populusque Romanus. E. Q. R. eques Romanus. V. R. Vrbs Roma. C. R. Civis Romanus. C. O. L. Colonia, Coloni. S. N. L. socii nominis Latini. M. V. N. Municeps, Municipia. N. L. nominis Latini. L. C. Latini coloni, & similia.

Secundum hæc Curiarum nomina, Tribuum, Comitiorum, Sacerdotiorum, Potestatum, Magistratuum, Præfecturarum, Sacrorum, Ludorum, rerum urbanarum, ponderum, mensurarum, juris civilis, & similium poprias habent notationes.

Literæ singulares in Iure Civili, in Legibus, & Plebiscitis.

- P.I.R.P.Q.I.S.I.F.P.R.E.A.D.P. Populum jure rogavit, populusque jure scivit in foro pro rostris, & ante diem pridie.
 E.H.O.L.N.R. Ejus hac omnibus lege nihilum rogatur.
 S.R.L.E.I.C.Q.O.R.E. Si rem lex ex jussu causaque omnium rerum esto.
 S.N.L. Socii nominis Latini.
 L.P.C.R. Latini prisca cives Romani.
 M.E.M.D.D.E. Municipibus ejus municipii dare damnas est.
 C.E.C. Coloni ejus Colonia.
 Q.E.R.E.F.D. Quod ejus rei esse factum dicetur.
 L.I.D.A.C. Lex Julia de adulteriis coercendis.
 V.D.P.R.L.P. Unde de plano recte legi possit.
 A.A.A.F.F. Auro, argento, ærè, flando, feriundo.
 I.N.Q.Q. Iustis nuptiis quaesita, quaesitus, vel, Iustus nuncius quaesitus.
 S.Q.SS.E.Q.I.N.S.R.E.H.L.N.R. Si quid Sacrosanctum est quod jure non sit rogatum, ejus hac lege nihilum rogatur.
 V.P.R. Veteri possessori redditum.
 V.A. Veterano adsignatum.
 V.F. Usus fructus.
 S.C.P.S. Senatus Consultum plebiscitum.
 Q.D.E.R.F.P.D.E.R.V.I.C. Quod de ea re fieri placeret, de ea re universi ita censuerunt.
 D.C.S. De consultis sententia.
 Q.F.E.I.S.F. Quod factum est in Senatu fuerit.
 S.Q.M.D.E.R.A.P.P.V.L.O.E. CONS.PR. TR.PL.Q.N.S.Q.E.V.A.P.P.
 V.F. Si quid me de ea re ad populum plebemve lati opus est, Consules, Praetores, Tribuni plebis, qui nunc sunt quod eius videbitur ad populum plebemve ferant.
 S.F.S. Sine fraude sua.

In Actionibus.

- A.T.M.D.O. Aio te mihi dare oportere.
 Q.N.T.S.Q.P. Quando negas, te sacramento quinquagenario provoco.
 Q.A.NQ.N. Quando ais neque negas.
 E.I.M.C.V. Ex jure manu confertum vocant.
 S.N.S.Q. Si neget sacramento quaerito.
 S.S.C.S.D.E.T.V. Secundum suam causam sicuti dixi ecce tibi vindicta.
 Q.I.I.T.C.P.V.F.A. Quando in Iure te conspicio, postulo ut fias auctor.
 T.I.A.V.P.V.D. Tempore judicem arbitrumve postulo ut dies.

I.D.T.S.P. In diem tertium, sive perendinum.

A.L.Æ. Arbitrium liti æstimandum.

Q.B.F. Quare bonum factum.

In Edictis perpetuis.

I.D.P. Iuri dicundo præerit.

I.D.C. Iuris dicendi causa.

Q.R.F.V. Quod rectè factum videbitur.

V.B.A. Viri boni arbitrati.

D.M.F.V.C. Dolo malo fraudisve causa.

I.D. Iudicium dabo, vel jurisdictio.

Q.E.R.E.T.P.I.R.D.T.Q.P.DT.D.D.P.F. Quanti ea res erit, tantæ pecuniæ iudicium recuperatorium dabo, testibusque publicè duntaxat decem denunciandi potestatem faciam.

Q.S.S.S. Quæ supra scripta sunt.

Q.I.S.E. Quæ infra scripta erunt.

I.C.E.V. Iusta causa esse videbitur.

N.K.C. Non calumniæ causa.

C.C. Consilium cepit: vel, Causa cognita: vel Causa commissæ.

F.C. Fraudare creditores: vel, Fiduciæ causa: vel, Fide commissum.

P.C. Patres Conscripti: vel, Pactum conventum: vel, pecunia cōstitutæ.

V.C. Viri clarissimi: vel, vir Consularis.

C.V. Centum viri

S.T.A. Sine tutoris auctoritate.

T.A. Tutore auctore.

F.E.D. Factum esse dicetur.

H.S. Hec sic: vel, Hic situs: vel, hora secunda.

Q.A.M. Quemadmodum.

Q.M. Quo modo: vel quo magis.

P.P.L.I. Pro prædictæ litis iudiciis.

I.S. Iudicatum solvi.

C.E.D. Convictum esse dicetur.

P.DEL.V. Pro delictis vindictarium

M.F.P. Malæ fidei possessor.

NOTARVM DICTIONVMQVE AB-
breviatarum interpretatio.

A.

A. Aulus.
A.F. Auli filius.
A.N. Auli nepos.
A. vel, AN. anno.
ANN. annis: vel annos.
A.RA.MIL.FR.V. a rationibus mili-
taris frumenti.
ABD. abdicavit.
ABN. abnepos.
ADN. adnepos.
ADIAB. adiabenicus.
AD.TRIB.IVD. ad tribus iudicandas.
AD.AVG.TEMP. ad Augusti tempora.
ÆD.CVR. ædilis curilis.
ÆD.DESIG. ædilis designatus.
ÆD.PL. ædilis plebis.
ÆL. Ælius.
ÆM. Æmilia.
AGRIP. agrippa.
ALÆ.I.PR.C.R. alæ primæ Prætorie
civium Romanorum.
V.AN.P.M. Vixit annos plus minus.
APP. appius.
APP.E. appellatus est.
ARG.P.X. argenti pondo decem.
AR.V.DD. Aræ votivam dono dedit.
AVG. Augustus: vel, Augustalis.
AVG.LIB. Augusti libertus.
AVGG. Augusti de duobus.
AVGGG. Augusti de tribus.
AVG.CVR.R.P. Augustalis curator
reipublicæ.
AVG.ET.Q.AVG. Augustalis, & que-
stor Augustalium.
AVR. aurelius.
AVG. augur.
AG. agit. AC. actio.
AM. amicus.
AM.N. amicus noster.
AVT. autoritas.
AD.I.P. adjutor patriæ: vel, provinciæ:
vel populi.

AD.L. ad locum.
AD.F. ad finem.
AD.E. ad exactionem.
AB.V.C. ab urbe condita.
A.L.ÆS. arbitrium litis æstimandæ.
A.D.P. ante diem pridie.
A.B.V. à bono viro.
ABS. absolutus.
A.L. alia lex.
ÆR.COL. ære collato.
ÆR. ærarium.
AM.P. amabilis persona.
A.O. alii omnes.
ÆQ.P. æqualis persona.
ARM.P. arma publica.
A.A.L.M. apud agrum locum monumēti.
A.P.R.C. anno post Romam condita.
ANN. XXXX. annis quadraginta.
ANN.IV. annis quatuor.
ANT.T.C. ante terminum constitutum.
A.A.A.F.F. auri, argenti, æris flatu fe-
riundi.
ADP. adoptivus.
A.CVB.AVGG. à cubiculo Augustorum.
A.RAT. à rationibus.

B.

B.F.C. Beneficiarius Consulis.
B.F.PR. beneficiarius Prætoris.
B.PR.PR. beneficiarius Præfecti Præ-
torio.
B.TRIB. beneficiarius Tribuni.
BF. beneficium.
B. bona. BR. bonorum.
B.F. bona fide: vel, bona fortuna.
B.F.C. bona fide contractum.
B.M. bonæ memoriæ.
B.M. benè merenti.
B.M.F. benè merenti fecit.
B.M.P.C. benè merenti poni curavit.
B.D.M. benè de se merenti.
B.RP. Bono reipublicæ.
BRIT. britannicus.
B. balbus.

BAL. balbinus.
 B.L. bona lex.
 B.C. bonum concessum.
 B.D. bonum datum.
 B.GR. bona gratia.
 B.I. bonum iudiciū.
 B.A. bonam actionem.
 B.P. Bona possessio: vel, bonorum possessor.
 P.N. bona nostra.
 B.P. Bona paterna: vel, bonū publicū.
 F.F. benè fecit.
 B.AVS. bonis auspiciis:
 B.AV. bonis avibus.
 B.V. bonus vir: vel, benè vixit.
 L.Q. Bona quaesita.
 E.S. Benè satisfecit.
 B.T. bonorum tutor.
 B.V.V. balnea, vina, Venus.
 P.F.P. bona fide possessor.
 C.
 C. Caius.
 C.S. consulum sententia.
 CL. claudius.
 CIP. cippus.
 CM. comis.
 CN. cneus.
 COR. cornelius.
 CÆS. caesar.
 CÆSS. caesares.
 CÆS.AVG. caesar Augustus.
 C.F. caii filius.
 C.N. caii nepos.
 C.L. caii libertus.
 5L. conlibertus.
 7L. caiae liberta.
 7. centuria: vel, centurio.
 C.L. centurio Legionis.
 7 VET. centuria veteri.
 C.F. clarissima femina.
 c.c.c. calumniae cavendae causa.
 C.R. civi Romano, aut civium Romanorum.
 C.S.H.C.S.S.V.T.L. cōmuni supulchro
 heic siti sunt, sit vobis terra levis.
 CAP. capitalis.
 CENT. centurio.
 CENS.&, CES. censores.
 COS. consul.
 COSS. consules.

CL.CEL. claudia celeia.
 CL.VIR. clarissimus vir.
 CLASS.PR. classis Prætoriae.
 CN.F. CN.N. caii filius. caii nepos.
 CN.LO. cneo Lollio.
 COL.IVL. colonia Iulia.
 COL.FABR. collegium Fabrum.
 COM.DOM. comes domesticorum.
 COM.HAB.C. comitiorum habendorum causa.
 COR.FLAM. corrector Flaminiae.
 COS.DES. consul designatus.
 CVR.COL. curator coloniae.
 CVR.KAL. curator Kalendarum.
 CVR.PP. curator pecuniae publicae.
 CVR.R.P. curator Reipublicae.
 CVR.VIAR. ET. RIP. TYB. curator viarum & riparum Tyberis.
 COL. coloni: vel colonia: vel collega.
 C.E.C. coloni ejus coloniae.
 CR. creticus.
 CN.ARR. cneus Arrius.
 CC. consilium cepit.
 CC. causa cognita.
 C.V. centum viri.
 COM.B. commune bonum.
 C.C.C. censa civium capita.
 C.IVL.CÆS. Caius Iulius Caesar.
 CENS.A. Censoris arbitratu.
 COH. Cohors. 5L. Caiae liberta.
 5L.K. conlibertae carissimae.
 C.N. Civis noster.
 CVR. curionum, vel curiarum.
 GEN. Centuria.
 CENT. centuriones.
 CENS.P. Censor perpetuus.

D.

D. Dedicavit.
 D.D. dono dedit, & dedicaverunt.
 D.CÆS.AVG. divus Caesar Augustus.
 DEST. destinato.
 D.M.F.V.C. doli mali fraudisve causa.
 D.PR. de precio.
 D.P. divus Pius: vel, diis Penatibus.
 D. devotus: vel, Decius.
 D. Decimus.
 D.F. Decimi filius.
 D.L. Decimi libertus.
 D.D.L.M. donum dedit libes merito.

D.M.

D.M.S. Diis Manibus sacrum.
D.N. dño nostro, &, DD.NN.IMPP.
dñi nostri Imperatores.
D.N.M.Q.E. devotus numini majestatique ejus.
D.S.D. de suo dedit.
D.S.DD. de suo dedicavit.
D.S.P. de suo posuit: de sua pecunia.
D.S.P.F.C. de sua pecunia faciendum curavit.
D.S.B.M.PON.C. de se benè merenti poni curavit.
D.S.IN.MIT. deo Soli invicto Mithræ.
D.S.P.V.I.S.M.ET.L. de sua pecunia votum idem solvit meritò & libens.
DEC.ORN. decuriæ ornamento.
DICT. Dictator.
DVC.DVC. duce ducenario.
D.V. devota virgo, vel, vir.
D.D. dotis datio: vel, diis dantibus: vel dono dedit.
D.DD. dono dedere:
D.G. dedit gratis.
D.H. donavit heredibus.
D.O. deo optimo: vel, diis omnibus.
DEC. decius.
DOT.P. dotem petit:
D.F. dotem fecit: vel, donum fecit.
D.M. dolum malum: vel, dubiū malū,
D.M. domus mortui.
DIL. dilectissimus.
DVL. dulcissimus.
D.Q.R. de quare.
D.Q.S. de quo supra.
D.C.S. de Consulū sententiā.
DIG.M. dignus memoria.
D.PEC.R. de pecuniis repetundis.
D.T.S.P. diem tertium sive perendinū.
DR. drusus.
DIC.PER. dictator perpetuū.
DL. de lego.
D.D.D. datus decreto Decurionum.
DEC.DEC. decem Decani.
D.L.M. donavit locum monumenti.
D.D.L.M. dono dedit libero munere.
D.L.D.P. Diis locum dedit publicē.
DOM.COS.XIII.LVD.SÆC.F.C.
Domitianus Consul decimo tertio ludos seculares faciendū curavit.

E.

EQ.PVB. Eques publicus:
EQ.STAT.PVB.D. equestri statua publicē donatus.
EQ.R. Eques Romanus.
E.A.D.CÆS.AVG. ex autoritate divi Cæsaris Augusti.
E.B.S. Ex bonis suis.
EX.D.D. ex decreto Decurionum.
EX.D.ORD. Ex decreto ordinis.
EX.PR. ex prædio.
EX.S.C. ex Senatus consulto.
EX.VOT. ex voto.
EX.DECR.Q.F. exemplum Decreti quondam facti.
E. est. EE. esse. ER. erunt.
E.M.vel,EºMº. ejusmodi.
E.D. ejus domus. E.H. ejus heres.
E.L. edita lex.
EMP. emptor.
EQ.ORD. equestris ordinis.
E.F. ejus filius.
EX.DOM.AVG. ex domo Augustorū.

F.

F. filius.
F.vel. f. filia.
F.FAM. filius familiās.
FR. fratres.
FR.F. fratris filius.
FOR.F. Forti fortuna.
FOR.I. Forum Iulium.
FOR.L. Forum Livium.
FOR.SEMP. Forum Sempronii.
F.F.F. Fortior fato fortuna.
FOR.RED. Fortune reduci.
F.M. fieri mandavit.
F.M.I. fati munus implevit.
F.C. fidei cōmissum: vel, fiducię causa: vel, fraude creditoris.
F.C. fecerunt: vel, fundaverunt: vel, fabricaverunt.
F.E.D. factum esse dicitur.
FR. fronte.
FL. flavius.
FLAM. flaminus.
FAC.C. vel, F.C. faciundum curavit.
F.D. fide data.
F.I. fieri iussit.
F.N.C. fidei nostrę commisit.
F.V.C. Fraudisve causa.

FABR.COL. fabrū collegium.
 FAB. fabius.
 F.H. filius heres.
 FVL. fulvius.
 F.POM.TER.P.C.R.R.P.CCC. fines
 pomerii terminavit proximocip-
 po ruderib⁹ rejectis pedes trecētos.
 FER.LAT.C. feriarū Latinarū causa.
 FEC. fecialis.

G.

G.F. Gemine fidelis.
 GEM.L. gemina Legio.
 GER. & GERM. CÆS. Germanicus
 Cæsar.
 GR. gesserunt.
 G.R. genus regium.
 GL. gloria.
 GL.P. gloria parentum: vel, patriæ: vel
 populi.
 GL.EX.R. gloria exercitus Romani.
 G.L.S. genio loci sacrum.
 G.AVG. genio augusti.
 GL.N.L. Gloria nominis Latini.
 GL.R. gloriæ Romanorum.
 GL.P.R. gloria populi Romani.

H.

H. Heres: vel, hereditas: vel, hora: vel,
 honor.
 H.V. honestus vir.
 H.F.N. honesta familia natus.
 H.L.N. honesto loco natus.
 H.S. hora secunda: vel, hoc sit.
 H.F. heres fecit.
 H.F.C. heredes faciendū curaverunt.
 H.B.M.F.C. heres benemerenti faci-
 undum curavit.
 H.A.I.REM. honore accepto impen-
 sam remisit.
 H.A.H.N.S. hæc ara heredes nō sequet^r.
 H.E.T.F.C. heres ex testamento fieri
 curavit.
 H.M.H.S. hoc monumētum heredes
 sequetur.
 H.M.H.E.N.S. hoc monumētum he-
 redes externos non sequetur.
 H.M.D.M.A. huic monumento do-
 lus malus abest.
 H.M.S.S.E.H.N.S. hoc monumētum
 sive sepulchrum est, heredes non
 sequatur.

H.S.E. heic situs est.
 H.S.S. heic siti sunt.
 N.V.S.R. honore usus sumptū remisit.
 H.M.AD.H.N.TRAN. hoc monu-
 mentum ad heredes non transit.
 H.I. hereditario jure.
 H.L.D. hunc locum dedit.
 H.L.S.E. hoc loco sepultus: vel, sit⁹ est.
 H.B.F. homo bonæ fidei.
 H.S.V.F.M. hoc sibi vivens fieri man-
 davit.

I.

I.O.M.S. Iovi optimo maximo sacrū.
 I.O.M.E.IVN.REG.ET G.LOCI. Io-
 vi optimo maximo: & Iunoni Re-
 ginæ, & Genio loci.
 I.S.C. Iudex sacrarum cognitionum.
 I.S.S. Infra scripta sunt.
 I.D. Iure dicundo.
 I. In. I. Inter. ID. Interdum.
 IP. Intra provinciam.
 I.L. Intra limites.
 I.T.C. Intra tempus constitutum.
 IM.ANN.IV. Immunis annis quatuor.
 IM.II.HON. II. Immunis iterum,
 honoratus quartum.
 IMP. Imperator.
 IMPP. Imperatores duo.
 IMPPP. Imperatores tres.
 I.A.P.X. IN.F.P. IIX. in agro pedes
 decem, in fronte pedes octo.
 IN.H.DOM.DIV.DD. In honorem
 domus divinæ dedicarunt.
 IN.H.M. In hoc magistratu.
 IN.M.M.E. In magistratu mortuus est.
 IN.E.L.F.E. In eius locum factus est.
 IN.PR.O.E. in prælio occisus est.
 IN.SING.H. In singulos homines.
 IN.TVT. In tutelam.
 INF.ÆR.PP.L.X. inferat ærario
 Pontificum libras decem.
 II.VIR. Duumvir: vel, I-I.VIR. II.V.
 DD. Duumviris dedicantibus.
 IVL. Iulius. IVL.F. Iulii filius.
 IVL.L. Iulii liberta.
 IVR.DIC. iure dicundo.
 IVR.REG. iurisdictio regionis.
 I.P. jus Pontificum: vel, in possessione.
 I.L.S. in loco sacro.
 I.S.S. inferius scripta sunt.
 I.L.D. in loco divino.

I.E.

I.E. Iudex esto.
 I.L.P. In loco publico.
 I.P. Iustus possessor.
 I.S. Iudicio Senatûs. vel, iudicatum solvit.
 I.S.C. In Senatûs consulto.
 IN.FO.CÆS. In foro Cæsaris.
 I.F.P. In foro Pacis.
 I.F.T. In foro Traiani.
 IN.F.B. In foro Boario.
 I.R. Iure Romano: Iure rogavit.
 IN.F.P.R. In foro pro rostris.
 I.N.Q. In iustis nuptiis quæsitum.
 I.D.P. Iuri dicundo præfuit.
 I.D.C. Iuris dicendi causa.
 I.C.E.V. Iusta causa esse videbitur.
 I.D. Inferis diis.
 I.S.R. In Senatu Romano.
 I.L. Iure legis.
 I.F.I.A.V. In fronte in agro versus.

K.

K. vel, KAL. IAN. Calendis Ianuariis.
 K.QVINT. Calendis Quintilibus.
 KAL. SEXT. Calendis Sextilibus.
 K.D. Capite diminutus.
 K.C. Capite census.
 K.P. Cardio positus.
 K.F. Cardio finalis.
 K.A. PER. Castra peregrina.
 K.A. DD. Castra dedicarunt.
 K. Carissima.
 K. CONT. Caro contubernali.
 K. Candidatus.

L

L. Lucius.
 L.T. Lucius Tacitus. & legem tulit.
 L.F. Lucii filius. vel, Lustrum fecerunt.
 L.C. Lucius Cornelius. vel, Lege cavetur.
 L.M. Lucius Murena.
 LC. SACR. Lucrum sacrum.
 L.D. Locum dedit. Locum dedicavit.
 L.E. Locus emptus.
 L.P. Loco proprio.
 L.Q.S. Loco qui supra.
 L.C. Latini Coloni.
 L.S. Laribus sacrum.
 L.P.C.R. Latini Prisci, cives Romani.
 L.D.D.D.E. Locus decreto decurio-

num datus est.

L.A.D. Locus alteri datus.
 L.E.D. Lege ea damnatus.
 L.M.A.H.T. Locus monumēti ad heredes transit.
 L.P. Lege punitus.
 L.R. Lex Romana.
 L.V. Lex vetat.
 LG.D. Legem dedit.
 L.T. Legem tulit.
 L.D.B.D.S.M. Locum dedit bene de se merenti.
 L.AGR. Lege agraria.
 L.IVL. Lex Iulia.
 L.VOC. Lex Voconia.
 L.CIN. Lex Cincia.
 LIB. Libertus.
 L.L. Lucii libertus.
 LEG.X. Legio decima.
 L.PVB. Loco publico.
 L.PR. Loco privato.
 L.D. Locum dedit.
 L.H.D.DD. Locum hunc diis dedicavit.
 L.P.D. Locus publicè datus.
 L.SACR.D. Loco sacro dicatum.
 LG. Legavit.
 LVD.MAT. Ludus matutinus.
 LVD.AP. Ludi Apollinares.
 LVD.EQ. Ludi equestres.
 L.L.Q.F. Lucius Luceius Quinti filius.
 L.C. Locus coactus. vel, loco cōcesso.
 L.D.S.P.D. Locum de sua pecunia dedit.
 L.D.D.S. Locus dat^o decreto Senatûs.
 L.D. Libens dedit.
 L.LQ.PQ.E. Libertis libertabusque posterisque eorum.
 L.P.V.LAT.P.III. Longum pedes quinque latum pedes tres.
 LEG. Legatus. vel, legio. vel, legavit.
 LEG.LEG. Legatus legionis.
 LEG.PR. Legatus provincie.
 LEG.VII.CL.GEM.P.FIDEL. Legionis septimæ Claudie Geminæ piæ fidelis.
 L.S.S. Legionis supra scriptæ.

M.

M. Marcus, miles, mensis.
 M.F. marci filius.

M.CO.H. Miles Cohortis.
 MVN. Municipium, vel, municeps.
 M.E.M. Municeps ejus municipii.
 MAG.EQ. Magister equitum.
 MAG. Magistratus.
 M.L. Monumenti locus.
 M.D.M.I. Magnæ deûm matri Ideæ.
 M.F.C. Monumentum fieri curavit.
 MAG.ET.DEC. Magistris & decurionibus.
 MAG.VIC.P. Magister vici Pacis.
 MAG.VIC.SAND. Magister vici Sâdaliaris.
 MAG.QVINQ.COLL.FABR.TIGN. Magistri quinquenales collegii fabrum tignariorum.
 MAG.X.VIR. Magister decemvirum.
 MIL.ANN.XXXIV. Militavit annos triginta quatuor.
 MIL.CO.H.III. Miles Cohortis tertie.
 M.LEG.SS. Militi legionis sup. scripte.
 MIL.CL.PR. Miles classis Prætorie.
 M.C.ET.CONS. Monumentum condidit & consecravit.
 M.X.V. Menses decem vixit.
 M.C.P.C. Memorie causa poni curavit.
 MER.S. Mercurio sacrum.
 N.
 N. Nonius, vel, Nepos, vel, Nazione.
 N. Nautarum.
 N.MON. Novum monumentum.
 NAT.GAL. Nazione Gallus.
 NQ. Nusquam.
 NON.TRAS.H.L. Non transfiliis hunc locum.
 NVM.DOM.AVG. Numini domus Augusti.
 NR. Nero. Neratius.
 N.L. Nominis Latini, vel, Non licet.
 N.K.C. Non calumnie causa.
 NOB. Nobilis.
 NON. Nonarum.
 N. Numus. Numisma, vel, Noster.
 N.F.C. Nostræ fidei commissum.
 N.F.N. Nobili familia natus.
 N.G.N. Nobili genere natus.
 N.MACR. Nonius Macrinus.
 NEP.CONT.NAVT.S. Neptuno cœtubernio nautarum sacrum.
 NAT. Natalia.

NAV. Naves.
 NEPTVN. Neptunalia.
 NEG. Negotiantes.
 O.
 OP.PR. Optimo Principi.
 OPP. Oppidum, vel oppidani.
 OB.C.S. vel, OB.CIV.SER. Ob cives servatos.
 O.D.S.M.P. Optimè de se merenti posuit.
 OB. Obiter.
 O.E.F.Q. Ossa ejus feliciter quiescant.
 OR.CI. Ornato civi.
 E.O.H.S.S. Ejus ossa heic sita sunt.
 OR.MIL. Ordo militum.
 OB.M.E. Ob merita ejus.
 OB.M.P.E. Ob merita pietatis ejus.
 OB.HON.AVG. Ob honorem Augustalitatis.
 OB.AN.V.XCI. Obiit anno vitæ nongesimo primo.
 OFF.FAB.FER. Officinæ fabrum ferrarium.
 ORD.RET. Ordine retrogrado.
 ORB.PAR. Orbati parentes.
 P.
 P. Pontifex. pater, publius. posuit.
 P.R. populus romanus.
 P.F.ET.P.N. publii filius, & Publii nepos.
 P.L. publii conliberta.
 P.COL. patrono Colonie.
 P.D.S.IM.C. ponendum de sua impedimenta curavit.
 P.C. post consulatum.
 P.F.TR.AVG. pius felix triumphator Augustus.
 P.M. vel, PONT. MAX. TRIB. POT. pōtifex maxim⁹ Tribunicia potestate
 P.P. pater patrie, vel, pecunia publica, vel, publicè posuit.
 P.P.P. præfectus prætorio Provincie.
 P.H.C. prætor Hispanie citerioris.
 P.P.H.T. præses provincie Hispanie Tarraconensis.
 P.D.D. publicè dedicatum.
 P.D.D.K.IAN. posita decreto Decurionum Calendis Ianuariis.
 P.R. populus romanus.
 P.S.F. pecunia sua fecit.
 PART.MAX. Parthicus maximus.

PAT.COL. Patrono Colonia.
 PEC.vel PEQ.S.DD. pecunia, vel pecunia sua dedicavit.
 P.I.R. Populum jure rogavit.
 P.S.P.Q.S. posuit sibi posterisque suis.
 PS. Plebiscitum.
 PR. Prætor.
 PRR.VRBB. Prætores urbani.
 PERT. Pertinax.
 PL.TR. Plebis Tribunus.
 P.C.vel PP.C. patres conscripti.
 P.C. pactum conventum.
 P.C. pecunia constituta, vel, patrono Colonia.
 P.K.SEXT. vel, PR.KL. pridie calendas Sextiles.
 PRON. Pronepos.
 PR.ID. pridie Idus.
 PR.S. prætoris sententia.
 P.R.E. post reges exactos.
 PROC. proconsul.
 P.M. Pontifex maximus.
 PROCOSS. Proconsules.
 P.M. Principi militum poni mādavit.
 PR.PER. Prætor peregrinis.
 PR.IVVET. Principi juventutis.
 P.ÆL.AVG.LIB. Publius Ælius Augusti libertus.
 PR. Præses.
 PRSS. Præsides.
 PRÆF.VIGIL. Præfectus vigiliū.
 P.S.F.C. proprio sumptu faciundum curavit.
 POST. Postumus.
 POST.LIB. Postumi libertus.
 PR.K. Prætori candidato.
 PR.Q. Prætori Quæstori.
 PR.PR. Præfectus prætorio.
 PR.ID. præfectus juri dicundo.
 PR.ÆR. præfectus ærario.
 PRO.COS. proconsul.
 PRON. Pronepos.
 PRO.XX.HER. Procurator vigesimæ hereditatum.

Q.

Q. Quintus. Quinctius. Quæstor.
 Q. Quæstori.
 Q.S.S.S. Quæ supra scripta sunt.
 Q.ALIM. Quæstori alimentorum.

Q.K. Quæstori candidato.
 Q.PR. Quæstori provinciæ.
 Q.VRB. Quæstori urbano.
 QVÆSS. Quæstores.
 Q.R.F.E.V. Quod rectè factum esse videbitur.
 Q.N.A.N.N. Quando neque ais, neque negas.
 Q.B.F.E. Quare benè factum est.
 Q.E.R.E.V. Quâti ea res esse videbitur.
 Q.B.M.V. Quæ benè mecum vixit.
 Q.V.M.A.XXIX.S.OF. Quæ vixit mecum annis viginti novè sine offensa.
 QQ.PP. Quinquennialicii perpetui.
 Q.INF.SC.S. Qui infra scripti sunt.
 Q.HH.SS. Qui heredes sunt.
 Q.D.E.R.F.P.D.E.R.I.C. Quod de ea re fieri placuit, de ea re ita cēsuerūt.
 IIII.VIR. Quadrum vir.

R.

R. Roma.
 R.V.POM.TER. Romanæ urbis pomeria terminavit.
 R.G.C. Rei gerundæ causa.
 R.P.C. Reipublicæ causa.
 R.P.C.C. Reipubl. cōstituendæ causa.
 REM.PVBL.N. Rempubl. nostram.
 R.L.P. Rectè legi possit.
 RET.P.XX. Retro ped. viginti.
 R.R.P.C.TER. Ruderibus rejectis proximo cippo terminavit.
 R.M. Rei militaris.
 R.C. Romana civitas, vel Rom. cives.

S.

SP. Spurius.
 SP.F. spurii filius.
 SP.N. spurii nepos.
 SER. servius, vel sergius.
 SEX. sextus.
 S.C. senatus consulto.
 S.D. sententiam dixit.
 S.N.L. fociis nominis Latini.
 S.F.S. sine fraude sua.
 S.T.A. sine tutoris autoritate.
 S.P.Q.R. senatus, populusque roma.
 S.N.S.Q. si negat sacramēto quærito.
 S.S.C. secundum suam causam.

S.L. sacrorum ludorum.
 SS. sacri scrinii.
 S.P. sacri Palatii.
 ST.MIS. stipendio missus.
 S.P.D. Salutem plurimam dicit.
 S.S.S. Silvano sancto sacrum.
 S.P.S.P.S.P.C. sua pecunia sibi posterisque suis poni curavit.
 S.C.F.E. Senatus cōsultum factum est.
 SS. sanctissimus.
 S. sacrum, vel sacellum.
 SIC.V. sicut voluit.
 SS. Senatus sententia.
 SEP.SEV. Septimius Severus.
 S.L.M. Solvit lubens meritò.
 IIIII.VIR.AVG. Sevir Augustalis.
 S.S.S. supra scriptæ summæ.
 S.P.F.C. sua pecunia fieri curavit.
 S.S.P. suo sumptu posuit.
 S.V.P. sibi vivens posuit.
 SAC. Sacerdos.
 S.P.P.S. sacris publicis præsto sunt.
 SARM. Sarmaticus.
 SER.COL. servii colliberta.
 SERT. Sertorius.
 SED.S.C. Seditiōnis sedandæ causa.
 SEV.AVG. se viro Augustali.
 SEXT. Sextilis mensis.
 SING.* II. singulis denarios binos.
 SPEC.LEG. speculator Legionis.
 STIP. stipendio, vel stipendiavit.
 ANN.VI. annis sex.

T.

T. Titus.
 TI. Tiberius.
 TVL. Tullius.
 T.A. Titus Annius.
 T.A. Tutore autore.
 T. Turma.
 T.AVG. tutelæ Augustæ.
 T.F.I. Testamento fieri iussit.
 TR.PL. Tribuni plebis.
 TR.MIL. Tribunus militum.
 TR.AER. Tribunus ærarii.
 TR.POT. Tribunicia potestati: vel Tribunicia potestate.
 TR.CEL. Tribunus Celerum.
 TR.V.MON. Triumviri Monetales.

TR.V.CAP. Triumviri Capitaless.
 TER.DD. terminum dedicavit.
 T.C. Testamento cavetur.
 TR.LEG.II. Tribun⁹ Legionis secūde.
 TR.AM. transamnem.
 TVT. tutor, tutela.
 T.P. titulum posuit.

V

V.R. Vrbs Roma.
 V. Volerus, vel Volusus.
 V.A. veterano adsignatum.
 V.F. usus fructus.
 V.PR. Vrbi Præfectus.
 V.F.S.C. vivens fieri sibi curavit.
 V.F.S.E.S. vivens fecit sibi & suis.
 V.P. vir Patricius.
 V.C. vir Consularis, vel vir Clarus.
 V.S. votum solvit.
 V.DD. voto dedicatum.
 V.S.C. votum solvi curavit.
 V.S.I. vice sacra judicans.
 V.B.A. viri boni arbitrati.
 V.P.R. veteri possessori redditum.
 V.PR. vir Prætorius.
 V.DICT. vir Dictatorius.
 V.VRB. vir Urbanus.
 VI.VIR. vel IIIII. Sextum vir.
 V.P. vivens posuit.
 V.S.L.S. vivens sibi locum statuit.
 V.ANN.XXII.M.VI.D.V. vixit annos viginti duos, menses sex, dies quinque.

VAL. Valerius.
 V.B.F. vir bonæ fidei.
 V.C. Urbis conditor.
 VIR.VES. virgines Vestales.
 V.NON. quinto nonas.
 VET.LEG.II. veteranus Legionis secundæ.
 VI.VIR.EPVL. sevir, vel sextum vir Epulonum.
 VIII.VIR. Octumvir.

X.

X.VIR. Decemviri.
 XV.VIR.SAC.FAC. quindecim viri sacris faciundis.
 XX. vigesimæ hereditatum.

DE NOTIS NUMERORVM.

Antiqui notis his numerorum usi sunt, quæ hodie ex bona parte desierunt, ex quo tempore notæ illæ (quas schiffas vocamus) in usum venerunt.

I	1.	XX.	20.	C.	100.
IV.	4.	ↄ	30.	CD.	400. Cↄ.
V.	5.	XL.	40.	D.	500. vel, Id.
IIII.	6.	L.	50.	DC.	600.
IIIX.	8.	LX.	60.	DCC.	700.
IX.	9.	L ↄ.	70.	M.	1000. vel ∞.
X.	10.	XXC.	80.		vel cId. vel h.

Omnes enim numeri, omnisque summa harum notarum accessione crescunt, detractioe decrescunt.

Prima nota, I si cui notæ præponatur, id est ponatur à tergo, unum detrahit, ut IV. quatuor, IX. novem, IIIX. octo.

At si linea transversa super imponatur notis, eas notas tot millia continere innuit, quot alioqui minores numeros contineret: exempli gratia, III. significat tria millia: VII. septem millia: X. decem millia; & ita de reliquis judicandum est.

∞ L. 4000. significat.	L. 1000. vel, Id. Quinquaginta
V. vel, QD. vel, Id. 5000.	millia.
L. cId. vel, h. vel, L. vel, cId. 10000.	C. cccId. vel, cccId. Cētum mil-
h. h. Quinde cim millia.	lia.
h. h. vel, L. L. Vigin-	Id. Quingenta millia.
ti millia.	M. Mille millia.
	ccccId. Decies centena millia

PONDERVM NOTÆ.

- S. Semis alicujus rei.
- ℥. Libra: vel Nummus libralis.
- ℥S. Libra cum semisse.
- ℥℥. Dipondius duarum librarum.
- ℥℥℥. Tripondius trium librarum.
- ℥℥S. Sestertius, duarum librarum semis.
- ✕. Denarius.



DE PONDERIBVS ROMANIS.

L I B R A, pondo, As sive Assis, inter minora pondera est maximum: inter maiora autem minimum: Continetque uncias duodecim.

Romani confecerunt omnia maiora pōdera ex libra & pondo: nisi quòd interdum à libra libralis, hoc est unius libræ dixerunt: item bilibris, trilibris, & quadrilibris: hoc est duarum, trium, & quatuor librarum. Sic à vocabulo pondus venit dupondius, duorum ponderum. Assi-pondium, quod unum pondus (nam As erat libræ pondus) & centi pondium, centum librarum dicebatur.

A pondo quoque duapondo, & trepondo, quod duo & tria pondo continerent, dixerunt antiqui.

Pondo igitur si solum ponatur, libram unam notat. Si alteri ponderis vocabulo adjicitur, pondus simpliciter significat: ut in his: pondo uncia, pondo semiuncia: ut à libra & uncia, & aliis, cū mensuræ sunt, distinguatur.

Libræ partes sunt, uncia perse: sextans, duæ uncia: quadrans, tres uncia: triens, quatuor: quincunx quinque: semis sex, quæ etiam selibra dicitur: septunx, septem uncia: Bes, octo uncia. Dodrans, novem, uncia: dextans, decem uncia: deunx, undecim uncia.

Libra in æquas partes sic dividitur, in semisses duos: in trientes tres: in quadrantes quatuor: in sextantes sex: fescuncias octo, & uncias duodecim.

Libra in partes impares dividitur sic. In deuncem & unciam: in dextantem & sextantem: in dodrantem & quadrantem: in bessem & trientem: in septuncem, & quincuncem.

Rursum libra in alia minora pondera, in has æquas partes dividitur. In semuncias XXIII. duellas XXXVI. sicilicos XLVIII. sextulas LXXII. denarios LXXXIII. victoriatos CLXXVIII. scriptula CCLXXXVIII.

Selibra, sive semis, dividitur in quadrantes II. sextantes III. fescuncias III. uncias VI. semiuncias XII. duellas XVIII. sicilicos XXIII. sextulas XXXVI. denarios XLII. victoriatos LXXXIII. scriptula CXLIII. Aliæ partes libræ, ex uncia divisione colliguntur.

Vncia, secatur in semuncias II. duellas III. sicilicos. III. sextulas VI. denarios VIII. victoriatos XIII. scriptula XXIII.

Semuncia, in duellam cum dimidia: sicilicos II. sextulas III. denarios III. cum dimidio: victoriatos VII. scriptula XII.

Duella, in sicilicum unum, & ejus tertiam: in sextulas II. denarios II. & ejus tertiam: victoriatos quatuor cum dimidio, & tertiā dimidii: in scriptula octo.

Sicilicus, in denarium cum dimidio, & ejus quartam: in victoriatos tres cum dimidio: & in scriptula sex:

Sextula, in denarium, & sextam ejus: in victoriatos duos, & ejus tertiam: & in scriptula quatuor.

Denarius, in victoriatos duos: scriptula tria, & tres ejus septimas: in sextantes sex: sicuti & drachma apud Atticos, in totidem obolos distribuitur.

Victoriatum, in scriptulum unum cum dimidio, & tres decimas quartas scriptuli.

Scriptulum, quod hodie scrupulum dicitur, vel denarius, continet partes, quas ex Græcorum ponderibus intelligemus.

DE ASSE PRO PEDE.

PES in spatiis & continuata quantitate, idem est quod as in ponderibus: Veteres usi sunt Asse, & partibus ejus, pro pede & ejus partibus. Pes igitur dividitur in uncias sive pollices XII. sive digitos XVI. & hanc mensuram digitorum duodecim Græci vocant Spitamen.

Palmus digitos continet quatuor: reliqua pedēda sunt ex Assis divisione.

Iugerum dividitur eodem modo: cujus minima pars vocatur scrupulū: continetque pedes decem: est que ut testatur Varro, longitudine ac latitudine quadratum.

DE PONDERIBVS GRÆCORVM.

praesertim Atticorum.

Talentum fuit duplex minus & majus: sive magnum & parvum.

Talentum parvum continet minas LX. magnum autem LXXX.

Talentum Babyloniorum drachmas valuit VII. Ægineum valuit X. Syrium M.D. Atticæ drachmæ aestimatione: fuit & Euboicum fere cum Attico idem.

Talentum igitur Atticum parvum distribuitur in minas LX. drachmas $\overline{\text{vi}}$. obolos XXXVI. semiobolos LXXII. chalcos CCXVI. lepta MDII.

Mina quoque fuit duplex vetus & nova: vetus continebat drachmas septuaginta quinque: nova valuit centum drachmis.

Mina igitur nova drachmas C. continuit: obolos sexcentos: semiobolos mille ducentos: chalcos $\overline{\text{m}}\text{dccc}$. Lepta (quæ à nonnullis minuta dicuntur) xxvcc.

Drachma dividitur in obolos sex: semiobolos duodecim: chalcos sive æreolos triginta sex: lepta ducenta quinquaginta duo.

Obolus distribuitur in semiobolos duos; chalcos sex: lepta XLII.

Semiobolus in chalcos tres: lepta viginti unum.

Chalcus in lepta septem: lepta vix dividi possunt.

EORVMDEM PONDERVM MEDICA

divisio, quæ & Græcæ: cùm majora in minora tribuuntur.

Mina dividitur in uncias XVI. drachmas CXXVIII. scriptula CCCLXXXIII. obolos DCCLXVIII. semiobolos MDXXXVI.

filiquas IIccciiii. grana sive momenta IXccxvi.

Libra in uncias XII. drachmas XCVI. scriptula CCLXXVIII. obolos DLXXVI. semiobolos MCLII. filiquas MDCCXXVIII. grana VIdccccxii.

Vncia dividitur in drachmas VIII. scriptula XXIII. obolos quadraginta octo, semiobolos XCVI. filiquas CXLIII. grana DLXXVI.

Drachma in scriptula tria, obolos sex, semiobolos duodecim, filiquas octodecim, grana septuaginta duo.

Scriptulum in obolos duos, semiobolos quatuor, filiquas sex, & grana viginti quatuor.

Obolus in semiobolos duos, filiquas tres, grana duodecim.

Semiobolus in filiquam cum dimidia, grana sex.

Siliqua in grana quatuor.

His etiam ponderibus veteres Medici sunt usi: præsertim veterinarii & Chirurghi.

Mina dividitur in libram & quadrantem: id est in uncias quindecim, drachmas centum & duodecim & semis: scriptula trecenta triginta septem, & semis: obolos sexcentos septuaginta quinque.

Libra in uncias duodecim: drachmas nonaginta: scriptula ducenta: obolos quingentos & quadraginta.

Vncia in drachmas septē & semissem: scriptula viginti duo, & semissem: obolos quadraginta quinque: reliqua ut superius considerantur.

De numerorum veterum æstimatione comparata ad nostri temporis precium.

Notandum heic est nullum fere fuisse pōderis genus, tam Græcis quàm Latinis, quò non vel nummus signatus, vel summa quædam rei numariæ significetur. Primùm igitur de Romanis heic agemus, deinde de Græcis: quæ accommodabimus postea ad nostri temporis rationem.

As sive libella, sunt denarioli Mediolanenses XII. quadrantes IIII. denarioli Gallici totidem, & paulo plus.

At cùm apud Antiquos legimus millia æris, asses pro ære debent intelligi: hoc est millia Assium.

Ab Assē fit decussis, hoc est decem Asses, & centussis; id est cētum Asses. Sextans continet denariolos Mediolanenses duos.

Quadrans

Quadrans five Teruntius, qui & Triuncius dicitur, est quãrtã pars Assis; & continet Mediolanenses denariolos tres

Triens Assis pars tertia, denariolos Mediolanenses quatuor, semis Teruntii five quadrantes duos.

Sestertius & numus idem sunt: continet Asses duos & semissem: hoc est quadrantes decem Mediolanenses: five Germanicos cruciatos duos: Gallica verò æstimatione Turonicos denariolos decem, & denarioli semissem: hoc est solidum regium.

Quamvis numus & numisma communis est appellatio cujusvis monetæ five aureæ, five argentæ.

Denarius valuit Mediolanensibus Assibus decem; hoc est quaternis sestertiis: Germanicæ monetæ cruciatos octo, & paulo pluris.

Libra valuit denariis octoginta tribus & paulo pluris: hoc est aureis nummis octo, & aurei fere semisse. Nam denarius Romę quinta fere parte gravior fuit, quàm drachma Athenis.

Libra auri, valuit solaribus coronatis Gallicis centum & duodecim fere: major enim fuit, quàm Mina Attica; nam uncia Romanæ graviores fuerunt uncis Atticis.

Cùm autem legimus mille sestertiũ: & mille sestertiũ nummũ: & mille nummũ, & mille sestertii; ea significant unum & idem: id est sunt aurei nummi, five coronati solares Gallici viginti quinque.

Sestertia verò genere neutro & in plurali numero, significant mille sestertos. Cùm verò adverbium numeri quopiam his adjungitur, cetera sunt intelligenda. Decem igitur sestertia sunt decem millia sestertiũ, & decies sestertiũ idem est quod decies centena millia sestertiũ, vel mille sestertia (nos hodie summam hanc millionem vocamus) quæ summa continet aureorum coronatorum nummũ xxv . Romani enim mille sestertia, & ab eo reliquos numeros fere per adverbia eloquebantur: Infra mille nunquam.

Aureum nummũ intelligimus, qui denis Romanis denariis valeat: hoc est libris Mediolanensibus quinque: quæ fuit æqua ejus æstimatio, ad quam rationẽ aut addendo aut detrahendo possunt omnia æstimari.

De nummis bigatis, quadrigatis, & ferratis, vel umbinis, idem cum denario æstimari debet: nomen enim sortiti sunt à bigis, quadrigis, ferra, & umbone quibus signati sunt.

Sic & de victoriatis, qui victoriam gerebant: quorum singuli quinque Assibus Mediolanensibus valuerunt: hoc est batzione Constantiensi.

Attica pecunia, qua Latini autores usi sunt, æstimatio.

Talentum Atticum minus valet fere nummis aureis Gallicis, five coronatis sexcētis. Majus autem talentum valuit coronatis octingētis. Mina fere coronatis aureis octo valuit, quatuor enim drachmis minor

fuit,quàm libra Romana. Minam semper Latini auctores intellexerūt Atticam,& argenteam:quæ valuit drachmis centum.
 Drachma Romano denario fuit minor: valebat enim obolis sex: assibus verò ferè octo & semisse. Germanicis cruciatis fere septem.
 A drachma facta sunt aliquot nummorum vocabula: ut didrachmum, tridrachmū, tetradrachmū: hoc est duarū, triū, & quatuor drachmarū.
 Siclus, qui & stater & talentum dicebatur, drachmis valuit quatuor, hoc est tetradrachmo. Siclo usi sunt Hebrei, sicut Græci statere.
 Fuit & stater aureus Athenis: sicut fuit Romæ nummus aureus duorum denariorum pondere, qui valebat coronatis duobus.
 Obolus cōtinebat denarios Mediolanēses XVII. sive Teruncios quinq; & denariolos fere duos: obolus idem est ferè, quod Germ. cruciatus.
 Cistophorus nummus drachma minor fuit: valebat assibus Mediolanē-sibus fere sex.

DE ROMANIS LIQVORVM MENSVRIS:

quomodo maiores mensuræ in minores distribuebantur.

CVM de numeris & ponderibus antiquorum tractaverimus superiùs, non abs re mihi videbitur, hic addere quædam, quæ ex aliis excepi, de mensuris: quæ etsi ad nostrum librum inscriptionum non multum faciant, ingratum tamen non fore puto lectori, intelligere & mēsurarum antiquarū rationem, nomina, & usum uniuscujusque.
 Culeus capit amphoras XX. urnas XL. cōgios CLX. sextarios DCCCC-LX. heminas MDCCCCXX. quartarios IIIDCCCXL. acetabula VIIDLXXX. cyathos XLDXX. & ligulas XLVIIXXX.

Amphora capit urnas II. cōgios VIII. sextarios XLVIII. heminas XCVI. quartarios CXCII. acetabula CCCXXXIII. cyathos DLXXVI. ligulas MMCCCIII.

Urna cōtinet congios III. sextarios XXIV. heminas XLVIII. quartarios XCVI. acetabula CXCII. cyathos CCLXXXVIII. ligulas MCLII.

Congius capit sextarios VII. heminas XII. quartarios XXIV. acetabula XLVIII. cyathos LXXII. ligulas CCLXXX.

Sextarius capit heminas II. quartarios IV. acetabula VIII. cyathos XII. ligulas XLVIII.

Hemina capit quartarios duos, acetabula IV. cyathos VI. ligulas XXIV.

Quartarius acetabula duo, cyathos tres, ligulas duodecim.

Acetabulum cyathum cum dimidio, ligulas sex.

Cyathus ligulas five cochlearia quatuor.

Libra quoque cum pro mensura ponitur, capit uncias duodecim.

Ligula drachmas tres, & scriptulum unum.

Cyathus fescunciam, drachmam & scriptulum.

Acetabulum uncias duas cum dimidia.

Quartarius quinque uncias.

Hemina novem uncias.

Sextarius viginti uncias.

Congius libras quadraginta.

Amphora libras octoginta.

Culeus mille & sexcentas.

ROMANÆ ARIDORVM MENSURÆ.

Modi⁹ capit duos semodios: acetabula CXXVIII. cyathos CXCII. ligulas DCCLXVIII. sextarios XVI. heminas XXXII.

Semodius sextarios VIII. Heminas XVI. acetabula LXIV. cyathos XCVI. ligulas CCCLXXXIV.

Sextarius heminas duas, & reliqua, | Acetabulum sesquicyathum.
ut in liquidis. | Cyathus ligulas quatuor.

Hemina acetabula quatuor.

Veteres quoque usi sunt libra in aridis.

Modius, continet libras viginti, un- | Acetabulū uncias duas cū dimidia.
cias octo. | Cyathus fescunciam, drachman, &

Semodius, libras tredecim, uncias | scriptulum.

quatuor. | Ligula drachmas tres, & scriptulum

Sextarius, uncias viginti.

Hemina, uncias decem.

unum.

MENSURÆ LIQVIDORVM APVD GRÆCOS.

Metretes, cadus, sive ceramius eandem mesuram significant.

Metretes capit choas XII. sextarios LXXII. Cotylas CXLIII. quartarios CCLXXXVIII. oxybapha DLXXVI. cyathos DCCCLXIII. conchas MDCCXXVIII. mystra MMMCCCCLVI. chemas IIII-CCCXX. cochlearia VIII DCXL.

Chus, sive chœus (quem Romani congiū vocaverunt) capit sextarios VI. cotylas XII. quartarios XXIII. oxybapha XLVIII. cyathos LXVII. conchas CXLIII. mystra CCLXXXVIII. chemas CCCLX. cochlearia DCCXX.

Sextarius capit cotylas II. quartarios IIII. oxybapha VIII. cyathos XII. conchas XXIII. mystra XLVIII. chemas LX. cochlearia CXX.

Cotyla & hemina & trybliom capit quartarios II. oxybapha IIII. cyathos VI. conchas XII. mystra XXIII. chemas XXX. cochlearia LX.

Quartarius capit oxybapha duo, cyathos tres, conchas sex, mystra duo-decim, chemas quindecim, cochlearia triginta.

Oxybaphum sive acetabulum, capit sesquicyathum, conchas tres, mystra sex, chemas septem cum dimia, cochlearia XV.

Cyathus capit conchas II. mystra IV. chemas V. cochlearia X.

Concha capit mystra duo, chemas duas cum dimidia, cochlearia V.

Mystrum capit chemen I. & ipsius partem IV. cochlearia II. cū dimidio.

Cheme capit cochlearia duo.

Cochleare est mensuræ pars minima.

Concha fuit duplex: major & minor: major æqualis fuit oxybapho, minor semicyathum capiebat.

Mystrum quoque majus, est decima sexta pars cotyles; pendetque drachmas tres cum dimidia, & quartam drachmæ partem: Mystrum minus, vigesima secunda pars est cotyles: & pendet drachmas duas, scriptula duo, siliquam unam, & grani undecimas quatuor.

Cheme item duplex fuit: major fuit pars cotylæ vigesima; pendetque drachmas tres. Minor verò fuit ejusdem cotylæ pars trigesima: & pendet drachmas duas.

Ligulæ sive cochlearia quoque fuere varia; sed quod majus fuit cōtinuit XXIII. quod minimum XXX. cyathi partem.

*DE IISDEM MENSURIS: CVM PER
uncias & libras æstimantur.*

Metretes capit lib. cētū & octo. Concha drachmas sex.

Chus libras novem.

Mystrum drachmas tres.

Sextarius libram cum semisse.

Cheme drachmas duas, scriptulū unū, grana quatuor, & quintas grani quatuor.

Cotyle uncias novem.

Quartari⁹ uncias quatuor cū dimid.

Oxybaphū uncias duas & drach. II.

Cochleariū drachmā unā, scriptulū dimidiū, grana duo, & duas quītas.

Cyathus fescunciam.

GRÆCÆ ARIDORVM MENSURÆ.

Medimnus capit chœnices quadraginta octo: sextarios LXXII. cotylas CXLIII. oxybapha DLXXVI. cyathos DCCCLXIII. cochlearia VIIIDCXL.

Chœnix capit sesquiseptarium: cotylas tres, oxybapha duodecim, cyathos octodecim, cochlearia centum octoginta.

Sextarius capit cotylas duas, oxybapha octo, cyathos duodecim, cochlearia centum viginti.

Cotyle capit oxybapha quatuor: cyathos sex, cochlearia sexaginta.

Oxybaphum capit sesquicyathum, cochlearia quindecim.

Cyathus capit cochlearia decem.

Rustica Græcorum mensura in liquidis.

Metretes continet amphoras duas: choas octo, cotylas centum & sedecim, oxybapha trecenta octoginta quatuor, cyathos quingentos septuaginta sex, mystra duo millia trecenta quatuor.

Amphora capit choas quatuor: cotylas quadraginta octo: oxybapha centum nonaginta duo, cyathos ducētos octoginta octo, mystra MCLII.

Chus;

Chus capit cotylas duodecim: Oxybapha quadringenta octo: cyathos ducentos octoginta octo, mystra mille centum quinquaginta duo. Cotyle capit oxybapha quatuor: cyathos sex: mystra viginti quatuor. Oxybaphum capit sesquicyathum, mystra sex. Cyathus capit mystra quatuor.

EÆDEM MENSURÆ PER VNCIAM ET LIBRAM.

<p>Metretes cotinet libras CVIII. Amphora libras LIII. Chus libras tredecim cum dimidia. Cotyle libram & fescunciam.</p>	<p>Oxybaphū uncias tres & drachmas tres. Cyathus uncias II. & drachmas II. Mystrū drachmas III. cū dimidia.</p>
--	---

RUSTICÆ GRÆCORVM MEN-
sura in aridis.

Medimnum capit modios Romanos sex: semimedimna duo. Tertiarios tres. Sextarios sex, semifextarios duodecim, semiduodecimas viginti quatuor, chœnicas quadraginta octo, cotylas centum quadraginta quatuor, oxybapha quingēta septuaginta sex, cyathos octīgētos sexaginta quatuor, mystra tria millia quadringenta quinquaginta sex.

Semimedimnum, capit tertiarum cum dimidio, sextarios tres: semifextarios sex, semiduodecimas duodecim, chœnicas viginti quatuor, cotylas septuaginta duas, oxybapha ducenta octoginta octo, cyathos quadringētos triginta duos, mystra mille septingēta viginti octo.

Tertiarius medimni capit sextarios duos: semifextarios quatuor: semiduodecimas octo, chœnicas sedecim, cotylas quadraginta octo: oxybapha centum nonaginta duo, cyathos ducentos octoginta octo, mystra mille centum quinquaginta duo.

Sextarius capit hic semifextarios duos, semiduodecimas quatuor, chœnicas octo, cotylas viginti quatuor, oxybapha nonaginta sex, cyathos centum quadraginta quatuor, mystra quingenta septuaginta sex.

Semisextarius, capit semiduodecimas duas, chœnicas quatuor, cotylas duodecim, oxybapha quadraginta octo, cyathos septuaginta duos, mystra centum octoginta octo.

Semiduodecima medimni pars, capit chœnicas duos: cotylas undecim, oxybapha viginti quatuor, cyathos triginta sex, mystra CXLIII.

Chœnix, capit cotylas tres: oxybapha duodecim: cyathos octodecim, mystra sexaginta duo.

Cotyle, capit oxybapha quatuor, cyathos sex: mystra viginti quatuor.

Oxybaphum capit sesquicyathum, mystra sex.

Cyathus capit mystra quatuor.

In his omnibus menfuris habēda est ratio rerum, quas metiri volumus.

Nam vinum oleo nona parte gravius est: & mel vino tertia fere parte: aqua pondere ad vinum proximē accedit. Et in his quæ puriora sunt, impuris & feculentis sunt leviora.

In aridis etiam hordeum gravius est avena: far hordeo: triticum farre: quinetiam triticum aliquod tritico gravius reperitur: atque item in aliis.

Culeus igitur oleo plenus, pendet libras mille quadringentas triginta & tres, & uncias quatuor.

Culeus mellis, pendet libras MMCCXXII. uncias duas, drachmas quinque, scriptulum unum.

Culeus vini, pendet libras mille quadringentas octoginta unam, uncias quinque, drachmas sex, siliquas quatuor.

Ligula plena oleo, pendet drachmas duas, scriptula duo, siliquas duas.

Ligula olei, pendet drachmas tres, siliquam unam, grana duo, & duas nonas grani.

Ligula mellis, pēdet drachmas quatuor cum dimidia, siliquas duas, granum unum, & tertiam grani partem.

ATTICÆ MENSURÆ QVIBVS

Medici interdum sunt usi.

Metreta plena oleo, pendet libras centum & viginti.

Metreta vini, pendet libras centum.

Metreta mellis, pendet libras centum & quinquaginta.

Cyathus olei, pendet unciam unam, drachmas duas.

Cyathus vini, unciam unam, drachmas tres, siliquas duas.

Cyathus mellis, uncias duas & scriptula duo.

GEORGICÆ, id est Rusticæ mensuræ.

Metretes cum Attico idem est, & cum omnibus.

Amphora olei pendet libras quadraginta quinque.

Amphora vini pendet libras quinquaginta.

Amphora mellis libras septuaginta quinque.

Chus olei, pendet libras XI. & uncias tres.

Chus vini, libras XII. cum dimidia.

Chus mellis libras XVIII. & uncias IX.

Cotyle olei continet uncias novem & drachmas duas.

Cotyle vini, libram unam & drachmas quatuor.

Cotyle mellis, sesquilibram & drachmas sex.

Oxybaphum olei, pendet uncias duas, drachmas sex cum dimidia.

Oxybaphum vini, pendet uncias tres, & drachmam unam.

Oxybaphum mellis, uncias quatuor, & drachmas quinque cū dimidia.
Cyathus olei, pendet unciam unam & drachmas septem.
Cyathus vini, uncias duas, & scriptula duo.
Cyathus mellis, uncias tres, & drachmam unam.

MENSURÆ ALIÆ QUÆ MEDICIS
quoque in usu fuerunt.

COrtyle olei, proportionē super tertia ad Atticam, pendet uncias decē.
Vini, uncias undecim, scriptula duo, obolum unum, siliquam unam.
Mellis libram unam, uncias IIII. drachmas V. scriptulum unum.
Oxybaphum olei, pendet uncias quinque. Vini uncias quinque cum dimidia, scriptulum unum, siliquas duas. Mellis uncias VIII. drachmas II. scriptula, II.
Cyathus olei pendet unciam unam. drachmas quinque, scriptulum unū.
Vini, unciam unam, drachmas sex, scriptula duo, siliquas duas, grana duo, & duas tertias grani. Mellis, uncias duas, drachmas sex, obolum unum, & siliquam unam.
Mystrum olei, pendet drachmas tres, scriptulum unum. Vini, drachmas III. scriptula II. grana duo, & duas tertias grani. Mellis drachmas V. cum dimidia, & siliquam unam.
Cochleare olei, pendet drachman unam, scriptula duo. Vini drachmā I. scriptula II. obolum I. granum unum, & grani tertiam partem.



AD LECTOREM
BOISSARDVS.



ANTIQUI monumenta multa seclī,
Quæ miratur adhuc domus Quirinī
Interrudera marmorum suorum,
Lector candide, tu libro hoc videbis.
Non sum nescius esse qui in eisdem
Scribendis studium prius dederunt.
Quos navasse operam quidem fatebor
Dignam laudibus, atque honore summo.

*Sed nil impedit, ista quin frequenter
Opus sit repeti. Scatent ruinæ
Romanæ innumeris fere figuris.
Ampla nec locus est in urbe, qui non
Ollas, vasa, sepulchra, vel tabellas,
Aut numismata singulis diebus
Detegat, statuasque, imaginesque.
Quæ quondam obruta, seculisque primis
Ignotissima restituta vidi.*

*At quando hoc opus aggredi parabam,
Non tantum libuit notare saxa,
Quorum plurima literis videntur
Græcis & Latius referre gesta
Prisci temporis: addita est voluptas
Non parvæ utilitati: Et has figuras,
Et formas lapidum tibi intuendas
Unâ proposui. Cape ergo quicquid
Hoc volumine continetur: & te
Spectando recrea, & simul legendo.*

*Si prodesse tibi meos putabis
Conatus, ago gratias. Requiro
Hoc tantum tribui meo labori,
Prodesse omnibus ut queam, & placere.*

EXCVSSVM TYPIS ABRAHAMI FABRI,
CIVITATIS MEDIOMATRICORUM
TYPOGRAPHI.

Impensis Theodori Bryi Leodiensis sculptoris, Francfurdiani Civis.


ANN. SAL. cIo. Io. xcv.



*In palatio Cardinalis Cæsij in ea Vaticani
parte, quam Burgum Vocant*


SILVANO ET
HERCVLI SANC
TISSIMIS DIIS
SACRVM

ARVLAM ASO
L.D.SVA IMPENDIA
CAIVS DOMITIVS
MARCVS
DONVM FECIT
↗ D ↗ D.



M. FABIO M. T. GAL. COLONI
SEPTIMIUS COS. PRAEF. VRB.
LEG. AVGG. PRO. PR. PANNON.
SVPER. DVCI VEXILL. LEG. PRO
PR. PROVINCIAE MOESIAE SVPER.
PONTI ET BITHYNIAE
COMITI AVGG. LEG. AVGG. PRO
PR. PROV. GALATIAE PRAEF.
MILIARIS PRO
COS. ITEMQ. LEG. PROV. NARBONENS
LEG. LEG. XVI. FLE. SAMOSATE
SODAL. HADRIANAL.
PRAEF. VRB. TRIB. PLEB. X. PROV.
CRETAE TRIB. LEG. XI. GL.
XVI. ST. LITIB. DIIVDICANDIS
MEDIOLANENSES
PATRONO.






P. COELIO P. F.
SER. BALBINO
VIBVLLIO PIO

X. VIRO ST. LITIB. IVDIC.
VI. VIRO EQVIT. ROMAN.
TVRM. QVINT. TR. MIL. LEG.
XXII. PRIMI. G. P. F. ADIECTO
INTER. PATRIC. AB. IMP. CAES.
TRAIANO HADRIANO AVG.
SALIO COLINO QVAEST
AVG. FLAMINI VLPIALI P. R. D.
FIDEI COMMISS COS.
DESIGNATO


DECVRIONES SVA PECVNIA.






L. CORNELIVS SCIPIO OREITVS
V. C. AVGV. TAVROBOLIVM
SIVE CREOBOLIVM FECIT
DIE III. KAL. MART.


TUSCO ET ANVLLINO COS.







QVI COLITIS CYBELEN ET QVI PHRYGA PLANGITIS ATYN
DVM VACAT ET TACITA DINDYMANOCTE SILENT
FLETE MEOS CINERES. NON EST ALIENVS IN ILLIS
HECTOR AT HOCTVMVLO MYGDONIS VMBRA TEGOR
ILLE EGO QVI MAGNI PARVVS COGNOMINIS HERES
CORPORE IN EXIGVO RES NVMEROSA FVI.
FLECTERE DOCTVS EQVOS NITIDA CERTARE PALAESTRA
FERREIOCOS ASTV FALLERE NOSSE FIDEM.
AT TIBIDENT SVPERI QVANTVM DOMICILLA MERERIS
QVAE FACIS EXIGVA NE IACEAMVS HVMO.





ΤΙΒΕΡΙΩΙ ΚΛΑΥΔΙΩΙ
ΚΟΥΙΡΕΙΝΑΙ
ΜΕΝΕΚΡΑΤΕΙ ΙΑΤΡΩΙ
ΚΑΙΣΑΡΩΝΚΑΙ ΙΔΙΑΣ
ΛΟΓΙΚΗΣ ΕΝΑΡΓΟΥΣ
ΙΑΤΡΙΚΗΣ ΚΤΙΣΤΗΙ ΕΝ
ΒΙΒΛΙΟΙΣ .Ρ.Ν.Σ ΔΙΩΝ
ΕΤΕΙΜΗΘΗ ΥΠΟ ΤΩΝ ΕΝ
ΛΟΓΙΜΩΝ ΠΟΛΕΩΝΦΗΦΙΣ
ΜΑΣΙΝ ΕΝΤΕΛΕΣΙΟΙ ΠΝΩΡΙΜΟΙ
ΤΩΙ ΕΑΥΤΩΝ
ΑΙΡΕΣΙΑΡΧΗΙ ΤΟ ΗΡΩΟΝ .





In domo Casiana

EXAVCTORITATE IMP.
CAESARIS DIVI
NERVAE F. NERVAE
TRAIANI AVG. GERM.
PONTIFICIS MAXIMI
TRIBVNIC. POTESTAT. V.
COS. III. PP.


TI. IVLIVS FEROX CVRATOR
ALVEI ET RIPARVM TIBERIS
ET CLOACARVM VRBIS TER
MINAVIT RIPAM RR. PROXIMO
CIPPO P. CCCLXXXVI

In domo Casiana Dom. 53



H 3

DIVA PLOTINA AVG.



C. HELVIO C.F.
COR. CELERI

ET HELVIO FELICI PATR.
TESTAMENTO FIERI IVSSIT
ARBITRATV
QVARTILLAE LIB.
M.VIBI PRISCI HER.L.
PONTINI PHOEBI HER

IMP. CAESARIS DIVI F.
AVGVSTVS
PONTIFEX MAXIMVS
TRIBVNIC POTEST XVII.
EX S. C. TERMINAVIT
RR. PROXIM. CIPP. PED. CLXI.


COLLEG. II.


AVGV RV M AVTO RE
IMP. CAESARI DIVI
TRAIANI PARTHICI F.
DIVI NERVAE NEPOTI
TRAIANO HADRIANO
AVG. PONT. MAX. TRIB.
POT. V. COS. III. PROCOS.
TERMINOS POMOERII
RESTITVENDOS CVRAVIT





In domo Card: Casy 1688





C. DOMITI C. F.
PAL. VERI
VIXIT ANNIS XXXXI.
MENSIBVS VII. DIEB. XII.
VOLVIA SEVERA
CONIVX MARITO
OPTVMO ET
INDVLGENTISSIMO





DIS MANIBVS .

CN. OFILIO CN.F.QVIR. PISONI


V. A. XXXIII. M. IX. D. X


CN. OFILLIO CN.F.QVIR. FRVGI. V. A.

XVII.


M. II.

CN. OFILLIVS SVCCESSVS ET
ANTONIA RESTITVTA PARENTES FILLS
PIENTISSIMIS FECERVNT ET SIBI ET
SVIS LIBERTIS LIBERTABVSQ.
POSTERISQ. EORVM .






In Palatio Cæsiane





EAE PYRALLIDI

L











DIS. MAN.
M. NUMISIO LOTO
VIX. ANN. XXX.

M. NUMISIUS COL.
EPAPHRO DISIANVS F.
PATRI OPTIMO
INDVLGENTISSIMO
FECIT.




D. M.
C L O D I A E
A V I T A E
H E R E D E S
E X T E S T A M E N T O .


M.2.




DIIS MANIBVS.
CLAUDIO HYLLIO
VIX. ANN. IIII. MENS. VII.
DIEB. V. CLAVDIVS
TAVRISCVS PATER FILIO
KARISSIMO.









D. IS MANIBVS
C. VMBRICIVS
VEIETANVS
SIBI ET
VMBRICIAE DELPHIDI
CONIVGI SVAE ET
VEIETONI FILIO SVO
VIXIT ANN. XII.







SEXTO PETRONIO PROBO
ANICIANAE DOMVS
CVLMINI PROCONSVLI
AFRICAЕ PRAEFECTO
PRAETORIO QVATER
ITALIAE ILLYRICI AFRI
CAE GALLIARVM CON
SVLVM PATRI ANICIVS
HERMOGENIANVS
OLYBRIVS V. C. CONSVL
ORDINARIVS ET ANICIA
IVLIANA V. C. EIVS
DEVOTISSIMI FILII
DEDICARVNT.

D. M.
N. OGVLNIO
PRIMO
PATRI OPTIMO
FECIT
ATIMETVS
FILIVS.


D. M.
M. CLAVDIVS
THEAETETVS
PHILIPPIDI
VXORI
DVLCISSIMAE
BENEMERENTI

CONSIMILES FRATRVM IRATISTESIA MIMA HONORVM DILECTAE PROEVS HAEC PERSOLVO MVNERA MATRE
TERTI QVAE DEDERAM IADIANVS VLIS RES IUVENSIAE TVIS PRAEMIA QVAE DEDERAT.





ANICIAE FALCONIAE
PROBAE FIDEI NOBILITA
TIS ANTIQVAE ORNA
MENTO ANICIANAE
FAMILIAE SERVANDAE AC
DOCENDAE CASTITATIS
EXEMPLO CONSVLVM
PROLI CONSVLVM MA
TRI ANICIVS HERMOGE
NIANVS OLVBRIVS $\overline{\text{AV. AC. A.}}$
CONSVL ORDINARIVS
ET ANICIA IVLIANA $\overline{\text{AV. AC. A.}}$
EIVS DEVOTISSIMI FILII.
DEDICARVNT.















CAESONIAE M.F. PRIMAE
QVAM RELIQVIT MENS. VII.
VIXIT ANNO I. MENS. VI.
M. CAESONIVS PRIMG. N. S.
PVBLISCIA SVCCESSA AVIA
AELIA RESTITVTA MATER

FECERVNT.


D. M.
M. CAESIO
EPAPHRODITO
M. CAESIUS
EPAPHRODITVS
ET CAESIA FLORA
FILI PATRI
BENEMERENTI
FEC.

T. CAESIUS PRISCILLAE L. HERMES
POSTVMIANVS SIBI ET
CAESIAE ANAPHE CONIVGI CARISSIMAE
T. CAESIUS AGATHO SIBI ET
CAESIAE PERSIDI CONIVGI CARISSIMAE
T. CAESIUS TESER PERSICVS
VIXIT ANNIS II. MENS. VI.










INCRATAE VENERI
 SPONDEBAM MVNERA
 SUPPLEX EREPTA CONIVX
 VIRGINITATE TIBI PERSE
 PHONE VOTIS INVIDIT PALLIDA
 NOSTRIS ET PRAEMATVRO FVNERE
 TE RAPVIT SVPREMV
 VERSVS MVNVS DONATVS
 ET ARAM ET GRATAM SCALP
 SIT DOCTA PEDANA
 CHELIN MENVNC TORQVET
 AMOR TIBI TRISTIS CVRA
 RECESSIT LETHEOQVE
 IACES CONDITA SARCOPHAGO.



D. M.
CAESIAE DAPHNE
DIANAE
INVENTIANAE
SANCTISSIMAE
CONIVGI
OPTIMVS MARI
TVS.



AQVIL. LEG. V. MACED.



I. O. M. D.

AVR. IVLIANVS
EQ. R. SACER
DOS HVIVS
LOCI. DD.

AQVILA LEG IIII SCVT.





SIPENSARE ANIMAS
SINERENT CRUELIA FATA
ETPOSSE REDIMI MORTE
ALIENA SALVS
QUANTVLACVNQVE MEAE
DEBENTVR TEMPORAVITAE
PENSAREM PROTE CHARA
HOMONOEAE LIBENS
ATNVNC QVOD POSSVM FVGIA
IVCEM QVOD DEOSQV TE MATV
RAPER STVGA MORTE SEQVAR
PARCE TVAM CONTVX FLETV
QVASSARE IVVENIAM
FATAQ MOERENDO SOLLI
CITARE MEA
NIL PROSVNI LACRYMAE NEC
POSSVNT FATA MOVERI VIXIMVS
HIC OMNES EXITVS VNVS HABET
PARCE ITA NON VNQVAM ST
MILEM EXPERIERE DOLOREM
ET FAVEANT VOTIS NVMINA
CVNCTA TVIS.
QVODQVE MIHI ERIPVIT
MORS IMMATVRA IVVEN
TAE ID TIBI VICTVRO
PROROGET VLTERRVS.

ATIMETVS PAMPHILI
TI. CAESARIS AVG. L. L.
ANTEROTIANVS SIBI ET
CLAVDIAE HOMONOEAE
COLLIBERTAE ET
CONTVBERNALI

Η ΠΟΛΙΣ ΕΙΡΗΝΩΝΑΙΤΥΡΩΤΕΡΗ Η ΠΑΡΑ ΒΑΚΧΩΙ
ΚΑΙ ΘΘΙΝΑΙΣ ΑΥΤΗΣ ΧΡΥΣΟΤΕΡΗ ΚΥΠΡΙΑΟΣ
ΚΑΛΛΙΗ ΦΑΙΔΡΗΤΕ ΧΕΛΙΔΟΝΙΣ ΕΝΘ ΟΜΟΝΟΙΑ
ΚΕΙΜΑΙ ΑΤΙΜΗΤΩΙ ΛΕΙΠΟΜΕΝΗ ΔΑΚΡΥΑ
ΤΩΙ ΠΕΛΟΝ ΑΣΠΑΣΙΗ ΒΑΙΗΣ ΑΠΟΤΗΝΔΕΤΟΣΑΥ ΤΗΝ
ΔΑΙΜΟΝ ΑΠΡΟΣΑΗΣ ΕΣΚΕΔΑΣΕΝ ΦΙΛΙΗΝ.


PERMISSV PATRONI

IN FRONTE LONGVM P.V. LAT. P.IV

TV QVI SECVRA PROCEDIS
MENTE PARVMPER
SISTE GRADVM
QVAESO VERBAQVE
PAVCA LEGE.
ILLA EGQ QVAE CLARIS
FVERAM PRAELATA
PVELLIS HOC HOMONOEAE
BRIVI CONDITA SVM
TVMVLO
CVI FORMAM PAPHIAET
CHARITES TRIBVERE DECO
REM QVAM PALLAS
CVNCTIS ARTIBVS ERVDVIT
NONDVM BISDENOS AE
TAS COMPLEVERAT ANNOS
INIECERE MANVS INVIDIAE
FATA MIHI
NEC PROME QVE RORHOC
MORTE EST MIHI TRISTIOR
IPSA MOEROR ATIMETI
CONIVGIS ILLE MEI.
SITTIBI TERRA LEVIS
MVLIER DIGNISSIMA VITA
QVAEQUE TVIS OLIM
PERFRVERERE BONIS.
















In hortis Caesij Card:




In horto sub Palladis statua

























*Ante aedes Alexandri
Machinari.*

*Apud Enforium fratellum ad templum 91
S. Apollinaris.*



In templo S. Benedicti della Trinita, sub baptismatis fonte.








ENVTTIO AELIANO EVOK. ET IVLIO HILARO ET
IVLIO MODESTINO IVLIA MODESTINA CONIVX
CONIVGI ET FILIBVS SVIS
BENEMERENTIBVS.

DIS MANIB

C. IVLIO C. L.
METRODORO
IVLIAE C. L.
PHERVSAE
C. IVLIO C. L.
MERCVRIALIS VIXIT
ANN. XIX.




SIBI ET SVIS

C. IVLIO C. L.
AGATHOPODI.
IVLIA F. F.
SYMPHERVSAE

POSTERISQVE AEVORVM.
















M. AVR. LVCIANO MILITI COH. VII. P. R. S.
ALEXANDRIN. VIX. ANN. XXVIII.
MIL. ANN. VI HORTIVNDVS EX
PROVINCIA DACIA. C. VIRVS
VRBICVS HERCO MANIPVLO
B. M. F.











ΩΝ ΕΥΕΡΓΕΤΗ ΘΕΙΣΕΡΓΑ Ν
ΛΟΥ ΟΝΤΟΣ ΚΑΙ ΣΥΜΜΑΧ
ΣΒΕΥΣΑΝΤΩΝ ΒΑΚΧΙ
ΟΝΥΣΙΟΥ ΦΑΙΔΡΟΥ ΤΟΥ Π

ΜΕΓΙΣΤΑ ΥΠΟ ΤΟΥ ΔΗΜΟΥ
ΟΥ ΧΑΡΙΣΤΗΡΙΑ Δ Π.ΚΑΠΕΤΩ
ΟΥ ΤΟΥ ΔΑΜΠΡΙΟΥ
ΠΑΥΣΑΝΙΟΥ.

MVN. L. RESTITVTAE NN. MAIORVM LEIBERI
ROMA IOVEI CAPITOLINO ET POPLO ROMANO VM
BENIVOLENTIAE BENEFICIQVE CAVSSA ERGA LVCIOS AB COMMVN



ΑΚΙΩΝΤΟ ΚΟΙΝΟΝ ΚΟΜΙΣΑΜΕΝΩΝ ΤΗΝ ΠΑΤΡΙΟΝ ΔΗΜΟ
ΚΡΑΤΙΑΝ ΤΗΝ ΡΩΜΗΝ ΔΗΚΑΠΕΤΩ ΔΙΩΙ ΚΑΙ ΤΩΙ ΔΗΜΩ ΤΩ
ΡΩΜΑΙΩΝ ΑΡΕΤΗΣ ΕΝΕΚΕΝ ΚΑΙ ΕΥΝΟΙΑΣ ΚΑΙ ΕΥΕΡΓΕΣΙΑΣ
ΤΗΣ ΕΙΣ ΤΟ ΚΟΙΝΟΝ ΤΩΝ ΛΥΚΙΩΝ.

M. SVTORIVS PAMPHILVS LICTOR CVRIARVM
SACRIS PVBLICIS P.R. QVIRITVM VIATOR QVI COS. ET PRAE.
APPARET DECVRIO COLLEGI FABRV M FERRARIVM.

SVTORIA M.L. M. SVTORIVS M.L. BARNAES. C. CLAVDIVS M.L. POSSIDONIVS
THAIS MATER G. COLLIB PAMPHILI VIATOR AMICVS PAMPHILI.
PAMPHILI. QVI COS. ET PRAE APPARET.

SVTORIA M.L. ISYCHARIVM SVTORIA M.L. CHELIDO V. SVTORIA M.L. V M. SVTORIVS L RVFIO
V LIBERTA. 71 DELICIAE PAMPHILI CONLIB FEC PAMPHILI LIBERTA. M. MYRNINI LIBERTVS PAM.
M. SVTORIVS M. LIBERTIS S. LIB. PAM. M. SVTORIVS M.L. FORTVNATVS. I. PAMP. SVTORIA. M. LIBERTA LIB.







D. M.
MANLIAE
GN. FIL.
LOCHIME
RVFVS PATER
FILIAE
DVLCISSIMAE

FORTVNAE AVGVST.
SACRVM.

Q. AVIALIVS ADAEVS
MAGISTER VICI
QVI KAVGVSTIS PRIMVS
MAGISTERIVM INIT

DEO HERCVLI
INVICTO

C. IVLIVS POMPONIVS
PVDENS
SEVERIANVS
V.C. PRAF. VRB.

APPIO ANNIO BRADVA
T. VIBIO RARO COS
MAGISTRI FONTIS LOLLIANI.

M. VLPIVS FELIX.
N. CNOFLONIVS VITALIO
C. CLODIVS SATVRNINVS



C. CNOFLONIVS SVCESSVS
L. SCANTIVS FAVSTVS
P. METILIVS EVTYCHVS
T. CAECILIVS PRIMIGENIVS
L. CALPVARNIVS ONESIMVS
D. IVNIVS CALLISTVS
M. ALFIDIVS CRESCENS



SER. GALBA II. TRVINIO COS.
MAG. TI. CLAVDIVS CRESCENS
PAVLAE BVTIVS PARTHAE
L. FAENIVS DIONVSIVS
L. FVLVIVS ONESIMVS
N. CONFLONIVS ADIVTOR
M. ALHIDIVS FORTVNATVS
MIN. PROTVS SABEDI.
SVCCESSVS ANTIGONI.
HERMES ARASCANTI.
LYDVS ATHENIONIS.
LVCRIO MANNAI AIS.
FELIX CHIANI.












Pars saxi anterior


pars posterior.

V. 3











In palatio Conservatorum sub statua Herculis.









C. TERENTIO C. L. PAMPHILO

SACHARIO POST AEDem CASTORIS.

CALPVrNIAE D. L. SALVIAE.

MARIAE L. F. RVFFAE.

C. TERENTIO C. L. RVFIONI.


TERENTIAE C. L. POLINI


C. TERENTIvS CLEROS.




HIS OMNIBVS QVI SVpra SCRIPTI SVNT.

ET SIBI FACIvNDVM CVRAVIT.

In ara coeli ubi aqua lustratis reposita est.











Super coemiterio aræ coeli.


In ara coeli, tertia columna ad læuam.

108





Y 2





Ante arcum Septimii Severi sub Capitolio.





P. ATILII P.F. OVF. SEPTIMIANI GRAMMATICI
LATINI ET L. ATILIO FILIO DVLCISS.
ANNAEA TYCHE P.
ET SIBI ET SYNGRAPHO LEIB.

IMP. CAESARI
ANTONIO GORDIANO
FELICI INVICTO
AVGVSTO
PONTIF. MAX. TRIB. POT. II.
COS. PROCOS. P.P.
NVMISIVS QVINCTIANVS V.P.
AB EPISTVLIS LATINIS
DEVOTVS NVMNI
MAIASTATIQ. EIVS.



SALVIS DD.NN.HONORIO ET THEODOSIO VICTO
RIOSISSIMIS PRINCIPIBUS SECRETARIUM
AMPLISSIMI SENATUS QVOD VIR ILLUSTRIS
FLAVIVS ANNIVS INSTITVERAT ET FATALIS
IGNIS ABSVMP SIT FLAVIVS ANNIVS EVGARIVS
EPIFANIVS V.C.PRAEF.VRBI VICE.SACRA IVDIC.
REPARAVIT ET AD PRESTINAM
FORMAM REDVXIT.

*In frontispicio Portæ S. Georgij: qui est
arcus Boarius*


IMP. CAES. L. SEPTIMIO SEVERO PIO PERTI
NACI AVG. ARABIC. ADIABENIC. PARTHIC. MAX
FORTISSIMO FELICISSIMO PONTIF. MAX. TRIB.
POTEST. XII. IMP. XI. COS. III. PATRI PATRIAE ET
IMP. CAES. M. AVRELIO ANTONINO PIO FELICI
AVG. TRIB. POTEST. VII. COS. III P.P. PROCOS.
FORTISSIMO FELICISSIMOQUE PRINCIPI ET
IVLIAE AVGVSTAE MATRI AVG. N. ET CASTRORVM
ET SENATUS ET PATRIAE ET IMP. CAES. M. AVRE
LII ANTONINI PII FELICIS AVG. PARTHICI MAX
BRITANNICI MAXIMI
ARGENTARI ET NEGOTIANTES BOARI
HUIVS LOCI QUI DEVOTI NUMINI EORVM
INVEHENT.



IMP. CAES. L. SEPTIMIUS SEVE
RVS PIVS PERTINAX AVG. ARABIC.
ADIABENIC. PARTHIC. MAXIMVS
TRIB. POT. XI. IMP. XI. COS. III. P. P.
IMP. CAES. M. AVRELIVS ANTONINVS
PIVS FELIX AVG. PONT. MAX
TRIB. POT. VI. COS. PROCOS. INCEN
DIO CONSVMTAM RESTITVERVNT.

In foro piscatorio.

P. CAESAR DIVI. FIL. AVG.
PONTIFEX MAXIMVS
IMP. XI. TRIB. POT. XIV
AEGYPTO IN POTESTATEM
POPVLI
ROMANI REDACTA
SOLI DONVM DEDIT.




NVMINI DEORVM AVG. IOVI OPT. MAX.
AEDem VOTO SVSCEPTO Q. LEPIDVS M. F.
M CVRIVS M. F. COS. III. S. P. Q. R.



IMP. CAES. DIVI TRAIANI PARTHICI NERVAE
NEPOTI TRAIANO HADRIANO AVG. PONT. MAX.
TRIB. POT. II. COS. II. QVOVIS OMNIVM PRINCI-
PVM ET SOLVS REMITTENDO SESTERTI-
VM NAVES MILLIES CENTENA MILLIA ET IN
DEBITVM FISCIPTES EIVS SVAQ. ET POS-
TEROS SVOS RESTITVIT HAC LIBERTATE
SECVROS IVLIA AVG. MATER AVGG. ET
CASTRORVM MATRONIS RESTITVIT

SABINA AVGVSTA
MATRONIS

DIVVS AVG. PONT. MAX. EX. S. C.
REFECIT.



In exteriori parte Pontis insulae Tyberinae : qui Ponte di quattro capi dicitur. II. 4.



In interiore parte Pontis S. Bartolomaei utrinque duae inscriptiones leguntur ejusmodi



IMP. CAES. LVCIO SEPTIMIO M. FIL. SEVERO PIO
PERTINACI AVG. PATRI PATRIAE PARTHICO ARABIC.
ET PARTHICO ADIABENICO PONTIF. MAXIMO TRIBVN.
POTEST. XI. IMP. XI. COS. III. PROCOS. ET IMP.
CAES. M. AVRELIO L. FIL. L. ANTONINO AVG. PIO.
FELICI TRIBVNIC. POTEST. VI. COS. PROCOS. P P.
OPTIMIS FORTISSIMISQVE PRINCIPIBVS OBREM
PVBLICAM RESTITVTAM IMPERIVMQVE POPVLI
ROMANI PROPAGATVM INSIGNIBVS VIRTVTIBVS
EORVM BOMI FORISQVE S. P. Q. R.

Ad Porticum Templi concordiae sub Capitolio

SENATVS POPVLVSQVE ROMANVS
INCENDIO CONSVMPVTVM RESTITVIT

AA

D. N. CONSTANTINO PIO FELICI AC TRIVMFA
TORI SEMPER AVGVSTO OB AMPLIFICATAM TO
TO ORBE REMPVBLICAM FACTIS CONSILIISQVE

S . P . Q . R .

AEDEM CONCORDIAE VETVSTATE COLLAPSAM
IN MELIOREM FACIEM OPERE ET CVLTV SPLEN
DIDIORE RESTITVERVNT.

DIVO ANTONINO ET DIVAE FAVSTINAE
EX S C

*In Arcu Vespasiani prope Templum
S. Mariae novae*


SENATUS POPVLVSQVE
ROMANVS DIVO TITO
DIVI VESPASIANI F
VESPASIANO AVGVSTO

S P Q R
IMP. TITO CAES. DIVI VESPASIANI
FILIO VESPASIANO AVG. PONT. MAX.
TRIBVNIC. POTES. X. IMP. XVIII.
PP. PRINCIPI SVO QVI PRAECEPTIS
PATRIAE, CONSILIIISQVE
ET AVSPICIIS GENTEM IVDEORVM
DOMVIT ET VRBEM HIEROSOLV
MAM OMNIBVS ANTE SE DVCIB.
REGIB. GENTIB. AVT FRVSTRA
PETITAM AVT
OMNINO INTENTATAM DELEVIT.



PETRONIVS PERPENNA MAGNVS QVADRANTIANVS.
V.C.MI. PRAEF. VRB. THERMAS CONSTANTIANAS
LONGA INIVRIA ET ABOLENDAE VEL POTIVS
FOEDALIS CLADIS VASTATIONE VEHEMENTER
ADFLICTAS ITA AGNITIONE SVI EX OMNI PARTE
PERDITA DESPERATIONE OMNIS REPARATIO
NIS DEPVTVS AB AMPLISSIMO ORDINE PAR
VO SVMPTV QVIDEM SED QVANTVM PVBLICAE PA
TIEBANTVR ANGVSTIAE AB EXTREMO VINDI
CAVIT ET PROVISIONE LONGISSIMA IN PRISTI
NAM FACIEM SPLENDOREMQUE RESTITVIT.


IMPPP. CAESSS. DDD. NNN. GRATIANVS.
VALENTINIANVS ET THEODOSIVS PII
FELICES SEMPER AVGGG. ARCVN AD CON
CLVDENDVM OPVS OMNE PORTICVVM
MAXIMARVM AETERNI NOMINIS SVI
PECVNIA PROPRIA FIERI ORNARIQVE
CVRAVERVNT.




SENATUS POPVLVSQVE ROMANVS
 IMP. CAESARI DIVI NERVAE NEPOTI TRAIANO
 AVG. GERM. DACICO. PONTIF. MAXIMO
 TRIB. POT. XVII. IMP. COS. VI. P. P.
 AD DECLARANDAM QVANTAE ALTITV
 DINIS MONS ET LOCVS TANTIS EX
 COLLIBVS SIT EGESTVS.

PR. TR. PL. Q. AVGV. TR.
 MIL. EX SORTE BELLVM CVM
 IGVRTA NVMID. VEL. PROCOS.
 GESSIT EVM CEPIT ET TRIVMP
 HANS SECVNDQ CONSVLATV IN
 IOVIS ANTE CVRRVM SVVM DVCI
 IVSSIT. III. COS. ABSENS CREATVS
 EST III. TEVTONORVM EX
 ERCITVM DELEVIT. V. CONSVL
 CIMBROS FVGAVIT EX EIS ET TEV
 TONIS ITERVM TRIVMPHAVIT
 REMP TVRBATAM SEDITIONIBVS
 ET TR. PL. ET PRAETOR QVI ARMA
 TI CAPITOLIVM OCCVPAVERANT
 VI. COS. VINDICAVIT. POST LXX.
 ANNVM PATRIA PER ARMA CIVILIA
 PVLSVS ARMIS RESTITVTVS VII. COS
 FACTVS EST DE MANVBUS CIMBRI
 CIS ET TEVTONICIS AEDEM HONORI
 ET VIRTVTI VICTOR VESTE TRI
 VMPHALI CALCEIS PVNICEIS.






ANNIO PAVLINO IVN PROCOS
ASIAE ET HELLESPONTI
COS ORDINARIO PRAEFEC
VRBI VICE SACRA IVDICANTI
OB MERITVM NOBILITATIS
ELOQVII IVSTITIAE ATQVE
CENSURAE QVE PRIVATIM ET
PVBLICE CLARVS EST PETI
TV P.R. TESTIMONIO SENA
TVS IVDICIO DD. NN. TRIVM
PHATORVM AVGG. CAESARVM
Q. STATVAM SECVNDAM
AVRO PERFVSAM
LOCARI SVMPTV PVBLICO
PLACVIT.



PONTIFICIS VOTIS
ANNVANT DII ROMANAE
REIP. ARCANAQVE MOR
BIS PRAESIDIA ANNVANT
QVORVM NVTV ROMANO
IMPERIO REGNA CESSERE.



IMP. CAES. L. AVRELIO VERO AVG.
ARMENIC. AC. MED. PARTHIC. PONTIF.
MAXIM. TRIBVNIC. POTEST. VIII
IMP. V. COS. III. PP.

121

*In arcu Constantini qua itur ab Amphitheatro ad Septizonium
severi intrinsecus lub arcu. ad dextram scriptum est
LIBERATORI VRBIS et infra VOTIS X ad sinistram vero
FVNDATORI QVIETIS: et infra VOTIS XX.*

IMP. CAES. FLAV. CONSTANTINO
MAXIMO P. F. AVGVSTO S. P. Q. R.
QVOD INSTINCTV DIVINITATIS
MENTIS MAGNITVDINE CVM
EXERCITV SVO TAM DE TVRAN
NOQVAM DE OMNI FACTIONE
VNO TEMPORE IVSTIS REMPVE
VLTVS EST ARMIS ARCV M
TRIVMPHIS INSIGNEM DICAUIT.

In arcu Galieni.

BB. 3

GÁLIENO CLEMENTISSIMO PRINCIPI
CVIVS INVICTA VIRTVS SOLA PIETATE
SVPERATA EST M. AVRELIVS VICTOR
DEDICATISSIMVS NVMINI MAIESTATI
QVE EIVS.

T. SEMPRONII GRACCHI COS. IMPE-
RIO AVSPICIOQVE LEGIO EXERCITVSQ.
P. R. SARDINIAM SVBEGIT IN EA PROVIN-
CIA HOSTIVM CAPTA SVpra LXXX.
MILIA REP. FELICISSIME GESTA ATQVE
LIBERATIS VECTIGALIBVS RESTITVTIS
EXERCITVM SALVVM ATQVE INCOLV MEM
PLENISSIMVM PRAEDA DOMVM REPORTA-
VIT ITERVM TRIVMPHANS INVrbem

ROMAM REDIIT

CVIS REI ERGO HANC TABVLAM

I O V I D D



FORTVNAE REDVCI

ET IOVI SERENO

DIIS DEABVSQ.

SVB QVORVM TVTELA

AVGG. MILITANT.


C. STATIVS PLAVTI


ANVS D D.





LVCIVS STRATONICVS ELPIDI FARINAE
CONIVGI ET VENVLINAE RODONICAE FILIAE
DVLCISS. ET ELPIDIO STRATONICO ET SIBI
ET SVIS LIBERTIS LIBERTAB. Q. POSTERISQ.
E O R V M .








D.

M.

L. TERENTII ASCLEPI
ADIS ET L. TERENTII
FELICIS FILII MISERRIMI
QVI FATVM PATRIS IMMA
TVRA MORTE. SVBSECVTVS
EST HELLANICA MATER.
MOESTISSIMA POSVIT
ET LAELIAE TERENTIAE
FILIA INNOCENTIS
SIMAE ET SIBI.









PACI AETERNAE
DOMVS
IMP. VESPASIANI
CAESARIS AVG.
LIBERORVMQ. EIVS
SACRVM

AVG. IVNIOR.




P. VEDIO DIOGENI VEDIAE FELICVLAE
FRATRI COGNATAE.





I. O. M.
ET IVNONI REGINA

PRO SALVTE
M. AVRELII ANTONINI
PII FEL. AVG.
ET IVLIAE AVG.
IVL. PVDENS SEVERIANVS
ARAM CVM BASI
POSVIT.





I V P P I T E R
C V S T O S
D O M V S A V G :

H. MALVGINENSIS DD.

DD.3



AVCTORITATE
IMP. CAESARIS DIVI
TRAIANI PARTHICI F.
DIVI NERVAE NEPOTIS
TRAIANI HADRIANI
AVG. PONT. MAX. TRIB
POTEST. V. IMP. IIII. COS. III
L. MESSIVS RVSTICVS CVRATOR
ALVEI ET RIPARVM TIBERIS
ET CLOACLARVM VRBIS RR. RESTITVIT
SECVNDVM PRAECEDENTEM
TERMINATIONEM PROXIM. CIPP.
PED. CXVS.

DACIC GERMANIC
AVG. PONT. MAX. TRIB
POTEST. V. IMP. COS. III
L. MESSIVS RVSTICVS CVRATOR
ALVEI ET RIPARVM TIBERIS ET
CLOACARVM VRBIS RR. RESTITVIT
SECVNDVM PRAECEDENTEM
TERMINATIONEM PROXIMI CIPPI
PED. CX.



OSSA L. COR. LAMIAE ET TYCHES.
FECIT SIBI ET CORN. FILIO ET SVIS
ET LIBERTIS LIBERTABVSQ. POSTERISQ.




DILS MANIBVS
M. CORNELIO
EVHODO
NUMVLARIO
CLAVDIA
CRANE CONIVGI
BENEMERENTI FECIT.

D. M.
C. SABINO C. F.
SOLVA ANGVLA
TO VETERANO.
COH. III. PR. S. ANE
NIVS EVROTAS
EVOCATVS AC
N. ET IVLIATAE
ODORACIOVS.
B. M. P. E. C. E.

D. M.
D. VIDIO PARTHACO
PATRONA
ALVMNO
B. M.
P. Q.

D. M.
T. CLAVDIO
FELICI PATRI ET
CLAVDIAE
PRIVATAE MATRI
T. CLAVDIVS AVTIVS
FILIVS OPTVMIS
PARENTIBVS.






TITIVS FECIT.

EE 2

LAOMEDON GENVIT : RAPVIT TIRYNTINVS H. ROS.
MI SOBOLES AIAX EX TELAMONE SATVS.







MATRI DEVM



MARTIA OTACILLA AVG.
D.





*Subiacentia hæc duo videntur in domo
Episcopo Vallæi*






In domo Alberinorum.













L. ANTESTIVS C.N.F. HOR
SARCVLO SALIVS ALBANVS
ANTESTIA L.L. PLVTIA
RVFFIA P.F. TERTIA SOROR
L. ANTESTIVS L.L. QVINCTIO

L. ANTESTIVS L.L. RVFFVS L. ANTISTIVS L.D. THAMIRVS
L. ANTISTIVS L.D. AMTHVS L. ANTISTIVS L.L. PROS. CAPPADOX. S.



L. ANTISTIVS C.F. HORSÆCVLO ANTISTIA
SALIVS ALBANVS IDEN. MAG. SALTORVM L.L. PLVTIA
RVFVS IANTHVS L. IMAGINES DE SVO FECERVNT PATRONO
ET PATRONAE PRO MERITIS.



IMP. CAESARI
DIVI NERVAE F.
NERVAE TRAIANO
AVG. GERMANICO
DACICO PONTIFICI
MAXIMO TRIBVNIC
POT. VIII. IMP. III. COS. V. PP.
TRIBVS XXXV
QVOD LIBERALITATE
OPTIMI PRINCIPIS
COMMODA FABRV METIAM
LOCORVM ADSECTIONE
AMPLIATA SINT.

C. CAEREILIO FVFIDIO
ANNIORAVO C. FIL. OV. F.
POLITIANO SODALI
MARCIANO AVRELIANO
SEVERIANO III. VIREQVTEROM.
TVRMAE PRIMAE QVAESTORI
CANDIDATO

IMP. CAESARIS M. AVRELII
ANTONINI FELICIS PII. AVG.
TRIB. PLEB. CANDI. PR. HAST. AR. GV.
FVFYDII AMICVS ET
CHRISTINAE NVTRITORES

D. M.

AELII TAMYRI
PVERI MISERRIMI
OSSA


MYRINE MATER IN
FELICISSIMA
POSVIT
ET SIBI ET SVIS
POSTERISQ.


STILICONIS NOMEN ABRASVM.

VIRO BIS CONSVLI ORDIRARIO
MAGISTRO VTRIVSQ. MILITIAE
COMITI DOMESTICORVM.
ET STABVLI SACRI ADQVE
AB INEVNTE AETATE
PERGRADVS CLARISSIMAE
MILITIAE AD COLUMEN REGIAE
ADFINITATIS VECTO SOCIO
BELLORVM OMNIUM.
ET VICTORIARVM ADFINI
ETIAM DIVI THEODOSI AVGVSTI
ITEMQVE SOCERO
DOMINI NOSTRI HONORI AVGVSTI
POPVLVS ROMANVS
PRO SINGVLARI EIVS
CIRCA SE AMORE
ADQVE PROVIDENTIA
STATVAM EX AERE ARGENTOQ.
IN ROSTRIS AD MEMORIAM
GLORIAE SEMPITERNAE
CONLOCANDAM DECREVIT



ΑΥΤΟΚΡΑΤΟΡΙ ΚΑΙΣΑΡΙ
ΤΩΙ ΑΔΡΙΑΝΩΙ ΤΟΥ
ΤΡΑΙΑΝΟΥ ΠΑΡΘΙΚΟΥ ΥΙΩΙ ΤΟΥ
ΝΕΡΟΥΑ ΕΚΤΟΝΩΙ ΤΡΙΤΩΙ ΕΛΙΩΙ ΑΔΡΙΑΝΩΙ
ΑΝΤΟΝΕΙΝΩΙ ΣΕΒΑΣΤΩΙ ΕΥΣΕΒΕΙ
ΑΡΧΙΕΡΕΙ ΜΕΓΙΣΤΩΙ ΔΗΜΑΡΧΙΚΗΣ ΕΞΟΥΣΙΑΣ
ΥΠΑΤΩΙ ΤΟ Γ. Π. Π. ΤΩΙ ΕΥΕΡΓΕΤΗ ΚΑΙ
ΣΩΤΗΡΙ ΑΔΡΙΑΝΗΣ ΜΟΥΣΟΥ ΕΣΤΙΑΣ ΤΗΣ
ΚΙΑΙΚΙΑΣ ΙΕΡΑΣ ΚΑΙ ΑΙ ΕΛΕΥΤΕΡΑΣ Κ. ΑΣΥΛΟΥ
ΚΑΙ ΑΥΤΟΝΟΜΟΥ ΚΑΙ ΦΙΛΗΣ ΚΑΙ ΣΥΜΜΑΧΟΥ
ΡΩΜΑΙΩΝ ΗΒΟΥΛΗ ΚΑΙ ΟΔΗΜΟΣ ΔΙΑ ΤΗΣ
ΘΕΙΑΣ ΑΥΤΟΥ ΔΙΚΑΙΟΔΟΣΙΑΣ ΒΕΒΑΙΑ
ΤΗΡΗΣΑΝΤΟΣ ΑΥΤΗ ΤΑΙΣ ΑΡΧΗΣ ΔΙΚΑΙΑ










Calendarium in marmore candidissimo & quadrangulare scriptum. Quod erectum est ad parietem minoris arcae domus Episcopi Vallera.

Pars dextra.


GG. 2

							
MES. MAR.	MES. APR.	MES. MAI.	MES. IUN.	MES. IUL.	MES. AUG.	MES. SEP.	MES. OCT.
DIES XXXI.	DIES XXX.	DIES XXXI.	DIES XXX.	DIES XXXI.	DIES XXXI.	DIES XXX.	DIES XXXI.
NON. SEPTIM.	NON. QUINT.	NON. SEPTIM.	NON. QUINT.	NON. SEPTIM.	NON. QUINT.	NON. SEPTIM.	NON. QUINT.
DIES HOR.	DIES HOR.	DIES HOR.	DIES HOR.	DIES HOR.	DIES HOR.	DIES HOR.	DIES HOR.
XIII. S.	XIII. S.	XIII. S.	XIII. S.	XIII. S.	XIII. S.	XIII. S.	XIII. S.
NOX. HOR.	NOX. HOR.	NOX. HOR.	NOX. HOR.	NOX. HOR.	NOX. HOR.	NOX. HOR.	NOX. HOR.
VIII. S.	VIII. S.	VIII. S.	VIII. S.	VIII. S.	VIII. S.	VIII. S.	VIII. S.
SOL TAVRO.	SOL GEMINIS.	SOL TAVRO.	SOL GEMINIS.	SOL CANCRO.	SOL LEONE.	SOL VIRGO.	SOL LIBRA.
TVTELA.	TVTELA.	TVTELA.	TVTELA.	TVTELA.	TVTELA.	TVTELA.	TVTELA.
APOLLINIS.	MERCURI.	APOLLINIS.	MERCURI.	IOVIS.	CERERIS.	IOVIS.	CERERIS.
SEGETES.	FAENISEG.	SEGETES.	FAENISEG.	MESSES.	PALVS.	MESSES.	PALVS.
BRVNCANTVR.	VINEAE.	BRVNCANTVR.	VINEAE.	HORDEAR.	PARATVR.	HORDEAR.	PARATVR.
OVESTONDENTVR.	OCCANTVR.	OVESTONDENTVR.	OCCANTVR.	APOLLINAR.	MESSES.	APOLLINAR.	MESSES.
LANAE.	SACRVM.	LANAE.	SACRVM.	NEPTVNAL.	FRUMENTI.	NEPTVNAL.	FRUMENTI.
LAVANT.	HERCVLI.	LAVANT.	HERCVLI.		STVPPAE.		STVPPAE.
IVNAN.	DIIS.	IVNAN.	DIIS.		INCENDVNT.		INCENDVNT.
IVRVA.	PENATIB.	IVRVA.	PENATIB.		SACRVM.		SACRVM.
SECAN.		SECAN.			SPES SALVS.		SPES SALVS.
SES.		SES.			DEANAE.		DEANAE.
					VOLCANI.		VOLCANI.


					
					
MES. MES. DIE. DIE. NON. NON. DIE. DIE. XIII. XV. NOX. NOX. X. IX. SOL. SOL. LIB. TIV. VIR. MA. VO. VIN. DO. SAC. VIN. LIB. AR. SCR. PI. LE. LE. AR.	MES. MES. DIE. DIE. NON. NON. DIE. DIE. XVI. XV. NOX. NOX. VIII. IX. SOL. SOL. NIE. VES. SEM. DE. TRI. CH. HO. FAB. SCR. AR. ME. TV. AB. EPI. HE. RO. PI. DE. IO.	MES. SEPT. DIES XXX. NON. QVINT. DIES HOR. XII. S. NOX HOR. XII. S AEQVINOC. III. KAL. OCT. SOL VIRGINI. TVTELA. VOLCANI. DOLIA. PICANTVR. POMA. LEGVNTVR. ARBORVM. ABLAQVEATI EPVLVM. MINERVAE.	MES. OCT. DIES XXXI. NON. SEPTIM. DIES HOR. XI. S. NOX. HOR. XIII. S. SOL. LIBRA. TVTELA. MARTIS. VINDEMIAE. SACRVM. LIBERO	MES. NOV. DIES XXX. NON. QVINT. DIES HOR. VIII. S. NOX HOR. XV. SOL. SCORPIONE. TVTELA. DEANAE. SEMENTES. TRITICARIAE. ET HORDEAR. SCROBATIO. ARBORVM. IOVIS. EPVLVM HEVRIS	MES. DEC DIES XXXI. NON. QVINT. DIES HOR. VIII. S. NOX HOR. XVI. S. SOL SAGITTAR. TVTELA. VESTAE. NIEMIS INT. SIVE TROPAPAE CHIMERVINEE. STERCORAT. FABA SERIT MATERIAS. DECIENTES. OLIVA FOD LEMV SACR C




In palatio Episcopi Vallaci



*Saxum hoc in duas partes est divisum & utrinque eandem habet
formam & inscriptionem*






D.

M.

PETRONIA NICE ET ALCIBIADES
 ALCIBIADI FIL. DULCISIMO ET
 DESIDERATISSIMO CVIVS MORS
 DECEPIT PATREM SVVM QVIVIX. A. XX.
 M. VII. D. XXI. ET IVCVNDAE MATRI EIVS CVM
 QVAVIX. ANN. XXV. ET FELICIAE ALVMN. SVAE
 QVAE V. A. VI. M. V. B. ME. FECER. ET SVIS
 POSTERISQ. EORVM.






AELIAE DIVAE AVG. L. DORIDI ET ATIMETO FECIT MEROPI.




DILS MANIBVS
SACRVM
Q. MINVELVS FELIX.






In domo Episcopi Vallari











ANNEAE PYRAL
LIDI

L. TROPHIMVS
AVG. LIB.
A VESTE ITEM
A LACVNA
LOCVM MONVMENTI
DEDIT.

II. 2

P. DECIMIUS P. L. HEROS MERVLA MEDICVS
CLINICVS CHIRVRGVS OCVLARIVS VI. VIR.

HIC PRO LIBERTATE DEDIT IIS 100.

HIC PRO SEVIRATV IN REMP. DEDIT IIS. ∞ ∞.

HIC IN STATVAS PONENDAS IN AEDem HERCVLIS DEDIT




HIC IN VIAS STERNENDAS IN PVBLICVM DEDIT




HIC PRIDIE QVAM MORTVVS EST RELIQVIT PATRIMONI.





PONTIFICVM
MONITV
VOTO
SVSCEPTO



LIBERO PATRI
HECATAEVUS D.














SPECIAL
Folio

82-B
2114
v.1

